

14385/8/2

C. XVI

17/6

a 1118

Bohn (J.)

De officio medici duplici, clinici ac
forensis

of

107/6

Lepzig 1704



A.B.I.

12/3/09

4 books of



I. N. J.

P R O O E M I U M.



Eritia Medica, sive theoriam, sive praxin, spectes, quæ complectatur, qua methodo & quibus instrumentis comparetur, passim & penes infiniti numeri Commentatores legimus, ut in utraque artis parte illos Medicum apprime instituisse, fatendum, subscribendum nihilominus in hoc sit Rodorico a Castro i. Med. polit. i. eos artis potius tantum præcepta, quam Medici perfecti seu genuini circumstantias, hæcenus prosecutos esse, i. e. de ipsius artificis prudentia generositateque (uno excepto Hippocrate, qui pauca hac de re scripserat) perexiguam, aut fere nullam, mentionem fecerint. Vel si forsan Doctores nonnulli, quos nominatus R. a Castro aut non perspexit, aut post hujus commentarium demum scripsisse constat, ne hoc argumenti genus omnimode neglexerint, sive passim & sparsim voluminibus suis practicis illud inferendo, sive sub peculiarum præceptorum systemate, quod $\pi\epsilon\acute{\rho}\epsilon\varsigma\alpha\sigma\iota\omega$ seu Gubernationem Medici, Hipp. de Medico ait, exponendo, v. g. scil. Jul. Cas. Claudianus de Ingr. ad Infirm. Zacutus Lusit. in Introit. Medic. ad prax. Botallus de munere medici & ægri, Valeriola enarrat. & Loc. comm. I. B. Seidelius de morbis incurabil. Zacchius Quæst. med. legal. Septalius animadvers. & caut. medic. Freitagius Noct. medic. Rejes Elys. camp. quæstion. Bondewyns f. Balduin ventilabr. med. theolog. J. Bernier Essays de Medecine & Primerosiùs de errorib. Vulgi, quibus ex Jctis jungere licebit Vincent. Carrarium de Medico & illius circa agrum officio, Abasver. Fritschium de Medico peccante, ac denique ex Theologis Hieron. Bardum in Medicin. sacr. seu cathol. polit. ac Maximil. Sandeum

deum in Theolog. medica. Meo tamen iudicio aut per brevitatem nimiam Officii Medici delineationem imperfectam reliquerunt, aut prolixitate & farragine casuum minus concinna hoc negotium tædiosum reddiderunt, utraque hac ratione vero occasionem concesserunt, studiosius in illud inquirendi, quam in præsentiarum apprehendere volui.

Ubi mox in primo limine Lectorem præmonere congruum æque ac necessarium mihi videtur, me sub Officii notione in præsentiarum non hoc velle, quod scriptores medici communiter Operam, scopum & Finem medium, seu *Quo*, ajunt, sanationem nempe; neque quod Officium *Valeriola* 1. loc. com. 4. triplex, status sc. f. n. conservatorium, p. n. curatorium & neutralitatis præservatorium ait: sed quod ministerii rationem idem *Valeriola* l. a. Officium seu munus 4. enarr. med. i. e. *quo sc. pro dignitate & ea, quam sustinet, persona gerere debeat*, vocat, & in quali sensu a multis autoribus, v. g. *Hippocrate, Botallo, Carrario &c.* hoc describitur.

Sc. ex vasti operis Hippocratici commentariis illi, qui isagogica, *προλεγόμενα* & *τεχνικά* scripta, sive ex recensione *Erotiani*, sive *Fœsti*, dicuntur, quod artem partim, partim artificem, describant, duo imprimis in Medico genuino postulant, doctrinam nempe, seu peritiā, Artis, & prudentiam seu decorum, quod alias œconomiam circa ægotantem dicunt: quorum prius eum præstat gnarum & artificiosum, alterum fiduciam seu opinionem ipsi penes ægros conciliat. Cujus quidem utriusque connubium in illo adeo necessarium observatur, ut, qui eorum alterutro destitutus Medicinam facere audeat, aut Medici imperiti, agyrtæ, empirici &c. aut imprudentioris, nomine appelletur, vereque dignus sit. Hincque forsā, ut ut, differente *Plinio* 29. *Hist. nat.* 1. nulli magis ac citius, quam Medicum se profitenti, credatur, est tamen in nullo mendacio periculum majus, quamvis illud per blandam illam sperandi dulcedinem, quæ cuique pro se est, haud intueamur; quod ejusmodi homines nostris periculis discant, experimenta per mortes agant, ac animas nostras negotientur, & quales ex illis sunt, a quibus & eorum Medicina, advertente *H. C. Agrippa*, plus periculi, quam ab ipso morbo, est. Imo ejusmodi Pseudo-Medidorum occasione factum, cur in Medicos in universum, seu horum artem,

tem, tot inepta ac injuriosa dicteria atque scommata a diversis fuerint prolata, ut audito vix Medici nomine, avari, malevoli, nequitiosi, mendacis, fraudulentis & gloriabundi hominis nomen plerique mortalium audire sibi persuadeant; & usque adeo quorundam medicorum malitia in omnes, qui artem hanc profitentur, ex communi opinione translata sit, ac a pravis nonnullis artificibus in universam artem vitium transfusum, ut probus quisque & peritus Medicus ex medicorum ordine deleri cupiat: nonnulli etiam hos, tanquam rem perniciosam, republica exturbare maluerint jusserintque. Quibus nihilominus malevolis ac futilibus censoribus cautius loquitur *R. a Castro 1. Med. pol. c. 7.* hunc in modum: *Et esset profecto non saltem aegris, sed totius artis existimationi & fama conducibilis, ut Medicis potius respublica careret, quam ut malos Medicos adhibeat. Ex eodem enim hoc improbitatis fonte in artis ignominiam redundarunt multorum nequissimorum adulteria, veneficiaque sceleratorum quorundam hominum, sub quorum persona Carnifex potius damnari, quam commendari, Medicus, potuisset.*

Quo igitur Medici genuini ac probi a personatis & pravis, viri eruditi ab hystrionibus, discernantur, innuere hoc ipso Commentario conabor, qualem se gerere debeat, qui peritiæ ac honestatis famam anhelat, & medici prudentis munus explere contendit, Clinici pariter, ac Forensis.

Neque enim illis assentiri possum, qui Medici officium in eo tantum consistere putant, quod statum hominis sanum a morbofo discernat, agritudinum naturas & causas evolvat, eventus earum præfagiat, iisque medelam præstet; œconomiam vero illius naturalem intra spheram & motus suos conservet: adeoque Medicinam definiunt per artem, sanitatem hominis integram conservandi & perditam restituendi. Utpote quales arctioribus justo cancellis eam circumscribunt, artifici vero eousque præjudicant, ut de juris sui turbatione iniqua querelas jactet Medicina contra filios, dicam, an genitores, suos, i. e. contra definitionis ejusmodi minus adæquatæ imprudentiores consarcinatores, justissimas. Medicorum munus non in lectulis tantum ægrotantium terminari, sed forum quoque eosdem aliquando moderari, in curiam prodire & reipublicæ

consiliis & decretis suis litare, præter *Langium 3. epist. 6. Vinc. Carra-
rium de Med. & illius offic. Rod. a Castro Med. polit. Codronchium meth.
testific. Fortunat. Fidelem de Relat. medic. Paræum de Renunciat. &
Zacchiam Quest. med. legal.* experientia publica atque quotidiana
docere poterat. Sc. negotia publica & forensia ejusmodi sæpe po-
stulare temperaturam, cujus subsidia ex arte nostra mutuanda, &
quibus componendis seu dirimendis Medicus, si non, ut judex, præ-
sto sit, certe sine hujus judicio Prætorajus dicere aliquando nequeat.
Quibus ita se habentibus *bimembrem* mihi constituere liceat hunc
tractatum, cujus *prior pars Clinicum, posterior Forensem*, instruat Me-
dicum: ille simul complectatur, quæ doctrinam & mores utriusque
spectent communes, ac quibus præparatus demum seu gnarus &
prudens uterque medicum, *non fama & nomine, sed re &
opere inter valde paucos, juxta Hipp. Leg. se venditare
possit.*

P A R S P R I M A

DE

OFFICIO MEDICI CLINICI.

C A P U T I.

De

Doctrina seu Peritia Medici in genere.



Sicut primus Medicinæ conditor & medicorum ^{Doctrina} formator in lege, ^{Medicus o-} *malum thesaurum imperitiam* pus habet.
& infelices opes his ait, qui eam repositam ha-
bent, ita, juxta eundem, de Medico, per præcepta
demum artis artificiosus dicitur quis, i. e. periti-
tiam & scientiam qui ex præceptis hausit. Ad-
discat sc. ac calleat hic cuncta illa, quæ quo-
cunque modo ad artis finem faciunt: sive hoc ^{Quæ Medi-}
 præstent propius & immediate magis, qualia proprie ad ipsam artem ^{co scitu ne-}
 spectant, proprias sc. & domesticas Medicinæ partes, nempe ^{cessaria?} *προφυ-*
λακτικὴν & θεραπευτικὴν; sive ab eadem longius recedant, quæ
προπαιδευτικαὶ vel præcognita, item partes transumptæ, appellantur,
 physiologiam, nempe, pathologiam ac semioticam, ad contemplati-
 varum scientiarum classem, ut philosophiæ naturalis portiones, refe-
 rendas, prout quidem a *Petro Castello Opim. Med. Lindano Manuduct.*
ad Medicin. aliisque recensentur, in quantum ratione & experientia
 suffulciuntur. Ad quas nihilominus cunctas commodius evolvendas ^{Lingua}
 & comprehendendas Linguarum insuper ac Disciplinarum philoso- ^{calleas.}
 phicarum theoreticarum cognitione opus, utpote instrumentorum
 perquam necessariorum. Linguarum Latinæ & Græcæ, pro pri-
 mis artis monumentis seu scaturiginibus commodius scrutandis: ne-
 que tamen harum tantum, sed Gallicæ pariter, Italicæ & Anglicanæ
 aliarumque provinciarum, quas Commentatores in arte ac hujus
 adminiculis explorandis & declarandis præclaros alere novimus; ut-
 pote quibus, hoc ipso imprimis ævo, quo illi pleraque sua sub idio-

mate vernaculo edere cernimus, sine artis majore forsan dispendio, ac olim de lingua græcorum pronunciabat *Vallesius*, carere vix possumus. Cum de hac asserere haud verear, iis, qui artem alios docere minus gestiunt, ejus notitiam hodie non adeo necessariam esse, aut, juxta *P. Castellum*, mediocriter saltem Grajorum literis tinctum, dogmatis medicis apprehendendis & excolendis ideoneum satis existere. Postquam nimirum Hippocratis, Galeni aliorumque Græcorum scripta ab infinitis nunc interpretibus satis evoluta ac declarata volvimus, eorum asserta hinc inde satis dubia, ne dicam falsa, i. e. ratione æque ac experientia nunc maxime concussa constat: nec medicum nosse juvat, quid hic vel ille Priscorum sentiat, quomodo contradicentes conciliandi, sed quæ horum posteriora tempora firment & experientia succedanea suadeat. Pariter de Arabico sermone consilium placet *Caspari Bartholini*, de *Stud. med.* & *P. Castelli de Opt. med.* quo hujus utilitatem medico futuro non adeo magnam pronunciat horum uterque, laudat, non postulat, vel quod illi ex Græcis plurima petierint, horum sensa non semper assecuti fuerint, eorum monumenta typis propriis exscripta rarius extent, artem sub hodierno statu conspicuam nec magis firment, nec dubiam reddant, eorum dogmata.

It. discipli-
nas philo-
sophicas
diversas.

Inter philosophicas disciplinas Scientiam & Historiam naturalem, Pyrotechniam & scientias Mathematicas illas, quas Physices, in quantum ad Medicinam hæc facit, instrumenta novimus, Geometriam, Mechanicam, Phoronomicam, Opticam &c. Medico tyroni commendo: non tantum, quatenus profundiorum rerum naturalium & medicarum cognitionem juvant, sed quod modernorum physicorum plerorumque scripta nec legere, nec intelligere, sine illis liceat.

Peritiam
seu doctri-
nam com-
parabit sibi
autorum
lectione.

Doctrinam autem sicut quamvis, ita medicam imprimis, sibi quis comparabit primo lucubratione ac sedulitate propria, seu evolutione autorum selectiorum frequentiore, quos v. g. *Conringius in introduct. in art. med.* hujusque Scholiastes strenuus, *Celeberrimus nimirum ac Eruditissimus Schelhamerus*, *Job. van der Linden in manu-duct. ad Medicin.* *Petrus Castellus de Opt. Med.* alique recensent, & quales quælibet fere hucusque dies promit: hinc simul ex auditu ac inter-
ternunciis

ternunciis & interpretibus Doctoribus seu Præceptoribus vivis, modo tales, quales idem *Lindanus* precatur, i. e. *doctos ac fideles*, inveniat tyro; qui partim illorum Commentatorum mentes atque sententias dilucidant, partim per observationes & epicrises suas aut confirmant, aut refutant. Quibus tertio accedant operationes ac tentamina anatomica & chymica frequentiora, una cum experimentis physicis, sive manu propria, sive sub magistrorum directorio, administrata. Hæcque est doctrina, institutio & industria, quas duces, qui Medicinæ scientiam sibi vere comparare vult, *Hippocrates* passim suadet. Atque hoc quidem, dum, juxta eum *de arte*, cum magno demum labore & non modico tempore fit, mirari subit aliquoties citatum *Lindanum* l. a. ubi, postquam, pro ingeniorum diversitate tempus definiendum monuerat, paulo post nihilominus tribus quatuorve annis academicum artis nostræ spatium emetiri quem posse, asserit, tempore ad illa, quæ saltem legenda innuerat, minus adequato. Indulgentiorem & artis longitudinē ac difficultatē litantem magis observamus *Job. Rhodium introduct. ad medic.* sexennium ad minimum studio medico concedentem. Quamvis etiam hic audiendus veniat *Hippocrates*, quando *1. aph. 1* vitæ nostræ brevitatē artis longitudinem multum superare ait, hinc in *lege* ejus doctrinam institutione a puero acquiri & tempore demum roborari atque enutrirī innuit, de *Loc. in hom. t. 50.* vero scribit, *Medicinam cito addiscere non est possibile, propterea, quod impossibile sit, statim ac certam doctrinam in ipsa fieri; & in epistola ad Democrit.* Ego ad finem Medicinæ nondum perveni, licet jam senex sim, neque etiam ipsius inventor, *Æsculapius &c.* quatenus his verbis difficultas non tantum in arte condenda & firmanda, sed addiscenda pariter, exprimitur. Adeo quidem, ut quamvis cuncta ejus capita a scriptoribus satis eruta nobis concipiamus, multitudo nihilominus rerum huc pertinentium, maximam partem adhuc reconditarum, tyroni, imo cuivis Medicinæ operam navanti, insuperabilis deprehendatur, qui proin nunquam in industria necessaria languescat.

Et vituperanda practicoꝝ plerorumque desidīa, dicam, an arrogantia, qui vix Doctores, sub & obreptitie, proclamati & Academicam exeuntes, cum hac studia omnimode deferunt, nec, nisi in casibus

Et a vivis
Præceptoribus.

It. ex tentaminibus
anatomicis
ac chymicis.

Tempus
ad medicinum addiscendam
necessarium

Non potest determinari.

Semper discere
allaborat Medicus.

Auctorum
lectio non
negligenda.

sibus difficilioribus forsan, si Diis placet, auctores evolvunt, sibi sufficere rati adversaria nonnulla lacera & inarticulata, aure & calamo satis fugitivo ex ore Doctoris cujusdam excepta, aut nullo hoc viso, vel audito, a commilitone descripta, utraque valde cruda. E quibus pro rei exigentia euporista, ut ajunt, petunt, formulas concinnant & applicant, posthabita omni ratione & circumstantiarum discrimine, quæ penes prudentem & dogmaticum Medicum magni nihilominus momenti sunt. Quales injurii sane existunt in artem, cui colendæ atque exercendæ se dicarunt, ac in ægros, quorum medelam temerario plane ausu in se fuscipiunt: potissimum, si de hac cum aliis peritioribus iis consultandum fuerit, ubi præter experimenta sua, aut mavis aliena, fidei satis sublesta, nihil crepant, morbum, hujus causam & medendi methodum ignorantes.

In magistri
verba non
jurandum.

Pares his, si non peiores, sunt, qui per pietatem nimis credulam seu vesanam, desidiam itidem, fastum ac pertinaciam, Antecessorum & Doctorum suorum institutioni primæ, hinc in prima juventute haustis conceptibus rudioribus & formatis ideis ad maturiorem & decrepitam ætatem inhærent, proin aliorum commentaria legere, secundum horum manuductionem in abstrusiora artis disquirere, de iis sobrie ambigere eademve comprobare renuunt; imo quod non idem secum sentiant, nunquam aliquando visa, aut lecta, sed vel ob novitatem tantum suspecta, cavillando spernunt ac eludunt. Oriundi forsan ex illa *infeliciozum*, juxta *Scaligerum*, *ingeniorum qua mordicus sentiunt, antecessores nostros nihil ignorasse, profapia, & omnipotentia atq; benignitati divina eousq; derogantes, ut post Hippocratem, Galenum, Fernelium, Sennertum*, torpidiora ab illa formata esse ingenia sibi persuadeant: quasi, delirante olim *Phavorino*, nullum judicandi posteris instrumentum idem Numen concesserit, imperfectiores seu mutili nunc creentur homines, auriti tantum, non oculati, agentes semper, nunquam negantes, admirantes, non dubitantes, non ratiocinantes, sed asinos rudentes. Vim sane suo aliorumque ingeniis inferunt ingenia ejusmodi, quæ ad illas angustias medicinam redigunt, ut paucorum commentariorum volumina hujus & eruditionis suæ limites velint, dogmaticorum nihilominus medicorum nomen affectantes. Et non, nisi imprudentiorum empiricorum,

Veterum
lectio non
sufficit.

piricorum, videtur, huic vel illi sectæ se addicere, seu uni alterive Prædecessorum aut primæ institutioni omnem suam devovere peritiam, immemororum nempe illius *Seneca*: *Multa egerunt, qui ante nos fuerunt, sed non peregerunt, multum adhuc restat operis, multumque restabit, neque ulli nato, post mille sæcula, præcidetur occasio, aliquid adhuc adjiciendi.* Item, *Veniet tempus, quo ista, quæ nunc latent, in lucem dies protrahet, & longioris ævi diligentia veniet tempus, quo posterius nostri tam aperta nos nescivisse mirabuntur.* Novi morbi si non fiunt, certe observantur, aliquando aut novæ eorum observantur causæ, aut iidem morbi, in diversis subjectis genium evariando, evariant etiam medendi rationem: fallit memoria, fallit iudicium, nisi consultoribus ejusmodi mutis excitatum ac suffultum; ut taceam, nova adhuc morborum horum illorumve indies deprehendi remedia, hætenus ignota. Per consequens errat, imo peccat, qui præcoci suæ peritiæ eousque fidit, ut autorum quotidianis evolutionibus & studiis concatenatis se non indigere sibi persuadeat.

Firmat denique doctrinam aliunde haustam exercitatio practica, per quam quidem non illam intellectam volo, quam idem v. g. *Lindanus* commendat, & per quam *Medicinæ Candidatus* praxi præparetur, perinde ac miles pugnae per lusoria certamina: nimirum ut casus ægrotantium sibi fingat, ex his, aut ab aliis potius fictis seu observatis, affectus ideam, ætiologiam, subjectum, sin minus evidens, rimetur, hincque progosin & indicationes formet, ac remedia adæquata ex diæteticis, pharmaceuticis ac chirurgicis adaptet, secundum indicantium nempe ac indicatorum diversam habitudinem, & quasi ipsum ægrum in lectulo decumbentem tractet; hæc omnia in charitam conjiciendo & Magistris peritioris & experti magis censuram desuper postulando, quod Exercitia seu tentamina casualia vocant. Sed hanc simul, quam *Sennertus method. disc. medicin. Joh. Rhodius introduct. ad Medic. Jacob. Rosales in armat. medic. Bartholom. Thurnianus Introbul. 3. c. 1. & Petr. Ramus in Orat. pro reformat. Academ. Paris.* tanquam Medicinæ partem alteram, hætenus neglectam, suadent. Quatenus nulla ars, juxta *Aristot. 2. ethic. 1.* & *Thur-* Comple-
mentum
addit exer-
citatio.
Exercita-
tio in quo
consistat. Necessitas
exercita-
tionis. *rian. l. a.*, ut ut ejus præcepta penitius hausta fuerint, sine usu atque exercitatione aliquid laude dignum præstare valet, sed ut in opus

ipsa tota dirigatur, operando demum perfecta evadit, i. e. *quæ didicimus, dum efficitur, discimus*; Perinde ac Musicus canendo, Citharædus citharizando, Orator dicendo, Dux exercitum gubernando, pugnando &c. in arte demum proficiunt, ut hac consummata pollere dicantur: sic Medicus medendi habitum solo exercitio sibi comparat, secus imparatus & anceps ubique hæret. Neque alia datur via, per quam ad praxin medicam partemve Medicinæ curativam rectius pervenitur, nisi, post præcepta hausta, per experientiam: dum, juxta Philosophos, ad cognitionem rerum singularium utilius est, se per experientiam exercere, ut Practici solent; quam mentem applicare: indagationi causarum per scientiam, vel universalium contemplationem, quod Theoretici agunt.

Experientia duplex:

Aliena:

Est enim Experientia duplicis generis, historica seu mutuata, & sensualis magis seu propria: quarum illam a Majoribus & Prædecessoribus acquisitam habemus, a quibus exactissime & quoad singulas circumstantias observata & annotata exempla, sub Historiarum, Observationum, Casuum, Consiliorum, Curationumve titulo enarrantur, ut secundum illos casus nostros metiri & regere queamus ægros; adeoque non initiando solum, sed provectioni quoque & experto magis in arte, valde proficua & necessaria est. Quoniam variorum pathematum horumque medelarum relationes genuinas & accuratiores tradit, ex quibus multorum pariter morborum & casuum rariorum notitiam sibi conciliat uterque: doctior seu peritus magis collatione cum propriis facta observatis experientiam suam confirmat & auget; tyro autem idoneus hinc evadit, ut tuto & audacter, secundum observationes alienas, agat, & suis infirmis illarum phænomena ac remedia applicet. Assiduo proin studio & frequentius Historias & Observationes Medicorum volvere atque revolvere convenit, quo his junior imprimis artifex instructus promptior evadat, & in curationibus suis quasi totidem Archiatros Collegas ac Consultatores habeat: perinde ac ipsum Hippocratem egisse, *Vallesius in comment. de morb. popular. præf.* asserit.

& propria:

Hæc tamen experientia quia ad lucubrationes & lectiones auctorum spectat, propriam potius hujus loci facio, non illam, quam plurium annorum praxi & ex multijugibus demum experimentis propriis.

propriis sibi quilibet comparat, qua quod frequentius v. g. in hoc vel illo affectu prodesse deprehendit, memoriæ ac schedis tradit, quod Empirici veteres *Præceptum artis fidele* appellabant : utpote qualem in Novitio concipere haud datur, sed Veteranorum peculium esse, Non tenta-
tiva. sana ratio dicitur. Neque eam, quam Clinicus junior solus & proprio Marte, seu temerario potius ausu, tentaret, utpote quæ periculo ægrotantium nunquam expers foret, fierentque experimenta, ut *Plinius* loquitur, *per mortes aliorum*, germ. *junge Medici, neue Kirch- hofe*: dum per experientiam artem, quam nondum tenet, addiscere tunc annititur, cum se Medicum jamdum profitetur; atque sic scelestissime fallit miseros, quibus se Medicum exhibet ac obtrudit, artis nimirum adhuc ignarus; de corio & vita humana, quasi re minoris momenti sub cæco fortunæ directorio ludens. Vel similes hi sunt empirico illi Ophthalmico, penes *Freitagium Noct. med. c. 5.* qui, cum non infeliciter acu aliquot suffusione laborantium oculos punxisset, rogatus, quomodo Chirurgiam hanc adeo accurate didicisset, respondit, se, priusquam modum operationem hanc rite perficiendi cognoverit, vel pileum plenum, tentando & experiundo puncturam hanc, oculorum effodisse.

Sed hanc imprimis Filiis artis exercitationem commendo, quæ Sed sub di-
rectione
periti Me-
dici ador-
nanda. in visitandis, sub comitatu & manu ductione Præceptorum & Practicorum experientiæ magis consummata, ægrotantibus consistit: quorum lateribus illi juncti naturæ ac remedium effectus & eventus morborum inter ipsas operas notant, sicque experimenta faciunt, ægro sibi que salubria; sibi relictæ, aut sine Medici peritioris directorio aut nulla, aut minus congrua, imo funesta, unde demum pravus contrahitur habitus, perinde ac in musica & aliis artibus evidentissimum est. Eo ipso quippe dum ars medicatrix latebris sinuosis abdita est, præmonstratore opus habet, qui inexpertum doceat, donec habitu, ut ajunt, judicativo seu discretivo acquisito idem similia sponte promptius intelligat, neque fallax maneat semper experientia propria. Qualis, quo major & maturior evadit, firmitus & perspicacius efficit judicium, possessori quoque suo plus quotidie peritiæ conciliat: unde Medicus, quo senior & expertus magis, eo doctior & ad medendum aptior, dummodo memoria firmiter retineat a se recte experta, censetur.

Tria com-
plectitur
hæc expe-
rientia.

De modo & ratione ejusmodi exercitiorum medicorum penes Autores vix aliquid invenies, nisi quæ *B. Thurrianus* l. a. confuse satis tradit, ad tria tamen forsan capita reduci valent, Operæ nimirum Medici peritioris observationem, studium seu hujus contemplationem, ac denique cum moderamine congruo imitationem : quorum requisitorum si alterutrum defuerit, irrita atque imperfecta erit exercitatio, imo prava ac damnosa. Et per consequens male sibi consulant, qui Medici juniores, sine peritioris consilio ac directorio, medicinam mox facere audent : sed pejus adhuc consulitur ægris, qui talibus inexercitatis utuntur. Quemadmodum legibus pariter publicis cautum est, & in specie *Facultatis Nostræ Statuta* jubent, ut Licentiandus artis, post studia maturiora cum uno pluribusque Doctoribus praxi aliquandiu interfuerit : adstipulante *Perezio ad Tit. C. de Profess. & Medic. n. 21.* qui nec Doctores examinatos & renunciatos in ordinem Medicorum civitatis admitti vult, nisi sub Archiatro quodam experientissimo praxin prius exercuerint.

Experien-
tiæ hujus
occafio
duplex.

Liceat mihi exercitationis hujus occasionem dispecscere in privatam & publicam : ut prior sit, qua Medicus Senior initiandos lectulis infirmorum, privatæ curæ concreditorum, adducit, eos de affectus phaenomenis admonet, causas explicat, remedia indigitat &c. sive per modum quæstionum, seu quacunque methodo hoc agat. Publicam vero concedant Xenodochia publica, in quibus, omni rerum necessariorum instructis autoritate & sumptibus publicis non tantum alantur & curentur tot infirmi, sed Medici horum ordinarii, & inter hos Professores, discentium etiam curam gerant, in horum corona grabatulos illorum visitando, affectus p. n. declarando, de singulis vero cum iis disserendo ; uno verbo, per eorum calamitatem horum studia firmando, sicque privatæ æque ac publicæ saluti prospiciendo.

Nosodo-
chiorum
frequentatio.

Qualis Nosodochiorum frequentatio insimul hoc emolumenti rei Medicæ præstat, ut in iis viscera denatorum morbida scrutari, hincque nosologias genuinas formare liceat, quod Anatomem practicam vocant ; cujus, scribente *Carolo Offredo*, Medico Patavino, in *Epistola ad Bonnetum*, mirandi sunt usus, nec satis extolli queunt, quod ex *Natura* libro colligantur, que errare nequit : dum hoc modo mor-
borum

borum sedes & causas quasi manibus palpare ac oculis discernere da- Anatome
practica.
tur; adeoque eorundem causa sicut evidentior, ita & medela felicior
succedit. Si nimirum, consilio *Varronis*, rationem, non aleam, in
imitatione & experientia sequamur.

Habet quippe hæc Anatome illud adhuc ambiguitatis, ut, Fallit
hæc ali-
quando.
quamvis Professoribus phænomena præternaturalia, quæ affe-
ctus funesti extiterunt genitores, frequentius manifestet, aliquando
nihilominus dubios relinquat eosdem, an illa semper talia, & forsan
non productum morbosum, fuerint, v. g. viscerum dyscrasia & com-
pages seu textura vitiosa colluviei hydropicæ, quam hujus causam
credidisset imprudentior: quale quid in specie de Epatis corruptio-
ne & Polypis, qui in ventriculis & vasis cordis majoribus occurrunt,
Kerckring. Spicil. anat. obs. 77. monet. Cui accedit, quod *Glissonius*
de Rachitid. cap. 2. annotavit, Morbos fere omnes tractu temporis alios
diversi generis sibi adsciscere, ideoque chronicos plerumque ante obitum
esse complicatos. Ne E. putet Lector, quicquid in defunctis corporibus,
ab hoc morbo (Rachitide) extinctis, p. n. reperitur, ad hunc affectum ne-
cessario pertinere, forte etiam magis id alium morbum, huic ante mortem
supervenientem, quam hunc ipsum, respiciat. Et profecto, Anatomici
frequenter in suis observationibus lapsi sunt, dum, quæ ad alium morbum
spectant, alteri, cum quo ante obitum complicatus erat, adscripserunt.
De cætero, præter *Th. Bartholinum anat. pract.* frequentiora testantur
morbis defunctorum extispicia, in uno horum cadavere simul diver-
sa viscera male se habere: ut dubia hinc maneat mens, utri horum
fatalia symptomata sint assignanda. Quemadmodum pariter nec
omnium affectuum p. n. vestigia in cadaveribus oculis evidentia
fiunt, sc. spirituum, humorum & forsan aliquando partium solidarum
quoque, utpote quarum nec posteriorum anomalix semper æque
sensibiles existunt, v. g. observante *Celfo præf. lib. I.* earum color, so-
lilitas, figura, situs, it. pororum ac fibrarum laxitas, strictura, seu ten-
sio, subsidencia, contorsio &c. p. n. Atque hoc quidem ob varias
(annotante *Bonneto præfat. ad Sepulchret.*) quæ, extincto, aut ad inter-
ritum vergente, motu vitali, accidunt in corporibus, mutationes: ut
nihil quicquam stultius asserat idem *Celsus*, quam, quale quid vivo homi-
ne est, tale existimare esse moriente, imo jamdum mortuo. In specie

Nec omnes
morbos
detegit.

huc referre quadrat, quod *Balonius 3. consil. 71.* circa capitis affectus, *Volch. Coiter obs. anat. chir. & Bartholinus L. 4.* de Epilepsia memorant, ab his consumptorum capita vix unquam aliquid commemorabile indagatoribus solertissimis exhibere; in quibus nihilominus incautior aetologus aut abscessum, aut serum pituitosum, vermes, apostema, aut simile quid reperturum iri asseverasset: item quod commotio cerebri haud cruenta, lethalis tamen, autopsia minus pateat. Spem nempe augurantium ipsa inspectio fallit, & eorum fiducia atque expectatio in stuporem vertitur, ac si cum ipsa anima mortis occasio evolasset. Ut taceam denique, ejusmodi interdum in cadaveribus deprehendi interaneorum a statu naturali recessus, de quorum symptomatis vivi nunquam conquerebantur, quosque in iis nec accuratior diagnosi hariolari poterat. Ita memini, me pulmonum, compagem saepius solidiorem justo, glandulosam, item pleurae ac costis enormiter & undique adnatam, vidisse, homine superstiti nunquam tussi, dyspnoea similive thoracico pathemate afflicto, imo ad cursus, cantus similesve motus quam agili, quemadmodum superioribus demum mensibus in puero cachectico & hecticico, qui sine ullis nihilominus pnevmonicis symptomatis obierat, pulmones valde suppuratos me deprehendisse recorder. Calculos frequentius exhibent cadavera illorum, qui vivi nullam unquam dysuriam, ischuriam, lumborum ac inguinum dolorem, nauseam, vomitum similiave pathemata nephritica experiebantur: sicut ex Amici calculosi, quem nephriticum omnes judicabant, in quo tamen nullum unquam per totidem annos, quot diebus admodum symptomatis cruciabatur, calculi vesicae signum, ut ut in hac frequentius inquireretur, comparuit, post diuturnos demum circa lumbos & tandem in inguine dextro cruciatus diros, nullos in regione hypogastrica, defuncti, vesica urinaria praeter lapides renales diversae molis, calculum ponderis aliquot unciarum protraxi.

Quidam
mo. bi-
scerum
non sem-
per per
sympto-
mata se
manife-
stant.

Exercita-
tiones e-
jusmodi
ferre de-
bet nostra
Germania.

Ast in Germania, imprimis Saxonia nostra, exercitamenta ejusmodi pernecessaria Philiatris inani forsitan conatu suadere videor: ubi profecto difficiles admodum sunt decumbentes in admittendis cum Medico ordinario discendi cupidos, *wissen nicht an sich lernen lassen*: neque ulli Medicorum clinicorum, majoris quamvis autori-

tatis ac fiducia, suavor essem, ut pedissequos hujus causâ adduceret tyrones, & cum his ejusmodi, publico licet maxime proficua, circa ægros institueret tentamina. Multo minus nobis & nostris patent Nosocomia publica, quæ visendis agris & defunctorum extispicio occasionem præstent: neque talis forsan unquam in Germaniæ civitatibus speranda erit, si Viennam, Hamburgum & Argentoratum excipias, populosioribus & instructissimis Xenodochiis, gaudentes, quorum alumni vivi praxeos, mortui anatomes, exercitio, moderantibus Medicis singularis peritiei, quotidie subjiciuntur.

Abundant & luxuriant vero his Belgium, Gallia, Anglia, Italia, ^{Hinc Me-} magnis sumptibus & splendidior apparatu extructis & enutritis, v. g. ^{dico junio-} Luteriæ Parisiorum, Lugduni Gallorum & Batavorum, quorum Lei- ^{ri peregrina-} dense *Kyperus meth. disc. & exerc. med.* non injuste pluribus aliis præ- ^{natione} fert, Ultrajecti ad Rhenum, Paduæ, Florentiæ, Romæ, miserorum ^{opus.} infinitorum perinde salutis, ac artis Medicæ incremento, sacrata. Adeo ut, si vel aliquid ad peregrinationes Philiatros urgeat, hæc nostrarum Civitatum & Academiarum penuria sit, quam exteri largius compensant. Imo tantum indulget Professoribus v. g. Patavinis horumque Consiliariis, auctoritas publica, ut ex Nosodochiis non modo publicis, sed ædibus quoque privatis, minorum nempe gentium, ipsarum sectionum adornandarum gratia, petere liceat defunctorum exuvias: quamvis armata demum ut plurimum manu hæc spolia reportent. Hafniæ parem oportunitatem quondam, venia superiorum, captare annitebatur *Th. Bartholinus*, quam nihilominus postmodum, anicularum diris & imprecationibus deterritus, negligebat idem. Nos publica æque concessione, ac privatorum conniventia, destituimur, & rarissime demum nobis, pro morbis reconditis horumque causis indagandis, aperiendi corpora copia fit: E. nec hanc nostris penes nos avtopsiâ promittere valemus Philiatris; hinc ut aliunde Exercitationem practicam æque ac anatomico-præcticam sibi conquirant, suademus.

Guido Patin lettre 46. equidem, simplicitati gentis innocuæ illudens Germanos peculiari affectus p. n. genere laborare ait, quem ^{Peregrina-} *Peregrinomaniâ* appellat, quoq; extra patriam curiosius, quam fru- ^{tionem Me-} ctuosius, ferantur illi: & profecto non sine ratione, quam præter me ^{dicorum} ^{nonnulli} ^{suspectas} ^{reddunt.} norunt.

norunt prudentiores, quique peregrinationibus suis olim factis non adeo abblandiuntur, & de multis paradoxis, sive veris, sive fictis, in his visis atque observatis, garrula lingua, gloriantur, nugantur. Verum denegata illa in patrio circulo Exercitatio medica maxime urget exteras gentes, ubi hæc conceditur, adire atque lustrare, i.e. aliunde petere, quod nostra non fert tellus. Ac dum *Wigandus de Philiatr. German. Itiner. Dissert. 1.* Praxin Medicam exterorum inter alia suspectam reddere satagit his verbis: *Sed demus, has ad praxin manu- ductiones florere hodiernum apud exteros, demus, famosos practicos, magna caterva discipulorum stipatos, frequentare agros, dictare casus, communicare methodum & formulas; nego tamen & pernego, augeri inde & promoveri Philiatrorum Germanorum commodum & profectus, sed impediri ajo, confundi, turbari, corrumpi. Sc. ubi peregrina metho- do assueti juvenes domum redeunt, quid frequentius est, ut ea metho-*

Vindicun-
tur.

puto, superari facile posse a filio artis erudito (rudiores & per studia solidiora minus præparatos eximo) hanc difficultatem, modo secundum regulas artis subjectorum diversitatem similesque circumstantias attendat, & extra patriam observata concivibus suis applicare, vel non applicare, moderari &c. discernat. Imprimis cum non tantum de remediis ut talibus inveniendis, non de indicationibus formandis, sed de modo etiam visitandi ac tractandi agros, potissimum hic sermo sit. Ut taceam, nec quævis exotica remedia nostratibus non æque quadrare, v.g. Sanguinis missiones Gallis frequentes atque salutares, trepanationem calvariæ &c. de quorum posteriore ut ut asserere non vereatur *idem scriptor, se nunquam trepanum in Germania vidisse non infaustum.* Largior nempe, Germanos & multo magis Boreales gentes, non adeo frequentes ac largas ferre venæ sectiones, imprimis tenerioris adhuc ætatis: experientia tamen (modo huic non prævaleat præjudicium) edocemur, nec pueros puellasve nostrates ab hoc remedio generoso omnimode esse excludendos; & meticulositatem nostram in mittendo sanguine si Gallorum temeritate temperemus, forsân hinc inde affectuum graviorum certior obtingeret medela. Ut vel Alsatorum ac Helvetiorum mos, quo quotannis aliquoties, ac præservationis tantum gratia, ultra libram

unam

unam ac duas sibi detrahi curant sanguinem, sine ullo virium notabili dispendio, testatur. Et hoc ipso, dum, secundum eundem Auctorem in nostra Germania non una ubique methodus curandi obtineri valet, evincitur, hanc & medendi instrumenta a sagaciore, pro diversitate soli, atmosphæræ, victus, idiosyncrasiæ &c. commode mutari posse: nisi ideo, Hippocratis, Galeni aliorumque, sive Græcorum, sive Barbarorum dogmata & in hæc Scholiastes atque Commentatores Italos, Gallos &c. quoque e scholis & praxi nostra exterminare velimus, quod Græciæ, Latii, Galliæ &c. incolis præprimis videantur confarcinata; ut mittam illa, quibus *in dissert. 2 & 3* idem Auctor prolixius solvit & declinat dubia, a se aliisque contra Philiatrorum nostrorum itinera mota.

Nimirum jubet in *Lege Hippocrates*, ut, qui Medicinæ scientiam sibi vere comparare velit, locum ad disciplinam accommodet: qualis nihilominus alibi quoque, imo interdum magis, ac in patria, panditur, sc. ut, advertente *Bartholino de peregrin. med.* varietas ægrorum faciliorque horum inspectio habeatur. Sicut idem Hippocrates de Medico, illum, qui vulnorum chirurgiæ exactam peritiam considerat, castra militum sequi suadet, sic enim exercitatum fieri eum posse ad ejusmodi usum ac necessitatem: qualem scientiam hoc tempore ex Italia, Gallia, Belgiove potissimum mutantur nostrates; hincque nec Modioli applicationem similesve Chirurgias in Germanis adeo infaustas experiuntur, ac *Wigandus* ille asseribat. Imo *Hippocrates per-* ipsum *Hippocratem*, perhibent, *amore medicinæ per diversas civitates, tes per-* provincias & singulas regiones proficiscentem experimenta collegisse: *egrinatus.* quemadmodum secundum *Soranum* ideo etiam functis vita parentibus eum patriam reliquisse fertur, quo nimirum rei medicæ effectus & *successum per multos locos cognosceret, & in his variis modis exerceretur.* Et quod velato capite pingatur, post alias rationes signum peregrinationis amantis hoc ajunt. Sicut denique peregrinationis necessitatem *Galenus* in libello, *quod optimus medic. sit philosoph.* asserit, quo nimirum ex illa ultimum perfectionis gradum quis assequatur: quippe non omnis fert omnia tellus, nec omnes præclaros Medicos unus locus vel provincia tenet, sed hic locorum excellens Chymicus, alibi accuratior Anatomicus, peritior Practicus vel Operator, inveniuntur.

CAPUT II.

De Fortuna Medici.

Argumento huic communis traditio vanaque omnimode persuasio, qua peritiam non solam medicum formare, sed fortunam simul in hoc requiri, quæ tanquam *χρὴς πρακτικῆς*, doctrinam vel in medendo suffulciat, vel etiam citra hanc eundem ad hoc negotium idoneum præstet, non rudis tantum plebs, sed Medici quoque imperitiores asserunt, occasionem præbet. Atque hi quidem, quos vel avaritia, vel ambitio ad ineptias ejusmodi abripit, commento huic vel ideo promptius subscribunt, quo vulgo persuadeant, se tales albæ gallinæ filios esse, cæteros agris sanitatem desideratam præstare non posse, suorum plerosque reconvalescere, nullos, aut paucos, obire, & quæ hujus generis plures sunt jactantiæ, nugæ, quibus proniorem præ aliis apud vulgus opinionem captare fatagunt. Illa vero rerum momenta non, nisi ex effectu, aut potius promissis ejusmodi magniloquorum, dijudicans, fortunæ favore destitutos, quicquid demum in agritudinum medela secundum artis regulas moliantur, frustra agere, infelicem quoque existere ægri conditionem, qui curæ medici minus fortunati se exponat, strenue garrit. Ad experientiam provocans, quasi hæc offendatur mille testis multorum artis medendi minus solide gnarorum seu agyrtarum, qui successu satis exoptato & felici, imò præ doctioribus feliciore, medicinam facerent; ac ideo quoque illorum fortunæ præ his, si morbis corripuntur, se suamque fortunam & valetudinem confidere malunt. Quorum nonnulli fortuna hac, sibi a populo imprudentiore ac superstitioso nuncupata, suffulti dexteritati suæ fatali eousque ad blandiuntur, ut noverim, qui horoscopo certo suam in medendo felicitatem seu aleam medicam in acceptis referant, hinc sibi connatam ac individualement credant; meminerim tamen simul, unum ex his, qui astralem ejusmodi influxum gloriabatur, in sui ipsiusmet medela non adeo felicem extitisse, & ante maturiorem ætatem fatis cessisse. Seduxerant sine dubio hos Fortunatos *Ptolomæi, Manfredi, Ranzovii*, Autoris, *Cæli enarrant*, similiumque deliramenta astrologica,

Fortunam
in Medico
multi po-
stulant.

Hinc con-
stellatio-
nem tem-
pore nati-
vitatæ cer-
tam.

gica,

gica, illum felicem ac fortunatum medicum evasurum fabulantia, in
cujus primo ortu Mars & Venus, aut Venus ac Mercurius, corporaliter,
ut loquuntur, seu benevolo adspectu, conjunguntur, vel cui nascen-
tenti Mars & Venus in sexta domo affulserint. Neque fabula hæc
adeo recens, sed primis quoque ævis & artis mox incunabulis jamdum
acta deprehenditur, dum *primum hujus Parentem de Loc. in homine* Negat
contra hoc ruditatis tegmen strenue pugnare & fortunam Medici nil, hanc for-
nisi ejus peritiam, asserere, legimus. tunam
Hippocr.

Argumenta ejus hæc sunt, quod primo constans & firma sit Me-
dicina, hinc doctrina ejus, præceptis immutabilibus suffulta, fortuna
non egeat: deinde fortuna sui juris & nullius imperio sublit, dum
scientia seu ars imperata facere cogitur, quam feliciter assequatur,
qui secundum eam agat, aut qui sciens illa utatur. Quod vero Me-
dicinæ fortuna haud opus sit, hinc tertio evincit, quod remedium,
si non omnium, certe multorum, vires manifestæ sint, v. g. purgan-
tes, sudoriferæ, anodynæ &c. hinc ad sanandos morbos & effectus
suos præstandos non expectent vel desiderent fortunam aut quod-
cunque extra se tale. Aut quarto, si cum fortuna eadem exhibere
prosit, non magis remedia adæquata, quam minus talia, seu virtute
medicatrice omnium destituta, vel aliena & intentioni medentis
contraria potestate gaudentia, homines sanent. Ac tandem con-
cludit: *mibi soli hi fortunate assequi, itemque infortunati non assequi,*
videntur, qui recte quid & male facere sciunt. Fortunate enim assequi
est, recte facere, hoc autem qui sciunt, faciunt: non assequi autem hoc
est, si quid non sciat, hoc non recte faciat. Indoctus autem qui est, quo-
modo fortunate assequi possit? Si quidem etiam assequatur, non me-
morabilem sane successum habebit. Qui enim non recte quid facit,
non fortunate assequi poterit, cum reliqua, quæ æquum est facere, non
faciat.

Quibus gentilis nominati argumentis sequentia subnectere de-
cet, quod quinto aleatores ejusmodi & histriones cristati injurii sint
in ipsum summi Archiatri Majestatem, utpote quæ ejusve Provi-
dencia sola, quæ ubique, hinc circa ægros pariter, fiunt, moderatur
ac perficit, sanat & non sanat. Quorum effectuum causæ secundæ si
evidentes fuerint, in iis mens humana acquiescit; sin lateant & oc-
cultæ

cultæ magis, tunc, gentili prorsus more ac modo, fortunam tanquam boni & mali productricem, eadem veneratur aut criminatur, derogans divinæ potentix, quod solius Numinis veri ac unici est. Dum contra Medicus pius ac prudens causam illam supremam nunquam a conatibus suis alienam cupit, sed benedictionem, consilium auxiliumque in artis suæ operibus seu morborum medela implorat atque sperat. Quod idem æger petit, ut, qui Medicinam de terra creavit, & a quo omnis salus, remediis applicandis virtutem adspiret: quippe quem hic servare abnuat, in eo sanando frustraneus erit medici peritissimi ac solertissimi labor, sub nutu vero divino medicus pariter ac æger fortunatus ac felix erit dicendus, per mutuam sc. sui utrinque felicitatem.

Fortunam
irrident
Philoso-
phi.

Et si, quales saniores Philosophi, quamvis ethnici, de Fortuna sibi conceptus fecerint, evolvamus, *Galenus* & *Tullius* illam talem pinxerunt sc. mulierem &c. ut ex hac pictura eam nihil aliud, quam ignorantiam & inconstantiam esse, constet, i. e. fortuna ejusmodi rebus ac personis tantum insit, ubi nec mens ulla, nec ratio, existit. Aliis Lunæ mutabili, inconstanti, crescenti ac decrescendi comparatur, Poëtæ filiam Oceani eam, ob eandem sui inconstantiam, finxerunt: juxta *Aristotelem* est sine oculis, sine judicio, & sine prudentia, seu, ut clarius se explicat, *ubi mens plurima, ibi fortuna minima, ubi plurima fortuna, ibi mens perexigua*: *Chilon* imperitum oculistam eam pronunciat, qui plures excœcaret, paucioribus longe visum restituit: quemadmodum *Plutarchus* similem eam pronunciat illis injustis certaminum gymnasticorum judicibus, qui illos sæpius coronant, qui minus hoc demereantur.

Deus non
immediate
agit.

Haud igitur figmento huic gentilium ancipiti & fallaci, quod eorum plerique ipsimet rident & ludibrio habent, sed Numini divino, quod solum superna ac inferna gubernatur & temperat, cui sanior obtigit ratio, se mancipat: quamvis nec hoc immediate operetur, i. e. non cujusvis imperitioris medici consilia & remedia ad salutem ægrorum dirigat. Creavit siquidem non minus Medicum, ac medicamenta, adeoque hæc non cassa, illum non eruditum & temerarium, sed quem per *Syracidem* honorare jubet, & cujus caput per eruditionem atque probitatem suam exaltari & in conspectum Magnatum

gnatum collocari ait. Hinc remediis non ineptis, non frivolis ac intempestive applicatis, sed quæ morbo adæquata, secundum artis regulas & secundum sanam rationem administrantur, demum benedicit, ex pacto nimirum, quod per gratiam suam immensam cum natura, a se constituta, Deus iniverat. Adeo ut si imperite medentis labori temerario adspiraret, i. e. irrita ac incongrua remedia, præter ordinem naturæ, a se in prima creatione decretum, per immediatam seu extraordinariam benedictionem ad salubritatem decumbentis dirigeret, miraculum hoc foret: quale quamvis idem, notante *Primerossio*, pro voluntate sua omnipotente facere possit, non solet tamen, nisi raro admodum, hoc agere; nec quod omnipotentia divina opus, fortunæ miseræ ac vanæ hujus vel illius medicastri opus de prædicari poterit. Temeritatis potius foret, extraordinariæ ejusmodi directioni se suosque committere, ac Deum tentaret, qui artis præceptis neglectis ejusmodi superstitioni inniteretur.

Accedit sexto, quod fortuna vulgi, quia hujus fundamentum lubricum, rarissime finis sui compos fiat; dum contra per artem medicam, si non semper, frequentius tamen eum assequimur: i. e. moriente *Hippocrate de vet. medic. quamvis non habeat circa omnia certitudinem exactam, propinqua nihilominus sit recto, simulque ratione possit ad ipsum pervenire.* Item septimo, quod quæ per fortunam fiunt, ratione destituuntur & nullis mediis ad finem ordinentur: Medicina vero, Ars omnium præstantissima, mediis & regulis certis utatur, tanquam habitus cum certa ratione factivus, hinc fortunæ cæcæ ac imprudentiori se suaque negotia committere nequit.

Non fortuna, sed ars, operatur.

Fortuna effectus ratione destituuntur.

Casu equidem & per propitiam, ut ajunt, fortunam magis, quam consilio & industria sagaciore, diversa arti nostræ obtigisse augmenta, sc. præter anatomica & chymica, remedia pharmaceutica & chirurgica, quæ lepram carne viperina sanari, bufonum pulvere urinam largissime cieri, sicque asciticos levare, *Galenus, Solenander & Petrus* perhibent; ac operationum quorundam manualium, v.g. tracheotomiæ, paracenteseos thoracis atque abdominis præmonstratricem sortem temerariam extitisse, *Albucasis, Paræus, Jacotius, Amatus Lusitanus, Valeriolus, M. Donatus, Benivenius, Pigeus, Fienus &c.* testatum faciunt, quemadmodum pariter Prædecessores suos, qui ar-

Medicinæ incrementa a fortuna.

teriotomiam renuebant, Medici cujusdam, qui loco venæ arteriam præciderat, imperitia, redarguit *Galenus*, & materiam medicam quotidie fato accrescere, palam est. Ita ut nova invenire, non artis semper, sed aliquando fortunæ, opus observetur: quarum hanc illa tamen provocat, ut propitiam eam frequentius experiantur mortales.

Ad mor-
borum sa-
nationem
aliquando
fortuna
concurrit.

Neque omnino inficiari licet, ad ipsam morborum medelam fortunam seu sortem aliquid aliquando conferre, ita ut multos, quos ars non sanat, fortunam &, ni fallor, temeritatem sanare, hinc inde obvium fiat: i. e. phænomena etiam plane fortuita & omnino casualia interdum vel artem juvare, vel ipsi succenturiari, in affectibus satis deploratis. Nempe ubi causæ evidentes mere accidentariæ & sine consilii directorio agentes, modo sine necessaria sui cum effectu connexionione, modo cum tali, sub *ἐντροχίας* nomine, sanitatem attulerint, perinde ac *ἀντροχίας* valetudinem varie lædere constat. Dum v. g. fortuitam abdominis perforationem asciticos ab inundatione aquarum liberasse, *M. Donatus* 4. c. 22. *Rouset. de partu cas.* p. 44. & *Rhodius* 3. obs. 12 referunt: & dum hydropicis moderamen ac abstinentiam a potu multum prodesse, Practicorum consensus testatur, quosdam nihilominus horum ab uberiore potulentorum ingurgitatione sanitatem recuperasse, *Schenckius* obs. p. 437. *Dodoneus* obs. p. 117. *Panarolus* pent. 2. obs. 24. & *Pecklin* 1. obs. 63. annotarunt. Phreneticos ab imprudente olei potu, hincque exorto alvi fluore, it. per præcipitium ab alto & in fluentem restitutos narrant *Panarolus* 1. obs. 40. & *Paræus* introduct. ad *Chir.* c. 23. Vertiginem chronicam & nullis hætenus remediis cedentem hæmorrhagia profusa ex lapsu de scala discussam fuisse, commemorat *Fr. Lossius* 1. obs. 8. Ex largiore sanguinis profusione præter modum refrigeratos calorem pristinum per iræ excandescentiam recepisse, *Mæbius* inst. 4. part. 2. c. 8 refert: a qua pariter paralytico motum, penes *Valeriolam* 2. obs. 4. & muto loquelam, restitutam penes *Bartholin.* actor. *Hafn.* vol. 1. c. 21 legimus: ut taceam, quæ de terrore, arthriticos & quartanæ paroxysmos tollente passim observantur. De qualibus similibusque medelis *Celsus* ait: quos ratio non sanat, temeritas aliquando juvat.

Evidentior hæc fortunæ, ut ajunt, vis deprehenditur in affectibus,

bus, Chirurgiæ operam postulantibus, quales nonnunquam deplora- Imprimis
vulnerum.
tos & maxime lethales, miraculose potius, quam artificiose, i. e. casu
& divino favore extraordinario magis, quam Chirurgi manu, cum
omnium stupore, sanari, quotidie observamus, v. g. capitis percus-
siones graviores, cerebri compagem profundius & ad ventriculos us-
que lacerantes, qualium exempla ex *Galeno 8. de usu part. 1. & in Hip-
pocr. 6. aph. 13. Theodorico chir. 2. c. 2. Brussavola in 6. aph. 18. Fallopio
de curat. vuln. 6. 45. Ant. Musa, H. Augenio, Berengario, Arceo, Glandorpio &c.* item pulmonum vulnera, quæ parum spei alebant, conso-
lidata nihilominus penes *Platerum obs. p. 735. & 736. Valeriolam 4. obs.
10. Glandorpium specul. chir. obs. 24. Forestum 6. obs. chir. 4. Pechlinum
hist. vuln. thorac. Scultet. arm. obs. 43. Tulpium 2. obs. 17.* aliosque plu-
res legere licet. Egoque in juvene generosioris prosapiæ, cujus tho-
rax sub papilla sinistra gladio ita transfossus, ut ejusdem lateris os ho-
moplatae penetraret, sanguis spumofus cum sibilo per vulnus anti-
cum prodiret, cruenta expueret cum dierum aliquot suffocationis
metu; it. in juvencula villica, globulis minoribus multis, *Hasen-
Schrot / sclopeto* elisis, latus thoracis dextrum ad homoplatam
usque hinc inde perforantibus, graviter fauciata, testari possem, utris-
que feliciter reconvalescentibus, & nunc quam commode degenti-
bus. Imo pluribus hujus vel alterius generis casibus morborum for-
tuitas maxime medelas comprobare liceret, nisi prolixitatem plus
quam necessariam metuerem.

Illud tantum impræsentiarum annotasse juvabit, fortunam in Nunquam
tamen for-
tuna sola
sufficit.
curandis morbis, quibus aliquid præstat, nunquam forsan solitariam
deprehendi, sed aut artem, juxta *Hippocr. 6. epid. 5. t. 5*, aut naturam,
seu corporis morborum motus intrinsecos seu tendentias ad statum na-
turalem, a. utramque, adjutrices sibi sociare, adeoque solitariam nun-
quam forsan in paradoxis ejusmodi producendis sufficere, ut vel plu-
rium recensitarum historiarum & similium circumstantiæ docere
poterunt. Ita v. g. trachææ cartilaginum vulnera, insanabilia ut Tracheæ
vulnera sa-
nata.
plurimum, mediante futura, modo cruenta, modo per glutinum, ali-
quando coaluisse, *Petr. von der Stille chir. part. 1. tr. 4. c. 14. Paræus
9. c. 29. Tulpus 1. obs. 50. Th. Bartholinus cent. 5. hist. 89.* perhibent.
Quibus accenso observationem, ante novennium circiter mihi ex
vicinia.

vicinia transcriptam, de profunde satis præciso larynge & portione quadam pharyngis, forte satis propitia intra paucas septimanas coalescentibus, adjuta a futura integumentorum duntaxat externorum, cum profundiorē trachææ & œsophago admoveere non auderet

Vesicæ vul-
nus sana-
tum.

Balneator levioris peritiæ. Quo etiam spectat vesicæ urinariæ fundi vulneris, alias minus consolidabilis & lethalis crediti, coalescentia fortuita, quam aliquando experimur, & in Studioſo Holsato olim observavi, postquam turundam, Chirurgis alias solennem, extrahere per artis regulam jusseram: ut prolixius *de lethal. vuln. cap. de abdom. vuln. lethal.* enarravi. Liceat mihi his annectere, quod in cadavere cujusdam, ex venæ iliacæ internæ vulnere decimo tertio demum die

Vulnera
vasorum
tardius le-
thalia.

defuncti olim annotavi, sc. huic particulam pinguedinis, vicino peritonæo intertextæ, & gladio percutientis simul laceratæ ac quasi avulsæ, casu intrusam seu incuneatam, sine dubio terminum vitæ, ejusmodi vasorum majorum plagis ordinariè angustum satis, prolongasse. Cui parallelum, si non conspectius videtur, quod *Ephemerid. Nat. Cur. dec. II. ann. 2. obs. 161* tradunt de vulnere arteriæ cruralis, cujus hæmorrhagia lethalis ad decimum quartum usque diem a gru-

Hydropici
a potu u-
beriore
reconvale-
scentes.

moso obturaculo cohibebatur. Sicut pariter, quæ de hydropicis avidiore potulentorum haustu restitutis, superius ex *Dodonæo, Panarolo, Schenercio ac Pechlino*, adduxi, non sine naturæ vegetioris ac solertioris conspiratione contigisse patet: a potu uberiore sc. stimulatæ, & per rupturam umbilici, diarrhœam ac hæmorrhoidum fluorem causam morbi conjunctam excernentis.

Casu quæ
sunt me-
dico non
sunt ad-
scribenda.

Et sic infiniti adhuc suppetere casus ac successuum modi, a quibus desperatis morbis advenit salus, quam nihilominus vel Medicus adstans sibi met sui que peritiæ ac fortunæ tribuit, vel alii huic in acceptis referunt, utrumque inepte atque inique: dum nimirum illi occasio eousque favet, ut natura vires suas conferente, leviora præsidia desideratos excipiat eventus; adeo ut *Hippocrates* non sine ratione præcipitem seu fortuitam occasionem attendere hinc inde jusserit. Quoniam nihilominus eventus ejusmodi illis rebus sunt accensendi, quæ per accidens, non consilio, fiunt, & tales ægros non Medicus, sed casus, sanat, i. e. accidentia seu phænomena hæc nullatenus ab officio Medici & directorio methodi dependent: hujus dexte-

dexteritati & fortunæ, utpote qui secundum rationem, a fortuitis alienam, i. e. artem, operatur, minime tribui poterant.

In gratiam verò illorum Capitonum, qui ex reconvalescentiis suorum fortuitis fortunam sibi magis propitiam persuadent & peritiores aliis se judicant, meminisse quadrat ex *Bernier Effais de Medicine* Historia ægri casu sanati. *part. 2. c. 15.* Medici cujusdam Hispani, intempestive gloriosi, & fortuitam infirmi sui reconvalescentiam sibi suæq; peritiæ inconsiderate adscribentis. Hic super mulam equitando subintrarat ædes, ubi desperatissima & suffocationem minitante pectoris vomica quis decumbibat, jumento descendens hoc in aula, prope ægrotantis cameram, more sibi consueto, alligat, eum mox visurus: dum ex improvviso ad alium agonizantem in altiore domus partem evocatur, quem primo visitat. Asina interim laxius justo firmata habenam & vincula rumpit ac hinc inde decurrens cubile suppurati irruit, in hoc strepitus non exiles parat, lectulum miseri appropinquat, & quem inibi observat, naribus & ore suo inhalat & eousque laceffit ac angit, donec hic, extorpore & languore graviore excitatus & a conspectu bestię inopinæ consternatus valde, avertere pro viribus conatur blanditias illius sibi suspectas. Quales angores & motus, a conatibus naturæ adjuti, abscessum, ægrum pariter & Medicum latentem, rumpunt, ac ejus saniem ad ultimum usque spiritum hætenus opprimentem, *ἀνω καὶ κάτω* exturbant. Medicus ex superiore ædium parte descendens mulam in area relictam quærit, & in camera dicti ægri præter opinionem invenit, nemine hominum animalis ingressum attendente. Infirmum hinc intuetur, ejus pulsum explorat, quem robustiorem, simul tamen frequentiore, deprehendit, hominemque, prognostico tantum non relictum reviviscere, obstupescit: infirmus vero, medicum suæ medelæ & quod ultimo propinaverat remedio abblandiri, huicque sui reconvalescentiam arrogare animadvertens, eum ita alloquitur: Nec tu, Domine Doctor, nec pharmacum tuum, eam mihi præstiterunt, sed mula tua: cujus bestię vastioris & sagacioris intuitu cum exilior tantum mula tu mihi videaris, in posterum, si forsan denuo me morbo corripere contigerit, non tuæ, sed asinæ hujus, medelæ me committam.

Unde equidem apparet, sortem ægri & mutationes morborum

Medela rum diversas a causis externis & fortuitis dependere, minime ta-
morbora men hinc inferendum, sorti ejusmodi temerariae se suosque Medicum
fortuna committere debere, sed artis potius regulas opportune applicando
haud com- agere. Postquam octavo adhuc urget, quod eo ipso, dum Fortunam
mittenda. per ejusmodi causam, quae vi clancularia, praeter intentionem consi-
Fortuna liumque, agentem agere impellat, describunt, non appareat, qua-
ae mor. ratione Medicus, qui pro scopo sanitatem habet, hanc assequatur:
bo ac sani- dum fortuna actionem ad finem determinatum haud juvet, sed ad
tati con- aliud quid, praeter scopum praefixum, sc. non tam sanitatem, quam
feret, morbum forte, hujusve incrementum praestet.

Fortunatus
medicus
quis?

Ex quibus cunctis concludere licet, cum infinitis, mentis per-
 spicacioris, scriptoribus, stolidam ac vesanam maxime hanc de for-
 tuna Medici esse haeresin, solumque hunc fortunatum censendum,
 qui genuinus artifex, seu in arte peritus, ac qui secundum hujus prae-
 cepta & secundum sanam rationem agit; ita quoq; ut quamvis eventus
 voto non semper respondeat, infortunati tamen, multo minus impe-
 riti, nomen haud mereatur, cum, juxta Hipp. 1. progn. 3, *sanos facere omnes*
agrotos, ob diversa impedimenta, impossibile sit. rudes vero fortuna nun-
 quam potiantur, dum semper inscite, male ac temerarie operantur.

Plebis opi-
nio non
reddit
eruditum.

Equidem vulgi praepudicium tantae saepe autoritatis observatur,
 ut prolixior ejus applausus vel solus felicem reddat medicum, famam
 ipsi conciliando, quasi pra multis magis dextre & salubrius medeatur,
 juxta illud: *Opinio facit Medicum*: Nemo tamen salubrioris mentis
 sibi persuadebit, hunc plebis favorem seu ignorantiam ulli plus eru-
 ditionis atque dexteritatis, quam possidet, discernere posse, utpote,
 quae, juxta Hippocr. effatum *illos pro medicis habet, qui non sunt*; &
 aliud est dici seu haberi, aliud esse seu mereri. Postquam imprimis
 adeo stupido affectu nonnullos in suos, quos praecipitanter satis ali-
 quando sibi elegerunt, medicos ferri deprehendimus, ut, quamvis hos
 vix semper feliciter agere eorumque agros, perinde ac aliorum, mor-
 tales observent, nec sine evidentioribus erroribus hi agant: malint ni-
 hilominus eos aestimare ac commendare, & horum errores occultare
 atq; delinire, quam, se in peritia illorum aestimanda errasse, profiteri,
 ne Hippocratis sententia vapulent, seu ignorantiae vulgi ab hoc accu-
 sentur. Felicitati cedit medico multorum agrorum confidentia &
 con-

confluxus, hinc multum autoritatis & opum in eum redundat : ast non felicius & promptius ideo sanat sibi concreditos. Nec plus in negotio hoc valet Magnatum & Principum potestas, quibus Archiatrum quidem sibi eligere, hujus caput extollere & magnificis muneribus gratiave ampla condecorare atque locupletare integrum est, &

Principibus placuisse viris non ultima laus est :

peritiorem autem eum reddere minime valent, cum nec Procerum judicium de medicorum dexteritate majoris, ac plebis, aestimari debeat, id est utrique horum applicandum veniat illud Apellis, *ne sutor ultra crepidam.*

Et calamitas maxime deploranda, artis vero & qui eam faciunt, incremento exitiosa, est, quod cuilibet idiotæ & vetulæ de his judicare & decernere integrum sit, cum nec sagacissimus hominum vilissimum mechanicum hujusque opus taxare sibi præsumat, convictus per sanam rationem, *Perito in arte esse credendum*, aut metuens, ne minus adæquata sua censura ignorantiae opprobrium experiatur, neve rudior operarius ogganniat, *der Herr versteht es nicht* : Unde mirum, ab insulsis ejusmodi censoribus insulas de medendi ratione petulanter censuras effutiri. Ut nimirum medicum mox peritissimum proclamant hi balatrones, si forsan levioribus ægritudinibus, quales natura sola frequentius superat, præficiatur, aut paucula tantum administrando reconvalescat infirmus: convitiis vero ac calumniis proscindant illum, qui ad graviores morbos & quibus sanandis nec Apollo, nec Æsculapius, par foret, vocatus, licet ex arte & quam erudite, operetur, haud averruncat affectum incurabilem. Sicut pariter non raro accidit, ut medico omnia equidem secundum rationem agente salus nihilominus ægro desiderata, ob morbi contumaciam aliamve causam, haud mox eveniat, qui interim moræ pertæsus & sanitatis avidior, alium indoctiorem empiricum accersit (ni obtrudatur) eo nimirum tempore atque occasione, qua adjutrix magis insurgit natura, hactenus plus otiosa, seu ubi diatam mutat æger, seu ubi declinat morbus, remediis prioris medici subactus & fere devictus, hinc posterior quamvis nihil aut parum prioris medelæ addat, convalescat infirmus. Qui ideo miris encomiis hunc deprædicat, quasi vel uno

Propter
majorem
ægrorum
confiden-
tiam nec
felicior,
nec docti-
or quis di-
cendus.
Nec pro-
pter ma-
gnatum
gratiam.

Vulgi de
medici pe-
ritia judi-
cium ab-
surdum.

Medicus
non quo-
vis tempo-
re coagen-
tem habet
naturam,

medicamine salutem brevi restituerit, quod prior seu ordinarius intra totidem dies septimanasve cum magno remediorum apparatu præstare haud poterat: & confirmatur hac ratione adagium: *beata vetula, quæ in hora crisis venit.* Id est, fortunatior ab omnibus dicitur indoctior, qui laudem præmiumque reportat, illo, qui solide doctus & dexteritate validiore instructus, rejectus tamen & cum convitiis loco foftri dimissus, seu qui secundum illud Ovidii

Pro vitio virtus crimina sæpe tulit.

Plerumque medici, scribit Hildanus 5. obs. 86. etiam fidelissimi & optimi, graviter injuria afficiuntur ab iis agris, qui veluti scortum meritorium quotidie novos Medicos adhibent. Res a. ita habet: Sæpe rationalis Medicus agro medicamentum ex arte præscribit, & per dies aliquot ea, quæ fieri potest, diligentia exhibet applicatque, absque tamen successu: ut enim semen terræ mandatum non illico germinat, nec statim sumptus eibus in sanguinem abit, sic quoque tempus requiritur, antequam medicamentum vires suas edere possit: Interim si imperitus aliquis agro medicamentum aliquod, etiam ineptissimum exhibet, ac primo exhibitum tum demum vires suas exerit, ita ut convalescat æger, tunc primus sanitatis autor infamia opprimitur, postremus laudibus ad cælum extollitur, muneribusque splendidis afficitur. Atque hoc suum assertum Medici cujusdam, Birckmanni, exemplo confirmat, qui cuidam agro, spectato satis, per dies aliquot medelam ex arte fecerat, parvo cum successu, dum postmodum sub multam noctem alius medicus, Tilemannus, vocatus, ut aliquid fecisse videretur, julepum ex aquis destillatis & sirupo paratum exhibet: a quo æger ita allevatus fuit, ut Tilemanno altero die denuo visitanti decem florenos aureos offerret, quod munus obviam facto Birckmanno ostendens hunc ita allocutus fuerit: ecce Domine Doctor, Tusementem fecisti, ego messem.

An empirici præ medicis ingenuis plures sanent?

Dum denique ad illa, quæ quotidie fieri putant, provocant minorum gentium homines, quasi nimirum medicastrî rudes minusque docti, eadem, si non conspectiore, facilitate ægros a morbis gravioribus vindicent, præ his, qui in arte peritissimi & doctrina celeberrimi: In gratiam credulorum atque ineptorum advertere suadeo, sicut in omnium rerum generibus, sic in hoc quoque, experientiam fallacem

fallacem maxime esse. Attendimus in experimentis, quæ hypothesi nostræ favent, hæcque miramur & deprædicamus, negligimus aut fugitivo saltem oculo intuemur, & quasi nescire cupimus, quæ ab eadem declinant. Et sic etiam in successuum feliciorum ejusmodi agyrtarum annotatione ac collectione nosmet fallimus, illos tantum observando ægros, qui sub nugis eorum reconvaleſcunt, haud solliciti de his, qui pristinam infirmitatem loco sanitatis speratæ reportant, vel miserius conditionis ab ejusmodi impostoribus recedunt. Contingit forsan, si diis placet, a medicaſtro unum vel binos, nescio, quâ ^{Plures per-} occasione, ex viginti advolantibus sanari, frustra accedunt & abeunt ^{cunt, pauci} eorum octodecim, vires suas valetudinarias ad tumultum usque lu- ^{sanantur.} gentes: an hoc est, plures ab imperitis, quam peritis, sanari?

Ne multa exempla hujusmodi prærogativæ vanæ recensere opus habeam, concipere modo mihi liceat impostorem, quem vicinia inter campi pecora alit, accurrere hunc minimos & maximos, stolidos, & qui his prudentiores videri gestiunt, quorum postulatis ineptioribus ut faveat, & quidem ut plurimum per curam sympatheticam, modo indusia, modo capillos, modo ungues, urinam &c. ab iis petere, hosque post fraudulentas præstigias, emunctas pecunias ac remedium ineptorum commendationem, cum vana salubritatis spe ridentem aliquando & eludentem, dimittere. Fingere porro concedatur, petulantiam hominis hujus agrestis adeo validum spirare magnetismum in medicos haud exilioris ambitionis, ut Magnatum quoque, fidei suæ concreditorum, valetudinem *Nebulonis* ejusmodi nugis vesanis exponant, imo pro se suorumque liberorum affectibus remedia coram & per literas quam humanissimas rogent. Posito denique nonneminem forte ab illo sanatum, multos vero, quos stoliditate sua ille fascinauit, sine pecuniâ & sanitate recessisse atque recedere, in *Nebulam* quorum spes transit: i. e. frequentiam & numerum valetudinariorum, qui fores hujus pseudo-medici quotidie pulſant, ingentem ac prodigiosum pronunciari ab his, qui peregrinationum ejusmodi supersticiosarum comites extiterunt. Si ab his quæras, qui ab Æsculapio hoc villico sanitatem reportarint, unum vel alterum ex centum nominari, qui eam gloriætur, aut hujus spe potius lætatus revertatur, audies.

Deprædicant se ipsos & ab aliis deprædicantur empirici.

Medicorum facti silent omnes.

Artifex non potest agere per fortunam.

Sc. habent hoc fati singularis ejusmodi deceptores, ut eorum medelas quilibet feliciores & exoptatissimi successus deprædicent & instar portenti exclament, imo ipsimet operas suas aut phrasibus gloriabundis enumerant, aut per alios, qui iisdem colludunt, edisseri curant; gratam mentem nummis & multis in publicum laudibus declarant ab iis sanati: non sanati seu illusi malunt cum propria stultitia medicastrî errores ac fraudes occultare, silent prodigia hæc, sibi quamvis funesta, ne ludibrio hominum exponantur, mula mulam fricat. Alia plane ratione se res habet cum Medicis dogmaticis, qui, ut ut non raro dexterrime ac felicissime in affectibus gravioribus res suas agant, buccinatoribus tamen destituuntur, qui medelas has proclamant, a jactantia ipsimet sunt alieni, gratitudinis eorum, qui salubritatem iis debent, nescii. Medetur feбри in tribus vel quatuor subjectis dogmaticus, idem facit in unico empiricus; podagricum aut nephriticum paroxysmum solvit prior frequentius, idem aliquando tantum præstat agyrta: silent de ejus dexteritate omnes, hujus curam miris deprædicant encomiis, quasi aliquid egerit peritiorum medicorum viribus impar: & sic luditur de medicorum genuinorum existimatione, dum rudioribus homuncionibus æquiparantur, pudet dicere, anteponanur. His fors semel favens celebritatem ad cælum usque conciliat, latent sub umbra illi, quibus eandem sortem pluries recensere datur.

Prudentioribus vero quo pariter quoad negotium hoc satisfiat, quam absurdissimum & ineptum maxime deprehendo, quod medicus, qui scopum sibi præfigit sanitatem, in mediis ad finem hunc consequendum incertis, mancis & fortuitis acquiescere queat, quia potius certioribus & artis regulis conformibus opus habeat, hinc talia norit & commode usurpet: dum illum finem, quem per artem cognoscimus, absque ejusdem artis præceptis nemo certo sibi proponere, multo minus consequi, possit. Et per consequens haud apparet, quomodo, qui statum ægri nec naturalem, nec morbosum, neque remedia idonea horumque virtutem & usum intelligit, solius fortunæ volubilitate & blanditiis ductus, medicinam dextre faciat, cum artem sine artis cognitione exercere impossibile sit: quique remedium sine ratione quærit, depromit atque propinat, incertus manet de

de hujus efficacia, ac an morbum hoc abigerit, quod juvasse videtur. Commendo interim contradicentibus & si morbos evadant, fortunæ ope & non auxiliis artis se hos evasisse agentibus locum Hippocr. de arte t. 5. Ego vero non privabo quidem ipse fortunam, tanquam nihil opera pretii faciat; puto enim morbis, qui male curantur, ut plurimum infortunium accedere, qui vero bene, eos bonam fortunam nanciſci; Poſtea vero interrogo, quomodo poſſibile eſt, ſanatos aliud, quam artem, cauſari, ſiquidem ejus uſu & miniſterio ſunt ſanati. Nudam enim fortune ſpeciem eos reſpicere ac ſequi noluiſſe, ex hoc apparet, quod ſe ipſos arti concediderint, &c.

CAPUT III.

De Empiricis.

Quilibus circa doctrinam ac peritiam Medici ſuppoſitis facile intelligere erit, quales *perſonatos tantum Medicos Hippocr. in Quid empirici?* Leg. pronunciet, i. e. quos *Vulgus, per ruditatem ſuam, pro Medicis* *dicis habet, & ignorantem artem exercent, ſeu Medici fama quidem ac nomine, re autem & opere minus tales.* Nempe imperitia ac peritia, ruditas ac erudito eſt, quæ Pſeudo-Medicos a genuinis diſcernit: de quorum illis non noſtrum tantum ævum, ſed ſuperiora quoque, v. g. Hippocratis, Galeni, olim tempora conquerebantur, hominibus per imperitiam ſummam ad ſummam audaciam evectis: quorum nomen *Tiraquellus de nobil. c. 31. n. 394* non inepte ideo a medio derivat, quod per medicos tales homines e medio tollantur; & quales illos Gallorum puto, de quibus olim Medicus quidam Lugdunenſis eruditus ac peritus jocabatur, Regem Hiſpaniæ plus debere Medicis illius nationis, quam Præfectis ac Ducibus copiarum ſuarum cunctis; nimirum quod illi plus popularium ſuorum, ſeu Gallorum, trucident, quam hi horumque cohortes.

Scatet ejuſmodi Medicaſtrorum turba ſub Ciarlatanorum ſeu *Sunt ubiq; terrarum* Charlatanorum, i. e. Erronum, Circumforaneorum, Agyrtarum, Empiricorum &c. nomine, non Italia tantum, quæ ideo provincia ſeu Patria Ciarlatanorum audit, ſed Anglia etiam, Belgium, Gallia &c.

copiosissi-
mi.

in specie metropolis hujus, Lutetia, in qua prodigiosum semper Medicastrorum confluxum post *Patinum Bernier Essais de med.* & alibi testatur, ac prior *lettre* 117. occasione reformationis Notariorum, illum, qui Pharmacopœos, Procuratores, Prætores & Medicastrors, quibus Gallia abundet, reformaret, publicum sibi maxime devincturum pollicetur. Ast de Germania nostra haud inique vulgari proverbio asseritur: *Plus esse medicastrorum in hac, quam muscarum sit in Armenia*: seu, prout non nemo scriptorum ait, *Copia passim Medicorum* (Medicastrorum) *Germania ita fere obruitur, ut vel Medico opus sit, qui a Medicis illam purget*; vixque ullus terrarum angulus, qui non ab infectis his inquinetur. Quippe

*Fingit se Medicum quivis idiota, Sacerdos,
Judeus, Monachus, Histrio, Rasor, Anus,
Miles, Mercator, Cerdo, Nutrix & Arator,
Lamia, Decoctor, Pharmacopola, Magus.*

Varie
conditio-
nis homi-
nes medi-
castrors
agunt.

Qualem Pseudo-Medicorum multitudinem, fraudes & hinc Reipublicæ exitium post *Rodericum*, Episcopum Zamoracensem, in *Speculo vita human.* *Joh. Hartman Beyer in Nat. consult. Medic. Langius epist. 2. Camerar. memorab. med. cent. 1. part. 52. Freitag noct. med.* alique infiniti, & quidem posterior c. 3, innuunt his verbis: *Inter ceteros, quorum uberrima in gente nostra est annona, empiricus unus vel alter eminentissimi tanta impunitate, iis falsimoniis, fraudibus & imposturis, miserorumque homicidiis & cladibus artem medicam medicastri flagitiosissimi, pauperum & simpliciorum medullam & sanguinem sorbentes, profitentur & fraudulentè exercent*; atque id impune, impune, inquam, suggerentibus ipsis necessaria & colludentibus Pharmacopœis. Qualem, quaeso, dices esse Medicum, qui tot metamorphoses perpeffusus, ut ex Sutore factus sit Balneator, ex Balneatore Caupo, ex Caupone Textor, ex Textore Coctor cerevisarius, ex Coctore Magus (quo nomine aliquando in carcerem conjectus & vix a capitis sententia liberatus) ex Mago Medicus sc. & Impostor perdidissimus. Et porro: *Ceterum eo res reducta est, ut e fece & sentina hominum perdidissimi ad restim navimque, luxu, alea, scortillis aliisque inhonestis artibus redacti, hanc anchoram, hoc asylum* (nulla siquidem est hujus sceleris passim locorum severa coërcitio) fidenter arripiant, eoque nefarie in calamitatem agrorum, fraudem Docto-

rum

rum Medicorum & pestem Reipublicæ uti annitantur ac permittantur. Nullus tam stupidus Phormio est, vel Dædus, qui frustra, omnibus vitam tuendi rationibus tentatis, demum non profiteatur Medicinam. Dic, sodes, quis pagus adeatur, ubi vel ipse pastor, vel edituus aut faber, vetula, caupo aut sagi sagæque medicinam non exerceant? ut fileam innumeros Pseudo-Chirurgicos ibi passim delitescentes: quis non sanguinarius Carnifex putatur esse Medicus, quod facinerosos mactet?

Atque hoc quidem audent Sociorum ejusmodi plerique jure Nolunt se in possessione turbare. quasi possessionis & quod se Spartæ huic idoneos satis æstiment: ita quidem ut, si hujus injusti & temerarii attentati admoneantur, injuste secum agi putent, variisque ineptiis, frequentius summa rerum inopia, temeritatem suam propugnare annitantur. Memini quippe, proximis annis Studiosum quendam Theologiæ & Ludimagistrum, qui torum conjugalem præpropere conscenderat, quæsitum a magistratu, cur Medicinam faciendo falcem in alienam messem mitteret, petulanter respondisse, *man werde ihm ja sein Bißgen Brod nicht nehmen.*

Hos autem Medicaistros observamus duplicis classis, sc. vel in publicum & scenam prodeuntes, & per compita, vicos, oppida, provincias ac Regna vagantes, quos ideo Errones, Circumforaneos, Cerdones, Circulatores, Saltibancos, *Marktshreyer* &c. appellant: vel tenebriones illos autodidactos & sciolos, qui his peritiores & honesti magis videri volunt, plus minus latentes, sedem fixam aliquando in pagis & urbibus colentes & peritia medica aut omnino nulla aut leviori tantum, instructi; qui ausu tamen temerario satis medicinam clam palam exercent, & ex calamitate infirmorum, Medicorum genuinorum cavillationibus, fraudibus ac detrimento, uno verbo ex Reipublicæ damno, victum & amictum sibi quærunt.

Quorum priores a Legibus publicis infames declarantur, v. g. *Empirici L. 1. ff. de his, qui not. inf.* utrisque autem, quia negotium periculo plenum temere suscipiunt, cum nihilominus, monente *Cajo L. 8. idemque juris, §. mulionem 1. ff. ad Leg. Aquiliam* affectare quisquam non debeat, in quo intelligit, vel intelligere debet, infirmitatem seu incitiam suam aliis periculosam futuram, & juxta *Ulpianum L. Illicitas 6. §. sicut 7. ff. de offic. præsid. & L. si servus 27. §. si calicem 29. di* Cuncti poena afficiendi & removendi

per leges
publicas.

quicquid per imperitiam illi commiserunt, imputari debet. Quemadmodum olim non, nisi a Magistratu electos ac approbatos medicinam exercere potuisse, *Carrarius de Med. & illius offic. p. 3. §. 1. 9. & 11.* perhibet, cui *Ann. Robertus rer. judicatar. lib. 1. c. 5* adstipulatur, it. Imperator *Carolus V. constit. criminal. artic. 134.* Qualis idem Imperator &, annotante *Boudevyns ventilabri med. theol. part. 2. quest. 4.* aliique Brabantiae Duces variis legibus atque edictis caverunt, ne quis Medicus ad praxin admitteretur, qui in Universitate quadam gradum ad munus Licentiae non sit adeptus, illaque laudabilissima edicta Anno 1659. ab Antwerpiensium Magistratu de novo promulgata fuerunt.

Quos secuti Princeps Imperii diversi in suis Constitutionibus ac Legibus provincialibus, v.g. *Würtembergenses, Landes-Ordnung tit. 5.* Alle und iede/ so in der Arzenei nicht ordentlich studiret / noch ihrer Geschicklichkeit von der Universität sonderne Zeugnisse oder mitgetheilte Graduum gnungsame Urkund haben / sollen sich in unserm Herzogthum/ ohne unsere Erlaubniß und Zulassen/ Leib-Arzenei zu üben und Arzenei zu geben / gänglich enthalten. Item *Saxo-Gothani, Landes-Ordnung tit. 6.* Wir wollen ernstlich und nicht allein bey nahmhaffter Geld-sondern auch / nach Gelegenheit / schwerer Leibes-Straffe / und hieneben sonderlich bey Verlust alles dessen / was zu dergleichen Euren gehörig / gebieten / daß niemand / wer der auch seyn mag / sich unterstehe / den Leuten weder um Geld / oder Geldes werth / Geschenke oder Verehrung / oder auch umsonst / Arzenei in den Leib zu geben / auch die Obrigkeit / sonderlich Räte in Städten / keinen / der sich Arzenei-Eingebens gebrauchet / unter ihnen dulden etc. Quemadmodum nec Saxonia nostra ejusmodi Erronum seu Medicastrorum coërcitionibus destituitur, dum Serenissimus Elector & Dux Saxoniae, Augustus, p. m. An. 1580. Lipsiensem & VVittenbergensem Facultatem Medicam iussit, fleißige Aufmerksamkeit zu haben / daß das practiciren und Krancke zu curiren nicht ohne Unterscheid iederman/ so der Arzenei zum öftern unerfahren / und kein Testimonium publicum erlanget / solte verstattet und zugelassen werden: quod itidem voluit Christianus primus p. m. in Constitutione 1588 promulgata, wie es auff der Universität Leipzig mit Lehr / Disciplin,

plin, &c. His verbis: Uns gelanget an/ welchergestalt egliche Magistri und andre/ so gar keinen Gradum haben/ in der Stadt und auff dem Lande bey euch zu curiren sich unterstehen sollen. Damit nun solches zu treiben nicht iederman/ ohne Unterscheid/nachgelassen/und die Gefahr und Schaden/ so den Patienten hieraus erfolget/verhütet und abgewendet werden möge/ so wollen wir/daß hinführo die Practica in der Medicin allein den Doctoribus und Licentiatis Medicinæ, und nicht denen Magistris oder auch andern verstattet werden soll/ sie hätten denn von unserer Universitäten einer ic. *Quales Constitutiones in Visitationum Academia nostræ decretis non tantum, in specie de Anno 1616. & 1658. sed in statutis pariter Facultatis nostræ, reiteratas legimus, statut. 22. de Doctoribus inhabilibus ad Facultatem, praxin tamen hic exercentibus, & Statut. 23. de Circumforaneis & Empiricis, nimirum ut Doctorum alibi promotorum nullus praxin hic exerceat, nisi prius de sua Promotione publica & legitima Decanum & Facultatem per exhibitionem authenticæ docuerit &c. Empiricorum vero nulli, nisi in quo Decanus & Consilium Facult. Med. peritiam deprehenderit & probaverit ejus, quod instituit seu pollicetur, medicinam facere, aut medicamenta vendere, vel ægrotos medendi causa adire, concedatur.*

Et mirum profecto est, imo stuporem incutit, quod vitam & sanitatem ejusmodi Medicastris concredant homines sanæ mentis, fociis nempe novis, incognitis, imperitis, mulierculis quoque, quos clancularie tantum agere, & publico potius edicto ejiciendos ac expellendos norunt, præ Medicis notis, bonæ famæ & eruditis, sicque spem salutis incertam, imo mortem, ab iis pretio emant: cum neminem adeo stultum arbitrari liceat, quin, ubi alteri aliquid mandandum foret magni momenti, ejus rei peritum atque gnarum maxime sedulo perquirat. *Nullus est, inquit, Thurrianus qui suos agros villico, rusticarum rerum inexperto, nullus, qui adificationem alienissimo ab Architectura, nullus, qui pecuniæ procuracionem & dispensacionem hujusmodi rei imperito commendet.* Sane, qui in desperatis morbis circumforaneos & agyrtas implorant, similes sunt naufragium passis, qui ex anchoræ amplexu salutem sibi pollicentur: cum ejusmodi hominum temeritas vagæ tantum empiriæ innitatur, quod carnifi-

Male agunt, qui ejusmodi hominibus valetudinem concredunt.

Empirici
sunt homi-
nes impe-
riti

cum est, qui artem suam sola pariter experientia addiscunt. Id est, Medicastrum omni destituuntur doctrina, quales cum *Eunucho* quærere liceret, *quomodo scire poteris, cum nemo te docuerit?* Mirares est, scribit *S. Hieronymus*, *Fullones, metallarios, fabros, lignorum caesores, ipsa quoque vilia opificia exercentes, absque Doctore esse non possunt, nec experiri audent, quæ non noverunt: sola est medendi ars, quam sibi passim unusquisq; vendicat, &c.* Et quod in his similibusq; artibus mechanicis, etiam infimis atq; sordidis, exacte observari solet, ut, qui aliquam earum exercere cupiunt, omni prius studio examinentur & specimina ejus congrua edant: id in arte omnium nobilissima, cui corporum salus est commissa, negligitur. Dum adeo levis ac facilis censetur, ut nulum sub magistro requirat exercitium, aut tam vilis, ut, quæ vel minimis rebus impenditur, ei uni non impendatur, sedulitas; & per consequens infeliciores hominum conditio videri possit, quod ipsorum vitæ minus, quam aliis extrinsecis & sæpius nullius momenti rebus, prospectum atque cautum sit.

& temera-
rii.

Habentque proin, advertente *Freitagio*, etiam hoc cum carnifice potestatis commune Medicastrum, homines videlicet accepta mercede occidere, atque ex homicidio, unde supplicium leges cunctis statuunt, præmia capere. Hoc saltem interest (monente *C. Agrippa*) quod Carnifex non, nisi ex judicum sententia, interimat facinorosos, isti vero rudes veteratores, sub prætextu & persona medici, præter omne judicium perimant etiam insontes. Ridendo verum dicit de illis *Phædrus Fabul. Æsop. lib. 1. fab. 14.* occasione Veteramentarii seu Sutoris imperitioris, qui, cum ex Opificio suo amplius vivere non potuerit, Medicinam facere præsumebat.

*Malus cum sutor inopia deperditus
Medicinam ignoto facere cepisset loco,
Et venditaret falso antidotum nomine,
Verbosus sibi acquisivit famam strophis.
Hic cum jaceret morbo confectus gravi,
Rex urbis, ejus experiendi gratia,
Scyphum poposcit: fusa dein simulans aqua,
Antidoto miscere illius se toxicum,
Hoc bibere jussit ipsum, posito premio.*

Timore

*Timore mortis ille tunc confessus est,
Non artis ulla Medicum se prudentia,
Verum stupore vulgi, factum se nobilem.
Rex advocata concione hæc addidit:
Quanta putatis esse dementia,
Qui capita vestra non dubitatis credere,
Cui calceandos nemo commiserit pedes.*

Inficiari nemo poterit, temerarios ejusmodi non raro juvare fortune-^{jaçant}
nam, horumque remedia aliquando auxilium desideratum præstare: ^{fortunam.}
Añ nolo impræsentiarum fortunæ fallacis & casus recensere, rege-
rantum, unde tibi tu nunc promittere poteris Deam illam propi-
tiam? fortuiti casus, in natura perinde ac arte subinde evenientia,
monstra, regulas medicas sicut non constituunt seu formant, ita nec
turbant, seu infringunt, i. e. juxta Ausonium:

*Qui si emerferunt,
Evafere quidem fati ope, non Medici.*

Seu, ut Aristoteles 5. metaph. 2 loquitur: *Fabrum sanitatem fecisse, ac-
cidens est, quoniam non est aptus ad sanitatem faciendam faber, sed Me-
dicus.* Numerentur & computentur funera quoque ac infirmi illi,
qui aut nihil opis ab agyrtis ejusmodi perceperunt, aut in deterius
etiam conjecti fuerunt: horum numerus reconvalescentium tabu-
las longe superabit, seu absorbebit, prout cap. 2 proluxius differui.
Nonne periti ac genuini Medici quotidie infirmos sanant varii gene-
ris ac pathematis? quia tamen destituuntur gestorum suorum bucci-
natoribus, imo hos formidant, illorum miracula horum medelis
dogmaticis prævalent. Gloriatur v. g. Empiricus de Electuario an-
tifebrili, medetur etiam per hoc febribus, non vero ambitioni & ava-
ritiæ propriæ; medentur alii Medici per Corticem Peruvianum,
aliave appropriata febribus pariter, sine illo Electuario: quid para-
doxi, quæso, suberit medicinæ illius præ horum remediis; nisi quod
de illa lucri causa ille multum jactitet, reliqui suis modestius & sine
strepitu utantur. Æstimantur non raro a vulgo pragmatici foren-
ses meri, fundamentis juris destituti, & qui per experientiam tan-
tum aliqualem, eamque superficialiam fati, cognitionem aliquam
ejus sibi compararunt, quos quia, quæ Legibus pulchre constituta
E 3 sunt,

sunt, corrumpere & depravare, *Ciceronis* jamdum querela fuit, caudicos & rabulas degeneres atque *JC*torum simias ajunt prudentiores: cur nostris simiis vanam & levem ex plebis applausu invidemus gloriam?

Causæ empiricos foventes.

Quærerem potius, quæ causa hujus calamitatis, nisi mox obviam foret *Pattin* *lettre* 118. *c'est la faute des juges, qui les* (agyrtas) *suffrent*, adeo quidem ut de *Officiali* quodam *Regio* eminentioris *Ordinis* & *Nominis* *lettre* 149 scribat: *Il est mort de la main d'un Charletan, lui même, dont la charge estoit de chasser cette sorte des gens &c. & Ab. Fritsch. medic. pecc. c. 1. In culpa autem sunt Magistratus, qui vagam ac publico perniciosam licentiam medicandi non coercent, & ἀπειθεύτας ac vera artis protinus ignaros impostores e Republica expellunt.* Nemo ad praxin Juridicam seu forensem hodie facile admititur, nisi tentatus & examine comprobatus: cur grassari patiamini in corpora vestra & vestrorum tot agyrtarum temerariam inscitiam? Cur *sutori*, ait *Freitagius Noct. med. c. 12. vel alii, qui sartoriam non didicit, aut eam exercendi jus sibi non comparavit, in civitate non licet eandem exercere? cur id & similia tam studiose prohibentur, & interim cuilibet, etiam stupidissimo, artem Medicam exercere fas sit, ex cujus usurpatione ab ignaris tantum impendet periculi, & cujus recte exercendi & docendi privilegium Imperiali autoritate solis doctis & Docturæ jus obtinentibus confertur?*

Suffulcit hanc Superiorum conniventiam & ut cristas agyrtæ alacrius erigant, facit sine dubio vulgi ruditas, qui tales pro Medicis habet, qui non sunt. Nisi enim impostores ejusmodi nossent homines variæ, imo non raro spectatioris, conditionis se stupidiore & torpidioris judicii, qui ad solum mysterii seu secretioris remedii, quod jactant, auditum suam medelam poscerent, temeritas eorum brevi & sponte corrueret. Meminique magnæ simplicitatis ac ruditatis empiricum, cum aliquando penes Virum eruditum ac prudentem praxin suam deprædicaret, in specie, quod demens aliquis medelæ suæ se submiserit, ab hoc responsum tulisse, nisi demens esset, qui medelam a te expectat, Medicum te nunquam voluisset. Verum Medicos ipsos quoque ejusmodi suis simiis aliquando, aut connivendo, aut hos advocando, imo suorum medelam committendo, in consilium

filium trahendo, causam dicere, res stuporis plena, & omnem fidem ac rationem superat: Vera tamen eloquor, pharmacopolas v. g. opifices etiam, opiliones, secreta somniantes, a parvis æque, ac magnis Medicis Magnatibus ac subditis commendari. Quare? non assequor: forsân per eorum ignorantiam, aut, quod deterius ac toti arti turpe, per abblandiendi libidinem &c. Et sic perditio nostra est ex nobismetipsis.

Egi hæcenus sub terminis generalioribus contra Medicastro, inter quos Pharmacopolas, qui ægrorum medelam suscipiunt, & sive eosdem visitando, sive pharmaca, sub quocunque (nisi summæ necessitatis) prætextu, porrigendo, singulares compositiones & secreta ja-
 ctando, his paradoxas virtutes adscribendo & per mundum circum-
 foraneorum stylo exclamando, medicinam exercent, numerant Me-
 dici omnes, v. g. *Camerarius memorab. med. cent. 1. part. 52. Rod. a Cam-
 stro Med. Pol. l. 2. c. 4. Primeros. de error. vulgi in medic. l. 1. c. 3. Freitag.
 Noct. med. cap. 20. S. Pauli de Offic. medic. pharmac. & chirurg. Bosselius
 amalth. medic. polit. appar. 3. c. 17.* Succensent equidem his valde, qui
 pseudo-medicos eos ajunt, & facultatem faciendi medicinam eis du-
 biam reddunt, pharmacopœi: ast illi non sine legum publicarum au-
 thoritate & tutamine hoc faciunt, v. g. Imperatoris Caroli V. edicti de
 Anno 1540. *Ne quis apothecarius agros visitet, aut illis absque Medici
 consensu medicamen porrigat. Ordinationis Bavaricæ provinc. 3. tit.
 11. artic. 3.* Es sollen die Apotheker vor sich selbst und ohne Erlaubniß
 der Doctorn sich nicht unterstehen die Leute zu curiren / selbst Recepte
 zu ordnen / und das Amt eines Doctoris zu gebrauchen. Cui parallelæ
 observantur, die Hessische Medicinal-Ordnung 1617. Leipziger Apo-
 theker-Ordnung 1669. Riegauische Apotheker-Ordnung ac Constitu-
 tiones medicinales Brandenburgicæ.

Atque hæc quidem non sine fundamento sancita esse, rationes variî generis ostendunt, omnes tamen in eo collimantes, ut, dum Medicus, notante *Sattlero dissert. de jure & privil. Med. persona a Re-
 publ. per insignia Doctoralia approbata est*, nemo Pharmacopolarum, se talem venditare valeat: Hinc licet dolus directo in hoc absit, ta-
 men per culpam & imperitiam in eum redundet, dum se immiscet
 rei minime ad se pertinenti, ff. de regul. jur. l. 137. §. eod. scil. in diffi-
 cultatibus

cultatibus hominum, ubi minime vagandum *L. illicitas 6. §. sicut 7. de offic. presid.* pharmacopolam, qui medicinam ullo superius explicationum modorum exercet, limites artis suæ ambitiose ac frivole transilire, & negotium hoc, nunquam sine culpa affectare, recte concluditur.

Pharmacopolarum
ars est mechanica.

Quippe primo Pharmacia equidem Medicinæ pars, non vero totum hujus, est; utpote quæ plura & majoris momenti involvit. Deinde Pharmacia, prout in tabernis pharmacopolarum addiscitur & exercetur, ars mere mechanica est, ut ex *Carrario de med. & illius offic. part. 3* constat, ipsaque sana ratio dicitur. Quatenus pharmacopola, quando seligit, præparat & componit medicamina, secundum præscripta & formulas medicorum, finem suum ultimum assequitur; neque sollicitus est, vel esse tenetur de medici fine, sive medelam morborum, sive sanitatem, hunc dicas: terminatur ejus actio in selectu v.g. rhabarbari boni & integri a corrupto & casto, trituratione corallorum, parando decocto, extrahenda essentia, destillando spiritu, & miscendo electuario, componenda potione, formando suppositoio &c. usum & applicationem ad morbos Medico præscribenti reliquit. Dum medicina ars observatur magis scientifica, & si non filiarum juxta *Vossium de Philosoph.* certe juxta *Tertullian. de anima*, sororum, philosophiæ naturalis facile princeps, seu physices operativæ partium præstantissima, est: unde sane plus peritiæ involvit ipsa pharmaceutica, prout sc. hæc ministra, non pars, est Medicinæ. Et miror, modo allegatum *Vossium*, postquam *cap. 8* dixerat, se inferius, *cap. nempe 10.* chirurgicam & pharmaceuticam artem traditurum, non ut partes medicinæ, sed ut hujus ministras, nihilominus indigitato loco pharmaceuticen describat, quod medicamentis vel intus assumptis, vel foris admotis, medeatur: quod medicorum, non pharmacopœorum est, ut modo disserui. Paradoxa equidem hæc pharmaciæ in medicam & mechanicam distinctio videri poterat trivialibus institutionum compilatoribus: quam nihilominus naturæ rei congruam deprehendent a præjudiciis alieni. Hinc certe aliud est instrumenti cujusdam præparationem nosse, aliud nosse genuinum ejus usum, seu hoc dextre administrare. Tertio haud sequitur, gaudent bonis medicaminibus Pharmacopœi, E. commode hæc

hæc applicare sciunt: perinde ac non quilibet, qui equum genero-
sum tenet, equitem, multo minus equisonem, se jactare valet; no-
vaculam, modiolum, forcipum & forficum quam aptissima genera
qui cudit, de tonsoris & Chirurgi peritia ideo gloriari nequit; gla-
dium, hastam qui conficit, gladiatorem si se venditaret, risui omnium
se exponeret; nec coriarius materiam calceis conficiendis præpa-
rans futoris opificium profitetur: præscribere E. & formare medi-
camenta toto etiam cælo differunt. Et per consequens, sicut inter ar-
tes mere magisque mechanicas una observatur, quæ securim, scal-
prum, terebram parat, alia, quæ lignis discindendis, lævigandis, per-
forandis hæc adaptat; alia, quæ clavos figit, alia, quæ asseres me-
diantibus his compingit; chartam facit chartarius, cui literas inscri-
bit typographus, hisque exprimit non sui, sed eruditioris animi, sensa:
ita longe quoq; differunt, qui Clysterem præscribit, nunc emollien-
tem seu laxantem, nunc consolidantem & adstringentem, & qui eun-
dem parat atque applicat Sepiasarius, cur seu quem in finem injicien-
dus, nescius, nisi futor ultra crepidam & Apothecarius, per commu-
ne adagium, extra pyxidem sapere velit.

Quibus quarto accedit, quod præscripta a Medico mutare, &
in his unum alteri substituere, ab omnibus Legibus publicis Pharma-
copœis interdicatur, quod hoc ultra sphæram & peritiam eorum sit:
Quibus igitur in remedio aliquid mutare integrum haud est, quo-
modo Medico, Naturæ ministro, parem se gerere poterit fastu & Ministri
avaritia turgescens ejus, non naturæ, minister; cum nefas sit, admo-
nente *Bosselio l. a. cap. 17. Ministrum agere Medici actiones.* Nimi-
rum sicuti Pharmaceutica ars Ministra est Medicinæ, sic Medici mi-
nister seu amanuensis est Pharmacopæus, simili modo, ac *Galenus 2.*
de sanit. tuenda cap. 17. Pædotribam Gymnastæ & Coquum Medici
ministrum pronunciat. Quinto, quod potissimum ignari sint ar-
tis medicæ Pharmacopœi, perinde ac medicastri omnes; quod huic
addiscendæ nunquam vacarint, nec ejus doctrinam ulli unquam le-
gitime comprobendam dederint: i. e. artis fundamentis necessariis
seu exercendo hoc, in quo imperitiam suam aliis periculofam futu-
ram in conscientia foro convincuntur. Qualis quidem ausus sexto
F in

in temerariis ejusmodi majorem reprehensionem meretur, quod vigore omnium Constitutionum publicarum non admittantur ad sui muneris & Artis Pharmaceuticæ exercitium, nisi suam in hac peritiam Medicis ac Pharmacopœis peritiioribus comprobarint & testimoniis avthenticis docuerint, jubentibus hoc *Constit. Medicinal. Hassiac. c. 10. & Ludovic. von Hornigk. Pol. Med. tit. 6.* nisi que magistratui juramento fidem promiserint: præsumant nihilominus medicinam facere, cujus fundamentorum specimen nullum unquam dederunt, testimonia publica exhibere nequeunt, nec juramento Medicinæ se addixerunt; quæ cuncta tamen præstare tenetur & præstat omnis Medicus genuinus. Inepta temeritas! *Addo ego*, ait *S. Pauli de Officio Medic. Pharmac. & Chirurg. decorum esse, unumquemque manere in suo ordine, apud Lucianum alicubi legi, Platonem etiam velle, unumquemque sua in Republica agere debere. Sic Medici est, dignoscere morbum, imperare commodam distam, demum medicamenta præscribere, v.g. Clysterem, quod pharmacopœi non est: Sed cujus est, eum miscere, ut fiat clyster, mox eundem paratum, exquisito oculorum sensu, vesicæ bubule inditum, explorare illius attemperatum calorem, post dein eundem l. a. intrudere, congruenter decenterque, minime vero illius explorare pulsum, urinam inspicere; cujus neque est apud profanum vulgus de morbi causis differere, multo minus agris mederi. Sic Pharmacopœi non est præscribere Medicamenta, cujus neque est Mercurium sublimatum, Arsenicum, Euphorbium poscentibus ignotis emptoribus divendere, &c.*

Chirurgi
internis
morbis
non mede-
antur.

Præ Pharmacopœo plus scientiæ Medicæ quamvis sine dubio teneat, aut tenere debeat, Chirurgus, si nomen suum operi respondere ambiat, huic nihilominus pariter non tantum a Medicis Patavinis, si forsân ab his Licentiam petierit, ut negotio intrinsecus medendi imperito, in Privilegio, Pharmaca per os agris dare & Physici munus unquam obire interdicitur, imo ad hæc sancte custodienda ille juramento obligatur: sed in nostratium quoque Chirurgorum Examinibus, & dum Magistri suæ artis creantur, ne, nisi in casibus necessitatis, per interna remedia affectibus internis magis mederi audeant, prohibetur. An hujus sui officii & jusjurandi semper memores existant, disquirere nolo, cum penes nos & hactenus ad minimum satis modestos se gerant nostrorum plerique: quippe secus qui agunt, personatos

sonatos Medicos seu medicaſtros pronunciant jura, juramentum præſtitum ſeu conſcientia propria & ſana omnium Prudentum ratio.

Tria ſaltem aſſequi nequeo, nimirum primo, quomodo & cur olim factum, ut iisdem Chirurgis, qui omni jure ab affectuum p. n. per medicamenta interna medela removentur, cura nihilominus binorum graviorum morborum, Scorbuti nimirum & Luis gallicæ, ita concedatur, ut de his in Examinibus publicis, vi ſuorum ſtatutorum, etiam reſpondere teneantur? Unde evenit, ut eorum nonnulli ad tantam protervitatem elati fuerint, ut nominatos affectus ſoli curandos non modo ſuſcipiant, ſed, quaſi ad Medicos minime ſpectarent, temerarie propugnent. Alterum, quod in Chirurgis vituperandum, & arrogantia, levitatis ac præcipitantia, effectus eſt, ideo medicaſtris pariter adſcribendis, dum aliquando in affectibus, quorum medela ad ſe ſpectat, ægros non tam ad Medicum ablegant, ut ab hoc, quid agendum, petant, quam ut utrique horum quaſi præſcribant; indicationes forment, remedia inveniant, nimirum purgandum eſſe, ſudoriferis opus &c. ut jura eorum potius exequatur Medicus. Tertium, quomuneri atque autoritati Medicorum detrahunt Chirurgi, non horum, ſed Legislatorum potius quorundam, culpa fit, qui horum in deponendo ſuper Vulnerum Lethalitate ſimilibusque fidem ac peritiam Medicorum peritiæ parem, nedum hac majorem, voluerunt: dum Chirurgorum vel Tonſorum judicio aut tantum ac præ Medicorum, aut horum deſiſtione vel plane non, vel, niſi concurrentibus & conſentientibus Chirurgis, ſtandum eſſe, juſſerunt; quamvis nonnullos J. Ctorum ab hac ſententia reſceſſiſſe, in propatulo ſit. Quia tamen de hac re in parte ſecunda prolixius agam, illius paradoxo ulteriorem evolutionem impræſentiarum detrecto, hoc tantum ſubnectens: Tunc temporis & cum leges hæ conderentur, aut Medicos in re Chirurgica fuiſſe rudiores juſto, cujus tamen contrarium ex horum commentariis apparet; aut quid Medicina, quid Chirurgia, ignoraviſſe Legislatoreſ, & ad hanc uſque diem ignorare eorum interpretes, quod officio Medicorum præter omnem rationem derogent, inſciorum vero & tantum non invitorum Chirurgorum humeris onus impar imponant.

Atque hæc de Medicaſtris diſſerere argumentum dicendi præſens

Etiā in-
ter Docto-
res medi-
cos empi-
rici repe-
riuntur.

sens jussit, ubi de Medicorum munere disquirendum mihi erat; mo-
do inter hos non similia illis reperirentur monstra & rerum medica-
rum quam maxime rudes homunciones; postquam ipsummet *Ga-
lenum* duplex medicorum genus notasse legimus, unum illorum, qui
mere empirici sunt, alterum eorum, qui levi ac brevi tantum institu-
tione academica tincti, famam tamen multæ scientiæ anhelant.
Quam auctoritatem majorem quo sibi concilient, exigua eruditione
ac pretio multi eorum honores seu gradus academicos redimunt,
quamvis hinc minus doctiores redeant: Ut penes sagaciores & cor-
datos Viros integrum manserit inter Doctorem Medicum ac Medi-
cum eruditum discrimen; quod tamen sine injuria sit dictum. Pro
me loquentur & injuriarum actionem declinabunt Medici duo, ma-
gnæ auctoritatis & fidei, *Bruno* nempe *Seidelius de Morbis incurabil. ac
Primerosius de errorib. vulg. in Med.* uterque causam hujus ignorantia
cordate explicans. *Prior. p. 69.* postquam de Medicis imperitis ege-
rat, his verbis: *Hujus mali causa & culpa non postrema in Academiis
hæret, quæ titulos & dignitates tribuunt interdum ineptissimis &c.
Posterior* quia peculiari & integro *cap. 2. de Doctoribus Medicis*, adeo-
que prolixius, eam recensuit, in chartam de charta hanc transcribere
nolo. Imo si hac de re in jus raperer, Patrocinium spondet & causam
geret *Jctus Joh. Christoph. Walther. de statu, juribus & privileg. Doctor.
cap. 12. §. 73.* ubi medicos quosdam gradus seu titulos ex largitione,
emere tradit, perinde ac *cap. 11. §. 63.* penes Jctos quoque aliquando
fieri docuerat. Favorem demum Judicis in hac lite mihi pollicetur
justitia causæ, & ejusmodi idiotarum notoria frequentia.

CAPUT IV.

De

Decoro & moribus Medici clinici.

Postquam de doctrina seu peritia Medico necessaria, i. e. quæ
callere hunc fas sit & qua ratione artis fundamenta sibi compa-
rare debeat, superius dixi, tempestivum nunc erit, prudentiam
seu decorum in Medicina facienda observandum explicare. Atq; hoc
non

non illud tantum, quo ab infirmo & adstantibus confidente gratoque animo excipitur, seu *penes vulgus opinionem captet*, hic, quod etiam medicastrorum est; dum juxta Hipp. Leg. *Vulgus per ruditatem suam tales pro Medicis habet, qui non sunt*, seu, ut idem de vict. acut. t. 3. ait, *Idiotæ non valde cognoscunt eos, qui in his aliis præstant, aliarumque curationum magis aut laudatores, aut vituperatores, existunt* &c. sed, quod potissimum forsitan, quodque idem Hippocrates 6. epid. s. 2. *œconomiam seu administrationem circa ægrotantes* ait, & per quod, explicante Galeno comm. a. l. medicinalibus, *quæ didicit, præceptis, utatur*; ut si non plebecula, rerum medicarum ignara, peritiores tamen atque prudentiores, Medicum dextre ac perite egisse, pronunciare habeant.

Decorum
medici
quod t

Contigit, ut cap. 2 dictum, præ cæteris artibus, liberalibus æque ac opificiariis magis, hoc Medicinæ perniciosum &, qui eam exercent, calamitosum, fatum, ut cujusvis ac minus competentis judicis sententiæ se suaque facta submittere adigantur, & rudiores plus, quam sapientiores, licentiam, nescio, qua temeritate seu libidine, de his judicium ferendi sibi præsumant, coram palamve hoc fiat: cum alias nihilominus, nec de crepidæ seu calcei fabrica præter sutorem ullus sententiam dicere audeat, & hoc immunitatis atque autoritatis etiam vilissima opificia gaudeant, *Peritis in arte est credendum*. Ast, bone Deus! quam molestam ridiculamve nos nostraque dicta ac gesta quotidie popellæ imperitioris, garrularum quoque atque ineptarum faminarum, non experiuntur præcipitantiam? quarum censura impertinens & loquacitas inconsulta Medico plus sæpe, ac ipsemet æger, tametsi aliquando satis morosus, & morbus gravis atque pertinax valde, laboris ac tædii creat, per quam non tantum eum bene vel male cum hoc illøve ægrotante egisse, decidere, sed omnem insimul ejus peritiam & eruditionem censere, audent. Ut plus sæpe ille sollicitus esse teneatur, non qua ratione infirmo profit, quam quomodo aliis placeat? non quomodo illum sanet, sed ut se ab ejusmodi imperitorum ac imperitarum calumniis atque cavillationibus virulentis præservet easque declinet.

Medici ju-
dicio vulgi
exponun-
tur.

Quia tamen clandestinum satis ut plurimum hoc medicorum forum, seu intra privatos tantum parietes exercentur ejusmodi judicia; utut a toris puerperarum similibusque angulis per totam in-

Hinc placere studeat.

terdum civitatem decreta hæc insulsa publicentur: non habet medicus peritus ac cordatus, cur ab iis animum & medicandi rationem sibi turbari patiatur; quamvis, quantum quidem fieri per rectam rationem potest, etiam ut quibusvis, etiam mulierculis, placere studeat, suasor essem, cum ad procurandam & despondendam medico ægrorum confidentiam has quam idoneas pronubas esse, experientia loquatur; modo intra assidentium seu adstantium & ægro ministrantium terminos se continerent, quibus quia locum juxta Medicum, non medici munus, *Hippocr. 1. aph. 1* concessit, non consultricum & directricum personam in se suscipiant.

Confidentia in medicum vis.

Quantum ægri in Medicum fiducia præstet & quanti momenti sit, præter *Hippocr. de Medico t. 1. Præcept. t. 4.* ubi *Medicum fide magis, quam duritie, mederi*, ait; paulo post vero, *sc. t. 5.* pergit, *si fuerit erga homines amor, adest etiam erga artem.* *Quidam enim ægrotantes, ubi perceperunt, affectionem circa se non esse in tuto*, (i. e. morbum periculosum) *per medici probitatem ac mansuetudinem gloriantur, sanitati restitutos se esse.* Quod etiam *6. Epidem. 4* innuit, ubi, quantum & quomodo gratificando ægris proficiat sibi ac his Medicus, explicat, horumque commodorum quædam recenset, prolixius *Galenus* in comment. explicuit, & *Avicenna* effatum, *fidem ac spem erga Medicum & Medicinam sæpe plus efficere, quam ipsam cum Medico medicinam*, ac praxis quotidiana adstruit: id est, diversa partim in Medicum, partim in ipsummet infirmum, hinc redundant emolumenta.

Confidentia ægros reddit obsequiosos.

Siquidem si hic firmitus sibi persuadeat, illum ad morbum profligandum affectumque leniendum, & salutem accelerandam habilem seu idoneum existere, adeoque singularem sibi utilitatem ex consiliis & medicatione ejus promittat: morigerum seu obsequiosum magis illi se præstat & hujus jussa sine contentione vel metu capeffit. Vel, ut *Galen. in 6. epid. 4* rem explicat: *Ægrotantes medicis, quos libenter adspiciunt* (sibi gratis) *magis obtemperant; at illis, quos non libenter vident homines* (i. e. odiosos sibi que infestos) *et si utilia consulant, obedire tamen recusant.* Porro eadem ægrotantis confidentia etiam,

Confert ad sanitatem maturandam.

hunc fructum parit, quod amor, lætitia ac spes, in ea coincidentes, spiritus languentes excitent, sanguinem commoveant, hinc coctionem cruditarum morbificarum juvent, & robur naturæ in depellen-

dis affectibus præternaturalibus, ad sensum fere, augeant: dum contrarium ex diffidentia, cujus individui comites tristitia, metus atque odium sunt, timendum videtur.

Quod quidem eo minus mirari vel in dubium vocare possumus, quo frequentius observamus, ingentem animi affectibus potentiam in valetudine nostra, & functionibus corporis varie immutandis subesse. Quis, quæso, non in semetipso unquam annotavit, quantum appetitus v. g. ventriculi integri fervidior a nuncio aut objecto minus grato ac tristi afficiatur & in momento quasi prosternatur, redux seu reviviscens paulo post, discussio animi pathemate illo & composita ad hilaritatem seu voluptatem magis mente? ut nihil dicam de ejusdem stomachi digestionem, quam citius & felicius absolvunt, qui animi tranquillioris ac latioris sunt, præ illis, qui terrore ac mœrore atteruntur. Et eo ipso, dum animi motus diversi non minus graviores morbos aliquando solvunt, ac eosdem patrant, v. g. dum *Valeriola 2. obs. 4* iram paralytico motum, *Bartholinus Actor. Hafn. vol. 1. c. 81.* muto loquelam, restituisse, *Hildanus 1. obs. 79.* arthriticum sanasse, perhibent; terrorem vehementiorem arthritidis ejusdem & quartanæ aliarumque febrium paroxysmos, profligare, quotidie observamus; contra apoplexiam ab ira frequentissimam experientia testatur, it. a terrore *Frid. Lossius 1. obs. 14* refert, iram puerperis noxiam valde, *Tulpius 2. obs. 18. & 20* foetui in utero epilepsiam induxisse, *Hildan. 3. obs. 8.* cuidam artuum contracturas concitasse, *idem epist. 44.* ac subitanæ tristitiam mortem excepisse, *Bartholinus 2. epist. 85* perhibent: nonne affectus pariter hos illosve & animæ sensitivæ voluptatis ac doloris statum, in quantum hic a medici amore odiove, seu confidentia ac diffidentia, dependet, valetudinem vel in melius vel pejus mutare, hinc remediorum applicationem diversimode moderare posse, nobis persuadebimus? Nimirum cum, monente *Camerario cent. 2. partic. 12.* *Confidentia, tanquam agens, cum salute perducenda in subiecto licet partiali, conveniat, ad tria quoque instrumenta medica (in specie diætetica) per regimen & animæ accidentia referri possit, jure optimo confidentiam producere posse egri salutem, affirmatur.* Quatenus fiducia vias ad interiora animi aperit, metus seu diffidentia claudit: illa facit, ut vel promptius sese in valetudinem, exerat

Animi affectuum evidens vis in corpus.

Confidentia quid agat?

exerat vis medicamenti & interiora penetret, ac naturam ad alacrius resistendum firmat: hæc illorum impetum cohibet, viresque enormius laxat.

in medi-
cum,

Possẽm provocare ad praxin quotidianam, uberrime evincen-tem, remedia etiam saluberrima, a medico minus grato & infesto exhibita invitoque ægro assumpta, raro ex voto operari; contra minus appropriata salutis esse sæpius jubere in medicum confidentiam: quæ aliquando etiam eousque se exerit, ut minus prosperos illorum successus, imo circa horum præscriptionem atque applicationem a Medico perpetratos errores, singulari moderamine adeo occultet, ut ex rudi homuncione Podalirium aut Machaonem peritissimum creet, creatumque renunciet ac proclamet; dum aliorum medelam, quam perite etiam factam, si forsan huic eventus minus respondeat, cavil- lant ac vituperant diffidentiores, ita etiam, ut, qui Medici opera eva- dunt, fati seu Dei, non Medici ope evasisse dicantur. Pariter qui Me- dicum favore suo comitatur, hætenus infirmus, se a magno & diffi- cili morbo sedula illius opera fuisse liberatum sibi aliisque persuadet: qui illum flocci pendet aut odio prosequitur, a leviori morbo, natu- ræ potissimum virtute se reconvalescere fingit & ait, Medicique mole- stias & curas negligit. Nisi, ut innui, commune hoc fatum Medici genuini cum agyrtis, aut hi non raro propitium magis, experirentur; exemplis autem negotium hoc declarare minus consultum videretur, ut hoc, forsan non sine aliorum indignatione, in se susceperit *Wi- gandus*, ille de *Philiatr. germ. itinerib.* Scriptor, *Dissert. 1.*

Neque latere possunt dispares & tantum non inepti illi confi- dentia ac diffidentia, seu mera opinio, fructus ullum; ita ut quem- admodum de his crebro conquerendi, sic de illis sibi applaudendi, causam habeant Medici, rideat etiam aliquando cordatus illam ho- minum ineptam arrogantiam & præcipitantiam, (nisi sibi met stolide aduleatur) qua in acceptis ipsi referunt salutem suam, cui tamen ne mi- nimum hujus debent. Dolentes vero erigit *Hippocrates* sui ævi fato, de arte & in *Epistola ad Democrit.* his verbis: *Artis Medica recte facta, o Democrite, plerique ex vulgo hominum nostrum omnino laudant, verum. Diis sæpe attribuunt; si vero natura reluctata perdiderit eum, qui cu- ratur, Medicos redrebunt, Numen prætereuntes.*

Fidem

Fidem tamen veram ut sibi licite & prudenter comparet, simul-
que omnia, quæ sui muneris, rite peragat Medicus, cautionibus opus
habet variis, commodioris doctrinæ gratia, secundum officii, quod
gerit, disparitatem recensendis ac declarandis.

Sc. haud facio cum illis, qui hoc in eo tantum consistere putant,
ut valetudinis humanæ curam gerat, hinc medicinam per artem sa-
nitatem conservandi ac restituendi definiunt, adeoque arctioribus
iusto limitibus circumscribunt: cum eundem Medicum reipublicæ
quoque immediate magis litare, ejusque sphaeram & Artis ambitum
latius se extendere, vel ex hoc palam fiat, quod in sententiis dicendis
& suum cuiq; tribuendo leges publicæ harumque Administratores ad
Medicorum judicia hinc inde provocare, hi vero de quæsitis illorum
deponere, per ipsas leges teneantur. Adeo ut non incongrue for-
san, juxta duplicem hunc scopum, Medicina in clinicam seu practi-
cam communiter dictam, & forensem dividatur: hinc quædam præ-
cepta, medici manus spectantia, huic circa ægros versanti, quædam
in foro provocato seu in hoc deponenti, observanda veniant; de
quorum posterioribus in *parte secunda* agam, de prioribus præsentis
erit differere.

Ubi tamen mox, ratione priorum imprimis cavere volo, me
non ejusmodi cautelas recensitum, multo minus commendatum, iri,
quæ fraudulentiam potius, quam prudentiam, sapiunt, & popularis
tantum auræ aucupio inhiant, quales inter cautelas medicas ab
*Ar-*prudentia,
maldo de Villa Nova relatas, legimus, imposturas vocat *Langius 3. epist. 6.*
ac quibus nugas suas colorare, & imperitiam celare annuntur Pseu-
do-Medici, cujus genii videtur ille *Guenaut*, Parisiensis, de quo *Patin*
lettres 130 perhibet, illum frequentius dixisse, non posse Medicum im-
perialem sibi ab ægro conquirere, nisi hic fallatur. Tales siquidem
artes seu tricas famam & argentum sibi comparandi detestantur viri
honesti ac ingenui: utut crebrioris forsan usus sint, ac nonnullis
feliciter fatis cedant.

Primo siquidem execrari decet illam nonnullorum impruden-
tiam, aut, mavis, animi malignitatem, per quam præ aliis emergere
hosque subigere seu supplantare illi moliuntur: philævia nimirum,
ambitione vanaque gloria inflati eos parvi faciunt, irrident, conviciis
incessunt,

incessunt, cavillant, ab eruditorum candore abhorrent, sola sua ipsis arrident ac aliena semper despiciunt. Quam quidem suam amarulentiam modo coram & palam, modo clam & a tergo, spirant, utrumque infinitis artificiis, imo aliquando sub blanditiarum & collaudationum singulari specie, occultant: laudant alterius v. g. eruditionem, dolent ejus in praxi infelicitatem, studiis nimis attentum, ajunt, qui praxin minus curet, laudant scientiam ejus chymicam, quo abusum remediorum chymicorum commodius in eodem culpent. Aliorum frons & lingua adeo proterva est, ut dicta & facta alterius aperte, neque tamen hoc coram, taxent, quasi v. g. intempestivum propinarit purgans, minus opportune administrarit aut neglexerit sanguinis missionem &c. quod quidem majore audacia agunt, si muliercularum vel aliorum imperitorum præjudicia malevola sibi favore observent, aut ab his eorum censura petatur. Seniores juvenes imperitiæ, hi illos stuporis & novorum inventorum ac observatorum ignorantia, accusant: indocti eruditos ex capite novitatum suspectos reddere annuntur, *es seynd neue Dinge / lassen sich wohl hören/ aber in Praxi gehets viel anders.*

Colludunt
cum phar-
macopœis.

Quorsum etiam refero Medici & Pharmacopœi collusiones & quæstus reciproci atque sordidi causa sancita, per Leges vero publicas ac Juramentum Promotionis illi & huic prohibita, pacta: per quæ ille hujus pharmacopolium præ cæteris hujusque medicamenta ac in iis comparandis & parandis sedulitatem præ aliorum opera extollit, medicamenta seu Recepta majoris pretii, præter necessitatem, præscribit ac compositiones sumptuosiores adornat; contra hic Domini Doctoris praxin ad invidiam usque felicem inter Aquæ vitæ potiores pronunciat, peritiam illius deprædicat, exempla ab eo sanatorum enumerat, quasi solus hic canonista de Medicorum civitatis dexteritate atque eruditione ferre possit ac debeat sententiam. Hoc est, *der Medicus und Apotheker vertragen sich wohl.*

Conspirant
plures.

Quemadmodum pariter hujus loci, i. e. æque sordida, videtur Medicina socialis, per quam bini pluresve Medici de communi praxi paciscuntur, ita ut præter semet alios, ubi casus postulat, sibi vel substituendos, vel adjungendos, nesciant. Quorum utrumque quia aut in ægotantium damnum, aut cæterorum Medicorum præjudicium

cium ac detrimentum, plus minus directe, vergit, decorum, ab Hippocrate singulis commendatum, lædere videtur.

Cui *deinde* multum quoque derogat, Mulierculis, Obstetri-^{Favorem} cibis similibusque ægotantium parastatis nimis abblandiri, his ^{quarunt} tantum non solis suam fortunam committere easque Hygæam ad-^{muliercu-} rare, i. e. per harum commendationes ac, si non fallor, patrocinia ^{larum.} praxim ^{quarere}, seque ægris obtrudere. Technæ, quibus favorem hunc sexus sequioris nonnulli Medici sibi comparare student, infiniti sunt generis, adeoque paucos forsân harum recensere mihi integrum erit. Nimirum iisdem, præprimis quæ autoritatis conspectioris Matronæ, aut rerum Medicarum aliquam peritiam sibi persuadent, in dictis & factis, etiam absurdioribus, non facile contradicendo, earumque consilia & judicia cum submissione approbando, imo cum his interdum consultando: donec hanc de illis pronuncient sententiam, *es ist doch ja ein bescheidener Mensch/ hat N. N. eben an der gleichen Krankheit glücklich curiret/* sit ut sit; secus se exhibenti ita maledicant, *der Doctor läſſet sich nicht einreden / dünket sich alleine klug* &c. Inferiores vero subfellii fæminarum, v. g. obstetricum, harum amanuensium & aliarum hujus generis anicularum gratiam muneribus sibi conciliare student, eas cibando, potando, phiolam Elixir proprietatis, Matthioli aut simplicioris mixturæ aquam vitæ subministrando, illis gratis medendo, aurum demum & argentum porrigendo. Verum, utut hodie eo, proh dolor! devenerint res nostræ, ut per has agantur, & ab earum favore ac censura multorum praxis ejusque incrementa dependeant: quia nihilominus rudiori vulgo ejusmodi promachæ accensentur, *quod*, observante Hippocrate, *illos etiam pro Medicis habent, qui non sunt*, decretis harum meris confidere difficile atque absonum est.

Argutiis ejusmodi practicis communiter accensent morem ^{Ægris se} nonnullis solennem, quo nimirum non vocati medici ægris se ob-^{obtrudunt.} trudunt, ædes eorum irrumpunt, pharmaca apportant & haud consulti remedia suadent, imo sanis morbum persuadent; aliquando sub singularis affectus, quo illos complectuntur, contestatione similive strophæ: ast, quia crassa nimis & rustica satis hæc impudentia & supplantandi ratio, nec argutiis dolosis accensere meretur.

Morbum
levem gra-
viores
ajunt.

Potius *tertio* his adscriberem, si a Medico morbus gravior ac periculosior fingatur, ac revera est, penes adstantes imprimis: & quidem eum in finem, ut, si æger moriatur, erroris suspicio ab se declinetur; sin reconvalescat, solstrum augeat ille plusque decantet Medici laudes, si ipsi quoque reconvalescenti symptomatum perpefforum gravitas prolixius ante oculos ab hoc ponatur & cicatrix pathetice satis refricetur. *Histrionis* quippe est, ait *Celsus* 5. cap. 26. *parvæ rem attollere, quo plus prestitisse videatur*: id est, ex tussiente facere phthiticum, febrem tertianam simplicem dicere ardentem, scorbuticam petechialem &c. Sicut enim nec mors ægri medico semper in opprobrium converti debet, sic nec sanitas superveniens laudem ubique fert eidem, ubi sc. pronunciata morte æger nihilominus reconvalescit, vel si diuturnum morbum asseverarit, qui brevi terminetur.

Uroscopi-
am profi-
tentur.

Denique his pravis in praxi medica emergendi modis seu imposturis merito annumerantur fraudes Uroscoporum, quibus etiam talia ex urinæ contemplatione judicare sibi præsumunt, qualia vir prudens ac honestus negligit atque detrectat, quas *Arnoldus de Villa Nova* nihilominus inter cautelas medicorum commendat, reticendas potius, quam recensendas. Quæ enim hac immanior impudentia? quisque callidior vel insanior Uromentiarum abusus? Dum sycophantæ & aleatores ejusmodi, strophis ac imposturis his utentes, si diis placeat, sexum, ætatem, imprægnationem, membrum laborans, ubi habitat æger, an ex plastro, an equo, deciderit similiaque præterita & futura divinant, seu hariolantur, sicque utut in re medica plane rudes atque ignari, sanitatem magnifice promittunt, incurabiliū etiam affectuum, sub capitis sponsione, hinc plebem simplicem in magnam sui admirationem rapiunt ac fidem peritiorum medicorum subleſtam reddunt.

Medicus
prudens sit.

Has similesve technas nulli Medicinam facienti commendo, cautum nihilominus & sagacem in artis suæ cultu ut se gerat, negotium ejus arduum postulat, si nimirum bonam existimationem sibi conciliare ac partam custodire malit. Postquam nimirum vix ulli artificum majore circumspectione, quam Medico, opus est, qui in functionis suæ administratione tot morborum monstra, symptomatum virulentorum Lernam amplissimam, infirmorum adeo diversas complexio-

complexiones ac idiosyncrasias, conditiones, mores adstantium æque ac absentium malevolorum, (frequentius ipsorummet Medicorum) cavillationes & censuras experitur, quibus singulis debellandis ac superandis vix semper par existere videtur.

Illam Medici gubernationem sive cum *Hippocrate* decorum & Momenta
hujus pru-
dentia. œconomiam, sive politiam & prudentiam, dicamus, vel eo ipso tamen, dum huic semper relatio ad ægrum subest, supervacaneam censeo eam partem prudentiæ, quam Eremiticam seu solitariam vocat *Roder. a Castro*, ac per quam virum bonum ille se præstat, prolixè explicare ejusque requisita recensere, ut egerunt præter scriptorem allegatum *Freitagius*, *Zacutus Lusit. Botallus*, *Septalius*, imo ipse *Hippocrates*; utpote quod Ethicorum est: sed Medicam potius, seu qua ratione se gerere debeat ille cum infirmis, assistentibus, Medicis sibi associatis & circa quaslibet a moderamine ejus dependentes res, tantum advertam, ac numeros illos recensebo, quos implere tenetur, qui Boni Medici nomen ambit; qualium nonnulli spectant habitum externum, alii mores, alii denique ipsam Medendi rationem.

Et primo quidem *Hippocr. de Medic. t. 1.* valetudinis propriæ Medicus
bona vale-
tudine
gaudeat. ram ipsi commendat, id est, ut videat, quo bono colore & bona ac carnosâ corporis habitudine præditus sit, eamque hunc ægrotantibus non leviter commendare ait, existimantibus eos, qui non bene dispositum corpus habent, neque aliis prospicere posse. Adhæret ipsi *Galenus 5. de sanit. tuend. 1.* dum nonnullos, qui de sanitate conservanda scribunt ac disserunt, nec se ipsos quidem defendere a morbis perpetuo potuisse, ut a Cavillatoribus, inter alia, ipsis objiciatur: ἄλλων ἰατρὸς, αὐτὸς ἑλκεσι βρωῶν: quemadmodum, ut cæteros mittam, *Jerem. Thrioverium, Lovaniensem*, dixisse legimus, nihil infelicius esse ægrotante Medico, propterea, quod omnibus in promptu sit tritum illud: *Medice cura te ipsum*, perinde ac *Sulpitius* ad Ciceronem rescribens, malos medicos, ait, qui in alienis morbis profitentur, se tenere medicinæ scientiam, ipsi se curare non possunt. Quamvis secus sentire videatur *Plato 3. de republ.* Medicum sibi eligens, qui ab ineunte ætate præter discendæ artis studium inter multos ægrotantes conversetur, & ipse omni morborum genere laborarit, naturaque imbecilla esset: neque enim, addit, corpore curat, sed animo. Sicuti pariter unum atque alterum valetudina-

Abfurde
nonnulli
medicos
valetudi-
narios de-
siderant.

rium memini, qui Medicos sibi exoptabant, paribus cum ipsismet affectibus chronicis pressos, v. g. calculosus calculosum: quasi nimirum hi morborum ac symptomatum rationem exactius dignoscant, infirmis magis condoleant, languentibus sedulo ac promptius succurrant, ac de remediis & eventu, in semetipsis expertis, certiores illa præscribant atque exhibeant, ægrorum animos obfirmant.

Qualem nihilominus prærogativam seu peritiæ gloriam nemo sanæ mentis ac corporis Medicus desiderabit, hujusque dura nimis foret conditio, si ex propria demum & inhærente infirmitate alienam metiri, & per experientiam adeo molestant ac periculosam peritiæ & famam sibi formare & comparare deberet. Neque quam experientiam intestinam *Plato* advertit, adeo necessaria est, cum ex aliorum ægritudinibus ac assiduo medendi usu eandem abunde assequi possit: nec tandem, ut per individua demum sui calamitatem hujusque reminiscantiam aliis promptius prospiciat, stimuletur, quem pietas & charitas Christiana movet, aut movere decet. Et stat penes plerosque sine dubio infirmos sententia, illum, qui sibimet mederi nequit, nec alios, eodem vel quovis malo decumbentes sanare posse: *Curet primo se, & tunc me illi dabo*: ne tangam, ad studiorum & praxeos labores sustinendos firmam satis requiri valetudinem. Hallucinaturn proin in hoc selectu dicerem *Platonem*, utut *Rodericus a Castro Med. polit. 2. cap. 15* eum defendere satagat, quasi effato suo non tam ad doctrinam ac decorum, quam ad experientiam & commiserationem, Medici respexerit: dum idem *Plato* adjicit, *neque enim corpore curat, sed animo*.

Non parum proin ad Medici existimationem comparandam & conservandam faciet, ut hic propriæ valetudinis ante omnia curam gerat: vel ne sui, hinc aliorum quoque, negligens, vel artis, quam profitetur, imperitus putetur, v. g. si, juxta *Galenum*, scabie, unguium pilorumve capitis affectu, morbo articulari, laboret. Aut, si quando periodicis morbis tentetur, monente *Septalio animadvers. & caut. med. 1. §. 3.* cur hos evitare nequeat, ostendat, simulque quali diætâ & qualibus remediis eos superet, declare. Neque dedecori aut contemptui ipsi erunt ex causis inevitabilibus magis evenientes, v. g. notante *Galeno l. a. febris ex æstu, frigoribus, lassitudine aliisque id genus* occasio-

occafionibus, item pathemata, *ex artis officiis* horumque moleftiis, v. g. itinere, vigiliis, operationibus chymicis ac miasmatif agrorum atque defunctorum pravis feu fædis, contracta, dum e. g. perhibente *Tulpio 4. obf. 8* carcinoma mammae ulceratum Dominae ancilla non tantum mammae, fed ipsius Medici gutturi quoque, perniciofum exiftebat; & *Thomson*, Anglus, a diffedione pefte defuncti virulentiam eandem contrahebat. Quæ illum magis a culpa vindicabunt, quam fi *ab intemperantia eum egrotare*, confet, quibus aliorum objurgationem, utique meretur: *sunt quippe hi ex illis, qui juxta Demofthenem aliis melius confultunt, quam fibi, falutemque fuam negligunt, alienam curant.* Quemadmodum nec vitio illi verti poterunt morbi connati & per infortunii cafus quoscunque illati: dum cum cæteris mortalibus eodem fato aut fragilitate gaudet.

Alterum externorum, quo opinionem Medicus capet, velti- Vestitu
honesto
utatur.
tum feu ornatum amictus cum odoribus ait *Hippocrates de Medico* pariter ac *de decenre ornatu* & *6. epidem. 4.* ubi tonfuram & unguium curam addit: quale nihilominus decorum ad prudentiam potius civilem, quam Medicam, fpectare autumo. Breviter E. monente *Galenus 6. epid. 4* veltitus fit mediocris, cum valde fplendidus & fumptuofior jufto faftum atque arrogantiam, fordidior & lacerus amictus vilitatem ac forditiem, oftendat: *nifi æger ipfe immoderatus aut preciofa veltimenta amet, aut fordidis oblectetur; tunc enim a mediocritate ad illud, quod egroto magis placeat, defcendito* & c. etfi communiter

Vir bene veltitus, pro veltibus effe peritus

Creditur a mille, quamvis idiota fit ille.

Potius cuncta ejus externa ad munditiem componantur, manus & fa- Munditiei
ftudeat.
cies ffordibus minus incruftatae, & puræ cernantur, item, juxta *Ovid. 1. de arte*,

Et nihil emineat, fint fine ffordibus, ungues.

imo, notante eodem *Galenus l. a.* nec de unguibus, fcarbæ, pilorum affectibus aut alio id genus vitio turpi fermonem penes infirmos faciat. In fpecie circa odorem corporis & anhelitus fit cautus, qualis quemadmodum nonnullis natura vel vitio intrinfeco putidus contigit, ut teftatur Medicus ille Afaticus, axillarum odore tetro moleftus, & alter anhelitus fætozem fpirans, quorum idem *Galenus l. c.* meminit;

nit; aliis per incuriam & intemperantiam contrahitur, v. g. ab alio & capis assumptis, hodie ab aqua vitæ & fumo nicotianæ haustis: ita Medicus horum gnarus aut ab invisendis ægris aliquando abstineat, aut, si non vera, palliativa tamen, cura fracedinem ejusmodi emendet, seu mitiget, quod de iisdem Medicis olidis *Galenus* perhibet, ægroto non adeo appropinquet, similive arte factores suos occultet, abstineat vero ab usu ejusmodi rerum, quæ nauseabundum odorem spirant: Sicut nec vini odorem omnes æque facile ferunt valetudinarii, observante *Hippocr. de Dec. ornat. t. ii. & Galeno l. a.* & posterior cujusdam Medici Romani, *Quinti*, exemplo comprobatur; qui, cum a prandio Magnatum quendam, febre ingente cum capitis dolore decumbentem, visiteret, hicque vini odorem exhalantem ægre toleraret, ab hoc, ut longius aliquando recederet, quam humaniter rogatus, quod vinum immoderatus redolens ipsi molestiam crearet, stolidè ipsi respondit ac præcepit, ut æquo animo hunc odorem ferret; nam & se quoque ægrotum ex febre male olentem sustinere, multum autem interesse, febrimne quis, an vinum, redoleret.

In suaveolentis sit moderatus,

imprimis pro idiosyncrasia diversitate.

Temperet nihilominus Medicus clinicus sibi ab odoramentis suavioribus nimis, penes faminas inprimis ac quosvis tenerioris cerebri texturæ homines; potissimum cum nonnullos per idiosyncrasiam hoc vel illud odoriferorum genus abhorrere, hisque non minus suaveolentia, quam graveolentia & fatida, si non exitiosa, molesta tamen, existere observetur. Dum fragrantium Zibethi, Moschi, Ambræ &c. paucissimæ famina, puerperæ inprimis, sine supervenientibus lipothymiis, strangulatibus hystericiis aliisque symptomatis tolerant: & puerperarum quatuor a Medici chirothecarum, ambra delibutarum, odore syncope correptas & post diem expirantes *Zacut. Lusitan. introduct. ad prax. præcept. ii* perhibet. Nosse se homines, qui rosæ odorem tanquam capitalem inimicum, prorsus odio habeant, *Botallus de Medic. & agri muner. §. 25* testatum facit, eo, quod capitis dolorem ipsis concitet, vel sternutamenta moveat, vel naribus tam molestum pruritus inducat, ut bidui spatio ab earum frictione se continere nequeant: qualem pariter antipathiam ad rosarum suaveolentiam olim in *le Febure*, Chymico Regis Angliæ, Caroli secundi, peritissimo ac celeberrimo annotavi, qui cum inter opera-

operationes Chymicas Rosas quondam uberius tractaret, hoc infirmitatis inde contraxerat, ut postmodum a florum horum odore mox animo linqueretur. Contra ambra & moscho foeminas quasdam delectari, a castorei graveolentia lædi, experientia docet: simili modo, ac de carnificis quodam sermo refert *Salmuth. 3. obs. 71.* eum a pharmacopolii, quod intrarat, aromatum similiumque, fragrantium anathymias deliquium animi passum fuisse, a quo non aquarum cordialium & apoplecticarum, oleorum, balsamorumve applicatione, sed cloacæ demum olidæ graveolentia, excitatus fuerit; cui forsitan naso par ille Stabularii, cujus *Hoffmannus Inst. med. 5. cap. 40* ex *Solenandro* mentionem facit, qui febricitans in conclavi aëris purioris male, in stabulo uliginoso & fracido melius, se habebat. E. juxta *Hippocr.* odores gratos equidem medicus spiret, quod hi ægros recreent: unguentis tamen hunc in finem *non suspectum odorem ad omnia habentibus utatur*, seu ascitum ac peregrinum quemvis vitet odorem.

Ast his requisitis prolixius immorari vix consultum duco, ad mores potius, quibus tertium locum *Hippocrates* concedit, transitum facturum, quos vel cum Christiano s. cive bono communes, vel sibi proprios magis, habet Medicus: priores leviter & non, nisi quatenus hujus functionem spectant, lustraturus, ne Theologorum aut Ethicorum cathedram petere videar.

Ita pietatem & cultus divini studium, quod in illo præter *Zacu-Medicus tum Lusit.* alii vehementer satis urgent, argumentis multis commen-^{pius est.} dare, supervacaneum puto, cui nempe cum Christianis res est: hujusque religionis medicum quemlibet admonebit vel *Hippocrates* gentilis, de *Dec. ornat. t. 6.* *Etenim scientia de Diis vel maxime animo ipsius implexa est, etenim in aliis affectionibus, & in symptomatis accidentalibus Medicina erga Deos valde reverenter se habere comperitur, Medici vero Diis concedunt; Non enim est potentia in ipsa redundans.* Et graviter peccant illi, qui arti & eruditioni suæ turgescenti arroganter satis salutem reconvalescentium primario adscribunt, plus huic & sibi, quam benedictioni divinæ, a qua nihilominus omnis medela, ^{A Deo salutem expecta,} Medici & medicamentorum vis, confidentes: cum tamen, monente *Freitagio noct. medic. c. 2.* *necessarium maxime sit, ante omnia cum divini numinis imploratione medicins usurpanda initium facere, ut &*

Medicinam facienti, & remediis, in usum fragilitatis humana ex terræ gremio ubertim conditis & benigne profusis, legitime utenti divina optuletur benedictio. Nam

Ni Deus adfuerit viresque infuderit herbis,

Quid, rogo, Dictamnus, quid Panacea, juvat?

Non nimirum
us sit in
pollicitationibus.

Perinde enim ac Asæ, Israëlitarum Regi, vitio vertitur, quod medicis auxiliis plus, quam Divina benedictioni confusus, illa præ hac imploravit, ac ob id ipse sua frustratus perit; ita nec medicus arti ac peritiæ suæ plus, quam benignitati divinæ confidere debet: nisi salutem ægrotantium, suamque exultationem & fortunam negligat, aut vana jactantia summi Numinis iram irritare malit.

Annuit his Arnoldus Villanovanus l. a. ubi Medicum in promittenda ægris salute justum postulat, i. e. qui non promittat sanitatem, sed fidelitatem & diligentiam tantum; quia aliter faciens extirparet divinum officium & faceret Deo injuriam. Et, juxta Brun. Seidelium de morb. incurab. absurdissimum & stultissimum censeretur, in promissione salutis excipere causas naturales & adjuvantes alias, v. g. obedientiam ægri, diætam strictiorem & similia; non vero excipere causam omnium supremam ac potentissimam, quæ cunctas reliquas moderatur & macrocosmum æque ac microcosmum sola integrum conservat.

Admoneat
ægros pietatis.

Pietate ejusmodi instructus Medicus precum piarum & animæ curæ admonet quoque infirmum, ad quem ingreditur, juxta illud Siracidis cap. 38. Fili mi, ne negligas hoc, in infirmitate tua ora Dominum, & ipse sanabit te. Avertere a peccato &c. & illud D. Jacobi, Apostoli, cap. 5. Infirmatus quis in vobis, adducat presbyteros ecclesiæ, & orent super eum, ungentes eum oleo in nomine Domini, & oratio fidei salvabit infirmum, & alleviabit eum Dominus, ut convalescat. Hincque Augustinus quoque scribit: Qui sine Salvatore salutem vult habere, non sanus, sed æger, non prudens, sed stultus, in ægritudine assidua laborabit. Qualis tamen Medici religiosa admonitio sub circumspecta lenitate & sine rigore fiat, minus interim neglecta aut prorogata medela corporis postulata. Neque enim, jubentibus nonnullis, si admonitus infirmus hæc negligat, confiteri v. g. nolit, Medicus hanc differat aut recuset, quia adhortatione illa, quod Christiana charitas & religio jubent,

jubent, sufficienter egit: & metuendum, ne, si a curatione justo diutius abstineat, hic forte moriatur desperatus, qui sanatus poterat salvari. Potissimum cum ejusmodi genii atque ingenii non raro offendamus ægrotos, qui mortem plus, quam Christianum, metuentes auditis ejusmodi amicis, vel Medici, vel adstantium, admonitionibus corpore & animo contremiscunt, & desperatum omnimode morbum judicant, omnem mox in Medicum fiduciam abjiciunt, imo in hunc invehuntur. Unde suasor essem, ut Medicus non ipsi infirmo, sed hujus necessariis & assidentibus tantum, suam de animæ cura mentem aperiat, ut hi (forfan facilioris admissionis) illum ad eam disponant & præparent: Quamvis hos interdum æque stolidos, ne dicam, impios observemus, ut medici monitum superciliose negligant, quasi tali argumenti genere non conturbandus & contristandus sit æger, illumque limis satis intueantur.

Post pietatem primum & amplissimum inter mores medicos Comis & humanus sit. sine dubio locum tenet Humanitas seu comitas, qua, seu merendi studio, in omnes, præcipue peregrinos ac egenos, exemplo *Hippocratis* atque *Empedoclis*, si quando se ferendi opem occasio obtulerit, utatur Medicus. Nam si, advertente *Valeriola 4. enarrat. 10. erga homines amor atque humanitas adfuerit, erga artem idem amor comparebit: facitque hoc pium juvandi studium non ad opinionem tantum, sed auctoritatem quoque comparandam.*

Declarabit hoc primo promptiore accessu, dum defectus pronæ Promptus sit ad mendandum. voluntatis in operibus charitatis, perinde ac officii, erroribus omissionis accensetur, quibus ut plurimum aliquid, si non doli, certe culpæ, videtur subesse, quatenus occasio præceps, in morborum medela magni momenti, hac ratione aliquando negligitur, transacta opportunitate applicandorum remediorum. Nunquam tamen, nisi Vocatus tamen. vocatus, accedat, multo minus invito se obtrudat ulli; ne levitatis & avaritiæ culpam reportet, alteri forsan medico præjudicet, & lucrum potius suum, quam ægri salutem, anhelare videatur, incertus hinc maneat de hujus confidentia, quippe qui propter ejusmodi visitationem inexpectatam sibi, se medici ope indigere, vix persuadet. Nisi forsan casus seu occasionis exigentia aliud jusserit, v. g. si quis ex improvviso ægrum, cujus infirmitas nullas inducias patitur, aliorum

auxilio destitutum &c. offendat; quam capillatam arripere tenetur Medicus probus, utut minus postulatus.

An nemini
operam
denegare
debeat?

Machinarum, quibus ægris quidam se obtrudere solent, nonnullas superius indigitavi, cunctas, quia plerasque ignoro, nunquam addiscere volui, recensere nequeo, plurimum autem productione nemini offendiculo esse cupio. Casibus interim conscientia quod adscribitur, problema potius: an Medicus omnibus, qui consilium & operam ejus desiderant, mederi teneatur? solvendum aggredior: Postquam nimirum multis, sapientioribus quoque, persuasum esse deprehendi, si non per justitiam, certe per conscientiam, Medicum, ut quibusvis postulantibus operam suam præstet, obligari. Cum nihilominus haud appareat, an committendo, an omittendo, peccet is, si secus faciat: nisi medicos hoc servitutis peculiare habere fingam, ut ad aliorum nutum, *er hat gleichwohl das Vertrauen zu ihm*/ se totos & solitarie convertant; adeoque rem meræ voluntatis, moralitatis & conscientia fieri patiantur.

Suppono, postulari Medicum in oppido, v. g. ubi plures Medicinam faciunt, hinc ob assistentiam a vocato denegatam nullum periculum vel damnum infirmo invenire: quemadmodum pariter ægritudinem non adeo urgentem, quin alius Medicus advocari opportune seu tempestive satis queat, i. e. moras aliquales quæ patiat. In quibus casibus liberum ipsi puto medelam suscipere ac detrectare. Contractum qui iniit, hunc servare obligatur; ast contrahere, in cuiuslibet potestate est. Stipulatur ad tacitum contractum medicus a medelam postulante: integrum nihilominus huic relinquitur jure naturali, se obligare aut non obligare postularis. Quid obliget E. medicum, ut cuius operam suam roganti assurgat, non apparet: nimirum nec natura, nec lex, nec contractus, multo minus postulatio seu confidentia ægri; cum ad feliciorē medelam etiam confidentia medici requiratur, qualis cogi nequit. Et quamvis pro duriorē hac, præ aliorum cujuscunque generis hominum, conditione medicorum asserenda communiter allegetur, quod licet opem suam denegando infirmo, qui multum in eum confidit, morbi medelam aut omnimode, aut quoad partem impediatur: quod fides illa plus aliquando præstet, quam remedia; prout quidem ex superius dictis largior.

largior. Causam tamen medicis dicere videtur *Carrarius de med. & ejus offic. part. 2.* ubi privatos medicos, (seu qui stipendio publico haud constituti) utcumque vocatos, cogi non posse, ait, hosque in foro conscientiae quoque tutos esse, si ad ægros curandos ire noluerint. Sine dubio, quod non absque ratione fontica suam operam huic vel illi denegent, & existimationis ac tranquillitatis propriae conservatorem naturæ lex velit, medicum quoq; minime omnium mancipium. Et si non advocare & dimittere, aliumque pro lubitu adducere medicum infirmo liberum relinquitur, sub terminis: *Es siehet ja dem Patienten frey zu brauchen / wen er will / es ist einem jedem seine Gesundheit lieb &c.* cur medico advocato, homini libero, libertatem accedendi & non accedendi denegabimus. Potissimum cum satis lubrica vixque adeo tenax sit ægri fides, quin post varias molestias & curas a medico exantlatas eum hujus levi occasione tædeat, a fusu rone & cavillatore leviter stimulat, illaque frequentius in diffidentiam & abominationem abeat. Eadem proin facilitate eousque temperari ac discuti poterit hic penes infirmum affectus, ab amico adulate, ut ex animo protinus deleat spem de medico desiderato, forsân ex simplici præjudicio, conceptam, si excutiet hic vocationem illam, ob rationes, quas cuivis exponere haud tenetur, aliquando etiam publico notissimas: hinc valetudinis suæ periculum cur metuat æger, non habet.

Non detrectet tamen unquam operam suam Medicus propter vocantis egestatem, cui opitulari, imo de suis ipsi largiri, charitas Christiana jubet, secundum *Codronch. 1. de Christ. med. ratione cap. 19. Rod. a Castro Medic. polit. 3. cap. 21. & Boudevyns Ventilabr. med. theol. part. 1. quest. 46.* jubet idem *Hippocrates de præcept. t. 5.* ne tumultu ejus inscribantur versiculi *Buchanani*, exequiis funeris *Jacobi Sylvi*, magnæ alias eruditionis & famæ Medici ac Professoris Parisiensis, dicati:

Sylvius hic situs est, gratis qui nihil fecit unquam,

Mortuus, & gratis quod legis ista, dolet.

Quamvis nec ad omnium pauperum curam Medicum obligari, ex *Navarra manuali Zachias quest. med. legalium lib. 6. t. 1. quest. 8.* & *Boudevyns l. a.* constet: nimirum illius tantum, quem probabiliter

Etiā pauperibus
medeatur.

Non tamen
cunctis.

existimet, nisi ei præsidiis medicis succurratur, moriturum ; cui non adsit alius, qui hoc faciat, nullusque reperiatur, qui pro eo mercedem solvat, nec habeat, unde ejus necessitati subveniatur, veluti sunt Xenodochia publica. Quibus conditionibus mihi addere liceat, teneri etiam per conscientiam Medicum ad pauperis medelam, licet hujus infirmitas non fuerit mortalis, modo ad labores & alimenta acquirenda eum ineptum reddat, hincque gravior evadat ejus paupertas : item, quamvis alii quidem adsint, qui ipsi succurrere queant, hoc tamen non agant, aut inter alumnos publicos ille non recipiatur, ideo forsân, quod ante sui receptionem non queat præstare præstanda.

Uni plus,
alteri mi-
nus, infer-
viat.

Ex quo supposito solvere quoque licet aliam, casibus conscientia pariter adscriptam, quaestionem : An sc. Medicus æqualem, seu parem curam omnium suorum ægrorum, sine personarum exceptione, gerere debeat ? Nempe cunctis utique, quibus operam medicam promisit, quorumve medelam in se suscepit, cujuscunque conditionis & sortis sint, hanc præstare obligatur, consulendo, præscribendo & administrando illa, quæ proficua, affectui solvendo congrua & necessaria judicat : adeoque errorem omissionis perpetraret, qui v. g. Principi aut Primario cuidam civitatis Viro medicinam faciens leviter ægotanti, tenuioris fortunæ hominem, graviter & ad mortem ægotantem, ut illi accuratius ministraretur, deserat huncque negligentius tractet. Eo ipso tamen, dum infirmorum quidam aliis dignitate potiores, aut reipublicæ quocunque modo magis utiles, quod in sano sensu ad ditiores quoque extendi solet ; quidam nobis propinquiore seu necessarii magis v. g. parentes, filii, fratres, cognati atque agnati ; aliis propter merita, officia atque amorem magis obstricti sumus : his majorem curam & sedulitatem, imo servitia, debemus, præ minorum gentium & exteris seu alienis magis, quique nulla humanitatis officia nobis præstiterunt, hominibus, juxta illud *Augustini* 1. de doctrin. Christi. *Omnes homines aque diligendi sunt, sed cum omnibus prodesse non possis, his potissimum consulendum est, qui pro locorum & temporum vel quarumlibet rerum opportunitatem constrictius tibi, quasi quadam sorte, junguntur.* Et inepte, annotante Boudewyns p. 1. quæst. 36, ratiocinatur vulgus, dicens : *Si divites effemus aut in honore positi,*

positi, promptius & melius hic inserviret nobis: cum nihilominus etiam ipse charitatis ordo postulet, ut consanguinei & cognati præponantur externis, & a quo plus beneficiorum accepimus, illi plus debeamus.

Ita ut non per rationes politicas tantum, sed Theologicas quoque æquum videatur, nos, cæteris paribus, plus obligari sub medicinæ administratione his, quorum merita vel respublica, vel nos nostrive, experti sumus. Quod quidem præstabimus, nihil, ut dixi, necessariorum penes aliquos negligendo, sed præter hæc alios præ aliis officiis humanitatis ac obsequii plus minus devinciendo, v.g. frequentius eos visitando, medicamenta aliquando ipsis porrigendo &c. imo hos illis, si utrisque subvenire non æque queamus, præponendo. Et sic contra justitiam distributivam minus peccabit Medicus, inæqualem diversorum ægrorum curam habens, quatenus, juxta *Thomam*, æqualitas justitiæ distributiæ in hoc consistit, ut diversis diversa, secundum horum diversitatem & proportionem tribuantur.

Quadrat huc scrutinium quæstionis, an desperatorum curam prudens suscipere queat, aut teneatur Medicus? Cui sine dubio occasi-
An desperatis me-
dendum.
 onem dedere ex Veteribus *Hippocrates* præprimis, *Galenus* ac *Celsus*, ut *Aëtium* & *Avicennam* taceam. Quorum prior *de art. t. 4. 13.* & 23. nefas esse putat, ægris morbo victis seu deploratis remedia præscribere atque porrigere; repetendo idem *1. de morb. t. 5. Non recte fit, si, quæ sanata impossibilia sunt, te sanaturum, recipias.* Quale effatum *Galenus* quoque scriptis suis, v.g. in *1. aph. 8. 2. aph. 29. & method. med. 11. cap. 9* firmatum posteris commendum voluit, a *Celso* levatus, qui *5. cap. 26. prudentis hominis ait, primum eum, qui servari non potest, non attingere.* Quos nihilominus Medicorum principes, pro humana forsan pietate resipiscentes aliter nonnunquam egisse & sententiam suam justo duriores mutasse, ex diversis eorum locis colligere est. Dum *Hippocrates* in *librorum epidemiorum* historiis nunquam omnem animum abjecisse, nullumque infirmum, quem per artem divinatricem insanabilem & deploratum judicaverat, prognostico absolute reliquisse legitur: quemadmodum *Galenus* pariter *10. method. med. 10.* ubi ad *Thucydidis* consilium in *marasmode hæctica*, cui salutis ratio aut nulla, aut dubia est, agentes aliquid periclitari, &
Dissenti-
unt scri-
ptores.
necessum

necessum his aduersus pericula ire, arbitratur; atque dum Celsus 2. cap. 10. melius esse, inquit, anceps experiri remedium, quam nullum, & 3. cap. 9. fere, quos ratio non restituit, temeritas iudat, adeoque priori suæ sententiæ contradixisse videntur.

Unde factum, ut loca, quibus desperatorum curam dissuadent hi Medicinæ primores, nonnulli commentatorum minus attendenda esse monuerint, quasi scriptorum gentilium & ab omni pietate Christiana alienorum, ac quos ad suam & artis famam magis, quam ad miserorum adiutorium, respexisse, ex consequentibus eorum verbis palam sit, dum hac ratione præsidia, quæ multis profuere, apud vulgus infamari, & ægrum speciem occisi subire, quem fors peremerit, asserunt; quod præter *Avicennam & Aëtium Guido de Cauliaco in præfat. seu capitulo uniuersal.* innuit, ubi, *cave a malis curis, fatur, ne nomen mali medici subeas.* Alii antinomias eorundem Scriptorum diversimode explicare & conciliare attentarunt, ut videre est penes *Reies Elys. camp. jucund. quest. 15.* ast non æque adæquata semper ratione. Solidius & strenuius forsân negotium hoc aggrediuntur, qui partim inter morbos desperatos, partim horum tempora, partim inter remedia, distinguunt, & casibus hinc diuersè formatis controversiam dirimunt.

Distinctio.
ne res de-
ciditur.

Differentia
inter mor-
bos deploro-
ratos.

Quippe primo morbos deploratos nuncupare convenit, vel simpliciter incurabiles, v. g. conformationis morbos connatos multos, vulnera cordis, sphacelum, phthisin & hydropem consummatum, cancrum exulceratum, podagram nodosam &c. quorum sanatio ab arte seu industria humana nunquam expectari poterat: vel ut plurimum tantum tales, v. g. vulnus epatis aut cerebri profundius, ventriculi, epilepsiam adultiorum, quo suo modo partus etiam præternaturalis difficilis seu vitiosus spectat, quos rarius & non, nisi difficulter admodum, sanari, quorumve sanationem monstri medici nomine, communiter exprimunt. Quibus accedunt tertio affectus, quos per accidens tantum desperatos dicere solent: nimirum quorum, per se quidem curabilium, remedia ad manus non sunt, vel æger morosus atque inobediens illa non admittit.

Nullum horum Christianus Medicus dimittere incuratum valet, ob rationes insequentes, in specie verò nec absolute lethaliter de-
cum-

cumbentem, vel ideo, ne viva apprehensione & mœrore ægri terminus fatalis anticipetur, quique corpore tantum hactenus laboravit, in animi etiam mœrorem conjiciatur; cum ægro nihil crudelius, quam Medicum desperantem & ab omni medendi conatu desistentem videre, accidere possit: adeoque in ejusmodi casu hic manum non tam deneget aut subtrahat, quam blande subducat. Sin morbus quidem non absolute lethalis, incurabilis tamen omnimode sit, v. g. calculus vesicæ major, annatus &c. cancer, arthritis consummata, liberius ac securius ab hujus curatione abstinere licet, addita etiam, si cum sapientiore nobis res fuerit, ratione; quia a desertione hac nihil majoris mali facile metuendum: imo utut tibi tunc indignetur æger, aliorumque auxilium hinc inde quærat, frustraneum tamen hoc cum aliorum pollicitationibus vanis expertus, & sumptuum atque curationis molestiarum pertæsus, ad te tuamque sinceritatem revertetur, tuamque prudentiam, si non lingua, certe animo, extollet.

Quidam morbi deploratorum non curandi,

Quamvis in utroque hoc casu sub tali moderamine, ut, de primarii morbi curatione desperans etsi Medicus, symptomata nihilominus aliquatenus & eousque leniat, quo ab horum gravitate paulo levatus, aut placida magis morte defungatur, deploratus juxta illud:

Ad minimum symptomata lenias.

Requiem tamen indere morbo,

Fas erit, & tristem saltem mulcere dolorem.

aut dolore atrociori similibusque symptomatis gravius afficientibus, somnum interrumpentibus &c. mitigatis patienter magis ferat malum, quod ipsemet incurabile judicat. Quippe & hoc in Medico & Arte laudatur, si his tantum medeatur, quatenus *Seneca de vita beat. cap. 17* de arthritidis suæ inveteratæ sanatione omnimoda quamvis desperans ita nihilominus scribit: *Non perveni ad sanitatem nec perveniam quidem, deliniamenta magis, quam remedia, podagra mea compono, contentus, si rarius accedit, & minus verminatur.*

Quod vero alterum genus morborum attinet, quod naturam aliquando mirabiliter & præter omnem spem sanare, multifaria comprobata experientia, huic omnimode manum admoveat Medicus, id est, excitet ac juvet illam: quo sua arma, nobis omniumque ingeniorum solertiæ incognita, in morbum, tanquam hostem sibi juratum, potentius vibret: forsan, si pariter non ipsi morbo prima-

Quorundam deploratorum ratio habenda.

rio, certe hujus symptomatis ac viribus prospiciendo, impedimenta obvia removendo. Neque enim gravitas morbi ac difficultas curationis, & quod hujus generis affectus rarius sanetur, Medicum peritum deterreat, sed potius eo ipso, dum *Cuius potest accidere, quod cuiquam potest*, omnem lapidem movebit, ne naturæ, adjutorium ejus postulanti, deesse, ab atrocitate morbi fugari ac urgente malo & invalescente hoste arma projicere videatur.

Non morosorum.

Sed quoad morbos, quos non tam illorum habitudo seu gravitas, quam agrorum morositas atque intemperantia plus minus deploratos reddit, quorum exempla, quia quotidiana, non attendimus, unicum ex *Celfo 3. cap. 21.* adducere conveniet. Hydropem sc. facilius superare servos, quam liberos, hujus aliorumque scriptorum communis est observatio: quod ad hujus medelam strictior, inter alia, præprimis quoad potum, desideretur diæta, cui se accuratius mancipare coguntur illi, præ his, quibus inutilis ac damnosa libertas est; neque hi quidem, qui ab alterius jussu dependent, si ex toto sibi temperare non possunt, ad salutem perducuntur. Ideoque refert, Medicum quendam Regis Antigoni non ignobilem, amicum hujus, notæ intemperantiæ, hoc morbo non mediocriter implicitum, sanari posse negasse, quem alius Medicus se sanaturum pollicebatur; respondisse vero huic eum ad morbum, se ad animum ægri respicere: neque hunc rem fefellisse. Hydropicum quippe illum, quamvis cum summa diligentia, non medici tantum, sed regis quoque, custodiretur, nihilominus malagmata sua devorando bibendoque (aliis denegatis potulentis) suam urinam; in exitium sese præcipitasse. Neque hos tamen sine consilio & ope dimittat Medicus probus, & si ad errorum in victu similibusque emendationem adhortetur, remedia pro re nata & congrua proponat, officio pariter ac conscientiæ suæ satisfaciet, utut non intentioni; querulum & immorigerum ægrum ferendo, eique juxta *Senecam*, modo remedia monstrando, modo inculcando: cum difficile sit quenquam invitum sanare, contra multa desperata credita, aliquando succedant, & largiente eodem *Celfo, sæpe pertinacia juvantis malum corporis vincat.*

Deinde distinguere convenit inter morborum momenta, seu morbos eousque desperatos, ubi functionum & naturæ virtutis omni-

omnimoda dejectio, sub pulsu intermittente, asphyxia, sudore frigido, stertore, spuma circa os &c. non mortem tantum imminentem sed fientem ac præsentaneam, significat : & inter eos, quibus equidem diversa lethality signa, urinæ nimirum cruditas pertinacior, deliria, sensus & motus ablatio, convulsiones, uno verbo, morbi vehementia & maximus virium defectus subsunt, res tamen nondum adeo, ac in illis, conclamata, sed ambigua tantum spes videtur. Ubi in priore casu nulla præsidia administrari debent, utpote omnino inepta ac frustranea, & a quibus nihil levaminis nec in corpus, nec animi ægri, morientis jamdum, redundat, nec mali quid ab horum denegatione percipit hic : in posteriore vero ægrum deferere nondum tempestivum, sed remediis adhuc insistere nihilque in ancipiti etiam casu intentatum relinquere fas erit ; si non, ut ægrum orci faucibus eripiamus, certe ut, quemadmodum superius dictum, eundem tranquillorem reddamus, symptomatum asperitatem leniamus, & cui vitam largiri seu conservare non poteramus, monente *Seneca l. de ira 6.* facilem forsan exitum præstemus.

Porro nec *tertio* quibusvis sub ejusmodi rerum statu remediis conceditur semper locus, nempe generosioribus & cum evidente periculo combinatis : quod *Galenus 12. method. med. cap. 4* innuit, & in ægro morituro nullo generosiore præsidio uti præcipit : ne hujus vehementia periisse dicatur, quem morbus sustulit. Quamvis aliquando magnorum & momentosorum quoque remedium usus, si salus non omnimode desperata, concedi debeat, v. g. in angina tracheotomia, in partu difficili hysteromatocia, in suffocationis metu vomitorium & Venæsectio, juxta illud *Celsi*, melius esse anceps aliquod experiri remedium, quam nullum, & *Galen. 10. meth. med. c. 10.* ubi, quanto satius est, scribit, *aliquid nonnulla fiducia vel cum periculo facere, quam spe adempta certo perire : tanto profecto satius est, potentibus præsidii pugnare, quam nihil agere*, modo spes aliqua adhuc, si non declinandæ mortis, prorogandæ saltem salutis, compareat.

Fallite equidem Medicos nonnullos adeo sua meticulositas, ut sibi consultius ducant, in casu ancipiti a momentosis remediis abstinere, ne mortem accelerasse videantur : ast eo ipso, dum, juxta *Hippocr. de leg. 3.* *timiditas impotentiam artis* penes hos arguit, maxime

Aliter a
gendum
cum omni-
mode de-
speratis.
Aliter cum
gravius
tantum de-
cumbenti-
bus.

Desperatis
meden-
dum per
securiora.

Aliquando
etiam per
generosio-
ra.

Nam timi-
ditas etiam
nocet.

cavendum erit, ne, dum indemnitati infirmorum tutioribus præsidiiis nimis litamus, potentiorum necessariorum interim neglectu periclitari sinamus eorum salutem, eandemve nefarie succidamus, adeoque exitiabiles æque medentis sint blanditiæ, quam vehementia præsidii. Cum juxta *Senecam* & *in ipsa desperatione extrema remedia tentanda sint*: quatenus leviores maculas equidem aqua mollior eluit; sed ubi altius insedit vitium, acrius adhibetur cum sapone lixivium, transitque a medicamento ad ferrum, a ferro ad ignem Hippocrates, non in affectibus levioribus, sed gravioribus, i. e. quibus nec pharmacum nec ferrum sufficiebat.

Remedia
generosa
desperatis
aliquando
contin-
gunt salu-
teria.

Variis Scriptorum & praxeos quotidiana historii illorum, quibus ancipiti morbo decumbentibus anceps remedium salutariter cesserit, ad minimum vitæ terminum prolongarit, assertum hoc confirmare supervacaneum credo; singulorum unicum tantum, propriæ observationis recensebo. Vocabar superioribus annis in agrum vicinum, ut mederer Viro, stirpe & munere Generoso, qui post alia valetudinis fata corripiebatur dolore & tumore abdominis, hypochondrii præprimis dextri, immenso, hinc febre continua, vigiliis, dispnoea, tussi variisque atrocioribus symptomatis, quæ Medicus ordinarius hactenus cuncta flatuosa & hypochondriaca crediderat, adeoque clysteribus eluere, carminantibus & confortantibus demulcere, frustra curaverat. Inveniens miserum hunc sub gravi hac symptomatum syndrome tanti languoris, ut præfagium pessimum penes omnes, imo etiam Medicum pristinum, esset, indagine tamen solertiore deprehendens malum primarium inflammationem musculorum abdominis, qualem *Galenus* 5. de loc. aff. 7. in *Stesiano* quodam, & *Valeriola* 4. obs. 5 in fæmina annotarunt, suppuratam, simulque incertus, an inter musculos hos ipsos, an inter hos & peritonæum, fæcies stagnaret, in quo posteriore casu, si differatur auxilium, peritonæi perruptio & puris in abdominis cavum defluxus metuendus erat: hæsitantibus Medico & adstantibus, quasi de re conclamata, scapello apostema mox incidi jussi, cum euphoria & insequente hanc post puris copiosissimi successivam eductionem salute ægri. Pari ratione, egi aliquando cum juvene empyico, *Xenodochii* nostratis alumno, ex pleuritide suppurata desperato, quem carnibus & viribus a tussi & febre

Obs. 1.

Obs. 2.

febre hectica consumptum & strangulationi proximum offendens, ejus spatium intercostale quintum sinistrum eodem ipso momento perforari curavi, eductoque sensim ac successive pure graveolente in ancipitio constitutum generoso hoc remedio ab interitu vindicavi.

Quin vero aliquando auxiliis medicis vitam prorogare ac mortis impetum sufflaminare liceat, partim illa hecticorum consummatorum therapeia evincit, quam vel ideo *Galenus 10. meth. med. 10* commendat, si *maluerit fortasse propinquorum aliquis atque etiam egrotus ipse aliquo spacio in senis habitu vivere, quam illico mori*: partim itidem quotidiana edocemur praxi, ex qua meminisse quadrabat viri cujusdam ascitici, (olim & alia occasione jamdum a me commemorati) qui suffocationem momentaneam fere expectans, administrata & repetita pluries paracentesi, eductisque hujus ope per vices ultra centum & viginti libris aquarum a mense Maji ad Novembris medietatem nihilominus superstes, aliquandiu etiam cum virium & carniū quasi accretione, appetitus ventriculi atque habitus floridioris restauratione, conservatus fuit.

Quibus suppositis, non pro Christiana tantum pietate, sed humana quoque charitate, agris, etiam declamatis pro modulo subvenire convenit: si non, ut a morbo liberentur, saltem ut hunc cum morte mitius ferant, & in hujus articulo quasi constitutos non omnis spes decollet: utpote quod laudabilius erit, quam in tanto agone infirmum sine levamine, cum crudelitatis nota, relinquere. Idem quoque arguit illorum, quibus jamdum sandapila parabatur, inopina salus, qualium exempla hinc inde legimus & observamus: cum iniquissimum videatur, advertente *Quintiliano declam. 8. desperatum docere, quoties remedium Medicina non invenit*, quatenus, quæ hominibus potentiam superant, Dei nihilominus potentia subjiuntur, cujus decreta legibus medicis firmiora longe. Accedente potissimum judicii nostri imbecillitate & in præfagiis eruendis vacillatione, adeo frequente, cui minime tantum tribuere licet, quasi necessario evenire debeat hoc, quod ex infidis signis auguramur. Cujus rei experientia convictus *Hippocrates 2. aph. 19. acutorum morborum prædictiones salutis & mortis non omnino certas pronunciat*: ac neminem

Prorogatur
iis aliquan-
do vita in-
desperatis.

Et hi non
facile de-
linquendi.

Quidam
præter om-
nem
spem re-
convales-
cunt.

in praxi versatum latere potest, multoties ægros derelictos & mortuis adscriptos, præter omnes prognoseos regulas ad vitam redire ac reconvalescere, v. g. juxta *S. aph. 1. & 2.* convulsi ab hypercatharsi & vulnere, graviter in cerebro & ventriculo fauciati. Et quemadmodum a febribus acutis nonnulli cum signis satis salutaribus interficiuntur, sic alios quoque eorum sub periculosissimis symptomatis reconvalescere, experientia loquitur: ut aliorum generum morbos, gravissimos maxime & desperatis omnimode adscriptos, taceam, a quibus nihilominus liberari multos, infinitæ historiæ testantur; forsitan quia, annotante *H. Augenio l. a. quidam reipsa deplorati dicuntur; quidam sensus judicio, cum revera tales non sunt*, quod eximio casu confirmat idem. Ægotantem nimirum quendam, Callium dictum, febris acuta, sævis comitata symptomatis, laborantem, ac pulsu ex propria natura gaudentem maxime obscuro & vix sensibili, simulque valis urinariis præter naturam constitutis, Medici periti, constitutionis tamen ejus individualis ignari, v. g. Consalvus Barreda, Modestinus & Petrus Franciscus, morituum prædixerant, ex pulsu nempe debili & urina perpetuo cruda: quibus accedens Augenius, hominis naturam individualement cognoscens, contraria usus prædicendi ratione adæquatis remediis eum ad sanitatem perduxit. Quemadmodum E. secundum Hippocratem & Galenum inter usus prognosticæ partis reliquos etiam hic est, ut Medicus a culpa internecionis liber maneat: sic, quamdiu prædictio ejus non infallibili gaudet certitudine, sine dubio peccat, si pro morbi, ancipitis eventus, aversione nihil omnimode egerit, seu curationis dubiæ nullum plane periculum fecerit.

Prognosis
aliquando
petitur a
juvantibus
& nocentibus.

Imo, cum judicium de periculo ægotantium petatur ex collatione morbi seu symptomatum atque virium, vix autem aliquid reperiatur, unde in ejusmodi casu certior possit depromi de harum statu conjectura, quam a juvantibus & nocentibus, ita ut illæ, quamvis ad extremum languidæ videantur, tales tamen non observentur, medicis auxiliis tentatæ ac confirmatæ: vel hujus tentaminis saltem gratia, & quo habitudo virium, Medico hætenus non omnimode perspecta, innotescat, aliquid moliri & de virtutis conditione periculum facere, consultum erit, illi præprimis Medico, qui infirmi nullam

Iam hæcenus habuit notitiam, nec cui licuit vel ab hoc ipso met, vel ab adstantibus, illam capere.

Ratio vero, cur declamatis medela deneganda, quam *Hippocrates*, *Galenus*, *Celsus* alique promunt, unica hæc est, ne minus secundus inter medendum eventus medici errori attribuitur, hicque culpam homicidii incurrat, artisq; potentia suspectus reddatur: haud tamen tanti ut hujus intuitu omnem hic deponat humanitatem ac pietatem, metuendo nimis calumniatorum linguas conscientiæ suæ notam inurat & charitatem Christianam negligat, quale quid illi Medicorum Principes, suæ & artis existimationi magis, quam adjutorio proximi, dictiteriis his suis prospicientes, egisse videntur. Sunt ejusmodi exprobrationes atque reprehensiones a popella tantum rudi metuendæ, cujus invasiones *Hippocrates* quoque in *epist. ad Democrit.* se sustinuisse conqueritur his verbis: *Et ego sane mihi videor majorem reprehensionem, quam honorem, artis me affecutum esse.* Ac nonne idem *Hippocr. de arte t. 13.* etiam ab his, qui *victis a morbis curam adhibere nolunt*, medicinam vitilitigatorum scrupulosiori censuræ & ludibrio exponi, tradit? atque hoc quidem non tam per rationem, ab eodem adductam, sc. quasi leviores & illos tantum morbos sanare aggrediantur, qui per se ipsos seu a natura fuissent sanati, illos vero, qui auxilio opus habent, seu graviores, non attingant; cum nihilominus artis sit, omnibus æque morbis sanitatem adferre: quam vel ideo, quod frequentius eveniat, ut quem ægrum, quasi moribundum & desperatum, derelinquit Medicus, edentula superveniens anus aut cujuscunque generis medicaster, modo aliquid inutile ineptumquemoliatur, & sub ineptiis his ille aliquales vires recipiat ac paulo melius se habere incipiat, sanasse credatur, subsannetur per consequens & irrideatur ille, quasi imperitus, ac agyrta multo inferior habeatur & proclametur. Qualis tunc in Medicum & ejus artem, quam agro illi detrectarat, existimatio, qualis autoritas?

Omnem interim Medicus, deploratorum medelam in se susci-
piens, imperitiæ suspicionem & calumniam declinabit, si, dum hanc
aggreditur, affectus gravitatem & vitæ discrimen, si non agro, saltem
adstantibus exponat, ex consilio nimirum *Celsi. cap. 26.* qui, post-
quam eum, qui servari non potest, non attingendum monuerat, pru-
dentis

Ratio Hip-
pocratis
aliorumq;
ethnico-
rum cur
desperati
derelin-
quendi, est
nulla.

Contradi-
cere sibi vi-
detur Hip-
pocrates.

Sub despe-
ratorum
cura ut sibi
medicus
prospicere
possit.

dentis pariter putat, ubi gravis metus, sine certa tamen desperatione, est, indicare necessariis periclitantis, in difficili rem esse: ne, si victa ars malo fuerit, vel ignorasse, vel fefellisse, videatur. Quod idem Scriptor 2. cap. 10 Venæ sectionis exemplo declarat, Boni nimirum medici, ait, ostendere, quam multa spes sine sanguinis detractione sit, faterique, quantum in hac ipsa re metus sit: Et tum demum, si exigatur, sanguinem mittere. Sicut etiam Hippocrates prognost. 1. ubi prænotionis & prædictionis apud ægrotos vim innuit, Medicum etiam morituros æque ac servandos prænoscentem & prædicentem ab omni culpa immunem futurum.

Impossibile
le omnes
morbos
sanare.

Sanos siquidem facere omnes ægrotos, juxta eundem Hippocr. alleg. loc. impossibile est, i. e. juxta eundem de arte t. 13. si morbus vehementior fuerit, quam medicina instrumenta, de quali ne sperare quidem oporteat, ut a medicina exuperetur. Hinc medici munus seu scopus non sanationem tantum involvit, sed, qui eorum ad sanationem suscipiendam plus minus habiles sint, i. e. artem vincant, etiam exponere; i. e. inter partes Medicinæ æque refertur prænotrix ac curatrix. Quo stante & advertente Seneca 7. benef. cap. 13. medicus, si fecerit, ut sanaret, i. e. si eorum, quæ in artis potestate sunt, ad sanandum nihil omiserit, partes suas peregit, quatenus etiam damnato reo Oratori stat eloquentiæ officium, si omni arte usus est. Quippe juxta Philosophum 1. Rhetoric. 1. Opus medicina non est facere sanum, sed usque quo fieri potest, istuc perducere: & monente Scaligero 1. de plant. qui morbi sunt incurabiles, extra artem sunt. Quid mirum? sunt enim extra naturam. Quibus locis ex Hippocr. de arte t. 10 subnecto: illos, qui ob morientium calamitatem (ἐν τῇσι, συμφορῇσι) artem annihilare contendunt, miror, quam memorabiliratione commoti, intemperantiam causam mortis non statuunt, scientiam vero eorum, qui medicinam exercent, tanquam sane medici quidem ea, quæ non convenient, imperare possint, ægri vero, quæ imperata sunt, transgredi non possint. Atqui longe magis rationi consentaneum est, ægros non posse facere, quæ imperantur, quam medicos non convenientia jubere.

Medicina
subjectum
non sunt
bruta.

Fluctus in simpulo, juxta Lindanum, excitare videntur, qui cuncta viventia subjectum medicinæ ajunt, adeo, ut brutis quoque medeatur, seu Veterinarium agat, Medicus, volunt, inter quos sine dubio

dubio primum locum tenet *Joh. Phil. ab Ingrassia*, dum Mulomedicinam unam eandemque artem cum nostra proprie dicta Medicina constituere, peculiari commentario ostendere, conatus fuit. Quemadmodum olim *Hippocrates* Hippiatricam seu Veterinariam conscripsit, quem secuti alii ex Græcis non minus ac Latinis, inter quos *Theomnestus Absyrthus*, *Tiberius*, *Demetrius*, *Diophanes*, *Antolius*, *Vegorius*, *Columella*, *Rigaltius*, *Angel. Bargeus*, *Aurifaber*, *Rufius*, *Joh. Ruellius*, Græcorum hujus argumenti commentatorum fidus interpret &c. quod negotium neglexerunt Moderni, paucissima tantum ejus hinc inde suis scriptis inferentes; neque hæc quidem, nisi quatenus vel theoriæ, vel praxi nostræ Medicinæ aliquid lucis fœnerantur, dum v. g. *Willisius cerebr. anat. cap. 20.* morbi cujusdam fœtidi equorum, Panī appellati, & hujus singularis Medelæ meminit, ut succo nempe nervoso aliquam probabilitatem lucretur.

Ingrassiæ sententiam amplectuntur nonnulli ex recentioribus, v. g. *P. Laurembergius Portic. Æsculap. cap. 11. & Plempius fundam. Medici. med. 1. cap. 3.* Subjectum Medicinæ princeps quidem Hominem, adæquatum tamen animalia cuncta, ne dicam ad *Plempii* mentem, vegetabilia quoque, pronunciantes, adeo quidem, ut horum posterior ipsam veterinariæ exercitationem Medicum non dedecere, asseruerit; licet prior eandem ab hujus dignitate alienam & nefas dixerit. Contröversia theoretiæ me implicare nolo, multo minus affirmantium argumentorum ventilationem in me suscipiam: cum posito & concessio adæquatum Medicinæ subjectum animalia cuncta existere, nulli tamen Medicorum exercitium mulo-medicinæ decorum, sed hoc liberalitati ac auctoritati artis multum derogare, puto.

Quemadmodum in se minus perperam egerunt *Hippocrates*, *Demetrius*, *Columella* &c. in conscribendis de re Veterinaria libellis, sic nulli nostri ævi vel Medico, vel Philosopho, indignabor, si paria tractet, & experimenta hujus generis vel propria, vel ab aliis tradita, in communem utilitatem colligat atque edat. Neque his, quod neminem cujusvis conditionis dedecet, vitio vertam, si rerum œconomicarum studiosi, vel suis, vel amicorum, vel aliorum, Magnatum æque, ac rusticarum, pecoribus & quibusvis animalibus domesticis morbosus, quasi aliud agendo, prospiciant, remedia innuendo, diæt-

Veterina-
riæ exer-
citurium de-
decer me-
dicos.

tam dirigendo &c. Sicut autem nec Hippocratem, nec alios hujus generis scriptores olim ζωιατρειαν exercuisse evinci potest, nec de ullo tot seculorum forsan Medico constat, qui sordidius hoc opus vel lucrari, vel gratiæ Magnatum, causa, in se suscepit, aliisve suaferit, quin potius eos omni studio dehortarit, v. g. *Laurembergius*, *Conringius* & *Lindanus*; neque *Carol. Ruinum* Equitem Bononiensem, v. g. quod Equorum Anatomen ac Medicinam ediderit, aliosve Viros Generosos atque Illustres, qui similia conscripserunt, veterinarios se cuiusvis præstitisse probabile est: pariter nec ullius Medici cordati verique, existimationi congruit κληνιατρειαν administrare, multo minus bestiis clysteres injicere, obstetricari similemve Chirurgiam facere.

Hippiatricam equidem Commentariis Hippocratis illatam legimus, inde autem, quasi idem ad ejus exercitium filios artis adegerit, minime inferre licet: inprimis cum in cæteris suis libris ne verbo quidem illius mentionem faciat, nec in ullo horum, ne quidem Isagogicorum, in quibus de Oeconomia Medici egit, Medicinæ bestiis administrandæ præcepta tradat. Vereor potius, ne quem per adulationem ac submissionem hanc nimiam, affectum & gratiam sibi conciliare annituntur ejusmodi Mulomedici, advertantē *Galenus 6. epid. comm. 4. t. 9.* in contemptum abeat; perinde ac illis fieri solet, qui tum dicentes, tum facientes omnia ad delectandum vulgi existimationem venantur, etiam satellites ac scurras inter cœnandum agentes, quos idem *Galenus Prænot. cap. 1* emphatice describit: quale quid sane hoc nostro ævo magis metuendum, ubi Medici cum arte sua fabula fere evaserunt. Imo denique, si decorum ex Legum tenore æstimandum, vel eo ipso, dum privilegiis seu prærogativis, medicis veris concessis, minus gaudent Porculatores ejusmodi, tanquam mechanici, v. g. transferendi salarium ad suos hæredes, vel a republica vel privatis constitutum, quantumvis illi multum ante tempus finiti ministerii decesserint, ut penes *Carrarium de medico* & illius officio, *part. 3. §. 116. 131. & 151* legitur: videntur abjectioris conditionis medici brutis juxta homines, quam his solis, medentes, sibi que & suis famam æque ac commodum derogant.

Modestus
fit medicus.

Humanitatem porro seu Comitatem, quam decorum Medici egregie atque evidenter moderari & quam hunc juvandi studio, hinc-
que

que promptiore accessu, infirmis declarare, dictum, ad hos ingressus hic exercebit ac testabitur Modestia & suavitate seu lenitate. Ubi ante omnia placidus esto introitus, non petulans, non obstrepens, nec intempestivus, & reprehendenda est illa quorundam rusticitas, qui dormientium conclavia cum impetu & vociferationibus irruunt, unde expergefacti aegroti illis irascuntur & se valde perterritos ac laesos, non sine indignatione, conqueruntur, imo vere hinc percelluntur. Novi, qui media nocte, aut summo mane, nihil hoc urgente, suos visitant, & quidem, vel his adulandi, vel potiore præ aliis vigilantiam, ac quasi languentium salus ipsis magis cordi sit, ostentandi causa: quod his nihilominus ut plurimum valde molestum contingit, Medici vero animum abjectum & perturbatum prodit.

Pariter gravem, juxta *Hipp. de Med.* semper præ se ferat vultum, i. e. compositum & meditabundum: haud amarulentum tamen, ne superbus & contumax censeatur, neque nimium hilarem seu in risum exolutum, ne pro scurra habeatur. Ut taceam, ne, si forsân ægrum languidiorem inopinate offendant, hinc faciem ejusmodi ovantem subito mutet, animum dejicere videatur illi, minima etiam gestuum quorumcunque animadvertenti.

Leniter hinc agat idem cum infirmo, leniter cum assidentibus, ne alterutri horum, aut utrisque odiosus & molestus evadat: si forsân cum iis rixetur eorumq; inobedientiam aut negligentiam non nisi asperitate, reducere & morositatem quodammodo sublevare norit. Sicut contra serviliter & undiquaque si iis annuat, gestibus etiam fractis & indecoris abjectum nimis animum prodat & sputilinguum se præbeat, v. g. totas noctes insomnes penes ægrum sine necessitate ducat, nares stercoreibus admoveat, matulam illi porrigat, stragula paret similiave ministeria, auctoritati suæ derogantia, præstet, contemtui pariter singulis se exponit. Cum nihilominus Medicum ægro nec odiosum seu ingratum, nec vilem & stolidum, sed humanum, moderatum & suavem, non satellitem & cubicularium, sed consiliarium, se præstare conveniat; i. e. quem hic admiretur, veneretur & amet; secus illius præceptis haud obtemperabit. *Antiquissimum fuerit, scribit Galenus 6. epid. com. 4. t. 9. neque adeo medicum se submittere atque adulari, dicendo & faciendo omnia ad delectationem, ut sui*

Introitus
ejus sit modestus

ac gravis.

Medicus sit lenis.

Non assentator.

contemtum pariat ; neque rursum , perinde ac Calliomactem , se rusticum atque asperum exhibere.

Non nimis
rigidas.

Inprimis vero cavebit nimium rigorem , sed auctoritatem indulgentia aliquali temperabit , ne in alimentis , ambientibus , medicamentorum forma aliisque , in quibus citra noxam ægro gratificari licet , adeo severus deprehendatur . Prolixe hanc indulgentiam commendat & variis casibus exponit idem *Galenus l. a. t. 8.* ut vel in edulia , potulenta similiaque , morbo non adeo congrua , ab ægris tamen desiderata iisque grata visa , oblectamenti causa , descendat , seu intempestive talia concedat , modo non enormius lædant , juxta *Hippocr. 2. aph. 38. paulo deterior & potus , & cibus , verum jucundior , melioribus quidem , sed injucundioribus præferendus est :* adjiciendo , se talibus eorum postulatis & cupiditatibus pro nunc morem gerere , ut in aliis impostero obsequentes magis illi se præbeant . *Novi enim quosdam , inquit Galenus l. a. ex ea Medici liberalitate obsequiosos evasisse.* Ut mittam , alimenta v. g. suaviora , utut non adeo utilia , seu congrua , & aliquando absona , visa , ab ægris commodius digeri ac confici , hinc præter voluptatem præsentaneam viribus robur addere , hisque recollectis morbum levare & ad congruum magis appetitum ventriculum languentem excitare .

Etiã ap-
petitui ab-
sonorum
indulgeat.

Cujus rei experimenta tantum non quotidiana sunt , quosdam v. g. ex haustu frigidioris , vini , brassicæ fermentatæ , hælecum , carniuum fumo induratarum , lactis , oxygalæ &c. usu absongo a febre gravi & pertinaci liberari & vires cum appetitu recuperare , secundum illud adagium , quod sapit , nutrit : quasi natura ipsamet innuat ac possulet , quo se juvari norit . Confirmabit eandem penes credulos lepidã observatio , quam *Waldschmid in Timaum cap. de Philtris* , & post hunc prolixius recentior scriptor , *Mich. Aloysius Sinapius , de vanitat. falsit. & incertit. aphor. Hipp. lib. 1. 2. &c.* recenset , Juvenem nimirum quendam , philtro intoxicatum & gravissime ægotantem succum Nasturtii concupivisse , quem ipsi Medici & adstantes denegarunt : post mortem vero in hujus cadaveris aperti ventriculo cornu quoddam durum fuisse repertum , ex quo parens juvenis defuncti in rei memoriam cochleare parare curavit , quod aliquando casu ad Nasturtium capiendum adhibitum solvi & quasi liquari visum fuerit . Qui hinc,

hinc, filium suum Nafurtium in morbo concupivisse recordatus, poenitens agnoverit, male ipsi hoc fuisse denegatum : i. e. eodem confesso nec cornu illud in stomacho efformatum, nec filium mortuum fuisse. Fides sit penes autorem.

Nunquam tamen, ut dictum, indulgentia hæc ægris noxam ad-
ferat, ne illis a *Galeno l. a.* adscribatur Medicis, *qui ægrotantium cupi-* Modo non
sunt evi-
denter
noxia.
dini promptius obsequuntur, ut plus lucri hinc faciant : potissimum cum haud facile emendare semper liceat ejusmodi errores, satis interdum funestos, v. g. si variolosis aut morbillosis aër aut potus frigidior permittatur, si aqua vitæ similisve potus spirituosior salivationi mercuriali exposito indulgeatur. Quare gratificatio ejusmodi cum judicio fiat, nec solis ægrorum desideriiis, vel faminarum assidentium stolidis opinionibus, committatur : quorum illi, ut pravo appetitui patrocinentur, vini v. g. stomachum hoc poscere clamitent ; hæc per teneram nimis v. g. & intempestivam commiserationem, ineptientes illud porrigant, forsânque exemplo quodam minus adæquato ejus utilitatem & languentis appetentiam confirment. Decet Medicum Etiam de-
sideriis
ægrorum
contradi-
cat.
prudentem scire, quando, quomodo & quantum indulgendum, si ni-
mirum nulla aut levis hinc secutura videatur offensio, quæve per ægri
in cæteris obedientiam facile corrigi queat : ejusmodi tamen pariter
animi præsentia & gravitate polleat, qua desideriiis languentium mi-
nus proficuis contradicere audeat, & si forte se nesciente noxium vel
intempestivum aliquid assumpserint aut commiserint, has delicias
mollitiemque eorum blande increpet, periculum commissorum,
exponat, & ad obtemperandum emendandosque ac vitandos posthac
errores illos adhortetur. Nisi forsân talia impensius urgeat ægri
morositas nimia, cui connivere variæ interdum circumstantiæ ju-
bent : quod fieri debet exponendo & prædicendo inobedientiæ ejus-
modi molestias & pericula pedissequa. Qua ratione tractari ut plu-
rimum postulant Magnates & Aulici, qui, sicut subditis imperare pro-
lubitu adfueti ac plebe potiores se putant, sic naturæ quoque & mor-
bis cupiditatibus pravis imperare sibi præsumunt & legibus Medico-
rum se superiores credunt, horum proin præceptis se subtrahunt, &
naturæ vim inferunt, agunt E. ut volunt, patiuntur, ut nolunt, & mo-
riuntur ut debent, *essen und trinccken was ihnen schmeckt / und leiden /
was sie müssen.* Quam-

Consuetu-
dini indul-
geat.

Quamvis desiderii ejusmodi decumbentium aliquando etiam patrocinetur consuetudo, quatenus secundum *Hippocrat. 2. aph. 50. Ex multo tempore consueta, etiamsi deteriora fuerint, inconsuetis minus molestare solent, & Galenum 7. Meth. Med. cap. 6. 5. de sanit. tuenda t. 15. ac de Assuetudine*, cui sane auscultare jubent exempla frequentiora satis paradoxa, eorum nimirum, quos a consuetis, in se pejoribus visis, conservatos & refocillatos, ab insuetis autem, utut salutaria videbantur, enormiter læsos, legimus.

Consuetu-
dinis vis.

Bina hujus generis ex superioribus repetere licebit, fracedinem & factores quotidianos præanathymias fragrantis atque purioris aëris ferentium: quibus impræsentiarum jungosi mile ex *Levino Lemn. 2. de occult. nat. mirac. c. 9.* Rusticus, qui myropolium Antwerpense ingrediens a suaveolentibus mox animi deliquio periclitari cœpit, admoto vero ejus naribus fimo equino recente ac fumido, cui adsuetus, recreabatur denuo animumque recuperabat. Quadrabit huic, quod *Solenander sect. 5. consil. 15. num. 16* narrat his verbis: *Accidit, ut Rusticus quidam, acutissime febricitans, ad Hospitale perductus, nullis remediis a D. Gisberto curari potuerit. Tandem ex morituro quæsit, ecquid peteret, quæ fuisset victus ratio antea? dicebat, se plane ab isto cibo & potu, sirupis, & id genus similibus, & lecto, qui nimis esset mollis, abhorreere, quod non dormisset intra novendecim annos in lecto, atque usus fuisset cepis, caseo bubulo & similibus dura coctionis, sub dioque in stramine vestitus dormivisset. Tandem D. Gisbertus una nocte permisit, ut in stramine dormiret, deinde ut afferretur cepa, salcum aqua frigida, arbitrans illum tandem eo citius moriturum: cum ille postridie adstaret igni, præter omnium opinionem. Pariter *Salmuth. 3. obs. 71.* de rustico quodam tritore perhibet, eum febre correptum herum in lectum reponi ipsique medicamenta præscribi curasse, in quo noctes nihilominus insomnes egerit & indies pejus se habuerit, donec in humum supra stramen collocaretur, ubi suavissime dormiverit, & aliis adhibitis brevi reconvaluerit. In pastore ovium cœnobii cujusdam, febre ardente laborante, similem consuetudinis vim annotavit *Rejes Elys. camp. jucundar. quæst. 93.* quem cum Prior, ut intra cubiculum rite & probe tractaretur, curaverat, optimo victu & aliis necessariis, pro morbi indigentia adhibitis, malum nihilominus ad salutis usque despe-*

desperationem urgebat. Quod cum a Rejes Prior intelligeret, ab eo percontabatur, an aliquid appeteret, quod libentius esitaret? an aliquid pro sui salute fieri optaret? qui anxie respondit, sibi dubio procul magnum advenire nocumentum, quod sub tecto & intra clausum cubiculum cubaret, addens, si meam vitam desideras, hoc unum mihi permitte, ut extra cubiculum sub dio pernoctem. Quo facto, foras ad peristylum, in aërem æstivum, adductus ibique noctem degens, mane optime & placide se dormisse dicebat, & intra triduum omnino convalescebat. Agmen ejusmodi exemplorum claudat ex relatione *Sanctorii 4. vitand. error. c. 9.* Comes ille illustris, cui, tota vita vino meracissimo adueto, cum lassitudine & dolore capitis corriperebatur, dum suadebat Sanctorius, ut consuetudinis lege aliquantulum posthabita, vinum tenuissimum hauriret, factum ut hinc ad liporhymiam usque viribus deficeret: donec mutato consilio ad solitum meracissimi usum se denuo reciperet idem.

Singularem conniventiam Medici foeminae postulant impræ-Gravida-
gnatae, si malaciam aut picam experiantur, non raro abortus produ- rum appe-
ctricem: ubi prudenter agit, qui aliquando minus rigidus, licet ali- tensiæ pra-
quatenus aliena & inepta appetant, iis talia indulget; modo detri- vx ali-
mentum non adeo magnum ab iis fuerit metuendum, & excessus quando
omnis vitetur. indulgen-
dum.

Quemadmodum contra severe nimis, aut perfunctorie potius, Severitas
leges medicas servantes, graviter errant, v. g. intolerabili siti febricantes torquendo, quibus potus forsan est remedium, vel frigidam nimia no-
vinumve denegando, stragulis eosdem obruendo ac suffocando, calore cet.
fornacis eos extorrendo ac quasi deliquando, tenuissimum victum seu strictissimam dietam iis, quibus nihilominus eam noxiam deprehendimus, strictè injungendo, vel in similibus diversis delinquendo. *Sunt, inquit Botallus, qui carnes veru tostas commendent, quas si respuat ager & super carbonibus assas percupiat, non concedant: vel aqua interdum fontis pura utenti eam coctam propinent; vel vinum album prorsus damnent, cui tenue rubellum conferre judicaverint; vel aloëm non concedant, ubi hieram proposuerint; vel fœniculum culpent, ubi anisum vel daucum probaverint; & alia centena millia his similia, quæ nihil nisi artis ignaviam, vel contentionis studium, præ se ferunt*

ferunt. Cujus etiam generis sunt, qui omnem salutis spem in uno aliquo tantum remediorum genere asserunt, quod æger nihilominus vel adstantes contentiose recusant, & sine quo medela æque commode fieri poterat, v. g. venæsectionem, vomitorium, clysterem, fonticulum similiaque, quæ nonnulli omnimode averfantur. Citra quæ tamen hi sanati medico exprobrantes ajunt, si illa administrassent, se mortem aut aliquod aliud gravius malum obiisse.

Esto igitur, monente eodem Galeno, terminus in medicando, quem non transibit is, qui ex arte generose contra morbum pugnat, ut tuto medicetur, ejus vero, qui dolorem sedat, ut vires custodiat: ubi ultra pergitur, crudelis hominis officia facit, qui una cum morbo vitam quoque homini aufert; qui vero cubantis delitiis subscribit, adulatoris. Seu suasu Hippocratis de Dec. ornat. Medicus comitatem quandam sibi adjunctam habeat, austeritas enim & sanis & agris difficilem accessum præbet. Id est, ab eodem observare jubemur ægrorum peccata, & ab erroribus hos dehortari, ac resistentes quidem seu morosos etiam cum gravitate quadam increpando, reliquos sereno vultu suscipiendo, commonefaciendo & consolando. Sc. qualem Chirurgum exigit Celsus proæm. l. 7. qui sit immisericors, sic ut sanari velit eum, quem accipit, non ut clamore ejus motus, vel magis, quam res desideret, properet, vel minus, quam necesse est, secet: sed perinde faciat omnia, ac si nullus ex vagitibus alterius affectus oriretur.

Quomodo
gubernan-
di adstan-
tes ac ini-

Adstantes denique & quacunque ratione ministrantes, inter quos Chirurgos & Obstetrices refero, officii sui admoneat Medicus strenue, placide tamen pariter, nisi incuria, morositas, imperitia, ac malitia horum aliquid acerbitatis postulet, horum strepitus similiaque incongrua atque ingrata arceat, errores innuat & corrigat, increpando etiam eos, pleraque tamen, si fieri possit, ægro occultando: ne vel ex indignatione hujus morbus intendatur, vel ex eorum incuria ruditareve pejorâ sibi, ad desperationem usque, ominetur idem.

Addstan-
sium offi-
cium.

Custodum ejusmodi munus cum tria præprimis involvat, nimirum vel ut, quæ circa ægrum, hujus affectum, res non naturales & remediorum usum contingunt, accuratius observent, quo Medico accedenti & sciscitanti ad amussim hæc referre valeant; vel ut medicamenta tempestive & commode applicent atque propinent; vel

ut

ut moderentur necessariam & a Medico determinatam diætā : redarguendi sunt non tantum, si alterutrum horum perfunctorie & minus congrue agant, sed præterea, si ultra crepidam sapere malint, ægris, ut frequentius evenit, vel sua, vel aliorum, euporista propinando, & a Medico ordinario commendata præsidia his suspecta reddendo; utrumque modo clam, si timidiore, modo coram, si arrogantiores & perfrictæ magis frontis. Experiuntur ejusmodi adstantium imperitorum & imperitarum ausus atque contentionem. Magnatum potissimum Medici, si inprimis remedia generosiora morbus gravior exigat, v. g. venæsectionem, catharsin, cranii perforationem, paracentesin : quos illi ab artis opere interdum avocant, veritos objurgationes homuncionum ejusmodi ineptorum eorumque linguam protervam. Interim quibus consulere temere sategunt hi, nocent, eosque a tempestivo præsidiorum usu excludunt: ut Magnatum infirmorum conditionem deteriorem semper crediderim, quam plebejorum, quibus, spurii ejusmodi consultoribus minus stipatis, Medicus absolute magis imperat, & sine contradictione ulla admovent tempestive necessaria quævis; unde haud mirum, si hi præ illis promptius reconvalescant. Quamvis aliquando nos minorum gentium Clinici ejusmodi assidentium garrulitatem quoque sustinere cogamur, ut in applicandis congruis ambigui satis evadamus, fatiscat interim miser sub eorum turba. Licet, si conscientiam rogemus, Medicus perinde ac a remediis, quæ minus opportuna judicat, abstinere tenetur, ab imperitioribus commendatis, ita nec obloquia ejusmodi vitiligatorum tanti æstimet idem, ut ab his a consilio sano se averti patiatur, i. e. remedia appropriata, cum periculo seu detrimento languentis, omittat, secundum Hippocr. præcept. t. 2. *non cunctandum est, & ab idiotis inquirere, si quod conferre visum fuerit ad curationis occasionem.* Retundat potius obstrepitacula ejusmodi anilia, & ad officia demandata remittat nasutulos tales consultores ac consultatrices strenue. Quibus nihilominus integrum relinquitur, si quicquam ad ægri usum conferre censeant, Medico hoc exponere, idque si hic approbaverit, præstare prudenter; sicut eosdem cavere decet maxime illa, quæ, tanquam inutilia, renuerit idem: dum artis imperitis congrua visa, si adhibeantur, noxam

Errores ac delicta eorum corrigendi.

Conditio Magnatum ægrorum deterior est, quam plebejorum.

Adstantium dictis haud per omnia assentiantur medicus.

non levem aliquando inferunt, eamque non adeo facile emendabilem.

Sit affabilis.

Comprobat comitatem suam Medicus insuper conversatione suavi & affabilitate, qua sive Eloquentia licet, juxta *Celsum*, non curentur morbi, sed remediis, non *Verbis*, sed *Herbis*; gratum tamen ægro non minus, ac assidentibus, se reddit ille, vi sequentis:

Corporis auxilium Medico committe sodali:

Non tam garrulus.

modo in garrulitatem, ventositatem, aut maledicentiam facundia hæc non abeat. Loquacitatem in Medico vel ipsemet vituperat *Hippocrates*, dum *de dec. ornat.* post affabilitatem breviloquentiæ inter alia meminisse jubet, molesta quoque existit plerisque ægris, & Circulatoribus aliisque hujus farinæ hominibus tantum digna ac relinquenda, qui verba arrogantius præcipitant, quique ob prodigum & præposterum sermonem a Viris prudentioribus damnantur, v. g. ab *Accursio Codic. de Medic. L. Parabolanos*, his verbis: *Loquacissimi sunt & ita doctissimi vulgi sententia habentur; re vero & opere sunt ineptissimi, & artem inter omnes summe honorandam & a Summo Deo hominibus concessam dedecorant.* Et profecto garrulus Medicus infirmo alter morbus existit, aut huic & adstantibus est derisui; postquam sc. loquacitas arti ejus minus quadrat, quam mutam olim cum *Virgilio 12 Æneid.* pronunciabant; contra non exigua prudentia est, linguam tempestive coercere & solvere.

Non jactabundus.

Jactantiam seu ventositatem vitium plerisque medicis admodum familiare *Rodericus a Castro 3. Med. polit. 2* ait, adeo ut adagium abierit: *mentiris, ut Medicus*: quales quidem ego aut stolidos & rudes, aut deceptores, judico. Illos, quod infirmitatem artis propriæ ignorent, adeoque huic & sibi plus tribuant, quam in utriusque potestate est: vel quod alios, Medicos inprimis, adeo simplices & credulos sibi fingant, qui eorum ampullas & sesquipedalia verba pro oraculis habeant. Hos vero, quod blaterent nunquam visa, nunquam experta, seu qualia nunquam præstiterunt, ac præstabunt nunquam ejusmodi magnidici. Hinc, de quibus eorumque peritia olim optima quævis mihi pollicebar, hos statim ac si arcana, difficiliorumve affectuum faciles medelas, morborum mortes similiaque crepent, non vilipendere haud possum, vixque hoc hominum genere aliud

aliud mihi molestius est: quamvis causam his dicat plebs vana, *Alipern geböret zum Handwerckere.* E. mentiri Medicorum est? secus longe de his scripsit *Hippocr. de fract. t. 1. Qui sapientes sibi videntur Medici, hi sunt, qui peccant.* Mirum sane, ne dicam absonum, qui aliorum corpora curare præsumant, horum animos depravato ac inordinato gloriæ vanæ appetitu laborare, & quos fatuis atque amentibus non raro mederi observamus, helleboro ipsosmet haud uti, sicque ambitionis & præsumptionis irritæ fomitem, stultitiam nempe, non exturbare. Habetque hæc jactantia immodestior & ante curationem facta pollicitatio hoc oneris, ut teneatur magis Medicus ejusmodi de promissis non præstitis. Subdola demum lingua exosa est Non malignus. omnibus, & quemadmodum animi hilaritatem risus, mœrorem la-
chrymæ & suspiria testantur; sic hæc ejusdem petulantiam, scurrilitatem ac malitiam prodit, hinc nec Medicum, nec Christianum decet. *Quid si clamosa vel garrula?* quærit *Botallus de Med. & ægri mun. §. 35.* & respondet, *quatit aures illa ac ferit, simul & odium parit, quasi ex audacia fuerit producta: hæc incontinentiam attestatur. Dolosam ac maledicam quisque hominum cavet, bonus juxta ac malus &c.*

Inter sermonum argumenta opportunum maxime sine dubio erit, quod sciscitationem morbi, directionem diætæ & præscriptionem atque usum remediorum spectat, hic enim scopus visitationum ejusmodi clinicarum primarius est, proin *Dic, cur hic?* nihil tamen obstat, quominus loco & tempore idoneo de aliis quoque penes infirmos, vel cum his, vel cum affidentibus, verba facias, sicque non medica tantum arte, sed amica quoque conversatione, utrosque tibi devincias.

Sciscitatio affectus hujusve causarum, therapexæ directio similiaque, qua prudentia moderanda, suis locis constabit. In genere hic annotasse juvabit, primo cum mulierculis atque imperitis, sive ægrotantibus, sive qui ab horum ministerio, de morborum causis & præfidiis non esse facile differendum, nisi quantum maxime necessarium, & sub breviloquentia ab *Hippocr. de dec. orn. t. 9* commendata. Quali nihilominus monito refragari observamus illos, qui, ut fidu-
Cum imperitis de morbo &c. non differendum,
Nugatores qui?
ciam singularem penes plebem aucupentur, de affectus & remedio-

Astrologiam crepantes.

rum ætiologiis egregie garriunt : & hoc quidem nauseabunda non raro prolixitate, ne dicam, ineptitudine. Cujus classis illos quoque nugatores autumo, qui astrologiæ peculiarem peritiam venditantes, quanta ratio sit habenda astrorum horumque phænomenorum in remediis administrandis, stentoria voce clamitant : de qualibus nihilominus jurarem, eos nec circulum in sphaera, nec asterismum in globo, nosse & vix ex rusticorum calendariis sapere. Quemadmodum de ejusmodi homine ridiculo mihi his ipsis diebus relatum fuit, qui, dum graviorum affectuum curam gerit, noctes insomnes frequentius se agere, ægris persuadet, eum in finem, ut de mutatione morbi & tempestivo ac congruo præsidiorum usu accuratius, præ cæteris Medicis cunctis, ferre valeat judicium, ni fallor, memor Horatii :

Ut jugulent homines, surgunt de nocte latrones.

Garrulitas damna.

Vanam illam vulgi auram jactatoribus ejusmodi equidem vix invidео, modo ad captum hujus forent illorum prolata, neque ex his vel majora, quam par est, sibi promittant ægri, vel male intellecta male applicent. Eo ipso enim, dum, quicquid in buccam venit, garruli ejusmodi eloquuntur, non raro tristitia & atrocita incogitanter commiscunt, quibus infirmi terrentur ac in mœrorem conjiciuntur, ut de suo decubitu pessima quævis ominentur, timentes, ne narratum simile quippiam sit huic, quod ipsimet patiuntur : atque hoc aliquando alienam seu falsam plane Medici dictis affigendo mentem, in ejusdem præjudicium & famæ detrimentum. Ut si hic v. g. quendam ex incongrue assumptis insigniter læsum dixerit, eum in finem, ut ab his ille studiosius caveat, aut forsân saltim, ut gravioris morbi curationem jactitet ipsemet : infirmus eo detorqueat, quasi a simili errore gravissime & lethaliter se decumbere innueret idem. Quali judicio tristiori ac desperabundo parturientium nænias nostrarum Obstetricum sæpius occasione existere, non sine indignatione quotidie experimur : in distociis, ubi animi excitatione & solamine opus, casus tragicos, veros fictosve, insulse enarrantium, imo præsentis quoque, licet ut plurimum, ineptissime applicantium. Es ist hier eben so ein Zustand/ wie bey der seligen Frau N. N.

Obstetricum garrulitas.

Magnidicis his blateratoribus accensere quadrabit eos, qui minus

nus expectatas symptomatum ingravescentias ac morborum pertinaciam non artis infirmitati, multo minus suæ imperitiæ, sed agrorum errori leviori, callide satis, & interdum cum horum increpatione, adscribunt, *Hippocrati jam dum de Vet. Med. t. 38. notos: Sc. velut idiotas, qui, ubi illi (ægri) die aliqua novi quippiam fecissent, veluti si lavassent, aut deambulassent, aut quid alienum comedisent, atque hæc omnia melius esset adhibuisse, quam non: nihilominus tamen causam alicui ex his contribuebant, veram quidem causam ignorantes, & fortassis id, quod commodissimum erat, damnantes &c.* Quales quidem penes plebem solertiores omnium circa infirmos animadverfores ac prudentiores censores audiunt, a sapientioribus vero irridentur, non tam causam sibi concipientes, quam fingentes, simulque ægros inepte cruciantes.

Cujus genii illos pariter judico, qui affectus, quos superare ac tollere ignorant, minus curandos seu attingendos miseris præter rationem persuadent, v. g. febres, scabiem, *man müsse sie nicht bald vertreiben/ sie wären gesund: cum nihilominus per experientiam convincamur, (1) omnes ægritudines in principio facilius, quam inveteratas, sanari: (2) non raro indigitatos similesve affectus ultra ægri & Medici expectationem durasse, adeoque ab illo sanitatem anxie desiderari, ab hoc tacite intendi; licet forsan non congrua satis præsidia, v. g. purgationes, sanguinis missiones ineptas, adhibeat. Quæ ratione non tantum propriam turpitudinem celare ejusmodi medicastri annituntur, sed aliorum quoque medendi rationem sanam, qua cito ac tuto magis ejusmodi molestias averruncare solent, cavillant, & quasi intempestive egerint, i. e. in pericula recidivæ aliorumve morborum sibi demandatos conjiçant, nugantur: prius quidem satis astute, posterius vero frivole.*

Aliter sentiendum, si cum sapientioribus Medico fuerit negotium, quibus morbi ideam, causas & occasiones, cum præsidiorum efficacia, explicare, suamque sententiam contra imperitos ac malignos propugnare, magnam illi non raro fiduciam parit, *qualem omne demonstratum proferentibus seu ad veritatem ac demonstrationem confisis Hippocrates l. 4. t. 2 promittit.* Fiat tamen hoc cum prudentia ac sub terminis ejusmodi, unde ægri animus minus conturbetur, a

Prudenter
tamen

quibus aliorum errores ita corrigantur, ut veritatem potius, quam reprehensionem, ille intendere videatur. *Promptitudinem*, ait *Septalius animadvers.* & *caut. lib. 1. §. 8. data occasione ad ratiocinandum ostendat, nihil sine demonstratione proferens.* Et paulo post: *recte sciat persuadere, nam Plato 1. de legib. vult, ut primum doceat & persuadeat Medicus, quid sit egroto faciendum, & non prius imperet, ita promptius parebit.* Juxta illud *Aristotelis*: *parebo lubens, si vera hæc, quæ dicis, esse demonstraveris.* Potissimum autem sermonis hujus vergat ad infirmos, ut boni animi sint, excitandos, quatenus hi semper pusillanimes & suspiciosi existunt.

vis medi-
camenti
innuenda,

non ipsa
medica-
menta.

Notorum
medica-
mentorum
vilipen-
dium.

Trutinet itaque Medicus non tantum verba, qualia, sed ad quos quoque, quomodo & quando ea faciat, & annon in se bona & congrua horum in malam partem æger suspicax & meticulosus, præprimis ubi morbus adhuc in ancipiti, interpretari queat: adeo quidem, ut nec, quæ assistentibus haud celamus, infirmo semper innotescere, conveniat, prognosin inprimis dubiam concernentia. In specie *Botallo* in eo adstipulor, dum §. 41 ægris & assidentibus medicamenta necessaria declarare seu nominare vetat, sed tantum significare concedit, v. g. purgandum, vomitum excitandum, clysterem injiciendum, sudandum &c. esse, reticere vero, quibus hæc fiant, aut ex quibus parentur. Cujus sui moniti rationes subnectit, (1) quod ægri sine Medici consilio talibus aliquando abuti, aut intempestive uti, queant, v. g. purgante vehementiore, sudorifero volatiliore & spirituoso, item papaverinc seu opiato in doloribus & vigiliis compescendis: a quorum similiumque nihilominus in vulgus emanante cognitione, quam frequentes contingant ærumnæ ac clades, deplorandum potius, quam commemorandum. (2) Quod communiter nota brevi in contemptum veniant, i. e. ægri, notante *Plinio lib. 29. c. 1. minus credant, quæ ad salutem suam pertinent, si intelligant*: vel quia trita & vulgata facta, ex *braucht ja nichts als Krebs-Plugen / das rothe Pulver* &c. vel quod ineptior artis aliquando hæc damnaverit, v. g. *Mercurium dulcem, Cinnabarim, opium &c.* vel quia sunt exigui pretii, *weil kein Gold oder Perlen darbey seyn.* Quale quid non *Galenus* tantum de divite quodam perhibet, qui præsidia, quæ parvi videbantur, mendicorum esse, ajebat: sed ejusdem generis homines etiam inter

inter nostrates observamus, qui familiaria utilia spernunt, incognitis vero pretiosis & exoticis delectantur, v. g. lapide bezoar, auro, margaritis, hincque paratis bezoardico solari, Tinctura auri, Essentia lapidis bezoar, sudorifero magno Fabri, Vomitorio pro Regibus & Principibus. Addo his (3) quod notis remediis vulgus non raro infastos morbi successus attribuat, præjudicio nimirum vano laborans aut ejus persuasus, quo v. g. Cinabaria, Antimonialia, Mercurialia &c. abhorret, corticem Peruvianum reformidat.

Proin taxanda venit maxime illa quorundam inconstantia, aut Male pluramavis levitas, seu sibi & aliis abblandiendi libido, a R. a Castro lib. 3. medica-mentorur simul commendantur. *c. 6* annotata, qua ut, quanto pemu medicaminum polleant, elucescat, duo vel plura eorum simul commendant, languenti optionem per-mittentes : qui hinc dubius redditus neutri illorum fudit, medicum-que aut inconstantiæ, aut imperitiæ, accusat.

Imo invenies inter Medicos quosdam adeo garrulæ & præcipientis linguæ, qui, ut habeant, quo eloquantur, vel ante, vel post, usum remedii hujus singularia incommoda explicent, si non fingant : sicut memini horum quendam, cum ab opiatî, a semet præscripti, usu de gravitate capitis aliquali conquereretur ægra, responsum dedisse, ich habe es wohl gedacht ic. regerebat illa, *warum hat er mirs denn verschrieben ?* Quo igitur, infert *Botallus*, opinione adversus medicamentum non peccet ager, satius est ea non divulgare, nisi ea se velle noscere contendat curiosus (addo sapiens) patiens vel assistens : quamvis simulare & dissimulare in ejusmodi casibus securius forsan sit, si non denegare idem liceat.

Et si Scriptori huic eximio in eo minus adstipuler, quod materiam tantum auxilii, non auxilium ipsum, reticere jubeat, quatenus Aliquando tamen etiam vis seu effectus remedii sub-ticendus. nec hoc significare, semper e re est, v. g. si a purgantibus aut vomitoriis cujuscunque generis abhorreat ægrotus, sub alterantium terminis propinentur, si de narcotico metuat, si vesicatorium dolorificum detrectet. Frequentius celare jubemur operationes Chirurgicas ac indicata, quibus ministrantur, v. g. dum, suadente *Galeno comment. in Hipp. librum*, qui, quæ in medica trina sunt, inscribitur lib. 1. t. 13. *medicus operam dat, ut ipsis (ægris) inscientibus locum affectum secet, seu inexpectato homini sectionem adhibeat*, vesicatorii necessitatem juxta ac

ac hujus materiam silemus, dentis cariosi extractionem non minus dissimulant, ac hujus instrumenta occultant, Odontagogi; & juxta *Celsum* 3. cap. 5. *semper agros securos agere convenit, ut corpore tantum, non etiam animo laborent.*

Ægrum salu-
tis causa
decipere
licet.

Controvertitur equidem penes Autores, an ægrum salutis causa decipere liceat? dubitandi rationem præter ethica ac theologica præcepta forsan vel solo *Hippocrate* suggerente, quando *de Medico* t. 1. *justum & candidum ad omnia* postulat hunc. Verum eo ipso, dum (1) in morborum medela non raro ejusmodi eveniunt casus, quibus debellandis uti cogitur Medicus præsidiiis ingratis, dolorificis & tantum non crudelioribus, qualia nihilominus, sola sanitatis spe, ægri ferunt, illa dissimulare & salutare stratagemate eorum teneritudini subvenire tenetur, ne juxta *Baudewyns* part. 1. quest. 40 *absolute sanari renuant, vel saltem, ne bis miseri sint: semel sc. per vivam doloris apprehensionem de futuro, semel, dum actu patiuntur.* Quod præstamus operationem, molestam seu dolorosam vel subticendo, vel ambagibus, argutis & ambiguis sermonibus occultando & quasi temperando, ægrum divertendo & consopiendo. Nec, si categorice de his sibi respondere urgeat æger, cui persuadendum remedium, non, nisi cum sanitatis damno, aut vitæ periculo, evitabile, mentiri fallereve dici poterit is, qui contra scientiam & mentem eorum loquitur & agit; dum omni studio & industria juvare annitur etiam hunc, qui auxilium respuit. Porro (2) calliditatem ejusmodi in Medico postulat infirmorum timiditas, quorum confractos animos omnibus modis solari & in spem meliorem erigere decet: dum ipsemet *Plato*, a mendacio quamvis alienissimus, 3. *de republ.* nihilominus Medicis pariter, ac reipublicæ moderatoribus, tale quid, quasi pro medicamento, concedit; sc. sub conditionibus & moderamine illo, de quibus, ubi de prognosi formanda, agetur. Quibus (3) accedunt immorigeri & morosiores ægri, quorum gratia, seu pro eorum contumacia & inobedientia retundenda, majora, quam sunt, fingere licet mala, ut, annotante *Galeno* 6. *epid.* 5. c. 13. *certa & exquisita victus rationi obtemperent*, it. remedia necessaria promptius admittant: minime tamen juxta illos *Hippocratis* interpretes, quorum *Galenus* l. a. meminit, *ne medicis tanquam non celeriter illa vitia curantibus, irascantur, & mercedis*

cedes majores & munera ampliora, qui sanati fuerint, medicis dent, utpote a magnis languoribus se liberatos arbitantes; quæ sc. mendacium verum dolumve sapiunt.

Simulationes ac dissimulationes ejusmodi medicas præ aliis sibi ^{Delirantes ut tractandi.} peculiare volunt (4) melancholicorum aliorumque delirantium errores pertinacissimi: quibus illæ genuinis magis remediis potentiores longe observantur, ut cernere est penes *M. Donatum l. hist. mirab. 2. Schenck. l. obs. de Melanch. Zacutum Lus. l. Med. princ. hist. 36. 37. & l. prax. adm. obs. 48. & 49. Tulpium l. obs. 13. 19. ac 50.* Accensere his luber binos festivos stolidos, unum ex *Poggii Facetiis*, qui se mortuum persuasus clausis oculis & immoto corpore per urbem eousque ferebatur, donec quidam prætereuntium exclamaret: bene habet, furem hunc pessimum & suspendio dignum periisse: tum stultus erecto capite, nisi mortuus essem respondit, dicerem, te per gulam mentiri. Alterum ex *Rejes Elys. camp.* qui tam vastum sibi conceperat nasum, ut nullum sibi ad ingressum sufficiens pateret ostium, quique non prius se sanatum credidit, nisi visis in subjecta pelvi ovium pulmonum frustis, quæ Medicus, inter manus & manicas naribus latenter admota, quasi inde detracta, disseccuerat. Id est, prout insidias hostibus parare jure conceditur, cur Medicorum imposturas honestas reprobabimus, quibus vitæ ac valetudinis hostem impugnant? Sc. juxta *Ayalam*:

Prosit ut egrotis, Medicam nil dedecet artem,

Id fiat salva religione modo.

Deinde sermones suos omnes eo dirigat Medicus, ne morbum vilipendere, ejusque curationem procrastinare aut negligere, videatur. Nec enim exilior seu levior affectus parvi faciendus, cum morborum multi sub initio mites compareant, quibus nisi propere ac sub prima ^{Non morbum vilipendat & ejus curam differat.} mox invasione adhibeantur remedia adæquata, ingravescent aliquando ad interitum usque infirmorum: ut taceam, horum nonnullos adeo dolosos & mali moris existere, ut, primo mitiores visi, circa statum demum ferociam suam prodant, & veloci satis impetu illos rapiant. Proin perinde ac juxta *Hippocr. in epist. ad Cratev. ab omni arte aliena res est dilatio, maxime vero a Medicina*, in qua dilatio

est animæ periculum: ita, vellicante aurem *Mesue in præfat. auxiliari ne differas, cum semel pereunti nulla postmodum suffragia prosint*; & graviter peccat, qui non illico & sub occasione fugaci admovet necessaria. Quibus accedit, quod, si morbum minorem decumbenti Medicus persuadeat, ille hujus præceptis minus obtemperet, cum sui exitio & Medici ignominia, in quem culpa postmodum rejicitur, annotante *Galeno in Hipp. 6. epid. comm. 2. t. 46.* dum hic vel affectum ignorasse, vel fefellisse, censetur.

De minus congruis haud loquatur.

Hinc multo minus ἀλλότρια ad lectulos infirmorum tractet seu nugetur Medicus, ut assurgens & abiturians, nec phænomena morbi aliaque necessaria sciscitatus, nec remediorum mentionem fecisse, aliquando observetur, tempusque frustra triverit: ab ægro demum vero, post fabularum & ineptiarum multarum profusionem, ad frontis usque æstum, hoc alloquio conturbetur, quarente: *Was machen wir aber/ Herr Doctor?*

Hortetur ægrum ad diætā & remediorum usum.

Tertio siquidem, quemadmodum medela morbi sine dubio Medici scopus primarius est, sic ante omnia sermone suo ad diætā congruam & usum præsidiorum præscriptorum adhortetur ægrum, & quidem, si affectus, Chronicus v. g. hoc urgeat, primo statim aut altero accessu varietatem etiam pluralitatem eorum subinnuendo, præeunte *Hipp. præcept. t. 3* his verbis: *Utile est autem eorum, quæ agroto offerenda sunt, varietatem prædefinire. Non enim asseverare oportet, quod unum aliquod solum exhibitum proderit: omnes enim affectiones, ob multas casuum circumstantias ac mutationes, mora quadam diutius adherent.* Id est, cum morborum pertinacia & mutationes varient, hæque forsân plura remedia exigant, se omnia, temporum occasione, administraturum polliceatur ille, hac admonitione simul facta, ne infirmum eorum præpropere pertædeat: ac hic de varietate illa minus admonitus eum genium ac difficultatem affectus ignorasse suspicetur. Quod tamen sub necessariâ prudentiâ, ac sine prolixiore eorum declaratione molestiarumque pedissequarum ampla enarratione, multo magis sine exaggeratione ac delineatione, fiat.

Immisceat tamen aliena quoque

Ægrotum hujusque medelam spectanti sermoni nihilominus subinde subnectere aut admiscere licebit & conducet confabulationes

nes quodlibetarias, seu de variis ejusmodi rebus, quæ in communi vita aguntur atque observantur, item rem literariam similiaque spectant: modo ante omnia vel ægri vires, vel animus, talibus ferendis quadrent, non somnum turbent, & quæ hujus generis sunt cavenda. Præprimis vero argumentum collocutionis ægri conditioni ac mo-^{genio ægri}ribus sit congruum & gratum, non odiosum: quatenus non tantum ^{adæquata,} *Hippocrates 6. epid. 4* gratificationibus ægrorum inter alia sermones accenset, sed in hunc locum commentator, *Galenus*, nonnullos ægros Medicis, fabellas narrantibus, delectari, nonnullos eosdem fastidire, asserit; aliquos gravibus & seriis sermonibus gaudere, aliquos facitis & lepidis. Alia sane ratione cum Philosopho est differendum, alia cum aulico, cum erudito, alia cum villico. Diverſa sine dubio est ratio alloquendi puellam, virginem ac Matronam gravem: cum bibace sermones instituat de vino Medicus, de frigida & limpida aqua deliciis cum abstemio &c.

In genere, sint sermones sapientes, graves ac modesti haud sto-^{non ine-}lidi, aut qui animum infirmi ullo modo commoveant, qualis ille ^{pra,} Herophilei, qui ægroto interroganti, moriar? hoc responſum succinuisse fertur:

Et Patroclus obiit, qui te præstantior ipse.

Item illius ineptioris, cujus *Rod. a Castro* meminit, qui de moleste transacta nocte conquerenti alta voce aphorismum *Hippocratis* recitabat: *Ubi somnus laborem facit, mortale.* Nihil tamen prohibeat, ^{non scur-}quominus lepidus ac festivus quoque sermo aliquando gravio-^{rilis,}temperet, modo sit honestus, minus scurrilis, agrestis, obscœnus aut ineptus, ac tempori & loco respondeat: nam & hoc in passu ad ægri naturam atque animum vultus cum verbis & actionibus componendus erit. Licet enim *Socrati*, *Menexeni*, orationem *Aspasia* efflagitanti, haud per omnia subscribam, dum, *forte*, inquit, *me irridebis, si senex adhuc joculari tibi visus fuero; sed tibi mos gerendus est, ferme namque, si me nudatum saltare juberet, quandoquidem soli sumus, obsequeretur*: quia nihilominus modesta festivitas, tum vultus, tum ser-^{licet festi-}monis, Medici animum & spem infirmi atque adstantium erigit, tri-^{va,}stis vero & depressa oratio ac facies formidinem incutit, sales & facetiæ Medico aliquando ornamento sunt, maxime rariores & oppor-

tunæ, v.g. suadente *R. a Castro 4. c. 8* de iis, quæ ægrotis aliisve hominibus aut medicis etiam insulsis ac stupidioribus acciderunt, reconditi tamen seu falis aliquid semper contineant, faciantque inprimis ad patientis utilitatem; qualium facitorum dictorum & gestorum idem Scriptor paradigmata diversa suggerit. Uno verbo, nec jocus sub sagaci circumstantiarum discrimine medicum dedecet, modo nihil turpis, obscœni aut maledici involvat, cunctorum infirmo molestorum & medici gravitati evidenter derogantium. Prudentia nempe medium & modum præstat, ac festivitas atque animi puritas, si ab ingenio perspicaci dirigantur, vix errabit sicut in vita communi, ita nec penes ægros, quispiam.

nunquam
ingrata.]

Nunquam tamen ingrata, sicut oculis, naribus & palato, ita nec auribus, ægri offerantur, qualibus merito accensentur sordida, v.g. de unguibus, scabie aut aliquo id genus vitio affectis, de ferculis ingratoribus, item horrenda, v.g. lanienæ, operationes Chirurgicæ crudeliores &c. sed semper quæ magis oblectent, animadvertente *Galen. 6. epid. 4. t. 8*. Quemadmodum demum sine dubio, monente *Hippocrate de dec. orn. t. 9*. sermones cujuscunque generis commendat breviloquentia: postquam nimirum infirmos facile a quibusvis objectis tædio affici, palam est.

Medicus
fit taciturnus.

Præceptis his affabilitatem & sermones Medici concernentibus haud repugnat taciturnitas, ab eodem *Hippocrat. jusjur. t. 3. de Medic. t. 1. & de dec. orn. t. 2* commendatâ: per quam silere & tanquam arcana celare adigimur non ea tantum, quæ penes ægros seu inter curandum observamus, sed quæ ad medicandum non adhibiti in communi hominum vita cognoverimus, quæque propalari seu efferrî non contulerint, seu quæ in ædibus hinc inde aguntur. Inprimis vero morbos secretos perinde, ac Confessionarius peccata, quæ ullus ipsi confessus fuit, Medicus, cujus fidei infirmitates corporis concreduntur, silere tenetur: quem sc. æger valetudinis suæ intimum selegit confiliarium & amicum, de quali *Siracides cap. 27* scribit: *Quo*

Non revelat morbos
& quæ penes ægros
observes.

revelat arcana, amittit fidem. Et JCti multant Medicos, qui secreta commissa temerarie, in damnum & præjudicium committentis, propalant, i. e. ex quorum reticentia nec ulli privatorum, nec publico, aliquid damni immineat, v.g. herniam, fistulam ani &c. Quibus

bus *Valeriola* 4. enarr. 10 subscribit inquit: inter cetera cuncta nihil æque quicquam Medici dignitatem fide & taciturnitate illustrare posse videtur; & paulo post: quæ in morborum curationibus viderit, quasque resecta notam sunt agro allatura, seu arcanum contineat, nec cuiquam pandat. Ignominie enim plenum est agri famam prodere, & fidei nostra commissa continere non posse. Unde non satis urbane aut politice, advertente *Boudewyns*, Medici aures de agrorum ejus statu nimis curiose indagando fatigantur, quo qualive hic aut ille morbo affligatur, quod ne ab uxore aliisve domesticis Medicus unquam pati deberet, ex natura sua tam propatulis, quam curiosis: quamvis adeo garrulos nonnunquam offendamus Medicos, qui penes quoscunque, nec interrogati, nedum fatigati, inconsiderate valde de suorum infirmitatibus blaterent.

Secus enim res se habet cum morbis contagiosis, v. g. lepra, peste, lue venerea, item impotentia generandi, concipiendi &c. quales sane omnimode celare minime decet: sed per conscientiam obligatur medicus, ejusmodi affectus significare iis, quorum interest, potestulus potissimum, inprimis a Magistratu & in Foro, notante *Codronchio de Christian. med. ration. 1. cap. 38. J. B. Sylvatico de Medico cap. 8. & Valeriola 8. enarr. med. 5.* Nisi forsan periculum a maligno morbo hujusque contagium nondum adeo præsentaneum atque evidens fuerit, v. g. si, juxta *Valeriolam*, quis ad elephantiasin tantum inclinans, aut gonorrhœam virulentam sustinens, nos consulturus adeat, nondum vero perfecte elephanticus fuerit, nondum morbi gallici symptomata graviora patiatur: quales sane magistratui protinus prodere & in vulgum infamare minime convenit. Id est, quemadmodum impietati proximum flagitium videtur, quem consilio regere, fide tueri & arte servare potes, ejusmodi mala insimulare, per quæ fama spoliatur, turpis & omni humana societate indignus pronuncietur; qui potius tacite admonendus erat, sibi ut sapiat, & medicorum dictis ac consiliis auscultet: sic certe fallit ac perdit fidem, qui vere Gallicum seu Elephanticum &c. non significat, hinc majorem hominis unius, quam alterius, privati, quam Reipublicæ (quæ una omnes omnium propinquitate & affinitate longe superat) majorem curam habet, *Salus quippe publica suprema lex esto.*

Nisi morbi fuerint contagiosi aut aliis præjudicent.

Non mox in principio.

Et si prima rudimenta quoque dictorum similiumve morborum, v. g. gonorrhœæ virulentæ; familiarius & propinquius cohabitantibus aliquando contagiosa & detrimento existeret, ratio & experientia innuat: per consequens charitas Christiana illa his, quorum interest, cum prudentia in aurem dicere postulet.

Postulatus
a magi-
stratu.

Extra & præter qualem contagii casum quidam, v. g. *Boudewyns ventilabr. med. theolog. part. 1. quest. 42. ac Bernier Essais de Medecine part. 2. cap. 8.* si iudex de secretis, quæ æger Medici & Chirurgi fidei commiserit ac consilium desuper petierit, hos nullo modo ad testificandum obligari, putant: quasi silentium hoc in jure naturali fundetur, obligationem servandi secretum jubente, quoties per revelationem ejus fama pateretur. Cujus sane legis vinculum firmitus esset, quam Prætoris postulatum, cui veritatem, juxta *Thomam*, omnem confiteri, nemo teneatur. Ast sanctiones saniores, ratio & observantia aliud longe præcipiunt, Medicum nempe & Chirurgum in veritatis quoque subterfugio peccare, & obligari utrumque ad sibi concredita vitia, quæ interesse publicum & justitiæ administrationem spectant, v. g. inflicta vulnera, venena propinata, similiaque judici revelanda: qui crimina sciscitans in jus naturale minime peccat, quod etiam in pœnis irrogandis criminibusque delendis suum cuique tribuere postulat, postulantque leges divinæ ac humanæ criminum vindicationem; & veritatem tacere reservationum mentalium Pontificiorum, inter quos nominati quoque autores se profitentur, enormius specimen est. Hincque inter leges Chirurgis nostratibus præscriptas, *Tinnungs-Articulu*/ etiam hæc est, ut vulneratos, qui eorum medelæ se committunt, quosque ab aliis læsos suspicio est, ac vulneris conditionem per schedulam, *Wund-Zettel*/ Prætori oppidano denuncient, sub multa totidem Imperialium.

Imprægnatio & partus nefarius haud celandi.

Magis spinosa quæstio est de imprægnatione & partu nefario, an hæc Medicus subterfuge revelare teneatur? Pro priore facit familiæ labes seu dedecus, quod avertere & occultare, haud manifestare, conveniebat: pro posteriore metus concitandi abortus & infanticidii, qualibus criminibus obicem ponere, leges jubent. Magistratui E. non postulatus talia prodere, haud semper tenetur, nisi abortus & infanticidium metuendum hoc urgeat: & sufficiet, parentibus, agnatis

tis &c. ea eorumque conjecturas tempestive exponere, quo personarum ejusmodi suspectarum harumque moliminum accuratiorem gerant curam. Quamvis cautum valde postulent revelatorem, ne v.g. imprægnationem & partum variis machinis occultantes te de injuria personæ & familiæ, filiæ & parentibus, illata in jus trahant, proterva lingua & convitiis te proscindant &c. Quibus, Patri nempe & Matrifamilias, pariter revelandum utique puto, si filius, filia, nutrix aut ex domesticis ullus morbo quodam virulento seu contagioso laborent, quod hic cæteris familiæ membris exitiosus facile evadere, queat: quemadmodum Medicus itidem obligari videtur, conjugum unum de affectu alterius contagioso admonere, ne eadem afficiatur malignitate.

Casus omnes ac singulos silentii Medici moderandi ac declinandi vix recensere datur, disquiret & determinabit eosdem cujuslibet conscientiæ ac prudentiæ dictamen: si per hunc morbi secreti non in publicum divulgentur, non cuivis ardelioni, sed his tantum, quorum interest, sc. magistratui, aut qui sub proximior cohabitatione a contagio minus tutus, aut cum inhabili, impotente, demente, epileptico &c. matrimonium tentaret, manifestentur: & quidem privatis sub sigillo demum silentii naturali; neque vitium absconditum semper exacte & specialius, sed sub generalioribus & plus minus ambiguis aliquando terminis, seu suspicionis tantum rationem aliquam, innuendo. Quorsum etiam spectat, ut subjectum morbosum potius, v.g. impotens, lue gallica affectum, dehortemur a conjugio adeundo, non alterum seu sanum: sicque indirecte damnum ex eo metuendum avertamus, charitatem vero Christianam utrique præstemus.

Porro sicut nihil temere aut inconsiderate asserendum vel contemnendum, in diagnosi nempe & prognosi, multo minus suadendum atque administrandum, Hippocr. 6. epid. f. 2. t. 46 monet: quatenus audacia & citra præmeditationem præcipitantia ægro in exitium & Medico in ignominiam vergit, in hoc imperitiam & judicii inconstantiam arguens. Quali vitio incautos non minus juvenes ac indoctos senes persæpe tentari, Zacutus Lus. introd. ad prax. præcept. 23 ait: illos quidem, quod futuros eventus inexperti ignorent, & citra rationem

Prudentia
in revelan-
dis neces-
saria.

Temeritas
ac præcipi-
tantia vi-
tanda.

Adhibean-
tur reme-
dia satis
potentia.

tionem ac cautelam ullam in laqueos conjiciant agros, a quibus nec ipsi, nec miseri agroti, evadere possint; hos vero, quoniam citra autorum lectionem, soli fidentes experimento, quo jactabundi gloriantur, atrocibus præsidii agros excarnificant, quousque debiles & viribus resoluti e vita discedant. Ita, advertente Billichio obs. & paradox. chym. 2. c. 6. cavendum maximopere, ne, dum agrotorum indemnitati mitioribus & tutioribus remediis consulimus, sinamus interim fortiorum & magis congruorum neglectu illorum periclitari salutem. Neque enim minus exitiabilis est medentis adulatio, quam vebementia medicamenti. Et qui præcipitantibus, cordialibus, alexipharmacis similibusque tutioribus, ut ajunt, medicamentis febrem acutam v. g. aggrediuntur, das Herg verwahren/ evacuans vero oportunum formidant, non minus præpostere agunt, ac qui quodvis præsidium generosum intempestive administrant. Leviores maculas, pergit Billichius l. a. aqua eluit, at ubi altius insedit vitium, acerrimus adhibetur sapo, fitque ex Hippocratis præcepto transitus a medicamento ad ferrum, a ferro ad ignem, atque magnis morbis magna remedia opponuntur. Id est, juxta Hippocr. de leg. t. 3, timiditas impotentiam, audacia vero ignorantiam, artis significat.

Non sit ti-
midus,

neque per-
tinax.

Audenter ac intrepide E. cuncta aggrediatur Medicus, secundum rationem, adeo quidem, ut, advertente eodem Hippocrat. 2. aph. 52, omnia secundum hanc facienti, licet secundum eam non quævis mox eveniant, non statim transeundum sit ad alia; nisi mutatio morbi, symptomatum aliarumve circumstantiarum aliud suaserit: sed quod mature excogitavit ille, huic audacter inhæreat & graviter exequendum curet. In quibus tamen ita se gerat, ne cervicosus seu contumax nimis censeatur, quod philautiam simileve quid olet: sed aliorum sententiam pariter audiat, hancque, rectam si inveniatur, amplectatur, imo de errore admonitus se corrigi prompte patiatur. Graviter quippe advertante Codronchio de Christ. med. nat. & Sylvatico de medic. errat mortalisque peccati reus redditur Medicus, qui, ne sententiam suam mutans errasse videatur, errores fateri recusat & eos acriter defendit; ac tanto gravius peccatum committit, quanto majus præjudicium ejus agrotantibus hinc evenire potest: sicut error non minus punibilis est, quando in remedii præscripti, quod minus

minus opportunum posthac cognoscit idem, usu nihilominus persistit, illudque mutare renuit, ne imperitus aut inconstans compareat. errores fa-
teatur.

Quatenus, juxta *Zacchiam lib. 6. tit. 1. quæst. 2. §. 10* in hoc casu æque peccat, ac si a principio per dolum malum medicamentum morbo non conveniens præscripserit: & anteponere omnimode tenemur hominis salutem falsæ de existimationis amissione persuasioni. Cum, sicut alias hominis est, errare, ita maxime in arte hac conjecturali ac difficili hoc metuendum veniat, i. e. *Galenus 3. præfag. 41. supra captum hominis nunquam errare, solius artificis quam minimum*, asserat: quatenus ipsemet Hippocrates, Galenus aliique Medicinæ proceres suos errores fateri haud erubuerunt, v. g. dum *Hipp. epist. ad Democrit. se ad finem Medicinæ nondum pervenisse* & *5. epid. t. 14.* a futuris in calvariæ læsione se deceptum, ingenue perhibet, magnis idem laudibus a *Celsò 8. c. 4.* elatus, quasi more magnorum virorum & fiduciam magnarum rerum habentium egerit; nam levia ingenia, quia nil habent, nihil sibi detrahunt. Magno ingenio multaque nihilominus habituro convenit etiam simplex erroris confessio, præcipue vero in eo ministerio, quod utilitatis causâ posteris traditur. Et *Galenus 2. de loc. aff. 5* proprio exemplo dolorem colicum perperam nephriticum sibi persuasisse memorat: ut alios ejus errores horumque apertas confessiones, quemadmodum *Avenzoaris* quoque, *Aretæi* &c. quas in fasciculum collegit *Tiraquellus de Nobil. cap. 31. num. 500. & 502. & Zacutus Lusit. 1. de med. princ. hist. 79,* taceam. Medici proin ingenui erit, errorem, si non ore semper, animo tamen, fateri & semet corrigere, aut ab aliis se corrigi haud recusare: discutiendo enim ac attentius singula expendendo judicium magis acuit; in errore vero qui moratur, arrogantiam aut contradicendi libidinem prædit, ac finem primum, qui est, morbum superare & sanitatem restituere, negligit.

Administrationem vero ipsorummet remediorum nec festinet, nec plus justo differat, i. e. fortuitam seu præcipitem circumspicte expectet atque attendat occasionem: quam qui negligit eive antevertit, frustra molitur, quicquid molitur, dum in tempestive applicandis remediis tota curationis vis consistit, juxta *Hipp. 1. aph. 1. de Medic. t. 11. de dec. orn. t. 10. & præcept. t. 1. & 3.* quemadmodum pariter,

Opportu-
ne ac tem-
pestive
agat.

ter, si aut ægri, aut assistentium, precibus, aut importunis verbis, se vinci sinat, sive ad præsidium ante tempus adhibendum, sive ad pleniorum victum, vinum, atmosphæram frigidiorum similiaque, morbo minus congrua, concedenda. Quamvis enim ægrotantium desiderii aliquando quadantenus indulgendum esse, superius monitum fuerit; semper tamen sub conniventia etiam ejusmodi occasionis habenda erit ratio, ideo medicationis animæ appellatæ: v. g. catharsin aut mox in prima morbi invasione, aut demum, ubi materia cocta, instituendo, abscessum non crudum aperiendo, sed hujus incisionem ad maturitatem usque, etiam cum ægri molestia, differendo, parturientem non ad præcoces conatus adigendo, neque opportunos negligendo.

Sedulus sit

Moribus denique, quibus Medicus sibi & arti ampliorum laudem acquirit, accenseri debet industria seu assiduitas, quam non sedula tantum cognoscendorum indagine & agendorum studiosa ad-

frequenter
visitando.

ministratone, de quibus in seqq. dicitur, sed frequentiore insuper ac inprimis visitatione declarat ac præstat: secundum Hippocratem de dec. orn. t. 10. *Ingressu utere frequenter, visita diligentius, his, quæ a deceptis per errorem sunt, occurrens, ut mutantur. Facilius enim cognoscis simulque expeditior eris &c.*

Non desunt equidem, qui vel ex sola uroscopia, vel ex relatione ministrantium, se satis superque de morbi indole, symptomatis, adjunctis &c. informari posse putant, hincque remedia congrua eruerere contendunt; superfluum igitur, sordidum ac vile nimis visitandi ægros munus judicantes. Verum cum Uromantis quia suo loco agendum erit, ceteros impræsentiarum, ne arrogantia aut desidia plus, quam salutem ægrorum suorum, litent, non tam a Codronchio, dum i. cap. 5. medicum nec ex arte, nec conscientia, absentibus sufficienter mederi ac consilium dare posse, asserit, quam per experientiam frequentiorum & sanam rationem, persuasus, hortor.

Aliquando
absentibus
etiam me-
deri licet.

Sc. ante omnia dandum est aliquid necessitati, i. e. si nec ægro medicum, nec huic illum, adire concedatur, quacunque de causa; modo de cunctis affectus illius circumstantiis hic sufficienter informatus fuerit, ab alio medico, aut persona quavis perita, aut ipso ægro per literas: Quamvis frequentiores observemus ægritudinum casus, quibus

quibus exacte & pro necessitate exponendis nec infirmus, nec adstan-^{Rarota-}
tium ullus, sufficiat, medicus vero alius nullus præsto sit, qui eos expo-^{men.}
nat. Affectus ipse evidentior & symptoma urgens maxime, v. g. icte-
rus, cephalalgia, vomitus, contusio capitis, hæmorrhagia ex relatione
eorum satis patent: minus vero, quæ diagnosi demum perspicaci eru-
untur, v. g. hydrops pectoris, nephritis, fractura calvaria &c. multo
minus eorum causæ aliæve circumstantiæ. Porro quædam non, nisi a
præsente medico, indagari valent, v. g. pulsus conditio, vultus, absces-
sum habitudo, similiaque ægritudinis signa & fere momentaneæ
mutationes, imo non pauca horum etiam roganda veniunt ab ipso
ægro: hinc, quibus nihilominus medicus prudentem prædictionem
formare nequit, multo minus consilium capere ad necessaria admi-
nistranda. Præterea ut circumstantiarum multas referant mini-
strantes, non cunctas tamen, easque confusas satis, referunt, alias a se
minus cognitæ reticendo, aut, quasi minoris momenti, negligendo
& forsitan talia quoque, quæ ad iudicium formandum ac facilitandum
requiruntur, omittendo: v. g. narrant, infirmum laborare tussi, obli-
viscentur doloris lateris punctorii & difficultatis spirandi, memi-
nerunt vomitus vehementioris, non doloris lumborum, qualia ni-
hilominus symptomata omissa recensitis combinata Medico ad pleu-
ritidis & nephritidis diagnosin, prognosin ac therapeiam determi-
nandam maxime faciunt. Quibus denique accedit, quod, quamvis
hic cuncta circa affectus medelam accurate satis disponat, assistentes
tamen multa horum pariter negligant, aut minus rite tempestiveque
applicent, sicque illam enormissime turbent: qualibus erroribus
commissionis æque ac omissionis præsentia medici subinde me-
detur.

Ex quibus similibusque satis elucescit, quantum negotii & labo-
ris faciat, quam perito & industrio etiam, Medico haud visere ægrum:
ipsemet expertus testor, me sapius unico momento penes illum agen-
dorum plus observasse, quam multæ prolixiores ministrorum mini-
strarumve relationes me docere poterant: &, innuentibus hinc inde
Hippocrate ac *Celfo*, vix ullus forsitan morbus datur, in quo cum ægro
ipso conferre eundemque interrogare necessarium haud fuerit.
Quod nihilominus ad singula morborum genera extendi haud valet,

Non quisvis
medico-
rum tene-
tur visitare
peste labo-
rantes.

Licet tam-
men.

cum non quisvis Medicus, nisi qui a Magistratu ad hoc mercede constitutus, peste infectos visitare teneatur, notante *Carrario de medic. & illius officio part. 2. n. 91. & part. 3. n. 60.* Quamvis nec illam quorundam approbem teneritudinem, qui (meticulosiores justo) sub conscientiae tegmine peste affectos adire nolunt, aliosque, ne adeant, prohibent, v. g. Medici pestilenciales: quasi scilicet solis his peste decumbentes visitare conveniat, hinc alienum munus aggrediatur, constitutionibus publicis renitatur, Deumque tentet, qui, haud specialiter ad hoc vocatus, pestilentiae mederi audeat, ut ex *Döringio de peste sect. 4. membr. 1. partic. 3.* Ludwig von Hornigk im *Würg-Engel quest. 266* sibi persuadent; Quin potius credam, cunctos eos, qui ex pia charitate, experiundi observandique cupidine, hoc negotium aggrediuntur, quosque meticulositas nimia haud deterret, si vocentur, pestilentiali medico in primis absente, aut ex quacunque ratione visitationem denegante, bene & laudabiliter agere, si nec peste correptis operam suam denegent, sequanturque Prædecessores pios non minus, ac peritos multos, v. g. Donzelium in peste Veneta, Th. Zwingerum in Basiliensi, Joachimum Camerarium in Norimbergeni, Diemenbroccium in Noviomageni, Sylvium & Barbettum in Amstelodamensi atque Leidensi, Hodgesium ac Thomsonium in Londinensi &c. Quippe Christianum magisque humanum forsân videtur, amicos illos, qui valetudinem suam olim fidei nostræ commiserant, sub ingruentia mali atrocioris haud omnimode deferere: & animadversione dignos judicat *Thomson epilogism. chym. 54.* qui mitiores morbos sporadicos salarii vel sosti gratia curare non omittunt, ingruente autem peste, calamitate epidemica sævissima, mox suis se subtrahant; castigandos æque, ac milites stipendiarios, qui tempore pacis seu nullo apparente hoste, otiose vivere & genio indulgere gestiunt, insiliente vero eo, ubi resistentia maxime opus, longius fugiunt & arma projiciunt.

Ac confert
ad pestis
naturam
ac mede-
lam inda-
gandam.

Accedit, quod nullus Medicorum, nisi qui agnis ejusmodi adstitit ac præfuit, de pestis natura, phænomenis, causis, medela &c. recte sentire & scribere queat. *Fides*, inquit idem *Thomson epilog. 94. tantilla adhibenda est Rhetorici vel scribe de Peste, qui nunquam ferociam ejus in diversis corporibus crebro intuitus fuerit.* Iste

namque

namque theoreticus Medicus assimiletur Geographo, præcepta de navigandi arte speculativa tradenti, Neptunum furentem, ventis agitatam, naufragium minitantem ne prorsus quidem experto: novit fortasse problematice disputare de hoc themate juxta aliorum placita descripto, ut-
 cunque veneni pestiferi naturam scientificè ac sapidissime plane ignorat. Quale quid sane a solis Medicis conductitiis pestilentialibus, quorum multos rudes & indoctos ex inopia ut plurimum arduum hoc munus adire, *Palmarius in epistol. tractatui de febre pestil. præfixa* ad Senatum Parisiensem conquestus erat, conqueruntur alii, v. g. *Donringius l. a. part. 2.* testatur pariter quotidiana experientia, expectari haud valet, ad observandum non minus, ac ad digerendum, ineptis: nisi alii peritiores & in judicando circumspectiores admitterentur, quallium consilium commune *Job. Schröderus de peste* exposcit, nimirum ut multi eruditiores ac experti Medici de observatis in peste conferant, quo natura & medela hujus luis promptius ac felicius exploretur. Nec argumenta a Donringio & Hornigk producta, tantæ acuminis sunt, ut omnem cæteris, præter Pestilenciales, Medicis occasionem pesti medendi præcidant. Quatenus munus non alienum, i. e. hujus vel illius, sed sibi cum aliis concreditum atque commune, aggre-
 ditur quivis, qui medendi arti se suaque studia mancipavit, dum pesti mederi studet: adeoque & hic potentiæ atque misericordiæ divinæ suas committere potest vias, utpote haud frivole, sed charitatis instinctu, tritas. Quam hinc metuunt, luis pestiferæ hujusque contagii ampliatio, seu a medico infectos visitante ad cæteros per totum oppidum disseminatio, parum valet: cum experientia doceat, non, nisi ab actu infectis, seminium hoc facile propagari; quales sane medicos per urbem obambulantes & pancratice viventes asserere haud possumus. Suasor tamen sum, ut prudenter & cum discretione hic agat quivis, ne, quos non afficit miasmate virulento, afficiat terror, concitatus a visitatione Medici, quam peste quoque languentibus præesse intelligit ejusdem virulentiae experts. Quod præstabit, peste infectorum visitationes occultando, aut de his eorumque symptomatis ac phænomenis penes alios parum aut nihil differendo, præservativa remedia haud semper manibus & ore volutando &c. ut alias cautelas mittam, quibus contra contagii virulenti insultum ipsemet

Resp. ad argumenta.

Medicus ejusmodi se muniat, utpote de quibus agere non videtur hujus loci.

Frequen-
tius sunt
visitandi.

Quod si proin visitatio agrorum adeo necessaria est, frequentior sine dubio, advertente *Hippocrate*, plus utilitatis præstabit, a *Galeno* per hoc approbata, dum penes infirmos se aliquando pernoctasse perhibet; si nempe necessitas hoc urgeat, aut aliquid peculiare attendere oporteat, quod morbi medelam maxime moderatur. Id est, si gravitas affectus hoc postulet, non quotidie tantum semel, in morbis præprimis acutis, sed bis quoque, imo frequentius, invisendus æger, partim commodioris sciscitationis, partim medelæ felicioris, gratia: quatenus intra paucas non raro horas nova se produnt eorum phænomena, corpora varios patiuntur motus, hincque indicantia brevi sæpe variant. Ac annotante *Botallo de Med. & ejus munere* §. 32. fieri potest, ut, dum in meliore statu æger est, eum tunc invisas, vel dum ille gravius urgetur, vel ubi medium statum degit: horum hercle nullum scorsum, quid agendum sperandumve sit, indicat. Incertum igitur & præsagium, incerta simul & præsidia. Eo ipso quippe, dum, juxta *Hippocr. de Med. t. II. & præcept. t. I. & 3.* temporum & occasionum ratio maxime habenda, ac opportunitas faciendorum atque non faciendorum magni momenti est, fugacitas occasionis non segnem seu otiosum, sed vigilantem & industrium, in visendis infirmis postulat Clinicum.

Si genium
horum tale
quid
concedat.

Nec facile
non con-
currenti-
bus ceteris.

Quamvis ipsemet *Galenus in Hipp. 6. epid. comm. 4. t. 9.* nec hoc in passu unum eundemque cunctorum ægrotantium olim jam dum observavit genium, alios nempe horum a sæpius visentibus medicis molestia affici, alios contra crebrius invisos lætari: id est, sunt eorum quidam, qui Medicum crebrius accedere desiderant, quidam, qui rarius hoc expetunt. Quorum posterioribus, scribente *Botallo l. a. frequentior Medici accessus, ubi exiguus morbus premit, vel Medici hujus imperitiam arguit, vel extorquendi æris cupiditatem: parior vero in morbis magnis plura indicat, quam frequentia ipsa, nimirum vel avaritiam, vel magnitudinis morbi notitiæ defectum, vel segnitiam.* Peculiarem sibi malitiam, i. e. alterum Medicum insidiosè supplantandi libidinem, in concurrentiis fovet, qui non cum socio tantum statis horis, sed intercalaribus quoque & illo clam ægrotantem, minus vocatus, visitat, communi consilio præscripta clanculum corrigit ac difuadet,

disuadet, alia sibi arcana illis substituit, & quæ similia levitatum atque nugarum genera sunt? hac officiositate abblandiente focii odium, infirmi & adstantium vilipendium, rarius, quem meditantur, scopum, neque hunc sine virorum bonorum ac prudentum vituperio ac indignatione, sibi comparans. Accessum itaque moderetur Medicus secundum affectus indolem, ægotantis genium ac voluntatem, ac reliquarum circumstantiarum exigentiam: dum infirmorum aliis crebrior, aliis rarior, metum incutit & morbi periculum intendere videtur, uterque eosdem ad desperationem aliquando adigit.

Neque tamen, quod imperitiores ut plurimum agere observamus, quotiescunque æger visitatur, toties novum suadendum ac præscribendum est remedium; errant etiam in hoc aliquando ipsimet ægroti, cum Medico, perhibente *Botallo l. a.* putantes, *nisi quis ad se introgressus vel cataplasma apposuerit, vel persuderit, vel adusserit, vel chlysterium indiderit, vel venam inciderit, vel cucurbitulas adjunxerit, vel confricuerit, vel nutrierit, aut hujusmodi aliud factitarit, nihil ab ipso gestum esse artificiosum.* Tanta sæpe in cubiculis ægotantium medicamentorum una die præscriptorum visitur farrago, cui administrandæ ne quidem nycthemeri horæ sufficerent, industriam nihilominus singularem ea comprobare satagit Medicus, approbat illam miser. Et tales Medici, quotiescunque ægros adeunt, toties peccant, ac dum officiosi videri gestiunt, maxime nocent. Quatenus visitationum frequentia non tam totidem præsidiorum semper novorum præscriptioni, quam indagini accuratiori, morbi nimirum, causæ hujus & phænomenorum ac errorum ab ægro & adstantibus commissorum, ministratur: licet eo ipso, dum morbi acuti subitaneas non raro experiuntur mutationes, harum quoque intuitu crebrior visitatio profit; quo sc. consilio pristino, si opus fuerit, mutato, illis mox oportuno remedio occurrere detur.

Frequentationibus his ut commodius & cum majore miserrum fructu litare queat Medicus, non adeo multos horum curandos simul suscipiat, eosque perfunctorie & currendo tantum visite, seu festinando illorum visitationes expediat: cum juxta *Celsum 3. c. 4. fere periculosa sit nimia festinatio & ab uno Medico non multi possint curari: ne audire cogatur, non observasti, occidisti.* Multum quippe differunt

Nec semper mutet medica-
menta.

Ufus visitationis frequentioris.

Non multorum curam suscipiat.

differunt *currere & curare*, adeo quidem, ut, notante *Bernier l. a. qui præscribit ex equo, præscribat pro equo, non ex equo*. Numerum hunc ternario determinat *Zacutus Lus. intr. ad prax. præcept. 21.* qualem tamen haud perpetuum judico, sed augendum pariter ac imminuendum, pro varia locorum seu civitatum amplitudine, ægrorum conditione, morborum gravitate ac levitate, Medici vigore, & quæ similes sunt circumstantiæ, pauciorum aut plurium ægotantium medelam suadentes ac dissuadentes.

Quamdiu
reconval-
escens visi-
tandus.

Denique nec hujus loci prætermittenda, quam *R. a Castro 3. cap. 6.* Practico tyroni præscribit, regula, reconvalescentem nimirum ultra diem vigesimum haud visitandum esse, ne ille argenti cupidior videatur: nili visitationem ulteriorem ejus hic quoque expetat; vixque prudentem ac gravem Medicum decere, ut dimissionem expectet. Valedicturus E. hic, nunquid suam præsentiam adhuc desideret ille expiscetur; ne negligentior ac minus officiosus videatur: imo hujus causa dimissus quoque post unum alterumve diem semel vel bis illum aliquando adeat, firmitatem reconvalescentiæ ejus indagaturus.

CAPUT V.

De

Consultationibus medicorum.

An Con-
sultationes
profint?

Cum in capite quarto varia prudentiæ & morum, quibus Medicus ægrorum confidentiam cum adstantium affectu sibi comparare annitatur, momenta recensuerim; restare videbatur moderamen ejusdem inter Medicos sibi associatos, & quomodo circa hos penes ægrum & circa hunc cum illis consultans se gerere debeat idem. De quo negotio nonnulla nunc edisseram, postquam quæstionem spinosam æque ac frequentem duplicem explicuero: scil. An consultationes inter duos pluresve Medicos e re infirmi sint? & an ab his celebrandæ?

Affirm.

Commendat eas ægotanti pariter ac Medico *Hippocr. de præcept. 7* his verbis: *Ne vero indecore se ille gerat Medicus, qui in rei præsentis*

sentis angustia circa agrum aliquem, & imperitia tenebras offundente alios quoque accersere jusserit, quo ex communi consideratione res circa agrum inquirantur ac dignoscantur, & illi cooperatores fiant ad auxilii ferendi facultatem. Nam in affectionis assiduitate, augeſcente affectione, ob consilii inopiam, plurima ad rem presentem effugiunt, seu ex interpretatione Foesii & secundum ipsum magis contextum: Ubi enim assidue urget affectio morbusque increſcit, plurima in animi angustia, ad rem presentem oportuna, elabuntur, i. e. negliguntur. Quali effato tantum non omnes subscribunt Scriptores medici, v. g. Zacutus Lusit. introit. ad prax. præcept. 20. Barthol. Thurrianus Buliatr. 1. cap. 1. Botallus de medic. & agri munere §. 21. Scptalius animadvers. 1. §. 11. & 12. J. C. Claudinus de ingr. ad infirm. 1. cap. 4. R. a Castro Medic. Polit. 3. c. 3. Rejes Elyf. camp. jucund. quæst. 16. Fr. Bosellus Amalth. med. polit. appar. 3. cap. 18. atque 36. & Ranchin. de consult. rat. in præfat. Nec practici religiosi ac prudentiores ejusmodi penes ægros collo-cutiones unquam detrectant, aut horum, suæ curæ commissorum, desiderio hoc in passu facile abnuunt: i. e. si hi alios sibi præter primum medicos accersere velint, tales prompte admittunt, & cum iis de morbo expugnando diserte ac amice, in salutem eorum concertant. Adiguntur etiam ad concilia ejusmodi per jusjurandum academicum publicum, quæ gradum in Arte superiorem ambiunt: & qui, ne laudem populi vanam amittat, & quo sapientia omnes alios antecellere videatur, in morbo gravi socium admittere refragatur, eum mortaliter peccare, i. e. culpam mortis & damni subsequenter gerere, cum Cardin. Tolet. Th. Aëtius de privileg. infirm. part. 2. verbo Medici, ait. Juxta Zacutum Lusitanum autem l. a. qui alios ad consilium vocari non vult, is vult solus esse in præsepe equus, quare a domo & cura explodendus: quoniam cognitio & curatio morborum res sunt difficiles; quare oportet, ut eorum veritas ex multorum voto elucescat. Imo Bosellus l. a. cap. 36 illi Medico, qui pervicacis, asperi & cervicosi in artis usu est ingenii, hinc consultorem parvi pendit & respuit, quamvis utilia præstet auxilia, nullam esse præstandam fidem, inquit: ut enim deficiat is in hujusmodi actione, ob animi sui nimiam elationem, qua cæcutit judicium, renuendo periti consilium; sic ob eandem judicii cæcitatem cum parum proficere valere.

Sunt ægris
salutares,

Medicorum quippe consultationes, quales cum *Hesiodo honesta certamina Galenus* 1. *meth. med.* 1. appellat, magni semper, ad artem exercendam ac juvandam momenti deprehenduntur: adeo ut, quemadmodum Philosophorum Veteribus Consilium *Divinitatis comes*, *Socrati* apud *Platonem de Sapient. Res sacra*, dictum fuit, ita in artis medicæ exercitio consultata probetur maxime doctrina atque peritia; i. e. Medicis non minus, ac ægris, salutares ac proficuae conciones ejusmodi eveniunt, utpote quas necessitas ac usus & tum ægro, tum adstantibus, cum Medico, desiderata peperit tranquillitas. In specie vero occasionem & ansam illis subministrant, advertente *Bos-sello*, vel affectiones ordinariæ ac leviores Magnatum, divitum, delicatulorum, se plurimum amantium ac vitam magnopere zelantium, horumque timiditas; vel graviores ac pertinaces aut ingravescentes; vel ex Medici, ægri, assidentiumve metu quæ tales reputantur, tamen si minoris momenti existant: in qualibus casibus singulis postulatur, convenit ac instituitur merito consultatio focia.

Æger ma-
gis obtem-
perat

Adeo ut, si in hanc prompte descendat Medicus ordinarius, obtemperantem magis se præstet ipsi infirmus, cujus obsequium, quantum ad morbos sanandos conferat, præter experientiam ex Galeno superius declaratum fuit: non tantum quod, dum consultatorium congressum desiderat, illum sibi indulgentem maxime deprehendat, hinc salutis suæ cupidum æstimet; sed quatenus plurium consensu approbatis præceptis pariter magis auscultat, potioremq; spem de valetudine sua hinc sibi cum amicis atque adstantibus promittit. Neque hoc sine ratione & frustra, quod sicut ubique, juxta antiquiora proverbia, ita in opere medico, *plus videant lumina, præ uno; unus vir, nullus vir*, & secundum *Euripidem in Heraclid. unius manus invalida pugna, duorum & valentius & alacrius robur, sit.* Hoc

sunt neces-
sariæ,

est, dum penes jureconsultos definitum legimus, in quibusdam casibus, inprimis ubi de hominis vita quæstio est, uni soli judici hanc non committi, sed penes plures rem poni debere, nec sine consultatione talem decerni posse: cur in re medica, ubi pariter de hominis vita & valetudine agitur, nobis aliquando diffitentes, alios in consilium admittere, vel advocare ambigimus? per quod nihilominus, seu differentium concertationes eruditas, veritatem erui, in propa-
tulo

tulo est: Tanta quippe ut plurimum mentis humanæ observatur imbecillitas, per quam ingenium sagacissimum quoque decipiatur, hinc ægrotantium animus dubius aliquando hæreat, annon aliquid præsidii suppetat, Medico ordinario minus perspectum. Quod si vero a consultantibus pluribus nihil studii intermitteri, omnes horum vires ad exponenda, quæ in sui salutem vergunt, certatim quasi, contendere, nihil sine prævia deliberatione sibi porrigi & administrari videant, perspiciantque a priore munia medica secundum rectam rationem fuisse peracta: cum hoc tranquilliores evadunt, &, si ad vota non sequatur sanitas, hic inprimis a detractorum telis socia hac opera se vendicat.

Nec ipsimet Medico indecorum & servile erit, aliorum sententias & consilium audire iisque parere, utpote qui, consiliariis stipatus, majorem in medendo adhibet diligentiam, testes circumspiciens actionum suarum, hinc ignorantia ac negligentia severiores censores. Imo, notante *J. C. Claudino*, hoc solo consultandi munere a doctis medicis indocti discernuntur, seu eorum ingenia ac doctrina omnibus palam fiunt, imperitia eorum, qui pro doctis se gerunt atque habentur, cum vafricie, quam sovent, detegitur: vindicantur autem ab insultationibus malevolorum aliorum peritia, modestia similesque mores honesti, qui ipsi ægrotanti confidentiam comparant. Dum illi dictorum & jactationum suarum rationem reddere nequeunt, de affectus causa aut omnimode silent, aut inepte nugantur, indicationes incongruas formant, remedia irrita suadent, aut peritiorum effatis cum rubore per singula subscribere & non, nisi stupidos assentatores, se gerere, coguntur; aliquando etiam sermones cum eruditioribus habendos miseris ac ridiculis technis subterfugiunt.

Medicum
eruditum
commen-
dant,

Et non unius ejusmodi hominum memini, cujus arrogantia, Imperiti-
garrulitati, pollicitationibus ac secretis fidem cum plebe adhibebant
Magnates, eamque præ eruditioribus majorem, quam nihilominus
personatam peritiam, seu mavis imperitiam, unus vel alter ejusmo-
di congressuum manifestabat, & exultationi hætenus infinitæ at-
que invidiosæ fatalis maxime contingebat. Quemadmodum nec
talium deficiunt exempla, qui opinione vulgi hætenus inflati & ani-

am ejus
manife-
stant.

mi iusto elatioris, ruditatis nihilominus suæ probe conscii, concionibus clinicis, plus minus callide, nec sine peritiorum clandestino vilipendio, se subtrahebant etiam e longinquo hunc in finem vocati; ne scil. sub unica mox contentione se suamque doctrinam superficialiam turpiter darent, & vana, qua hactenus crepabant, vulgi opinio, brevi in vanum abiret, diffilaretur: ludibrio nihilominus infirmi & adstantium æque ac Medicorum genuinorum & ingenuorum se egregie exponerent, his occasionem simul porrigebant suam comprobandi peritiam ac existimationem, tenebrionum autem illorum inscientiam deridendi & levitatem corrigendi atque comprimendi.

Difficultas
rei postulat
consultationes.

De cætero ipsa quoque necessitas seu casus difficultas aliquando adhibere iubet consultationes medicas, dum *unus non videt omnia, unius mens omnium negotiorum incapax est, nec cuncta sua scientia complecti potest, pauca enim unus videt & audit, multa vero plures, sapientissimus quandoque sui obliviscitur, ac εὐπορία interdum ἀπορία* patitur: adeo quidem ut ipsummet *Hippocratem epist. ad Democrit.* fateri non puduerit, se, quamvis senem, atque exercitatum, multa adhuc ignorare, & *Fernelium de luis vener. curat. c. 7* scripsisse legimus: *Multa, crede mihi, deprehendes in rerum natura, si singula bene examines, in quibus cœcutire humanum intellectum sit necesse*, ut aliorum Medicorum prudentum genuinas taceam infirmitatis suæ confessiones, supra citatas. Culmen E. humanæ sapientiæ attigit ille, qui sapientiam suam suspectam habet, sibi que persuadet, alieno se opus habere consilio: & in magnorum discriminum angustiis, ubi propria consilia remedium morbo adæquatum haud porrigunt, prudenter aliorum implorantur suffragia, quorum nempe prudentiam in similibus, nedum difficilioribus, casibus approbavit experientia. Quandoquidem, sicut, juxta *Euripidem, victoria in bona consultatione posita*, & prudentis naucleri est, maximis intempestatibus vectores quoque consulere: ita medentibus pariter consultatio, ex eruditione rerumque peritiâ plurium, eventum promittit salutarem. Aut, si quando denuum medela forsân minus ex voto succedat, idem Medicus, consilii amans, frequentissimum vulgi sostrum, calumniam, declinabit commodius, perinde sc. ac, si convalescat infirmus, honoris particeps est: ita ut, si quid humani accidat, cadaver facilius a pluribus

ribus ad tumulum deportetur, hoc est, levius maledicentium ictus excipiant plures, & multitudini frequentius condonetur. Quod quidem circa Magnatum aliasque personas primarias, quibuscunque, loquente *Salustio*, *opes in excelsis sunt*, locum maxime obtinet, utpote a quarum morbis Medicorum etiam circumsectorum satis, fama plus periclitatur, plus obloquii hos fatigat.

Quibus non obstantibus quibusdam Medicis exosæ valde sunt ^{Quibusdam medicis sunt exosæ.} ejusmodi conciones, fastu & arrogantia tumentibus & præ avaritia anhelantibus; ne futilem forsan famam & quæstum fordidum periculo exponant: adeo ut rogante & jubente etiam agro alios in curatione sibi adjungi minime patiantur, sed hos ad internecionem ejus ab hac variis machinis excludant. Quidam enim ex illorum classe prodeunt, qui, quod de Poëtis & Oratoribus *Cicero* enunciabat, ^{Sc. arrogantioribus,} neminem quenquam se meliorem arbitrantur, i. e. sibi arroganter plus, quam par est, fidunt, & cunctis casibus arduis se sufficere sibi præsumunt, aliorum etiam consilia contentiosè reprobant, nulla alia intentione, quam ut hos supplantent & per horum depressionem ac contemptum sapientiores æstimentur. Alii, ne ruditas sua eludescat & in derisum veniat, socios sibi accerseri renuunt; quo tamen ^{bus,} commento eandem non raro detegunt, quemadmodum superius innui: ut asserere ausim, plerosque medicorum, qui consiliarios abhorrent, præter ignorantiam nihil sapere seu olere. Quos nihilo ^{male ita agunt,} minus, ineptos non minus ac audaculos, facessere jubeo, utpote sub quorum dictatura ægri non tam moriuntur, quam occiduntur: & per consequens rebus suis & agrorum male consulit, quæ consultationes cum aliis detrectat, saltem ut arrogantiam suam fructuosiorrem reddat, vel ruditatem, quæ aliorum doctiorum admissione, cum emolumento decumbentium haud mediocri revelaretur, occultet, hujusque pedissequam, ludibrium nempe, declinet; non enim estimationi, non quæstui, sed salutis ac vitæ hominum, est litandum, quæ nullo auro redimitur semel neglecta. Et si, quæ a Majoribus, vel sub præceptorum, vel observationum & historiarum, vel consiliorum, nomine, tradita Medicis non tantum initiatis, sed in arte quoque perfectis ac expertis, in consilium adhibere valde necessarium & proficuum est, ac casus nobis obvenientes ad casus, literis An-

tecessorum consignatos, metiri jubemur & quotidie solemus: cur unius alteriusve Collegæ & Consultatoris vivi consortium tantum abhorremus, a quo non minus lucis rebus cognoscendis ac faciendis consequi datur?

Denegari-
um con-
sultationes
argumen-
ta.

Contrarium equidem nonnulli asserere conantur, temnunt ac damnant, tanquam inutiles, supervacaneos & tantum non exitiosos, ejusmodi congressus, v. g. *Casp. Caldera de Heredia tribunal. med. polit. l. 1. t. 15. Ged. Harvey artis curandi morb. expectat. c. 25. & Botallus l. a. §. 24.* Quorum prior Medicorum congeriem veritatem confundere scribit, i. e. pariter, ac lapidum congeries altitudinem quidem geometricam seu acervum ingentem condat, non unitatem physicam, sic ingeniorum consultantium multitudinem haud unum facere egregium, imo se mutuo impedire, non juvare, seu, ut aliis loqui placet, ubi multa judicia, ibi majorem deprehendi confusionem. Alter illum, qui unius Medici consilio utitur, Medicum habere, ait, qui duorum consilio potitur, dimidiatum tantum, qui trium operam sibi admovet, nullum omnino Medicum habere. Quibus jungere quadrat *Rhasin* ac *Damascenum*, eum, qui plures consulit Medicos, in errores singulorum incidere, differentes: sicut *Plinium* pariter, dum 29. *Hist. nat. l. 1* miserat circa agros sententiarum concertationes, & infelicem monumenti *Cæsaris Adriani* Inscriptionem illam ait, qua Turba se Medicorum periisse innuit idem ipse, quem morti proximum *Dion* illud *Menandri* recitasse perhibet: multi *Duces Cariam* perdiderunt, multi autem *Medici* perdiderunt *Regem*: ac *M. Verinum* & *Joh. Owenum*, Poëtas celebres, ita ludentes:

Impediunt certe medicamina plura salutem,

Non plures Medici, sed satis unus erit.

Nunquam, crede mihi, a morbo curabitur ager,

Si multis Medicis creditur una salus.

Cum inprimis paucissimi decumbentium atque adstantium judicio in tantum polleant, ut, utri altercantium Medicorum fidem præstent, norint: quin potius in seligendo atque dijudicando fallantur sæpenumero; cujus concertantium præceptis & consilio inhærendum sit, hæsitent, eorumque animus hinc inde fluctuet. *Botallum* demum quod spectat, nec hoc salubrius semper consilium esse, quod a pluribus

pluribus fuerit determinatum, ait, ideo in primis, quod, etsi in principiis artis consultantium singuli concordent, per varias tamen vias quisque scopum suum attingere insudet, seu ad unum finem suo tramite properare laboret, quem ceteris omnibus, sibi incognitis, præferendum putant singuli: dum interea, qui in congressu primas tenet, non recusaturus sit sententiam, quam pro meliore excogitavit, & forte etiam alias usu comprobavit, ut aliam commendet. Addo Consultationes difficiles redditæ hypothesium disparitas. his non raro etiam quoad principia Consultantes evidenter discrepare, ut v. g. febris intermittens causam unus eorum asserat putredinem humorum in vasis mesaraicis stabulantium, alius cruditates tantum ventriculi ac intestinorum: flatus alius accusat in colica & suffocatione hysterica, alius aberrationes spasmodicas. Hinc pro febris illius medela prolixiorẽ preparantium seu materiam morbi-
ficam digerentium usum, & post illa demum cathartica quidam suadet, alter mox *ἄνω* seu *πάτω* evacuat. Laudat febrifuga hic mox in morbi principio, detestatur eadem ille aut omnimode, aut eorum exhibitionem longius procrastinat. Carminantia ille in colica & hysterico insultu propinat, exhibere contendit hic antispasmodica cum opiatis. Eadem opiata unus præscribit mox in prima colicæ & nephritidis invasione, alter non, nisi deterisis primis viis & remota demum causa continente, per hæc symptomatis medetur. Varioloso, petechiali febre & purpura laborantibus atmosphæram alii commendant tepidiorem, alii fervidiorem, alii frigidiorem omnimode. Mercurius dulcis nonnullis est in frequentiore usu, penes pueros quoque, quem alter ex præjudicio horret ac detestatur. Ad venæsectionem quidam sunt faciles; reformidant eam Helmontiani: & quidem illorum quidam in puerili quoque ætate, quam alii in hac damnant, secundum illud Galenicorum dogma, vires ejusmodi tenellorum corporum generoso huic remedio ferendo minus adæquatas existere. Pergit *Botallus*, plures medicos non ægrum modo & assistentes, sed semetipsos quoque interdum valde conturbare. Si v. g. *Conturbant aliquis assidentium sciscitetur ab uno concurrentium medicorum seorsim, num vinum dandum, num nigrum, vel album, num fricandum, num quando Medicos tempestivius nutriendum, num assa porrigenda, num acetarium condonandum, vel alia similia, quorum forte indifferens fuerit usus; alius interim*

terim ab alio medico eadem postulat ; hic forte concedat , quæ alter interdixerit : confundi hinc eos, & laudari ab hoc consensu unius medici, quæ alter alterius consilio damnet , quamvis nullius forsan momenti res sit, siue fiat, siue omittatur, interdum tamen, meo iudicio, multum referat, huius consilium præ illius amplecti.

In consultationibus
haud litigandum.

His tamen, si de honesto, seu de eo, quod fieri debebat, agatur, minime subscribo, utpote maximam partem, si non garrula magis & soluta loquacitate dictis, pravorum Medicorum tamen tantum malignitatem exprimentibus, & ex vulgi potius præiudicio ac virulentia profluentibus, quam veritati per omnia consentaneis. Improbare & reprobare recitata similiaque effata videntur disceptationes illas Medicorum quorundam contentiosas, aut mavis aniles, quæ ad eundem & salutarem scopum nunquam collimant, seu in obeundis consentiunt : sed iurgiis tempus consumunt, illi maximam interim ægro pariunt molestiam & fastidium, timorem incutiunt, ejusque animum magis, quam morbus, perturbant, huiusque vitam, quam *brevem* dixerat *Hippocrates*, suis litibus, advertente *Petrarcha*, brevissimam faciunt ; ut non incongrue tales contentiones *Chrysostomus* certamina desperata appellarit.

Increpant
seniores
juniores.

Quatenus horum, quæ conveniunt, singuli rubore perfunduntur, quinimo excandescunt, si opinione sua cæteris non prævaleant, paradoxa licet : pertinaciter & ita a se invicem dissentiunt, ut nec pares, nec superiores, ferre queant, nullusque eorum citra exceptionem, additionem, detractionem, permutationem similemque cribrationem commendatum a Collega præsidium comprobet, nedum laceret ac mordeat ; ne nimirum hoc non doctior ac peritior videatur. Id est, inter se frivola potius ostentationis gratia & per levitatem illam, quam animi immoderatio elatio peperit, concertant, quam in ea disquirunt, quæ infirmo salutem præstent. Si cum juniore & minoris adhuc famæ concurrat senior ac celebrior, quamvis ille & ægri, & veritatis, magis amans sit, mentisque acumine, studiis & opere hunc longe superet : hic opinione vulgi & quod verbis suis, velut ab oraculo productis, undique credatur, nimis confusus, de junioris rite ac perite peractis male sentit, &, quasi inepte ac sinistre medelam hic hæctenus administrarit, mordicus pandit. Quamvis eodem

eodem arrogantiae vitio laboret aliquando junior, a versatili forsan sua lingua aut credulitate de se stolidus seductus, ut cum seniore in concionem vocatus, hunc ingenii effœti & torpidi, item morositatis, clanculum maligne satis proclamet, eo se plus sapere temere sibi persuadeat huicque quam impudentissime ogganniat. Quando de-
 mum pares congregiuntur, neuter alteri cedit, non pari tantum se pollere doctrina parique iudicio uterque arbitratur, sed ingenio ac peritia alter alterum antecellere opinatur, eique ne latum unguem cedit: hinc fideliter & congrue ab hoc proposita remedia renuit, invalida autem & minus opportuna, æmula potius mente, quam pro affectus conditione, illis substituit.

Item ju-
 niores se-
 niores.

Commune
 est cunctis
 contradi-
 cendi stu-
 dium.

Atque hæc est illa Medicorum congregientium invidia ac per-
 vicacia, quam Doctorum ingenuorum plerique vituperant, vitu-
 perant quoque illum ægrorum pessimum & valetudini propriæ exitio-
 sum maxime morem, quo a diversis medicis pariter ac medicastis
 seorsim, quid factum opus sit, inquirunt, seu cuiusvis idiotæ palæstram,
 peritiam imperitiamve suam tentandi, corpora sua concedunt, hinc
 omnium aut plurium illorum præpostera præsidia, quæ morbo hu-
 jusque circumstantiis non satis perspectis illi commendant, adhibere
 non verentur: minime vero laudabilem illam consultandi con-
 suetudinem, qua ægritudines accuratiore ponderantur trutina, in-
 quiritur in harum causas, colliguntur signa, ut auxilii inventio facilius
 evadat, admittunt. Quemadmodum *Plinius* itidem superius alle-
 gatam Cæsaris monumenti inscriptionem miseram ait, non quod
 plurium Medicorum congregationi valetudo ejus commissa, sed
 quod eadem de illorum prolixis & infinitis concertationibus conque-
 stus fuerit defunctus: *nullo videlicet eorum, idem censente, ne videatur
 accessio alterius.*

Nonnulli
 ægri sine
 consulta-
 tione plu-
 res consu-
 lunt.

Et hos perversos mores, quos in agris æque ac Medicis quibus-
 dam hodie experimur, emendare, fragilitatem humanam longe su-
 perat, consilia interim indifferenter cum aliis conferre, vix semper
 æque consultum jubent, & congressus medicos aliquando declinare
 urgent. Quatenus, perhibente *Harvey* l. a. plusquam evidens est,
 timorem ac diffidentiam binos illos frequentiores existere aculeos,
 qui infirmum ad duorum pluriumve medicorum convocationem
 P
 stimulant.

Medicis
 consulta-
 tiones ho-
 die mole-
 stæ sunt.

Ex diffi-
dentiā
ægrorum
pleræque
consulta-
tiones.

stimulant. Addo adstantium insuper ineptum in illum affectum & ejus sanitatem juvandi præcocem cupidinem, non raro adulationem, interdum in Medicum præsentem seu ordinarium eorum odium, in alium quoque magis amicam & necessariam propensionem, tale quid machinari, ac priorem cavillando, posteriorem miris & stultis aliquando encomiis extollendo, omni de reliquo sana ratione posthabita, ad consultationem, infirmo minus proficuum, si non lugubrem, postulandam hunc laceßere: ut de ejusmodi impetuosioribus stimulis adstantium sollicitatoriis penes amicos alios & ipsum Medicum ordinarium interdum animo ac vultu ingenuo conqueratur miser, *sie haben mir nicht eher vom Halse gelassen/ biß ic.* Unde medicus prior seu familiaris, si ad congressum ejusmodi ingrate, indigne, præturpi metu vanaque diffidentia, aut per merum sui vilipendium & existimationi subtrahendi libidinem, adigatur, famæ suæ non minus conservandæ ac conscientiaë obstrictus, haud injuste incandescit, & frivolis ejusmodi technis inique ferendis, quia homo, vix undique par observatur; hinc in fervore seu virium contentione, salutem decumbentis recuperandi, tepefcit ac languescit: sicque patiens intempestivæ suæ diffidentiaë, adstantes suæ perversitatis ac blanditiarum, pœnas luunt, usque dum utrosque pœniteat præcipitantiaë suæ, ut plurimum sero satis sapiant; præprimis si accessorium, & in quem omnem valetudinis spem collocaverant, imperitum officioque desiderato minus invigilantem experiantur.

Generis hujus lepidam observationem relatam debeo cuidam Amico, qui cum Medico alio juvenem Generosum, variolis haud adeo graviter decumbentem, ultra octiduum visitarat, omnibus bene satis succedentibus & papulis jamdum exarescentibus. Advocat nihilominus Parens stolidè diffidens ex urbe vicina Medicum tertium, quem socium in arte lusoria fidum ab aliquo tempore noverat, prioribus duobus infcisiis, qui horum medendi rationis censorem ageret. Ast advolans hic ægritudinem ac ægrum eo usque abhorrescit, ut conclavi hujus introductus, pro fugandis tetrīs seu consuetis variolarum exhalationibus, januas & fenestras aperire jusserit, intrarit ut exiret, hoc est, fugitivo satis talo infirmum visitarit atque reliquerit, huncque & Parentem spe infallibili fere fefellisset, nisi chartæ

chartæ verficolores Medico & Parenti pallidum excussissent metum.

Et quamvis, ut vel ex proxima relatione innotescit, ut plurimum Medico priore de hoc minus salutato ejusmodi consultores socii seligantur & advocentur, seu illi ex improvise, sub variis technis, obtrudantur: nollem tamen ulli, si de adjunctione ejusmodi, plus minus amice, postuletur, facile suasor esse, ut vel rudioris adjungendi personam, vel ipsam combinationem, renuat, aut quovis modo de his ambigat, nisi hominem morosum, inhumanum, invidiosum, arrogantem &c. se videri quis malit; ipseque congressus, ut superius monui, peritum ab imperito discernet, & consultationem ejusmodi præter ac aliquando contra omnem rationem expetentes, quam inepte ac male sibi suisque consuluerint, eventus docebit. Majoris momenti sunt difficultates, quas ex *Botallo* recensui & quibus unum alterumve adjeci, quæque, fateor, cum sententia, quæ consultationes suadet, vix commode conciliare licet. Qui hypothesibus artis, sive quoad ætiologiam morbi, sive remedia & horum administrandi rationem, discrepant, in actu collegiandi se conciliari minime patiuntur; vel quod præjudiciis suis spissius obruti, vel quod alterius hypotheseos fundamentorum ignari, sermones contradicentis minus percipiant. Ut mittam, ejusmodi hypothesium alienarum explicationem & propriæ impugnationem plerisque forsan in congressu molestant esse, horumque existimationi non parum præjudicare. Confusaneas ægri seu adstantium sciscitationes ex concurrentium singulis nec prudentissimus horum interpellabit, vel declinabit hinc natam conturbationem sibi pariter suisque collegis, ac ægro & assidentibus. Licet, advertente *Botallo*, neutrum illorum facile credant, qui artem non norunt, etiamsi hoc ipsum prolixius declarare conentur prudentiores, testetur frequentior experientia: illis nempe persuasis, quasi hæc asserta non veritatis, sed affectus præposteri, documenta sint.

Non facile
recusandæ
tamen.

Porro Medicorum quorundam, præter ordinarium introvoca-
torum, non unius generis observatur protervia & malignitas, per
quam eorum alii, ad infirmos quam primum ingressi, elata satis fron-
te ac supercilio, & per modum tentaminis scholastici, quis morbus,
Fastus
nonnullor-
um in
consultan-
do.

quæ hujus causa, qualia remedia, quando &c. adhibuerit, ab illo sci-
scitant: minime eum in finem, quod erudiri de his gestiant, aut quo
opem ferant ægotanti promptiorem, sed ut peritiam suam fastuose
ostentent, & de hoc contemptus sibi sub primo morbi insultu facti,
seu sui præteritionis, atque de priore Medico, se insalutatis vocato ac
medelam hætenus faciente, vindicias oportunas sumant. In cujus
opiniones proin insultant, in consilia sæviunt, remedia cavillant, ru-
ditatis eum plus minus directe insimulant, omniaque hujus dicta at-
que facta errori vertunt, optime forsan ac perite gesta.

Expertum audiamus, & ab ejusmodi male feriatis hominibus
quid ipsi contigerit, enarrantem *Freitagium noct. medic. cap. 15.* Sc.
ægros morbis ægre sanabilibus, perniciosiis aut chronicis affectos
cum tractaret, suo consilio & rogatu alios frequenter advocatos fuis-
se, qui nihilominus, ut soli lucrum & honorem aucuparentur, ipsum
aliosve, qui manum primam admoverant, morbum non intellexisse,
errasse in causa, methodo, remediis, ut se eveherent, eum eliderent,
ægris clancularie instillarint: quamvis, cum alio filo stiloque cu-
ram pertexere satagerent, tantas æmulationis & virulentia suæ pœ-
nas dederint, ut vel ægri rem deteriorem reddiderint, vel ex rebus
humanis omnimode hunc exemerint; ipsi interim, propinquis aliis-
que assidentibus suggererint, si maturius vocati, vel statim cum
prioribus accessissent, se illum artificiosè ac feliciter sanatuos fuisse.
Quale quid si cum Freitagio experiantur alii, haud mirum, si de pri-
stino medendi studio remittant, ac illis malevolis, de salute infirmi
non adeo sollicitis, horumque congressibus se subtrahant: ne, si illi
suam existimationem ab horum convitiis vindicare annitantur, pro-
bris ac dictariis magis, quam honesta concertatione, se invicem exa-
gitent & pertinacius justo contendant, hinc in desperationem non
solum ægotantes agant, sed vulgi quoque derisui utrinque se expo-
nant; illi interim maledicti, quo justa opprobria callidiùs evitent,
perfunctorias satis operas decumbentibus præstent, hinc sibi abblan-
diantur, quod communi opere peractum, a nemine facile taxari,
quinimo ab omnibus non, nisi approbari, posse.

Alii contra Medicorum, priorum officiorum necessitudine aut
pacto nefario devincti, vel quacunque de causa huic ad gratiam lo-
quentes

quentes (quales communiter confarreati audiunt) ridiculos se hujus ^{Consul-}
gerunt assentatores, ac inter consultandum ab ejus autoritate seu nu- ^{tantium}
tu in sententiam perversam quoque, trahuntur, *sperantes*, ut inquit ^{nefaria-}
Caldera de Heredia l. a. *sub imperio tali regnare*, i. e. ex favore ejus, cui ^{conspira-}
adulantur, famam majorem, si Diis placet, sibi promittentes. Qua- ^{tio.}
re omnia Prædecessoris consilia ac præsidia quasi rite & secundum artem
adornata, utut fatis inepta, rata habent, imo eadem, in arbitrii
sui testimoniū, simul jubent, unam vel alteram tantum forsā me-
dicamenti speciem commendatis ab illo, v. g. Scolopendrio Fuma-
riam, Ebbri Corallia, Carduibenedicto Centaurium, addendo vel
substituendo, aut enema, sacculos ad pulsum &c. cæteris remediis
combinando, aut quamvis exigui vel nullius momenti circumstan-
tiam circa medelam immutando: ut ille officio hoc adulatorio ad-
paria obligetur, ægro tamen hujusve amicis non solum sapere creda-
tur. Allostria interim dum ambo tractant, garriunt, scurras agunt,
fabulas narrant, a congressibus ejusmodi parum emolumenti in illos,
qui opem efflagitant, cedit, & horum saluti pessime consultitur. Uno
verbo, quemadmodum, juxta *Ptolomæum centiloq. sent. 12. amor odi-* ^{Raro salu-}
umque, ne vera eveniant judicia, prohibent, augent siquidem minima, ^{tares sunt}
& maxima minuunt: ita a Medicis minus conscientiosis, in consi- ^{ægri con-}
lium vocatis, sive sibi amici & familiares extiterint, sive similitates ^{sultationes.}
inter se alant, non leve aliquando imminet periculum.

Neque defunt consultantium tales, quorum præsumptio & arro- ^{Simplicio-}
gantia ceteros Medicos in suam sententiam, speciose magis, quam ^{res consul-}
vere, allicere satagit, adeo ut aliquando, pro horum simplicitate & ^{tantium,}
illorum astu, disceptatores momentum quæstionis vix attingant, illi ^{ab arro-}
callidæ eloquentiæ aut mavis garrulitatis fucō imperitiā suā in- ^{gantiori-}
crustent & veritatem violentius distorqueant, terrorem cæteris in- ^{bus in con-}
cutiant, hocque autoritatis peculatu eis, nolentibus volentibus, fa- ^{sensum}
cile etiam absurda persuadeant. Quemadmodum nec infrequenter ^{trahuntur}
evenit, ut consultationibus ejusmodi intersint Medici, quorum am-
bitio & malevola lingua illos potissimum, qui extra eorum sodali-
tium seu gregem sunt, de industria & mero contradicendi œstro, in
cervicofas & absurdas opiniones rapiunt ac dirimunt: pariter in ægri
perniciem, qui nihilominus ab Iatrobulia ejusmodi salutem certam

Quidam
consulto-
rum osten-
tatores.

sibi ominabatur. Ne referam, quosdam horum congregatorum, ad solam sui ostentationem, quæstiones atque disceptationes philosophicas, astrologicas, anatomicas &c. coram ægros inutiliter movere, ex astris de morbi natura, causa, prognosi & medela divinare, tanta aliquando cum ambitione, ut alios, ipsis eruditione longe superiores, in his ignorantia insimulent, ipsi ut plurimum rudissimi, ne circulum in sphaera dignoscentes, quique nec cadaveris sectioni unquam interfuerunt: ut in eum, cujus gratia fit consultatio, pariter nihil, præter molestiam, redundet.

Imperito-
rum quo-
rundam
technæ,

de lana ca-
prina di-
sputant.

Demum vero quandoque posterior Medicus, seu ordinario lateranus constitutus, omnium existit imperitissimus, quem scilicet non doctrina, sed plebis opinio, Medicum reddit & vesana vetula commendat, quique per ignorantiam spectatius consilium suggerere præsidiumque efficacius porrigere nequit: qualis nihilominus, ut Medicum (hystriionem potius) se præstet, de morbo & hujus causis chimæras ex hypothesebus alienis sibi ignotis format, Lympham acidam, tubulos nervorum, bilis alcali aut circulationis sanguinis moras accusat, qui nec terminos hos capit, incidentibus, aperientibus, solventibus, de obstruentibus (quasi hæc non unius generis forent) præcipitantibus absorbentibus, fixis, terreis (itidem æquipollentibus) rem aggrediendam differit, ex farragine tandem simplicium & compositorum prolixorum novas decompositiones cudit, an scammonium sulphuratum, an rosatum, an diagrydium præstet, pertinaciter disceptat, aquam Carduibenedicti aquæ florum Sambuci præfert, aut adfundere strenue urget, Helleborum nigrum præ Rhabbarbo splenem, hoc præ illo epar, evacuare, acriter propugnat, & in similibus de lana caprina decertationibus cum magna pompa dum tempus terit, occasionem oportune agendi frivole prætermittit, nœnias interim, nescio quas, conglomerat, qualium nonnullas *Harvey* l. a. recenset. Dum v. g. lis inter duos per horam unam alteramque agebatur, num in affectu cerebri mel enemati addendum foret simplex coctum, an anthosatum? utriusque partis argumentis auditis, mellis simplicis, quasi magis stimulantis, usui suffragabantur plures, ad rationem de virtute cephalica anthosati, lato responso, quod naribus potius, quam natibus hoc prodesset. Cujus generis etiam est

rixa,

rixa, inter quosdam fama præclaros Medicos ad fustium usque collisionem mota, de pomo in escam communi consilio patienti præscripto: num sub cineribus, viteo folio, an papyro fusco obvolutum hoc assandum sit? longo encomio altero eorum commendante vitis foliorum dotes, in pomum transferendas.

Jungo his morionibus illos, qui communi consilio commendatum & ab alterutro sociorum in chartam conjectum remedium, sub Formulæ seu Recepti nomine, vel cæteris recognoscendum ac videndum, nescio, qua animi submissione ac sui diffidentia, porrigunt; vel ab altero conscriptum, censorio quasi oculo, videre gestiunt & monstrari sibi postulant. <sup>Censura-
formula-
rum præ-
scripta-
rum.</sup> Quamvis prius quoque nonnullos eum in finem agere, palam sit, quo ex assensu seu approbatione cæterorum aliquid inanis gloriæ captent: sicut posterius prætendunt, qui aliis peritiores videri malunt, hinc sibi temperare vix possunt, quin v. g. sali communi sal Gemmæ substituendum advertant, Antimonio diaphoretico Bezoardicum minerale magna emphasi surrogent, nungentur.

Et hujus generis concertationum anilium ac eachinno dignarum plures enarrare lubens abstineo, ne unius alteriusve hominis stolidioris ineptias innuendo, totum ordinem artemque ipsam ludibrio multorum, prudentum æque ac imprudentum, exponam. Neque facile mihi persuadere possum tantam unquam Medicorum collatitorum temeritatem, qualem idem *Harvey* commemorat, & perquam junctim, quod eorum singuli seorsim, ne existimationi suæ labem affricent, tentare nullatenus audebant, remedium, alex maxime dubiæ, experiri minus verebantur: v. g. dum Mercurii dulcis drachmas duas quotidie bis, per aliquot dies continuando, duorum vel trium Medicorum catervula diversis infirmis exhibuerit, usque dum horum ferme omnes consultorum suorum ausus octavo vel nono die morte expiaverint. Cum Scriptoris nihilominus hujus allegati capituli epilogo atque suspirio & ego argumentum hoc in præsentiarum finio: *a Consultatione Medicorum confarrectorum libera me omnesque probos, Domine.*

Id est omnes ac singulos mente sincera monitos cupio, ne adeo facile in Consultationes parandas se abripi patiantur, aut in has in-<sup>In postu-
landa-</sup> confide-

consulta-
tione quid
observan-
dum.

consideratius ruant, ob incommoda prænarrata, certo certius ut plurimum metuenda: si in primis Medicum familiarem eruditum specimina publica, fidum industria, testentur. Aut si forsan quis in hoc levitatis inciderit, ut hujus doctrinam & peritiam suspectam habens plurium consultatione gaudeat, cum potius omnimode dimittere, aliique, cui libentius se fidat, valetudinem concredere, non adeo absone jubet *Harvey*. Aut, si nec hac ratione sibi satisfieri autumet, morbus inducias ferat, & ceteræ circumstantiæ permittant, eodem Scriptore monente, seorsim accersat Medicos diversos, qui de morbo, ejus causa, medendi ratione & remediis separatim sententiam suam hujusque argumenta in chartam conjiciant: qualia aut Medici sui ordinarii, aut huic subordinati, eruditi nimirum ac probi, censura approbanda, rejicienda seligendave subjiciat, & in hoc demum dictorio: *contra vim mortis non est medicamen in hortis*, patienter acquiescat.

Aliquando
etiam his
se subtra-
here licet.

Quemadmodum nec ulli prudentum ac generosorum Medicorum in malam partem interpretari possum, si congressibus ejusmodi aliquando se subducatur: sive medelæ primus extiterit administrator, sive huic combinandus fuerit; non ut pertinaciter eos renuat, sed potius omnimode secedat atque a cura abstineat. Hac enim ratione non habebit æger, ut de cervicositate illius conquerratur, dum huic, de peritia ejus dissidenti, liberior conceditur occasio, quosque alios Medicos, sibi peritiores visos, advocandi, horumque dexteritatem & fortunam experimentandi. Habet hujus subterfugii causas uterque communes, habent singuli eorum peculiare, cunctas, ut credo, fonticas satis, & quas cantilena illa inepta, quasi per conscientiam omni infirmo, medelam postulanti, omnis medicus obligetur, haud solvit.

Hujus loci videlicet facio ex *cap. quarto* nec per naturam, nec legem, nec contractum teneri hunc, ut operam cuivis petenti præstet, & confidentiam ægri solitariam medicum haud obligare; sed ad commode medendum inter hunc & illum reciprocā exigi: nisi servos Romanos seu mancipia nostrates quoque Medicos velimus. Hinc non apparet, quid Medicum ægro, qui dissidentiam in eum collocat, seu invito & respicienti, ministrare urgeat; cum præter confidentiam

dentiam nihil habeant, quo Medicum vocatum ut accedat & permaneat, obligari, afferant: cessat E. huius pronitas & obligatio, vacillante ac cessante ægri fiducia, si hæc unquam extitit, seseque exerente, aliqua averfatione. Nec in ejusmodi meticulosis ac diffidentibus parum, quod timeat, habet posterior postulatus, incertus, annon, ut communiter fieri solet, potius cæco tantum ac præcipitante affectu, & ab assidentibus solum persuasus, seu tantum non (ut contigisse memini) coactus, an ex confidentia rationi innixa, æger ejus consilium & assistentiam postularit: sub quali ambiguitate ipsi suspicari relinquitur, ne sibi idem cum priore immineat fatum; i. e. ab infirmo, morbi & moræ pertæso, ingræte, nec sine conviciis, æque præcipitanter dimittatur, ac accersitus fuerit. Præterea nemini Medicorum vitio verti potest, si famæ suæ parcat, neque cum morosis tergiversatoribus, magniloquis, malevolis, imperitis sibi que infestis ac insidiosis rem facile habeat, & collisiones ancipites subeat, fidem ægri evidenter concutientes. Quod quidem sine ulla conscientia nota agere potest, in locis præprimis, ubi Medicorum numerus luxuriat.

Polliceor mihi nihilominus a quolibet Medico ingenuo ac pio, *At raro.* eum si in quam inciderit rem arduam magis, alium, ab ægro & adstantibus advocatum, non alacriter duntaxat admissurum, sed ipsummet socium postulaturum, talem nempe, qualem hæcenus descripsi; sic enim non tantum conscientia suæ consulit, sed minus secundum artem administratæ medelæ quoque declinabit suspicionem. Hæreo siquidem, an secundum *R. a Castro* unquam prudenter faciat, alium qui non admittit, etsi morbum huiusque causam quam optime dignoscat, ac creberrima licet experientia rationem ipsi medendi compertam habeat: modo hic difficilior fuerit ac remediis admotis minus cedat, patiens vero, moræ impatiens, socium desideret Medicum. Quamvis generosior illa ingenuitas non raro impotentia arguatur, & vitio ac ruditati tribuatur, quod prudentia ac virtutis opus. Quo proin in ejusmodi tentationibus se vertat Medicus, non tam regulæ limitatæ, quam conscientia ac sagacitas, eum docebunt.

Congressus interim ejusmodi adornari debent tempestive, seu antequam decumbentis salus desperata plane evaserit: perinde ac advocando- *Consultationes sint tempestive.*

Qualis Me-
dicus in
consilium
vocandus.

candorum infimul accuratior semper habendus selectus; cum sola plebis opinio fiduciaria arbiter hujus negotii ardui haud perspicax satis videatur. Nimirum, qui accersitur, Medicus ante omnia priore, si non peritior ac celebrior, certe huic par, sit: a minorum enim gentium homine parū emolumentum sibi polliceri poterat ægrotans: ut mittam, associationem junioris minusq; exercitati priorem peritiorē, quasi vilipendatur, ad indignationem usq; lacerare. Deinde advocetur moribus honestis præditus minusq; contentiosus: ac deniq; priori gratus seu minus infestus. Cujus posterioris ad minimum circumstantiæ intuitu honestius & prudentius agunt infirmi atque horum necessarii, si prius de advocandi persona cum hoc conferant, eive, cæteris paribus, optionem concedant, aut contra ejus nutum haud agant.

Modus
consultan-
di.
Non in
ægri præ-
sentia.

Modum congregiendi quod spectat, recte cum *Sept alio & Zauto Botallus* consultationes clinicas seorsim ab ægro, omnibusque arbitris seculis, celebrare jubet: quo liberius undique edisserantur sententiæ, atque a priore Medico acta aut a quovis Collegarum prolata, si quando correctione indigeant, sine nota ejus ignorantia, commodius corrigi, ejusque argumenta oportunius dilui valeant. Quales admonitiones ab eodem facile quoque admittentur, dum contra, si coram ægro & auscultantibus domesticis aliisve imperitioribus ejusmodi concertationes fiant, sua mordicitus & pro vindicanda auctoritate defendet quilibet; ne, inprimis si tristior superveniat eventus, hic illi in acceptis referatur, aut perpetua postmodum inter hos Medicos alantur dissidia. De quo etiam Magistratum Mediolanensem ejusdem urbis Collegium Medicorum lege publica prospexisse, *Septalius* perhibet, sc. ne consultationes medicæ publice haberentur: sicque inter Medicos vastæ ejusdem civitatis numerosiores tantam hucusque conservatam fuisse concordiam, ut inter multos vix unum reperire contingat, qui alium ad congressus medicos non prompte admisit.

Accedit, rerum medicarum ignaros auscultatores semper aliquid, quod Medicorum consiliis, si non diserte, certe mente, temere addant, in his minuant, damnent, pervertant, conviciantur, habere, sæpeq; his suis nugis majorem præ sapientiorum sententiis fidem postulare, potissimum si præsidia commendata & applicata morbum non statim

statim solverint, aut si hic male cedat, ac mors forsan superveniat, & eventum hunc pravum in illum rejicere, qui vel remedium proposuit, vel pertinacius defendit. Aut si Medicorum collegiantium, quis nimia gloriæ cupiditate turgeat, metuendum, ne is elatior atque protervior evadat, ubi corona auscultantium se stipatum viderit: ea damnans, quæ ab alio minus inepte dicta fuerunt, & sua tantum extollens, neque argumentis evidentioribus cedens, sed nugis prolixis tempus conterens. Quamvis *Botallum* indulgentiorem paulo in hoc deprehendam, unum alterumve ex amicis sapientioribus (non ex plebe rudiore & aniculis) cui ægrotus curæ sit, inter consultandum admittit: qui nimirum testetur, omnia a congregantibus secundum artem prolata & ex conclusio majorum acta fuisse. Quod circa Magnates maxime debet observari, quorum non tam illos, qui horum infirmitati, adstantium seu ministrantium nomine, præsto sunt, quam Consiliarios, & horum quidem intimiores, ac qui Principis ac Reipublicæ salutis excubant, cum veneratione admittere, observantia atque pietas jubent.

In specie ægrum concertationes ejusmodi attendere, non adeo congruum videtur, quo sc. quisque concertantium sententiam suam, potissimum ratione prognoscos, satis libere exponere queat, neque ex iis occasionem contristandi capiet ille: vel ingrata dum audit, aut differentium mentem haud recte comprehendit, sibi que perverse applicat, ut *cap. 4* cautum fuit; neque tamen a sperandis animus ejusdem intempestive efferatur, hinc monitis ac præceptis medicis minus obtemperet. Quibus addendum, quod salutari nonnunquam fraude & fructuosa deceptione ægrorum teneritudini ac erroribus subvenire cogamur, adeoque hos optima quandoque celare remedia, sana ratio jubeat: nisi forsan illi ex sagaciorum genere fuerint, quos nihil vetat discursibus ejusmodi interesse; si præsertim animi præsentis magis eosdem noverimus, prout l. a. monitum.

In ipso autem congressu audacter quilibet exponat id, quod artis & conscientiæ dictamen disserere, facere & non facere, jubet: adeo quidem, ut a prædecessore socio prolata atque acta haud simpliciter approbare teneatur, aut de his nihil omnimode dubitare prohibeatur idem, ne hujus forte indignationem incurrat meliora perspicuens.

Intrepide;
modeste
tamen
contradi-
cere licet.

Ab aliis contra sententiam suam quæ referuntur, cum ratione refellat, aut iisdem subscribat: hoc quidem sine invidia atque æmulatione, illud benevole ac modeste. Altercationes quippe tales amicæ casum præsentem exactius discutunt, & veritatis quasi ventilabrum sint: ac oportet, juxta *Plutarchum de aud. poet. epist. 19* non timide, velut in templo, omnia horrere, omniaque superstitiosè revereri, sed de eo, quod decet ac rectum est, libere atque intrepide pronunciare; modo nostra non pertinaciter amemus, ac a Collegis salubriter suggestis, si veritati consona, non anteponamus. Breviter, disserente c. S. Thoma *Boudewyn ventilabr. medico-theolog. part. 1. quest. 50.* Contentio, qua impugnatur veritas inordinato modo & intentione prava, peccatum mortale est, at contentio, qua debito ordine ac modo impugnatur falsitas, summe laudabilis videtur: quatenus non quavis discordia vitio verti debet, quin potius, si per eam mala concordia & collusio, sive ex mera malitia, sive ex ignorantia, orta, auferatur, laudem mereatur.

Methodus
collegian-
di.

Ipsam differendi concertandive moderamen seu methodum quod spectat, *consultandi seu collegiandi artem in morbis ad Chirurgiam pertinentibus* in tractatu peculiari promittit *Matthæus Rossius*, promittit, non præstat: i. e. plus hujus argumenti tenet libelli illius titulus, quam contextus. Plenius ac planius hoc egit *Thurrianus* per totam suam *Iatrobuliam*, in primis hujus lib. 2. & ejusmodi exercitationis exempla diversa lib. 4 subnectit: quemadmodum pariter *Ranchinus de consult. rat. cap. 2. 3. 8. &c.* *J. C. Claudinus de ingr. ad infirm. lib. 1. cap. 4. 5. &c.* *Rod. a Castro & Rejes l. c.* Quorum tamen singulorum præcepta, quia superflua & incongrua complectuntur, hinc inde satis imperfecta deprehenduntur, non possum non ablegare. Medicum tyronem ad methodum generalem, quam ars cogitandi ac differendi cum prudentia morali eum docent: i. e. medice ac modice seu secundum requisita in cap. 4 enarrata & capitibus seqq. tradenda, mentem suam, sive consentientem, sive dissentientem, fociis exponat: exercitatori vero præter studium humanitatis sociosque, non tam increpandi, quam informandi, ægroque serviendi, nihil, quod commendem, suppetit.

Ratione informationis equidem in praxi aliquando contingere observa-

observatur, ut Medicorum nonnulli, quæ sibi secreta servant, remedia inter consultandum propalare nolint: quod tamen sicut consultandi scopum maxime evertere creditur, quatenus ignotorum virtus sub deliberationem venire nequit, hæcque a Collega, quem latent, sine simplicitatis ac temeritatis nota nec approbari, nec repudiari, valent; ita nefarium atque impium ajunt, qui aliis conscientiores audire ma-

An secreta inter consultandum revelare medicus teneatur? Affirm.

tunt, i.e. sub conscientia forsan prætextu illis laboris ac industriae propriae fructus eripere contendunt, a pietate ut plurimum quam alienissimi & conscientia omnimode exuti. Promachos gloriantur Mich. Sadanarolam tr. 6. c. 1. de agritud. capit. 5. Renat. Moreau. Schol. Salern. c. 37 illos, qui arcana medica subliceant, & non omnibus revelent, peccatum in Spiritum Sanctum committere, asserentes; item Theoph. Spizelum dum de infelic. Literat. comm. 23. §. 8 pudendum tenacitatis & avaritiæ medicæ genus ait, si Hygeæ alumni evēpata sua communi utilitati neutiquam consecrata velint, sed absconditum velut quempiam thesaurum, diligenti studio collectum, sibi servandum ducant, vix ulli mortalium usui futura. Provocant denique in Scribonium Largum, gentilem Scriptorem, & in præfat. ad Caj. Jul. Calistium ita differentem: *Qui experti sunt remediorum utilitatem, denegant autem usum, valde culpandi sunt, utpote qui crimine invidiæ flagrant; quod malum præcipue Medicis invisum esse debet, in quibus nisi plenus misericordiæ & humanitatis animus est, omnibus hominibus invisi sunt.* Quibus adstipulatur famigeratissimus Abasv. Fritschius Medic. peccaminos. f. conclus. 21 per argumenta, ex pia non minus Jurisprudentia hujusque Legibus, ac ex Codice divino & charitatis christianæ postulatis petita: nimirum *Hominis interesse, beneficio hominem affici; Nos non solum nobis, sed & Patriæ, natos; Quid habes, o homo; quod non accepisti? Beatius esse dare, quam accipere.*

Verum quemadmodum Boudewyns facile condescendo, asseren-

Neg. ti, genuinæ ejusmodi arcana in paucorum manibus reperiri, ac frequentiores offendi fumī- & nugi-vendulos, qui talia jactitent & ægris persuadeant, obtrudere aliquando malint Collegis suis. perfrecta maxime fronte, vulgaria interim tantum & vel aniculis nota propinent: siceo ipso, dum neminem unquam invidiæ turgescencia, eousque agitavit, ut cujuslibet artistæ scientiam privatam seu qua-

liumcunque encheirifium alterius notitiam suam & omnibus communem velit, nullaque unquam Lex illud autoritatis sibi arrogavit, quo vel levissimi agyrtæ experimentum extorserit, cur Medicos talia omnium mancipia volumus, quibus contra jura omne peculium denegetur? Neque tanta vis penes virum non minus prudentem ac pium erit religionis, quam hujus pectori incutere conantur larvati ejusmodi conscientiarum, ut communia semper & ubique, cum aliis faciat, quæ e re bonæ valetudinis, vel conservandæ, vel recuperandæ, fore certius novit, & quæ post Deum industriæ suæ debet: postquam videlicet nemini suis & suorum famæ atque commodis, siquidem sine præjudicio & sine supplantatione proximi hoc fiat, invigilare denegatum; & quod per benedictionem divinam atque laborem suum quis reperit, remedium medicum, si per hoc ægris inserviat, alteri propalare, nec in clinicis congressibus, tenetur; Charitas quippe a se ipso incipere permittit ac jubet. Nec sordidissimus sutor, nec ullius nobilioris artis gnarus, hanc, quam callet, alterum invitus ut doceat, honeste ac juste adigi potest, quemadmodum nec chirurgis, mulomedicis ac circumforaneis sua, quæ frivole satis ut plurimum crepant, extorqueri possunt evporista, quin potius in eorum præparatione ac usu per privilegia Principum firmentur. Et si bona fortunæ cætera cum sui & suorum dispendio dilapidare, nemo urgeri valeat, quin potius per sanam rationem & Legum publicarum autoritatem inhibeatur; quid singularis medicaminis possessorem coget, ut hoc, quod propitia ipsi concessit fortuna, divulgando abjiciat, hinc existimationi & fortunis suis temere vim inferat? nisi peritos præimperitis, ut suæ suorumque salutis ac commodis renuncient, obligari, si non inique, inepte quis velit.

Pietatem demum *Godofr. Scholzii*, quam in *appendice Scrutiniæ Cinabarini* profitetur, conturbare equidem nolo, ab eodem tamen adeo facile persuaderi vix possum, omnem arcanorum medicorum suppressionem biga illa idololatræ, quarum altera *Φιλοδοξία*, altera *Φυραγωγεία*, audit, inniti, & quod instar numinis adorari velimus, aut aurei luti sacra fames nos vexet, si arcana nostra celemus. Vanam anhelare gloriam ac divitias avidius congerere, minus honestum esse, largior, famam nihilominus honestam comparare sibi que

ac suis prospicere, ipsum jus naturæ indulget, nedum imponit : cujus utriusque instrumentum post Numinis summi gratiam industria pia concedit. Nisi ipsemet *Scholzius* charitatis proximi immemor audire malit, dum in allegata *appendicis præfatiuncula* non omnibus, promiscue in praxin Medicam involantibus, Emplastri Hofmanniani magnetici & obturantis bigam se daturum & concessurum &c. ait ; quale quid tamen quomodo evitare queat, typis publicis dum exscribi curavit tanta arcana, non concipio. Verbis, quibus idem scriptor pergit : *Quicquid jam tempus & experientia circa scrutinium simplicium & compositorum retexit in singulis regnis Naturæ, arcanum est, & fuit : quæ omnia si taceri debuissent a primis observatoribus, quid, quæso, cum nobis ageretur, si diæ fata velint, ut & nos morbis affligamur. Taceo laudabilem morem hodierni Collegii Curiosorum, qui, quicquid fere arcanorum habent in saniore pharmacæ, therapæia & aliis Medicinæ systematicæ partibus, id omne & nobis & gratiosæ posteritati medicæ effundunt &c.* promptissime adstipulor, neque inventa & experimenta tacere ullum jubeo : quo nihilominus hæc cuncta cunctis & semper revelet quispiam, jubere, ipsa ratio & charitas in nos nostrosque fructificans vetat. Postquam in primis Arti ipsimet & Artistis eruditioribus præfidiorum medicorum adeo luxuriosam in plebeculam notitiam multum derogare, illique pariter ac his in vilipendium cessisse, quotidiana dolemus experientia : dum per eam quilibet se Medicum jactat & temere satis illa applicat quivis medicafter in casibus ejusmodi, in qualibus iis aut nunquam, aut difficulter satis, uti auderet Dogmaticus circumspectior.

Sufficere quippe in concertatione consultatoria puto, si, quod sociò & ægro commendat, remedii ætiologiam & cui indicato speciali appropriatum hoc existat, innuat, v. g. quod sit catharticum, carminativum, nervinum, anodynum &c. quod Medico rationali facile erit ; eique simul fidem per alia experimenta faciat : quod si hic non præstet, vel (ut agyrtis solenne) præstare nequeat, vel per cervicositatem nolit, alteri, ut consultationi se subducatur, suadeo, cum de re ignota consultare haud detur. Extra quem casum tamen minus approbo, ut, quod quis callet, remedium præstans adeo mordicus & invidiose sibi retineat, ut in sarcophagum secum sepeliri, quam per

Eriam sine
secreta re-
medii Spe-
cialiori ex-
plicatione
potest
commode
fieri con-
sultatio.

Nullus me-
dicorum
secreta se-
cum mori
idem velit,

idem aliis prodesse, malit : communicet potius ante obitum seu leget hoc cuidam, quem peritum novit Medicum fidumque, sui suorumque amicum. Sic enim proderit sibi, infirmis ac publico, quamdiu superstes, proderit amico, ægris, arti & posteritati defunctus, utrumque piissime ac honestissime. Inhumanitatis autem illum tantum Medicum arguit *Scribonius Largus*, qui gravi periculo expositum per medicamentum sibi peculiare & secretum salvare, si poterit, detrectat : ejusque superius citata verba minime, ut alteri Medico idem mox revelet, postulant ; postulant, ne denegetur infirmo, medelam postulanti atque expectanti.

Anceps res
consulta
in thesi.

Coronidis loco argumento huic, de congressibus medicorum, hæc addo, eos ut plurimum inutiles observari, raro salutares concipi posse : cum frequentius sine ratione adornentur, sine consilio advocentur consultatores. Neque quidem aliter fieri poterat, dum imperitus infirmus, imperiti adstantes, utrumque præ metu ac diffidentia, adeoque animo conturbato agunt, medici vero ordinarii vel alterius prudentioris de his libera non expectatur vel postulatur sententia. Anceps E. res manet consultatio in thesi, proficua quamvis visa in hypothesi.

CAPUT VI.

De

Sciscitationibus Medicorum in genere.

Qualis in
medendo
requiratur
medicus.

HActenus de peritia & moribus, quibus instructum esse decet, qui ægotantium medelam in se suscipit : quorum prior Medicum format, seu ad medendum idoneum reddit ; posteriores fiduciam & ægri & adstantium eidem conciliant. Progredior nunc ad illa Officii Medici momenta, quibus peritiam, studiis & rerum usu comparatam, hic comprobeb ; seu quorum gratia potissimum ad infirmos accersitur, & ab his consulitur, i. e. ipsam medendi rationem, ac per cujus congruam & exactam administrationem Medici genuini existimationem ipso facto tuetur.

Sc. medicinam facere qui cupit, quo scopum, ægro ac sibi desideratum,

deratum, qui est, morbos tolli ac sanitatem restitui, consequatur, illum accedens triplicem gerere debet personam, sciscitantis, judicantis ac agentis, seu, quod perinde, dignoscat, prænoscant & medeatur.

Non paucos equidem observare contingit Commentatores medicos, qui, Medicinam Systematicam in caput Speculativum & practicum dissepcentes, doctrinam semioticam, hinc affectuum præternaturalium diagnosin & prognosin, partibus theoreticis accensent: quas nihilominus mere practicas evincet, quod, quemadmodum juxta *Galenum* 1. *acut.* 3 ad consultandum tria in medico postulantur, dignotio, prænotio & curatio, hæc quidem, tanquam finis primarius, illæ propter hunc, ut ministræ; sic eadem artis medendi in genere requisita seu officia erunt, ita tamen, ut pariter ultimum horum per se ac primario, cætera propter hoc, expetantur.

Rectæ quippe curationis fundamentum videtur curandi affectus cognitio, dum *Hippocrates de arte* t. 20. *Medicum, siquidem suffecerit ad cognoscendum, ad sanandum etiam sufficere*, tradit, & mutatis paulo verbis, *de flatib.* t. 2. *si quis causas corporis affecti probe cognovit, potentem valde ait, ea adferre, quæ corpori commodant.* Cui adstipulantur *Trallianus* 9. c. 1. *interrogationem rectæ curationis fundamentum* pronuncians; & *J. C. Claudinus* 1. *de ingress. ad infirm.* cap. 1. ac. 2. his verbis: *Quoniam nec is, qui solus curat, nec qui cum aliis de curando agro consultat, bene unquam suo munere fungi poterit, nisi ab agro & assidentibus recte instructus; recte autem instrui nequeat, nisi recte eodem interroget, adeoque agrorum interrogatio quasi carcer sit ac initium, a quo methodus hæc profisciscatur; quippe per quam principia ipsa, quibus innititur Medicus, patefunt & perspicua redduntur.*

Neque dignotio morborum horumque causarum & circumstantiarum sola est, cujus gratia curatiorem sciscitationem Medicus adornare tenetur, sed aliorum præterea, circa ægotantes obvenientium, qualia *Hippocr.* *de affect.* t. 36. & *de victu acut.* t. 47 innuit, v. g. an venter secedat? quo victu utatur? quomodo præcordia, quomodo ægri caput, se habeant? aliaque insuper, qualia contextus suggerit. Quorum sane exploratio negotium mere practicum est.

Sciscitatio-
nis sedula
fructus.

Instituatur
prudenter

ac pudice.

Inpraesentiarum ejusmodi sciscitationem sedulam saltem cuivis medico commendatam, huncque in explorandis & pensitandis omnibus, & morbi, & subjecti morborum, & ceteris circumstantiis vere cautum volo, non tantum, quod diligentior & provida singulorum penes aegrum scrutatio de alacriore ejus juvandi studio testetur, proin hujus spem ac fiduciam erigat, perinde ac negligentior investigatio eandem destruit, &, quasi superfunctorie saltem agat ille, aegrique salus ipsi minus cordi sit, hunc & adstantes suspicari faciat; sed inprimis, quo omnibus circumstantiis rite perspectis prognosis ac therapeja promptior eveniat. Quinimo praeter sedulitatem in sciscitante singularis exigitur prudentia, non tantum pro occultis commodius manifestandis, sed in formandis etiam hinc conclusionibus, seu eliciendis ex manifestatis latentibus adhuc. Prioris praepcepta specialiora tam hoc, quam proximum, exponet caput, v. g. pro morbis simulatis ac dissimulatis explorandis, urinæ fallaciis dignoscendis, erroribus circa res non naturales investigandis, fociis clanculariis detegendis &c.

In quo negotio decori quoque & pudicitiae, quantum licet, habeatur ratio, v. g. in menstruorum fluxu aut defectu inquirendo, penes juveneculas & puellas inprimis, quæ de muliebribus ejusmodi audire ac colloqui, præ verecundia, frequentius detrectant: Has proinde iis, aut seorsim, ac remotis arbitris, quærat medicus, aut interprete demum aliqua ex adstantibus seniore, matre &c. earum morbos indaget. Alterius vero seu applicantis prudentiae praepcepta erunt, v. g. dum in foemella vultus pallidioris ac ex flavo viridescentis, palpitatione cordis & dyspnœa laborante, mensium suppressione colligimus, ex concubitu nefario luem veneream, ex dolore inter mejendum & compressione mentulae dolorifica gonorrhæam virulentam, contradicentibus & pernegantibus hæc aëgris, inferimus, & ex mutatione vultus atque pulsus in foemina Romana, animi anxiosi, quoties Pyladis cujusdam mentio fiebat, hanc amore ejus captam sagacissime & secundum artem augurabatur *Galenus*.

Multa sciscitare,
opus est.

Secundum monitum *Vallesii*, 2. *epid.* p. 122. Medicus interrogare debet multa, i. e. singula exacte scrutetur, modo infirmitas ac morositas aëgri hoc permittat: quorum posterior interdum tam crassa & rustica offenditur, ut per eam hic Medici interrogata nec attendat,

nec

nec responso dignetur; quemadmodum alios adeo stupidos deprehendere licet, qui sibi persuadeant, Medicum vel solo sui, vel urinæ, obtutu cognoscere posse, quæ & ex qua causa patiantur: *Ich weiß selbst nicht / was mir ist / er sieht wohl / daß ich krank bin / er wirds wohl ausm Urin sehen ic.* Quales tamen homines quam pejus sibi consulant, & Medici investigationi, etiam sagacissimæ, remoram difficilem ponunt; cum ipsemet infirmus, juxta eundem *Vallesium*, effari teneatur, quæcunque per experientiam corporis proprii observavit, v. g. an doleat, quæ pars doleat, quibus soleat juvari, quibus lædi, quibus affectionibus & symptomatis facile sit obnoxius, uno verbo, quæcunque circa se ipsummet observatione cognoverit. Hinc &, cum per seriam demum informationem Medico ægritudinis formalitas, ætiologia &c. innotescant, mirum haud erit, cur infantibus ac pueris, a quibus nihil illius expectare possumus, difficilius longe præ adultis medeamur: ad observandum & recensendum sc. minus idoneis. Quibus illos pariter accenseo, qui vel verecundia, vel, nescio, qua timiditate, percussu vitia sui corporis occultare malunt. *Plerique*, inquit, *Celsus*, *propria culpa pereunt, præsertim mulieres, dum pudore persuse secretiores corporis affectiones revelare non audent: cum tamen necesse foret, ut liberius de his conquererentur.* Ut enim, annotante *Ranchino de consult. rat. c. 4.* in confessione peccatorum occultatio vitiorum anima mors est, sic in corporearum affectionum relatione suppressio malorum vitæ & salutis ruina. Adeo, ut in proverbium & ludibrium abierint præ cæteris lue venerea contaminati, sc. nullum eorum non sanari, nisi pauperes, hoc est, sumptibus necessariis impendendis impares, una cum stolidis, qui malum suum ignorari, quam fateri, malunt.

Et sunt non pauci, qui, disserente *Botallo de medici & ægri munere §. 60* obliquam a Medicis opem postulant, simulantes, se capitis dolore premi, vel astu nocturno, vel quopiam alio simili, cum nullum horum adsit, sed pudendi ulcera, quæ fateri stulte non audent, cupientes duntaxat a medico purgationem elicere, vel simul sanguinem mitti, freti hoc solo præsidio universali, citra partis affectæ curam particularem, se salutem consecuturos: quorum nihilominus plerique, transacto uno vel altero mense, imo die, non se medicos fefellisse, sed semetipsos prodidisse,

Modo mor-
rositas
ægrî hoc
permittat.

Cur pue-
rorum me-
dela diffi-
cilis?

Occultare
seu non
exponere
morbum,
periculo-
sum.

intelligunt. Sunt etiam, pergit, qui aliqua clandestina libidine flagrant, nonnullos urit operta ira, vexat alios timor secretus, alios tacita cura exercet: quæ omnia morborum sunt fomites ac causæ, plerumque a medici captu abdita, nisi referantur; qui aliunde interim pereuncta-

Animi dolor ne dissimuletur.

bitur causam, in vanum quidem, non intelligens veram. Illos tamen eousque admonitos cum Botallo cupio, ut, si medico causas huius generis, aut earum occasiones & objecta, forsân aperire ac dissequere nolint, saltem animi dolorem non dissimulent: nam a multis forsân abstinerebit, vel alia præferet, Medicus, cum animum tristem supra modum intellexerit, quod non efficiet, si tantum adversus præsentem &

Morbi simulati & affectus animi dissimulati exemplum.

sibi manifestum affectum pugna esset ineunda. Refert occultati affectus animi exemplum singulare idem Botallus, sc. se tractasse aliquando infirmum, de dolore thoracis & febre queribundum, febre quamvis nulla comparente ac dolore ex ejus relatione tantum supposito: querulus hic assidue erat, suspiciosus ac vigil, & omnibus irritis remediis manebat in hac anxietate per quatrimum. Quo elapso crisin morbi taciti ac dissimulati irrupisse, quæ hominem mox liberavit, denunciante sc. servo appellente litis cujusdam forensis victoriâ, quam ille hæctenus animo ancipiti & tremebundo expectarat, hincque medicum compellasse, ea mei morbi salus, dum anceps hæc expectatio huc atque illuc animum impulit meum. Multi melancholiam hypochondriacam fingunt, quadam causarum evidentium & nulli pharmaco cedentium animum eorum conturbante, v. g. penuria argenti, Creditorum involatur, mala muliere, marito luxum interpellante &c. eousque etiam stoliditatis abrepti, ut medicum suæ fabulæ coactorem postulent, & ut morbum fictum simul cum occulto curet, adiungunt.

Eger scitacioni medici firmiter assentus.

Et huius generis exempla plura vel ex eodem Scriptore, vel ex quotidiana observatione, depromere liceret, nisi prolixitatem tadiosam metuerem, neque plus, quam frequentius, talia cuilibet Medico obvenire, nossem. Potius illud addam, cum de morbi causa hic sollicitus est, infirmum animum attendere debere, ut non tantum præsentium, sed præteritorum quoque, meminerit & utraque illi declararet, v. g. num sub aëre, a præsentis alieno diversoque, & quali modo fuerit educatus? num comotationibus & crapulis olim deditus? an

Veneri

Veneri plus justo litarit? *Recensenda sunt*, inquit *Botallus idem*, *juventutis vel anteacti temporis errata*, *seve ex industria fuerint prestita &c.* *Inter errata etiam intelligi volo antegressas agritudines*: ex iis enim omnibus, vel plurimis, occultus morbus saepe detegitur. Pro rato siquidem habendum, facilius posse multos ægros morigeros unius medici consilio sanitatem consequi; quam possint medici multi & optimi unum duntaxat morosum & causam morbi occultantem sanare.

Neque tamen ineptum erit consilium *J. M. Savaneroles prax.* Prius sci-
tr. 1. cap. 8. quo Medicum, antequam decumbentis cameram subin- scitandum
 tret, vel eundem compellat, ab adstantibus primum ejus complexio- erit ab ad-
 nem, ætatem, habitudinem ac consuetudinem, repletionem similia- stantibus.
 que explorare jubet: non tantum ut hæc, ac si eorum vaticinator es-
 set, ornate ac prudenter eidem narret; sed quoque, ne ex primo sui
 accessu hic plus justo commoveatur, & quoad singula Medico respon-
 dens, seu prolixiore cum hoc colloquio, nimis defatigetur: adeo
 quidem, ut, si valde debilis existat, omnis hæc sciscitatio cum solis
 adstantibus, coram eo tamen, aliquando veniat instituenda, & infor-
 matio plus minus perfecta hinc expectanda. Quamvis nec ægro- Egrorum
 rum relationi fides undique adhibenda sit, juxta *Hippocr. de arte t. 19*, si relationi
 obscuro morbo laborent, & hunc medico conentur exponere, opinio- non sem-
 ne vero potius, quam scientia, narrent: nam, si scivissent, in ipsos me- per fiden-
 dicos eos non incidisse, cum ejusdem scientiæ sit, morborum causas dum.
 nosse, & morbos medicamentis, quæ augefcere morbum prohibent,
 curare posse. Frequentius conqueruntur de phthisi, cruditatibus
 ventriculi laborantes, nephritidem accusant mere scorbutici, lieno-
 sos se putant spasmodicis symptomatis expositi: quales non audien-
 di, aut relationes eorum medici perspicacitate corrigendæ. Ut ta-
 ceam, qui præmeditato fallunt, & scientes volentes falsa narrant, diæ-
 tæ errores occultando ac negando, morbosque simulando.

Cujus negotii commodius expediundæ causâ assistentium eli- A qualibus
 gantur illi, qui circa ægotantium medelas sapius fuerint versati, adstanti-
 cum ipsis noctu diuque commorentur &, quoad fieri potest, morbi bis scisci-
 motus, symptomata, diætam & quævis circa illos obvenientia obser- tandum?
 vare & Medico accedenti enarrare norint. Quemadmodum pari-

Sensuum
acie polleat
medicus.

ter in hoc acumen sensuum omnium exquisitissimum postulatur: oculorum v. g. acies, ad ægroti vultum ac habitum primo statim occursum dijudicandum, ad urinam exactius contemplandam, & per quam affectus dignoscat, in penitioribus corporis partibus, auribus v. g. palato, naribus &c. latentes, ac ad quas hebetior oculus pervenire nequit: auditus promptior, quo ægroti & affidentium querelas ac relationes studiosius percipiat: tactus exquisitior, quo qualitatum primarum in habitu gradus diversos, ac recessus, tumorum genia ac pulsum differentias exquisite magis exploret. Inprimis vero, ut ceteros mittam, sensuum internorum adæquata vel hunc in finem requiritur sagacitas, quo non tam scrutamina ejusmodi moderetur seu dirigat prudentius; sed quæ hinc detegendis atque eliciendis obstrusioribus par existat.

Affideat
aliquandiu
ægris.

Et cum ex infirmi ipsiusmet vultu, habitu, decubitu similibusque in oculos incurrentibus multum quoque notitiæ in Medicum de illius statu perveniat, affidere hunc, non a capite seu tergo illius, sed adversus eundem, oportet, non tam, quasi, juxta *Savannerolam* l. a. ad mentem *Aristotelis* 7. *physic.* c. 3 cogitatio in quiete & studio ponatur, seu quietando anima investigantis sapiens ac prudens reddatur; Sed quo, ut dictum, obtutu & mora aliquali demum apprehendat, quod fugitivis quæstionibus ediscere non poterat. Atque hoc omne agat facie liberiore, ac exporrectiore fronte, quasi vaticinari seu annunciare ægrotanti velit salutem, quam desiderat: Spectatis vero & auditis cunctis hujus atque adstantium querelis similibusque, imo iisdem adhuc enarrantibus, colligat eadem Medicus, ex his nimirum, tanquam totidem datis, eliciendo, quæ scire atque agere opus habet. Ratione morbi saltim notetur, eum ægro haud semper & protinus significari debere, si nempe illum ancipitem valde, hunc timidior, novimus; ne hic desperabundus mox omnem animum abjiciat. Aliter vero agendum est cum morosiore & minus obsequioso, cui morbi gravioris rationem exponere, eumque sic ad obsequium inobservanda diæta ac admittendis remediis, strictius disponere, e re

Morbum
ægro non
semper in-
dicet.

Sed adstan-
tibus pru-
dentiori-
bus,

erit. Neque tamen impedit, quominus Personis prudentioribus, quæ de formalitate & ætiologia morbi sciscitando cognovit, exponat medicus, ut per hanc magis, quam per se ipsum, easdem cognoscat, adeoque

adeoque in admirationem & fidem ejus abripiatur : sicut pariter vel ideo morbum ancipitem non semper silere decet, ne, dum magis ingravescit & deploratus omnimode evadit, medicus illum ejusque causam ignorasse, aut neglexisse videatur.

Non raro equidem affectus primarius & hujus causa adeo profunde latent, ut non semper mox primo, nec altero &c. accessu diagnosci valeant, non ferientur interim illa agrum afficere : hinc non frustra dubium formatur, an ignoto morbo, vel ignota causa, affectui aliquod opponendum præsidium, vel cum ratione opponi queat? affectui nempe, cujus indicans & indicatum nos fugit. Quod, juxta *Galenum* 1. de alim. facult. 1. morborum cognitio remedium sit materia, & 5. de sanit. tuenda, nullo negotio inveniat remedia, qui cognoverit affectum : ac secundum *Avicennam*, cum ignoras, quid sit agritudo, relinque eam naturæ, & non properes ; quoniam aut natura superabit agritudinem, aut ipsam manifestabit : ne repetam quod ex *Tralliano* superius producebatur, internotionem agritudinis rectæ curationis fundamentum esse. Et præeunte quidem *Hippocrate* de victu acut. t. 46. ubi inconstantes febres sinere, donec constiterint, ac cum constiterint, demum & victu & curatione iis occurrere, jubet : adstipulante vero *Botallo*, satius videatur, rem incognitam naturæ beneficio, quæ & ipsa in medicorum optimorum numerum recipitur, relinquare, quam manum incertam periculoque plenam addere ; ac tandem *Sydenham* de morb. acut. sect. 5. c. 6 his verbis : Neque pudet fateri, me non semel in curandis febribus, ubi nondum constabat, quid mihi agendum esset, nihil prorsus agendo & mihi & agro consuluisse optime. Dum enim morbo invigilarem, quo eum opportunius confodere valerem, febris vel sponte sensim evanuit, vel in eum se typum recepit, ut jam mihi innotesceret, quibus armis esset debellanda. Sed quod dolendum omnino est, agrorum quam plurimi, haud satis gnari quod perinde sit Medici periti quandoque nihil agere, atque alio tempore efficacissima adhibere remedia, probitatis atque fidei fructum hunc capere nolunt, sed vel negligentia vel ignorantia id imputant ; cum Empiricorum insulsißimus quilibet medicamenta medicamentis adjicere æque novit, ac solet magis quam Medicorum prudentissimus.

Auscultandum tamen potius erit *Vallesio* 4. acut. p. 212. cum Zacuto

An ignoto morbo primario medela adhibenda? Dubitat.

Non ta-
men sine
omni re-
medio
linquatur
æger.
Forſan ut
plenius
conſtet de
affectu.

cuto Luſit. introit. ad prax. præcept. 65. ac 66. & de Med. Princ. liſt. 91. in hoc conſpirante, etiam aliquid in ejuſmodi difficultate agendum, & ſatius eſſe, tunc anceps aliquod præſcribere remedium, quam nulum: vel ut medicus prudenter ſuam celet ac temperet ignorantiam, nec æger de ſalute ſua mox deſperet: vel quo a juvantibus forſan ac nocentibus occaſio ad minimum affectum latentem pernoſcendi nobis obtingat, juxta *Galenii* *ii. de loc. affect. cap. 4. & 10. de compoſ. medic. ſecund. loca c. 2. Zacuti Luſit. l. a. præcept. 66. Sylvii meth. med. 3.* aliorumque magnæ autoritatis practicoꝝ effata. Ita ut, ſi remedia applicata proſint, cognoscatur ſimul & ſanetur idem; ſi minus, non hunc, quem conjecturabamur, ſub eſſe morbum, conſtet, adeoque & hac ratione in veri affectus cognitionem perveniamus: modo non genus, ſed ſpecies tantum, morbi ignoretur. Dum v. g. colicam flatulentam ex uſu carminantium ſalutari dignoſcimus, nephriticam ex fruſtanea & nociva eorundem, diureticorum autem efficaci, applicatione auguramur: quemadmodum febrem ex horrore, calore, dolore capitis &c. addiſcimus, ſpecies ejus quamvis adhuc lateat; in quo caſu nihilominus diætã tenuem ſuadere, abſorbentia cum diaphoreticis propinare, conſultum eſt.

Iſte Hip-
pocrates
tentativa
utebatur
medela.

Accedit ipſum *Hippocratem* medela ejuſmodi tentativa ſapius uſum, ſeu tentandi cauſa diverſa molitum fuiſſe, v. g. *de victu acut. t. n.* dum lateris doloris diſcuſſionem reſolventibus ſeu calefactoriis tentare ſuadet: *6. epid. 7.* in conſtitutione epidemica tuſſiculofa ſub certis circumſtantiis & ſymptomatis adhibitorum nullum manifeſte proſuiſſe, perhibet, non ventris perturbationem, non venæſectionem, neque quæcunque alia tentaverit: ac de *loc. in hom. t. 20.* auri- bus dolentibus, ex cauſa latente, medicamentum primo calefaciens, ac, ſi per hoc dolor non ſedetur, frigeſaciens atque actu frigidum, infundere: ac paulo poſt, ſemper non ſanantem variare modum, ac, ſiquidem pejus reddiderit malum, ad contrarium convertere; ſi vero ad ſanitatem tendat, omnino nihil ab his, quæ adhibentur, auferre, nec quicquam addere aut opponere, jubet. Quemadmodum demum *de arte* poſtquam *t. 16. 17. &c.* non omnes morbos æque manifeſtos, ſed horum quosdam in obſcuro valde poſitos, dixerat, *t. 19* pergit: *quæcunque vero ob id, quod non ſtatim dignoſcantur, ægri mala* perpe-

perpetuantur, ea non ad Medicos, curantes ipsos, tanquam ipsorum autores, referenda sunt, sed ad naturam ipsius ægri itidemque ipsius morbi &c. Sicut *Galenum* quoque malis non accuratius, seu secundum infimam speciem, cognitis curam tentativam commendare, 2. *acut. II.* *6. aph. 31* constat: quod in specie declarat 12. *meth. med. 7.* exemplo cujusdam quadragenarii, dolore colico maxime infestati, in quo calidis prius adhibitis auxiliis, an a frigido, an calido, humore excitetur symptoma hoc, disquirere ac cognoscere tentabat. Et ex modernis *Sydenham* l. a. febris novæ epidemicæ speciem indagare arduum quid pronunciat; indicationem nihilominus, a juvantibus ac nocentibus sumendam, nobis relinquit, cujus ope viam paulatim prætentantes ægrum in tuto possimus collocare.

Sicut Gale-
nus pariter.

Fiat nihilominus hæc, morbo minus perspecto, tentativa medela secundum sanam rationem & sub directorio cautionum certarum, quales penes *Vallesium*, *Zacutum* l. a. *Seidëlium* de morb. incurab. ac *Bernier* *Essays de la medicine* legere datur, suntque harum potiores.

Cauta tamen sit hæc tentativa cura.

Primo, ut ratio habeatur morbi dubii, qui, si levior, ac inducias ferat, qualem ex symptomatum levitate ac paucitate auguramur, Medicum ferari jubet, aut præter diætæ moderamen congruum & leviora auxilia vix aliquid postulat, v. g. injectionem enematis, propinationem absorbentis &c. sub quali moderamine vel morbus compescitur, vel manifestior evadit.

Fiatque primo per remedia leviora,

Quorum neutrum si fiat, remediis paulo potentioribus erit explorandus, v. g. acrimonia acida per martialia, humorum visciditas per acria & amara; imo hæc aliquando permutando cum acidis similibusque prioribus contrariæ texturæ: donec ex horum, tanquam juvantium aut nocentium, effectu dispositio præternaturalis, hætenus abscondita, innotescat. Sin vero gravior & acutus magis affectus existat, qualem symptomatum vehementia ac impetus innuit, nunquam ab omni remediorum usu abstinendum, etsi hæc incerta & non unius generis fuerint: cum ille medelam plus urgeat & periculis magis appropinquantibus atque accrescentibus hanc tardare absurdum sit. In tali siquidem ne dies quidem sine generoso plus minus auxilio prætermittendus, v. g. mox sanguis mittatur, alvus subducatur &c. utpote in progressu multum a principio sui dissidente, subitisque non raro mutationibus

hinc potentiora.

nibus exposito, hinc non sine notabili periculo citra curationem dimisso.

It. pluribus
affectibus
commu-
nia.

Secundo, in affectu ambiguo præsidia adhibeantur pluribus analogis affectibus communia, v. g. si anceps hæreas, num dolor abdominis sit colicus, num nephriticus, item an nephritis vera, an notha, seu scorbutica? nihil prohibet injicere clystina leniens seu anodynum, fovere abdomen paregoricis, vel talia etiam cum opiatis propinare. Ita enim egisse percepimus *Galenum* in se ipso 2. acut 5. qui dolorem vehementissimum per tractum ureterum ad vesicam, seu per regionem lubarem, quasi a terebra perforante, sentiens, quem a calculo ureteri impactum censebat, oleum rutaceum sibi injici curabat, a quo per alvum excernebat pituitam vitream dolore cessante: unde ipsi constitit, non calculum, ut opinabatur, cruciatuum illorum fuisse causam, nec partem affectam renes aut ureteres, sed humorem ejusmodi, intestino inhærentem. Quod minime tamen ipsi vitio verti poterat, cum colicus & nephriticus dolor magnam inter se habeant affinitatem, & similitudines ejusmodi non modo imperitiores, sed peritissimos quoque, interdum conturbent, hincque errandi occasionem subministrant. Pariter si dyspnœa aliquem ex improvviso ad strangulationem usque corripiat, venæsectioni mox concedendus est locus, quamvis ejus causa adhuc sit ignota: i. e. sive spasmodica, circa organa pnevmonica spirituum animalium conturbatio, sive sanguinis in his stagnatio, sive pleuritis, sive vomica pulmonum &c. eam patret.

Aut sym-
ptomatis
tantum
prospici-
entia.

Imo *tertio*, dum vel ex commentariis magnæ autoritatis Scriptorum, antiquorum non minus, ac modernorum v. g. *Mercati*, *Mæbii*, *Sylvii* &c. vel ex quotidiana medendi consuetudine, constat, symptomatum vim in indicandis & postulandis remediis non infimam esse, qualia sc. non raro adeo impense urgent ægrosque conficiunt, ut, nisi iis quantocyus succurratur, posthabita etiam morbi primarii hujusque causarum medicatione, pereat infirmus: si lateat ille & symptomatis urgentis causa, soli huic mitigando & compescendo incumbere aliquando debet, ac non sine successu valet, Medicus, v. g. dolori, tussi, hæmorrhagiæ, asthmati &c. ut inferius prolixius declarabo.

Quarto

Quarto tamen, cum secundum decretum *Hippocr. 6. epid. 2* temerarie nihil asserendum vel agendum, vel remedia juxta conjectatam tantum de morbo opinionem, aut meram nullaue omnino ratione suffultam conjecturam, inconsideratius non applicanda sint: in casu dubio & causa morbifica abstrusiore illorum adhibeantur, quam minus periculosa, seu tutiora. Qualia vocare licet non tantum leviora, sed generosiora & potentiora quoque, modo symptomatis & viribus adæquata: i. e. quibus, secundum suum ejusdem *Hippocratis, si non prosis, saltem ne noceas*; ne, si forsan Medicum in opinione de morbo hactenus habita decipi contingat, hic a remedio non ingravescat. Sic v. g. ingruente febre vehementi satis, de cujus indole nondum constat, tutius sanguis mittitur, quam catharsis celebratur: dum huic forsan malignitas præjudicat, illud sub principio permittens.

Prout *quinto* demum, dum ex conjectura saltem applicamus auxilia, & quamdiu tentativæ medicationi insistimus, circumspectius agendum & cavendum est, ne æger aut adstantes Medici mentem dubiam ac intentionem hæsitantem intelligant: i. e. ne, quasi ex incerta conjectura tentet præsidia, culpetur ab his illa, seu quasi hæc experiri velit cum alienæ salutis ac vitæ discrimine; qualia experimenta *Hippocr. 11. aph. 11 periculosa* valde pronunciat. Quamvis haud raro eveniat, moriones quosdam garrulos effatis suis imprudentioribus: *tentandum, wir wollen dieses oder jenes versuchen* / se satis turpiter dare, seseque, quod, disserente *Plinio*; *Experimenta per mortes aliorum faciant*, ineptissime prodere: Cujus etiam generis sunt illi focii, qui certa venditant arcana, quibus morbum vel ad salutem, vel ad mortem es muß sich entweder zum Leben / oder zum Tode hierauff ändern / certo determinaturum seu finituum fore gloriabunde, ast non sine horrore ægri atque adstantium, promittunt: admirantur nihilominus hos simpliciores, quasi vitæ & mortis arbitros, ridendos potius & ex ædibus ægrorum ejiciendos, utpote ad trucidandum ac salvandum ambiguos.

CAPUT VII.

De

Sciscitandis in specie.

Sciscitando-
rum ex
ægro nu-
merus.

QUæ scrutari seu sciscitare debeat ex infirmo medicus, quinario numero complectitur *Hippocrates de affect.* 36 his verbis: *Cum ad ægrum deveneris, interrogare oportet, quæ patiatur, ex qua causa, & quot jam diebus? an venter secedat? & quo victu utatur?* qualem quinquemembrem quæstionem negotio huic adeo adæquatam *J. C. Claudinus de ingr. ad infirm.* 1. cap. 1 ait, ut ideo tot, & non plures, nec pauciores, articulos interrogatorios primum hunc artis Antistitem formasse, asserat. Quamvis rem sublimius pensitantibus facile constare queat, numerum earum, pro casuum obvenientium infinita varietate, variare, ejusque limites modo transcendere, modo contrahere, modo immutare, jubeat praxis: quatenus ipsum *Hippocratem de victu acut.* postquam t. 46 Medico animadvertendum seu eousque sciscitandum esse admonuerat, ne causa aliqua manifesta eum lateat, t. 47 adjicere insuper cæteris observamus, ut post hæc interroget, quomodo ægri caput se habeat? quomodo præcordia & latera? an deliquis animi exponatur? an bona spiritus tolerantia eum habeat? inspiciendos & dijudicandos esse alvi egestiones, qua ratione febris exacerbetur? imo alia insuper disquirere jubere. Hincque etiam factum videtur, ut *Epiph. Ferdinand. hist.* 55. & 61 quæstionum harum decem, ex *Hippocratis locis binis citatis, ac Galeni 4. de sanit. tuend. 4. & de rat. vict. in acut. t. 57* constituerit, sibi in visitatione infirmorum solennes tenuerit: quarum tamen nonnullæ dum diversi generis complectuntur momenta, v. g. prima, *quæ mala patiatur, & quomodo caput, hypochondria & cæteræ partes principes se habeant?* quædam superflua comparent, v. g. quinta, *an venter secedat, nec ne?* utpote quam nona generalior involvit; imo quædam ægrotantis notitiam & intellectum superant, v. g. tertia, *quæ causa præcesserit?* & sexta, *an morbus sit a pituita, vel bile?* &c. nec huic præcepto quempiam adstrictum cupio, quin aliter & aptius rem disponi posse, credam. Modo probe teneatur

Incertus
est.

neatur circa interroganda & exploranda monitum *Vallesii* 6. *epid.* 3. nimirum, *ut nihil omittas eorum, quæ ad cognitionem morbi & causæ* ^{Prudenter} (addo ac horum medelam) *conferre possunt, neque tamen nimii simus,* ^{interrogandum.} *quodvis ubique citra delectum interrogandi; sed ita, ut ægrotus ipse & qui adsunt intelligant, te non longe abesse a notitia eorum, quorum suscipis curationem: hinc fiet, ut bonam de te concipiat opinionem, & æger melius pareat & agat confidentius.*

Ad classes certas indaganda seu disquirenda hæc redigere, res ^{Sciscitan-} non exiguæ difficultatis videtur, nec determinare facile licebit ordi- ^{da sunt vel} nem, in scrutinio hoc observandum; nisi dicere malimus, ante ^{generalio-} omnia patienter medico audiendas esse languentis querelas & ass- ^{ra,} stentium relationem, easque sive spontaneas, sive generali quæstio- ne: *Quæ patitur ille?* elicitas: & hinc specialius in singula inquirat, sub quacunque demum connexionione, quam vel circumstantiæ, vel sciscitantis arbitrium ac prudentia, suppeditabunt. Nec interpellantes illi increpandi, sed placide semper attendendi, imo in narrationibus suis juvandi, sunt: donec scrutando & auscultando sufficienter fuerit informatus medendi causa qui accessit. ^{vel specia-} Specialiora ^{lia.} illa investiganda sunt vel primaria, seu quorum explorandorum gratia in cætera disquiritur: vel secundaria, quorum evolutio seu manifestatio in illorum exactiorem cognitionem nos deducunt. Ut primaria, inquiri debet in morbum, ejus causam & tempus: quali disquisitioni inserviunt ante omnia in ægro considerata phœnomena naturalia, non-naturalia ac præternaturalia, plus minus evidentiore aut latente.

Notitiam morbi ad ejus medelam necessariam esse, ex antecessoribus hinc inde liquet, minime vero assentiri possum *J. C. Claudino* l. a. asserenti, *Hippocratem* sub passionis, ab ægris sciscitandæ, nomine præter symptomata morbum ipsum primarium hujusque ideam seu speciem & causam intellectum velle: quatenus nullus eorum ad quæstionem, *quæ patitur?* morbi ipsius formalitatem & causam de- ^{quem fre-} terminando, sed symptomata tantum sensibilia sibi que molesta, in- ^{quentius} nuendo, respondet; nisi forsan ille externus ejusque causa evidens ^{nescit æ-} fuerit, v. g. vulnus ense illatum; cum morbi interni cum suis causis ^{ger,} ægrum maxime fugiant, & ex symptomatis aliisque demum signis,

Eciam ali-
quando
externum.

Interroga-
tur æger
tantum de
sympto-
matis.

sagaci augurio atque indagine dignoscantur ; ut taceam causæ dis-
quirendæ gratia alterum problema ab *Hippocrate* formari. Neque
omnium morborum externorum, v. g. fracturæ, luxationis, inflam-
mationis, œdematis, scirrhi &c. formalitatem dijudicat infirmus, sed
monstrando saltem partem affectam medico eam dijudicandam con-
cedit: per consequens nec super hos semper quæstioni, quæ patiat, in-
terro- gando, quæ sustineat æger, medicum non, nisi symptomata, v. g. ce-
phalalgiam, vertiginem, vigilias, tussim, excretiones p. n. appetitum
ventriculi prostratum, mensium suppressionem &c. explorare posse:
ex quorum demum accuratioe recensione & collectione in affectus
primarii naturam & causam penetrat.

Quod ipsum invitus agnoscere videtur idem *Claudinus* in con-
textu ejusdem capituli & argumenti, dum paulo inferius in hæc pro-
rumpit verba: *Ubi medicus paulo diligentior in agro & assidentibus in-
terrogandis fuerit, procul dubio & ii & ille, etsi crassa admodum fuerint
Minervæ, tales totque proprietates & notas passionum earum, quæ cor-
pus ægri infestant, adducunt proponentque, ut medicus mediocri saltem
doctrina præditus, per eas discurrendo, ideam illarum ac quidditatem,
aut statim, aut saltem ex frequentatis visitationibus, possit vel sine ne-
gotio assequi &c.* Hoc est, conqueritur æger & respondet non de
pleuritide, stagnatione sanguinis, vomica pulmonum &c. ut mor-
bis, sed de tussi, dolore pectoris plus minus exquisito, difficultate
spirandi, tanquam symptomatis illis familiaribus, & ex quorum syn-
drome demum medicus morborum nominatorum quendam subes-
se, infert. Quamvis nonnunquam casus eveniant, ubi etiam ægro-
tus, morbi primarii interni, ex quacunque occasione, conscius, hunc
vel sponte, vel interrogatus, declarat ac indicat, v. g. se ulcere pul-
monum, calculo renum, laborare, edoctus hoc vel per symptomata
olim jamdum infestantium, v. g. doloris lumborum, vomitus,
dysuriæ, experientiam, vel per excreta, v. g. sputum purulentum, are-
nulas & calculos rejectos: ubi nihilominus symptomata filum illud
Ariadnes manent, quo subintrare, permeare & exire datur Laby-
rinthum hunc.

Aliquando
etiam no-
vit mor-
bum pri-
marium.

Quæ interim de symptomatis atque excretis hincque elicienda
morbi

morbi primarii idea non ita intellectum cupio, quasi non alii insuper ^{Dignosci-} fontes prostant, ex quibus hujus signa haurire concedatur: tales ^{tur morbus} quippe observantur causæ, non tantum internæ, sed externæ pariter, ^{ex causis} quæ prout plus minus evidentes existunt, ita in morbi latentis noti- ^{internis &} tiam facilius aut difficilius deducunt, v. g. aliquando natio, ætas, æris ^{externis.} constitutio, corporis dispositio, vitæ genus, affectus duratio & for-
 san hujus generis plura; quæ quamvis signa pathognomonica dici ^{Sc. regio-} haud valeant, non tamen omni signandi vi penitus destruuntur. Ita ^{ne,} patria morbum regioni huic vel illi endemicum aut frequentem
 conjecturari jubet in hujus civibus, etiam extra solum natale commo-
 rantibus, v. g. in Anglo primarum viarum flatuositatem ac phthisin,
 in Hispano & Gallo luem veneream, in Sarmata plicam, in loci ma-
 ritimi & paludosi incola scorbutum: sicut ætas puerilis aphthas, den-
 titionem, variolas & morbillos, cruditates ventriculi, lumbricos &c.
 juvenilis tabem, senilis catarrhos & pulmonum infarctus, suspicari
 facit. Quoad æris habitudines diversas, hincque temporum anni ^{tempore} mutationes, disserente *Hippocrate 3. aph. 19.* morbi omnes quidem ^{anni &} omnibus temporibus fiunt, quidam tamen magis in quibusdam ipso-
 rum & fiunt, & exacerbantur, vere v. g. gravedines, raucedines, an-
 ginæ, febres intermittentes tertianæ; æstate continuæ & acutæ ma- ^{æris habi-}gis, alvi profluvia &c. autumnio quartanæ, affectus hypochondriaci; ^{tudine.} hyeme vero tusses, pleuritides atque affectus comatosi, eveniunt:
 quales nihilominus ægritudines omnes epidemicum cælum fre-
 quentiores atrocioresve reddit, aut mutat, e. g. catarrhales febres,
 variolæ &c. modo benignæ, modo malignæ & lethales magis, ob-
 servantur.

Corporis dispositio sicut concernit vel conformationem vitio- ^{Ex corpo-} sam, sive per naturam sive per malum adventitium, introductam & in ^{ris disposi-} sensu incurrentem; vel latentem magis humorum ac spirituum cra- ^{tione.} sin, aut solidarum quoq; partium individualement texturam intrinsecam, quam complexionem, temperamentum, idiocrasiam &c. commu-
 niter ajunt: ita a cunctis etiam his in morborum dignotionem de-
 ducimur, ut v. g. tabem metuamus & ominemur in gibbosis & sca-
 pulas velut alatas gerentibus, affectus soporosos in illis, quibus calva-
 ria depressa, memoriæ læsionem ex casu ab alto & percussione capi-
 tis,

tis graviore, cerebri conformationem naturalem conturbante. Phthisin auguramur, si non prælagimus, in his, quorum sanguinis compages plus iusto laxior seu soluta magis; symptomata soporosa, leucophlegmatiam, quibus strictior & viscidior illius crasis: quemadmodum pariter phthisin suspicamur in iis, quorum pulmones textura adeo teneræ sunt, ut a levissima occasione tussim contrahant, ac auram nec gelidam, nec humidam, commode ferant. Usque adeo conducit, nosse cujuscunque propriam naturam: & qui perspectam eam habet, is demum, juxta *Tulp. 1. obs. 23* vere medetur, penetravit quippe ad naturæ penetralia. Conjecturas has similesque non parum confirmat dispositio hæreditaria, v. g. si parentes infirmi arthriticos, nephriticos, novimus, hunc illis similem nobis persuademus: & pulmonum hæreditaria seu innata debilitas vulgo quoque notabilis est, ut, cum aliquem tussi frequenti infestari observet, mox ab hoc interroget, an parentes forsan ejus tibi obnoxii extiterint? & ex affirmativa jure hæreditario prolem his succedere conjecturetur.

etiam hæ-
reditaria.

Ex vitæ ge-
nere,

Quemadmodum vitæ genus seu institutum quoque, quod ea complectitur, quæ homines quotidie agunt ac tractant, cum consuetudine ex causarum evidentium illo numero est, quæ habitudinem corporis sensibilibus immutant, eam modo ad melius, modo ad pejus, determinando, huicque significandæ seu declarandæ, sub prudentiæ sciscitantis directorio, ministratur. Dum, qui vitam sedentariam colunt, affectibus hypochondriacis, hystericeis, hecticæ frequentius exponuntur; qui mineralia versant, v. g. eorum fossiores, aurifabri, paralyfes & contracturas artuum experiuntur; crapulis dediti cruditatibus, tremoribus membrorum affectibus soporosis, arthritidi, hydropi, obnoxii evadunt; & qui circa aquas degunt, aut in iis operas suas agunt, lympham viscidior, spirituum torporem in his metuere vel suspicari datur. Qualia nihilominus, quia præter atmosphæram per cæterarum rerum non-naturalium usum diversum diversimode in corpora agunt, sub harum quoque consideratione medicus prudens valetudinem evolvit. Impræsentiarum ad-jicere conveniet, non parum etiam aliquando & ad morbi momentum aliquatenus determinandum facere ejusdem durationem: per quam febrem brevioris moræ acutam, longioris chronicam & v. g. hecticam,

it. ex mor-
bi dura-
tione.

hecticam, tussim aliquot tantum dierum catarrhalem seu accidentalem, plurium septimanarum habitualement & phthisis phœnomenon, dolorem lateris unius alteriusve nycthemeri pungitivum pleuritidis notam, contumacius perseverantem suppurationis alteriusve cuiusdam morbi testem, auguramur.

Inprimis tamen sciscitando medicus sedulo rimetur quarum-
 cunque partium principaliorum habitudinem ac symptomata quæ-
 vis, non tantum, quatenus per horum, ut modo commemoravi, no-
 titiam, in affectus primarii, magis latentis, cognitionem deducitur;
 sed quatenus hæc insuper modo prognosin variant, modo therapejam
 moderantur: ut per consequens *Hippocratem* hinc inde, in specie
de victu acut. Epiph. Ferdinandum locis alleg. & Meyssonnerium remar-
ques curieus. f. 2. circumspicte egisse fatendum sit, dum præter ægri-
 tudinem, quæ infirmo primario molesta, plurium, si non omnium,
 v. g. capitis, faciei, oculorum, hypochondriorum, eorumque fun-
 ctionum v. g. decubitus, pulsus, respirationis, excretionis alvi, sputi,
 mentis &c. rationem maximam habendam esse, monent.

Alterum sciscitandorum in agro primariorum morbi causas
 concernit, quæ tamen, juxta *Hippocr.* vix interrogando, sed potius
 explorando & ex phœnomenis eruendo, manifestabuntur; nisi forsan
 quoad externas seu evidentes tantum: ut non adeo apte pronun-
 ciaffe observatur *Claudinus* l. a. quasi *Cous* quamlibet causarum, inter-
 narum æque ac externarum, ex agro intelligi posse, asseruerit. In-
 ternas siquidem causas homines plebeji ignorant, v. g. quid humo-
 rum visciditas, acrimonia, acor, quid obstructio, inflammatio par-
 tium solidarum, quid cruditas ventriculi &c. hinc multo magis, utra
 harum ipsis inexistat, aut a quam earum pravarum dispositionum
 seu aberrationum affectus, quo laborant, procedat. Ut non sine ra-
 tione superius miratus fuerim *Epiph. Ferdinandum*, dum inter illa
 decem, de quibus ægri quærendi, refert: *an morbus sit apituita vel*
bile, an utrisque? item, *an sponte soleat prævum succum aggregare?*

Neque quoad externas & evidentes causas sufficit in genere in-
 terrogare decumbentem, quales illæ existant? cum nec harum
 habitudinem seu relationem ad affectum seu productum mor-
 bificum vulgus penetret: sed sub respectu potius ad hoc ipsi recen-
 sendæ

Sciscitatus
 medicus
 præter
 morbum
 primarium
 reliquam
 corporis
 habitudi-
 nem.

Causas
 morbificas.

Haud ta-
 men de his
 agros quæ-
 rendo.

Nec de ex-
 ternis in
 genere,

Sed per
quæstiones
specialio-
res.

Causæ evi-
dentes nos
ad laten-
tium co-
gnitionem
ducunt.

Causa evi-
dens &
procatar-
ctica scitu
necessaria.

sendæ sunt earum singulæ, quas alias simile quid concitare palam est. V. g. si catarrho quis laborare præsumatur, interrogandus, an sub aëre frigidiore aut pluvioso commoratus fuerit? Sin colicum dolorem patiatur, an fructus horarios, brassicam fermentatam, carnes pinguiore &c. assumpserit? an cerevisiam minus defœcatam hauserit? an alvus constipata? Ex causarum enim ejusmodi indagine, non tantum ad internarum magis latentium cognitionem pervenimus, v. g. ex impulsu & admissione aëris frigidiore ad crassioris lymphæ visciditatem, ex musti haustu flatulentiam, ex alvi suppressione fœces induratas, auguramur; sed hinc, quæ noceant, quæque vitanda, pariter intelligimus; imo aliquando, quæ affectui p. n. quadrent, v. g. catarrho ab aëre frigidiore, poros constringente, sudorifera, colicæ a facibus induratis enemata emollientia &c. Quorum posterius, i. e. quam necessaria interdum causæ evidentis, quam procatarcticam olim inepte vocabant, ad medelam congruam sit cognitio, exemplum nunc suppeditabit canis rabidi morsus, a quo illatum vulnus, si mox ad cicatricem perducatur, non administratis remediis, quæ a morsus rabidi animalis, ut causæ evidentis, indicatione depromuntur, i. e. non detergatur sufficienter tabus impressus, concedaturque hujus virulentia ad interiora progressus, in hydrophobiam & convulsiones lethales, citius, tardiusve, conjicit; dum servantur contra, quibus ulcus tempestive dilatatum probe mundificatur, ac præsidii aliis spiritus animales a veneno hoc præmuniuntur. Pariter res se habet cum tumore testiculorum inflammatorio, evidentis aliquando causæ, suppressionis nempe gonorrhœæ virulentæ intempestivæ, producto: qualem si æger celet, falsamque contusionem, v. g. fingat, vitio verti medico haud debet, qui virulentia venerea neglecta solis topicis testiculos ejusmodi in statum naturalem restituere frustra contendit. Quibus jungere quadrabit ex *Zech. Consult. 46* puerulum, febre continua, cum sensuum torpore, inquietudine & nausea laborantem, cujus affectus acutissimi causa obscura eidem Scriptori, de pueruli & nutricis gestis ac conditionibus diligenter percontanti, ita innotuit. Nimirum postquam a parentibus ipsi significatum fuerat, duobus ante primum ægritudinis insultum diebus linguæ frenulum a Chirurgo infanti fuisse incisum, interrogavit, num ab

ab operatione hac statim eum situ prouum collocaverint, atque num sanguis ex ore ejus profluxerit? utroque ab illis negato mox con-
 cit, cruorem ex parte vulnerata ad ventriculum defluum, ibique con-
 cretum & putrescentem, symptomatum horum causam existere: nec
 fefellit opinio, dum porrecto oleo amygdalarum dulcium sanguinis
 concreti & putrilaginosi conspicuam copiam vomitu rejiciebat te-
 nellus. *Quemadmodum denique causarum evidentium sollicita-* *Ex defectu*
magis sciscitatio hoc quoque emolumenti præstat, ut, si æger nullius *causæ evi-*
harum meminerit, nec observet medicus, conjecturetur hic non *dentis con-*
inepte latentem atque habitualement magis: v. g. si quis anorexiæ & *cluditur*
vomitibus exponatur, sine prævia incongruorum aut quantitatis im- *latens.*
modicæ assumptione, huic tale quid a causa latente, sive idiopathica,
sive sympathica, evenire verosimile est.

Quamvis aliquando ægros perinde ac adstantes adeo ineptos *Causam*
 morososque offendamus, qui causas evidentes celent, negent ac per- *evidentem*
 negent, hinc morbificæ propinquiore indagine medico difficilio- *male qui-*
 rem reddant, inprimis in diæta commissos errores, luxurie & levita- *dam oc-*
 ti animi nimis indulgentes, ut plurimum vero pernegatione ejusmo- *cultant.*
 di medelam, ad sui exitium, turbantes, de qualibus jam dum superius
 quædam monui; eorum vero alios tantum, malitiæ nescio, an sto-
 lilitatis, corripit, ut a medico causam quærant ac determinare po-
 stulent, quam ipsimet norunt, vel commodius nosse poterant, v. g.
 suppressionis mensium in filia, quam parens cum matre & tota mu-
 liercularum assidentium corona scit imprægnationem. Per biduum
 aliquando visitabam filium de dolore dorsi, appetitu prostrato &
 æstu p. n. conquerentem; cujus mater singulis visitationibus ut cau-
 sam horum symptomatum denominarem me valde urgebat: opti-
 me & me plus conscia, a colluctatione cum socio inepta subluxatio-
 nem spinæ illum contraxisse.

Quoad tertium medico sciscitandum, morbi nempe tempus, *Quamdiu*
 seu, *a quot diebus juxta Hippocrat. æger patitur malum?* haud dierum *laborarit*
 tantum, sed mensium quoque, ambitum, sc. in morbis chronicis, hoc *æger.*
 complectitur: v. g. an quis tussi modo dierum pauciorum, an ali-
 quot mensium, laboret? an febris intermittens sit vernalis, an au-
 tumnalis? Cujus quidem quæstionis & ad eam lati responsi scopus

Unde con-
cluditur de
morbi
tempori-
bus & gra-
du.

diversus deprehenditur. Quatenus primo hac ratione, ad *Claudini* monitum, ponderatis potissimum illis, quæ ex antecedaneis binis hauriebantur, circumstantiis tempora morborum universalia, & ex his motus ac gradus affectus p. n. patefunt: hoc est, an celerioris tardiorisve sit motus, seu an brevioris longiorisve futurus sit durationis hic; quemadmodum gradus quoque, nempe an in fieri seu habitudine, an in facto vel habitu idem existat. In quantum E. illa diversitas ab alteratione aut impermutabilitate humorum peccantium, seu coctione & cruditate, dependet, in tantum cognitis his temporibus motus morbi minus difficulter innotescit: i. e. morbus acutus brevis est, & proximum habet statum, chronicus autem e longinquo magis eundem expectat, ob materiæ peccantis difficiliorem, hincq; tardior, digestionem; sicut eo ipso, dum nullus affectus factus & hecticus dici valet, nisi vigorem sui attigerit, etiam ex temporum cognitione, hoc de eo iudicium formatur. Deinde a duratione affectus ejus formalitatem, causam & eventum aliquando probabiliter satis discernere datur, v. g. dum aliquot dierum saltem tussim ac dyspnœam catarrhalem, a causa evidente, aëris nempe intemperie minorisque periculi, totidem mensium phthisicam, a pulmonum crasi perversa aut morbo conformationis, magisque exitiosam conjecturamur. Pariter, ubi variolas morbillosve ingruere metuimus, febris vero ceteraque symptomata, quæ cum aliis affectibus exantemata hæc habent communia, quartum diem transierint, horum metum deponimus; aut, quia efflorescentiæ hæc minus tempestive prodeunt, plus minus de salute infirmi dubitamus. Imo tertio temporis decubitus exactior cognitio remedia quoque horumque selectum determinat, v. g. venæsectionem in principio, non in statu, febris administrandam, vomitorium in principio, non in statu, malignarum propinandum, expellentia non tempore ebullitionis, sed efflorescentiæ demum, variolarum & morbillorum præscribenda, resolventia ac repellentia, non in inflammationis statu, sed initio, suppurantia non sub prima statim invasione ac progressu, sed, ubi dolor & calor maxime intenditur, i. e. in statu, admovenda.

Sciscitan-
dum est.

Huic temporis sciscitationi addo, ut æger cum assidentibus interrogetur, an olim unquam idem malum ille passus fuerit? & qua-
ratione

ratione tunc fuerit solutum? quo tempore ejus contingant exacer-
bationes, quales tempora particularia vocant? item, ubi fluxus uteri
nimius foeminam infestat, an tantum sub termino menstruo fatali,
in ætate ad menstrua habili, eveniat? an ultra eum extendatur, impu-
beri vel vetulæ contingat? In priore casu, si olim quoque & pluries
affectum quempiam quis expertus fuerit, habitualement; sin minus, &
prima tantum vice affligat, accidentarium & quem causa evidens tan-
tum peperit, eum pronunciamus: in altero periodum vel vagam, vel
statam, dijudicamus: in tertio hæmorrhagiam uteri a menstruo
fluxu aucto, per diversitatem hanc temporis ac ætatis, discernimus;
hunc dicentes, qui menstruatim, & quibus menstrua solennia, con-
tingit, illam, quæ quocunque tempore & cuilibet ætati evenit.

Exploratis ita morbo, hujus causa & tempore per phænomena
diversa, disquirenda adhuc restant ex secundariis magis illa, quæ præ-
terquam ad primariorum illorum dignotionem promptiorem nos
deducunt, ipsam therapejam, ut permittentia, prohibentia similiave,
moderantur, simulque præstant, & quorum cognitio medici permul-
tum interest. Inter hæc amplioribus limitibus gaudet & magni pon-
deris observatur diæta infirmi, seu moderamen sex rerum non natu-
ralium: non tam antecedanea & in morbos conjiciens, quam præ-
sens seu actu ægotantis; si forsitan hæc affectum p. n. foveat ac au-
geat, viribus vero deroget; quales errores tempestive corrigere,
maxime juvat, circa victum potissimum perpetratos. Ut proin ve-
rosimile sit, *Hippocratem*, postquam quæstione secunda causas mor-
borum rimari jusserrat, quintum nihilominus ægrum interrogandi
punctum adhuc formasse: *quovictu utatur?* nimirum ut sciscitatio-
ne hac inculcet victum magis medicamentosum & alterantem, seu
ægritudini adæquatum; i. e. qualem, ut præsidium, indicatio morbi
curatoria & causæ præservatoria exigat, v. g. dum idem *Hipp.* victum
humectantem omnibus febricantibus conferre asserit, satisfaciat ni-
hilominus quoque vitali seu conservatoriæ.

Qualis quidem de victu & tantum non de cæterarum rerum
non naturalium usu sciscitatio eo majore diligentia fieri debet: quo
ineptos, fallaces magis, plusque libidini suæ indulgentes ægros non
minus ac adstantes, his abblandientes, tota die experimur, utrasque
pruden-

iam. an o-
lim quis
talem af-
fectum
passus? &c.

Exploran-
da ægri
diæta.

Errores
circa diæ-
tam fre-
quenter
celant æ-
gri.

prudentissime se egisse autumantes, si medicum errores celent, & falsis enarrationibus circumveniant: cum tamen ejusmodi occultationes & fallaciæ ægro pariter ac medico molestiam & damnum, non semper emendabile, creent; hinc errores clam commissos qui deprehendunt ac patefaciunt, annotante *J. B. Sylvatico hist. 4.* suæ estimationi una atque ægotantium saluti consulere videntur. *Mirum quandam rem esse, inquit, indicant adstantes, clam susceptum cibum fuisse, medicum vere cognoscere & enunciare, obstupescuntque propterea, quasi divinatricis cujuspiam facultatis munus hoc esse, sibi persuadentes, cum tamen ipsius artis medicæ principia id doceant:* quod per historiam filii Boëtii declarat, quem liberum a morbo factum duplicem recidivam passum, utut, quæ palam exhibebantur, & qualitate & quantitate congrua essent, incongrua clam assumpsisse, Galenus conjecerit & artificiose detexerit, enarrante hoc *Galeno prolixius de prenot. c. 7.*

Igitur in
his dete-
gendis
prudentia
opus.

Modos & artes E. errores hos deprehendendi prudentia Medici subministrat, quemadmodum *Galenus* in hoc casu, ubi puerum recidivantem cibum immodice & intempestive clam assumpsisse conjecturabatur, *Hippocratis 2. aphorismo 8* fretus videtur: *Sc. si ex morbo cibum capiens quis non fiat validus, significat, quod corpus uberiore alimento utatur; si vero cibum non accipienti hoc contingat, nosse oportet, quod evacuatione opus habeat;* item ex communi omnium observatione, qua constat, pueros sua natura edaces esse & cibos valde appetere: donec panem in sella, vela, tecta, hac excussa, absconditum, deprehenderet Vates cum pueri ægotantis patre eique adstantibus. Sicut mores quoque ægotantium seu in hæc vel illa propensiones hos illosque eorum errores & fallacias non obscure innuunt, v. g. iracundia, voracitas, mollities, appetitus inordinatus, luxuria, in venem propensio; ut ex horum cognitione commissa seu perpetrata, eorum facile subolfacere detur. Ita ex nupera observatione meminimus feminae haud inferioris generis, quam, palato non minus ac iræ præter modum indulgentem, cum in puerperio gravibus, ad ultimum etiam halitum, aliquoties infestaretur symptomatis, recidivas has modo ex ingluviei, modo iracundiæ, ferocia contraxisse augurabamur, non sine ratione auguratos fuisse, tandem intelligebamus.

Pariter

Pariter juvenem illum penes *Hildan. 1. obs. 22* voluptuosum ac venereum, cui lavam, a sclopeti ictu enormius contusam, amputarat Chirurgus, simulque, ut a congressu abstineret, diserte interdixerat, symptomatis gravissimis ac lethalibus correptum, libidinis suæ pœnam dedisse suspicari prompte licebat: quemadmodum vini potui deditum, si absque alia causa in pejus ruere observemus, vini ingurgitationi hoc in acceptis referimus, nec inepte quidem. Ut recente pariter exemplo comprobare possem, Viri sc. juvenis, ex hamoptœphthisi decumbentis: qui cunctis fere visitationibus me, ut vinum, quo illi interdixeram, concederem, sollicitabat, denegatum, demum me clam satis strenue hauriebat, clinicam obtestatus, ne mihi molliem hanc suam patefaceret.

Præstat præterea errorum in diætâ commissorum cautior indago hoc etiam emolumenti Medico, ne adeo facile in prognosi formanda præcipitem se det: five per hanc salutem promittendo, aut de ea saltem non penitus dubitando; five exitium metuendo. Ratione quippe prioris sicut verissimum observatur illud *Hippocratis 1. aph. 1.*, non a medico tantum requiri, ut munere suo rite fungatur, sed ut æger quoque faciat, quod factò opus, fideliter sc. referendo atque parendo: ita si morosum minusque obsequiosum aut negligentior in regulis diæteticis observandis offendat, frustrabitur hic omnes medici pollicitationes & suam reconvalescendi expectationem, imprimis in morbis ancipitis salutis, aut alias curatu difficilioribus; ut vel ideo longe difficiliorem medelam & eventum funestum magis in talibus metuere habeat, quam ipse affectus metuendus erat. v.g. laborat quis variolis morbillisve, per se moris non adeo degeneris, & a quibus plerique, diætæ tantum mediocriter qui se adstringunt, convalescunt: quem sane, si omnem ejus legem excutiat, periculose, magis decumbentem pronunciare, ratio suadet. Arthritidem quamvis in se difficilioris medelæ & quæ operam Medicorum potissimam illudit, deprehendamus, juxta illud *Luciani*:

Quis invictam me dominam dolorum

Ignorat podagram in terra mortalium?

Qui nihilominus accuratiori regimini se religiosius mancipant, ab enormioribus & frequentioribus maxime affectus hujus molestissimi insulti-

Diætæ errores nosse
prognosin
moderatur.

Quoad
speranda

insultibus se præservant ; quale quid minus promitti valet illis, qui liberaliori ciborum ingestioni, vesanæ vini compotationi ac Veneris lenociniis indulgent, sed inter paroxysmos frequentiores, longiores & atrociore hi sudabunt. Perinde ac hydropem scandalum medicorum & internecionem sui experiuntur plurimi, illi potissimum, qui in potulentorum assumptione, in specie Spiritus vini, sibi temperare nequeunt: qui tamen se subjugari aliquando patitur in subiectis, quæ a potu diutius abstinent, qualium exempla penes *Dodonæum obs. 116. & 117. Holler. 1. de morb. int. cap. 39. Hildan. 4. obs. 44. Panarol. pent. 4. obs. 88. River. 11. pr. 6. & obs. a Jacoz Comm. 21. Willif. ph. rat. part. 2. s. 1. c. 5. Sydenham. de hydrop. & Lister. de hydr. agr. 1. ac 17.* His proin aliquid, illis nihil omnimode, spei eluctandi restat.

& quoad
metuenda.

Ex nimio
gelidi po-
tu in febre
anxietates
graves.

It. ex de-
voratione
pomorum
Sinensium.

Posteriorem ingenuitatis & strictioris diætæ usum ita declaro. Nempe pavorem aliquando insignem adstantibus non minus ac medico, imo ipsi ægotanti, incutiunt anxietates præcordiorum in febribus, sub specie & nomine vulgi *Herpens. Angst* / cum summa inquietudine usque ad sudorem frigidum ; quod ignorent celentve errorem commissum, adeoque non huic, sed ipsi morbo, gravia ejusmodi symptomata adscribant : quem terrorem nihilominus abesse jussisset tempestiva illius, in quo deliquerat infirmus, confessio & notitia. Vanum ejusmodi pavorem mihi & assidentibus incutiisse, recordor olim adolescentulæ cujusdam cardialgiæ similem, cui in paroxysmo tertianæ cerevisiæ gelidam affatim hauriendam porrexerat mater, indulgentior justo : advocabatur mecum Confessionarius & vicinarum spectata caterva ; ast paulo post ridebat nos omnes puella, matris imprudentiam manifestans. Majores longæ erant turbæ, quas sæminæ cujusdam prænobilis luxuriōsa & clandestina aliquando malorum Sinensium devoratio Medico, confessionario, familiæ & tantum non toti civitati movebat, decumbentis morbillis, qui evanescere tempestive incipiebant, proin illam omne periculum superasse, omnes judicassent. Corripiebant sc. eam ex improvise enormiores præcordiorum angores, inquietudo & convulsionum primitiæ, hisque symptomatis per horas aliquot exagitabatur, ut morti proximam crederent accurrentes, ipsamet ægotans de vita desperaret, per cordialium & bezoardicorum preciosorum plurium

plurium præscriptionem non leviter defatigaretur, si non erigeretur, pharmacopola: Sed dum postmodum grabatulus de loco suo paululum dimovebatur, cortices dictorum pomorum devoratorum reiecti & in angulo reperti de pulpa testabantur copiose satis ingesta, nunc fere digesta & per alvum secessum moliente, sicque omnibus caliginem simul ac metum discutiente.

Circa diætam disquirendis non incongrue forsan accenseo *Alvus an quartum Hippocratis interrogandorum momentum, an venter se cedat?* seu alvus aperta sit? utpote ad quod latum responsum modo ad causæ morbificæ ac symptomatum productricis cognitionem nos deducit, v. g. si negative responderit de torminibus ventris conquereus; modo indicatorum & præsidiorum administrationem prohibet, coindicat seu juvat ac moderatur. Prohibet v. g. sanguinis missionem ac ancatharsin eadem alvi constipatio, coindicat ac moderatur evacuationem per inferiora adornandam. Ut taceam, ventris segnitiem, si non ut causam primariam aut hujus causam, certe ut secundariam & nova seu extraordinaria symptomata concitantem attendendam esse: quatenus, juxta eundem *Hippocratem* & experientiam quotidianam, alvum moderate fluere, semper optimum est. *Quamvis* in hoc lapsus videatur idem medicinæ Princeps, quod *Etiam cæteræ excretiones corporis solennes neglexerit, magni tiones attendendæ.* nihilominus in sciscitationis negotio momenti, & in casibus particularibus ab eodem hinc inde indigitatis, v. gr. sputi, mensium &c.

Sc. Excretorum corporis nostri tantum non cuncta, imprimis, dejectiones alvi, Urina, Sudor, sputum, menses, hæmorrhoides, narium hæmorrhagiæ, sanies vulnerum atque ulcerum, vomitus &c. de morbo, hujus causis, conditionibus, eventu &c. non leves conjecturas præstant; adeoque sui solertiozem indaginem postulant. *Quam* qui in se suscipit, in specie vomitu rejectorum, fœcum alvi, *In excretionum habitudine dijudicanda constare debet de assumptis.* urinæ, sudoris, & forsan sputi quoque, pro accuratiore de his ferendo judicio, rationem maxime ingestorum seu assumptorum habeat, five alimentosa five medicamentosa, hæc fuerint, item in cæteris rebus non naturalibus moderaminis; qualia sane substantiam, qualitates, quantitatemve illorum immutandi ac minus cautum observatorem fallendi magnam vim habent, ut eorum phænomena præternaturalia

naturalia cum non naturalibus confundat. Sic vomitu rejecta assumptorum molem & faciem præ se ferunt, & v. g. graveolentiam ab allii & ceparum esu: qui multum alimentorum solidiorum assumpsit, plus, qui parum aut nihil, minus, fœcum per alvum deponit, adeo ut in anorexia laborantibus harum ordinaria quantitas vix expectari debeat. Qui allio, cepis similibusque olidis vescuntur, easdem graveolentes valde, quibus folia Sennæ propinata, mucosas, quibus Rhabarbarum, flavescences, Cassiæ pulpa aut Martialia, aut qui baccarum Myrtillorum pulmentum devorarunt, nigricantes, rejiciunt: & quemadmodum si pingua seu oleosa per alvum prodeant, colliquationem singularem & periculosam valde innuunt, sic pinguiora, copiosius ingesta, tales pariter excretiones formant. Similiter urinarum quoque conditiones naturales ab assumptis frequentius mutantur, hinc fallunt, v. g. ab eodem Rhabarbaro, Croco, semine Santonici, Rubia tinctorum vino &c. dum rubedinem intensiorem suscipiunt, quemadmodum contra potus tenuior atque uberior, item acidularum, easdem præter expectationem diluit & limpidiores reddit: Lotium nigricans ab esu uvarum liberaliore annotavit *Bartholin. cent. 5. hist. 90.* Parcius mingunt, qui parum bibunt; lotio diffluunt potatores & quidem liquorum diureticorum, vini v. g. acidularum. Urinam cruento colore tingere fructum Novæ Hispaniæ, quem ficum Indicam communiter ajunt, & Peruviæ certam cerasi speciem, quam Ullsum Barbari vocant, *Joh. de Laet descript. Indiæ occident. l. 5. c. 3. & l. 10. c. 3* perhibet. Fracedine singulari Asparagus, contra suaveolentia violacea, idem lotium imbuunt terebinthina. Quemadmodum pariter sudores peregrinas qualitates ab assumptis induere experientia loquitur, v. g. a cerevisia copiosius hausta saporem coloremque ejusdem potus, notante *Salmuthio 2. obs. 28 & Bartholino 4. hist. 62.* a liberaliore vini Hispanici rubri ingurgitatione, rubedinem. Et sic menstruorum ac hæmorrhoidalis quoque sanguinis fluxus sufflaminant atque accelerant modo circa diatam perpetrati errores, v. g. motus corporis nimius ac intempestivus, imprægnatio &c. modo idiosyncrasia, per quam quædam subjecta parcius, alia liberius, evacuari, palam est: prout denique hæmorrhagias narium aliis solennes, aliis ignotas, experimur.

Inprimis vero circa vomitus, alvi fluores, sudores, hæmorrhagias &c. disquirendum venit, an, si aliis morbis superveniant, potissimum febribus, critica, an symptomatica, illæ evacuationes fuerint? pro diversitate siquidem hac plus minus de iis sperare vel metuere, jubemur. Ita tamen, ut nec cunctas criticas evacuationes cum vulgo Medicorum nobis persuadeamus salutares, cum non omnem crisin laudabilem, hinc nec omnes evacuationes criticas proficuas, quotidie deprehendamus, testentur etiam omnes, qui de hoc argumenti genere commentati fuerunt, crisin subitanæam vel ad mortem, vel ad salutem mutationem morbi asserentes. Atque hujus rei signa distinctiva ex doctrina de crisibus & criticis evacuationibus petuntur, licet hæc quoque enormiter fallere, hinc ejus præcepta caute admodum applicare, suadeat experientia: ut quandoque, quem critice, & quidem salutariter, evacuari per artis regulas judicamus, brevi extinctum, & symptomaticis excretionibus ad ultimum fere halitum defatigatum reconvalescere, videamus.

De Urinis earumque inspectione *cap. seq.* agam, sicut de metastasisbus pariter seu excretionibus cutaneis, item de Linguae phœnomenis, utpote quorum vis forsan potior in eventu, quam statu præsentè, morbi dijudicando: Sputorum vero examen particulari, de affectibus thoracicis, doctrinæ est concedendum, quemadmodum puris evolutionem ulcerum ac vulnerum disquisitio suggerit. Sanguis, quia fluidum corporis universale magis, hocque tam conservativum, quam corruptivum, ejus missio quoque inter remedia universalia non infrequentissimum, est: cruoris venæsectione educti, contemplatio plus necessaria & eximiam utilitatem in morborum ætiologia determinanda habere, creditur. Cujus examinis modum hincque formanda judicia olim jam dum tradiderunt *Joh. Carvinus de Sangv. Joh. Castellanus in Phylactirio phlebotom. & arteriotom. Fr. Joël. compend. art. med. l. 4. f. 5. & Jessen a Jessen in Judic. de sangv. vena secta dimisso*: quamvis cuncti horum conspicuos maxime nobis obtruderint hinc inde errores, theoriæ pariter ac praxi vim inferentes.

Nempe sub effluxu sanguinis ex venæ plagula hujus impetum varium attendere, caloris gradum digitis explorare & colorem hujusque vicissitudinem oculis usurpare, jubent: Scutellis vero exce-

Evacuatio-
nes cri-
tica a sym-
ptomaticis
discernenda.

Cruoris
venæ se-
ctione e-
ducti con-
templatio
necessaria
creditur.

Fallax ta-
men hinc
inde.

Fallit impetus sanguinis promanantis.

Fallit calor.

pti cruoris & feri invicem, habitudinem seu proportionem, utriusque colorem, illius vero insuper & spumam præprimis contemplantur, ac de bonitate atq; pravitate sanguinis hinc sibi formant auguria. Qualia tamen, quia vanis aliquando theoriis innituntur, olim jam dum explosis, aliquando etiam ipsamet phænomenorum horum contemplatio sensus fallit: quid mirum, si ineptas etiam aliquando dicam hinc formatas conclusiones, adeoque de illis ambigere suadeam. Nam primo fallax videtur ille promanantis sanguinis impetus, secundum animi languorem ac robur diversum, item vulneris infligti latitudinem majorem minoremque, valde dispar. Quibus accedit mora inter vinculi injectionem & ipsam vasis incisionem, haud eadem; dum longior sanguinem sub saltu conspectiore exire jubet, brevior minore: adeo quidem ut primus impetus, i.e. antequam vena aliquantulum depleta, alacrior & vibrans magis, subsequens fluor languidior, ut plurimum deprehendatur; nisi contrarium forsân præstet formido & deliquium ægri, i.e. in principio vix stillatim, redeunte animo, orgasmo majore, profiliat sanguis. Nec deinde adeo fida videtur a *Jessenio* commendata caloris in sanguine promanante exploratio, digitis instituenda: cum caloris hujus gradus vel secundum individualement habitudinem, vel propter animi aliqualem defectum, vel propter spirituosiora, brevi ab operatione, hausta, variare queat atque soleat. Multo minus suavis ejusdem auctoris, ideo, quo calidior ille observetur, eo largior ejus permittendus est cursus: cum æstus hujus actualis plures sint plethora causæ, sc. stagnatio, acrimonia &c. Neque tertio color sanguinis, ex vena incisa promanantis, splendidior semper de ejus abundantia testatur, utpote qui sanguini venoso nunquam naturalis, & sitalis compareat, præternaturalem ejus constitutionem innuit, sc. orgasmum intestinum, extraordinarium, acrimoniamve latentem. Imo observatur, etiam venosum plus minus nigrescere in his, qui v.g. tempore hyberno, sub atmosphæra frigidiore diutius commorati fuerunt: ne commorem, diversam radiorum lucis in striam sanguinis promanantis incidentiam, hincque ad oculum nostrum variam aut reflexionem, aut plus minus refractam ingruentiam, colorem ejus dubium reddere: ut modo obscurus, modo lucidior magis, seu splendidior appareat ejus rubedo.

Porro

Porro & quarto vanum est commentum, sanguinis bonitatem & corruptelam sub hoc effluxus momento dijudicari posse; item discerni, an idem primo prodiens sincerus seu purus magis, posterior corruptus, ac vice versa: cum talem disparitatem volante adeo oculari seu in rapido ejusmodi fluore animadvertere haud detur; nisi ubi tinctura ejus a statu naturali evidentius recedit, v. g. prodeat chylosus seu lacteus. Et quod facie externa alius prodeat in principio, ac in progressu, missionis, ex accidente fit, & judicio hinc communi formando minus sufficit: sc. quasi primo comparens sincerus, postmodum corruptus, sanguis prave humores aut circa viscera aut partem inflammata[m] hærere; post pravam vero purior effluens omnimodam vitiositatis extirpationem, innuat: quod illa mutatio, ut dictum, maxime contingentibus & incertis phœnomenis sit accensenda, vel quod hæc circulationis legibus repugnet. Nisi forsân aliquando, in inflammatione interna, v. g. pleuræ, pulmonum, in quali casu, si modo lynceis oculis, prodiscernenda exactius sanguinis promanantis disparitate, medicus adstans præditus fuerit, *Hippocrati vict. acut. t. 12. & Galeno de curat. per sangv. miss.* ac quibusdam modernis, *Wilksio* v. g. assentiri placeat, sanguinem eousque mittendum jubentibus, donec coloris nigricantis & lividioris, tanquam causâ inflammationis conjuncta, omnis effluerit, ac denuo compareat sincerus magis. Quippe inflammatoriis ejusmodi affectibus sanguinem adeo disparis texturæ subesse, ratio non minus ac avtopsia suadet: quarum illa sanguinem in parte phlegmone affecta congrumescere, seu, ex hypothese veterum, assari, docet; sanguis vero in ejusmodi casu eductus & tribus quatuorve disculis exceptus non in singulis semper, sed in secundo v. g. & tertio tantum, vitiosus, in cæteris duobus laudabilis satis, conspicitur. Ast quo minus etiam huic asserto undique subscribam, vetat, quod nec ab ejusmodi sanguinis educatione, semper aut mox sedetur hæc inflammatio, aut hujus evanescant symptomata; quod nihilominus necessario expectandum foret, si sanguis, inflammationem immediate patrans, fuerit evacuatus: & dubitare integrum relinquitur, an omnis grumosus & fibrarum membri inflammati intercapedinibus hæctenus impactus, prodierit, seu annon post pravum emanans sincerior aliquid illius generis pone se reliquerit.

Fallit sanguinis educationis et congelationis tempus.

Nec quinto, quæ de celeriore, tardioreve aut omnimode non eveniente cruoriseducti ac scutellis excepti congelatione communiter tradunt, quasi illis fibris seu staminibus, quæ in partium solidarum nutritionem & similitudinem abeunt, hic destitueretur & cacochymia nuntius existeret, omni exceptione potiora sunt: quatenus tempus hujus congelationis etiam in sanitatis latitudine variat, in primis pro assumptorum ratione diversa, dum aliquot a pastu uberiore horis facilius ac promptius concrescit idem sanguis, chylo gelatinoso interfluus; ast post inediam vel nycthemeron, aut post potulenta avidius hausta, difficilius congelascit, glutine illo defixatus.

Fallit crusta.

Sicut nec sexto, quæ de crusta albicante aut plus minus flavescente vel livescente, quam grumum obtegere cernimus, inferunt, firmo innituntur talo. Non excrementum pituitosum semper, sed crudiores aliquando & non satis digestum, seu cruori penitus intertextum, chylum, mucaginem hanc cum plerisque modernis auguror, qui lentorem sanguini inducat; adeo quidem ut igni admota inflammetur. Nihil tamen impedit, quominus eandem gelatinam aliquando productum morbosum concipiamus, in illis potissimum morbis, v. g. pleuritide, rheumatismo, quos æstus vehemens comitatur: fluidiori sero spissitudinem ejusmodi gelatinosam perinde inducens, ac blandior ignis serum extravasatum in offam gelatinosam cogit, aut juscula carniū dilutiora per evaporationem aquositatis aliqualem ad gelascendum disponuntur, & actu congelascunt aëri liberiori exposita. Miror proin veteres, quod fibrositatem sanguinis, hujus partem integrantem & alimoniam partium solidarum credant, mucilaginosam vero crustam excrementum p. n. velint, cum tamen utraque substantia & textura eidem sint. Miror in specie *Jessenium a Jessen*, quod nunquam, nisi in corporibus nimium refrigeratis, crustam illam deprehendisse scribat: quatenus febribus satis ardentibus frequens maxime observatur; hinc vix semper cruditatem pituitosam innuit, sed coloris quoque exuperantis productum aliquando videtur. De cætero cujuscunque generis seu indolis crusta hæc sit, i. e. sive alba, flava, viridis aut livida, crassior & tantum non coriacea, haud tamen adeo pravum & morbosum innuit sanguinem, quin hoc gaudendum multi mortem morbumque evaserint.

Seri

Seri minus septimo, quod cruori, vase excepto & congrumato, ^{Fallit seri} circumfundatur, non semper hujus laticis defectum, sed forsan quod ^{grumum} particulis gelatinosis hic turgidior a grumo in consortium arctius as- ^{circum} sumatur, significat: adeo quidem, ut post horarum aliquot adhuc ^{natantis} elapsum thrombus omni sero circumfluo hactenus destitutus, si de- ^{penuria.} nuo inspiciatur, in serum sensim deliquescere observetur. Serum E. in ejusmodi individuis non tam deficit, quam glutinosius est, adeo- que cruorem minus diluit, hujusque motum sufflammando diversis pathematis, hinc febribus etiam plus minus acutis, occasione existit: in qualibus tamen aliquando sanguis copioso satis sero scatet. Imo non raroprehendimus sanguinem prima vice eductum sero de- stitui, altera vice & insequente die eodem dilutum satis videri; quemadmodum contra prima evacuatione sero sufficienter instru- ctum observare contingit sanguinem, qui altera vice omni aquosita- te caret; & scutellis duobus vel tribus exceptus cruor disparem seri quantitatem exhibet. Ut probabile videatur, non eandem semper seri seu lymphæ quantitatem per venas redire, sed hujus modo minus, modo plus, a vasis lymphaticis excipi: qua occasione & quare? de- terminare non audeo, *Barbetta* quamvis condescendere nequeam, dum *anat. pract. cap. 14* vasa illa interdum plus lymphæ attrahere, putat, quod probandum.

Nec qui octavo tincturam intensius rubicundam cruoris conge- ^{Fallit co-} lati integerrimæ valetudinis documentum, versicolore & maculis ^{lor cruoris} hinc inde variis interspersum magisve lividum sanguinem formida- ^{congelati.} bilem & morbosum perhibent; ab omni errore immunes dicendi. Splendet non raro sanguis eorum, quibus febris lethalis imminet aut præsto est, eluctantur contra, quibus grumus hic variegatus satis. Ul- trumq; firmat praxis quotidiana, & *S. Pauli digress. de febr. malign.* in illis suspectum valde colorē sanguinis roseum ait: ne dicam, ex venis adeo impense rutilantem sanguinem nunquam promanare, sed splen- dorem hunc ab aëris contactu demum recipere, ita ut post grume- scentiam non per totam sui compagem talis observetur, sed sub strato superiore coccineo, quod ne quidem fili straminei crassitiem æquat, totus nigricans conspiciatur, mox tamen nigredinem hanc cum mi- nea rubedine commutet, si aëri pariter ad tempusculum exponatur.

Referre

Referre huc quadrat, quæ *Fr. Bayle probl. phys. med. 2* consignavit, tentamini cujuslibet respondentia, Sanguinem pelvi latiore exceptum insigniter & per totam latiore sui superficiem rubere, contra ex eadem vena & vulnere in vas angustius atque profundius profusum, magis nigrescere : sc. quod in illo plus, in hoc minus, aëris admittatur. Item, quod diversus frigoris ambientis gradus sanguinem plus minus rubicundum reddat, ut, qui subito refrigeratur, coccineus magis, qui sensim refrigerat, nigrior evadat : quamvis non solum refrigerationis impetum majorem minoremque, sed motum quoque particularum aëris sanguinis educti particulas extantes deprimentem & hujus superficiem levem ac tersam magis reddentem, colorem sanguinis splendidiorum facere, ipsemet fateatur idem Scriptor ; qualibus speculationibus physicis inhærere, scopus præsens disuadet. Unum illud, in quo consentientes reperio multos practicum modernorum, jungo, dubitare licere, an febrium inprimis malignarum causa formalis in sanguine hæreat, & per consequens mutationes evidentes in illo evacuato semper deprehendantur ?

Nec color
aut quævis
habitus
cruoris ex-
traordina-
ria permi-
ciosa est.
V. g. la-
teus co-
lor.

Neque nono extraordinaria valde Sanguinis & feri textura, hinc insuetus maxime color portentosus semper & exitio proximus videri debet, contrarium suadente experientia : dum v. g. sanguinem lacteum coloris nativi extinctionem & mortem præsentaneam minari, *Joël* v. g. scribit, *Pechlinus l. 2. c. 13* : tamen cujusdam sanguinem album in lividum & rubicundum demum commutatum, ægrum vero post varia perpeffa symptomata feliciter eluctatum fuisse. Pariter Virum hujus civitatis primicerium novi, cujus cruor, quoties sibi incidi curat venam, (quod propter turgescientiam sanguinis evidentem bis ad minimum annuatim contingit) sero semper lacteo seu chyloso circumfluxus cernitur, robustum alias ac sanum, nisi nephriticis paroxysmis subinde obnoxium.

Nec spuma
aliquid
certi in-
mit.

Spumam denique in sanguine extravasato haud semper unius ejusdemque constitutionis latentis indicem esse, vel inde augurari convenit, quod illa in summa cruoris tantum superficie, nec in hac tota, sed ejus duntaxat aliquo ambitus segmento, deprehendatur, ac si duobus discis e vena excipiat, primi tantum, non posterioris facile. Hinc quamvis *Hippolyto Guarinonio* non per omnia subscri-

bam,

bam, sanguinem, si alius & cum strepitu majore ex vena tusa in vasculum defluat, spumescere: impetum tamen sanguinis primo profluentis majorem multum ad contextum illum bullarum formandum facere, probabile fit; si nimirum ille cum visciditate sanguinis intrinseca concurrat.

Fallax proin adeo res cum sit hæmatoscopia, hanc ut caute & prudenter administret, nec in formandis hinc judiciis se præcipitem det medicus, suadeo; legat potius verba *Helmontii cap. 2 de febr. infecta*: *Obrisi tabulam judiciorum ex adpectu emissi cruoris, adeoque confirmavi mecum, a medicis cruorem servari jussum, ut saltem hac ratione unam visitationem agris annumerent.*

Porro dum magna consuetudinis, tanquam naturæ adventitiæ, vis est tam in sanitatis conservatione, quam morborum curatione, hanc in singulis investigare, eique interdum aliquid dare ab *Hippocrate 2. aph. 49* jubemur: *adsueti consuetos labores ferunt, etiamsi fuerint debiles aut senes, non adsuetis fortibus ac juvenibus facilius ferunt.* *Ac aph. 50 ex multo tempore consueta, etiamsi deteriora fuerint, inconsuetis minus molestare solent*: cujus effati exempla quædam *cap. 4* recensui. Quibus impræsentiarum addo, quæ de quodam *Aristone* commemorat *Galenus de aduetud. c. 1.* qui habitus gracilioris orificium ventriculi superius frigidum & valde sensibile habebat, hinc calidum bibere consuetus, cum agritudine corripere, in qua frigida potus aliis profuerat, a Medicis imperitioribus frigidam bibere coactus, hinc convulsus obiit, prout ipsemet sibi ac medicis consulentibus prædixerat. Inprimis vero consuetudinem individuorum nosse convenit quoad evacuationes, vel spontaneas, vel medica arte concitatas, quæ nonnulla eorum hæmorrhagias narium aut hæmorrhoidum patiuntur, modo periodicas, modo erraticas; alia vomitu, diarrhœa, imo cholera, evacuantur; quædam phlebotomia, emeticis, alvum subducentibus &c. adsueta observantur: ne sc. spontaneas illas excretiones illico exhorrescamus, aut intempestive reprimamus; vel medicas negligamus cum subjecti periculo. Nisi E. ipsemet infirmus, aut huic ministrantes consuetudinum & desuetudinum ejusmodi medicum admoneant, commendat vero aut commendare hic velit remedium generosius, aut diætam immutare, prius

Prudentia
E. opus in
judicio ex
cruore,
emisso fe-
rendo.

Consuetu-
dinis agro-
rum inda-
gatio ne-
cessaria
est.

In specie
quoad eva-
cuationes.

fedulo disquirat, num forsan aliud suadeat aut dissuadeat consuetudinis ratio.

Item consuetudinis
locorum.

Spectat huc consuetudo locorum, in quibus medicinam facimus, quam ignorare multum præjudicat, & cui obstrepere minus licet Medico, inprimis juniore; ne, si medela ejus haud adeo feliciter succedat, quod insueta susceperit, i. e. morem neglexerit, taxetur. Ita v. g. in Gallia penes febricitantes diætâ strictissima observatur, pleniori victui condescendendum erit in nostra Saxonia; iidem Medici Galli nec infantibus sanguinem subtrahere verentur, abhorrent idem, puerili quamvis metu, nostrates: quam consuetudinem discernere multum juvat, & observare, quantum sana ratio concedit, jubemur. Gallis, Anglis &c. solennes sunt cucurbitæ majores, cum magna flamma, tantum non ignorantibus usum minorum; quarum has expetunt & admittunt, illas detrectant & formidant, nostrates: & quibusdam locis usitatoria sunt Galenica remedia, aliis præ chemicis exosa. Lithuanis, Suecis aliisque populis septentrionalibus frequentissima sunt balnea, aliarum regionum incolis rariora: eorum plerique sicut remedia pharmaceutica parum curant aut in usum trahunt, ita prodigi omnino in adhibendis chirurgicis deprehenduntur, v. g. venæsectionis, cucurbitularum, fonticulorum & hirudinum, quas gingivis & palato admovent. Sicut commodius & cum salute evidentiore nonnullæ gentes hæc vel illa præsidia ferunt, aliis nationibus non adeo salutaria, v. g. Cosaci, qui multorum suorum affectuum medelam ab aqua vitæ ex frumento parata expectant, ita ut penes illos in proverbium abierit: Si caput dolet, bibe aquam vitæ, si pes doleat, bibe aquam vitæ, si venter doleat, bibe aquam vitæ &c. Tartari præter chirurgica nonnulla vix curant alia multa, v. g. si suspicio fuerit febris malignæ, ex catuli leporini arteria carotide incisa tamdiu sanguinem fugit æger, quamdiu valet, denique vero ejus pelle detracta & adhuc calente caput obvolvitur, seque hoc modo ad somnum atque sudorem disponit. Vilioris conditionis homines, febre correptos, apprehensis capillis exagitant & circumrotant, demumque in fluentem præcipitant, sicque febrem extinguunt. In Curlandia multos reperiri traditur, qui opii crudi scrupulum integrum facile ferunt: quemadmodum Polonorum plerique stupendas doses cathartico-

rum absque virium dejectione, neca multis secessibus, assumunt; & sicut Modioli usus in plagis capitis Suecis maxime familiaris, sic fructuosus valde, præ aliis populis, existit: Imo pharmacopoliorum, usualia seu officinalia resciscere opus est cuilibet, qui ex illis remedia præscribere contendit: quo sc. eorum dispensatoriis ac catalogis se accommodet, neque ex ignorantia hac in agrum damnum, in medicum calumnia, redundet. Et quamvis in civitatibus, quæ diversis instructæ officinis unisona omnium compositorum ac præparatorum in singulis illis necessaria & exoptanda foret conformitas, quia tamen, prohi dolor! hæc ut plurimum negligitur, circumspectioris Medici etiam hoc muneris erit, ut individuales quasi has compositiones exacte calleat, & a consueta præparatione recedentium ac tantum non errantium pharmacopolarum mori se accommodet; potissimum si in evacuantium, opiatorum similiumque generosorum diversa dosi aut præparatione disparitas illa consistat.

Sicut pariter magni momenti est monitum *Tulpii* 1. *obs.* 23. & *Sylvii præx. app. tr.* 5. §. 211. 212 cognoscendam maxime esse Medicis individua-
 Nosse con-
 venit syn-
 crasiam
 agrorum
 individua-
 tem.
 individua-lem cuiusque naturam seu idiosyncrasiam, præcipue in medicamentis similibusque remediis præscribendis atque diætâ constituenda: quo exactius dijudicet, quid uniuscujusque infirmi naturæ ferat, quid ferre recuset. Interrogandi sc. sunt hi, qualia alimenta iplis prosint, qualia molestiam parent; & quales demum molestiæ sint, quas ab incongruis patiantur, cum non singuli eodem modo a singulis afficiantur. Dum v. g. multi melancholici seu hypochondriaci a lactis dulcis usu male se habent, & in iis hypochondria quam molestissime tenduntur: aliis vero ejusdem dispositionis nulla hinc evenit noxa: Carnem bubulam solidiorem facile digerunt non pauci, non item lac dulce, quod alias facilioris coctionis habetur, cum passim pueri æque ac senes, utut debilioribus annumerati, facile hoc digerant. Læduntur facile a fructibus horreis, carne suilla, vervecina &c. quidam, nihil inde molestiæ capiunt alii. Præterea quod-
 Post causas
 evidentes
 indagandæ
 etiam la-
 tentes.
 ties aliquid singularis in suis observet medicus, ab his vel illis alimentis male se habentibus, toties monente eodem *Sylvio*, scrutetur idem & investiget symptomatis illius causas veras, seu latentes & proximas, quo illis, quantum possibile inventis felicius & facilius succurrere

queat malis. Nempe vix nosse sufficit, a lactis potu quem colica corripit, nisi, propter obvium in corpore acidum hostile, ac coagulum hinc productum in spasmos abdominis eum conjici constet.

De individuali crasi in opio ultra scrupulum, drachmam semis &c. quotidie, sine œconomia animalis evidente conturbatione, assumendo nihil referam, tale quid testantibus diversorum autorum observationibus & practicum experientia, commemorare tantum mihi liceat hic antipathiam, quam eidem opio & Viro certo intercedere novi, qui quoties hoc utitur, propter symptomata, quibus frequentius exponitur, & quibus communiter opiata præsentaneum præstant auxilium, ad somnolentiam ac levia deliria equidem, nunquam vero ad somnum, hinc disponitur, nec illorum ullum levamen

Opium
euidam mi-
nus profi-
cium.

It. cantha-
rides.

Castore-
um.

Scammo-
nium.

Theriaca.

Cantharidum usus in vesicatoriis tantum non quotidianus est, quem nihilominus detrectant, qui teneriora fovent organa urinaria: in qualibus illæ dysuriam, stranguriam &c. frequentissime patrant. Castoreum, sexui sequiori alias amicum valde, quædam mulierculæ nihilominus adeo abhorrent, ut ab ejus odore mox insigniter percellantur: quemadmodum memini Viri cujusdam Nobilissimi ac Eruditissimi, nunc beate defuncti, qui a Scammonio in leviori dosi vel per se, vel cum aliis catartictis, propinato pessima semper experiebatur symptomata; & pariter novi foeminam, quæ theriacæ, theriacalium, & theriacali odore imbutorum assumptionem valde nauscat, hincque graviter exagitur; sicut formæ medicaminum aliæ præ aliis nonnullis gratiores, imo felicioris operationis, existunt. Quæ cuncta sola manifestat experientia & circumspectior indago, quo ille haud pertingit, qui in universalibus tantum præceptis hæret: & variari possunt facile medicamentorum materia ac forma, atque hæc quidem juxta Sylvium *tum pro ægrorum morosorum aut delicatulorum lubitu, tum pro simplicium diversitate, tum pro singulorum operatione felici, & quidem secundum ipsorum subjectorum diversitatem &c.*

Dignosce-
re conve-
nit præter
morbum
evidentem
alios for-
san junctos.

Præterea ad feliciter faciliusque medendum valde conducet disquirere in morbos latentes, si quæ forsan eorum hujus vel illius remedii applicationem dissuadeant, v. g. Hernia intestinalis ac omentalis, passio hysterica, hæmoptosis &c. vomitorium & ster-
nuta-

nutatoriorum ; utpote quæ abdomen vehementius concutiendo ac tendendo peritoneum latius laxant & rumpunt, hystericas in paroxysmos atrociore conjiciunt, & sputationis cruentæ recidivas pariunt. Eadem emetica ac ptarmica cum purgantibus ac Venæsectione aliquando dubia reddit imprægnatio ; quam ideo, antequam quoddam illorum administremus, studiose sciscitare jubemur, ne ex frivolo & temerario eorum usu moveatur abortus : quemadmodum diuretica propinare vetant inflammatio ac ulcera renum & vesicæ, quorum dolores hinc exacerbantur, medela autem turbatur.

Ipsorummet etiam ægrotantium vafrities aut fatuitas potius ad duplex insuper fraudulentæ genus eos adigit : nempe ut morbos ^{Quemadmodum simulatos,} modo simulent, modo remedia commendata se adhibuisse falso fingant : per utrumque non medico, ut putant, sed sibi, imponant. An ad officium medici Clinici, an Forensis, spectet morbos simulatos & dissimulatos detegere, hæreo : postquam quidem a Magistratu ad illud præstandum & de his testificandum postulatur idem ; interdum tamen huic per fraudes ejusmodi imponitur ac hujus medela turbatur. ^{ac dissimulatos,} Fingunt quidam morbos, a quibus immunes, occultant alios alii revera existentes, quemadmodum denique alii, ut morbum verum seu genuinum commodius negent, falsum profitentur, adeoque simulando dissimulant : utrumque agunt aut lucri capeffendi, aut damni evitandi, gratia.

Casus fraudum harum cunctos recensere, res ardua erit, cum eorum numerus fere infinitus sit ; nec hujus loci negotium hoc dicendum, dum de plerisque illorum testificari tantum tenentur, medicus, pauciorum medela ab eo desideratur. Superius ex Botallo recensui catalogum fatuorum, qui veros sub falsis dissimulantes morbos obliquam medelam a medico postulent, quibus nunc addo, qui nephritidem, stranguriam, contusiones inguinum, vigilias &c. mentiuntur, quarum tamen neutram patiuntur, sed dolores capitis & artuum venereos, gonorrhæam, bubones gallicos &c. quæ fateri detrectant : simulant foemellæ mensium suppressionem, hydropem, strangulationes &c. quæ gravidæ, ut a Medico purgationem, sanguinis missionem, opiata, menses & foetum pellentia extorqueant, veroque morbo, sub querela de ficto, medelam clanculum præstent.

Fictos
morbos
modo fa-
cile,

modo dif-
ficulter,
cognosce-
re licet.

Quomodo
ficti morbi
a veris di-
scernendi.

Nec diffi-
mulati
morbi
semper
aeque faci-
le digno-
scuntur.

Has imposturas fictosque morbos modo facilius, in hominibus idiotis & simplicibus, modo difficilius, in callidioribus ac versutis magis, cognoscere datur: nunquam tamen sine sagacitate eximia & ingeniis certis, ut ajunt. Difficilius, aut non adeo diu, sicut nonnulli affectus simulari valent, sc. quorum certa & extantiora sunt signa, inprimis febrem de necessitate combinatam gerunt; ita nec in his medicum aut quenquam sanioris judicii hominem falli posse, probabile sit: contra illos, quos facilius fingere licet, a veris discernere majoris laboris deprehenditur. Difficulter simulatur pleuritis, peripnevmonia, hæmorrhoidum extuberantia, hernia, urinæ suppressio &c. aut qui tales affectus fingit, brevi semetipsum prodit: ast delirium, vertiginem, sensuum externorum hebetudinem ac defectum, dolores, animi deliquia quo facilius simulantur, eo difficilius digno-

scuntur. Artificium seu ingenium ejusmodi morborum simulationes deprehendendi vel generalius, seu pluribus affectibus fictis commune est: vel particulare magis, ac ad certos tantum, seu singulas eorum species, determinatum. Generalior ratio simulatos morbos detegendi variis innititur conjecturis, alienis sc. ac minus medicis, in eo tamen convergentibus, ut sciscitemur causam, per quam suspectus ac falsus videri poterat morbus, quo dissimuletur forsân aliquando morbus verus: v.g. fœmina seu uxor ut maritum morosum ad benevolentiam flectat, servus ut malorum molestias detrectet, & quæ sunt similia. In specie vero ex adjunctis seu symptomatis præsentibus morbum assertum adesse judicamus, ex iisdem, si desint, simulationem ejus per experientiam medicam suspicamur, v.g. ex vigiliis dolores, ex urinæ suppressione calculum &c. & contra, si, qui apoplecticos se gerant, a rebus sensibilibus magis & dolorificis, v.g. sternutatorio, fumo sulphuris accensi, vesicatorio, cucurbitulis cum magna flamma, facile aut difficulter exagitentur; & dolore organa thoracis respiratoria vere affici, parva ac densa dum monstrat respiratio, qui simulatus ex respiratione integra deprehenditur protinus.

Perinde morborum celatorum alios facilius, alios difficilius, manifestari observamus: nempe, ubi symptomata & signa eorum sunt manifesta, quibus præsentibus necessario concluditur ipsius affectus existentia, absentibus de eodem dubitatur. Quibus notis accedunt

dunt vitæ genus, dispositio hæreditaria casus fortuiti similiaque, per qualia illorum quoque, qui in dissimulando callidiores sunt, morbos probabiliter eruimus: v.g. si quis cum fœminis suspectis commercia habuerit intimiora, ab impuris parentibus natus, & valetudinarium agat, de lue gallica non levis præsumptio emerget; aut si quem non commode ambulare, manus hypogastrio sæpius admoveere ceruiamus, constet vero de contusione ejusdem hypogastrii vehementiore, olim facta, eum herniosum recte auguramur. Ast quia hæc specialiora ex praxi demum speciali evidentiora evadent, ad alterum infirmorum imposturæ genus deflecto, illis damnosum, medico vero molestum.

Nimirum aliquando ægrorum morositas & fraudulentia eousque accrescit, ut per eam maxime obsequiosos equidem in remediorum usurpatione se fingant, hæc tamen ne quidem parari curent, multo minus assumant, quasi deglutita revomant, per fenestras projiciant, sicque medicum fallere sibi præsumant. Hinc vigilantiores speculatores atque excubiatores, seu hunc ipsummet potius, attentum maxime hæc exigunt, quo minimum certius sciat, præscripta rite fuisse usurpata, non turbetur in indicationibus formatis exequendis, moliaturque omnia frustraneo conatu. Imo vel hac de causa quoque, an adhibita fuerint eadem, sciscitari debet Medicus circumspectus, ne v.g. altero die accedens & ægrum melius se habere observans, illico medicamento heri commendati efficaciam hoc tribuat, ab iis vero, qui ejus usum neglexerunt, irrideatur, qui successum medicamento non assumpto decernit. Sed vanus erit hoc in passu omnis labor, nisi forsan ex pharmacopæo, an parare curaverint medicamentum, resciscas: aut adstantium seu ministrantium quendam tibi fidum noris, aut ipsemet infirmus reconvalescens ridendo verum dicat, aut effectus irritus de hoc neglectu te certiore reddat.

Neque demum inutile erit suspicari & sagacior nare disquire in concursus & advolatus medicastrosum, quos plebem non tantum, sed prudentiores quoque sibi visos, medico genuino & ordinario clam, advocare, vel ab aliis ut adducantur, pati, ægrorum tot improvisa funera testantur, lugent horum familiares & conqueruntur medici: aliquando eos eousque tolerant, vel tolerare coguntur, donec

Ægri aliquando non assumunt præscripta. Qualem fraudulentiam nosse convenit.

Nosse etiam prodest alios medicos clandestinos.

Damna a
clandestinis medico
emergentia.

donec suo suorumque periculo sapiat piscator ictus. Quos nihilominus temerarios tempestive satis nosse, e re tam Medici, medelam gubernantis, quam ægri, eam efflagitantis, foret. Nihil referam de illa hominum ejusmodi imperitia, per quam forsan incongrua plane & perniciofa remedia adhibent, sed liberrime largior, aliquando etiam utilia & efficacia maxime eos suadere & propinare; nec tanti faciam ludibrium, cui ab iis, qui in admittendis ejusmodi noctivagis adeo faciles sunt, exponitur medicus peritus ac probus: illud tamen non raro ex administratione remediorum ab illis clam facta redundat in hujus existimationem & ægri salutem desideratam incommodum, quod idonea applicentur intempestive, hinc eventum inexpectatum doleat uterque, doleant adstantes, doleat aliquando Respublica & Ecclesia. Ita v. g. commendat ejusmodi erro vomitorium febricanti, morbum & causam morbificam si intuearis, satis apposite, propinatur hoc hæmoptico, hernioso, neutri sine evidentiore periculo, qualem sc. ægrum non cognoverat ille: menses movet cum medico ordinario latitans, per eandem etiam remediorum materiam; nonne vel rudiorum quivis habet, quod ex conglomeratione seu cumulatione horum præsidiorum damna certissima metuat? Opiata præscribunt non sine ratione quotidie medicorum peritissimi, præscribunt & exhibent eadem pseudomedici, intempestive autem & rationem sanam excedente dosi. Quodsi proin medicus ordinarius unum vel duo grana propinet Laudani, superaddat (propinati hujus medicamenti inscius) clancularius non tria, non quatuor, sed bina tantum, grana ejusdem hypnotici, nonne dosis hæc opii duplicata potens est torpori gelido inducendo?

Medici
suggressores
difficiliter
deprehenduntur.

Artes ejusmodi suggressores deprehendendi vix ubique suppetunt, cum adeo clandestinis gradibus domos & cameras ægrotantium irrepant, quibus observandis Argus oculatissimus haud par sit. Qualem difficultatem auget hoc, quod adstantes eos ipsimet inducant, occultent ac diffiteantur seu dissimulent: adeo quidem, ut quamvis pessime cedant illorum consilia ac præsidia, communis etiam rumor, si inprimis in Honoratorum corpora & animas sævierint, variaque indicia eorum scelera evincant, solliciti tamen hi sint potius de rumore & indiciis his, vel per increpationes, vel blanditias, vel

vel per obtumescentiam, quam animus male sibi conscius injungit, discutiendis & cum defuncto sepeliendis, quam de suo cum propudiis talibus communi errore confitendo ac morte infantis vindicando. Loquuntur nihilominus de temeritate & facinore illorum pharmacopolia, ministri & tantum non ipsum corpus delicti.

CAPUT VIII.

De

Officio Medici judicantis sive præsagientis.

Sub hoc complector judicium de morbi eventu, vel ad salutem, De morbi eventu judicare necessarium. vel ad mortem, item de morbi vel curabilitate vel incurabilitate: i. e. quemadmodum per diagnosin constat de morbo & hujus causa; ita per prognosin de ejus eventu. Et pars Medicinæ, qua modum & instrumenta ejusmodi judicium ferendi suppeditat, ars prognostica audit.

Quanta sit hujus doctrinæ dignitas atque necessitas, vel solus *Hippocrates* innuere videtur, dum non tantum diversa commentaria de argumento hoc conscripsit, sc. *de diebus criticis, de crisi- bus, prognostica, predictorum libros duos & Coacas prænotiones*, ut cætera ejus scripta taceam, e quibus suppellectilem largiorem prognosticorum, petere licet: sed *prognosticorum t. 1.* quoque egregiis rationibus idem comprobatur prolixè satis.

Sc. hæc medicinæ pars, etsi exigua videatur, emolumentis tamen insignioribus gaudet, quatenus Medicus, qui ea circumspæcte penes ægros utitur, *primo* artis & suo honori seu auctoritati prospicit Prognostico medico auctoritatem conciliat. illamque a contemptu & cavillationibus vindicat, hoc est, *admiratio- ni*, juxta *Hippocr. merito is & bonus medicus exisset, cum sanos omnes facere ægrotos impossibile sit*. Quatenus incurabiles etiam affectus, notante *Seidelio de morb. incurab.* arti medicæ subjiciuntur, præfagii sc. ratione, ut videlicet eos dignoscat & incurabiles fore, judicet, adeo, ut per judiciosam etiam mortis prædictionem, secundum *Botallum*, præter id, quod penes consanguineos & alios, quibus talis mors acerba videtur, doloris partem minuas, facias, ut rebus suis & animæ patientis

Item, ut
malo im-
minenti
tempestive
medeatur,
facit.

opportune consulent. *Deinde* ad id quoque prognoseos notitia accuratior conducit, ut medicus in medendo malum imminens & prævisum ab ægro avertat, bonumque sperandum sub occasione præcipiti acceleret, seu secundum eundem *Hippocratem*, quos *superstites manere possibile est*, eos adhuc magis recte conservare possit, ex multo tempore consilium adhibens ad singula; & tum morituros, tum servandos, prænosces ac prædicens, a culpa exors fuerit.

Ægri confidentiam
& obsequium augeat.

Præterea ac tertio prænosces ac prædicens apud ægros, præter præsentia & præterita, futura quoque, fidem sibi facit, cui homines sese committere audeant, & cujus monitis atque præceptis obsequiosos magis se præsent.

Aliquando tamen, prognosticum minus gratum iis contingit.

Quamvis optime meminerim, aliquando medicorum ingenuorum prognosticum minus gratum, seu quod salutem desideratam ancipitem reddebat, fiduciam ægri multum conturbasse, medicum vero timiditatis ac ignorantiae suspectum præstitisse: præprimis si eorum alii accesserint, qui vel ex ignorantia, vel spe lucri, vel ut primo medico insidientur, plus promittendo spem ægri inflect, tandem fallant.

Prognosis est res difficilis.

Quo excellentior autem & majoris momenti hæc prædicendi ars est, eo gravioribus stipatur difficultatibus, ut in ea exercenda sapius falli & errare contingat sapientissimos & in palæstra medica exercitatisimos: quatenus quæ quoad præcepta ejus plus minus abunde ac prolixè ab infinitis Scriptoribus tradita facillime intellectu videntur, in praxi tamen & applicatione deprehenduntur difficillima, minusque negotio expediundo sufficiunt. Animadverterunt hanc difficultatem Practici non minus, ac Commentatores, diversi, inter quos præclare eam declaravit *Medicus Hispalensis illustrissimus, Caspar Caldera de Heredia, in Tribunali medic. magic. & polit.* primis duobus integris libris, vix tamen sine prolixitate tædiosa.

Habet nimirum hoc ars nostra cum nautica commune, ut utraque ex probabilibus tantum ventura conjiciat, & ex signis non adeo fidis colligat futura: hinc certam in omnibus subjectis & casibus instituere prognosin vix possibile videtur, neque aliquem ita feliciter præsagientem vidi, ait *Caldera de Heredia, quem sæpius non falleret docta præsagiendi solertia.* Cujus quidem difficultatis & tantum non impossibilitatis ratio generalis sita est in morbo hujusque adjunctis,

Hujus difficultatis ratio,

ut

ut mox declarabo, maxime latentibus ac obscuris, viriumque difficiliore commensuratione. Et primo quidem nonnullorum morborum signa pleraque natura sua adeo abstrusa & abdita sunt, horum etiam quidam aliquando ratione eventus tantum involvunt fortuiti, ut nulla exerant signa, quibus prænosci possint. Semiologia enim, adeoque prænotio etiam, ejus pars, per evidentiora & in sensus plus minus incurrentia ad ignoti seu latentis magis cognitionem deducit, seu iis, tanquam verosimilibus, in prædicendo utitur conjecturis, i. e. non eousque infallibilibus, quin res aliter & præter opinionem evenire queat: qualia proin adminicula seu manifestativa si nobis deficiunt, & cuncta morbum spectantia sensus nostros fugiunt, quid abscondi, si animus in præfagiendo hæreat aut fallatur. Quam frequentissime contingit, nonnullos mori antequam ægrotent? i. e. morbo sensibili & evidente corripiantur, quorum obitus citius stupemus, quam ejusmodi eventum tristem ominari valeamus: pereunt nihilominus nec hi sine morbo, longius aut proxime præcedaneo; quem interdum in eorum cadaveribus cernere, aliquando nec in his ullam ejus notam observare, datur. Quot discedunt apoplectici, strangulati ac syncoptici ex polypo, collectione aquarum, apostematis latentis ruptura, similive anomalia omnimode ignota? obeunt alii ex subitanea spirituum conturbatione, circulatione sanguinis impedita, seu ab aliquo incongruo in fluidis nostris intrinsecis genito, quod venenum pronunciare volupe sit, & de quali ex effectu tantum funesto, antequam dignoscatur, constat. V.g. expectatione, frequentiores sunt non modo febres tertianæ intermittentes, omnis periculi expertes, quas nihilominus inopinato duplicari & in continuas abire ac enecare, mecum alii norunt: sed tales quoque, quæ sub indole tertianæ genuinæ & in hujus accessu eandem tragœdiam agunt. Qualis generis, imo atrocioris, videtur extitisse illam tertianam, cujus *Caldera de Hered. lib. 1. c. 1* mentionem facit, veram simplicem & levem in Matrona quadam *Salmantica*, quæ in apyrexia statu & cum mixturam ex Sirupo Endiviæ ac Aqua Scorzonæræ assumeret, subito & præsentibus adhuc medicis animam exhalabat.

Ob signorum defectum.

Febres aliquando intermittentes præter opinionem enecant.

Porro quædam febrium adeo fraudulentæ existunt, ut sub ancipiti earum alea nullam in artis principiis prædicendi experiamur

Malignæ
febres sunt
fraudentes.

fecuritatem, sed levi occasione prælagium irritum reddatur, fallaturque crebrior quoque experientia: quale quid agnoscens *Hippocrates* acutarum prædictiones incertas pronunciat. Quemadmodum has nunquam infallibiles deprehendimus in malignis, ubi quosdam evadere, quosdam mori, sub iisdem fere symptomatis atque phœnomenis utrisque promiscuis, vomitibus, dejectionibus, hæmorrhagiis, sudoribus, maculis & exantematis: quatenus hæ excretiones haud penes omnes decumbentes eam eandemque causam agnoscunt, i. e. modo critica, modo symptomatica, & illæ modo salutes, modo periculosæ, sunt. Quales tamen sub confusione ejusmodi discernere viresque simul fideli & æqua lance librare, res ut plurimum in praxi difficillima est, dum quosdam in constitutione maligna ex improviso plane obire, pulsu & urina a statu naturali haud recedentibus, mente valida cæterisque functionibus satis adhuc integris cernimus. Ducimur siquidem per verosimiles conjecturas & per causas, quæ effectus innuunt, quibus deficientibus dubius manet animus, & ab humano judicio talia prævideri nequeunt.

Malignitas
non semper
mox in
principio
discernitur.
Prognosis
aliquando
fallit
super-
veniens
symptoma.
Aliquando
causa
latens.

Neque tamen malignitatem morbi semper tempestive satis perspicimus, seducti hujus forsan apparente benignitate & blanditiis per symptomata leniora & pauciora; ideo ut fraudulentia ejus ex vehementia symptomatum, tardius justo ut plurimum, compareat, & in minus sperata discrimina incidat æger. Aut etiam morbus non malignus fallendi occasionem nanciscitur, ut medicus salutem polliceatur, dum graviore superveniente symptomate, cujus principium & causam ille ignorat vel minus attendit, nihilominus ægrotus perit. Quamvis hujus fallacitatis causa modo in Medicum redundet, qui in sciscitando negligens; modo in ægrum huicque familiares, si in explicanda totius corporis habitudine fuerint morosiores, timidiores &c. Invadit quendam v. g. nausea cum vomitibus, ex crapula, qualia symptomata minus periculosa assereret medicus prudens quilibet, illud tantum, quod in præsens elucet, non, quod imminet, animadvertens, & nescius v. g. herniæ, quæ, occasione illorum conatum vomendi, motum intestinorum peristalticum brevi ad desperationem usque invertere poterat. Simili modo res se habet, si cephalalgia vel simili capitis affectui habituali, ex hac vel illa proca-

tarxi,

tarxi, obnoxius febre corripiatur continua, miti fatis & non adeo vehementibus symptomatis stipata: promittit ægroto qualibet fausta medicus, quem latet illa capitis infirmitas habitualis, qualis nihilominus a febre actuatâ, in vigilias, hinc delirium & convulsiones lethales conjicit.

Simili prædictionis difficultati involvitur ruptura abscessus in ^{V g. abscessu viscerum.} pectore, mesenterio, epate, sensim formati & paulatim maturati; quatenus ruptionis tempus non potest determinari in iis, qui per congestionem cumulantur: quoniam nec eadem semper quantitate sanies ejus, tanquam causa conjuncta, colligitur, neque par semper partium solidarum huic congestionem resistentia, nec caloris maturantis æqualis semper vigor; postquam insuper varia externa eandem rupturam procrastinare & accelerare valent, illud quidem frigus externum, hoc tussis, casus similiaque. Neque modum ruptionis, hinc periculi rationem, æque semper præfagire possumus, v. g. vomica pulmonum, an futura sit ad cavitatem thoracis, an ad tracheam, & ad hanc quo impetu: epatis & mesenterii, an ad ventriculum & intestina, an abdominis cavum, sub qua circumstantiarum diversitate plus minus periculosa rupturæ tales pronunciari poterant.

Insuper difficultatem prædicendi morborum eventus singula- ^{Prognosticum turbat etiam coeli constitutio epidemica.} rem aliquando præstat constitutio cœli epidemica, quam antequam cognoscat medicus, eum in hoc negotio falli & fallere non infrequens est, vitio tamen verti haud debet. Frequentius hoc observamus in Variolis & Morbillis, aliquando utrisque fatis benignis ac sub mediocri tantum regimine salutaribus, dum alio tempore sub exactiore etiam diætâ & cura pereunt plerique; hinc in præfagiendo non potest non error facile admitti. Simile quid experiuntur gravida cum puerperis, quibus unum tempus altero propitius existit: dum earum pleræque aliquando facile pariunt & feliciter transigunt puerperium; multæ contra insequente mense aut difficilius pariunt, aut, quæ etiam levissimis enixæ fuerunt symptomatis, lochiis probe fluentibus, & cum optime degere videntur, inopinato & brevi a partu expirant, aliæ harum post febrem demum mitiorem gravio-remque idem fatum experiuntur & fatis cedunt.

Quinimo locorum etiam constitutio endemica seu vernacula nonnullos morbos plus minus pertinaces ac periculosiores reddit, dum v. g. vulneribus capitis atmosphæram sub Linea Æquinoctiali difficilem testatur *Paw in Hipp. de vuln. cap.* qualia in Germania minus periculosa, ac in Hispania & Italia perhibet *Sebizius exam. vuln. prodr. part. 3.* perinde ac *Paræus lib. 10. c. 8.* cum *Guidone de Cauliaco* capitis plagas Parisiensibus præ Avenionensibus difficilioris curationis perhibet: Cælum fervidius gravius contingit variolosis, sub hoc febres frequentius critice solvuntur, penes nos ac in regionibus magis Borealibus rarius. In locis paludosis, undosis & marinis degeneres scorbutici vix sanantur, sed frequentius sub gravioribus symptomatis pereunt. Frequentiores & contumaciores eveniunt febres illis, qui aura ejusmodi crassiore fruuntur; minus, qui serena ac sicciore. Sc. juxta *Tessalum in orat. ad Atheniens.* non omnes loci eadem auxilia ferunt, eo quod non omnis ambiens nos aër similis est.

Urinarum
inspectio
fallax.

Et plures forsân occasionones extant & extare poterunt, quæ nobis præfagientibus imponant, nolo tamen, nec potero in iis recensendis me prolixiorē exhibere, postquam adhuc fallacias, quas uroscopia & pulsus exploratio nobis insinuant, paucis innuere mens est. De urinarum equidem inspectione communis fert traditio, inter omnes illas res, quæ medicis signorum fontes præstant, vix ullam hac certius præsentia & futura in infirmis declarare: de qualibus nihilominus auguriis hinc inde legimus dubitare autores minus credulos ac superstitiosos, jubet dubitare quotidiana praxis. Quantum uroscopia fallat, infinitis experimentis comprobari posset, nisi *Forestus* præ cæteris horum plura in libris ingentis eruditionis tribus, quos *de incerto ac fallaci urinarum judicio* conscripsit, commemorasset: inprimis in posteriore, si recte memini, plus ut plurimum incertitudinis ac imposturæ, quam fidei ac veritatis, uroscopiæ subesse, seu ex inspectione urinarum solitaria nihil, aliis phænomenis & signis combinata parum, certi concludi posse, i. e. argumenta aliquando probabilia, rarissime demonstrativa, uno verbo, mæras conjecturas, eam suggerere, declarasset. Adeoque nunquam in tantum præjudicii me abripere potuit vel sordidior avaritia, vel callidior impudentia, quam alii jactant, ut denarios binos vel trinos per uroman-

uromantiam ex plebe simplici extorserim, vel huic morbi indolem, occasiorem, causam, eventum similiaque stolidi postulata me ex urina pronunciaturum assimularim, seu astuta mendacia, quod medici ingenui haud est, profeminariū. Postquam attendi, ante omnia nosci oportere exacte naturalem cuiusvis, quod tractamus, subjecti urinæ habitudinem, antequam adæquata, quæ præternaturalis eidem sit, feratur sententia.

Differunt
urinarum
conditio-
nes, pro
subjecto-
rum diver-
sitate.

Cum non singulorum corporum lotia iisdem affectionibus gaudere queant, ob dissimilem eorum temperaturam ac diætā, quibus urinæ etiam naturales dissimiles redduntur; quales circumstantias harumque minima vix ulli medicorum scire datur. Accedit, quod earum conditiones diversæ, sive in his combinatæ, sive (multo frequentius) separatæ, pluribus morbis, si non contrariis, certe disparibus, eorumque causis sint communes, urinamque v. g. crassam & intensius tinctam excernat febricitans æque ac scorbuticus, asciticus &c. palleat & tantum non omni colore destituatur lotium in calculosis, hypochondriacis, verminosis, ventriculi indigestione laborantibus &c. Eadem tenuis acutæ febri expositis delirium & funus præfigit, nominatis ægris nihil periculi aut portentosi minatur. Variat urina in febribus non semper secundum harum generum & causæ rationem, sed aliquando secundum renum quoque habitudinem diversam & plus minus p. n.: quemadmodum ex hoc fundamento urinam sine omni semper contento, quamvis coloris & consistentiæ laudabilis, in tertiana se vidisse perhibet *Riverius* 1. obs. 22.

In urina
observan-
tur phœ-
nomena
diversis
morbis
commu-
nia.

Fallacem porro quam maxime præstat eadem Uromantia prognosin in salute & exitio infirmorum prædicendo, v. g. in peste non tantum & pestilentialibus febribus, sed aliis quoque plus minus malignis, imo intermittentibus, item in pleuritide, angina similibusque inflammationibus internis, quarum urinis non raro signum salubre ægro lethale observatur, ac unum idemque lotium salutem ac mortem, seu hanc sub illius fūco, innuit: quemadmodum hydropicos non raro ac pulmoniacos cum urina satis laudabili suffocari, experimur. Quod quidem non adeo obstupescere debemus, quod nec ipsis coctionis signis, quæ in urina concipimus, quærimus & conspi-

Fallax
hinc petita
prognosis.

Fallunt si-
quidem
signa co-
ctionis.

cinus, adeo prompte fidendum esse, frequentius & præter expectationem edoccamur, idemque fateatur *Camerarius*, Medicus sui temporis peritissimus ac sagacissimus, *memorabil. medic. cent. 18. c. 82* his verbis: *Respondeo*, (ad præcedanea & ab eo recensita argumenta.) *Galenum & Hippocratem* *ἐν τῇ οὐρίᾳ* ex urinis sumendam esse, non absque prodidisse, ut quæ medici manum ad diætā & curationem quasi manu dirigant. Attamen cum illis consistentia, quantitate, qualitate & contentis laudabilibus conspectis non raro interire hominem doceat experientia, non est, quod ipsis integram redeuntis & imminentis valetudinis fidem adhibeamus. Hujus rei veritas in felicitis memorie Barone Durlaci nuper egre laborante, nunc in cælis suaviter quiescente, presente & præside Ludovico Schmid &c. comprobata est. Ager ille cum quinto, sexto & septimo die urinas omnino laudabiles emisisset, octavo cum istis coctionis signis, præter spem celeriter defunctus est. Quæ ac hujus generis alia momenta Collegio Medico Londinensium quondam occasione extiterunt, medicis illius civitatis interdicens, ne ex urinarum nuda sive solitaria inspectione, i. e. non nisi coram ægro, pronuncient, consiliumve ac remedia impertiant.

Etiā judicium ex pulsu fallit.

Pulsus inter actiones vitales, quarum ductu vires ægrorum exploramus, maximaratio haberi solet, adeo quidem, ut nonnullus olim cecinerit:

Urina fraudes aperit discretio pulsus.

Pulsus etiam naturalis variat pro individuorum diversitate.

qualem nihilominus valetudinis hujusque conditionis & circumstantiarum i. e. de quantitate qualitateve sanguinis & cordis impetu seu viribus, haud semper testem omni fide majorem esse, per rationem, atque experientiam pariter edocemur. Quatenus primo haud improbabile & frequentiori observationi conforme est, pulsum naturalem unius individui alienum seu diversum plane a pulsu alterius, quoad diversas conditiones, existere, seu in statu etiam naturali, pro subjectorum disparitate variare, corde modo potentius, modo remissius, modo frequentius, modo rarius, sive per causas naturales, v. g. ætatem, sexum ac singularem idiocrasiam conformationemve, sive non naturales, v. g. tempus a pastu diversum, animi commotiones, vibrante, aut ejus impetu ad locum, ubi pulsus contrectari solet, impedito. Conformationis extraordinariæ arteriæ carpi, in qua pulsum

pulsus omnium frequentissime exploramus, per quam in iudicio ex hoc formando aliquando fallimur, observationes hinc inde petere licet: quibus aut arteriam illam tendinibus profundius immergi, aut tractu consueto derelicto ad locum minus consuetum deflectere, hincque pulsus evidenter immutari elucescet; & unde, de pulsus discrimine conjecturas congruas formari haud posse, quam de lusu ejusmodi individuali naturæ constiterit, persuademur.

Ita *Tulpius* 3. *obs.* 45 de quadam Maria Godofreda refert, eam in manus suæ carpo tam exilem seu gracilem habuisse arteriæ ramulum, ut ejus motum deprehendere vix licuerit, collocasse vero naturam Polydedalam in ejusdem manus dorso, inter pollicem ac indicem, arteriam, quæ alias per interiora carpi fertur. Addit nominatus Scriptor, similem arteriæ distributionem in aliis quoque subjectis se observasse, & quidem evidentissime in Senatore quodam Amstelodamensi, quem hujus diramationis ergo aliquando celebris Medicus falso judicavit peste infectum: Quale quid *Eruditissimum Pechlinum* quoque *lib.* 2. *obs.* 5 annotasse recordor, ubi, quibus nullo apparente in utroque carpo pulsu, medio itinere inter pollicem atque indicem, qui est venæ cephalicæ manus seu subtilioris locus, non digitorum tantum tactui, sed oculis quoque videnda, emicuerit pulsans arteria, refert: Cui quid par in Viro hujus civitatis Spectatissimo & Meritissimo, nunc cordatioribus cunctis Desideratissimo, memini, sub hac tamen disparitate, ut arteria micans non interstitium dictorum digitorum, sed ipsius pollicis dorsum, perreptarit. Analogam his naturæ *παρέρχασιν* testatur *Bonetus Mercur. Compital. lib.* 20. §. 53 in ecclesiæ quodam Pastore, cujus pulsus exploraturus cum manum carpo ad moveret, motum nullum se deprehendisse, sitam autem arteriam in cubitus flexu pulsus micantem ac validum ejus loci indicasse. Et singularia sunt, quæ idem *Pechlinus* l. a. annotavit, de quibusdam, qui uno brachio ac carpo vulnerati gravem hujus hæmorrhagiam passi fuerint, pulsus arteriæ postmodum illa parte languidiorem multo, quam in altera, ostenderint: ac de foemina quadam, tertiana cum frequentioribus lipothymiis laborante, pulsu adhuc unius carpi exili & velut oppresso, in altero vero plane indeprehenso; quod pulsus deliquium post partum operosissimum evenerit, nec dum post sedecim annos redierit.

Pulsus mutatur aliquando a supervenientibus seu combinationis morbo.

Neque improbabile est, grumum sanguinis in arteria vel simile quid pulsum cordis eousque conturbare aut immutare posse, ut non, nisi refractus, ad arteriam contrectandam feratur, hancque feriat, adeoque unius lateris pulsus alterius vibrationi minus respondeat. Cui conjecturæ occasionem præbet *Panarol. Pentec. 1. obs. 32*, ubi refert, in juvene, levi capitis dolore correpto, pulsum dextræ manus se recte habuisse, sinistræ vero inordinatum maxime extitisse: se tamen mox cogitasse, angustiam quandam p. n. circa arteriam axillarem, esse, & ab hac, non a corde, pulsum hujus rami immutari. Quod confirmavit eventus, sequente nimirum die apparente in glandula subaxillari sinistra apostemate & pulsu hujus lateris ad naturalem statum, dextro pulsui conformem, redeunte. Cui adstipulari videtur, quod *Bartholin. Actor. Hafn. part. 1. obs. 78* consignavit de pulsu dextræ manus pariter integro, sinistræ valde conturbato, ex vomica nimirum pulmonis sinistri, rupturam minitante ac tandem rupta.

Pulsus aliquando intermittens, quamvis cor perpetuo vibret.

De cætero quamvis pulsum arteriarum radicaliter seu originaliter a cordis systole dependere, penes omnes in confesso sit, eo ipso tamen, dum eum aliquando intermittentem observamus, quando in pectore celerrime, v. g. in sui tremore, vibrare sentitur cor, quod urgente hoc symptomate perexigua tantum sanguinis portio quavis cordis contractione in arteriam pellatur, adeoque hanc minus potenter feriat seu distendat; nec creber ac magnus aut quivis p. n. a sanguinis conditionibus inhærentibus semper, sed interdum a cordis quoque extraordinaria irritatione, & extra figuram ac situm naturalem a quacunque causa convulsis arteriis, exoritur, v. g. in pathematibus animi, febribus malignis & affectibus extreme dolorificis; plethora etiam ac turgescencia sanguinis p. n. vires non tam dissolvit, quam opprimat: pulsui nec laudabili fides semper habenda, nec debilis, inordinatus, inæqualis &c. ad intermittentem usque metendus, quale quid *Hollerius de morb. intern. c. de dolore colico* in doloribus magnis testatur, & confirmat *Bartholin. cent. 5. hist. 37* exemplo doloris nephritici vehementioris. Ipsemetque cum hæc scriberem in Viro hujus civitatis primicerio observavi, qui sub atrocissima cephalalgia aliquot dierum periodica pulsum maxime debilem & non raro evidenter intermittentem ostendebat, paulo post paroxysmum pleniore

Frequentior & major aliquando a sola cordis irritatione p. n. Hinc pulsus non semper fides habenda.

plenior ac maxime ordinato gaudens. Et per consequens nihil forsan certi undique ex solo pulsu vel dignosci, vel prædici, valet, in hoc vel illo subiecto, antequam de hujus natura, i. e. pulsus habitudine naturali, constiterit: quale quid sane difficillimum videtur, cum medicus ignotorum non minus, ac notorum, curam gerere teneatur, nec ab ægris ejusmodi magnitudinem, frequentiam, æqualitatem, ordinem ac rhythmum pulsus naturalem unquam forsan resciscere dabitur. In scenam mihi denuo liceat producere Virum illum Beatum, de Publico Meritissimum, quem modo nominavi, cuius viribus integris & robustis satis pulsus in statu sanitatis optimo, debilis non tantum valde, sed evidenter quoque intermittens, frequentius ac ut plurimum deprehendebatur, ut nimirum post duas, vel ad summum tres arteriæ micationses deficere videretur, adeoque a festinante & incautiore exploratore morti proximus pronunciaretur: sicut alios recorder, pulsus semper frequentioris, & quales perpetuo febricitare judicaret imperitior; hoc tamen ac illud à singulari cordis & arteriæ habitudine seu conformatione factum auguror.

Pulsus debilis & intermittens in statu naturali.

Demum ipsa eademque experientia multijuga edocemur, sub pulsu interdum satis valido, æquali &c. nonnullos perire, sub debili valde, etiam intermittente, alios reconvalescere: hinc denuo inferre jubemur, signa ex pulsu petita in viribus ægri dijudicandis maxime fallere, v. g. non minus in uteri suffocatione & lipothymia a causa externa, quam in febribus, quibus lethaliter nonnullos decubuisse novimus, in quorum pulsu nullam sensibilem mutationem nec practicus sagacissimus judicasset.

Pereunt quidam sub pulsu optimo.

Cum proin ex his satis superque constare credam, quantum imponent signa, quibus in prædicendo utimur & uti jubemur, prudentia non exigua opus erit, in prognosi pariter instituenda, ac edisserenda, commendata maxime ab Hippocrate 2. prædict. 3 his verbis: *Consulo autem, ut quam prudentissime agant, tum in reliqua arte, tum hujusmodi prædictionibus, illius probe memores, quod, si cui successerit prædictio, is apud ægrotum intelligentia præditum in admiratione fuerit. Si vero quis aberrarit supra hoc, quod odio habetur insanire videbitur. Quapropter jubeo, ut tum alias omnes, tum has prædictiones, prudenter faciant, quanquam sane & audiam, & videam, neque judi-*

Prudenter prædicendum.

care recte homines eas, quæ dicuntur ac fiunt in arte, neque narrare. Signorum siquidem illorum pleraque cum probabilitate tantum aliqua gaudeant, aut a levissima & vix observabili nonnunquam circumstantia mutantur: non temere, sed dubitanter ut plurimum, præsertim in acutis, quorum prædictiones non omnino securas idem Hippocrates 2. aph. 19 pronunciat, aut nobiliora membra occupantibus, procedendum, ne falso augurio ludibrio se exponat medicus.

Frutex Peruvianæ
vitæ & mortis
præfagiens.

Mentionem faciunt *Monardus simpl. medic. hist. c. 74. & Joh. Euf. Nierembergius Hist. natur. lib. 14. c. 32* fruticis cujusdam Peruviani, quem *Theomatl*, vitæ & mortis indicem, ajunt, cujus rami seu furculum manu sinistra si comprehendat & aliquandiu compressam teneat æger, mox constare, an superstes futurus, an moriturus, sit ille: illud si, quamdiu plantam manu comprehendit, alacrem & lætum, hoc, si mœstum & anxium, se gerat. Hujus succum quoque expressum ac decumbenti propinatum, si ab hoc revomatur, mortem, si retineatur, salutem ei præfagire, *Nierembergius* adjicit. An vegetabile hoc idem sit cum eo, quod *Monconys des Voyages part. 1. p. 29* Arabamba vocat, quodque noctilucum vitam ac mortem ægro-
tantibus innuere scribit, asserere mihi haud præsumo. Hac interim divinatrice planta (si modo talis existat) destitutis attentione ac prudentia in præfagiendo majore opus erit, quam fingere mihi licebit bimembrem: unam in prænoscendo, seu in signis & circumstantiis, ex quibus aliquid de eventu morbi conjicere licet, scrutandis ac erudendis; alteram in prædictione ipsa, seu sperandis & metuendis ægro exponendis ac declarandis.

Prudentia
in præfagiendo
duplex requiritur.

Quantum
valeat uromantia?

Prioris generis circumspeditionem præcepta medica docent; tantum ratione uromantiæ hic monendum, me quidem hujus consuetudinem haud omnimode damnare & nullius plane usus eam declarare, quatenus de massæ sanguineæ textura, organorum primæ & secundæ digestionis vacantium ac urinaryarum viarum constitutione lotii phænomena testantur, in febribus præ aliis signis plus certitudinis præstant: ita tamen, ut plerumque non tam ipsos morbos, sive chronicos sive acutos, quam mutationes horum innuant, i. e. ex urina materiæ morbificæ cruditatem & coctionem, morbi augmentum & decrementum, ac per consequens frequentius salutem & mortem

tem hinc ominari liceat. Hoc tamen mecum desiderant cordatio-
 res Medici, ut emendaretur ille pravus mos, quod, nisi avaritia for-
 didior, penes nonnullos egestas & complacendi ac per vanam plebis
 opinionem inclarescendi studium medicos in partes diversas distra-
 heret, non ita difficile, multo minus impossibile, foret : quo ex alla-
 to lotio solo, neglectis symptomatis aliisque signis, nec ægro viso,
 nec per relationem necessariam de ejus statu sufficienter informati,
 de morbi natura, causa, eventu &c. judicium temerarium ferunt, &
 secundum illam inspectionem solam remedia præscribuntur ac com-
 mendantur ; sed cæteris demum circumstantiis simul consideratis tale
 quid fiat, imperitiores interim de insufficientia & fallacia uromantiæ
 rectius instruerentur. Ipsam vero hujus administrationem con-
 gruam quod spectat, Primo non quamvis urinam, aliunde allatam,
 pro judicio, sive diagnostico, sive prognostico formando, facile ad-
 mittat, seu huic fidat, medicus, cum multis technis sub hujus obla-
 tione circumvenire satagat non tantum plebs petulantior, urinam
 mittens ac afferens, sed medici quoque, ejusmodi emissarios eum in
 finem ablegantes, ut alios probos & non raro eruditiores decipiant ac
 deceptos penes vulgum irrideant. Nec vel ideo lotium cujusvis ignoti
 facile lustrandum hincq; judicandum, quod hoc non, nisi comparata
 urina præternaturali ad naturalem, fieri queat, & per consequens nos-
 se oporteat, quæ sit facies naturalis lotii illius subjecti, cujus urina a sta-
 tu naturali recedens porrigitur : cum, ut superius monui, cunctorum
 hominum urinæ non iisdem affectionibus semper præditæ cernantur.

Non ex so-
lo lotio
præfagi-
dum.

Cautela in
uroman-
tia obser-
vandæ.
Non judi-
cet de uri-
na ab
ignotis al-
lata.

Deinde notandum, illam potissimum urinam huic contempla-
 tioni inservire, quæ *primo* post digestionem primam absolutam, ma-
 tutinis aut vespertinis horis & post somnum emicta : *secundo* quam
 ab assumptis, matula ac atmosphæra nullam alterationem suscepisse,
 novimus. De assumptis, qualia & quomodo urinam alterent, su-
 perius dictum, ratione vasorum excipientium duntaxat notetur, in
 his, præter munditiem hoc inprimis desiderari, ne ænea, ferrea simi-
 lisve materiæ, a quibus urina heterogeneitates imbibere, hinc quoad
 consistentiam, colorem &c. alterari queat, adhibeantur : cujus cau-
 telæ olim in praxi tyro aliquando admonitus fui, cum foeminæ febre
 maligna graviter decumbenti mederer, & urinam quodam mane in
 vitro

De urina
post dige-
stionem,
excreta.
Nec ab as-
sumptis
vel vasis
mutata.

vitro urinali inspiciens hanc non leviter viridescentem cum stupore cernerem, eamque hinc pravissimæ texturæ & augurii pessimi crederem, utut cætera signa non omnem protinus spem abjicere juberent. Anceps eousque de hoc phænomeno manebam, donec altera die lotium offerebant in pelvi ænea exceptum, quale quid pristino die

Non ab ære mutata. quoque factum, inquirendo intelligebam. Pariter dum urinam ab ære frigidiore incrassari & conturbari, a calidiore v. g. fornacis, attenuari, innotescit, adeo ut a frigidiore turbatam, admoto levi calore, ad tenuitatem atque pelluciditatem pristinam prompte reducere liceat: ad circumstantiam hanc, antequam urinam contemplemur, respiciendum erit. *Tertio* huic negotio commodior erit non, adeo recens excreta, utpote quæ præter colorem vix aliud quid, nec hunc quidem satis accurate, monstrat, sed quæ per aliquod temporis spatium quievit, quo contenta separabilia loca sua naturalia occupare queant: seu quousque cessat motus ejus particularum a sanguinis impetu impressus, & tendentia magis propria illæ locum liquorosæ seu aqueæ substantiæ lotii pro diversitate gravitatum suarum diversum, assecutæ fuerunt; quod quidem non in omnibus urinis eodem intervallo seu sub eadem quietis mora contingere, verosimile est.

Nec vetus. Neque tamen hæc nimis longa sit, seu non diutius justo asservetur urina contemplanda, ne per putredinem supervenientem textura ejus naturalis immutetur & sic denuo fallat ejusdem inspectio; cujus erroris declinandi causa juvabit, hujus tempus sive horam, qua illa fuerit excreta, ab ægro seu adstantibus rogare.

Pulsus habetudo conferatur cum cæteris circumstantiis. Porro quoad pulsus explorationem, hæc cum attentione singulari ac sollicita quadam deliberatione adornetur, indagetque per hanc medicus, num vitale robur cum cæteris, quæ apparent aut narrantur, consentiat; probe pensitatis cunctis pulsuum differentiis. Non enim manum tantum carpo admovere & arteriam contingere sufficit, quale quid in non uno observavi, qui toto fere assensionis tempore manum agri comprehensam tenent, quasi de explorando pulsu valde solliciti; mente a negotio hoc alienissimi, neque ad pulsuum

Exploretur pulsus, ubi a corporis & animi conditiones discernendas idonei. Quod nihilominus ut dextre fiat, instituenda est hæc indago ægro ab omni corporis & animi motu libero, ne, quæ ab hoc evenit pulsus alteratio, morbo adscribatur, & medico

medico imponat. Proin, si v. g. forsan modo in lectum se contule-
rit, aut corpus alias evidenter moverit, æger, quiescat ab hoc aliquan-
tulum, donec medicus manum admoveat : nec subintrans cubicu-
lum mox hoc agat, cum non raro ægrotantes, foeminas inprimis ac
juvenculas, ab ipsomet, primo maxime, aut quovis improviso, acces-
su medici mente plus minus commoveri, constet. Manus quoque,
quam hic apprehendit, situm habeat medium & æqualem, adeoque
nec prorum, nec supinum, omni modo ; neque sit extensa nimis, nec
contracta ; nec viribus ægri attollatur, sed quiescat : ne nimirum,
per musculorum contractiones incongruas impulsus sanguinis per
arterias conturbetur atque alteretur. Nec contrectet medicus pul-
sum statim, ac intravit, ne manus ejusdem frigidior aut hujus micatio-
nem mutet aut corpus periculose per frigus alteret. Exploret eun-
dem non unius tantum lateris, sed utriusque, & aliquando extra car-
pum, v. g. inter pollicem, aut alterutro temporum : cujus moniti-
rationem in superioribus, ubi de fallacia pulsus agebatur, reddidi.
Cætera hujus generis in vulgus innotescunt.

Sub con-
gruo ma-
nus situ.

Non statim
ab introi-
tu.

Non in
uno tan-
tum loco.

Ast secundo in prædictione ipsamet singulari insuper circum-
spectione opus est, & taceant hic ante omnia monente *Botallo*, Astro-
logi, Geomantæ, Hydromantæ, Auspices, Aruspices & cæteri
cuncti, qui non ad morbos, symptomata & vires, sed ad astra, vel
puncta, vel aquas, vel aves, vel circulorum motus, vel figuras, vel alia
hujus generis ludibria mentem dirigunt : quatenus a morbi specie,
more, magnitudine, motu &c. & aliis phænomenis corpori inhæren-
tibus, accuratius observatis & prudenter applicatis, genuina demum
morborum prognosis elicitur, deficit, ubi recensita perfunctorie no-
tantur. Quibus proin ignotis nec prædicere audeat medicus ulla in
re, sed omnia quocunque tempore incerta ac dubia teneat : certo
persuassus, si quicquam sine his pronunciet, cui experientia respon-
deat, se æque veritatem attingere, ac qui citra artem aleam jactat, si
ipsi obtigerit, quod optat.

Prognosis
genuina
non ex a-
stris &c.

sed ab ipso
morbo &
hujus cir-
cumstan-
tiis, peten-
da.

In genere vero Medicus in prognostico edisserendo, nisi cer-
tissima & omnino infallibilia indicia suppetant (in salute & morte
inprimis decernenda) haud præceps, sed ambiguus ac in promissio-
nibus moderatus sit. Communiter equidem traditur, & a lucri cu-

Non nisi ex
certis si-
gnis vita &
mors præ-
sagienda.

pidis

Non con-
veniat pe-
jora sem-
per prædi-
cere.

pidis fieri novi, in prædicendo tutius esse pro ægro & medico, pejora potius, quam meliora, ominari : illum enim hoc modo obsequio-
sum magis reddi, & majore cura ab adstantibus tractari, in hunc vero plus honoris ac commodi ex illius reconvalescentia, minus opprobrii ex malo eventu, prævisio & prædicto, redundare. At, advertente eodem *Botallo*, profecto sanitas nullam medico fert laudem, si prænunciata morte eveniat, vel si diuturniorem asseveraverit morbum, qui brevi terminatur : neque vani lucri & sacrae auri famis aut popularis auræ captandæ gratia res dubia asserenda. Obsequiosos vero ægrum & adstantes præstamus admonitionibus severioribus & periculo, quod ex neglecta diæta & remediorum apparatu metuentum. Hinc sequi potius conducet consilium aliorum, qui sub periculo modeste explicato sanitatis semper aliquam spem faciunt, seu statum ægri etiam deploratum ipsi haud mox exponunt. Si enim prognostico, ut ajunt, relictus & morti quasi adjudicatus postmodum, ut non raro evenit, casu vel natura restituatur, magnam medicus incurrit debilitatem, vel quasi in præfagio errarit, vel quod de peritia propria & artis potentia dubitarit ; contra si sanitatis aliquam spem concesserit, & mors sequatur, ignominia tanta non est : quod multi contingere queant errores, aut supervenire alius morbus cum novis symptomatis, qui spem fallat ; & facilior sit a sanitate ad mortem commutatio, quam a morte ad salutem. Ac hujus loci forsan, nisi plus divini, videtur, quod penes *Franc. Bosellum, amalth. med. polit. appar. 3. c. 24* de quodam medico Judæo legitur, hunc nempe *Divo Basilio Magno*, gravissime ægrotanti, die quodam mortem prædixisse, cui *Basilius*, divino spiritu afflatus, quid, si alterum diem supervixero ? se tunc Christianum fore, si id contigisset, ille respondit : hinc *Basilium*, salutis illius Hebræi cupidum, orando a Deo impetrasse, vitæ suæ prolongationem, maneque sospitem ac sanum de lectulo confurgentem ad Ecclesiam venisse & Judæum baptizasse.

Sanitatem
certo non
pollicea-
tur.

Sanitatem tamen certam & vitæ prorogationem nunquam promittat medicus apodictice, cum solius Dei sit salus nostra & longitudo dierum nostrorum : adeo ut *Hippocratem* gentilem quoque scripsisse legamus, *de dec. orn. t. 6. Medici Deis concedant, non enim est potentia in ipsa redundans* : ac si sanus & robustus non certus est de

craftina

craftina die, tanto minus infirmus. Hincque illorum detestanda est temeritas, aut mavis impietas, qui juramentis quoque sanitatem pollicentur, & reconvalescentiæ diem ac horam determinare impressionibus aliquando horrendis audent: non excipientes aut supponentes causas adjuvantes, vel præpedientis, v.g. ægri obsequium & decentem remediorum applicationem: aut, si forsan per prudentiam humanam in promissione sanitatis & prognostico suo causas dictas naturales excipiant, stulte tamen & absurdissime excipere negligant causam omnium supremam, divinam sc. voluntatem & benedictionem; quemadmodum pariter ineptissimum est, in prædicendo non excipere casus inopinos ac fortuitos, quales sicut sanis accidere possunt in valetudinis detrimentum, ita multo magis ægrotis impendent, horumque salutem non infrequenter interpellare solent.

*Temeritas
nonnullorum in sa-
lute præ-
mittenda.*

Quod si tamen certius ægrum moriturum medicus præsenferit, expedire videtur, & viri boni muneris erit, illum de morte metuenda commonefacere & periculum tempestive satis exponere, ut suis animæ & fortunæ, suorumque rebus, item publicæ saluti, si huic forsan obstrictus, prospicere queat. Equidem *C. Celsus 3. cap. 5* convenire, scribit, ægros omnes securos agere, ut corpore tantum, non animo, laborent; ac si aliqua fuerint, quæ eorum animos exasperare queant, ea, dum ægrotant, eorum notitiæ subtrahere: quemadmodum in sequente mox capite pergit; *Et si quis ejus metus est, eum probabiliter sermone lenire.* Quemadmodum *Plato* pariter *3. de republ.* ideo medicis solis mendacium concedendum esse, ait, ut ægrotantium animos solentur, & sanitatem, etiam in ipso mortis agone, promittant, ne animum despondeant: & post hunc *Rhasis 6. aph. 17* scribit, *Medicos ægros consolari debere, et si signa mortis perpendant &c.* Una cum *Valerioli*, qui *6. enarr. 6.* prudentis medici ait, quæ ægro metum allatura putarit, simulatione tegere, si lethalia signa, si decretoria mala, si infelicem morbi exitum prospexerit, ea non prodere, ab his enim, si perspecta ægro sint, cognita difficilem tolerantiam, diffidentiam, desperationemq. sequi solere. Allegans pro sua sententia *Damascenum*, qui in diversis aphorismorum suorum locis medicum monet, ne in desperationem, ægrum agat, his verbis: *Oportet te ægro salutem promittere semper,*

*Mors certa
prædicenda.*

*Disuadent
hoc non-
nulli.*

nec unquam a spe illum deponere, etsi ipse desperes: complexio enim corporis affectibus animi semper coheret. Quemadmodum alios quoque medicos, quos brevitatis causa recensere nolo, magnopere cavere observamus, ægro nunquam mortem, utpote omnium terribilium terribilissimum, sed salutem semper, ut promittant: quod animi repentinos & vehementiores affectus, terrorem inprimis, diffidentiam ac desperationem, sicut in sanis, ita in summo virium languore constitutis, ex denunciata nempe morte, mortem accelerare in propatulo sit.

Sed male. Quibus tamen minime auscultare, vel horum consilium amplecti, religio & pietas christiana concedit: potius in morborum periculo versantes de mortis appropinquantis necessitate admonendi sunt, quod saluti animarum magis, quam corporis, invigilandum sit, ideoque per silentium ipsis poenitentia haud præcludenda, quin potius ad hanc per prædictionem mortis oportunam in tempore urgeantur. Qualiter etiam agendum cum immorigeris, temerariis & impiis potissimum, quibus discrimen vitæ neutiquam celandum, sed perspicue magis exponendum, quo corpori, animo & suis sollicitate magis prospiciant. Id quod fieri debet caute, & cum prudentia quadam leni, non tam mortem ipsam & certam, quam periculum & statum morbi fatis ancipitem, agrotanti exponendo. Contingunt siquidem frequentius in arte pariter ac in natura, monstra, & evenire potest, ut, priore & de salute omnino desperante medico dimisso, alter vocetur ægrotusque restituatur, non sine illius dedecore; tuque fementem facias, alter metat. Et est aliquando tanta decumbentium in ejusmodi vates imprudentiores durities atque acerbitas, ut præfatio terrifico audito in illum vehementius commoveantur, & ejus ulteriorem medelam detrectent, cum per protervitatem & diffidentiam effrenam sibi persuadeant, illum, cujus famæ interesset, se perire & auguria prolata expleri, quam proximi vitam conservari, malle & semel prædicta turpiter & inhumane exoptare. Imo præter infirmos propinqui cum cæteris adstantibus ægrefferent horribile hoc mortis pronunciatum, ut pariter durius in medicum invehantur, symptomatum ex vehementiore animi commotione evenientium causam, si non mortis insequentis, reum hunc proclament & ulterio-
Prudenter vitæ periculum innuendum.

teriolem aditum intercludant : quod corpori afflicto animi afflictionem vehementissimam addiderit, ac miserum in desperationem detrulerit ; qui nihilominus corporis non minus ac animi mulcedinem ab eo desiderarat, vitæ conservatorem, non mortis præconem, eum postulaverat. Noli proin, si periculum denuntiaveris, te ad specialius & certissimum mortis præsagium abripi, quale Matronæ nostræ, conspectioris autoritatis, nobis non raro extorquere conantur : quæ in generaliore illo acquiescere nolunt, sed, an infallibiliter moriturus sit infirmus, insuper & nonnunquam perfrecte ac petulanter satis quaritant : *Uber stirbt er gewiß? solte er gar nicht auffkommen? ic.*

Quemadmodum deinceps prædictionis ejusmodi terrificæ amaritiem non parum temperabit, si non ipsimet ægroto, sed adstantibus & necessariis, denunciatur, ut per hos demum de proximo re mortis periculo admoneatur ille : cui interim vultum sereniorẽ, & qui bonam spem præ se ferat, ostendat Medicus. Cum *Galeno* equidem 6. epid. comm. 2. t. 43. *Rodericus a Castro* med. polit. 3. cap. 11 putat, Prudenti & pectoris obfirmati, seu animosiori, homini vera de morbi statu & eventu insinuanda, nihilque hujus metuendorum occultandum ; penes stolidiorem vero & timidiorem tegenda pejora & non, nisi salutaria quævis promittenda, esse ; cujus tamen consilio minus subscribit *H. Augenius* 6. epist. 6, ubi inquit : *Imaginari non possum, hominem tam composito futurum animo, qui non contristetur ex mortis certo nuncio, cum omnium terribilium finis sit mors ; Quid enim magis exasperare possit morte ipsa, non video. Nec est, quod quispiam dicat, philosophos ejusmodi esse, quoniam hoc falsum esse convincitur, quod ille, qui mortis dominus erat, Patri dixit : Pater, si fieri potest, transeat a me calix iste.*

Quibus, si, quæ in praxi hinc inde nobis obveniunt, pensitemus, non adstipulari non possumus, nisi paucos forsan excipiamus illorum, qui gravi & doloroso morbo torti ac conquassati finem suarum ærumnarum unicum & ultimum ex obitu placido sibi promittunt, aut quibus de firmiore luto finxit præcordia Titan ; hinc aut morbi sui terminum breviorẽ anhelant, aut, ut de rebus suis commodius disponant, de prognostico genuino solliciti sunt : quibus

Non ægro ipsi, sed adstantibus vitæ periculum exponendum.

Cordatis tamen & postulantibus ægris periculum explicandum.

sane tale quid petentibus, abnuere, mihi religio foret. Præeuntem hoc in casu sequor *Sennertum cent. 1. epist. 85*, ubi hæc leguntur verba: *Medicum agrotanti, morbi exitum cognoscere cupienti, mortem palam prædicere debere, apud me dubium non est. Sunt enim rationes & politicae & Theologicae, ob quas utile esse puto agro, morbi eventum cognitum esse: neque causam habet medicus, cur agrum, præcipue cordatum, fallere debeat.* Occasionem hoc edisserendi ipsi suppeditarat *Mich. Döringius epist. Senn. 84*, ubi refert, Magnificum quendam civitatis Utratislaviensis Virum sub diarrhæa gravissima atque lethali a se & Collega suo tale quid anxie efflagitasse, ad eorum conscientiam provocasse, mortemque se neutiquam expavescere, dictitasse: quo postulato cordato se commotos, de vita ipsum summopere periclitari, aperte significasse, a remediorum tamen usu nondum destitisse. Qualis animi intrepidi inter paucos alios olim memini Virum hujus urbis Spectabilem, mihi familiarem, qui per octiduum febre maligna decumbens ultimo mane me advocabat, & ut sibi meam de morbi exitu sententiam libere & prompte declararem serena fronte ac mente rogabat. Respondebam, res ejus in ancipiti valde esse, ipse animose regerebat, E. per poenitentiam & preces ad Deum me convertam, & expirabat eodem die placidissime.

Quorum
tamen
pauci adeo
intrepidi.

Ubi tamen advertere haud inutile erit, paucos forsan illud animositatis culmen attingere, quin potius magnanimos tantum se fingant aut credant, revera tamen meticulosi valde existant: i. e. conscientiam medici pariter obtestantur, & quam obfirmata gestent præcordia, prolixè edisserunt. A medico verò veritatem ingenuam si intelligunt sibi exitiosam, non tantum hinc valde perterrentur, & meliora fata desiderantes sibi que promittentes vaticinii hujus ingrati & vatis tristioris pertæsi, eum non sine opprobrio dimittunt, alium advocantes, qui desiderio eorum benignius adblandiatur, & spe potiore eos lactet, licet vana tandem. Exempli hujus generis diversa expertus loquor, præsentis loci tantum faciens, quid penes Virum de Ecclesia & Republica literaria meritissimum, ac mihi fatis familiarem, aliquando mihi obtigerit, ex ischiadico dolore paralyticum. Qui cum aliquando multis sincerationibus, obtestationibus & per meam fidem me rogasset, ut genuinum de malo ejus significarem præsa-

præfagium, nihilque hujus obticescerem, se quippe omni ex parte suam valetudinem & hujus eventum Deo commisisse, & quæ verborum plura: huic tandem post multa & cum protestatione mentem meam sincere exponebam, ac quod parum spei de salute cruris superesset, assereram, ipse vero altero die, nescio, quo prætextu, ne ulterius accederem, me iussit. Interim falsæ suæ sincerationis hanc luit poenam, ut vetulæ cujusdam, medicastræ urbis hujus tunc temporis famosissimæ, consilio & operæ se concrediderit, quæ misero huic (alias prudentissimo & in re medica non levem peritiam jactitanti,) medullam cruris a frigore interno congelatam persuadebat, ac pro hac denuo deliquanda infessum ex paludis fimeti hæreditariæ colluvie commendabat: quali cum maxima fiducia applicato tandem sphacelus pedis extremi colorem vitalem extinguebat, quem restaurare non erat in artis potentia ac mors præmaturior præveniebat.

Demum & eo ipso, dum medici est, non tantum remedia adhibere, sed, quæ medelam turbant, etiam remove, inter hæc autem, Ægri etiam consolandi. juxta alios animi affectus aliquando observatur ægri impatientia, curam præcipitari morose postulantis, propter hanc autem animi molestam sensationem ipse despondet animum & meticulosus morbum sibi graviolem reddit: huic subvenire decet, illum consolando & hortando, festinandum esse lente, præsidia artis naturam moderare ac juvare, sine cujus adjutorio se frustra mederi, hinc illius motus & progressus esse observandos, non adhibenda violentiora remedia, utpote quæ non semper adeo tuta, & quæ hujus generis sunt argumenta plura. Sic fructum confidentiam potius, quam diffidentiam, reportabit medicus, ac æger his, quantumvis levioribus, facile persuadetur, ut sperare incipiat & præceptis pareat. Ad imitationem *Aristotelis*, qui medicum, medico more imperantem, quæ faciendæ essent, compellabat: *parebo lubens, sed more philosophico: si non tantum, ut credam, verum etiam ut vera hæc esse, sciam, demonstrando effeceris.*

CAPUT IX.

De

Officio Medici agentis in genere.

Eadem est
ratio the-
rapeuticæ &
hygiænes.

A Gentis demum medici clinici persona & hujus officium contemplandum, quod circa ipsam therapejam seu medelam morborum versatur. Quamvis enim Therapeuticae partis socia sit Hygiæne & utraque partium medicinae primariarum nomine veniat, medici proin officium sit non minus sanitatem tueri, ac morbos expellere: quia nihilominus plures homines de morbis potius profligandis, quam de sanitate integra conservanda, solliciti sunt, ac rarius forsân prophylaxeos, quam medelæ, gratia medicus advocatur, præservatrix iisdem cum medicatrice præceptis innititur, hæcque communia habet, methodum sc. ac materiam medicam, ex triplici regno prodeuntem, quibus alterando æque ac evacuando sanitas modo conservatur, modo restituitur; medici officium in utraque hac artis parte idem ac commune erit, & qui opportune ac dextre mederi norit, præservare quoque commode valebit, utrumque horum cum fiat per easdem indicationes, per eadem auxilia ac eandem auxiliorum materiam. Quemadmodum *Cassp. Hofmannum* quoque hoc doctrinæ prophylacticæ & curatricis connubium anxie vovere, tentasse & hujus combinationis singularia emolumenta recensuisse *Instit. lib. 6. cap. 1. 2 &c.* legimus.

Non sem-
per succe-
dit mede-
la.

Non bene semper medici operam succedere dicendum, ubi res bene cedit; nec male semper, si finem non assequatur artifex: quatenus nonnullos vel casus sanat, i. e. sub empiricorum rudiorum etiam manibus quidam reconvescunt, cum quibus hos recte & perite egisse, vel ideo credi haud poterat, quod non secundum rationem & experientiam genuinam egerint; contra nec artem, nec naturam,

Sine medi-
ci culpa.

omnes morbos sanare posse, ex *Hippocrate de arte t. 13* constat. Dextre potius secundum *Aristot. 1. rhetor. 1. 5* & *Senecam 7. de benefic. c. 13*. medicus agere dici debet, si, quamvis non sanum faciat infirmum, nihil tamen eorum intermittat, quod artis est, nihilque aggrediatur, quod illius præceptis repugnat, seu, etsi non finem artis ultimum, in-

terme-

termedium tamen seu proximum, assequatur. Quin enim illum semper attingat, non unum impedit, subjectorum nimirum morborum ac medelam ab arte postulantium difformitas seu textura dispar, morborum inconstantia ac momentanea mutatio, eorundem difficillima & dubia dignotio, remediorum adhibendorum incerta vis atque energia, quæ cum ægrotantium & adstantium contumacia, morositate ac imprudentia, pharmacopæorum & chirurgorum ineptitudine ac negligentia, vel singula seorsim, vel cuncta simul, feliciori successui remoram ponunt, ut auxilium (juxta *Botallum*) malo applaudat, vel hoc reddat acerbius, vel citra frugem ac damnum omnis ejus & artificis actio & conatus pereat.

Hic interim quo munere suo fideliter fungatur, i.e. therapeiam cum prophylaxi rite administret, agat, quicquid agit, secundum proverbium triviale, *Cito, Tuto & Jucunde*, quantum quidem circumstantiæ hinc inde obvenientes ita agere concedunt. Prius observare monet *Hippocrates epist. ad Crotev.* ubi ab omni arte alienam rem dilatationem seu moram pronunciat, maxime vero a Medicina, in qua dilatio animæ seu vitæ periculum pariat. Atque hoc inprimis locum habet in acutis morbis, qui ob sui vehementiam & brevitatem celeriore remedia, seu juxta *1. aph. 6. extremis morbis exacte extrema curationes sunt optima*, ac de *morb. sacr. t. 18. oportet autem tum in hoc morbo, tum in reliquis omnibus, non augere morbum, sed festinare, ut ipsos exteramus &c.* i. e. juxta *Celsum 2. cap. 11. vehementi malo non potest, nisi vehemens, auxilium succurrere*, ac citissime his opitulari necesse est, cum morbi exitus ignoretur: antequam sub morosiorum seu tardius agentium remediorum administratione, ille naturam vincat, hacque devicta nullum postmodum remedium habeat æger, & mors quælibet artis instrumenta eludat. Addo his etiam illos morbos, qui quamvis non adeo vehementes & præcipites sint, procrastinatione tamen cum molestiis suis protrahuntur, aut hætenus facilioris medelæ, insanabiles demum mora redduntur; hinc subitanæ curationem & generosius remedium postulant. Ita v.g. luxatio articuli digiti sui repositionem procrastinare haud concedit, quin superveniens inflammatio hanc impediat, vel irritam reddat, ac tandem digiti actionem frustretur; Cruditates ventriculi a

Sed ob alia
impedi-
menta.

Cito agat
Medicus.

Non in an-
cipitibus
tantum,

sed levio-
ribus quo-
que mor-
bis.

crapula

crapula leve equidem malum, nisi tamen per catharsin brevi eliminantur, aut quocunque modo corrigantur, febrem plus minus acutam accendunt: ut proin in levioribus morbis locum etiam habeat illud triviale: *Principiis obsta, sero medicina paratur.*

Sc. occasio-
nis præ-
cipitis ra-
tio habenda.

Festinandum nempe aliquando in morborum cura, ne occasio præceps medico elabatur, utpote, quæ nihil aliud, quam, juxta *Ciceronem*, oportunitas rei, quæ habet idoneum tempus faciendi vel non faciendi, aut quo, quid agendum, monstratur, ac quo nihil agere, hoc jubet: quam in singulis morbis pernoscere, medico non minus necessarium ac fructuosum idem *Hippocr.* l. a. ait, cum nihil in arte medica sit, quod auxilietur nisi opportune fuerit adhibitum. Vix autem pernoscet ac deprehendet illam, nisi qui doctrina & experientia excellit, quique quando agere convenit & licet, discernere, & quod hæc medendi occasio momentanea interdum sit, novit: proin in præcipiti morbo omnia ipsi debent comperta esse, quo illico huic resistat, nec medendi oportunitas pereat. Pariter nempe, ac in quibusvis rebus humanis feliciter peragendis, occasio multum momenti habet, & qui eam omittunt, rem ipsam simul amittunt; hinc in occasione rerum desidiam ac tarditatem omnem quam diligentissime fugiendam Sapientiores monent: adeo ut penes *Svidam* Sophocles hominibus in quocunque negotio magistræ maximam occasionem existere scripserit, & *Plutarchus* in Nicia, eum & se, & exercitum, perdidisse, quod occasionem neglexerit, narret. *Præstantissimus medicus est.* juxta *Vallesium* 6. epid. 2. comm. 26, eruditus pariter ac prudens, qui novit festinare lente, pro ipsius morbi urgentia auxiliis instare, atque in occasione uti maxime opportunis, alioquin quiescere.

In chroni-
cis lente
magis pro-
cedendum
ajunt.

In cæteris vero minus diuturnioribus, qui inducias patiuntur, contrarium communiter cum *Hippocrate* & *Galeno* plerique i. e. lente & blandioribus remediis agendum, præcipiunt, rem periculosam valde in his festinationem sibi persuadentes, quemadmodum *Hippocr.* 6. epid. f. 2. t. 26. remediis adhibitis interquiescere jubet: remisse nempe cum morbo esse pugnandum, quo æger huic & remediorum usurpationi sufficere queat; cum leniora idem tutius præstent, quod a vehementioribus non sine periculo expectatur, & medicus hac ratione non tantum cito satis, sed tuto quoque, operetur, ut, si desiderata

rata salutis non omnimode compos fiat, saltem decumbentem minus lædat. Quamvis nec hoc præceptum sine discretionem admittendum veniat, neque ejus valor tanti æstimandus, quasi in omnibus morbis diuturnis lento omnimode gradu procedendum sit: sed circumstantiæ etiam in his occurrentes ejus vim determinabunt & moderabuntur.

Attendendum, uno verbo, illud *festina lente*, quod a peritioribus & inter hos a *Sylvio* quoque, toties inculcatur: i. e. curam minime differendam, sed in eadem procedendum lente ac blande, usurpando semper auxilia minus violenta, & quæ sine virium ægri dejectione, proin tuto simul seu secure quodque, agunt. Per operas artis magis primarias hoc declarat *ille prax. append. tr. 6. §. 114. 115. &c.* Sc. si ægro sanguis mittendus, satius esse, partitis vicibus, & quantum vires ferre possunt, hoc agere, quam simul & semel ad insigniorem ægri debilitationem: Si humores pravi catharsi educendi, satius hoc fieri paulatim & per epicrasin, ut ajunt, ac pharmacis blandioribus, quam ut adhibitis potentioribus, vel in majore dosi administratis, vehementius commoveantur cum fluidis vitiosis laudabilia, ac distrahantur spiritus, ad hypercatharsin ancipitem quoque: Si sudor veniat movendus, commodius esse, illum lente & repetitis intervallis ciere, quam eodem vi propulso ægrum ad languorem debilitare. Pari circumspeditione in alterandis etiam humoribus præternaturalibus procedendum, non simul ac semel, sed per partes exhibendo medicamenta alterantia & corrigenia: ne potentiora eorum vehementius agendo non sine molesta & gravi humorum illorum exagitatione agant, hosque non tantum temperent, sed texturam extreme contrariam ipsis inducant, fluidiores justo nimis inspissent, viscidioribus acrimoniam imprimant &c. Dum, si contra per vices minor alterantis quantitas hauriatur, humores pravi sensim magis ad pristinam seu naturalem constitutionem reducantur, & nova eorum aliorumve contrariorum generatio inhibeatur. Hincque perspicacissimus ac peritissimus idem Practicus hanc format regulam universalem: *semper blande ac lente procedendum in omni cura ægrotorum rite ac secundum rationem sanam, experientia indubitata innitentem, instituenda.*

Asi hæc regula non est perpetua.

Lente festinandum.

Quiescat
etiam ali-
quando
Medicus.

Neque adeo absonum erit, negotium curationis aliquando naturæ omnimode committere, ut spectatorem tantum medicus agat: præeuntem dum habemus *Hippocr.* qui *6. epid. l. a.* post remediorum usum interquiescere jubet, & *Epiph. Ferdinandum hist. 54*, qui multum referre, quinimo in opere medico conducere, ait, ut quandoque a remediis abstineamus, cum remedium aliquando sit, nullum adhibere remedium: hocque non tantum, ubi morbus non satis dignoscitur, sed ubi notus medelam adæquatam haud admittit, vel hac superior est, v. g. tumor aut apostema internum, donec forsan natura morbum vicerit, aut vires recolligat, & illi occasio ac spacium coagendi detur; cujus etiam generis est Cancer, ulcus vesicæ desperatum & hujus calculus major, quorum extirpatio & consolidatio aut sine frustraneo conatu, aut sine ingente periculo, fieri nequit. In qualibus casibus abstinere a medela consultius est, nisi forsan symptomatis leniendis aliquid operæ dandum, i. e. palliative tantum agendum, fuerit. Hinc *Vallesius l. a.* periculosius censet, incidere in medicum, qui quiescere nesciat, quam qui nesciat contraria (remedia) adhibere: nam, qui nesciat quiescere, eum quoque nescire occasiones adhibendi remedia, quare etiam hæc adhibere; qui vero nesciat contraria adhibere, scit tamen prudenter quiescere, hunc, si prodesse non possit, non tamen obesse. Et non minus damnandum in medico, si sine ulla ratione & ordine varia inculcet, ut tantum multa agat, vel agere videatur, ac si negligens vel timidior justo agendi occasiones quasvis prætermittat.

Potissi-
mum cum
natura
quoque
sine arte
agat.

Hoc sicut pauci hodie sibi moris habent, ita errat, advertente *Sydenham. obs. de morb. acut. f. 5. c. 2* graviter, qui naturam artis adminiculo ubique indigere existimat, cum etiam sine opera artificis, qui minister ejus, non raro agat; & illa generi humano parcius prospexisset, quam speciei conservatio postulet: cum morborum ingruentium numerus ac frequentia facultatem artis ad hoc usq; ævum, quo nihilominus hæc majora longe incrementa cepit, valde superent. Quod quidem præceptum exemplo comprobatur idem Scriptor, febris cujusdam epidemica, cum stupore comatoso affligentis, nempe quod symptoma hoc nullis potuerit domare remediis, donec post sanguinis missionem repetitam, vesicatoria & enemata nihil quicquam

quicquam amplius molitus fuerit, sed naturæ methodum tantum attenderit.

Peccant porro gravius, qui non morbos expectant, sed ut ab his, ut putant, se præmuniant, seu prophylaxeos universalis gratia, frequentius & tantum non quotidie utuntur remediis, modo pro viribus conservandis & roborandis, modo humoribus vitiosis corrigendis ac educendis, sanguine purificando, singulis vernis ac autumnalibus periodis, sanguinem mittunt, iisdem aut intervallis tantum menstruis, vomitoria, evacuantia per alvum, diuretica, sudorifera, frequentius vero salia volatilia simplicia, vel aromatisata, corallia, margaritas, oleum cinamomi, ambram, moschum & sexcentum alia assumunt. Atque hoc quidem sine ullo discrimine ac nulla habita ratione corporis constitutionis, aliarumque circumstantiarum, sed tantum, quod simile quid ab aliis factum vel fieri observent: quos tamen aut æque inepte, aut cum potiore fundamento, hoc agere, circumstantiis probe pensitatis deprehendimus. Vel quod acidum ventriculi p. n., visciditatem lymphæ similesque hugas in interaneis sibi concipiant; vel quo a morbis cujuscunque generis, ut somniant, se tutos præsent: annuentibus eorum præjudiciis, non raro ipsis medicis. Horum dico plurimos se fallere, quia sine ratione agunt, dum ejusmodi præservatoriis remediis utuntur, constitutionis humorum & viscerum suorum ignari, aut nescientes, per qualem horum habitudinem ad morbos, & ad quos, inclinent: quæ nihilominus in methodo præservatoria indicantium munus gerere debebant, quorum hoc vel illud auxilium hujusque hanc vel illam materiam postulet.

Novi, qui vomitoriis spatiis tantum non menstruis exagitant ventriculum infontem, sub prætextu, ne in eo cruditates cumulentur; nec minimo quamvis cruditatum signo obvio. Alii, his sibi cautiores visi & frequentiorum esculentorum ac potulentorum ingurgitationis conscii, ad evacuationem hanc se magis urgeri credunt: haud pensitantes, an illi in victu errores crassamenta ejusmodi incongrua vere pone se reliquerint, aut num miriorem modo, & forsitan alterante tantum appropriato, sine emetici vehementia illa non detergi potuerint; potissimum cum ventriculus, a prava diætâ fractus,

Errant
fani, qui sine
ratione as-
sumunt re-
media,
prophyla-
ctica fre-
quentiora.

Qui sine
ratione u-
tuntur ca-
thartics
præserva-
toriis,

ctus, tale quid violentum ferre nequeat, ac tandem, quod damno suo indeclinabili tales pharmacophi experiuntur, languorem perpetuum incurrat. Eadem ratio est catharticatorum *κατα*, quibus meræ & generalioris, a quocunque genere morbi, prophylaxeos causa, corpus adeo frequenter elutriare nonnulli contendunt: indicante hujus evacuationis adæquato destituti; hinc humores laudabiles, cum totius detrimento, exturbantes, nec tuti a virulentia seu vi purgantium delëteria, qua pleraque eorum plus minus gaudere, inferius constabit. Dehortari ab ejusmodi intempestiva præcautione hos poterat illud Hippocratis 2. aph. 36 & 37. *sana habentes corpora, dum medicamentis purgantur, cito exsolvuntur, ac, qui bene habent corpore, eos operosum est, medicamentis purgare*; item 4. aph. 16. *Veratrum periculosum est sanas carnes habentibus*.

It. diuretici, quibus a calculo se immunes præstare autumant.

Hujus etiam generis est diuresis prophylactica, qua nonnulli, aut omni scopo destituti, aut calculum, sive sine, sive non sine, ratione, metuentes, sibi prospicere gestiunt. Quos tamen per usum diureticorum frequentiore, etiam alimentosorum, v. g. asparagi, petroselinæ, renes copiosiore sero suffundendo ac inundando; his nephriticam potius dispositionem aliquando inducere, aut hujus levissima rudimenta atigere, experientia loquitur. Neque omnis sanguinis compages, laxior nempe ac strictior, eorum cuncta ferunt, sed discrimen horum innuit ac postulat: quorum neutrum tamen cum æger ac medicus, in corpore, quoad sensum sano, perspiciat, non mirum, si ipsius massa sanguinea ab incongrua & immoderatiore diureticorum assumptione detrimenta majora capiat. Ut taceam, cuncta illorum non, nisi præcipitando & fundendo, operari, adeoque cruoris & seri connubium atque amplexum naturalem nunquam non plus minus lacerare seu conturbare. Multo minus medicamenta hæc urinaria, quasi a paroxysmis præservent, nephriticis seu calculosis propinanda, cum, perhibentibus practicis diversis, v. g. Job. Bapt. Montano t. 7. consulti. 93 omnes totius, vel aliorum viscerum, heterogeneitates ad vias urinarias impellant ac detrudant, hinc calculosam procatarxin intendant, paroxysmos accelerent ac atrociores reddant: ut non inepte Crato penes Scholze. consil. 146, & Capivaccius penes eundem consil. 154. ac Heurn. meth. med. part. 2. c. 11 scripserint, renum ac vesicæ

vesicæ calculo laborantibus ab usu diureticorum intempestivo plus periculi, quam ab ipso morbo, contingere, seu calculum augeri.

Nec sudoriferorum administratio præservatoria omnis periculi expers, cum nunquam, nisi massam sanguineam solvendo, agunt: quale quid equidem, cœteris paribus, felicius sustinerent pituitosi, minus tamen commodum foret biliosis, aut quorum compages humorum alias laxior, quemadmodum nec quibus serum deficit, hocque per hydrotica magis exhausto spicula humorum salina acriora magis exaltantur; ut alia penes hos vel illos mittam prohibentia seu sudorem disfluadentia.

De Venæsectione aliisque sanguinis missionibus, quamdiu nihil abundantia, aut stagnantis sanguinis similisve indicantis observamus, pariter, an has sanitatis tuendæ gratia administrare conveniat, ambigo: falli potius dico eos, qui, etsi nullum affectum solennem metuentum sibi habent, qualis forsân sui declinationem aut mitigationem per sanguinis depletionem postulet, annuatim semel aut bis venam sibi incidi patiuntur, consuetudini potius præva & sodalitio, litantes: quod evacuatio hæc nunquam sine sanguinis hujusque status naturalis seu oscillationis vitalis alteratione fieri queat; dum ex sententia omnium statum ejus præternaturalem evidenter immutat seu corrigit, hinc inter generosa remedia medica generosius audit. Juxta *Willisium Pharm. rat. part. 2. §. 3. c. 1.* per crebriorem sanguinis educationem ipse plus texturæ sulphuræ, quam salinæ, induit, & ad febres disponitur, nec postmodum in gravioribus malis, quorum efficax remedium alias observatur, aliquid præstat, & sanguine ad plethoram evitandam emisso remanens massa citius denuo ad plenitudinem, assurgit: Ne dicam, ante ætatem, nisi summe plethorici, hos sanguinis proprii profusores consenescere: quale quid de Scythiis legimus, qui ex venæsectione pone aures frequentius reiterata steriles evadebant. Instas, nullam tamen post venæsectionem ejusmodi præservatoriam percipi in corpore anomalam: regero, nec apparere aliquem ejus fructum, periculo non erat exponendum corpus, nec incerto quidem, neque emolumentum ejusmodi imaginarium tale, quid jubet. Corripiuntur morbis gravioribus, quibus festività hæc cruenta solennis, similes experiuntur, qui eam non curant: æque facile

cile dictu, illos propter admissam, hos propter neglectam, evacuationem ægrotare ; utrum horum verum magis ? ambiguum relinquitur.

Etiā al-
terantia
intempe-
stive usur-
pata no-
cent.

Alterantibus humores, alterandi vim inesse, sine dubio omnes supponimus: versus quodcunque E. extremum illos, qui secundum naturam & bene constituti sunt, alteres, e statu naturali in præternaturalem conjicies ac sanitati tantum derogabis. Et acidum, viscidum &c. quod intra viscera tua concipis, si non fictum & imaginarium, certe tale, est, quod multiplicatis absorbentibus, præcipitantibus, incidentibus &c. tandem aliam seu contrariam, vitalitati æque aut plus exosam texturam induit: hinc ejusmodi Medicos *de soy mesmes* raro vividos & perfecte sanos, sed valetudinarios, ut plurimum,

Una cum
confortan-
sibus.

cernimus. Confortantium usualium & domesticorum pleraque robore ac virtute spiritus excitandi ac analeptica destituuntur, sc. fixiora: aromaticorum & spirituosorum crebrior assumptio vel ideo suspecta, quod in viribus pollentibus spirituum & sanguinis motum vitalem ad orgasmum seu exastuationem vitalitati minus congruam deducant; vel quod ambiguum relinquatur, an spiritibus nostris & confortantibus illis credita intercedat conformitas, ideo inprimis, quod hæc frequentius & in majore dosi usurpata sanguinem p. n. turgescere faciant & spiritibus animalibus narcosin imprimant. Si proin horum usus nimius evidenter nocet, moderatus quidem non evidens, certum tamen, damnum inferet, seu non omni nocendi suspicione caret.

Abusus Ni-
cotianæ,
Thée &
Coffée.

Oportunum hic erit illorum ineptiori temeritati contradicere, qui secundum morem Chinesium, Hispanorum, Anglorum, Belgarum & nescio quarum gentium, nicotiana, potu Thée ac Coffée adeo strenue abutuntur, ut, nisi his, vel cunctis, vel eorum alterutro, quotidie fruantur, singulari præcordiorum angustia seu languore se corripere, sibi persuadeant: qualem errorem ac inordinatum rerum illarum appetitum, quem Picæ certum genus mihi appellare liceat, ut colorent, insignibus & tantum non universalibus illa virtutibus medicamentosis gaudere, hinc singularem ab iis in conservanda sanitate, sibi promittunt fructum, sed forsan sine ratione. Singulis his concedo suas vires, huic vel illi corporis idiosyncrasie proficuas, sed non omnibus

bus æque: perinde ac nullum medicamentorum aut alimentorum medicamentosorum omnibus salubre deprehenditur, ob diversas, quibus gaudent singuli, crases; neque saluberrimum horum, quod forsân alvum laxet, urinam pellat, caput roboret, flatus discutiat, quotidiani usus evadere solet, nec debet; nisi hinc plus damni, quam commodi, expectare malis. Et si demum experientiam consulas, ejusmodi rerum heluones deprehendes, haud dicam, minus, non magis, aliis sanos. Laborant symptomatis hypochondriacis & cachexia nunc, ut olim, calculi & arthritidis cruciatus iis non existunt rariores, scorbutus vires penes nos integras tenet, conqueruntur alii aliave, de stomachi imbecillitate ac cruditatibus, de cephalalgia pertinaci, mensium inordinato fluxu atque suppressione, fluore albo aliisque affectibus chronicis, nec ab acutis cujuscunque generis immunes sunt: adeo ut nemo habeat Pharmocopolarum, cur metuat, ne detrimenta ab usu Coffée & Thée patiantur eorum tabernæ, atque loculi evadant inanes: perinde ægrotant nostrates nunc, ac olim, & qui illis quotidie vacant, de sanitate præ cæteris non magis gloriari poterunt.

Quoad Nicotianam, hujus fumum hodie omnis atmosphæra ^{Nicotianæ} spirat, & eum multi per totam diem ac potissimum noctis trahunt, ^{fumi com-} pro sero catarrhoso, ut ajunt, subtrahendo, mane quoque summo ci- ^{moda ac} tius fistulam fumiducam petunt, antequam lectum deserunt; ne sc. ^{incommo-} da. hora abeat sine linea. Habere vegetabile hoc ejusque fumum facultatem serum salivale educendi, hincque diversis sine dubio affectibus medendi, & imminentes avertendi, in aprico est, suspectus tamen hic videri poterat propter virulentiam narcoticam, qualem *Primerosius 4. de vulgi error.* argumentis diversis delere conatur, comprobatur nihilominus experientia multifaria, ratiunculis illis potior. Sed quicquid hujus quoque sit, concipe tibi, egoque concedam, fuligines herbæ illius sanctæ saluberrimas, quotidianus tamen seu perpetuus earum haustus prodesse non poterit: sive serum præter modum subtrahendo, sive ventriculi appetitum destruendo, ejus tonum relaxando, cachexiam inducendo, pulmones rodendo &c. testes horum denuo provoco experientiam ac practicos infinitos, v. g. *Tulpium 1. obs. 6. & Kerckringium specil. anat. 90.*

Recentius

Ac pulve-
ris ejus.

Recentius depravatæ phantasiæ productum est pulvis tabaci, er-
rhinum ac ptarmicum alias famosum & remedium certis scopis mi-
nistrans : est abusus ejus & momentanea fere per nares attractio e
medicamento venenum facit, plus justo naribus & capiti subtrahen-
do, stuporem huic imprimendo, pectori pariter insidias struendo.
Sternutamus nunquam sine vehementiore thoracis concussione, us-
que adeo, ut sternutando mucum æque pectoris ac narium expira-
tione hac violentiore rejiciamus: motu proin hoc sternutatorio ve-
hementius pariter commoventur pulmones, non sine sui periculo.
Nec qui Nicotianæ pulvis sine sternutatione & insensibiliter magis,
errhini nomine, vim suam exerit, omni culpa vacat: cum ejus nota-
bilem semper portionem nobis non advertentibus, inspiratione per
nares facta, ad Laryngem & Pulmones cum aëre deflectere, proba-
bile sit. Novi virum hujus civitatis strenuum, qui adductioni hu-
jus pulveris per longum tempus adsuetus non raro de oppressione
thoracis conqueritur, quod symptoma quidem a priori huic pulveri
vix adscripsissem, nisi superiore anno frequentare mihi licue-
rit aliam Generosioris prosapiæ & Illustriorum munerum personam
peregrinam, quæ inexplabili hujus ferculi appetitu gaudens interdum
ac noctu illud anhelabat & naribus intrudebat. Hæc ex dyspnœa &
tussi, phthisin minitante, ab aliquot septimanis male se habens
meum consilium & operam rogabat, post appropriatorum vero me-
dicaminum usum primo sputum spumosum & tenue, copiosissimo
pulvere nicotianæ interspersum, successive spissius cum euphoria &
paucioribus illis ramentis, rejiciebat, hincque tandem pectore le-
vato & tussi cum pristino stimulo cessante abibat. Quod me conjectu-
rare jussit, etiam in altero pulveris hujus heluone eandem causam
angustiæ thoracis existere.

Item Thé
& Coffée.

Thée & Coffée abusum ac depravatum usum specialius strin-
gere nolo, applicari his sufficiant illa, quæ in genere de quotidianis
his commemoravi, nec, quem moderata illorum sorbitio effectum
valetudini salutarem promittit, immoderatus & prave iis utentes,
quin potius certas molestias & insidiosa detrimenta, sperare debent;
cum non tantum in excessu, sed modo etiam utendi, peccent illi.
Frequentius incidi in ejusmodi Coffée potatorum consortia, quæ
illius

illius decocto intercalabant vinum Creticum simileve generosum, aquam cinamomi v. g. spirituosam, aut utrumque: quærens, cur ita agerent, responsum ferebam, fieri hoc, quo cruditates Cossæ temperent ac solvant. E. cruditates magno conatu & appetentia colligebant, ut has per haustus generosiores detergerent. Quosdam aliquando offendi vini compotatores non leviter temulentos, nunc decoctum Cossæ sorbentes, eum, ut ajebant, in finem, quo medice viverent, i. e. æstum a vino sibi impressum extinguerent. Aliquantulum vero penes hos commoratus en, phiola aqua aurantiorum ardente repleta advolat, quam pariter exhauriebant & stratum super stratum cum liquoribus antecedaneis artificiose satis formabant: subridenti &, cur etiam hoc facerent, roganti uno ore cuncti respondebant, quo a Cossæ diluto laxato seu debilitato stomacho per potum hunc spirituosum opportune succurrerent. Hauribeant proin decoctum Cossæ sodales hi pro æstu vini attemperando, superfundebant huic aquam ardentem, quæ, prout credebant, stomacho ab illo debilitato opem feret, utroque forsan supersedere potuissent; sic in circulum redit ac volvitur valetudo, & ut pessime vivamus, medice vivimus.

Verum est adagium, ethicis pariter ac physicis solenne, *omne nimium vertitur in vitium*, hinc cunctorum quoque, quæ avidius & copiosius assumimus, v. g. panis, vini, omnium esculentorum ac potentiorum atque aromatum quoque, quorum usum salubrem, immoderatiorem noxium, experimur: quia tamen neminem hoc in passu refragaturum confido, exemplis, quod penes omnes in confesso est, firmare nolo, unicum etiam plurium loco erit. Nucem myristicam saccharo conditam cum Indis nosmet stomacho & cerebro gratam novimus, parcius usurpatam, ex nimio tamen ejus usu cunctos, inprimis regionum calidiorum incolas, v. g. Indos, quoad ventriculum & cerebrum, periclitari, ut illi gravitatem molestam, huic somnolentiam ad carum usque, inducat, præter *Bontium* communis docet observatio.

Hæc E. cum genuina methodo medendi, de qua *cap. seq.* agam, qui attendit, non dubitare poterit, se insimul *tuto* curare, modo unum alterumve declarandorum adhuc observet, inter quæ sine dubio ordine

Omne nimium perniciosum.

Agat Medicus secundum rationem atque experientiam.

dine ac potentia prius, ut Rationem Experientiæ, quas artis genitrices ac nutrices existere, inter omnes sane convenit, undique combinet artifex, adeo ut sine utriusque hoc connubio nihil unquam inquiratur, certus, sine cynosura hac & fundamento bifido commode se operari haud posse. Quia nihilominus hæc cognoscendi atque operandi instrumenta, quod aliquando inter se pugnare sibi refragari videantur, medelæ administrationem difficilem valde reddunt, ut utri horum se mancipet in casu dubio anceps hæreat medicus: huic ambiguitati evolvendæ, & quo intrepide magis in curatione ille progrediatur, eum Herophili Acronis, Agrigentini & Hierophili placitorum admoneo. Sc. quamvis Medicina ab experimentis prima, sua stamina ceperit & conjecturis inventa per illorum evidentiam polita ac firmata fuerit, & adhuc integrum maneat eorum consortium, minus tamen ambigendum veniat, aliquando sine ratione aut repugnante ratione operari licere secundum illa, quæ genuina & circumspicior experientia suggerit, id est, sine causarum morbosificationum scientifica magis cognitione, ac sub verorum indicantium ignorantia nos aliquando admoveere posse medelam ac præsidia, quibus vel nostra, vel aliorum fide dignorum, experientia fidem fecerit.

Quamvis enim per assertum hoc, quod Sectæ empiricæ Fundatorum sit, paradoxus & minus dogmaticus videar medicus illis, qui præiudiciis suis olim haustis plus justo abblandientes, nihil unquam sine ratione suscipiendum esse autumant, & ægros secundum methodum mori malunt: quasi artis præcepta hoc certitudinis ac immutabilitatis conscenderint fastigium, ut illum civitatem medicam exire jubeant, qui idolum hoc non stupida devotione veneretur, i.e. vel secundum formatas olim hypotheses instrumentorum medicorum agendi modos sibi haud fingat, vel qui, quod non præsto sit ratio fallax, remedium probabile cum ægri detrimento non negligat ac damnet. Sine hæretici nihilominus & empirici nota me convicturum confido, in medela faciendâ & in præsidiorum artis exploratione atque applicatione Experientiæ præ ratione esse fidendum, illi etiam soli & hac deficiente, ne dicam contradicente, inhærendum, per eandem artem emendando ac ampliando, imo quæ hujus, ut experta

Experien-
tia tamen
prævaleat.

Adeoquæ
huic etiam
inniti con-
venit, ra-
tione defi-
ciente ac
repugnan-
te.

experta & ratione approbata hæcenus tradebantur, accuratiori examini exponendo. *Kyperus* equidem repugnantibus sibi his, ei fidentum asserit, quod evidens maxime est: per evidentiam vero hanc, quam utrique horum concedit, normam valde dubiam constituit, & obscurum satis promittit decisum. Longe ingenuiorem se præstat *Sennertus*, qui non tantum deficiente, sed repugnante quoque, ratione in remediorum investigatione experientiæ insistendum ait, cum, advertente *Galeno*, pro potioribus habenda nihilque ambigui relinquant, quæ ipsis oculis usurpamus, seu sub sensus cadunt, & nulla ratio adeo scientifica dici queat, cui experientia repugnet. In indicatione quidem therapeutica primaria formanda, seu, in, quid agendum, determinando, plus forsan aliquando valet ratio, v. g. viscidum incidendum, detergendum, acre temperandum, cruditates ventriculi corrigendæ, dolor mitigandus, calculus exturbandus: quia indicationes tamen hæ non semper genuinæ sunt, & ex falso promanant aliquando indicante, seu ex fallacia secundum non causam, ut causam, v. g. ex putredine in febribus, ex exuperantia bilis in tertiana, humoris melancholici cumulatione in quartana & hypochondriaca passione, ex sanguine fervidiore in inflammatione, qualia ipsa experientia & juvantis habitudo atque vis ambiguum reddunt, v. g. absinthii, taraxaci, utpote amarorum, resolventium, hinc biliosos humores non tam temperantium, quam exaltantium, item terrearum, v. g. Corallorum, Martialium, hypochondriacis & quartanariis salutarium, Spiritus vini & camphoræ ad inflammabilitatem, usque calefacientium, missis de humore tenui seu calido & sicco in Tertiana v. g. de crasso & terreo in Quartana & Melancholia hypochondriaca, de æstuante sanguine in tumore phlegmonode, hypothesebus hincque petitis ætiologiis, remediis illis per experientiam observatis & comprobatis inhæremus, illaque vitia per hæc emendamus.

Quia ratio
aliquando
fallit.

Attendit hoc *Scriptor Anglicus recens* in scripto satis satyrico, de *arte curandi morbos expectatione* c. 26. quod idem olim jam dum in *the Conclave of Physicians* innuerat, qui quod remediorum applicandorum rationem methodus implicet, necessario eorum peritiam notitiamque præhabendas asserit, adeo ut horum ignorantia omnes

Experientia magis
prodest.

tam generales, quam speciales, methodi canones illudat. Hinc nihil aut parum momentosi detergendi indicationem in phthisi adferre, ni de medicamento ejusmodi detergente vero constet, ac tali similive ignorato in ulceribus viscerum omnia ad medicandi methodum facientia, hujusve regulas, imo morbi & hujus causæ notitiam, & quicquid in cunctis medicinæ partibus continetur, pro nihili, quoad phthisin, ducenda. *Ut verbo protulerim, inquit, quenam morbo curando magis putabis idoneum, num remedium expertum callentem, medendique methodi nescium, an hujus gnarum, remedii autem ignarum? Ne, quod prior naturali methodo instructus ad curandum magis sit habilis, quam posterior, suæ artis methodo indutus, nemo inficias ibit: idcirco remedio apto & experto latente nihil pollet quævis medendi methodus. Et juxta Aristotelem 1. metaph. 1. ad agendum nihil videtur experientia differre ab arte ipsa, quinimo videmus expertos magis id, quod intendunt, consequi, quam illos, qui rationem absque experientia tenent: ac paulo post, si quis rationem absque experientia teneat, & universale quidem cognoscat, quod autem sub eo particulare est, ignoret, sæpenumero errabit a sanando.*

*Etiā sine
ratione.*

Et largior equidem, chirurgicorum remediōrum potissima per rationem esse primum inventa, pharmaceuticorum tamen instrumentorum pauca forsā rationis, plurima, si non cuncta, experientia soboles sunt. Camphoræ, Urticæ, Menthæ, Spicæ similiumque aromaticorum & acrium efficaciam insignem in hæmorrhagiis nulla ratio, vel a fluxus causis, vel a vegetabilium recensitorum textura, petita, suadet, persuadent nihilominus tot practitorum observata, v. g. Rod. a Castro 1. de morb. mal. c. 5 in hæmorrhagia uteri, & Riverius pr. 1. c. 8. in narium fluore cruento menthæ decoctum deprædicant, eandem Mentham, naribus intrusam, Spicæ Nardi pulverem vero frequentius assumptum, eidem mederi, idem l. a. perhibet: Urticam contusam & hujus succum inter topica cunctis hæmorrhagiis exporiston certum censent Forestus 13. obs. 10 & Borellus 1. obs. 95. ac Camphoræ usum, quam olim ratione suæ substantiæ resinosa & penetrantis seu resolventis deprædicabant, Barbett. pr. 4. c. 13. atque Deckerus eodem loco in pari fluxu extollunt. Hinc pulverem officinarum Sperniola Crollii, ex Myrrha, Croco, Camphora & Thure compositum,

tum, hæmorrhagias compescere perhibent multi : cujus nihilominus effectus, si camphoram, myrrham & crocum potissimum attendas, nulla ratio reddi poterat, quod in primis horum virtus emmenagoga, illum dubium præstet. Equidem memini, Cinnabarim, Antimonii & nativam trepida satis manu a quibusdam propinari, vel quod decompositum hoc sub specie mineralis suspecti omnimode damnent, vel quod de accuratiore & genuina præparatione artificis ambigant : sed utrique horum injustam habent metuendi causam, vel quod insons & tutissimum hoc medicamen testentur infinitæ practicum experientiæ, vel quod sibi commixta tantum Mercurius & Sulphur hincque compositus pulvis, sub Æthiopis mineralis nomine, post Anglos nunc a nostratibus quoque exhibeantur. Et quæ ratio v. g. Rhabbari, Hellebori nigri &c. vim catharticam monstrasset, nisi eam manifestassent experimenta toties repetita.

Memoratur dignum est, quod de efficaciâ mixturæ ex Spiritu Terebinthinæ & vini in punctura nervi dolorifica pariter ac periculossissima Caroli Noni, Regis Galliarum, cui loco venæ nervus incisus fuerat, *Paræus lib. 9. cap. 38* perhibet, medicamento satis acris : cum nihilominus ante Paræum Chirurghi omnes acriâ vulnera nervorum minime ferre tradiderint, adeoque repugnante ratione illud remedium applicatum fuerit. Equidem, dum hoc commendabat, salutare maxime, consilio sui addebat rationes, ast tales, quas *Sylvius præl. 2. cap. 23* pro merito stringit, nemoque, cui tantillum rationis superest, alicujus momenti sibi persuadere poterat, experientia interim edoctum Paræum remedium hoc perite applicuisse constat. Et proin *Sylvius*, postquam l. a. modum applicandi recensuerat atque comprobaverat, ætiologiam impugnat, hunc in modum concludit : *Hoc autem idcirco pluribus ostendi, ne quis miretur, si subinde, imo frequenter, in quorundam medicorum libris legat medicamenta usu comprobata, quorum interim rationem ignorent practici, non semper in ratiocinatione solidiore adeo versato, quam ipsa præxi empirica, quæ, si rationalis fiat, multis parâsâgis superabit Vulgarem. Malim autem uti Medico Empirico, i. e. secundum experientiam praxin exercente, quam Theoretico & ex suis ratiociniis & figmentis medicinam faciente : docuit enim jam pridem omnes accuratos eorum, quæ circa artem nostram ac-*

Ufus spiritus vini & terebinthinæ in vulneribus nervorum paradoxus.

cidant, observatores, longe feliciores esse in praxi medicos empiricos, quam theoreticos, quique ex libris medici sunt, aut suis speculationibus; homines in sua dementia tanto miseriore, quod tam multos secure reddant miseros &c. Sicut etiam *Fr. Hofmannum*, postquam *meth. med. lib. 1. c. 5* de conjungendis ratione & experientia prolixè disseruerat, demum concludit, ubi ratio refragatur, experientiæ potius inhærendum esse, medici nempe periti, certæ & indubitæ. Et *Zwingerus comment. in præcept. Hipp.* hortatur medicos per salutem ægri, ex consilio ejusdem Hippocratis, ut in morbis difficilioribus illorum *τρίβον* seu experientiam non negligant. Utut enim methodum dogmaticam, ex historiis singularium depromptam, non haberent, habere tamen experientiam singularium, & curare aliquando morbos empirico analogisimo, licet therapæiæ suæ rationem per epilogisimum dogmaticum reddere nequeant; Imo purum empiricum, vel *Aristotelis* testimonio, mere dogmatico, quod ille aliquos, licet sine arte, hic nullos unquam, sanet, anteponebat.

Uſus ſpiri-
tus tere-
binthinæ
in hæ-
morrhæ-
giis.

Occasione spiritus seu olei terebinthinæ in vulneribus nervorum adeo proficui experti, non possum non meminisse effectus ejusdem, quem nulla ratiocinatione quis sibi promississet, liquoris inflammabilis ac ratione subtilitatis & penetrandi virtutis ætherei nuncupati, declarat tamen ac multis experimentis comprobatur Chirurgus Anglus recens, *James Fonge in Curr. triumphal. e Terebintho*, in hæmorrhagiis vasorum etiam satis ingentium restringendis. Nimirum si vulneribus horum linteola tantum oleo illo, probe calefacto, imbuta, imponatur, & pars sauciata rite deligetur, brevi hoc omnem fluxum sanguinis inhibere, membrum ab inflammatione, spasimis similibusque symptomatis defendere, vulnerisque digestionem notabiliter facilitare. Simile præstare spiritum vini, quod nulla sibi poterat persuadere ratio, olim aliquando narravi, hæmorrhagias hunc pariter ad stuporem sistere, cum plumaceolis sub moderata vasis vulnerati compressione, applicatum, liquorem salino-sulphureis, volatilibus atque alterantibus & solventibus, quibus sanguinem potius exagitet & ad turgescentiam disponat, non terreis, non fixis, non adstrictoriis, particulis scatentem.

Insuper experientia hodierna & quotidiana superiorum seculorum

lorum euporista & pro infallibilibus hactenus decantata, morborum ^{Venz. se-} præsidia inutilia, fallacia & dolosa deprehendit, & sic in plura inquire- ^{ctio in fe-} re jubet. Sanguinis missiones indicatum febrium & causæ febrilis ^{bribus su-} credit antiquitas, propugnare hactenus ad sanguinem usque alla- ^{specta.} borarunt scholæ, adeo ut ad curationem cujuscunque illarum generis phlebotomiam administrare non dubitarint Medici non superiorum tantum seculorum, sed modernorum quoque multi, decepti sine dubio a *Galeno* *11. meth. med. cap. 15*, ubi scribit: *Saluberrimum autem est in febribus venam incidere, non in continentibus modo, verum etiam aliis omnibus, quas putrescens humor concitat.* Quibus nihilominus opponere licet exempla plus, quam quotidiana, illorum nempe, qui a febre non tantum per venæsectionem non reconvaluerint, sed gravioribus periculis ac morti mancipati fuerint, qualia *Joh. Franciscus de Francisco* hinc inde, in primis *cap. 2. & 4. de Venæsect.* recenset, & perinde, ac *Jacob. Ponz de nimis licentiosa ac liberali intempestivaque sangu. miss.* eam in febre, ut tali, dissuadet. Quale quid in specie de febribus intermittentibus asserit *Sylvius prax. append. 9. §. 177. 178. & c. app. 10. §. 677. 678. seq.* ubi etiam argumentis pro contraria sententia allatis diserte respondet, tandemq; per experientiam infert, sanguinis missionem intermittenti febre, qua tali, minime, sed certis tantum hujus aliquando symptomatis, competere, aliquando in harum medela nocere, quemadmodum pariter in plerisque continuarum: ut taceam aliorum modernorum experimenta, theoriis ejusmodi hæmatizantium contraria.

Porro, aliquando theoriam circa unum idemque negotium ita hæsitare contingit, ut contradicentium argumenta æquiponderent, v. g. circa eandem Venæsectionem in variolis similibusque exante- ^{In variolis} matis, quam ex Veteribus *Fracaſtorius, Amat. Lusit. & Nicol. Fontanus & c.* ex Modernis *Riverius & Menjotius* aliique ideo propugnant, ^{pariter,} quod natura per sanguinis educationem ab onere levetur, sicque ad ^{nisi rarissi-} feliciorem heterogeneitatum incongruarum secretionem ac metastasin disponatur. Contra argumentis non minoris ponderis summum phlebotomiæ in Variolis periculum innuunt alii, v. g. *Sydenham obs. med. circa morb. acut. hist. f. 3. c. 2*, quod nimirum per eandem ebullitio sanguinis despumatoria & secretoria turbetur, simulque id ^{me.} subdu-

subducatur, quod inchoatæ secretioni quasi pabulum & impetum continenter suppeditare debebat. Quales lites praxis satis funesta ac mortes illorum dirimunt, intempestive fatis & justo tardius, adeoque sine digladiancium præmio ac gloria: aliquando quamvis salutare hoc variolosis remedium testetur eadem experientia, non, nisi a practico peritior aliis casibus applicanda, sub cautela a *Riverio* & *Sydenham* suggesta, seu accuratiore dignotione sanguinis plus minus ebullientis.

Experientia etiam methodum mutata.

Remedium successuum rariorum etiam rationes suggerit.

Quod non semper præstat ratio.

Imo observationes atque experimenta practica solertiora non remedia tantum inveniunt ab indicantibus indicata, v. g. catharticum in primarum viarum cruditate, sed per horum inventionem, methodum quoque & indicantis atque indicati connexionem, satis firmam hætenus visam, aliquando dubiam reddunt, si non omnimode evertunt: v. g. usus Corticis Peruviani in febribus intermittentibus salutaris, methodo cujusvis hypotheseos de natura & causa febrium legibus superior. Nec adjicere vereor, eandem experientiam remedium non tantum hujusque successum innuere, v. g. venæsectionem modo salutarem, modo exitiosam variolosis evenire, calvariæ perforationem percussis modo prodesse, modo secus, folia Sennæ modo cum torminibus, modo blandius, alvum subducere; verum rationem quoque disparium ejusmodi unius remedii effectuum reddere; salutarem esse phlebotomiam illam, sub ebullitione sanguinis exquisitiore, noxiam sub minore ac fatifcente; frustra adhiberi modiolum, si cruor e Calvaria educendus profundius hæreat, ejusve grumus Duræ matri tenacius agglutinetur; folia Sennæ tormina concitare per viscositatem intestinam, quam decoctio eorum evolvit, corrigunt additamenta salina, CrySTALLI v. g. Tartari. Neque tandem, quæ ab analysi chymica horum illorumve concretorum medicamento eorumve textura petuntur, rationes in determinando morbi remedio hujusque agendi modo adæquate exhauriendo semper quadrant: cum per illas hypothesen nec per experientiam jam dum observatæ eorum facultates semper commode satis explicari queant. Ita per artem quamvis ex hoc illove eorum educantur salia, olea &c. æmbiguum tamen relinquitur, an per hæc in corpus nostrum agant, hujusque ataxias corrigant: postquam nonnullorum

nullorum salia volatilia & fixa, v. g. mandibula Lucii, Cornu Cervi, absinthii &c. aliis partibus constitutivis eousque involuta sint, ut ab his in corpore, quod talia assumpsit, & ubi tantus ignis calor, quantus ad evolvenda illa necessarius, concipi nequit, educi haud valeant; adeoque nec medicamina hæc vim sudoriferam & antifebrilem exerant, pleuritidem non discutiant, per sal volatile aut alcali, licet effectus ejusmodi præstare, experientia constet. Neque ex concretis medicamentosis educta semper agunt, quod totum, v. g. Sal absinthii nullius valoris in lumbricis pellendis aut febribus expugnandis præ integra herba.

Quemadmodum nec in negotio hoc analogismus sufficit, si Nec ab a. v. g. concludamus, sal volatile succini urinam pellit, E. Aselli idem ^{analogia} agunt ratione salis volatilis; quatenus in cineres quoque redactus ^{petita} bufo diuretica potentia gaudet. Aut si a præcipitationibus variis, quas per experimenta mechanica edocemur, ad morborum medellam argumentemur: v. g. Martialia absorbent acida. E. dum ictero medentur, acidum morbificum absorbendo agunt. Adeo ut, ^{per exper-} quamvis ratiocinatione seu conjecturando aliquando inveniantur ^{imenta} hujus vel illius affectus præternaturalis præsidia, v. g. ^{demum,} *a Galeno de* ^{confirma-} *simpl. med. facult. lib. 10. c. 9.* articulorum tophi caseus acris in cruris ^{tur ratio.} suilli salsi decocto maceratus, fatetur tamen hic, hoc a se excogitatum remedium experientiam demum comprobasse: perinde ac ab *Avicenna*, *Paulo* aliisque potu data ossa humana arthritidem solvere, non tam per rationem, quod eadem digerendi atque exsiccandi vim habeant, qualem huic experimento affingit *Zacutus Lusit. 3. de med. Princ. hist. 36.* quam per succedaneas observationes, firmatur.

Astrorum, Solis inprimis, Lunæ & cæterorum planetarum or- ^{Astrologo-} tus ac occasus, situs, motus & coitiones tam inter se, quam cum aliis ^{rum præ-} sideribus, potissimum Zodiaci, in curatione morborum attendere ju- ^{ceptorum} bebant Astrologorum olim plurimi, una cum Medicis nonnullis: quo- ^{in medela-} rum tamen posteriorum paucos admodum ex doctioribus invenies, ^{morbo-} sed rudiores plerumque tantum ac imperitos, qui suam in arte igno- ^{rum ha-} rantiam ejusmodi extraneis futilibus incrustare, opinionem, quam ^{bent ra-} neutiquam demerentur, sibi acquirere ac negligentiam dissimulare ^{tionem,} contendunt, solstitia & æquinoctia, novilunia, plenilunia, opposi- ^{multi.}

tiones ac conjunctiones harum illarumve erronum stellarum accusantes, ubi præpostera curæ rationem reddere debebant hi erronei. Commentorum ejusmodi ab Astrologis haustorum infinita sunt, sc. quod Luna subintrante Leonem, domum Soli planetarum principi, dicatam, aut infortuniis, ut ajunt, aliis obnoxia, sanguinem mittere metuunt, quemadmodum pariter, ubi eadem Luna Soli conjungitur. *Avicennas* 1. *fen.* 4. c. 21. ne ventosa in Novilunio admoveatur, præcipit, quod humores nondum ebullierint &c. nec in ultimo ejus decremento, quasi humores tunc sint imminuti: quod ejusdem interpretes aliis hujus generis evacuationibus, per causæ conformitatem, applicant v. g. *Vigo de vuln. cap.* calvarium in plenilunio perforare detrectat. Delirant alii, in illo membro, vel ejus gratia, cujus signum, seu quod ab Astrologis ipsi mancipatum, Luna tunc percurrit, Venæsectione interdicentes: sicut pariter, qui in magnis, ut ajunt, temporis mutationibus, sc. Solstitiis & Æquinoctiis, id faciunt. Perinde ac scutica dignum, quando tempora quædam præ aliis catharticiis hauriendis opportuna magis nuncupant: hæc propinare prohibentes, cum Luna alicui ex signis ruminantibus, Arieti, Tauro, Capricorno, inexistit, ne sub his sumptum pharmacū vomitu rejiciatur, seu medicamentum dejectorium emeticum evadat; contra sub hac Lunæ habitudine vomitoriorum usum commendant, v. g. *Solenand.* 5. *conf.* 2. Exhibent eadem vomitoria in novilunio ac sub incremento, alvum subducentia sub decremento, Lunæ, ut alias Planetariorum, ejusmodi ineptias mittam, v. g. quando Ptolomæus pharmacum exhibendum monet, dum Luna Jovi fuerit conjuncta, neutiquam, si maleficis Saturni vel Martis adspectibus configuretur.

Alii secus.

Modernorum vero plerique, *Aretæum* secuti, dum pleuritidis occasione, nullum moræ dandum esse locum, scribit, quin potius valentiore remedio huic succurramus, sc. *Monardus* 2. *epist.* 1. *H. Cardanus meth.* c. 24. *Botallus de Sangu. miss.* c. 22. *Claud. Deodat. panth. hygiast.* 3. c. 6. *H. Augenius de Sangu. miss.* l. 8. c. 19. *L. Lemnius* 4. *de occult. nat. mirac.* c. 15. *Langius* l. 1. *epist.* 35 & 36. *Vallesf. meth. med.* l. c. 1. *Amat. Lusf. cent.* 3. *cur.* 81. *Heurnius* 3. *meth.* c. 9. *Primerosius de vulgi err. lib.* 4. c. 9. & 10. futile hoc dogma respuunt, sui; dissensus varia depromunt argumenta, quæ ex iis prolixius recensere ambigo, pauca sufficiant.

Et

Et quidem præfaminis loco, puto, penes plerosque in confesso esse, dogmata hæc seu hypotheses has astrologicas, neque a priori, neque a posteriore, videri adhuc comprobatas: non a priori, quod eorum ratio evidens nulla detur, nec a posteriore, quod experimentis adæquatis destituantur, quinimo experientiam contrariam habeant, ut ex seqq. constabit. Nec Solstitia, nec Æquinoctia has evaluationes, vel quæcunque remedia interpellare ac comperendinare valent, cum in his haud magna, ut vocantur, temporum vel aëris contingant mutationes, quia hæ non evidentes: ne dicam, frigus non minus ac æstus atmosphæræ post hæc, seu postquam Sol hæc Ellipticæ loca aliquot jamdum diebus transiit, intendi. Et quemadmodum intuitu Æquinoctiorum ratio haud apparet, cur dies, quibus nobis sol adhuc remotior, i. e. verni Æquinoctii punctum nondum conscendit, aut autumnale superavit & huic inferior factus, magis idonei sint ad præsidia medica admittenda: sic nec Solstitia bina, quæ dispari plane aëris habitudine gaudent, idem jubere, vel vetare, valent, postquam eosdem morbos non raro utrisque temporibus accidere deprehendimus; neque semper excessive æstuosum æstivum, sicut nec adeo rigidum brumale, existunt. Nec constat, cur Luna crescens ac declinans alium atque alium influxum in pharmacorum operationes præstet, dum, quicquid lucis augescens vel decrescens habet, non sibi proprium tenet, sed Soli tanquam mutuum, in acceptis refert, adeoque eadem lux, ratione intensiōis atque extensiōis, hinc vis extra se agendi, ipsi est in prima ac in ultima ejus quadra. Imo si lux originalis in Sole cunctis mensis diebus eadem est & pharmacorum usum atque sanguinis missionem toto mensis ambitu concedit: quomodo eodem tempore, quacunque ratione in Lunæ orbe modificata, alios atque alios effectus præstet, non video; cum huic nihil hinc accedat, sed multum virtutis, dum ab opaco ejus corpore reflectitur, decedat.

Neque frigus Saturni, aut Martis fervorem, si Luna his conjungatur, adeo vereri debemus, ut sub ejusmodi adpectu ægros opportuno ac necessario auxilio destituamus: quippe non hic eousque inflammatur corporis nostri fluida atque spiritus, quin sub eo ejus ad Lunam positi etiam frigidiores invalescant morbi, si brumali inprimis

Nec sine
ratione.

Solstitio-
rum & Æ-
quinoctio-
rum nulla
in meden-
do vis.

Nec Lunæ
crescentis
ac decre-
scentis.

Nec adspe-
ctus alio-
rum pla-
netarum.

Neque si-
gna Zodia-
ci, his vel
illis mem-
bris dica-
ta.

mis tempore talis eveniat; nec ille adeo infrigidat, quin conjuncta ipsi Luna febres quoque alique morbi calidiores generentur. Parum quoque qui, juxta *Ptolomæum*, membro, vel membri gratia, phlebotomiam simileve remedium admoveere formidant, cujus Zodiaci signa Luna tunc permeet, fundamenti habent: quod illa membrorum corporis & Signorum relatio ex mera quorundam phantasia oriunda sit, neque ratio appareat, cur huic membro præ altero Aries, Libra &c. præsit, quatenus vulgari huic dogmati aliorum v. g. *Messabale*, sententia e diametro repugnat, qui curationes adornare jubent, ubi Luna signa, membro affecto assignata, subintravit, e. g. phrenitidis ac anginae, ubi Luna Arietem, Taurum &c. transit, per humeralis venæsectionem. Et supponamus, quempiam percussione capitis passum periculosam, an huic nulla chirurgia administranda, quamdiu intra vel extra signa appropriata versatur Luna? metuendum, ne fero nimis illa paretur.

Rejicitur
hæc sen-
tentia.

Aut enim nulla habita permittentium intrinsecorum, coctionis nimirum & cruditatis humorum, temporis morbi &c. ratione hujusmodi remediorum administrationem hæc syderum phænomena moderari, aut utrumque simul attendi, malunt: Si posterius, frequentius continget, morbum ejusque circumstantias urgere evacuationem, quam hæc non permittunt; aut minus postulare, quam hæc innuunt, quod utrumque cum agri damno fieret. Corripitur v. g. pleuritide plethoricus, Luna Leonem subintrante, huicne venam incides? quod urget morbus & sub hoc latens plenitudo, vetat idem Lunæ motus: differ hanc evacuationem biduum vel triduum, donec Luna domum illam exiverit, ac intra dictum tempus ita augebitur inflammatio, ut nec resolvi, nec maturari, queat, hinc in peripneumoniam, phthisin ac mortem ipsam conjiciet infirmum, tempestivo ac adæquato præsidio destitutum. Et cur non in ejusmodi casibus normam agendi vel remedium differendi præstat regula generalissima atque inviolabilis: Ex duobus malis minus eligendum, seu ad id, quod magis urget, consilium dirigendum? Sic enim major & evidentior noxa minori anteponenda foret, qualis sine dubio in urgente morbo ex remediorum generosiorum dilatione magis impendet, quamque si sub quocunque side-

Propter
diversas
sui difficul-
tates.

rum

rum positu seu adspectu sanguinis missio vel catharsis administretur, hæc avertent: & in respectu ad Lunæ phases, oppositiones &c. vix tantum poterat exurgere periculum ex remediorum genuina applicatione, quam ex præpostera ac neglecta, minime ex astrorum adspectibus his vel illis.

Præterea cautelarum harum astronomicarum totidem observantur, earumque magna latitudo est, quarum una nihilominus alteri videtur derogare, aut derogare posset: v. g. ut Luna inexistat signo cuidam ruminantium, sit simul in ultima sui quadra & Jovi vicina, it. in incremento, ubi desiderabatur decrementum, cui usui tunc foret catharticum *διὰ* sive *κατὰ* evacuans? Aut, si omnes hæ observationes veritati responderent, hinc singulis Æquinoctiis, Solstitiis, circa ortum & occasum Plejadum, Sirii, Noviluniis, Pleniluniis, oppositionibus, conjunctionibus similibusque infinitis cœli phænomenis superstitiose abstinendum foret ab his vel illis evacuationibus, imo propter latitudinem harum influentiarum aliquot dies ante & post, nullus remediis concederetur locus, nec tempus, si forsan plura horum prohibentium astrologicorum se successive & per plures dies, haud interpolata serie, excipere, seu succedere sibi, contingat. Accedit, quod iidem Astrologo-Medici hinc inde tradant, illum, qui pharmacum sumpserit, aut sanguinem miserit, dum Luna sextæ aut octavæ domus Natalis ejus occupet, difficulter evasurum: qualis tamen Horoscopus cum non omnibus sit communis, sed cuilibet proprius, non potest non inferri, quosdam dies ad præsidiorum ejusmodi usum aliis esse salubres, qui aliis exitiosi & emortuales.

Equidem eorum plerique, qui nugas has, vel eas propugnando, vel iis connivendo, sequuntur, quo Labyrintho hoc se extricent, inter morbos breviores & acutos valde, & inter longiores, seu qui inducias ferunt, judiciose satis se distinguere putant, & præcepta hæc astrologica in posterioribus tantum, non in prioribus, attendenda esse ajunt: Ex quo tamen illud absurdi progreditur, morbos acutos cautelis eisdem supersedere posse, secus, qui mitiores & tardioris motus. Cum tamen sine dubio majore opus circumspeditione illi præ his, utpote valde periculosi, habeant; vel si sine hac mederi licet periculosioribus, cur non minus talibus, seu non adeo præcipitis occasionis? Pro-

Una harum cautelarum alteri derogat.

Nec valet hic distinctio inter morbos acutos & chronicos.

fecto in febribus acutis, pleuritide, angina, apoplexia &c. periculosum est, propter cœli hanc vel illam dispositionem, necessaria remedia omittere, vel procrastinare, ubi nimirum morbi tempora naturæque motus potius spectare oportet, & secundum ejusdem indicantia remedia varia, illi adæquata, præscribere. Veli in morbis acutis, & qui cum summo periculo moventur ac in quibus levius erratum grande damnum præstat, nihil refert in ipso adspectus & influxus siderum incongrui tempore applicare, & exin metuendum damnum postponitur: quare in minus periculosus seu salutaribus hoc adeo pertimescendum, talibus nimirum, in quilibet nec remediorum procrastinatio, nec alia leviora errata, præjudicant? Sane in quibuscunque morbis occasionem & opportunum agendi tempus prætermittere, nunquam sine graviore damno fit, & nisi morbi principio obstes, ægrum perdis: utpote quo tempore futuræ morbi magnitudinis sumus ignari, & qui in initio satis mitis apparet, brevi truculentiores ungues monstrat, seu ancipitia maxime symptomata alit. Exempla ejusmodi primo satis abblandientium, & quales minus periculosos judicasset quilibet prudentiorum, morborum expectatione frequentiora nos praxis docet, & *Galenum* tale quod aliquando decepisse, 4. de loc. c. 8. ipsemet fatetur, in quodam, quem in morbi initio leviter tantum & absque periculo ægrotare opinatus erat, paulo post vero pessime se habere agnovit. Si proin tale periculum ab initio haud compareat, & ex improvise postmodum se ingerat, accidit non raro, ut principio ejusmodi morbi absque remediis necessariis transacto, ubi hic incrementa graviora capit, omnibus etiam remediis in principio applicandis, nunc superior, hæc vero irrita, evadant. *Miseri profecto*, scribit *Amatus Lusit.* l. a. *reputandi sunt Medici, qui ad Lunæ conjunctiones & oppositiones, agris male habentibus, animadvertunt, sanguinis missionem vel per pharmacum purgationem necessariam intermittentes.*

Nec experientia,
pro sententia hac
allata.

Provocant ad experientiam, in rebus dubiis æquissimum atque genuinum Arbitrum, v. g. refert de quodam Illustri Hispanorum Medico *Dilectus Lusitanus de venasect.* cap. 7. sect. 2. art. 2. qui cuidam ægrotanti medicamentum die conjunctionis inconsideratius propinasset, quo eodem die e vivis hic discesserit, cum ingente quidem il-

lius

lius infamia, quam nec clandestina & furtiva fuga expiare poterat. Quale tamen unicum, ac hujus generis plura, haud sufficiunt pro asserto illo triviali propugnando aut comprobando: post assumptum conjunctionis die pharmacum hunc mortuum concedi debet, an vero adspectus ille astrologicus, an medicamentum, an error alius quidam, an latens malignitas, aut visceris cujusdam occulta corruptio, tristiori huic eventui ansam dederit, ambiguum manet; nisi forsan ex præjudicio superstitioso hoc decidatur & *Dilecto* illo ejusque hypothese præter modum assentiamur. Majoris fidei, quia evidentiores, sunt observationes, testantes, sub æquinocitiis & solstitiis, in novilunio, plenilunio &c. salutariter administrata fuisse ægris generosiora remedia, quæque si omiſsa, forsan hi periissent: adeo ut astrorum, in primis Lunæ, tot configurationes & adspectus suspecti timorem pervacaneum nobis incutere videantur, qui miseros in majora semper pericula conjicit, quam commodi unquam attulit. Memorabile hujus rei exemplum suggerit *Amatus Luf. cent. 3. curat. 81.* de quodam juvene, qui ex febre continua delirabat, cujus medicus, propter Lunæ oppositionem, sanguinem per venæsectionem ipsi educere metuerat, hinc in summum vitæ periculum, quod post diem decimum quartum difficulter demum eluctabatur, conjecerat. Conſpectius & funestum magis, quod *Langius l. 1. epist. 36.* commemorat, quendam sc. juvenem, pleuritidi graviori expositum, cui medicus venam secare præceperat, Monachus autem apostata, qui ex medicinæ imposturis quæstum parabat, superveniens, quod in ephemeridibus cujusdam astrologi diem illum nullo auspiciato phlebotomiæ crucis signo notatum cerneret, mox exclamando, Medicum priorem, multum aberrasse, huncque diem chirurgiæ illi esse infestum, dissuadebat & ad triduum, donec luna pisces subiret, differebat, altera vespere vitam cum morte commutasse.

Concludo igitur cum *Monardo 2. epist. 1.* recte sibi & ægris consulti-
 fulturos medicos, si, quoties evacuandum videtur, lotium magis, Concluf. negat.
 quam cælum, inspicerent, & venarum pulsationem potius, quam
 stellarum observarent configurationem, i. e. illa, quæ circa infirmos
 apparent, præ astronomicis observationibus, curarent: quatenus
 astrorum concursus causa tantum videtur occasionalis & universalis,
 quæ

Nec penes
Hippocr.
& Gale-
num de
hac astro-
log. medi-
ca aliquid
legitur.

quæ internas demum commoveat & varie agitet, neque hoc immediate, sed ratione virium & alterationum, quas aëri imprimit; sicut sub cane, ante canem & post canem vetat purgationes *Hippocrates*, non aliter, quam propter aëris tunc temporis fervorem. Nec *Hippocrates* nec *Galenus*, nec alius quispiam Medicorum princeps, indicationis hujus astrologicæ meminit, & illa quæ ex *Hippocr. de iter. Aquis & Loc. 1. de dicta in prognost. circa finem* & alibi, pro eadem comprobanda afferuntur, scopum vix feriunt, qui Hippocrati erat, docere, quantum astra aërem ambientem mutant, quidve hinc de subsequæntis temporis constitutione, hominum valetudine ac morborum motu sperandum, aut timendum, foret, ut *sect. 3.* per multos aphorismos declaravit. Nullibi vero ex contextibus ejus apparet, illum evacuantium administrationem per siderum horum illorumque ortus & occasus moderari voluisse, nisi, quando circa maghas temporum mutationes non facile evacuandum, urendum, secandum &c. monet: quo, ut dictum, tamen non tam cœli, quam temporis anni & habitudinis hujus, hincque mutata aut mutabilis corporis nostri constitutionis, rationem haberi vult; cum cœteris de aëre, *aquis & loc.* consignatis verbis addat, ideo tale quid attendendum, quod *una cum temporibus ventriculi mutationem accipiant*, i. e. calidiores frigidioresve, juxta *1. aph. 15* evadant.

Medicus in
agendo
non sit ni-
mis muta-
bilis.

Occasione officii medici agentis in genere porro notetur, ne, dum morbis mederi allaborat, facile & in horas mutabilis sit, contra tamen nec pertinaciter nimius priori medelæ & de hac primum formati conceptibus ac remediis insistat: quippe quorum utrumque, damno erit ægro. Sc. primo, in chronicis potissimum, quod singulis indicantibus & prohibentibus probe ponderatis mature exco- gitaverit, audacter & graviter exequendum curet, ne timide & invalide operari videatur: ita quidem ut, etsi nihil utilitatis aut emolumenti oppido compareat, statim tamen ad alia transeundum, seu ab eo, quod rectum, recedendum, non sit. Constantiæ hujus nos admonet cum *Hippocrate Avicennas*, prior quidem *1. aph. 52.* *Omnia secundum rationem facient: si non secundum rationem fiant, non transire potest ad aliud, manente eo, quod ab initio visum est: posterior vero 1. Fem. 4. Cave, ne a rectitudine recedas, licet non appareat judamen- tum.*

tum. Cum morborum nonnullorum horumque causæ non raro tanta sit pertinacia, per quam remediis vix, nisi longius continuatis, succumbunt: ne dicam, multoties ex præsidiiis, ratione & experientia satis comprobatis, in principio horum applicationis, plus molestiæ subsequi, & malum hæc intendere videri, dum v. g. Gonorrhæa virulenta infestatorum fluorem usus Mercurialium, Præcipitati inprimis viridis, auget, Luis Gallicæ nonnulla symptomata, v. g. dolores artuum, macularum atque exantematum crustosorum eruptiones potu decoctorum solennium, ac colicæ pituitosæ cruciatus a solventibus, exacerbari notamus. Recedendum tamen haud est ab his, & medendi regulis, sed patienter potius medicus cum infirmo ferre debet has tempestates, ab illis concitatas, brevi ab iisdem discutiendas: secundum *Galenum* enim *l. de dieb. crit. c. ii nihil est, quod sanitatem plus impedit, quam crebra remediorum mutatio.*

Quodsi tamen sub applicatione unius alteriusve remedii præter morem agrotantem pejus se habere, i. e. immoderatio v. g. ab usu Mercurii, quam alias solet, concitetur materiæ virulentæ fluxus, illa flavescat, viridescat, febris, dolor, vomitus superveniat priori morbo, aut per errorem te illa incongrue ac intempestive admovisse, deprehendas, hujusve ab alio admonearis, tibi que & prioribus tuis cogitatis noli eousque ab blandiri, quin sententiam & consilium mutes, cum nemo forsan mortalium inveniatur, qui in arte ejusmodi conjecturali non fallatur.

Inprimis autem morbi diuturniores medelam & medicamenta aliquando mutare jubent, si potissimum, annotante *Vallesio 4. meth. 2.* ex acutis decidant, quod hi plerumque difformes, ex diversis compositi & sub variis sui recidivis genium & faciem mutant: in quibus forsan haud una semper observari debet aut potest medendi ratio. Cum nec tota materia morbifica uno & simplici motu a principio ad finem gaudeat, sed varios motus sustineat, hinc nec tempora morbi sint simplicia, i. e. parte quadam materiæ peccantis digesta altera ejus portio adhuc cruda existat, hæcque morbum in principio, illa in declinatione, eum versari faciat. In quibus multiplicibus affectionibus & harum quasi cumulo, aut, quamvis unius generis, a causa tamen adeo heterogenea si foveantur, therapeia requiritur multiplex ac difformis.

Nec tamen
contumax.

Medelam
mutare ju-
bet morbi
diuturni-
tas & cau-
sarum va-
rietas.

Ee

Postu-

Ita sympto-
mata sur-
pervenien-
tia.

Postulat parem seu variam medelam symptomatum variorum ingruentia, utpote quæ, si non peculiarem sibi indicationem formant, certe quominus primæ & primariæ satisfieri queat, impediunt seu prohibent: quod idem fit, ubi de affectu morbofo nondum sufficienter constat, & ubi medela tentativa, de qua superius dictum, opus fuerit, ut aliquando, advertente eodem *Vallesio 3. meth. c. 7.* curationem totam in contrarium deferamus, ac in uno morbo diversimode procedamus, donec ejus speciem, causam ac denique omne, de quo dubitatur, a posteriore dignoscamus, seu monstret congrua magis sanandæ ratio, quam varia tentando tandem, casu propitio, offendimus.

Non ta-
men mox
mutetur
therapeia.

Neque tamen semper & mox ipsa medendi ratio mutanda, quod imperitiam hujusque prolem genuinam, timiditatem ac præcipitationem innueret; sed sufficit aliquando remedia tantum variare, modo cuncta hæc idem indicatum seu scopum respiciant, v. g.

Sed variant
tantum re-
media.

evacuationem per alvum, sudoremve, viscerum resolutionem, flatuum discussionem, adstrictionem &c. juxta illud *Hippocratis, medicamento uno non conferente transendum ad aliud*: atque hoc non tantum, quod unum altero in suo genere efficacius sit, unius alteriusve crasi individuali plus minus respondeat, palato magis minusve arrideat; sed forsân quoque, quod affectui combinato prius haud quadret, eumve intendat, pluribus indicatis simul satisfaciât aliud, v. g. aloëtica & scammoniata in his, quibus fluor hæmorrhoidum molestus, cum aliis laxantibus permutantur, volatilia & aromatica sudorifera, quod viscido insimul incidendo & solvendo ministrentur, fixioribus surrogantur, diuretica amara, ubi præter urinæ suppressionem cachexia.

Juvantium
ac læden-
tium potis-
simum ha-
beatur ra-
tio.

subest, cæteris substituuntur, aut cum his alternant. Potissimum vero ubi de morbi indole nondum penitus constat, indicatio a juvenilibus ac lædentibus nobis sufficere potest, a *Galeno, de loc. aff. c. 4.* scilicet ac prudenter commendata & colici exemplo declarata, quam plerique practitorum etiâ communi ore amplectuntur, nisi paucis forsân ex præjudicio contradicentibus. Inter illos ex modernis deprehendimus *Sylvium 1. meth. med. 3.* & diversis praxeos sui locis, una cum *Sydenhamo obs. de morb. acut. sect. 6. cap. 6.* in eo consentientes, usurpanda, quæ sanos & ægros juvare, ab iis vero, qui iisdem nocere, depre-

deprehenduntur, abstinendum esse; hincque juvantia & nocentia præ cæteris indicantibus potissimas & certissimas promere indicationes. Adeo ut indicationis hujus ope viam paulatim prætentantes ægrum in tuto possimus eousque collocare, donec aliis porro subministratis remediis in medela morbi plus ultra progredi concedatur.

Circa generosiorum & ancipitum valde usum monendum, ne, quamvis cum ægro atque adstantibus de remediis non facile consultandum sit, nec, quæ hi renuunt, intermittenda, illa nihilominus, sine unius alteriusve propinquorum aut adstantium præscitu, administrantur, inprimis chirurgica, v. g. paracentesis thoracis ac abdominis, extractio calculi, modiolii applicatio, tanquam plus minus ancipitia: simul hoc eorum periculum præsens ac grave exponendo & de ambiguitate eventus, ac quod eorum hoc vel illud solitaria via ad salutem sit, protestando, atque contestando. Quod posterius de cæteris etiam minusque ancipitibus præsidiiis advertendum, ut, si ægrum & assidentes ea reluctari contingat, morbi gravitatem & ommissionis seu dilationis præsidii noxam illis explicet, ac hinc securum damnum morositati eorum acceptum referat Medicus, quo forsan hinc territi mali futuri metu obtemperent & commendata promptius admittant.

Atque hoc præceptum tanti momenti *Sylvius* declarat, ut, qui hoc negligat; medicum non tantum ægros sed seipsum quoque negligere, asserat: ægros, quod dolorem ac molestiam leviozem detrectantes, non majore damno urgeat, & ad obsequium ipsis necessarium serio magis compellat; semetipsum autem, quod re postmodum male cedente culpa in eum omnis devolvatur, arguaturque aut imperitiæ, quod damna futura non præviderit, aut negligentia, quod non majore fervore atque contentione ad officium tempestive revocarit ægrotantes, ob ferendam molestiam semper excusabiles. Hinc multo minus laudari potest in Medico, si solius calamitum devitandæ causæ aliquod generosiorum remediorum inter-

Genero-
siora re-
media non
usurpanda,
nisi cum
adstanti-
um præ-
scitu.

Periculum
morbis ex-
ponendo.

Nihil in-
termittat
medicus
metu ca-
lumnia.

strationem aliquid mali contingat, culpa in illud deferatur, licet alia fortasse causa subfit; v. g. si usum vomitorii necessarii metuat, purgans non propinet, sanguinem parcius justo educat, calvariae perforationem hæsitet. Qua quidem medendi ratione Medicus ejusmodi sibi ipsi ac fortunæ suæ circumspicte satis prospicit, miserum vero ægrum sanitatis ac vitæ discrimini exponit; quod pietas christiana vix suadet, imo inhumanum videtur.

Non in
uno reme-
dio medi-
cus omne
spem col-
locet, si
alia suppe-
tant.

Quamvis sibi etiam cavere debeat Medicus, ne in hoc vel illo præsidio solitario omnem salutis spem sine ratione colloquet, quod æger & adstantes contentiose recusant, v. g. in vomitorio, venæsectione, clystere similibusque, qualia nonnulli prorsus averfantur; si nimirum sine iis ac per alia idem agere & præstare liceat: ne ille citra hæc sanatus medicum cavillet, dicatque, si id admisisset, se aut mortem, aut gravius saltem malum, obiisse.

Nunquam
a propor-
tione vi-
rium rece-
dat.

Demum quæcunque horum similibusque administranda suscipiat, & per quæcunque instrumenta, a modo seu mediocritate, non facile secedat medicus: aut si ob gravitatem ac pertinaciam morbi in his excedere urgeatur, fiat tamen & hoc cum moderamine, i. e. in proportionē ad vires, & ne ex remedio gravius, ac a morbo, malum eveniat. Hoc est, quod Hippocr. 2. aph. si inculcat, his verbis: *Multum & repente evacuare, aut replere, aut calefacere, aut frigefacere, aut omnino quomodocumq; corpus movere periculosum est, & omnis multitudo naturæ contraria est, &c.* Rationem hujus moniti ex Sylvio repetere licet, superius sub cautela, *festina lente*, allegato, & evacuantium atque alterantium successivam & parciorem administrationem commendante: paucis eam tradit Galenus in comm. ad aph. all. *Nimium omne commoderationem destruit & substantiam animalis dissolvit.*

Jucunde
quomodo
cures?

Quippe etiam hoc ad tutam medelam exigitur, quam jucundam insimul præstabit Medicus, si, quamvis non cum oblectamento positivo hoc fieri queat, fiat tamen declinando & temperando, quantum possibile, molestias, quas vel ipse morbus per symptomata vehementiora, quietem & somnum inturbantia, vel remediorum applicatio, communiter & frequentius parere solent. Prioris agendi rationem caput seq. tradet: posterioris vero in eo inprimis consistit, diætam strictiorem laxando seu ægris in hoc, secundum desideria,

deria, aliquando gratificando, medicamenta suaviora præ nausea-
bundis atque ingratoribus exhibendo, a chirurgiis dolorificis valde
abstinendo, aut harum crudelitatem mitigando, denique suavitate
sermonis, comitate & promptitudine quavis miseriam infirmi le-
vando, de quibus superius prolixius actum.

CAPUT X.

De

*Indicationibus formandis atque obser-
vandis.*

A Gere, i. e. curare pariter ac præservare, dicitur medicus, si In- Quid sit
curare?
dicationes ex phœnomenis seu circumstantiis, penes sanos & ægros obviis, decenter formet, seu ex illis, tanquam totidem
Indicantibus Indicata, quæ alias auxilia, juvantia & *Kypero* agenda ap-
pellantur, eliciat, hisque per materiam auxiliorum seu remedia
adæquata satisfaciât. Et Indicationes nihil aliud sunt, nisi admoni- Indicatio-
nes quid?
tiones & demonstrationes agendorum, quas præstant Indicantia
communiter dicta, i. e. quæ agenda innuunt seu monstrant: suntque
semper aliquid corpori inexistens & sui correctionem seu sublatio-
nem aut conservationem postulans. Hinc methodus medendi est Methodus
medendi
quid?
ars per indicationes inveniendi & applicandi remedia, conservandæ
ac restituendæ valetudini adæquata; ac observatur in commentariis
medicis tam generalis, quam specialis: illa involvit morborum par- Generalis
& specia-
lis.
tium solidarum sc. tumoris, inflammationis, luxationis, vulneris,
obstructionis &c. humorum viscidiorum, acrimoniæ, stagnationis
&c. correctionem ac sublationem; hæc pleuritidis, tumoris crurum
œdematosi, vulneris & fracturæ capitis, ulceris vesicæ, constipato-
rum intestinorum, scorbuti, luis venereæ, obstructionis urethræ a
calculo &c. medelam moderatur.

Innititur hæc indicationis doctrina tribus potissimum axioma- Axiomata
ejus tria.
tis, quorum primum, quod s. n. conservandum, quod p. n. tollen-
dum: alterum, contraria seu p. n. contrariis tolluntur, similia seu
naturalia similibus conservantur: ac tertium, inter duo mala minus
eligendum.

Indicatio
triplex.

Ratione prioris axiomatis, quæ secundum & præter naturam sint, ex physiologicis & pathologicis supponendum: interim ex eo fluit distinctio inter indicationem vitalem, curatoriam & præservatoriam; quarum prior conservanda, (ideo a *Sylvio* conservatoria

Indicatio
vitalis
objectum
vires sunt.

dicta) cœteræ tollenda, respiciunt, juxta *Hippocr. de flat. t. 3. Medicina est appositio eorum, quæ deficiunt, & ablatio eorum, quæ abundant.* Conservanda & indicationi vitali subjecta vires sunt, vitalitatem imme-

Quid vi-
res?

diatæ præstantes: quæ, quamdiu integræ, nihil aliud, quam perfectior sanitatis gradus sunt, sin debiliores evadunt, remissior; & dependent non tantum, ut vulgo credunt, a spirituum seu motus vitalis vigore majore minoreve, sed fluidorum quoque animalium ac soli-

Duplici ra-
tione con-
servari di-
cuntur.

darum partium textura seu tono & crasi dispari. Quorum conservatio modo proprie talis est, qua nimirum cavetur, ne per evacuationes, dissipationes & oppressiones fluidarum ac impetum facientium solidarumve partium refrigerationem, contusiones & vulnera vires perdantur, sed integræ maneant: modo improprie talis dicitur, ut perditæ etiam restaurationem involvat, fluidis nimirum vitalibus atque spiritibus materiam subministrando, eorum motus torpidiores excitando & organa digestoria roborando. Rerum autem præter-

Indicatio
curatoria.

naturalium quia tres observantur, morbus nempe cum causa sui conjuncta seu formali, causa antecedens cum occasionali, & symptoma; quodlibet horum seorsim indicat, cuncta tamen sui remotionem:

Præserva-
toria

& urgens.

ut curatoriam præstet morbus cum causa conjuncta, præservatoriam causa antecedens seu procatactica & occasionalis, & mitigatoriam, quæ urgens quoque audit, symptoma urgens, v. g. dolor, hæmoptosis, animi deliquium &c.

Alterum axioma prophylactico-therapeviticum instrumenta conservatoria & exturbatoria concernit, ita quidem ut, quod affectus corporis p. n. tollit, & constitutionem ejus naturalem conservat, horum remedium dicatur: hinc, quicquid naturæ molestum seu p. n. præfens, sui imminutionem, sublationem, attenuationem, temperationem &c. tanquam sibi contraria, postulet, imminens sui per eadem remedia aversionem seu præcautionem; habitudo partium & functionum naturalis seu vires similia exigant, i. e. habitudini naturali perpetuandæ adæquata. Et quando circa theorema hoc a quibusdam

busdam commentatoribus controversia movetur, quasi interdum ^{Medela} per similia quoque morborum medela fiat, eamque prolixè explicare ^{semper} & solvere conatur *Sennertus de conf. & diff. cap. 18. & Instit. lib. 5. part. 2. §. 1. c. 1.* vix tamen negotium penetrare videtur, aut brevius se illi extricare potuisset. Quæstio sc. non est de morbo & materia auxilii, quasi hæc sibi sint contraria; sed de morbo hujusve causa, ut indicante ac indicato, seu hoc, quod ab illo tanquam indicante, agendum monstratur: quæ duo sibi semper sunt contraria, refrigeratio æstui, temperatio acrimoniæ, referatio obstructioni &c. licet idem calor, ratione causæ continentis, v. g. sanguinis congrumati & stagnantis nonnunquam per calida, v. g. Spiritus vini camphorati, vini calidi &c. applicationem, tanquam materiam auxilii, corrigatur, i. e. hæc, quamvis non morbo, causæ tamen morbificæ immediata, sit contraria. Pariter hæmorrhagiæ per sanguinis missionem medemur, quæ, ut materia auxilii, illi equidem sanguinis profusioni p. n. non est contraria, sed similis potius: contraria nihilominus evacuatio hæc chirurgica deprehenditur causæ illius conjunctæ seu plethoræ ac motui sanguinis pravo, quatenus utrumque horum corrigit.

Sicut tertium demum axioma medico cynosuræ est, cujus ductu in casibus dubiis, & ubi indicantium quædam repugnantia, procedat: i. e. in medendo & præservando rationem semper habendam esse tutioris, seu a quo plus salutis sperandum, minus periculi metuendum. Atque hoc quidem 1. ratione affectuum complicatorum, ^{Quotupli-} ubi minor negligendus seu permittendus, si sc. sine alterius neglectu ^{citer ma-} neutri medela fieri queat; quo graviore & periculosiore succurratur, ^{lum ali-} v. g. dum pleuritidis causa sanguinis missio administratur, quam im- ^{quod ma-} prægnatio aut vires debiliores videbantur prohibere. 2. Intuitu as- ^{ius, aliud} fectus & remedii, v. g. dum anginæ præfocatoria, ut mali ancipitis ^{minus, di-} valde, gratia vulnus, pariter non omnis periculi experts, asperæ arteriæ, nomine trachæotomiæ, infligimus, in empyico paracentesi thoracis administramus: ac 3. ratione remediorum invicem, si horum periculosiore, v. g. arteriotomiæ, securius, venæsectionem, anteponamus.

Neque tamen omnium, quæ superius recensitæ, indicationum singulæ

Non omni- singulæ in singulis semper affectibus a medico attendi postulant:
 um semper quatenus aliquando non morbi primarii, sed symptomatis tantum,
 indicanti- curam gerit, v. g. doloris nephritici, non calculi majoris & minus cu-
 um haben- rabilis; deficit proin hic curatoria indicatio, aut huic minus satisfit
 daratio. aut satisfieri potest. Deinde nec antecedentis causæ semper mede-
 lam præstare tenetur, in paroxysmo v. g. epileptico, arthritico &c. in-
 primis si talis non præexistat, v. g. in cardialgia a ventriculi repletio-
 ne, vulnere, peste, quæ corpori æque sano ac valetudinario contin-
 gunt. Multo minus tertio symptomata semper seorsim urgent, sed
 affectu primario, tanquam causa, cessante, ut plurimum evanescent,
 v. g. evulso dente carioso dolor, educto per expectorantia pulmo-
 num muco dyspnæa. Nec peculiaribus denique ubivis opus est re-
 mediis conservatoriis, v. g. virium, digestionis ventriculi, excretionis
 alvi; si nempe hæc mediocriter adhuc valeant.

Interim quicquid causæ in quocunque affectu p. n. rationem
 gerit, ejus remotioni ante omnia vacandum erit, quamvis aliquan-
 do interpellare hoc & hujus generis remedia videantur symptomata.
 Inculcat inter alios hoc strenue *Vallesius 7. epid. p. 841. ubi Hippocra-*
tem & cæteros præclariores medicos indicationem causæ multo au-
 dacius sequi consuevisse perhibet, quam vulgares medicos, qui su-
 pervenientibus symptomatis territi, hisque occurrentes morbos ple-
 rumque contumaciores reddant, eorumve non, nisi leviores, persa-
 nent. Quod idem agit *3. meth. med. c. 1. ubi curationem, quæ a cau-*
sæ sublatione incipit, & ad id procedit, quod ab ea fit, usque ad ipsum
 morbum, ordinem curationis maxime legitimum ait; sicut coactum
 atque irregularem, ubi huic, quod urget, primum occurrendum; &
 inter hos medium, siquidem nihil urgendo methodum & ordinem
 curationis pervertat, aliquid tamen penes agrum occurrat, quod al-
 terius, v. g. principalioris causæ, curationi obstat, ut, nisi hoc subla-
 to, alteri commode mederi hand liceat, adeoque huic obveniendum
 prius sit v. g. si venæsectionem in febre continua, propter ventriculi
 cruditates, donec hæ exturbatæ, differre cogimur. Et *4. meth. med.*
c. 2 scribit, multa in arte esse, in quibus ab arte, urgentiæ causa, re-
 cedere ars sit, seu, quamvis multa in ea reperiantur præcepta legitima
 & regularia, perpetua tamen nulla existere: & qui eorum ulla ha-
 berent

berent pro perpetuis & inviolabilibus, methodicum dici posse, rationalem autem minime. Quatenus rationalis non ex libris seu commentariis sanet, sed ut in re quavis occasio dicet, & nullis se legibus, tanquam pragmaticis, obliget. Hinc usque adeo nihil inutilius, neque periculosius esse, quam unam semper statamque formulam observare, quam parum circumspecti & plurimum ignari methodum vocent; quæ tamen ideo solum methodus videtur, quod brevis existat, ars vero in tam angusto contineri nequeat, & ratione seu prudentia opus sit, quæ perlustret & attendat cuncta, quod casuum magna varietas deprehendatur. Quibus paulo post addit, morbos diversos aliquando complicari, qui medelam non uniformem admittant, quod tamen medici, qui in artis operibus parum exercitati, quique eam, quam ex libris aut præceptoribus olim mente conceperunt, ideam in omnibus agrotis ad amussim videre expectant, haud perspiciant, hinc in plerisque fallantur, eorumque remedia opportunum locum minus inveniant.

In specie ratione indicationis urgentis seu mitigatoriæ, quam nonnulli illatam medelam, *Vallesius* coactam, ajunt, præmonendum, plerosq; veterum v.g. *Trincavellum*, *Joubertum* & *Sanctorium*, nullam omnimode indicandi vim symptomatis concedere: quosdam sub Neg. præservatoria indicatione hanc symptomatum urgentium indicationem complecti. Illis adstipulantur multi ex modernis, graviter simul in eos invehentes, qui sub medela affectuum p.n. mox in principio dolorum similiumque symptomatum mitigatoria applicant, ac si præter & contra omnem rationem seu methodi medendi præcepta agerent. Quod nimirum per se nullam subsistentiam habeant symptomata, sed morbo demum, ut effectus & productum, superveniant, hoc sublato igitur mox, sine peculiaribus remediis evanescant, neque nisi morbo primario cessante ulli arti cedant. Ast posteriores, symptomata aliquando, per sui vehementiam causæ rationem induere, hinc vires magis deicere, putant. Quorum Scripto-

An sym-
ptoma in-
dicet?

Neg.

Affirm.

sum 16. obs. 4. in schol. omnes in eo consentientes, symptomata etiam aliquando, si vires agrorum valde deſiciant, medelam peculiarem urgere, ſeu inter præternaturalia, a Therapevtico demenda, ſymptomata etiam exiſtere. Sicut Navarchis, ſcribit Charleton l. a. ita perinde & medicis, ſumma loco prudentia eſt, ſinus obliquare, ubi per ſeditiam tempeſtatis non licet rectum tenere curſum: id quod in multorum morborum curatione ſæpius contingit. Quippe in infido hoc & aſtuſo utique mari navigantibus tot tantaque interdum procelſa ſymptomatum ex improbiſo ingruunt, ut amiſſo gubernaculo velorumque & acus magnetica uſu, nec curſum corrigere poſſint, nec ſiſtere navigia, ſed fluctuum impetu abrepti incumbenſibus ventis, quantum licet, indulgere cogantur, hocque ut nauclero artis ſuæ honos conſtet & vectoriſus vita. Ubi igitur incrudeſcentibus ex inopinato accidentibus egroti cuiuſpiam ſalus in extremum deducta eſt diſcrimen, medico eſt, curam ſuam a deſtinato morbi ipſius in totum proſtigandi curſu prudenter deſlectere ad maturius compeſcendum intervenientium furorem ſymptomatum, ne his intempeſtive neglectis, deſicientibusque agrorum viribus, oportunitas inceptum opus perſciendi a fato præcidatur.

Non omne
ſymptoma
a morbo.

Si cum refractariis ejuſmodi ex propria eorum agerem hypotheſi, qua a ſolo morbo omne ſymptoma evenire contendunt, erroneam hanc dicere fas foret. Quatenus non tantum ſymptoma ex ſymptomate prodit, ſed aliquando a cauſa morbiſica immediate, ſeu morbo haud evidentè interveniente, propullulat, v. g. a ſanguinis circa pulmones ſtagnatione dyſpnæa & præfocatio, ab acrimonia humorum dolor, dyſuria, prurigo, a ſpirituum motu incongruo vertigo, convuſſiones &c. dum nihilominus humores ac ſpiritus morborum ſubjectum haud volunt, nec tales pati hinc inde aſſerunt vulgo. Et quamvis etiam commune illud ſuppoſitum concederem, ſive cum modernis humorum ac ſpirituum habitudinem p. n. quoque morbos, & ad ſymptomata formanda aptam pronunciarem: minime tamen adeo generaliter hinc inferre liceret, E. ſymptomata ex morbis enata nulla peculiari indigere medela.

Sympto-
mata ali-
quando ur-
gent ſui
medelam.

Ipſa ſiquidem experientia quotidiana edocemur, non raro adeo gravia urgere ac conficere agros ſymptomata, quibus niſi ſuccurratur quantocyus, neglecta etiam primarii morbi huiusq; cauſarum medicatione,

catione, pereundum prius sit iis, antequam vincatur ille, aliquando omnino non curabilis. Quod advertentes peritiores medici, symptomatis vehementioribus sine mora medendum esse rati, hinc inde in commentariis suis practicis indicationum illarum meminerunt, hisque remedia appropriata sedulo consignarunt. Et utut ipse aliquando morbus cum causa sua conjuncta cedat, si modo causa procatartica removeatur, seu indicationi præservatoriæ satisfiat, v.g. remotis ventriculi cruditatibus cesset nonnunquam febris; adeoque morbus peculiaris sibi auxilia haud semper exigit: contingit tamen hoc non semper, sed pertinacius crebro inhæret morbus, etsi causa illius antecedens fuerit deleta: simili modo nec symptomata omnia semper propria sibi urgent remedia, neque tamen protinus ad morbi, utut causæ immediatæ, medelam evanescent, observante hoc jamdum *Argenterio de offic. med. cap. 11.* Hinc, quemadmodum in priore casu alia est indicatio præservatoria causæ antecedentis, & alia morbi seu curatoria: ita quoque, utut morbus vel sponte, vel remediis indicatis, cedat, symptomati tamen urgenti aliquando peculiaris seu propria manet indicatio, v.g. indicat morbus catharsin, dolor ac tussis narcoleos introductionem, hæmorrhagia adstrictionem &c.

Quia non
semper ce-
dunt ces-
sante mor-
bo.

Præterea nec cunctorum morborum solutionem adeo brevi & facile sperare valeamus, quin interim quædam eorum symptomata adeo graviter & periculose affligant, ut illorum medelam sine ægro- tantis interitu expectare haud valeamus, v.g. dolor, hæmorrhagia & strangulatio anginosorum. Quorum posteriori v.g. non medemur resolvendo aut ad suppurationem deducendo inflammationem, hincque apostema maturando, rumpendo ac evacuando, sed trachæotomiam administrando, i. e. neglecta morbi hujusque causæ medela: cum præfocatio hinc citius metuenda, antequam inflam- matio faucium, quamvis acutissimus affectus, tempora sua percurrat & sanetur. Perinde cum tussi aliquando, juxta *Forestum l. a.* se res habet, si ab hac ruptura vasis pnevmonici, ab ejus causa seu, feri acrimonia, erosio pulmonum, & ab inspiratione conturbata strangulatio, timenda; quæ, antequam causa ejus tollatur, præsentaneum auxilium postulat, a papaverinis & opiatibus sperandum. Quemad-

Et quia
contuma-
ciores ju-
sto ali-
quando
morbi.

modum denique ischuria ex calculo citius sæpe enecaret, utpote quam ultra septimum diem raro salutarem *P. Sal. Diverſus de affect. particular. c. 14. Rodius cent. 3. obſ. 26. Foreſtus 25. obſ. 16. Sennertus pr. l. 3. part. 8. ſect. 2. c. 2. Fonſeca tom. 1. conſult. 87. & tom. 2. conſ. 96. & Fer. Martius obſ. 4.* imo citius perimere, *Höchſſetterus dec. 6. caſ. 1. Panarolus pentec. 5. obſ. 17. ac Tulpius 2. obſ. 45* perhibent, antequam ille tollatur. Cujus etiam generis ſunt animi deliquia, multorum affectuum comites: qualium tamen medelam nullus unquam medicorum prudentum horum medelæ poſtpoſuit, ſeu illorum evaneſcentiam ab horum cura expectavit.

Interdum
plane in-
curabiles.

Qualis in quibusdam nunquam etiam expectanda, quod indicatione curatoria aliquando omnimode deſtituantur, aut hæc a variis prohibentibus infringatur, vel ipſi non ſuppetant remedia ac inſtrumenta adæquata. Dum v.g. cancro, morbo per ſe incurabili, nulla aut fruſtranea eſt indicatio curatoria, cum deſiciant remedia adæquata, illi ſatisfacientia: leniri nihilominus ac compeſci urgent dolor, foetor, hæmorrhagia, exulcerationi & putrefactioni ejus ſupervenientia ſymptomata. Similiter calculus renum vel veſicæ, propter ſui molem, figuram, tenaciorem adhæſionem ſimilemve circumſtantiam removeri nequit: mederi tamen interim convenit dolori, urinae ſuppreſſioni, convulſionibus, exitium brevī minitantibus. Quemadmodum tumores, collum veſicæ conſtipantes, qualium *Hildanus cent. 2. obſ. 65. & de lithot. veſ. c. 3. Riolanus antropogr. l. 2. c. 24. Bartholinus cent. 2. hiſt. 52.* aliique meminerunt, moleſtam ac periculofam iſchuriam parere conſtat: quos quamvis nulla arte tollere liceat, hanc tamen maxime urgentem negligere, ſana ratio & pietas vetat.

Quædam
ſymptoma-
mata mor-
bi primarij
medelam tur-
bant.

Quibus accedit, quædam ſymptomata morbi primarij medelam frequenter turbare, imo morbum novum patrare, adeoque ſui mitigationem mox & omnium primo urgere: quod ex variis caſibus & practicoꝝ pariter multoꝝ conſenſu conſtat. In calculi renum paroxyſmo dolorifico nonne inter omnes convenit, præmittere cæteris remediis anodyna atque narcotica, quæ nimirum dolori atrociffimo opem ferant? & huic demum indicato mitigatorio poſtquam ſatisfactum, calculum pellentia propinantur, perſeſverando ſimul in illorum paregoricoꝝ uſu; imo rariffime, niſi dolore ſo-

pito,

pito, calculus & sabulum ejicitur. Cujus quidem rei ratio hæc est, quod crispaturæ illæ fibrarum spasmodicæ, quas doloris formalitatem constituere, nunc ex pathologicis suppono, meatus, per quos, vel natura, vel ars, expellere enitebatur calculum & sabulum, præter modum constringant: & quidem non tantum laceffitis villis renum seu pelvis, quæ incongruum & dolorificum illorum impetum immediate sustinent, sed per consensum ureterum quoque vesicæ, peritonæi &c. membranæ, ut per harum constrictionem calculi non tantum, sed sanguinis & lymphæ quoque, motus interpelletur, sicque non una ratione eliminatio illius turbetur; donec remittente & laxata illa tensione laxiores atque flaccidiores reddantur canales, & per hanc laxitatem promptius cedant calculo & arenulis, transitum molientibus: cui accedit, quod per eadem narcotica somnus inducatur, hinc vires redeant, calculi enixum juvantes.

Pariter Ischuria, a calculo, orificium vesicæ aut canalem urinarii obstruente, ejusdem urinæ excretionem nonnunquam moratur, & per consequens peculiaria sibi remedia, antequam calculus exturbetur, urget. Nimirum dum meatui huic firmitus impactus ille urinæ transitum denegat, & ab hujus congestione præter modum extenditur vesicæ fundus, fieri idem potest, quod a voluntaria urinæ v. g. Ischuria ischuriam aliquando suimet causa evadit. cohibitione aliquando accidisse, *Galenus 6. de loc. affect. cap. 4. Forestus 25. obs. 12. & 14. in semetipso, Paræus 16. cap. 48. Riolanus enchirid. anat. pathol. 2. cap. 30.* alique perhibent, ac experientia loquitur: ut tono nempe vesicæ præter modum laxato ad pristinam sui contractionem se hæc recipere nequeat; hinc remoto quamvis calculo ischuria tamen non protinus solvatur. Imo & simul, quo magis extenditur vesicæ ambitus, eo plus constringitur seu arcetur ejusdem cervix; & sic hac ratione quoque lotium intercipitur.

Porro tussis, sicut interdum ferina satis & symptoma molestissimum deprehenditur, ita ante morbi primarii, infarctus nimirum seu stagnationis lymphæ in organis pnevmonicis, sublationem, sui mitigationem exigit: non tantum molestiæ propriæ intuitu, qua corpus enormius concutit, respirationem ac somnum turbat, sed quod excretionem quoque causam morbificam & morbi solutionem impediat. Explosiones siquidem hæc expiratoriæ inordinatæ & violentiores,

riores, quia tonum tubulorum trachealium, vesicularum pulmonalium & muscutorum expiratoriorum laxant, ut expuendis ejusmodi heterogeneousitatibus pulmonū minus pares, hinc, quo crebriores illæ, eo inaniore, evadant: contra ubi vel per lenientia vel papaverina eadem temperantur, ut a motu hoc expiratorio depravato organa pnevmonica ad aliqualem quietem componantur, cum euphoria aliqua tussis postmodum repetit & excretionem tabi muciq; pulmonalis fa-

Symptoma
unum alte-
rius ali-
quando
existit cau-
sa.
V. g. tussis
hæmo-
ptœs.

cile præstat. Hæmoptœ sicut interdum cum tussi vehementiore fit, ita in ejusmodi casu primum sine dubio indicans constituit hæc, quod cruorem ex vasis pulmonalibus quasi exprimat, ac rupturæ horum, causa evidens & aliquando solitaria existat. Adeoque ante omnia & quovis studio eo elaborandum, ut ad quietem componatur pectus, seu ab hoc tussis laceratoriæ concussiones avertantur, antequam rupturæ vasis, sanguinem fundentis, successive mederi liceat: imo frequentius, modo tussis sedata, sponte cessat expuitio cruenta.

Hæmor-
rhagiæ
medetur
ante vul-
nus.

In vulneribus sane ante omnia hæmorrhagiæ cujusvis habetur ratio, symptomatis, sc. non morbi: quod vulneris ipsius indicationi, nec primariæ sc. coalitioni, nec subordinatæ, quam adductionem labiorum ajunt, satisfieri queat, nisi postquam illi, tanquam indicantium subordinatorum haud ultimo, obicem posuerit Chirurgia: i. e. labia vulneris sibi adducere, nec convenit, nec licet, nisi cruoris profluvium sistatur, nullaque vel symphysis vel digestio, in medela vulneris speranda, quamdiu hæmorrhagia illam adhuc turbat, commoda deligatione & congruis remediis hinc primum compescenda.

Item spas-
mis ante
vulnus.

Cum spasmis, qui vulneribus interdum superveniunt, pariter res se habet, periculosis admodum symptomatis; vel ut illorum productis, vel ut aliorum symptomatum genitoribus, v. g. in vulneribus temporum alimentorum assumptionis, vel ut ipsa vulnorum medela mediate aut immediate hinc turbatur: quibus sane, vel ex hoc posteriore tantum capite, celeriter succurrendum, antequam per eos temperies, ut loquuntur, partis vulneratæ destruat, synoviæ affluxus augeatur &c.

Sympto-
mata ali-
quando

Ast quædam symptomata novum etiam morbum patrare, adeoque hoc nomine quoque potissimum medicationis in se convertere, diversis

diversis pariter exemplis comprobare possem, prolixitatis tamen vitanda causa bina horum tantum adducam. Tussim v. g. vasorum pulmonalium rupturam aliquando concitare, modo dictum; hernias vero & abortus pariter hinc & ex vehementiore vomendi conatu fieri, experientia loquitur. Dolori inflammationem supervenire, quid frequentius est? non equidem, quasi, secundum Scholarum communem traditionem, vitiosi humores ex reliquo corpore parti dolenti affluant, aut a dolore attrahantur; sed quod per crispaturas forsan fibrarum sensibilium dolorificas vehementiores ac diuturniores circulatio sanguinis in parte dolente plus minus turbetur: ut taceam, dolorem ejusmodi synoviam in articulorum vulneribus producere.

Quibus accedit, nonnunquam symptomata morbo equidem evidentiore combinari, hunc tamen non semper pro causa, aut saltem non immediata, agnoscere, sed ab alia, præter illum, foveri, adeoque illorum mitigationem de morbi medela minime participare: sive causam habeant cum morbi ipsius causa communem, sive omnino alienam. Prioris casus exemplum sistit *Sylvius meth. med. c. 16* inquit: *Superveniatur aegro, febre ardente laboranti, hæmorrhagia, non mediocris & critica, quæ ipsum levet & curet, sed symptomatica & larga, quæ ipsum valde debilitet, quin in vitæ discrimen conjiciat, perseverante ipsa febre. Tunc certe hæmorrhagia illa ortum habebit a bile valde acri, febrem ardentem quidem producente ac foverente, sed insuper sanguinem attenuante ac dissolvente, adeo ut viam querat & inveniat in vasis ad nares tendentibus, ibidemque facile patentibus, vel in utero, vel in hæmorrhoidibus, vel in renibus, vel alibi. Unde sanguis copiose affluens vires vitales extreme debilitat, & in præsens vitæ periculum conjicit ægrum, adeo, ut, nisi brevi compescatur sanguinis effluxus, moriendum sit aegro. In tali casu quamvis affectus primarius sit febris ardens, a bile acriore producta, producit tamen ab eadem quoque notata hæmorrhagia, extreme periculosa, & ad sui medelam medicum vocans & urgens, licet neglecta tantillum ipsa febre. Quemadmodum pariter alvi fluxus, item dolores partium diversarum, v. g. capitis, febribus complicati, non ab his, sed acrimonia humorum, alvi aliorumque membrorum sensibilitate exquisitiore &c. sæpius emergunt; hinc remediis antifebrilibus minime, sed peculiaribus aliis demum, cedunt.*

morbos
novos faciunt.

Symptomata non semper a morbo primario, sed interdum aliunde.

Febrilia v. g.

Nec

Etiā sine
febris
evenientia.

Nectales casus in febribus tantum, sed aliis quoque affectibus, non solummodo fingere, sed vere observare, datur: quibus nimirum ejusmodi superveniunt symptomata, quæ nihilominus illos non pro causa immediata agnoscunt, per consequens aliquid, præter morbi sublationem, postulant. Sic v.g. diarrhæa, phthiseos consummata pedissequa, non ab ulcere pulmonum tabifico immediate emergit, sed ab acrimonia v.g. sibi & huic communi parente: E. peculiaris quoque ab eodem remedia innuit. Sicut itidem vomica pulmonum decumbentem si corripit colica, symptoma ab illa minime derivabile aut promanans, nisi in consensu satis prolixo, pulmones & abdominis contenta intermedio, quis acquiescere velit: quid mitigationis sperare poterit ille torminum, vomituum, tenesmi &c. colicum ejusmodi paroxysmum constituentium a remediis apostemati expurgando destinatis? nisi ad anticolica appropriata tempestive, posthabito interim morbo primario seu unitate in pulmone soluta, confugiat.

Sympto-
mata quæ-
dam tur-
bant mor-
bi curatio-
nem, cujus
produ-
ctum haud
sunt.

Neque posterioris generis exempla defunt, ubi nempe morbo evidentiori symptomata superveniunt aut combinantur, non hujus sed alterius cujusdam causæ, producta, ita se tamen habentia, ut morbi primarii, etiam in se periculosissimi, medelam plus minus evidenter turbent, v.g. tussis ac sternutatio, frequentior in herniosis repositionem intestinorum: quales proin pectoris & abdominis concussionem, quia taxi huic chirurgicæ renituntur, omni modo & prius reprimere decet artificem, antequam intestini prolapsi feliciorum repositionem sibi polliceatur.

Quædam
sympto-
mata sana-
to quamvis
morbo
non ces-
sant.

Ut mittam denique nonnulla symptomata, sanato & sublato quamvis morbo, unde dependere videbantur, diu satis interdum adhuc affligere: qualia sane ideo peculiarem præter morbum indicationem formare ratio & experientia suadet. Experimur sc. frequentius, partibus, quæ olim aliquando graviora vulnera perpessæ fuerant, enormius refrigeratis, inprimis capiti, item huic ab ebrietas & crapula frequentiore &c. tantam imprimi infirmitatem seu imbecillitatem, quæ percussione illis sanatis & erroribus in diata abrogatis atque emendatis membra nihilominus in dolores, vertiginem &c. molestissimos conjicit; eaque aut solitaria, aut a levi occasione, aëris v.g. aliquali mutatione, actuat.

Spe-

Spectat huc dolor ille sympatheticus membri per chirurgiam ^{Dolor membri extirpati.} extirpati, qualis multos ejusmodi miseros molestissime & per longum satis tempus infestat: ut nempe de dolore brachii, manus, tibiæ &c. detruncatæ, longius a corpore sensitivo remotæ & forsan jamdum sepultæ, conquerantur, urgeantque a Chirurgo illius mitigationem. Commemorant ejusmodi observationes *Paraus lib. II. cap. 17. Hildanus de gangr. & sphacel. cap. 2. & 10. ac Scultet. armam. Chir. part. I. tab. 54.* nec ignotæ valent esse iis, qui infelicioribus ejusmodi hominibus præsto sunt: qualem tamen dolorem non per membra tantum phantasiæ corruptionem fingi, & medelam vere admittere, testatur illa Chirurgi cujusdam Angli, quam *James Jonge in epistola quadam ad amicum*, ejus *Currui triumphali e terebinthina*, ante viginti jamdum & quod excurrit, annos edito, adnexa & *Amstelo-* ^{Nova artus extirpandi ratio.} *damenfis*, *Petri Hadriani Ferduin* cura paradoxa membrorum detruncatorum per symphyisin seu insitionem. Quæ inter alios fructus & beneficia etiam hoc gaudet, ut, dum a communi & hæctenus solenni operandi modo dolores illi post detruncationem perseverant, adhibito hoc modernorum, nihil omnimode molestiæ hujus posthac persentiscant mutilati. Quod evidente exemplo comprobatur *Amstelo-* *damenfis* in viro quodam, bis eadem tibia truncato, primo nimirum modo vulgari, ubi hoc sympathetico dolore valde infestabatur; postmodum genu propius, & per insitionem sanato, hinc nihil unquam illius molestiæ sensationis percipiente.

Differt autem hæc *ἀκρωτηριασµὸν* administrandi ratio a pristina & consueta in hoc, quod, dum communiter in extirpationis loco omnes muscoli transversim refecantur, nunc ab eodem loco juxta longitudinem cruris v.g. pone ossa deorsum abscindatur cum cute suræ caro, quam muscoli gastrocnemii constituunt, tantæ longitudinis, qua ad interiora reclinata truncus membri mutilati obtegi queat: reliquum vero cutis & carnis, ut moris, transversim inciditur, hocque ob læsuræ ferræ metum retroducto os amputatur. Quo facto caro illa mox antrorsum reflectitur, mutilatæ parti coaptanda & agglutinanda: quod commoda deligatione, itidem prolixè descripta, ab *Amstelodamense* maximam partem feliciter peragitur.

Ex quibus cunctis abunde satis elucescere puto, non omne

Resp. argu-
mentis
Sanctorii.

symptoma a morbo primario ita dependere, ut ejus mitigatio & cessatio hujus medelam necessario & semper vel sequatur, vel, donec hæc contigerit, expectari nequeat; sed peculiari gaudere eorum quædam indicatione atque peculiaria postulare auxilia, hisque demum feliciter cedere: colligere etiam hinc licet, quam vanæ ac evanidæ sint rationes, seu sophismata potius logica, quibus *Sanctorius* inprimis urgentem hanc symptomatum indicationem evertere annisus fuit. Eo ipso enim, dum symptoma cum morbo venit, venit morbus pariter cum symptomate, i. e. etiam hic in fieri est, & quando morbus generatur, symptoma quoque hinc emergens fit; dum vero ille factus & permanens, symptoma etiam stabile & firmum factis, imo justo pertinacius, deprehenditur. Nec, quod hac ratione, in fieri esse dicitur, omni entitate positiva destituitur, v. g. motus sanguinis præternaturalis in hæmorrhagia, motus ventriculi perversus in vomitu: E. & eo ipso contrarium sibi indicant hæc symptomata, motus nempe naturalis in sanguine perinde, ac in ventriculo restitutionem. Neque, ut *Sanctorius* sibi persuadet, contradictoria sunt, innuere symptoma morbum, ut causam, & innuere, vel (technice magis loquendo) indicare remedium: sicut nec ideo symptoma, quod sit res per accidens, minus indicare valet, quam morbus, pariter accidentale quid. Evitabit vero in curatione symptomatum facile fallaciam non causæ, ut causæ, Medicus peritus ac prudens, modo inter symptomata & motus criticos discernere norit: i. e. evacuationes præternaturales ita demum sistere annitatur, ne causa ejus, unde plus damni in corpus redundat, retineatur ac cumuletur. Brevi, non assero, symptomatum therapieæ semper & ubique vacandum esse, bene tamen eorum urgentiora, cæteris paribus, sui mitigationem postulare. Ejusdem, i. e. nullius roboris, reliqua *Sanctorii* argumentula seu micrologiæ comparebunt sagacius has ponderantibus.

Etiā ali-
quando
solvitur
aut miti-
gatur sym-
ptoma,

Majoris forsan momenti videri poterat hoc, nunquam posse tolli seu sedari symptoma, nisi remoto vel cessante simul morbo, ut causa proxima, vel in totum, vel in tantum: quod nihilominus præjudicium discutiet crebrior praxis, dum, si non per anodyna, certe per narcotica, levatur v. g. dolor nephriticus, calculo adhuc in loco suo

suo hærente; strangulationis metum temperat seu avertit in anginosi bronchotomia, cruda adhuc existente faucium harumque musculorum inflammatione. Olim equidem, calculo, vesicæ cervici adeo arcte impacto, ut catheterisimo haud cederet, vel ab eodem inflammata & chirurgiam hanc minus admittente, crescente nihilominus ad rupturam usque ischuria, prognostico linquebantur ægri, quod, causa non mobili, nec possit tolli affectus: donec puncturam, peritonæi suscipiebant Galli, & per hanc, non calculum quidem, non inflammationem, urinam nihilominus, in solatium ejusmodi miserorum feliciter educebant, symptomati sine morbo medentes.

Si urgeas, effectum nihilominus & causam adeo arcte sibi co-hærescere, ut ille sine hujus declinatione averti nequeat: rehero, non tollitur equidem cum symptomate semper morbus primarius & evidens magis, qui non raro causa symptomatum remotior tantum observatur; tollitur tamen semper simul causa illorum proxima. Ita v. g. non expellitur calculus, laxantur nihilominus & emolliuntur fibræ canalium p. n. tensæ seu rigidiores a lenientium atque anodynorum applicatione, ut a crispatura & tensione sua dolorifica aliquantulum, simulque ipse dolor, remittant: stupefcunt eadem, seu spiritus potius intra has irritati, ab usu opiatorum, ut impetus calculi tortoris minus sensibilis iisdem evadat. Quadratur huc casus, a *Sylvio l. 2.* annotatus, de febricantium hæmorrhagia, cephalalgia, & agrypnia: quibus symptomatis medicari licet, non extinguendo febrem ardentem, temperando nihilominus eorum causam proximam & continentem, humorum nempe acrimoniam sanguinisve turgescentiam nimiam compefcendo. Cui plura exempla addenda forent; v. g. observantur ex continuis non tantum, sed intermittentibus quoque, febribus quædam asthmaticæ, strangulatoriæ seu suffocatoriæ, qualis dyspnæa urgens a stagnatione cruoris intra pulmonum vasa evenit: Venæsectione ac diaphoreticis solvitur illa, non sine stagnationis sanguinis solutione, quamvis perseverante febre ac hujus paroxysmo in statu pristino. Simili modo ex dentitione non unius generis & periculi infantibus contingunt symptomata, dolor, convulsiones, epilepsia, alvi fluxus &c. qualia nihilominus interdum feliciter satis delinimus, motu dentitionis haud infracto vel intercepto.

Indicant
E. sympto-
mata vere.

Licet se-
cundum
quosdam
ut causa.

Atque sic me dilucide satis comprobasse puto, symptomata quoque inter indicantia therapeutica jure oprimo numerari, simulque sufficienter redarguisse illos, qui hoc autoritatis illis denegant. Quando vero alii, mitius agentes, illis indicandi vim concedunt, sub hac tamen conditione, ut indicationem horum sub curatoria & præservatoria complectantur, i. e. non, nisi ut causa vel continens, vel antecedens, indicent illa, v. g. *Galenus 12. meth. med. 1. & Capi-vaccius meth. med. c. 7.* quorum hic, postquam rerum p. n. removendarum, duas tantum, morbum nempe ac causam, constituit, ita pergit: *admonentur juniores, nos negligere symptomata, licet sint præter naturam, quoniam, ut suo loco (cap. 25.) cognoscetis, symptomata nequaquam indicant, nisi ut habent rationem causæ (& quidem loco post.) vel augentis morbum, vel ledentis vires*, quibus plerique reliquorum Commentatorum subscribunt, v. g. *Trincabellus loco allegato, Sennertus, Plempius, Nardus &c.* v. g. si dolor inflammationi occasio existat, eamve intendat, hæmorrhagia membrum ad sphacelum disponat, eademque, fluores alvi, vigilix ac tussis vires enormius consumant: Eo ipso inter indicantia peculiarem symptomatis locum concedunt, licet hunc modificare & limitare magno conatu annitantur.

Non vehem-
entiora
tantum,
sed mitiora
quoque,
sympto-
mata in-
dicant.

Quamvis iis, inter quos *Sylvius quoque meth. med. cap. 16.* condescendere in hoc nequeam, quasi vehementiora ac vires valde deicientia symptomata tantum sui mitigationem (virium nempe conservandarum gratia) indicent; sed mitiora quoque aliquando & viribus parum aut nihil derogantia idem præstant: ita quidem ut si his vere mederi haud liceat, palliativam tamen ad minimum curam postulent aut admittant, v. g. tremor artuum, vertigo levior, visus imbecillitas, obauditio, raucedo. Quemadmodum loquela quoque depravata a defectu dentium primorum aut ossis palati erosione, argenteis, aureis, eburneis similisque generis machinulis, perditarum partium æmulis, corrigitur, visus debilitas in senescentibus conspicillis emendatur, ex crure detruncato ambulandi impotentia crure suppositio seu ligneo juvatur, foetorque alarum, pedum, oris &c. suaveolentium gestatione, illinitione aut masticatione obtunditur & occultatur. Referatur huc pariter rosio lumbricorum intestinalium, quam saccharo, lacte ac similibus dulcibus temperamus: item alvi

alvi constipatio levior, cui in diversis affectibus medicari convenit, ut non adeo urgeat.

Imo urgentium seu graviorum quoque symptomatum forsan experimur plura, ac hactenus penes autores communiter recensentur: dum præter vomitum, alvi fluxus, sitim, hæmorrhagias, dolores, suffocationem, inquietudinem, vigilias, deliria, animi deliquia & convulsiones, urinæ suppressio, tussis, rigor & æstus febrilis enormior corpus maxime defatigant. Quorum quamvis pleraque aliquando observentur blandiora, vixque medici opem implorent, eadem tamen interdum ad altius ferocitatis fastigium evehuntur illamque valde urgent, v.g. parcior & uberior hæmorrhagia, tussis lenior & magis ferina, horripilatio levior & rigor ossa conquassans. Ut taceam, eadem plus minus urgentia deprehendi pro subjectorum varietate, dum v.g. vomitus etiam frequentior prægnantibus minus nocet & tantum non naturalis est, præ non gravidis, tussis majore, cum periculo affligit hæmoptoicos, herniosos & gravidas, quam alterius aut sanæ magis constitutionis homines, spasmi scorbuticis non æque, ac febribus acutis decumbentibus, periculosi observantur, atque dolores v.g. nephritici, animadvertente *Panarolo pentec. 3. obs. 8.* prægnantibus præ aliis faminis magis exitiosi existunt.

Quibus ita se habentibus asserere licet, indicare quædam illorum quoque symptomatum, quæ nec vires dejiciunt, nec morbum argent, adeoque neutra, ut causa, vim habent sui medicationem postulandi. Neque tamen ideo urgentium magis symptomatum indicatio mox omnis curatoria & præservatoria subordinanda, quod illa aliquando causæ formalitatem induant. Dum supposito seu concessio hoc, calculus frequentius forsan non curatorie sed præservatorie tantum indicaret, ratione inflammationis renum aut vesicæ, obstructionis ureterum & urethræ, ischuriæ ac convulsionum, hinc metuendarum, vel quæ singulare inde capere possent argumentum: sc. quod causæ antecedentis enarratorum morborum & symptomatum rationem habeat, vel habere possit. Porro si symptoma nullam, nisi sub causæ specie, sui medelam urgeret; nec morbus, v.g. fractura, quam excipit membri fracti inflammatio, curatorie, sed præservatorie tantum, nimirum ut cruris v.g. inflammatio præcaveatur,

Urgentium
sympto-
matum
plura, ac
commu-
niter re-
censentur.

Neque,
semper, ut
causa, in-
dicant.

indicaret: cum tamen propria etiam seu curatoria illam gaudere indicatione, in propatulo sit. Et ex eodem fundamento indicatio causæ antecedentis, nimirum ut peculiaris morbi generis, v. g. plethoræ, indicatio curatoria appellari jure posset, quam alias & communiter præservatoriam ajunt: si nimirum diversæ saltem habitudines rerum præternaturalium ad se invicem indicandi formalitatem determinarent.

Symptomatum etiam indicatio virium conservatoria quodammodo dici valet. Aut si hæc similesve relationes diversæ diversi aut unius generis formarent indicationes, quid obstat, quominus symptomata, quod vires immediate magis prosternant, virium conservationem innuant: eodem nimirum fundamento ac intuitu morbi præservatorie aut curatorie eas indicare communiter malunt; per consequens vitalis potius hinc indicatio emergat. Sicut e contrario, dum non adeo infrequens est, virium defectum morbos generare, v. g. ex hypothefi communi, renum imbecillitatem seu robur eorum deficiens

calculum: ita ob relationem hanc virium in renibus deficientium ad calculum tanquam morbum, non vitalis seu virium, sed curatoria aut ad minimum præservatoria, hæc indicatio nuncupari deberet; sicque omnis his, per se, indicandi vis denegaretur, quod absurdum. Aliquando etiam curatoria, manet tamen virium indicatio integra.

Imbecillitas partium idem est cum virium defectu. Neque enim omnimode paradoxum censeretur, quod imbecillitatem renum, quam vulgo inter symptomata actionis læsæ numerant, virium defectui adscribam: jubet enim hoc vel ipse imbecillitatis terminus, vel ipsa ejus formalitas, quam in tono renum compagis laxato fractove concipere decet. Deficiunt quippe non tantum vires vitales & animales toti communes seu publicæ, sed particulares quoque horum vel illorum organorum labascunt, sive has sub determinata humorum ac spirituum influentium crasi, sive spirituum quorundam insitorum specifica habitudine, sive sub textura partium seu fibrillarum, compagem illorum constituentium, certo mechanismo, tono &c. concipiamus. Quod ne proprio ausu asserere mihi præsumam, provoco ad auctoritatem & commentarios totidem medicorum magnæ eruditionis & famæ, singulis membris aut calorem congenitum, aut spiritum insitum, & quasi particularem concedentium, aut fermenta specifica, aut structuræ intrinsecæ mechanici-

chanicam pro rectore & opifice vitali illarum actionum adscribentium. Per consequens & perinde, ac partium cunctarum functionum integritas vires earum integras innuit, fatiscencia easdem fractas credere jubet, v. g. actio imminuta & abolita renum &c. minime quoque, quia hic virium defectus morbo seu calculo producendo occasione existit, mox præservatoria seu curatoria, quam in therapeia sui præstant, indicatio appellatur, sed conservatoria manet. Par exemplum concedet crurum imbecillitas, a frigore, vulnere &c. contracta & tumorum œdematosorum causam antecedentem constituens: quam nihilominus minime hujus effectus causa præservatorie, sed per naturam & formalitatem suam conservatorie, indicare, omnes fatentur.

Vires semper conservatorie indicant.

Sed ne prolixius in ejusmodi absurdis, quæ ex doctrina illa de symptomatum indicatione præservatoria fluunt, recensendis digrediar, sicut rerum præternaturalium tres distinctæ sunt, quæ sui remotionem per methodum medendi postulant, eæque revera & formaliter differunt: sic cunctæ illæ per se & distinctim indicant. Aut quamvis cum illis adeo acriter litigare nolim, quibus symptomatum indicationem sub intuitu vel ad præsentem vel ad futurum morbum, vel ad vires, præservatoriam appellare lubet: diversa tamen hæc est & manet indicatio ab illa, quam causa suppeditat, modo confusio-
nem declinare velimus.

Indicant sympto-
mata per se.

Præterea dum indicantium plura aliquando in uno subjecto concurrunt, quæ pro varia sui ad se invicem habitudine peculiaria sortita fuerunt nomina, sc. coindicantium seu consentientium, per-
mittentium & contradicentium seu repugnantium, evidens fit, non unius tantum, sed cæterorum quoque indicantium, in medela rationem esse habendam: imo, antequam illi, quod primum apparet, satisfacere satagat Medicus, sollicite, num forsan eorum plura subsint, disquirere debet, ne agat, quod minus agere opportunum & consultum erat, neque intermittat aliquid eorum, quæ necessaria maxime, seu a suo indicante postulabantur. Adeoque si illa consentiant, iis utique sit satisfaciendum: sin dissentiant, ex paritate & imparitate illorum dignitatis & numeri demum, utrum illorum præ altero attendendum, judicare debet hunc in modum. Si paria fuerint indi-

Plura in uno morbo aliquando concurrentia dicuntur.

Cuncta in medela attendenda.

cantia

cantia virtute, imparia numero pluralitati obtemperandum, sin imparia virtute, potentiori litetur; v.g. vires debiliores morbum non raro & causam morbi indicando superant, seu horum indicata postponere jubent: quemadmodum ubi numero & virtute paria, singulis eorum condescendendum erit, v.g. viribus reparandis & cruditatibus ventriculi evacuandis.

Differunt
indicata
& materia
auxiliorum.

Tandem a practicis trivialibus non raro confundi audire tædet Indicata seu auxilia & remedia cum materia auxiliorum s. remediorum, qualis ignorantia crassa admodum etiam occasione extitit, quominus quæstionem, an contraria contrariis, an similia similibus curentur, apte decidere haud potuerint? ut superius innui. Quatenus indicatum seu auxilium proprie est, quod ab indicante agendum præcipitur, v.g. educio sanguinis a plethora; semperque unum est: materia autem remedii seu auxilii dicenda, qua, quod indicans postulat, exequimur seu instrumentum indicati, v.g. venæsectio educationis sanguinis, Tartarus emeticus vomitus instituendi, pro ventriculi cruditatibus rejiciendis; ex fonte diætetico, pharmaceutico & chirurgico hauriendum.

CAPUT XI.

De

Auxiliorum & horum instrumentorum administratione in genere.

Indicatum
semper
unum.

Indicati, Auxilii ac Remedii nomine medicis idem venire, ex *cap. præced.* repeto, illud nempe, quod, tanquam juvans, ab Indicante agendum insinuatur, & ex rei, quæ medelam exigit, natura invenitur, unicum semper: dum Materia seu Instrumentum, per quod Indicatum exequimur, multiplex frequentius deprehenditur. Sit Indicans ventriculi cruditas acida, Indicatum hujus remotio, fieri hæc potest modo per cathartica æque ἀνά καὶ τῶ, per Tartarum pariter emericum ac Mercurium vitæ, per helleborum nigrum & folia Senæ, per pilulas aloëticas &c. modo per absorbentia, hæcque pariter diversa, v.g. limaturam Martis, Corallia, ossa Scæpiæ, Tincturam Tartari

Materia
seu instru-
mentum
ejus quam-
vis multi-
plex in-
terdum.

Tartari &c. Involvit E. officium medici in facienda medela, ut no-
 rit, 1. quid agendum, seu indicatum: 2. quibus instrumentis seu qua-
 materia; ac 3. conditiones seu circumstantias, in auxiliis exequen-
 dis, horumque materia vel instrumentis applicandis, attendendas.

Quid agendum, ex axiomatis illis generalioribus methodi me-
 dendi constat, illud, quod secundum naturam, nempe vires, conser-
 vandum; quod præter naturam, nempe morbus, causa morbi &
 symptomata, tollendum: & quidem sub directorio Indicationis
 præservatoriæ, curatoria, vitalis & mitigatoriæ. In tollendis rebus
 præternaturalibus remedium semper iis contrarium postulari, ex
cap. antec. pariter constat; liceat vero mihi hic, ratione virium, oc-
 casione illius, quod eodem loco de duplici earum conservatione,
 monui, simul animadvertere, non adeo simpliciter admitti valere,
 eas similibus conservari ac restaurari. Quadratur siquidem huc quo-
 que, quod de rei præternaturalis exterminandæ & remedii extermin-
 antis contrarietate ibidem diserebam, semper indicans & indica-
 tum seu auxilium adversa fronte pugnare, non semper indicans ac
 remedii instrumentum; sed hæc non raro, ut similia, concordare:
 quippe de conservandis per similia viribus idem forsan dici poterat,
 inprimis si per perditarum restitutionem hoc fieri postuletur. Sub
 quali hypothesi vires perditæ & restituendæ non similia, sed ex con-
 sensu omnium contraria, sibi existunt, quorum illud indicans, hoc
 indicatum: aut materia seu instrumentum, quo huic satisfacit, seu illæ
 reparantur, alimenta nimirum succi laudabilis & generosiora ana-
 leptica quævis, viribus perditis non contraria, sed adæquata magis
 & similia, videntur. Instrumenta auxiliorum, quibus agendum,
 triplicis scaturiginis inferius recensebo, quantum quidem therapeia
 morborum generalis postulat. Quoad modum autem ac genui-
 nam administrationem Auxiliorum & eorum instrumentorum, ha-
 bet utrumque communes tres inprimis conditiones: gradum nimi-
 rum aut quantitatem indicanti congruam seu proportionatam, ap-
 plicationis tempus atque locum; ex remediorum vero materia
 medicamenta adhuc sibi peculiarem postulant formam, quam alii
 modum κατ' ἐξοχήν ajunt.

Sc. primo valde necessarium est nosse & observare proportio-

Inter indicans & agendum requiritur proportio. nem inter rem naturalem seu vires integras conservandas ac remedium, quod huic conservationi aut restorationi ministratur; ac inter rem praternaturalem e corpore exterminandam atque auxilium & instrumentum exterminans, seu quo illam debellare molimur: ne in priore casu remedium deficiat ac operi minus par sit, nec, in posteriore, illa hoc superet, sed ab hoc potius superetur, ac sanitas integra restituitur; neque tamen hoc corpus nimis alterando alium morbum inducat, nec in periculum novum, qui opem desiderat, conjiciat. Perinde siquidem ac *Hippocrates 1. aph. 6.* extremis morbis extrema remedia adhibere jubet, ejus alteri etiam consilio ex *2. aph. 51.* quod *cap. 9.* commendabatur, auscultare convenit, quo præcipitantiam & omne nimium dissuadet. Qualis proportio dependet partim a virtute seu gradu majore minoreve operis vel remedii, partim a quantitate ejus extensiva.

Quantitas quid involvat.

Virtutem seu quantitatem intensivam auxilii hujusque instrumenti moderatur virtus rei conservandæ & exturbandæ, per quam vires exiliores instauratione potentiore indigent, præ robustioribus, his sufficit diæta tenuior, v. g. juscula, illæ plenior ac generosior rem requirunt, carnes aliaque alimenta evchyma, vinum &c. quemadmodum magnæ humorum abundantia non frictions, sed sanguinis missio, non lenior alvi subductio, sed catharsis potentior, non scarificatio, sed venæsectio, non aloë, manna &c. sed helleborus, colocynthis &c. quadrant. Sicut pariter extensivam remedii quantitatem determinat indicantis vis diversa, pastum frugaliorem aut uberiores, catharsin plus minus repetitam, eductionem sanguinis copiosioris parciorisve &c. quo quantitati indicantis ac indicati majori minorive respondeant; hæc vero quantitatem proprie sic dictam, simul tamen operationis quoque terminum seu longitudinem, complectatur. I. e. ut ratione prioris catharticonum & hydroticonum major minorve propinanda sit dosis, multum vel parum evacuandum: ratione posterioris frequentius purgandum, sudandum veniat, usui incidentium, temperantium, absorbentium &c. eousque insistendum, donec medicamina sufficienter eduxerint, attenuarint, mitigarint materiam morbificam, & remedium præstiterit hoc, quod desideratur, non tamen lædat.

Tempus

Tempus agendi per instrumenta adæquata innuit occasio seu indicantis præsentia, uno verbo, ubi vires deficiunt, morbus & symptomata urgent: quod tamen minime excludit, sed commendat potius, ordinem, ubi indicantium plura concurrunt, quale quid frequentius fieri, *cap. 10* dictum: in quo casu non sufficit nosse, quod remedium cuius eorum appropriatum, sed videndum pariter ac ponderandum, a cujusnam administratione inchoandum, & quodnam eorum alteri commode postponi queat. Hinc prius agendum contra hoc, quod maxime urget, ordinarie prius contra causam, quam morbum, pugnandum, contra illud, quod reliquæ medelæ impedimento est: ante omnia vero succurrendum illi, a quo majus metuendum discrimen, sive morbi, sive causæ, sive symptomatis, nomine veniat, hinc removendum præ cæteris, si occasio postulet, quod quocunque modo urgentium horum sublationem moratur. Primum educantur cruditates febrem inducentes, hinc propinentur eam cum symptomatis compescentia: qualem ordinem invertere jubet in nephritide dolor, prius sui mitigationem per anodyna, hinc demum calculum pellentia, postulans: exigit febris seu stagnatio sanguinis venæsectionem, interpellat hanc eoque alvi obstructio, donec enemate fuerit soluta: necessaria est vulneris consolidatio & labiorum ejus adductio, quam præstare vix licet, nisi telum, globulus &c. relicta prius extrahuntur. Quibus aliquando ejusmodi quid supervenit, quod remedium hujusve materiæ vim modo intendit, modo inhibet, adeoque illius administrationem modo accelerare, modo differre, jubet. Ita victus tenuis seu abstinencia cruditatibus ventriculi removendis inservit, haud nihilominus sufficit, ubi illæ subitanea sui remotione opus habent: victu pleniori vires restauramus, quod ille tamen minus præstat sub ventriculi digestionem difficiliore; catharsin urget morbus & causa, in paroxysmo tamen & cruditate febrili eam procrastinare, ratio suadet: sanguinis missionem postulat plethora, accelerat eam metastasis humorum ad habitum imminens, retardari vult paroxysmus convulsivus, fluxus mensium similiaque.

Locus applicandi remedium observamus quadruplicem, in quo, ex quo, per quem ac ad quem. Sc. si alterandum, causæ æque

ac morbi inhærentia seu subiectum immediatum locum, in quo, monstrat, qui præcipue attendendus: & quidem in affectu universaliter per remedia interna potissimum, aut talia quoque externa, quæ in totam humorum massam agunt, v.g. venæsectionem, balneâ; in particulari per topica & operationes chirurgicas diversas, v.g. abscessum incidendo, os luxatum articulo suo restituendo; Locum, e quo, seu ubi evacuandum, ejusdem indicantis seu materiæ evacuandæ sedes, v.g. abscessus, ascitis, determinat: per quem, habitudo materiæ ad organum excretorium seu ad meatum, per quem commode evacuare licet, innuit, v.g. mucum pulmonum per asperam arteriam seu expectorationem, primarum viarum cruditates per gulam ac alvum: quemadmodum denique Locum, ad quem, in metastasi humorum artificiali partium nobilitas atque ignobilitas, modo pars affecta cum hac communicet, determinat, v.g. defluxiones & stagnationes feri a capite, oculis &c. per vesicatorium, fonticulum ad cervicem vel humerum avertendo; &, si solidior aliqua pars sedem naturalem deseruerit, ipse ejus situs naturalis, v.g. ut herniosi intestina reponantur ad abdomen, os luxatum articulo suo adaptetur.

Forma medicamentorum variat. Sed quoad medicamentorum formam hæc varii admodum generis est, tam internorum quam externorum, secundum partis affectû, ægri naturam, palatum &c. immutanda; dum præter *Sylbium prax. app. tr. 6. §. 247.* praxi quotidiana edocemur, in uno homine, non tantum unum medicamentum, sed sub una forma propinatum, felicius operari, quam aliud, vel forma alia: quod Medicum sollicite observare oportet, quo & suis ægris placeat, & felicius faciliusque hos curet. Imo ratione materiæ quoque selectus inter medicamenta observandus, cum offendamus eorum quædam indicato primario maxime respondere, simul nihilominus per texturam singularem unum eorum præ altero, modo sine, mod cum, molestia & noxa admitti, v.g. Aloen in his, qui hæmorrhoidibus dolori ac fluxui obnoxii, Cassiam, Scammonium in iis, qui per idiocrasiam singularem hæc abhorrent, de quibus *cap. 7. §. 9* dictum; item Vitriolata & Saturnina, v.g. Tinctura antiphthisica nostratum in hæmoptosi, vomitu cruento similibusque sanguinis profusionibus magnarum virium, ventriculis tamen debilioribus ac ad vomitum inclinantibus minus fuaden-

suadenda. Quo spectat in medicamentis topicis partis diversa textura, per quam vulnera & ulcera tendinum aliarumque partium nervosarum præ carnosis exsiccantia magis, oculi minus acria, admittunt. Item suo modo huc referri potest sanguinis missio, quibusdam individuis lipothymias inferens: quemadmodum usus quoque vomitoriorum in hæmopticis, herniosis &c. prout pariter ex superioribus suppono, non sine evidente periculo commendabilis.

Imo per dispositionem ejusmodi individualem quidam non tam hæc vel illa medicamenta abhorrent, & eorum usum moleste ferunt, sed inter plura ejusdem generis quædam minoris efficacæ, aliquando etiam alterius & contrariæ virtutis, visa, paradoxe satis, proficua magis præ cæteris deprehenduntur, his proin anteferenda. Sic v. g. penes *Bartholin. 4. hist. 39* legimus, præ aperientibus multis frustra in foemina mensium suppressione laborante tentatis, cortices tandem Granatorum, evidenter adstringentes, fluxum concitasse; quale quid in aliis quoque Subjectis pariter se observasse, *Langelot* perhibet in *Bartholini cent. 3. epist. 63*, ubi & cum eodem *Tachenius Hipp. chym. c. 17* effectus illius hanc rationem reddit, quod sale seu alcali volatili resolvente hæc putamina cum particulis adstringentibus gaudeant, quamvis hoc sal simul vitriolicum pronunciet nominatus *Langelot*. Fructus & Spongiam Cynosbati virtute stiptica pollere, urinam tamen & calculus quoque, interdum præ aliis Lithontripticis, pellere, constat: an per eandem virtutem adstrictoriam, qua renes, ad feliciorum heterogeneitatum ejusmodi exturbationem, roborare *Simon Pauli Quadrip. Bot. p. 57* putat, haud disquiram; hoc saltem dum innuere volo, non omnia remedia omnibus quadrare, seu illorum morbis ad expectationem mederi. Non de illis verba faciam, quibus alvus obstinata citius a mitioribus ac lenientibus, v. g. jusculis pinguioribus; manna &c. movetur, quam a purgantibus potentioribus: nec de ejusmodi individuis, quorum pariter unum alterumve novi, cujus ventriculus non Tartarus emeticus, non Mercurius vitæ simileve potentius, aqua tamen tepida, mirum in modum evacuat.

Quem in finem ex Medici quoque re erit, ut mox in principio Nosse convenis, an, medelæ ipsi constet, an medicaminibus, & qualibus, hæctenus usus & quibus, fuerit

jam usus
fuerit me-
dicamen-
tis æger.

fuerit æger : ne prolixiore demum , frequentiore & huic maxime molesto tentamine, quæ constitutioni ejus ac morbo magis minusve quadrent, explorare opus habeat, moxque ab irritis ad efficaciora forsân se convertere queat. Quippe cum plebei vel quicumque infimi methodum medendi ignorent, hinc minus curent , a multitudine, vero remediorum abhorreant & prolixiorem medelam detrectent ; mox ejusmodi medicamenta offerri debent , quæ causam mali , vel saltem ejus majorem partem, si fieri potest, auferant : alias, nisi res ex animi sententia successerit, empiricos, sagas similisque generis homines accedunt, vel advocant, quorum promissis fallacibus longe attentius, quam peritissimorum medicorum auxiliis, auscultant. Ita differit *Gabelchoverus cent. 1. obs. 49.* testatur misera ac tædiosa praxis.

Dosis me-
dicamen-
torum sit
congrua.

Commendo hac occasione Medico justam quoque medicamentorum dosin, observatunecessariam, si scopum præfixum attingere velit: quo indicato hæc sit adæquata, non exuperet aut deficiat, priore ratione lædant, posteriore haud agant, quod agere desiderabantur illa. Sub evacuantium usu in excessu æque ac defectu peccari solet ab imperitioribus, & damnum hujus erroris evidens maximeprehenditur, ut vel nimis, ad virium usque prostrationem viarumque & locorum, per quæ, labefactionem ac erosionem, operentur, vel non evacuent, quod evacuari nihilominus debebant, ac tormina similesve molestias corpori frustraneas parent.

In alteran-
tium dosi
hodie sum-
mus justo
parciores.

Alterantium vero doseos minus adæquatæ effectus, quamvis non ita in sensus incurrant, rationi tamen consentaneum videtur, nimiam, diutius inprimis continuatam, aliquando nocere, v. g. sanguinem præter modum inspissare, dissolvere, spiritus vehementius exagitare, stupefacere, ventriculi activitatem obtundere & quæ similia. Hoc loco non possum non advertere errorem nostræ praxeos frequentem, quem circa pleraque alterantium per refractam ac exiliorem justo eorum dosin committunt tantum non omnes moderni, ut non improbabile sit, veteres in morbis curandis ideo feliciores extitisse nobis, quod pleniore dosi sua medicamina præscripserint ; plus etiam in hoc negotio præstent hodie empirici, ex illorum Scriptis sua remedia depromentes. Si evolvamus *Fernelii, Foresti, Sennerti, Gabelchoveri,*

Riverii

Riverii opera practica, sub quanta dosi non præscribunt sua apozemata, Electuaria, potiones, morsulos, pulveres &c? ut si comparetur cum earundem formularum quantitate nobis usualis, duplo, nedum triplo, illa nostratem frequentius exuperare deprehenditur. Imo *Zwelferum* observamus in *animadversj. ad confect. seu specier. aromatic. formulas* mirari & irridere exiguam adeo in prolixis veterum, compositionibus unius vel alterius ingredientis dosin, drachmæ nempe unius aut duarum, cujus tamen vel libra a quovis homine comesta vix ullam qualitatum vitiosarum alteraret.

Poterat ac debebat drachma dimidia ad minimum propinari Margaritarum, lapidis Bezoar, Cinnabaris, Bezoardici Solaris, Unicornu marini similiumque, quorum nihilominus grana tantum sex, duodecim ad summum, ordinarie præscribi deprehendimus. Gelatinam Cornu Cervi, Eboris &c. ultra drachmas duas vix concedunt communiter, ne, ut credunt, nimis refrigerent: juscula tamen & gelatinas aliorum ossium ac carnium glutinosarum, quibus virtute, refrigeratoria forsan illæ non potiores, ad uncias totidem ac fortasse plures, sine ullo refrigerationis sensu, deglutiunt calore minus æstuentes. Theriacæ & Mithridatii compositionem triplum mellis, & quarta pars specierum constituit; unde si, ut communiter fieri solet, harum antidotorum drachma pro dosi exhibeatur, non, nisi quindecim grana cæterorum seu activorum magis ingredientium capiet æger: *Zwelferus* tamen loco allegato ad Unciam dimidiam illas dare non dubitat, non sine ratione, quod mellis quoque crassamentum, lentum reliquarum specierum activitatem obtundat. Essentiam Menthæ, Cinnamomi, Zedoariæ, Absinthii &c. ad guttulas quadraginta vel quinquaginta communiter præscribimus, spiritus vero seu aquas vitæ & Elixiria horum similiumque plus minus composita ad uncias haurimus, v. g. Elixir Menthæ, Citri, Vitæ, Matthioli, Aquam asthmaticam, Liliorum convallium, Mastichinam &c. sine notabili corporis alteratione, aut, quam timent, sanguinis inflammatione. Pariter in Confectionis Alkermes præscriptione pro pluribus dosibus raro drachmam unam transcendimus, cum tamen species ejus vix decimam quintam aut vigesimam partem sachari & succorum excipientium constituent. Ac potiuncula alterantes atque confortantes

tantes dictæ ad cochlearia bina vel trina libantur ; efficaciore forsan successu ad uncias tres vel quatuor singulis ad minimum quadriloriis haurirentur.

Hujus erroris triplex ratio.

Nihil metuendum a dosi alterantium majore.

Cujus quidem erroris triplicem agnosco occasionem, nempe vel meticulositatem medici ineptam, vel ægrorum palatum delicatius, vel pretium majus medicamenti: neutram tamen sufficientem, pro imminuenda dosi ad auxilium indicatum ferendum necessaria, & derogando virtuti medicamenti. Non habere medicum, cur a pleniore alterantium dosi metuat, ex superioribus constare puto, & pluribus adhuc exemplis comprobari posset: si v. g. Tinctura Rosarum, Papaveris erratici &c. non ad guttas triginta vel quadraginta, sed ad drachmas tres vel unciam dimidiam propinaretur, præter aquam acidulatam & tantillum rubedinis florum illorum, cum nihil involvat. Cochlearia assumuntur Emulsiones, commodius ad cyathos aliquot hauriendæ, cum voluptatis gratia a gulosis non raro ad libram, ac quod excurrit, potentur: & quid periculi aut detrimenti ab Oculis cancrorum, Osse Cordis Cervi, Coralliis, Margaritis, Crystallo montano similibusque fixioribus absorbentibus, aut quacunque demum ratione alterantibus, expectandum, si ad drachmam integram potius, quam grana pauca, vel scrupulum ad summum, præscribantur? Neque acrium, nisi enormiter causticorum, (utpote omnimode potius fugiendorum) major quantitas formidanda, v. g. Salium & Spirituum urinosorum, ac alcalisatorum salium: cum per activitatem illam, qua inter assumendum nares, fauces atque gulam afficiunt, non ventriculum, multo minus cætera interanea, molestant; utrisque etiam succurrere illamque delinire liceat, vehiculo largiore illa diluendo, aut viscosiore, v. g. Lacte aut Emulsione quadam, temperando. Nec palato ægri plus, quam indicati conditio permittit, assentiri fas est, cum jucunde curare τῷ cito ac tuto curare postponere sana ratio dicat. Quemadmodum penes opulentiores sumptibus parcere supervacaneum videtur, minorum vero fortunarum hominibus pretio viliora sufficiunt: quamvis pretiosioribus ditiores quoque supersedere forsan posse, non dubito, modo medicaminibus cum illis fruuntur efficacibus satis & virtute æstimatoris, ut inferius dicetur.

Demum,

Demum, quamvis morbus forsan ex illorum genere sit, cui so-
 la diæta mederi liceat, aliquid tamen medicamentorum simul præ-
 scribere, non incongruum erit, eorum nempe, quæ nullas mole-
 stias moveant, & diætam juvent: vel ne morbum minoris æstimet
 languens, a medico minoris æstimatum, hinc regimen quoque ab
 hoc commendatum flocci pendat; vel ne hunc negligentem aut
 inertem, quasi remedia ignorarit, naturam vero morbum curasse,
 affirmet. Quod penes illos magis observandum, quibus cum me-
 dicamentis semper res esse solet, quique valetudinis adeo solliciti
 sunt, ut, nisi pharmacis frequentius utantur, de salute sua actum esse
 putent. Quamvis nec illi Medicorum bene agant, qui, quo nun-
 quam otiosi semperque aliquid agere videantur, nunquam non
 medicamenta porrigunt, lucro suo aut pharmacopolæ potius
 intenti, & quod norint, reconvalescentes in illos liberaliores
 esse, per quorum medicamenta se restitutos credunt: haud pensitan-
 tes, non minus elucere prudentiam Medici ac Ducis bellici, eo tem-
 poris, cum vident, hostis vires ex se dissolutum iri, ut se in castris con-
 tineant & naturæ motus spectent, quam dubia pugna hunc & mor-
 bum aggrediantur. Maneatq; regula illi, qui salutem ægrotantis cupit,
 ut, si sine medicamentis eum æque commode ac cum iis, restitui pos-
 se, deprehendat, ab his potius abstineat, præsertim illis, quæ eviden-
 tius movent atq; alterant; tum, ut sumptibus parcat; tum, ne naturæ
 conatus interpellet eamque debilitet; tum, quia multa commota no-
 cent, quæ, quæta si mansissent, minime nocerent, juxta illud:

Quos natura domat, frustra medicina fatigat.

Multo minus unquam duo medicamina simul præscribat & horum
 electionem ægro concedat Medicus: confunditur siquidem hinc
 ille, ac neutri propositorum fidit, hunc vero inconstantia ac hæsi-
 tantia accusat: unum igitur potius ad unum finem duntaxat propo-
 nat, quasi ab hoc solo sub benedictione divina salus expectanda.

Inter alia artificia, quæ infirmis salutem, medico confidentiam,
 parant, non ultimum est, illis opportune inducere somnum, cujus
 beneficia complexus est vetus Scriptor Græcus, *Synesius de insomniis*,
 ubi *Somnum Medicum* ait. Id est, licet gravissime illi decumbant &
 variis symptomatis angantur, si modo somno quietiore frui detur,

Juxta diæ-
 tam etiam
 medica-
 mentis u-
 tendum.

Non' nimis
 tamen in
 iis propi-
 nandis sit
 Medicus.

Somaum
 ægro indu-
 cere con-
 venit.

præsentissimum & exoptatissimum levamen exin percipere solent. *Medicus*, inquit *Rolfincius de febr. cap. 133.* *somnus est morborum animi & corporis, sive sit spontaneus, sive arte factus: somnus enim arte citus medico magnam fert existimationem.* *Perspectum id habuit, pergit, Georg. Palma, Medicus olim Norimbergensis, quem dixisse ferunt, se hanc gratiam ambire apud egros suos, ut noctem illam, quæ exciperet suam vocationem, haberent quam quietissimam &c.* *Stratagemate hoc & nos delectati sæpe de agris bene meremur, propinato magisterio anodyno.* Idem commendat *Crollius Basilic. chym. p. 198* his verbis: *Multi sunt morbi, qui absque anodynis sanari non possunt. Ergo in omnium morborum curationibus, ubi dolorum comites vigilia viriumque resolutiones adfuerint, anodyna intrinseca appropriata possunt administrari, ut ablati symptomatum ipsis radicibus perniciosorum cruciatibus, amica quies naturæ reddatur. Somnus enim est arcanum in medicina, supra omnes gemmas & lapides pretiosos, & qui arcanum somniferum potest naturæ egenti commode applicare, magnificandus est apud egrotum medicus. Cui etiam assentiuntur Sylvius & modernorum Practicorum tantum non omnes, dolorum delirii ac vigiliarum mitigandorum gratia somnum per anodyna atque opiata conciliare summopere injungentes: injungunt tamen omnes horum æstimatores simul prudentiam, ad temporis exhibendi, doses similiumque circumstantiarum, discretionem necessariam, sine qua narcotica ejusmodi gladius nuncupari poterunt in manu furiosi.*

CAPUT XII.

De

Indicatione Vitali Curatoria & Præservatoria.

Quibus de indicatis horumque instrumentis in genere præmissis secundum quatuor indicationes primarias therapeiam adornare & enarrata his applicare convenit: inchoando forsitan quam congrue ab Indicatione Conservatoria, utpote sine dubio omnium principalissima atque universalissima. Quatenus non tantum

Indicatio-
ni vitali

tantum in sanitate tuenda, sed in statu quoque præternaturali, & ubi ^{ante omnia} illa per morbi expulsiōem recuperanda, seu quo reliquæ valetudi- ^{satisfaci-} nis secundæ, quæ virium nomine morbis renituntur, conserventur, ^{endum.} necessarium est ejus moderamen: ac in illis quoque pathematis, quæ vel, quod lateant, vel in se, incurabilia sunt, solis viribus prospicere, juvat; donec forsan natura morbum superet, aut ne adeo subito vincatur hæc. Per consequens tò conservare haud in adeo stricto sensu, sed quatenus perditum quoque restitutionem involvit, ut superius dictum, hic venit, neque, ut vulgo traditur, vires tantum vitales audiunt, quas solo victu integras tueri student: sed omnium actionum illud robur, quod a partium habitudinis naturalis, quam morbus nondum fregit, remanentia aliquali dependet, ita appellare fas erit.

Hæc virium integritas seu robur corporis sicut dependet vel a ^{Vires &} motu humorum vitali duplici, vel a spirituum animalium activitate ^{harum In-} & influxu congruo, vel a solidarum partium textura ac tono adæqua- ^{dicatio} to: ita Indicatio Vitalis trium horum conservationi ac restaurationi ^{quid?} incumbit. Instrumenta E. hoc præstantia non diætæ, multo minus ^{Instrumenta} victus, tantum, ut communiter sentiunt, observantur: quatenus ipsa ^{ta viribus} alimenta medicamentosa, huic negotio ministrantia, non ut ali- ^{prospici-} menta, sed ut medicamenta simul, conservationem hanc præstant; ^{entia.} medicamenta quoque roborantia dicta, v. g. aromatica, spirituosa, prægnantibus, senibus & morbo oppressis, virium perpetuandarum ac restituendarum gratia, commendantur; neque facultas ventriculi digestrix integra conservari valet, nisi per medicamenta congrua, id est, quæ tonum ejus pristinum restituant, seu laxatum firment; virium etiam vitalium dispendium aliquando modo a bilis defectu aut inertia, modo lymphæ visciditate præternaturali &c. est: qualia vitia non, nisi medicamentis aut alimentis medicamentosis, corrigere valemus; ne addam, partium externarum particulari virium imbecillitati topicis subveniri mere medicamentosis.

Singularum partium solidarum virium conservationem praxis specialis docet, de humorum vero vitiis emendandis posthac dicetur. Ratione victus tantum, cujus administrationem diætam ajunt, hanc ^{In viribus} in crassam, mediocrem & tenuem, dividunt, ejusque classes deter- ^{debiliori-} ^{bus victus}

crassior
non sem-
per con-
ducit.

minatis alimentorum generibus circumscribunt, equidem penes omnes in confesso est, viribus debilioribus pleniorē victum competere, i. e. alimentorum evchymorum sufficientiam, robustioribus tenuiorem & parciorem: cavendum tamen erit maxime, ne uberior seu crassior digestionēs lædat, dum a debiliore ventriculo is non adeo prompte digeritur, nec a massa sanguinea subigitur, hinc v. g. ventriculi gravitatem, sudores copiosos, tumores crurum oedematosos, parit, ut experientia in reconvalescentibus puerperis, & in ediam diutius perpeffis, docet, a victu mox pleniorē male se habentibus; contra vero prudentius agunt, qui a tenuiori victu non immediate & per saltum, sed per gradus demum, ad pleniorē transeunt. Præterea victum pleniorē frequentius ipse morbus prohibet, in specie febris, vel per se, vel ratione cruditarum primarum viarum combinatorum: & quidem maxime in ejus statu, in quo, juxta 1. aph. 8, tenuissimo victu utendum, & in paroxysmis, in quibus, secundum

Ætas puerilis & senilis pleniorē victum coindicat.

1. aph. 11, cibum, tanquam noxium, subtrahere oportet. Contra victum pleniorē coindicat atque permittit ætas, eaque vel puerilis ac adolescentia, dum juxta 1. aph. 13. & 14. qui crescunt, multo alimento opus habent; sc. quod in his partes alendæ simul atque augendæ plus alimenti admittunt seu postulant, hoc in iis non adeo inspissetur, hinc facile denuo atteratur ac deliqueſcat, ac denique propter accretionem potiorem plus chyli a sanguine ſecedat, sine quo nihilominus fatiscit motus hujus vitalis intestinus: vel senilis, ob vires per ætatem etiam debilescentes, ut facilius hinc sub morbo delinquant. Plenior autem victus dicitur, qui uberior, generosior ac boni & multi succi, evpeptus tamen simul: sicut contra tenuior parciore & qui parum succi alibilis continet, etsi facilioris digestionis. Quantitatem ejus sensus determinat, quemadmodum digestibilitatem faciliorem ac difficiliorem succulentiam plus minus generosam ac alibilem diætetica discernere docet.

Quid victus plenior?

Quoad Indicationem autem Curatoriam atque Præservatoriam monendum, quod, sicut morbi cuncti & horum causæ conjunctæ, si seorsim eos contemplemur, vix ita discrepant, quin unus morbus alterius causâ existere, & quod alterius affectus causâ, in se consideratum, morbus vocari queat, v. g. dum plethora & stagnatio, morbi sanguinis

sanguinis, causæ hujus excandescentiæ, hæmorrhagiæ ac inflammationis existunt, calculus, morbus seu coagulum morbosum, in meatibus urinariis obstructionem parit: ita utrumque hoc rerum præternaturalium genus sub una partium corporis habitudine seu constitutione præternaturali concipere eorumque sublationem sub uno schemate tractare licebit. Id est, vix opus, plethoram modo ut morbum sanguinis, modo ut causam æstus febrilis, hæmorrhagiæ & inflammationis, ac calculum, modo ut rem toto genere præter naturam, modo ut angustia ureterum ac urethræ præternaturalis autorem, concipere, & sic indicans quasi duplex formare. Ac forsan magis e re fuisset, in prima & generalissima illa indicationum differentia, petita a rerum naturalium & præternaturalium disparitate, quam *Hippocrates de flatib. 3.* subministrat, conservatoriæ & sublatoriæ, acquiescere, seu ut, quod secundum naturam, conservetur, quod præter naturam exterminetur.

Imo hoc supposito, & quia nec causa conjuncta seu continens & antecedens seu procatactica, in se considerata, differunt, id est relative tantum discernuntur, v. g. dum cacochymia scorbutica eadem specie ac natura est, antequam dentes atque gingivas erodit, nervos debilitat, tumores crurum format, ac postquam recensita mala actu præstat; virulentia venerea, quæ ulcera palati & faucium, grumata in artubus, cariem ossium &c. producit, gradu equidem, non specie tamen, discrepat ab illa, cujus activitas adhuc latet & morbos hos antecedit: horum disparitas relativa nullam indicati disparitatem facit, sed unum idemque indicans dum constituunt ambæ, idem quoque ac unum auxilium postulant; i. e. curatoria atque præservatoria indicatio una eademque erit.

Vocare mihi integrum sit hoc indicans commune corporis vitia, quæ secundum subjecti diversitatem triplicis generis erunt, humorum nempe, spirituum ac partium solidarum, his addendo quartum, de rebus toto genere præter naturam tollendis: quorum singulorum indicata seu auxilia & horum materia contemplanda.

CAPUT XIII.
CAPUT XIII.

De

*Quantitatis humorum vitiosæ indicatis,
horumque instrumentis.*

Humorū laudabilium quantitas naturalis cum modo immi-
nuatur, modo cum pravis augeatur, illa defectus restitutio-
nem seu supplementum, hæc accessorii subtractionem seu
evacuationem indicat. Prius sit alimentorum evchymorum seu vi-
tus plenioris subministratiōe, & organorum, illorum digestiōi
vacantium, roboratiōe horumque vitiorum emendatiōe. Ali-
menta hujus generis qualia sint, pars medicinæ diætetica monstrat,
& spectat huc suo modo cura, seu diætata lactis dicta: quemadmo-
dum, qua ratione viscerum morbi & atonia curanda, ex praxi speciali
petendum.

Defectus
humorum
laudabili-
um quo-
modo re-
stituatur.

Contra humorum naturalium seu laudabilium exuperantia im-
minuitur ac pravorum collectioni derogatur per evacuationes tam
universales, quam particulares. Pravorum equidem humorum
congestio, cacochymia dicta, ut talis, evacuationem innuere mini-
me videtur, dum hoc tantum, quod illam format, removeri postulat,
visciditas nempe, acrimonia &c. per incidentia, temperantia, absor-
bentia, non cathartica. Illi tamen humores vitiosi etiam evacua-
ri debent, qui aut in primis viis congeruntur, & de quibus metus est,
ne ad canalem sanguinis delati hujus massam inquinent & corrumpant;
aut qui in hac evidentius præpollent, & quibus corrigendis
alterantia haud sufficiunt: quamvis in specie viscidis resolvendis
quædam evacuantium, v.g. sudorifera, diuretica & salivantia, ap-
propriata simul observentur; neque evacuationes has unquam sine
feri naturalis eductione ac perditione fieri, vel exin, quod semper
plus minus debilitent, & in totam humorum massam agant, proba-
bile fiat.

Cacochy-
mia ut ta-
lis non tam
evacuan-
tia, quam
alterantia,
postulat.
Nisi in pri-
mis viis
existens,
aut nimia.

Evacuatio-
nes quotu-
plices?

Instrumenta hæc evacuatoria duplicis generis sunt, universalia
ac particularia. Evacuationes universales, quæ totum commovent,
communiter distinguunt in insensibiles, ac in evidētiōres: quem-
admodum

admodum particulares quoque, quales quantvis mediate & per consequens totum corpus onere suo levent, pari forte ratione, ac febris nonnunquam per abscessum, & catarrhus per asperam arteriam ac nares solvitur, immediate tamen humores ad hanc vel illam partem vergentes tantum i. e. ex toto non immediate, trahendo aut urgendo, educunt. Evacuaciones universales insensibiles creduntur diaphoresis & frictiones, particularis vero discussio.

Diaphoresis seu discussio universalis evacuationibus medicis hujus generis accensetur, perinde ac alias evacuationibus naturalibus annumeratur, eadem, gradu & evidentia a sudore distincta. Hac siquidem educi creditur materia in habitu corporis peccans per medicamenta diaphoretica communiter appellata, i. e. attenuantia, resolutiva seu sudorifera blandiora, aut in minore dosi propinata: & locum habet in morbis, quos a transpiratione insensibili cohibita vulgo ajunt, v. g. catarrhis atque febribus, a poris constipatis oriundis. Quamvis vel ex natura horum similiumve pathematum dubitare integrum sit, an diaphoresis hæc remediū vere evacuatorium existat, i. e. humores non tam extra, quam intra, vasa capillaria stagnantes solvat, iisque motum pristinum tantum restituat, adeoque nihil ad extra propellat; Sed motum aut certe non tantum evacuando, sed motum sanguinis circa vasa capillaria torpidiorem simul refuscitando proffit, simili ratione, ac de discussione particulari inferius dicetur. Quam diaphoreticorum ætiologiam vel febris lactea puerperarum probabilem reddit, ubi vitium non in habitu, sed sanguinis cruditate, consistit, per diaphoresin solubile. Pariter frictiones calorem cuti imprimendo humores consumere ac discutere dicuntur: aliis, cutem rarefaciendo disponere, ut ad eam sanguis copiosius feratur, sicque heterogeneous sibi intertextas per poros dimittat. Sed probabilius videtur successiva cutis pressione frictiones sanguinis motum retrogradum accelerare, sicque habitum humore præternaturali turgescens quasi deplere, uno verbo huic circulationem liberiores restituere.

Evacuaciones evidetiores itidem humores vel immediate ex vasis sub cruoris forma educunt, vel intervenientibus demum colatoris diversis hoc agunt. Prius fit per eorum aperturas modo naturales, sub mensium & hæmorrhoidum excitatis fluoribus; modo artefa-

Universa-
les sunt,
vel insensibiles.

Diaphoresis.

Vix evacuat.

Sed motum tantum humoribus torpidioribus restituit.

Frictiones motum humorum retrogradum juvant.

Vel sensibiles.

Etiam evacuationes particularis sunt insensibiles & evidentes magis.

Sanguinis missionem quæ indicent.

Vires raro eam prohibent.

artefactas, sc. arteriotomiam, venesectionem, scarificationem atque hirudines: posterius itidem per vias naturales aut arte paratas: Illud per catharsin, sudorem, diuresin & salivationem; hoc per vesicatoria & fonticulos. Simili modo res se habet cum particularibus, quarum una videtur insensibilis magis, nempe discussio particularis, cœteræ sensibiliores & his vel illis membris propriæ, faucibus, naribus, thoraci, seu ventriculo, intestinis, utero; quibus accedunt cavitates corporis & abscessus similesve tumores præternaturales, per vias arte factas evacuandi.

Sanguinis missionis indicans primarium est plethora, secundarium ejus motus vitiosus seu conturbatus, tam intestinus auctus, quam localis. Communiter in quavis sanguinis depletione ante omnia vires, vel ut permittens, vel ut prohibens, attendendas moment, prius robustiores, posterius infirmiores: utrasque dignoscendas ex morbo antecedaneo, aut non antecedaneo, aut præsentis principio ac progressu; ex actionum vitalium majore minoreve conturbatione, in specie pulsus robore ac parvitate seu raritate; ex habitu seu textura corporis solidiore ac laxiore seu molliore, quo individualis quoque syncrasia refertur; ex vitæ genere diverso; ex cœli constitutione, consuetudine, ex ætatis ac sexus disparitate. Qualem nihilominus cautelam, sive plethoræ sive motus sanguinis perversi, aut cujuscunque urgentis gratia ejus missione opus fuerit, intempestivam atque ineptam judico: quod vires in plethora non facile deficient, aut si debiliores deprehendantur, videantur potius oppressæ, quam dissipatæ, adeoque sanguinis missionem non tam prohibentes, quam coindicantes. Præterea nec evacuatio hæc, qualis quidem a nobis adornatur, adeo sensibilibiter debilitat, cum libram integram vix unquam conscendat, intra uncias sex vel octo ut plurimum maneat, sanguis eductus; licet veteres liberiores fuerint in sanguine profundendo: ita ut qui hanc sustinuerit, sive validus, sive morbo decumbens, de fracto magis ab ea robore conqueratur vix unquam. Et suppono, illum tantum affectum arte superabilem esse, cui vires prævalent, aut ad minimum, pares observantur, contra, qui his superior existit, i. e. ubi vires minores: per consequens illum quoque tantum, tanquam curabilem, indicare, seu indicata cum suis instrumentis.

strumentis monstrare; virtute autem vitali potiorum morbum seu symptoma, prout incurabilem, si nec sanguinis missionem, innuere, quam virium infirmitas prohibet, quod deficiente indicante nec prohibenti locus sit. Aut quodcumque etiam sanguinis missionis indicans præsto sit, sive abundantia, sive motus perversus, sanguinis, hæ causæ morbificæ tamen, seu morbi, utut vires primo adhuc integras sibi combinatas gerant, singulis momentis has tractu temporis magis magisque infringunt: quo majus proin harum dispendium ab illis metuendum, aut præsto est, eo potentius indicant, i.e. prohibentis etiam illius dispendii vim indicando superant. Nec vel ideo virium imbecillitas sanguinis evacuationem universaliter morari poterit, quod eadem plerumque, v. g. in casibus indigitatis, non a sanguinis penuria eveniat, adeoque per hujus educationem moderatam & opportunam illæ non magis labefactentur, excitentur potius tantum, quantum morbo per illam derogatur. Imo nonne per communem Practicorum consensum, optimo cum successu, pro immoderationibus hæmorrhagiis, a quibus virium resolutionem aut metuimus, aut experimur, compescendis, venæsectione sanguis educitur? viribus sc. fatiscen-
tibus haud dissuadentibus, sed instantius urgentibus. E. vitalis facultas debilior vix unquam, aut rarius, sanguinis missionem ab affectu præternaturali hujusve causa indicatam, interpellat. Quibus acce-
dit, quod circumstantiæ recensitæ non æque universaliter de robore ac imbecillitate virium testentur: dum v. g. pueri a frequentiore
narium hæmorrhagia non adeo facile defatigantur; sexus intuitu
fœmineus majoribus potius sanguinis depletionibus videtur par, ut-
pote tempore catameniis intercalari semper plethoricus dicendus;
nec actionum, in specie pulsus, conturbatio semper virium dissipatarum productum, neque cœli constitutio similesve circumstantiæ
indicantia urgentiora superant, horumve indicata prohibent.

Alterum sanguinis missionem prohibentium motus naturæ, sc. mensium & hæmorrhoidum fluxus, paroxysmi febriles & efflorescentiæ atque abscessus in habitu dicuntur; nisi forsan motus hi natura errantis vel nimii fuerint, aut a plethora inhi-
beantur. Verum si praxin consulamus, ante omnia dubitatur, an sub fluore actuali mensium aut hæmorrhoidum plethora, quæ evacuationem postulet, vix prohibeantur.

Virium si-
gna non
perpetua
sunt.

Fluxus
mensium
venæse-
ctionem
vix prohi-

& quæ non ipsa hac excretionē imminuatur seu tollatur, concipi queat? cum inter sanguinem evacuantia instrumenta mensium, fluor, arte concitatus, referatur. Si regeras, fluxum hunc non esse sufficientem, respondeo, E. non prohibet, sed permittit potius ac coindicat. Paroxyfmi febriles aut temporarium & brevioris moræ tantum sunt indicans, & elapsi non habent rationem prohibentis: aut si a plethora sanguinisve stagnatione metuendum fuerit in paroxyfmo symptoma vehemens, ille non prohibentis, sed coindicantis, vim nanciscitur. Metastases ad habitum, si bene succedant, plethoræ vis corpori nocendi hincque indicandi cessat; si non succedant, ubi expectantur, culpa plethoræ, hæc imminuenda: ante eruptionis autem tempus, si plethora adfuerit, aut ejus symptomata urgeant, metastasis sanguinis educationem haud prohibet, utpote futura demum.

Nec paroxyfmi febriles semper.

Nec metastases criticæ ad habitum.

Nec humorum malignitas semper.

Tertium sanguinis educationem prohibens humorum malignitatem ajunt: quamvis asserto huic vulgari duo pariter ob stare videantur. Primo experientia communis, qua non omnem malignitatem evacuationem illam inhibere, gallica v. g. innuit, in qua venæsectio frequentius, si non semper cum sensibili emolumento, certe sine evidente damno, administratur. Nec apparet, cur in cœteris morbis, etiam acutis magis, si plethora vel stagnatio urgeat, eorum malignitas sanguinis educationem moretur: quin potius, ne malignitatis symptomatis plethora aut stagnationis symptomata superveniant seu combinentur, utriusque solutionem in principio mox urgeant hæc; annuentibus pariter plerisque Practicis, qui in febribus malignis & contagiosis sanguinis missionem commendant.

Nollem tamen illum communem errorem cum pluribus errare, qui naturam spontaneas hæmorrhagias, in his vel illis morbis moventem, undique imitari, hinc per artem quoque evacuare cruorem, contendunt, quasi illa digito hoc monstrarit. Quippe primo non omnis sanguinis profusio spontanea sui plenitudinem, excandescentiam & modum rapidiorem simileve, cui phlebotomia v. g. medelæ sit, testatur: utpote qualis aliquando natura omnimode dejecta & prostrata sit, ut in febribus malignis aliisque casibus experimur. Deinde ipsamet etiam vasa sanguifera male se habentia hæmorrhagiarum causæ existunt, vel quatenus eorum quædam alicubi ex qua-

cunque

Hæmorrhagiz spontaneæ in febribus acutis non semper sanguinis missionem innuunt.

cunque causa angustantur, vel p. n. dilatantur. Utriusque exemplum in obstructione mensium aut hæmorrhoidum solenniorum, observamus: sub quali statu cruor per cœtera vasa inordinate ac impetuosius fertur, & tandem, qua data porta, prorumpit, sub hæmorrhagiæ narium, vomitus cruenti aut hæmoptoseos specie. Imo vasorum extrema in scorbuticis aliisque cachecticis, ob fibras carneas, quibus stipantur, aliquando aut resolutas seu laxatas, aut spasmodice contractas, ad sanguinem extraordinarie transmittendum disponuntur, arteriarum osculis p. n. hiantibus, venarum constrictis. Recte *Fernelius 2. method. 4* scribit: *Neque imperitorum more, si vel nares stillant sanguine, vel urinae rubicundæ sese offerunt, protinus imperanda venæsectio: etenim facile sanguis prorumpit non ex plenitudine solum, quodque eam vacationem molietur natura; quibus enim excessa sunt vasorum oscula, quibus etiam viscera, in primis jecur imbecillum vel scirrhum evasit, is sanguis sæpe fluit e naribus, haud secus atque hydropicis.* Nec rationi, multo minus experientiæ, refragatur, per sanguinis educationem, quam ars molitur, naturam aliquando in opere suo evacuatorio turbari; hinc imitationem illam huic præjudicare ac intempestive fieri, quod discernere difficillimum.

Quoad sanguinis missionis tempus & locum, inepte itidem super hæc disputari solet. Priori quia *cap. 9* me satisfecisse puto, ex iis In sanguinis missione vix temporis ratio habenda. tantum hoc loco infero, cum quovis tempore anni, mensis &c. plethoram & stagnationem sanguinis morbificam evenire posse, experientia edoceamur, quolibet etiam tempore sanguinem educendum esse. Et eo ipso, dum ob sanguinem verno tempore turgescens *Hippocr. 2. aph. 53* evacuationem hanc etiam tunc temporis commendat, sanguis vero in plethoricis, & si stagnet, etiam quovis alio tempore turgescit: verum in ejusmodi casibus haud expectandum, cum contradictoria videantur sanguinem in his non turgescere. In specie hæc tempora solenniora non observare licebit in hæmorrhoidum & mensium fluxu concitando, utpote quales evacuationes pro lubitu adornare haud licet, aut convenit, sed secundum naturæ demum directorium atque ordinem: ita quidem, ut in morbis, ubi sponte, aut intempestive, i. e. haud consueta periodo, ejusmodi contingit evacuatio, minus salutaris hæc deprehendatur; imo talis quo-

libet anni, mensis ac diei tempore, cœteris bene se habentibus, salutaris existit.

Nec loci
seu vaso-
rum.

Sicut in parte quoque, ex qua, determinanda anxie, frustra tamen, laborare observamus multos, & quidem eos, qui evacuandi tantum causa hoc remedio utuntur, cum abundantia sanguinis malum toti canali ejus commune existat, adeoque per cujuslibet ramuli vulnusculum imminui queat; & ipsa natura diversis locis ac vasis utatur, per quæ se cruore exoneret: nisi forsan eadem hunc locum determinet, v. g. hæmorrhoides vel uterus, ubi etiam illud *Hippocratis* attendendum: *quo natura vergit, eo ducenda.*

Quantita-
tem san-
guinis edu-
cendi quæ
determi-
nent?

Non ad
animi de-
liquium.
sanguis
mittendus.

Sufficien-
ter tamen.

Copiosius
evacuan-

Quantitatem sanguinis educendi indicantis vis seu quantitas innuit, ubi multum abundat, seu major turgescencia ac pertinacior stagnatio, v. g. in pleuritide ac peripnevmonia, ibi multum evacuan- dum; advertendo simul tolerantiam languentis, ex pulsu adhuc constante æstimandam: ita quidem ut, si conferentia seu effectus de- sideratus non protinus appareat, reiterare tamen idem remedium conveniat, modo hoc vires concedant. Tolerantiam equidem hanc veterum nonnulli neglexerunt, negligunt etiamnum Hispani & Galli, ad animi deliquium sanguinem aliquando mittentes: quibus ta- men illud Galeni occinimus, tutius esse infra existere, quam exquisi- te evacuare, præprimis cum reiterata sanguinis missio, quod ejus eva- cuandum restat, subtrahere possit, monentibus *Sennerto Inst. l. 5. part. 2. sect. 1. cap. 17. Plempio fundam. med. p. 343. Walæo meth. med. p. 78. & Sylvio pr. l. 1. c. 20. §. 27.* Caveat nihilominus sibi medicus, ne præ- timiditate intempestiva parciorē justo manu sanguinem emittat, v. g. in febribus ardentibus, inflammationibus internis, apoplexia similibusque affectibus gravioribus, a sanguinis copia, turgescencia & stagnatione oriundis: in qualibus casibus diminuta venæsectio sane plus noxæ, quam levaminis, præstat; quatenus hæc plenitudi- nem cruoris non tollit, eamque ad impetuosiores orgasmum stimu- lat; adeo ut, quemadmodum statim post quamcunque phlebotomi- am plerosque magis incalescere, ita, si illa larga satis fuerit, eos- dem brevi ad naturalem magis temperiem redire, observemus. In- primis, advertente *Martiano 6. epid. 5.* ubi revulsione opus, major & subitanea cruoris evacuatio prodest, quod hæc ratione vacui fiat, i. e. per

per illam vasis aut totius, aut partium vicinarum, sufficienter exina- dum ubi
 nitis, ad hæc ex loco stagnationis promptior fluxio contingit : con-
 tra qui tribus vel quatuor tantum unciiis sanguinis extractis stagna-
 tionem, seu juxta veteres affluxum, avertere putant, & eo efficacius
 id fieri credunt, si ejusmodi evacuatio vicibus iteratis fiat, minus fe-
 liciter operantur ; a tali nempe quod non eveniat vacuum evidens,
 cujus gratia nihilominus affluxus ad partem affectam, ut ajunt, inhi-
 beatur, seu stagnatio in hac solvatur. Et quamvis sub effluxu san- Nec eva-
 guinis, si lipothymia urgeat, suadente *Botallo curat. per sangv. miss.* cuatio, nisi
c. 38. & Sylvio l. a. vulnus ad tempusculum digito comprimere con- deliquium
 veniat, extra hunc casum tamen effluxum sanguinis interpellare non animi ur-
 adeo congruum videtur : quod per moram hanc repressus sanguis, si geat, inter-
 liberior denuo fluor ipsi concedatur, aliam & splendidiorē faciem pellanda.
 ostendat pristino, nobisque imponat, quasi impurior jamdum omnis
 emanarit ; cum nihilominus vitiosus remaneat, & qui secessum de
 stagnationis loco moliebatur cruor, denuo ac de novo cum alia sui
 portione eidem incuneetur. *Ætiologiam* hujus damni *Willisus*
Pharm. Rat. sect. 1. c. 8. & sect. 3. c. 1 suggerere conatur, qualem ta-
 men, quia non capio, hujus loci facere nolo, experientiam securio-
 rem, præ theoria fallaci, amplectens.

Nec hoc loco prætermittendum, quod a nonnullis, Gallis in- Confert
 primis modernis, inculcatur, vulnus venæ latius angustiori esse præ-
 ferendum, & *Botallus l. a. c. 39*, si in alterutra parte, i. e. vulnuscu-
 lum præ
 vel angustiore, vel largiore, peccandum fuerit, præstare scribit, in- angustio-
 clinare potius in majus. Non quod ex tali sanguis crassior cum te-
 nuiore promptius erumpat, ut plerisque persuasum ; cum crassiori
 etiam angustior apertura sufficiat, perinde ac per vasorum capilla-
 rium extremitates transitus liber ipsi conceditur : sed quod per lar-
 gius foramen subito & sub integra sua compage magis prodeat, hinc
 certius subsideat ejus effervescencia, remittat calor & solvatur sta-
 gnatio, liberiore ipsi concessio effluxu & omni remora sublata, con-
 firmante hoc pariter experientia.

De regimine post peractam sanguinis eductionem, inprimis *Victus*
 chirurgia celebrata, nihil monendum habeo, nisi ut rerum non na-
 turalium usus moderatus existat : adeoque nec victus mediocris, mox post
 sanguinis

missionem
conceden-
dus.

Quemad-
modum
somnus
quoque.

etiam paulo post eam, denegandus, qui viribus refocillandis par, nec ventriculum gravet : quamvis *Galenus* post bihorium demum partum concefferit, sine dubio, quod sanguinem copiosius & ad animi deliquium emisit, hinc viribus exhaustum ventriculum alimentis gravare noluerit. Multo minus post cruoris eductionem somno languentibus interdicens, ut cum plebe multi medicorum contendunt, cum omni ratione hoc præceptum destituatur : & in febribus cum sopore profundiore aliisque affectibus soporosis sanguinem mittere minime veremur, utile ac necessarium. Dum vero metuunt, ne, si somnus permittatur, cruor sub hoc confestim nimis ad cor abripiatur, hocque periculose opprimat, nullius momenti est : cum tale quid, nisi immodica sanguinis quantitas educatur, & ideo vel per idiocrasiam aut timiditatem singularem, animo delinquat æger, haud fiat : aut si ejusmodi deliquium observemus timeamusve, (cum etiam robustioribus ac cordatioribus tale quid aliquantulum post peractam depletionem supervenire noverimus) arceatur ille ad quadrantis horulæ saltem moram a somno, postmodum vero haud interpelletur. Sane quid ægro & medico gratius contingere potest, quam si somnus suavis obrepit, hætenus a doloribus, deliriis, æstu febrili &c. valde interruptus, adeoque maxime desideratus, & qui peculiaris sibi exigebat remedia : qualis restitutus, naturam hætenus oppressam spiritusque in ataxias redactas ad pristinum vigorem & motus æquabiles se denuo recipere, monstrat, materiæ etiam morbificæ penitus digerendæ opitulatur, ac morbum domat. Vinculi resolutionem, hincque novum sanguinis ad lipothymiam usque effluxum, quem inter dormiendum accidere aliquando posse, haud inficior, commodè prohibebit adstantium solertior cura : adeoque nec hujus intuitu somnus amicus vitandus erit. Atque hæc præcepta ac præcautiones omnibus sanguinis evacuationum generibus communes sunt, phlebotomiæ vero, utpote frequentiori, maxime applicandæ : quæ specialiora de cæteris monenda forent, ex praxi speciali, quæ de arteriotomia, ex chirurgicis, petantur.

CAPUT XIV.

De Purgatione.

Serum naturale & quosvis humores p. n. ipsi intertextos ex toto evacuant cathartica, tam κατὰ quam ἀνω agentia. Vomitoria equidem blandiora ventriculi tantum contenta exagitare videntur, ast potentiora, seu κατ' ἐξοχὴν sic dicta, etiam in secundam Emetica etiam e toto evacuant. corporis regionem sive canalem sanguinis vim suam exerere, adeoque evacuantium universalium nomen mereri, probabile fit, quod eorum cuncta vim simul per inferiora evacuandi habeant; de purgantibus vero per alvum nemo dubitet, quin horum vis per vasa lactea & venas mesaraicas toti communicetur; quod pari facilitate, per venas gastricas fieri, probabile ac necesse est. Accedit, quod infantes lactentes, si lactans vomitorium assumpserit, pariter ad vomitum stimulentur: ac vomitus, qui gravidis, febricitantibus &c. eveniunt, ex totius massæ sanguineæ peculiari anomalia seu dyscrasia contingant. Et posito, non semper ex canali sanguinis immediate aliquid per vomitoria educi, sufficiet nihilominus, si pancreas, folliculum biliarium & glandulas ventriculi succutiant, utpote qua ratione humores vitiosi ex his emulgentur, a quibus alias chyli, feri atque sanguinis textura notabiliter vitatur, si ad fluida hæc sub labe quadam redeant. Purgantia vero proprie sic dicta seu per secessus mo- Purgantia quomodo totum evacuant? ventia, totum evacuare, nullus unquam ambigit, dum observant, urinæ colorem atque odorem a quibusdam mutari, v. g. a cassia, rhabbaro, lac nutritis, quæ purgans assumpsit, infantem evacuare, catharticatorum quædam aquas hydropicorum educere, imo eadem in febris declinatione propinata materiam febrilem, per præparantia demum maturatam, & ad secretionem aptam, felicius, quam non præparatam, elicere: quatenus sine dubio non tantum in fibras nerveas glandulas & extrema arteriolarum, hæc peculiari ratione vellendo, ac irritando, agunt, sed eorundem quoque particulæ cum chylolo seu lymphâ intestinali a vasis lacteis pariter ac venis mesaraicis resorberi & intervenientibus canalibus his in sanguinem devehî, huncque certo modo commovere, probabile est. Qua ratione secernunt & elimi-

Quomodo
cacochymia purga-
tionem indu-
cit?

eliminant serum tam naturale, quam praternaturale, seu quicquid heterogeneitatis morbosæ huic intertextum: adeo ut, dum purgationis indicans cacochymia seu humorum pravitas communiter dicitur, non intuitu qualitatum vitiosarum hoc concipiendum, sed ipsius substantiæ incongruæ ac massæ humorum pravitatem inducentis, quæ per alterantia adeo prompte corrigi nequit. Extra quem conceptum cacochymia, quia qualitatum vitia tantum innuit, lentorem nempe, acrimoniam &c. nullam per se evacuationem, sed qualitatum tantum illarum sublationem seu correctionem per alterantia appropriata, postulat. Quibus minus ponderatis plura ægris a cathartecorum usu contingunt damna, quam levamina.

Revellunt
etiam pur-
gantia.

Etiam in
inflammationibus.

Pariter humores motu ac loco peccantes evacuationem hanc aliquando indicant, v. g. si cum impetu ad habitum corporis ruant, aut ad cavitatem quandam deponantur, v. g. in scabie & ascite nondum confirmato, item in catarrhosa aut quavis feri stagnatione seu, ut ajunt, decubitu, v. g. ad articulos: in quibus cum exoptatissimo successu cathartica non raro propinantur. Spectant huc inflammationes nonnullarum partium, v. g. pleuritis, angina, quibus multum levaminis præstat purgantium usus, modo per faucium angustiam, illa assumere concedatur, febrisque non adeo acuta illas comitetur. Equidem nonnulli, quibus *Hippocrates de Veratri usu t. 1* aurem vellicabat, in inflammationum principio solutiva nihil juvare, valde vero nocere, credunt: observantes nihilominus, eundem remedio hoc, ne facta quidem mentione sanguinis educationis, in pleuritidis, phrenitidis ac peripnevmonia medela usum fuisse, v. g. *3. de morb. t. 17. de victu acut. t. 12*, ut alia loca taceam, in quibus inflammationibus diversarum partium sola purgatione mederi docet, in negotio hoc decernendo ac in curando ancipites evaserunt. Donec cum *Vallesio* in Hippocratem Commendator eruditissimus, *Martianus*, illam deciderit distinctione inter inflammationes a plenitudine sanguinis solitaria, & cum cacochymia intermixta seu hac prævalente: in illa venæsectionem, in hac purgationem, commendans. Qua ratione hanc suam sententiam declaret & evacuationis hujus duplicis selectum determinet, recensere nolo, postquam ejus differendi rationem modernis hypothesibus haud undique accommodari posse deprehendo:

prehendo : hinc brevibus potius sentio , in Inflammatione quavis catharsin prodesse , ut remedium revulsorium , quippe & hæc agit in sanguinem , eundem a parte inflammata avertendo , perinde ac cum revellit a capite atque pulmonibus , in soporosis aut strangulatoriis affectibus , citra inflammationem , quibus singularem opem illam ferre , quotidiana praxi edocemur . Nec impedit , quod sub aversio-
 ne hac cruor non ex vasis , ut a sanguinis missione , educatur , sed suffi-
 cit , serum educi , quod , majorem cruoris partem constituens , com-
 moveri a purgante nequit , quin commoveatur simul ejus portio ru-
 bicunda , exilior , exinaniantur quoque vasa sanguifera sensibilibiter ,
 pro capiendo illo cruore , qui parti inflammatae hætenus impactus , &
 cujus hinc avertendi causa sanguinis missionem revulsoriam adorna-
 mus : ac error , quasi non in sanguinem ac serum simul , huicque
 intertextas heterogeneousitates , agant purgantia , æque crassus est , ac si
 quis sibi persuadeat , venæsectione non serum , sed sanguinem tan-
 tum , depleri ; hinc oriundus , quod feri naturam & habitudinem ad
 sanguinem rubicundum seu κατ' ἐξοχήν sic dictum , veteres minime
 cognoverint . Quia nihilominus nunquam sine peculiari humorum
 exagitatione purgatio , præ sanguinis missione , revellit , suasor essem ,
 in omni phlegmone hanc illi præmittere , inprimis si febris combina-
 ta intensior fuerit ; imò illa facta hanc repetere : quin tamen , si cras-
 sior mox & nebulosa compareat urina , etiam a catharsi medelam in-
 choare liceat , minus dubito ; non , ut communis fert opinio , quod
 alia tunc inflammationis conditio & parti inflammatae minus pro-
 funde materia peccans infixæ sit , sed quia coctionis inchoatæ signum
 hujusmodi urinæ phenomenon videatur .

Revellen-
do si non
sanguinem
serum ta-
men.

Observamus nihilominus magnum hujus evacuationis abusum
 & infinitos circa administrationem ejus committi errores , dum
 communiter nullius ægritudinis , nec levissimæ , curam , citra cathar-
 tica reiterata adornari ac fieri posse , autumant , ad stomachi tamèn
 usq; appetitus dejectionem , cruditarum incrementa , morborum pro-
 crastinationem & virium dissipationem , illa propinantes : nulla sc.
 habita ratione indicantium , prohibentium &c. nullorumq; præparan-
 tium , interdum adeo necessariorum , ac præmitentorū . Gravissime in
 Medicos ejusmodi invehuntur *Helmentius* , *Potterius* & alii moderno-

Purganti-
um abusus.

& damna. rum stercorearios & empiricis longe peiores eos agentes: neq; hoc sine ratione, dum humores vitiosos in corpore, culpa coctionum p. n. se habentium, gigni, purgantibus etiam cunctis, proprie sic dictis, aliquid subesse, quod naturis corporum nostrorum adversum & quasi perniciosum, observamus. Quorum posterius vel ipsemet *Galenus 4. rat. vict. acut. t. 44* confirmat: *coctioni horum contraria sunt purgationes, siquidem moventes valde corpus frangunt: talis enim virtutis omnia sunt purgantia*: imo virulentiam hanc, qua tanquam putrefactiva & colliquativa in laudabiles æque ac vitiosos agunt humores, catharticonum confirmant diversa. Dum ægris pariter ac sanis eorum usus ut plurimum valde molestus existit & gravioribus symptomatis stipatur; tot sordes & tantam recrementorum quantitatem illa evacuant plerumque, qualia sine evidente corporis conturbatione ac vitæ discrimine eidem inesse haud poterant, sed per modum cujusdam corruptivæ fusionis seu præcipitationis, & vi cathartici, producta videntur, perinde ac a venenis nonnullis fieri deprehendimus. De cætero molesta & vehementiora ab hypercatharsi, cum venenorum productis eadem, concitantur symptomata, v. g. cardialgiæ, sudores frigidi, animi deliquia, convulsiones &c. contra, si cathartica potentiora minus evacuent, crasin humorum, eousque depravant ac corrumpunt, ut in habitu varia compareant phænomena suspecta, v. g. pustulæ, decidentia capillorum, gangræna, de quibus inferius dicetur. Quibus etiam accedit peculiaris plane fætor, quem recrementa spirant, vi purgantium exturbata. Per consequens, qui ex levi protinus occasione, & ubi qualitate tantum peccant humores, catharsin commendant, errorem gravem & cum periculo sanitatis conjunctum committunt, quod purgantium potentiora vix in ventriculum & intestina, multo minus in massam sanguineam, agere queant, quin organorum illorum digestionem plus minus conturbent ac fluidorum crasin evertant: adeoque drastica ejusmodi rarissime in usum trahenda.

Nec catharsis præservatoria semper adco-
luta.

Multo minus illis connivendum, qui corporis sive sani, sive vel ab ortu, vel ex accidente, debilioris, frequentioribus delectantur purgationibus, sanitati non minus ac vitæ exitiosis: ut præter *Hippocratem 2. aph. 36. & 37* plura funesta exempla comprobant eorum, qui

qui ex intempestiva & tantum non voluptuaria catharsi pessime se habuerint, imo perierint. Ita *Borellus 2. obs. 45* Presbyteri meminit, qui sanus purgatione usus tantam humorum conturbationem sustinuit, ut paucis ab illa diebus obierit. Simile quid *Horstius 9. obs. 25* refert de quodam, cui adventante vere corpus purgare volenti, sumpto medicamento furiose purgante, illico in pedem dextrum (jamdum ex impresso frigore debilem) humorum factam fuisse ad repentinam usque gangrænam translationem. Recordor & ego diversorum, qui, alias sani, a catharsi, præservatoriam quam ajebant, ventriculi conturbationes insignes & febres experiebantur: inter quos refero Virum maxime Reverendum in vicinia, qui satis bene se habens, Nodulo purgante, cui per aliquot annos se adsueta dicebat, usus, hinc mox altero evacuationis die febre continua comatosa correptus paucos post dies interibat. *Purgationes*, inquit *Celsus 1. c. 3. uti interdum necessaria sunt, sic ubi frequentes, periculum adferunt; adsuescit enim non ali corpus & ob hoc infirmum erit, cum omnibus morbis maxime obnoxia sit infirmitas*. Sc. purgantia ejusmodi, minus opportune administrata, sicut aliquando, si humores pravi absint, bonos perturbant, ita illos incongrue interdum commovent: ut non mirum, si annotante *Vallesio Epid. lib. 2. sect. 2.* hæc, tanquam causa, quæ morbum, cum adest, augere possunt, nondum præsentem in corpore disposito facere, apta nata sint. Confirmat idem *Galenus 3. aph. 15*, dum scribit: *Si veritus quispiam, ne multa in corpore excrementa cumulentur, purgationem bis, aut semel, in mense adhibeat, is, præterquam quod corpus in malam consuetudinem adducit, etiam ipsum labefactabit*. Brevibus idem innuit *Avicennas*, inquiens: *Medicina purgat & inveterat*, i.e. purgantia crebriora corpus extenuant, senium accelerant ac inprimis alvum sicciorem reddunt. *Nihil novi*, inquit *Epiph. Ferdin. hist. 36*, magis periculosum in morbis omnibus, chronicis & melancholicis inprimis, quam iteratis solutivis corpus expurgare, nam destruunt virtutum mineras: & licet prima facie primo videantur prodesse, (nam fortasse agri, ab excrementis deonerati, hilariter vivunt) tamen temporis tractures est in contrarium, nam magis ac magis corpora exsiccant, excalefaciunt, torrent humores. Cui demum subscribit *Crato Epist. apud. Scholz. 13* his verbis: *A purgantium usu, etsi corpus sit impurum,*

interdum abstinendum; corpora enim quædam, etsi ad integrum mensem purgentur, nunquam pura fiunt &c.

Prohibent
catharsin
vires debi-
liores,

nisi sup-
pressa.

Bene ta-
men cru-
ditas hu-
morum.

Quoad permittentia ac prohibentia catharsin, respiciendum ante omnia erit ad vires, quarum debiliores eam sine dubio prohibent, ni potius ab abundantia feri pravi, hincque immediate emanantium symptomatum gravitate, oppressæ potius, quam dissipatæ, fuerint illæ: quod quidem non pulsus semper, prout *Galenus de pulsu ad tyron. cap. 11. & 12.* atque *Epiph. Ferdinand. hist. 9* tradiderunt, sed aliæ potius morbi circumstantiæ, determinant, virium robur discernentes. Hinc attendenda est humorum cruditas ac coctio, res magni momenti, in febribus potissimum, & ab *Hippocrate 1. aph. 22* commendata: *concocta pharmacis aggredi & movere oportet, non cruda; neque in principio, si non turgent. Plurima vere non turgent.* Ubi medicus naturam imitari debet, quæ, quamdiu sibi relinquitur, non, nisi materia morbifica digesta, excretionem molitur: vel si a causa morbifica turgescente, aut a quadam rerum non naturalium, ad intempestivam evacuationem stimuletur, sane hoc frequentius, non sine periculo, & cum cacophoria fit, unde etiam excretio talis symptomata audit. Pariter cathartica in cruditatis statu & principio morbi oblata, aut omnino non evacuant, aut febrem ejusque symptomata intendunt, seu cum difficultate agunt. Quatenus humores crudi, propter indigestionem seu renitentiam suam a mitioribus minus commoventur, a potentioribus vehementius agitantur, nulla fiente simul eorum secretionem: per eadem purgantia ferum aqueum seu vehiculum illud, sine quo materia morbifica nec commode digeri, nec secerni, valet, subtrahitur; sicut acres v. g. biliosi, freno seu diluente hoc sublato, meraciores ac ferociores evadunt, ita quidem, ut, observante *Hippocrate de purgant. t. 4.* ejusmodi intempestive evacuatis color naturalis ac vividus evertatur, eique morbi regii speciem induant. Ac denique humorum cruditas cum inflammatione hoc commune habet, ut quemadmodum ex hac cruorem non digestum seu minus suppuratum educere impossibile est, ita nec cruda evacuare e toto liceat. Uno verbo, plerumque secundum *Hippocr. l. a. æger perit.*

Humores autem crudi dicuntur pravi illi, qui sanguini adeo intime

intime & arctius commixti ac quasi confirmati sunt, ut facile hinc se-
cerni nequeant, & urinam aquosam i. e. tenuem & pallidam, præ-
stent: prout cocti, quoties illa commiscela arctiore soluta humores
pravi a sanguine laudabili secessum moliuntur, & urinam denuo
crassio rem ac plus minus tinctam reddunt. His purgationem de-
cernit, illis denegat, *Hippocrates*, exceptionem tamen huic regulæ
subnectit, nisi materia turgeat; quod rarius quidem fieri, idem *1. aph.*
22. & 4. aph. 10 ait: neque omnem forsan turgescentiam in cruditatis
statu catharsin concedere seu exigere, ex sequentibus evidens fiet.
Quæ cuncta abstrusa & difficultatum plena sunt, contradicentibus in-
primis tot quotidianæ praxeos experimentis & morante commenta-
torum in hos *Hippocratis* textus confusanea prolixitate seu concepti-
bus valde crudis.

Quibus posthabitis puto primum, experientiæ vix omnino re-
pugnare, nec plane impossibile videri, quin minus cocta aliquando
feliciter expurgentur, perinde sc. ac symptomaticos alvi fluores, qui-
bus crudiora maximam eliminantur partem, aliquando utiliter &
non sine euphoria fieri, palam est. Quales naturæ motus ancipites imi-
tari, quamvis nemini suafor essem, haud tamen diffido, in agris ali-
quando rem ita se habere, ut nondum cocta quoque catharsi se edu-
ci patiantur ac permittant, nulla etsi turgescencia humorum, ex *Hip-
pocratis* monito, concurrente: si nimirum observemus materiæ
morbificæ nimiam copiam, hujus majorem metuendam corruptio-
nem, hincque graviorum symptomatum imminentiam, illaque sub
certis circumstantiis seu conditionibus adornetur. Nempe locum
habet crudiorumeductio, si aut nulla, aut moderatior, adfuerit fe-
bris; secus, si ardentior: si juxta *Vallesium* aliosque ab inflamma-
tione hypochondria existant libera, i. e. ventriculus ac intestina,
cum visceribus vicinis, quibus cum illis vasa communia; dum con-
tra inflammatarum harum partium affluxu per catharsin aucto, phleg-
mone intenditur. Qualis inflammatio tamen aut rarius evenit,
aut coctorum non minus ac non coctorum, humorum per alvum
exturbationem periculosa reddit. Impedimentis his accedit or-
ganorum pnevmaticorum & capitis æstus immoderatio, utpote sub
quali illa facilius inflammantur, hujus intuitu delirium exquisitum

Humores
crudi qui?
Et cocti.
Juxta
Hipp. hi
non illi
sunt pur-
gandi, nisi
turgeant.

Aliquando
tamen cru-
di quoque.

Sub certis
conditio-
nibus.

ac convulsiones, illius strangulationes, metuendæ: Nunquam igitur crudiorum educio tentetur, nisi temperatiores minusque fervidæ partes illæ compareant. Maxime attendenda quoque est alvi seu intestinorum habitudo, quæ, si sicciора, materiam morbificam aliorum converti innuunt, metumque simul incutiunt, ne commota, minus tameneducta, potioris mali causa evadant: inprimis si incidere detur in ejusmodi subjecta, quibus per naturalem constitutionem familiare est, ut difficulter & non sine insigni molestia expurgentur, etiamsi per opportune hoc tentetur; dum contra alii, licet intempestive evacuentur, facillime & sine ullis symptomatis hoc ferunt. Potiore jure crudiorum evacuatio conceditur, si natura se talem moliri, murmuribus intestinorum, dejectione liquidiorum, & quidem bis vel ter de die repetita, innuat: quale tamen phenomenon speciem orgasmi esse, paulo post constabit. Sub conditionibus videlicet dissuadentibus naturæ negotium committendum ac cruda minus movenda erunt; sub contrariis, etsi coctio nondum facta, vel fiat, purgans exhibere non intempestivum videtur; cum illi potius condescendendum, quod urget, sive ut præsens, sive ut futurum: sic natura, quæ ante coctionem humorem non turgentem expellere conatur, adminiculabitur evacuationi; i. e. ex duobus malis minus eligendum, conniventibus aliis corporis habitudinibus.

Contenta
primarium
viarum p.
n. non
crudis ad-
scribenda.

Neque tamen asserto, de concoctis tantum educendis, repugnat 2. aph. 29, quo incipientibus morbis, quod movendum, movere jubemur, dum non cuncta, quæ corpori languenti p. n. inexistunt, in sensu *Hippocratico*, sub initio morbi cruda existimanda, v. g. fœces alvi, cruditates ventriculi, utpote qualia febris causa conjuncta seu proxima dici haud poterant: mox nihilominus & in primo morbi insultu sui eliminationem indicant, dum materia febrilis in massa sanguinea coctionem expectat; unde *Hippocrates* hoc loco non vocabulo *Φαρμακείειν*, sed *κινείειν*, quod movere est, utitur. Nec materia hæc febrilis seu quodvis præternaturale, sanguini in principio morbi mox adeo intime permiscetur, sed huic leviter tantum confusum facile, natura per purgans stimolata, secedit atque eliminatur: cum quidem tunc temporis inchoata, nondum tamen absoluta ac insuperabilis, existat cruditas, hæcque & initium morbi non semper

Nec in
principio
febris ma-
teria mor-
bifica san-
guini mi-
nus intime
adhuc
commixta.

coinci-

coincident; adeo ut urinam tunc parum adhuc a statu naturali recedere interdum cernamus. Sed, sicut in decremento morbi cruditas remittens, seu coctio inchoata, evacuationem concedit, concedet eandem pariter in principio, ubi inchoans cum declinante ejusdem est gradus atque conditionis: i. e. eadem ratione, ac non omnimodam tantum, sed aliqualem etiam, coctionem experti humores separabiles sunt, natura per pharmacum adjuta; cur non tales erunt in principio nondum arctius combinati, seu non totaliter crudi, vel laxiores & liberiores adhuc? Et ideo est, quod citra febres in paucis morbis coctio humorum expectanda veniat, v. g. non in catarrhis, tussi, arthritide, affectione hypochondriaca, utpote in qualibus nulum ejusmodi cruditatis statum concipere licet, humoribus semper mobilibus & ad excretionem paratis.

Turgescientiam seu Organum humorum quod spectat, quam cruditati prohibenti, ut novum & peculiare indicans, opponit *Hippocrates*, novas illa difficultates peperit, dissidentibus valde commentatoribus in ejus formalitate explicanda. Turgere nimirum humores in febribus tantum videntur, & quidem primo, si per corpus hinc inde, a parte una ad alteram, motu vagabundo, seu impetuosius & cum metu in partem principem irruendi, ferantur: deinde si ad aliquam partem ignobilioris & excretoriam, ventriculum & intestina videlicet, vergant, & in his sui eductionem per alvi intumescencias, borborygmos, egerendi conatus &c. urgeant, viscera etiam hæc se ab illis stimulari ac gravari innuant & a sarcina hac levare postulent; quod cum illis, quæ superius de crudis educendis, si nimirum ad ventrem tendant, dicta, coincidit. Turgent nempe humores potissimum valde acres, mobiles & ad exagitandum sanguinem idonei, inprimis biliosi: quod dignoscitur, si ægri mox in principio morbi sint inquietissimi, cum summa præcordiorum angustia, nausea, ructibus nidorosis, conatu vomendi ac dejiciendi, dolore vago totius corporis, præprimis capitis, frequente coloris in facie mutatione, pulsu inæquali, & rigore æstum leviter interpellante. Quin tamen *Mercato de recto præsid. usu libr. 1. cap. 6* concedere liceat, naturam turgere posse non solum a calidis, tenuibusque ac malignis humoribus lacescitam, sed a multis & frigidis quoque, non video, quid impediat; nisi ad

ad abundantiam potius, de qua superius actum, hos referre placeat: quorum excretionem non raro imperfectius molitur illa, id est, ab evacuationibus inchoatis desistit & impotentior ab arte auxilium petit ac monstrat.

An humores per corpus vagantes purgandi?

Prioris generis humores turgescences evacuationem sui minime exposcere, nec hanc in iis sub cruditatis statu locum habere, putat *Martianus in comm. 1. aph. 22*, hoc innixus fundamento, quod tunc temporis exhibitio purgante illi concitentur magis, cum certo decubitus in quampiam partem periculo potius, quam e corporis exclusionis spe: eamque suam sententiam eo verisimiliorem credit, quod a præstantissimis practicis observatum, ejusmodi humorum efferum motum sanguinis missione potius, quam catharsi, sedari & humores adeo conturbatos medicamentis plus irritari. Postquam idem *Hippocrates 4. de morb. t. 20. & 21* diebus imparibus, seu crisin indicantibus, utpote quibus humores maxime commoveantur, non sine magno periculo purgari ostendit; & si tale quid fiat, a medicamentis illis magis exagitatis, hypercatharsin lethalem frequentius evenire. Imo etsi nec tantum nobis hinc concipiamus periculum, eo ipso tamen, dum sub orgasmo ejusmodi vagabundo haud innotescit, quam partem inprimis, postquam pharmacum haustum, humores oberrantes petitura sint, nec medicus eligere seu determinare poterit viam, per quam, secundum præceptum, *quo natura vergit, eo ducenda*, evacuatio fieri debeat, aut expectanda sit; nec dosin purgantis definire, incertus, an naturam conspirantem seu inclinantem ad alvum, aut renuentem ac aliorum vergentem, habeat.

Et quibus cautelis?

Ob quas similesve rationes, quamvis sub turgescencia humorum catharsin adornare, res difficilis sit, quoniam tamen non sufficit periculum futurum innuere, minime præcavere; ac metuendum, ne natura sibi sola relicta tandem defessa labascatur, aut tumultuantes humores partem nobilem irruant, a qua forsan opportuna evacuatione averti poterant: etiam hic meminisse juvabit illius *Hippocratici*, quemadmodum *nihil temere, sic nihil timide esse agendum*; i. e. frivole & inconsulto equidem purgationem non antevertat, nec tamen cum languentis dispendio illam differat, medicus. Quod quidem securius aget, si primo sanguinem educat, deinde si præmonstratri-

cem

cem naturam habeat, quæ, quale præsidium & quem excretionis modum desideret, indicet, (quod alterum genus turgescentiæ superius dicebatur) quo adjuvantem illam morborum optimum medicum, habemus : ac si tertio per blandiora evacuationem adornet, v. g. per aurum fulminans, rhabarbarum ; ne humores jamdum præter modum exagitati magis conturbentur & hypercatharsis concitetur. Licet ejusmodi turgescencias non adeo crebras idem *Hippocrates* & cum hoc praxis quotidiana doceat : non quasi humores minime, turgeant, sed quod sub cruditatis signis talibus orgasmus vix præsumendus, qui videlicet in contraria eorum dispositione consistit ; in orgasmo mobilibus & laxis, in cruditate conferruminatis quasi iis. Quando *4. aph. 10* addit, in valde acutis turgescences humores eodem die esse evacuandos, ac morari in talibus malum esse, non ideo dictum videtur, quasi ex mora metuendum foret, ne in partem aliquam nobiliorem materia morbifica feratur : sed quia in morbis, qui celeriter moventur, occasio præceps evacuandi brevi præterlabitur & ad massam sanguineam illa mox rapitur, aut laxius huic hætenus adhærescentes heterogeneitates morbificæ arctius implicantur, hinc purganti mitiori haud auscultant, a potentiore vero præter modum exagitur totum.

Porro in febribus purgationem dubiam reddit seu prohibet earum malignitas, & quidem hoc confirmante experientia, qua multorum cippis inscribenda erant verba *Hipp. 5. epid.* passim obvia : *Mortuus est, quia purgatus fuit.* Quo tandem motus etiam naturæ spectant, per purgantia haud interpellandi seu conturbandi : & quidem non tantum in febribus acutis, & ubi natura crisin per alia loca molitur, sed in chronicis quoque morbis, v. g. scorbuto, lue venerea, si bubones compareant, item in affectibus pectoris, si materiam peccantem natura per sputum rejiciat. *Martianus* ex Hippocratis diversis locis prohibere insuper purgationem contendit iis, qui doloribus valde molestantur, priusquam sedentur, aut saltem remittant : metuens, ne humores, per pharmacum commoti, a doloris vehementia ad partem dolentem potius trahantur, quam ad alvum detrudantur. Quod tamen præceptum vix universale nec omnimode inviolabile esse, probabile reddit, dum dolorum capitis, dentium,

Purgationem inhibet febrium malignitas. Sicut motus naturæ quoque.

Non autem dolores.

oculorum, artuum &c. solvendorum gratia purgantia crebro, & quidem non sine fructu, propinantur: quod recenti mox observatione comprobare possum cujusdam, qui, dolori ischiadico satis exquisito expositus, ab assumpto cathartico mox melius se habebat. Et de purgantium exagitatione non minus sperandum, eam materiam peccantem, sicut in toto, ita in parte quoque, commovere, & motu hoc ex hac ad intestina deturbare posse, ac eidem copiosius impellere. Secus tamen res se habet in doloribus abdominis, v.g. in colico, iliaco, nephritico, quibus utique præjudicat eosque exacerbat purgantium, nisi blandiorum, administratio.

Quoad cæteras circumstantias, in catharsi rite instituenda, tanquam indicati adjuncta, advertendas, prima est tempus, & quidem liberum; quod in morbis chronicis eligitur vernal, juxta 6. *aph.* 47. & post hoc autumnale: eo quod his humores ad secretionem magis apti judicentur, quam hyeme, ubi sibi invicem per tenacitatem arctius ut plurimum impacti; non adeo tamen exagitantur, ac in æstate, ubi metus est, ne propinata purgantia sanguinis massam, in motu jamdum existentem, plus justo dissolvant, ac fundant. Quorum posterius *Hippocrates* 4. *aph.* 5 innuit; ubi sub cane, mox ante & post, canem catharticozum usum dissuadet, ac *Riverius* 3. *obs.* 5 exemplis tristioribus confirmat: modo regula hæc non tam dierum numero, quam per æstus gradum, explicetur, advertente *Holferio comm. in alleg. aphor.* & *Primerosi de vulgi error. l. 4. c. 11.* Cætera, quæ de lunæ phasibus monentur, parvi momenti sunt, ac superius discussa. Ratione vero horarum diei, aptissimæ sine dubio sunt matutinae, ob digestionem ventriculi tunc absolutam; vel quæcunque, ubi illum vacuum esse novimus; ne alienorum permissione, fracta purgantia plus molestiæ patrent, quam evacuent: nisi forsan accessiones similiaque phænomena v.g. necessitasurgens, fuerint attendenda, meridianum ac vespertinum etiam tempus suadentia.

Nihil tamen impedit, quominus purgantia leniora extra hos quoque casus paulo ante coenam aut post coenam frugaliorem assumantur, quæ hoc modo blandissime, sufficienter tamen, evacuant, testantibus *H. Augenio tom. 1. p. 342. seq.* *Riolo meth. med. gen. sect. 4. c. 3.* *Gabelchov. cent. 1. curat. 6.* *Walco meth. med. p. 38. & 51.* *Heurnio Meth. med.*

med. lib. 11. c. 2. Horstio probl. dec. 7. quest. 3. ac Sylvio pr. append. tr. 4. §. 245. sub pilularum perinde ac quavis alia forma. Sic enim chylo combinata cum hoc massam sanguineam subeunt, ac sine turbis evacuant, hos præsertim, quibus alvus pertinacior contigit: & si forsân mane insequente minus commoveant, dimidium tunc doseos reitetur, pro priore juvanda, vel tantillum potus calidi desuper hauriatur.

Sed ratione temporis necessitatis, si morbus febris aut cum febre, quia in his cruditas & coctio humorum attendenda, ex universalibus principium ac declinatio tantum purgationi idonea existunt, ob symptomata remissiora ac vires validiores: illud vero in specie, si materia turgeat, hæc, quia cocta tunc est; in incremento autem & statu motus naturæ respicere convenit. Ast in morbo, qui sine febre, sive acutus, sive chronicus, fuerit, quovis tempore purgare conceditur, modo vires adæquatæ extiterint, nec aliud quid evacuationem hanc moretur. Pariter pro particularibus morborum temporibus, quæ paroxysmos horumque intermissiones ajunt, inter affectus, qui cum febre, sive continua, sive intermittente, aut sine febre, distinguendum erit: ubi in continua, quia nullas apyrexias habet, quæstio cessat, in paroxysmo vero intermittētis purgare, incongruum maxime deprehenditur: non tantum, quod vires tunc magis atterantur, sed ne motus naturæ per sudorem, quo paroxysmus ejusmodi ut plurimum terminatur, turbetur, nec commotis tunc temporis a paroxysmo humoribus stimulus addatur, hypercatharsin aut concitans, aut febrem intendens ac contumaciorem rediens. De affectibus autem, qui per paroxysmos, sine febre, affligunt, v. g. apoplexia, epilepsia, insultu hypochondriaco, non potest adeo exactum in genere ferri judicium: cum quorundam paroxysmi purgationem ferant, cæterorum respuant & ad intervalla usque differant, ut ex praxi speciali constabit.

In febrium
principio
ac decli-
natione.

Non in pa-
roxysmo
febrili.

Ast in alio-
rum mor-
borum pa-
roxysmis.

Alterum purgationis adjunctum Locus est, per quem evacuantur, i. e. an per superiora, an per inferiora? Qualem primo determinat pars, aut in qua materia peccans hæret, (quod quidem particularem potius evacuationem innuit) aut ad quam ex toto illa fertur. Siquidem si ventriculo inexistant, aut ad eum vergant biliosa & æru-

An *ἄνω*, an
κάτω, pur-
gandum?

Determi-
nat ten-
dencia hu-
morum.

ginosa, hæcque oris amaritudine, nausea, cephalalgia &c. se prodant, anacatharsin indicant, juxta 4. *aph.* 17; it. si pituitosa, quod ex appetitu prostrato, difficultate spirandi, ructibus ac regionis epigastricæ tensione auguramur; ac denique si cruditates ex alimentis relictæ aut quævis assumpta incongrua illum gravent. Neque tamen in ventriculo tantum fluctuantes, sed viscera quoque vicina infarciētes, heterogeneous vomitu rejiciuntur, ex pancreate scilicet ac vasis biliariis: per consensum scilicet illum, quem a vehementiore ex vomitu succussione patiuntur hæc organa. Contra si causa morbifica ad intestina potius inclinet, quod ex gravitate lumborum ac crurum, tensionibus, borborygmis ac torminibus abdominis dignoscitur, aut si eadem nulla adhuc tendentiæ determinatæ indicia præbeat, catharsis per inferiora convenit. Porro in cerebri ac nervosi generis, quemadmodum etiam in pectoris nonnullis, affectibus emeticorum usus valde proficiuus reperitur; ut ex praxi speciali elucescit.

Ac confi-
tutio cor-
poris.

Eandem evacuationis viam seu modum innuit secundo constitutio corporis naturalis æque ac præternaturalis: cujus intuitu alii facilius, alii difficilius, vomunt. Quam dignoscimus 1. per experientiam, dum *Hipp.* 4. *aph.* 6. & 7 facile vomentes sursum, difficulter vomentes deorsum, evacuare suadet. 2. Ex corporis conformatione sensibili magis: quippe quibus collum ac pectus brevius contingit, facilius vomunt, quam qui statura procera magis gaudent. 3. Ex habitu graciliore ac crassiore, quorum ille vomitum admittit, hic catharsin potius per inferiora postulat, secundum *Hipp.* 1. a. 4. Ex morbis atque symptomatis junctis, ratione cujus circumstantiæ gibbosis, hæmoptoicis, ulcere pulmonum laborantibus, herniosis ac ophthalmicis vomitoria minus quadrant: quo sine dubio *Hipp.* 4. *aph.* 8 respicit, ubi tabescentes purgationem per superiora vitare jubet. 5. Ex viribus, quarum potiores requirit vomitus, pauciores evacuationi per secessum sufficiunt. Ac 6. denique ex sexu, ratione cujus foemina non adeo secure semper vomunt, quin hysterica patiantur symptomata.

It. anni
tempus.

Pariter viam, per quam purgandum determinat tertio aliquo modo anni tempus, dum *Hippocr.* 4. *aph.* 4 æstate *ἀνω*, hyeme *κάτω*, evacuare

evacuare jubet, & *aph. 6. § 7* graciles ac facile vomentes per superiora purgandos monet, cavendo tamen hyemem &c. Contradice-
re equidem his ille *de salubri diet. t. 3* videtur, ubi sex menses hyber-
nos vomendum, æstate vero inferne subducendum, scribit, & *3. de*
diet. t. 4, ubi hygienem hyemalem tradens ter in mense vomitibus
utendum præcipit, quibus *Celsus* quoque *1. cap. 3* subscribit. Quam
contradictionem tamen communiter solvunt, distinguendo inter
humores ventriculo inexistentes, & inter eos, qui in toto peccant:
quorum illos quocunque anni tempore per superiora, hos hyeme,
per inferiora, æstate per superiora educendos putarit Hippocrates:
vel forsan cautela hæc non est magni momenti. Tandem & quar-
to evacuationum harum usum discernere videtur regionum diversi-
tas, cujus intuitu vomitoriorum administratio incolis frigidiorum
regionum rarior, ac calidiorum, dum v. g. *Hippocrates*, in locis fervi-
dioribus medicinam faciens, helleborum album frequentius, quam
alvum subducentia, propinavit. Quod idem experimenta Viri cu-
jusdam Eruditi, qui Indiam Occidentalem frequentarat, in *Anglo-*
rum Philos. Transactione n. 36 recensita, testantur: quibus refert, In-
dis, nisi morbis chronicis expositis, Purgantia haud quadrare vel
conferre, tolerare vero & cum euphoria admittere Vomitoria; adeo
ut per hæc difficiles etiam morbos in Jamaica sanarit.

Si contingat morbo utraque evacuatione opus habere, sine du-
bio ab illa inchoandum, quam ejus causa & hujus situs ac cæteræ cir-
cumstantiæ postulant, vel permittunt. Id est primo, cæteris pari-
bus, evacuandum erit per viam, cui materia morbifica propinquior,
v. g. per gulam & vomitū, quæ in ventriculo collecta, aut ad hunc in-
clinat: vel quod materia parti affectæ quo propinquior, juxta *Celsum*,
eo, malignior seu plus vitii habeat, ac a statu naturali longius recedat,
adeoque promptius evacuanda veniat; vel ne longo itinere ac am-
bage ducta alias partes inquinat atque conturbet, v. g. venena hausta
aut acriora in ventriculo congesta, si per intestina rejiciantur, inte-
gra & illæsa hætenus. Deinde ratio quoque est habenda illorum,
quæ præter causam morbi immediatam movendorum, hinc mox in
principio morbi exturbandorum, nomine superius veniebant: vi-
delicet si hæc intestinis, κατω, sin ventriculo inhæreant, ανω, extur-

bari debent. Tercio, si ex remotioribus locis, cum concussione quadam, v. g. e vasis biliaris, pectore & capite evacuandum, emeticum sicut purgante efficacius, sic huic quoque, in casibus inprimis ancipitibus, v. g. suffocationis, apoplexiæ, præmitti debet.

Quantum
evacuandum?

Tertium in purgatione rite moderanda attendendum humorum evacuandorum quantitas est, quam dignoscimus primo ex peccantium majore minoreve copia: ita tamen ut consultius sit, in defectu, quam in excessu, peccare, cum omnis excessus naturæ molestus contingat, secundum *Hipp. 2. aph. 51*; imo, *quæ prodeunt, non multitudine æstimare oportet, modo illa rejiciuntur, quæ debebant, & facile æger ferat*, juxta *2. aph. 23. & de Veratri usu*. Vires siquidem alterum sunt, hoc loco observandum, utpote quarum intuitu aliquando, quæ simul ac semel educere haud licet, si nimirum hæc copiosiora ac viciosa fuerint, & morbus inducias det, per epicrasin evacuare solemus.

Evacuatio
per epicrasin.

De qua tamen minorativa evacuatione perplacet animadversio *Mercati de recto presid. usu lib. 1. c. 8.* non adeo paulatinam hanc esse debere, ut singulis demum sex vel septem diebus cathartica propinentur, sed per aliquot sc. insequentes dies & sine intermissione cum iis esse continuandum: ne tantundem materiæ peccantis sub mora intercalari adeo longa denuo colligatur, quantum antecedanea evacuatione eductum fuerit, sicque nunquam plenaria speranda sit illius expurgatio. Qui signum adæquatæ & perfectæ evacuationis sitim ex *Hipp. 4. aph. 19. & de Veratri usu* asserere contendunt, aut cum *Martiano & Hollerio in aph. alleg.* humorum prodeuntium mutationem, v. g. si post biliosa, pituitosa rejiciantur, utrique errant. Quatenus *Hippocrates l. a.* per sitim non congruæ evacuationis, sed purgationis nondum cessantis, notam ostendere voluit, omnem etiam evacuationem paulo vehementiorem sitis comitatur, hinc non testatur de ejus sufficientia, sed de immoderatione: adeoque textus hi ab Interpretibus perverse applicantur. Sicut excretorum quoque mutatio fallax deprehenditur, dum secundum eundem *Hippocr. de purgant. t. 1.* idem pharmacum quandoque alia purgat, quam quæ evacuare intendebat Medicus; electiva etiam catharticonum vis dudum jam explosa fuit.

Nec sitis,
nec excretorum
mutatio, ad-
æquatam
perfectæ
purgatio-
nis signum
est.

Medicamenta vomitoria & purgantia quæ sint, ex pharmaceuticis

ticis constat, horumque selectum determinabit praxis: hujus loci tantum erunt nonnullæ cautelæ in administratione eorum animadvertendæ. Et quidem ratione Vomitoriorum (1) ne facile propinentur alvo constipata, sed hac demum, per enema v. g. soluta: (2) nec emeticum, nec hujus vehiculum actu calidius, aut frigidius, sed tepidum sit; cum frigida anxietatem præcordiorum, vomitoriorum, usum ut plurimum comitantem, intendant, calida, dum spasmos ventriculi demulcent, vomitus cohibent, aut pharmaci vim ad intestina magis dirigant. Si (3) operatio non succedat, jusculum tepidum aut pingue, aut aqua tantum tepida, Butyro condita, superbibatur: quod si vero emeticum vim suam exerat, a jusculis similibusque abstinentum, ne vis ejus diluatur; nisi post aliquot vomitus nausea adhuc molestat. Ordinarie equidem (4) jejunis vomitoria exhibentur, illis tamen, qui difficulter & cum singulari molestia hinc moventur post pastum paulo propinari valent, pro evacuatione facilitanda. (5) Vomitoriorum vim juvat ac actionem faciliat ad grana duo vel tria adjectum aurum fulminans. Sumpto vomitorio (6) haud superdormiendum, nisi operatione ejus finita, aut nimia: tunc enim somnus concedi, imo parægoricis ac hypnoticis provocari, debet. Nimium autem emeticorum impetum (7) retundit fots calidus aut simplex, aut aromaticus, ex mentha, absinthio & aromatibus, epigastrio admotus, nihil sive alimentosi, sive medicamentosi, exhibendo: vel clystima, alvum leviter stimulans, injiciendum.

Purgationem autem per inferiora quod spectat, cum ex antecedaneis constet, cruda illam haud admittere, ad eam, ubi res moram patitur, corpore nondum præparato, properare haud decet. Qualis præparatio primo maxime concernit primas vias, quas Hippocrates 2. aph. 9. & 7. aph. 70 fluxiles postulat, seu, ut A. de Villa Nova & modernorum forsân cuncti hoc explicant, ut viæ, per quas evacuandum, sint apertæ: quem in finem, si alvus solidior, cathartico do. præmittendum leniens, aut ore assumendum, aut per anum admitendum. Porro quia ventriculus modo pituitosis, modo biliosis, modo acidis recrementis seu cruditatibus turget, has primum removere convenit aut vomitorio, aut digestivo, vel alterantibus appropriatis emendare seu corrigere; ne catharsin aut turbent seu mo-

Circa usum vomitoriorum observandæ cautelæ.

Ante purgantium usum præparandum est corpus. 1. Vias primas prædisponendo. 2. Harum contenta p. n. submovendo.

rentur,

Dolores
intestino-
rum ante
usum pur-
gantium
sistendi.

Nō omnia
omnibus
quadrant
cathartici-
ca.

rentur, aut nimiam ac molestam valde reddant : quippe difficilio-
rem præstant pituitosa, sicut ad hypercatharsin frequentius dispo-
nunt biliosa, omnium vero molestissime evacuantur acida, quorum
eductionem *Sylvius* ideo hinc inde & anxie satis dissuadet, aut non,
nisi temperaturum, eductionem moliri concedit. Nec secundo in
affectibus intestinorum dolorificis, antequam dolor mitigatus, v. g.
in colica, hæmorrhoidibus cæcis, ad catharsin ejusmodi faciles simus :
ne videlicet ad partem dolentem impetuosius ferantur humores, aut
spasmi hujus dolorifici intenduntur.

Neque tertio cuncta purgantia omnibus sine discrimine propi-
nanda, sed abstinendum (1) ab horum fortioribus, utpote ventriculo
ac toti valde molestis, annotante *Cratone* penes *Scholz. conf. 3.* (2) ab
illis, quæ unius alteriusve idiosyncrasie infesta novimus, de qualibus
superius dictum ; & sic (3) ab illis quoque, quæ huic vel illi membro
imbecilliori minus congrua, v. g. a rhabarbaro in stranguria aut
fluxu hæmorrhoidali affectis, juxta *Jonstonum pr. lib. 3. cap. 5. ar-
tic. 5. punct. 1.* a cassia in renum ac vesicæ ulcere, secundum *Za-
cutum Luf. pharm. c. 2. Heurn. meth. med. l. 2. c. 22. & Horst. 4. obs. 34.*
it. ubi succi viscidiores, quia flatuosa, secundum *Mercatum indic. med.*
l. 1. c. 6. ab Aloë in hæmorrhoidum dolore & fluxu ; hæmoptosi &c. ac
in gravidis. Et quamvis elective purgantia hodie plerique Medico-
rum in dubium vocent, haud tamen quavis occasione ac penes omnes
omnia eorum admittuntur, seu cum euphoria iis propinantur, quin
potius alia viscidioribus, alia biliosis, alia serosis, heterogeneitati-
bus, alia profundius sitis, alia in primis viis hærentibus, quadrent ;
alii resinosa, alia gummosa ferant ac postulent, alii humectantia,
simul, v. g. sirupum rosarum, violarum multiplicis infusionis : alia
purgantium potentius in pituitam agunt, v. g. agaricus, colocynthis,
mechoacanna, gummata aromatica, Mercurius dulcis, alia in bilio-
sos ac melancholicos dictos humores, nempe Rhabarbarum, rad.
Hellebori nigri, folia sennæ, Tamarindi &c. cuncta horum sero vi-
tioso appropriata. Cæteris alias tutiora sunt radix Rhabarbari &
Hellebori nigri, Mechoacanna, Manna, Tamarindi, Aloëtica cum
gummatibus Galbani, Ammoniacy Mercurius dulcis, & his paulo
efficaciora Gialappa hujusque resina, Scammonium ac extractum
trochiscorum Allhandal, in exiliore dosi ; quibus instructus medicus
aliis

Eorum se-
lectiora
ac tutiora.

aliis superfedere poterit. Si inprimis stimulus salinus ipsis admisceatur, v. g. tantillum de cremore Tartari, Sale Ammoniaco, Vitriolo Martis, arcano duplicato &c: qualem peculiari ratione Antimonium diaphoreticum quoque præstat, per se sumptum haud per intestina evacuans, aliorum tamen purgantium minorem dosin, quam efficacissimam reddens, v. g. ejus grana tria vel quatuor radices gialappæ scrupulum dimidium, vel grana duodecim; quemadmodum hoc nomine Pulverem illum Cornachinum seu Comitidis de Warwich, Diagrydium antimoniatum ac Cerberum tricipitem dictum, ingreditur. Blandissime pariter ac sine omni fere molestia evacuant purgantia in minore dosi exhibita, si modo bina vel trina grana Auri fulminantis ipsis combinentur.

Quamvis haud exigua, sed evidens maxime, deprehendatur ^{Corporis} disparitas in admittendis purgantibus, quorum nonnulla ^{disparitas} in ferendis ^{in ferendis} horum vehementissima impune tolerant ac rident, a lenioribus & ^{purganti-} domesticis mox solvuntur: illorum ventriculorum tenore per diæ- ^{bus his vel} tam indurato & maxime obfirmato, horum vero tenerioris & irrita- ^{illis expe-} bilis valde texturæ stomachis, qui vel ad exquisiti purgantis nomen ^{rientia di-} cohorrescunt, mitioribus ac alimentosis tantum vellicandis. Quam tamen differentiam, nisi usu aut e relatione ægri resciveris, nec ex corporis externi robore, seu habitu quadrato, nec aliunde, facile cognoscas: cum firmitati huic conspicuæ haud semper fidendum veniat, dum lacertosos & crassos maxime a levioribus laxantibus satis vehementer evacuari videmus, cum alios ejusdem texturæ ac quadraturæ nec drastica satis moveant. Penes utrosque res difficilis est, hos non, nisi majore dosi, tentare licet, nec sic quidem alvo semper pro voto annuente; nec illos temere vellicare, cum per justam & moderatiorem dosin frequentius ad hypercatharsin ac deliquia animi evacuentur. Ut per consequens majore semper cura agendum sit in catharsi administranda, quam vulgo quidem fieri solet: & qui uno tantum vel altero in singulis promiscue utuntur purgante, ac sub unica semper formula, insigniter aliquando falluntur. Non cuncta cunctis quadrare medicamina, superius dictum, applica hoc ad cathartorum usum, & fateberis, sollicitè magis tibi, quod eorum cujusvis complexioni & ingenio congruum, explorandum fore, quam quod

Quidam
lenioribus
felicius,
quam po-
tentiori-
bus, eva-
quantur.

habitus corporis innuere poterat. Hinc cum discretione cauta discernendum, quos & quibus remediis purgare velimus; & ubi sunt, qui nec fortioribus purgantibus se evacuari patiuntur, in victu querendum, quod contumaciorem alvum expugnet & laxet: atq; illi vel hoc nomine cæteris feliciores videntur, quod dum aliis post genuinorum purgantium actionem illa constipatur, his, continuata diata per alimenta emollientia & laxantia, laxa semper maneat eadem, aut quotidie semel ad minimum respondeat.

Simplicio-
ra purgan-
tia magnis
composi-
tionibus
preferen-
da.

Diversorum quoque purgantium farraginem ac commiscelam in uno damnant nonnulli, nec sine ratione, v. g. *Vallesius contr. l. 9. c. 4. Rondeletius method. cur. lib. 1. c. 41. ac Mercatus de indic. med. l. 1. c. 8.* nam, quod alias de magnis compositionibus moneri solet, etiam hic attendi meretur, ne ex iis quoque magmata infinitorum simplicium parentur, qualibus dispensatoria trivialia ad nauseam usque scatent. In specie pilularum massæ tanti numeri & prolixioris fabricæ, ac Electuaria officinarum antiquorum hoc vitii habent, ut non, nisi sub majore dosi, operentur; assumantur etiam atque agant non sine summa nausea, torminibus ac aliis molestiis: dum notante *Capivaccio prax. libr. 1. c. 24* fermentatio tractu temporis vim eorum notabiliter infringat, hinc confectiones has vappidæ reddat.

Mercurii
dulcis usus.

In specie circa Mercurium dulcem, quem *Quercetanus* suum Panchymagogum, *Riverius* Calomelanum Turqueti, *Crollius* unum ex præstantissimis purgantibus, ajebant, *Döringius in epist. ad Hildanum de hernia uter. Riverius & Sylvius* passim cum plerisque Neotericis valde deprædicant, ejusque usum notetur, eum equidem a nonnullis, sed censura nimis rigorosa, damnari, causam ipsi dicente præter allegatos Scriptores in variolis quoque *Sig. Grassio Misc. Nat. Cur. Ann. 72. obs. 56* & quotidiana praxi. Adeo ut non amplius formidandus veniat, sed tutissimum ac suavissimum dici mereatur remedium, in specie in viscido peccaminoso, & quod aliis vix cedit, v. g. Luis Gallicæ, educendo: imo infantibus quoque unius alteriusve mensis, aut paucarum septimanarum, secure omaino hoc medicamentum propinari valet, a gr. ij vel iij per tres aut quatuor septimanas, singulis aut alternis diebus, sicque malum ad miraculum sanet, qualia experimenta mecum testantur alii, v. g. *Riverius cent. 1. obs. 65.*

& Rho-

& *Rhodus* ex relatione *Schlegelii*, cent. 3. obs. 84. Quem posteriorem tamen in eo deceptum fuisse, Lectorem adverto, quod secundum obs. à *Fornio Riverio* commun. 26 bimulum a menstruo Mercurii dulcis usu restitutum perhibeat; quod nihilominus penes ipsum *Riverium* de Mercurio præcipitato asseritur; quamvis hoc magis paradoxum mihi videatur. Quia tamen segnius iusto agit Mercurius dulcis, tantillum alterius cujusdam purgantis potentioris, v. g. resinæ scammon. extracti troch. alhandal, ut stimulus, addi debet: nisi forsan per medicamentum hoc, incidendo humorem viscidum, alterare potius, quam evacuare, malimus; in adultis ejus grana tria vel quatuor, per aliquot dies, si non singulos, saltem alternos, exhibendo.

Pariter circa Aloën hincque parata notetur, succi hujus concre- Aloës du-
ti partem mucilaginosam, quæ in aquosis solvitur, & quam vere lo-plex sub-
tam dicere quadrat, quod non tantum a sordibus recrementitiis, sed stantia,
resinosa quoque sua substantia, quæ alias ventriculo ac intestinis ad-
hærescens tormina movet, sanguinem exagitat ac fundit & hæmor-
rhoides aperit, sit liberata, in usum præprimis esse trahendam.
Qua discretione substantiæ supposita perspicere vix licet, cur hypo- Et sicciori-
chondriacis ac in quibus sicciora sibi concipiunt intestina, absolute bus natu-
nocere dicatur communiter aloë: postquam molestias non leves a Aloë etiam
parte ejus resinosa, cum *Hofmanno* aliisque, evenire equidem conce- hypo-
dimus, non tamen a gummosa, omnimode infonte; nec, hominis chondria-
vivi intestinis tanta contingere poterat siccitas, nisi forsan Mumia cis qua-
Arabicæ vel Ægyptiacæ eum parem velimus, cujus intuitu pauca drat.
granula eadem omnino arida reddant, vel cui ventriculus cum
intestinis non tantum humiditatis suggerat, quantum pro sui disso-
lutione opus habeat, si nimirum gummi Ammoniacum, Galba-
num &c. quæ aloë surrogantur, sat humiditatis resolventis in iisdem
inveniant: ut taceam tantum siccitatis hypochondriacis, quibus
adeo incongruam Aloën suspicantur, haud inexistere, postquam cru-
ditatibus variis illos scatere ex pathologia eorum innotescit. Quam- Cur guma-
vis Sylvio aliisque prompte assentiar, dum gummata hæc aromatica mi Am-
illi antepont: forsan quod potentiore penetrandi & viscidos humo- moniaco
res deliquandi vi polleant. &c Aloë
anteponenda?

Admiscere
tamen
purganti-
bus ali-
quando li-
cet & con-
venit alia.
Etiam hy-
pnotica.

Componi tamen ac misceri possunt & postulant (1) purgantia seigniora cum potentiorum tantillo, v. g. dum hellebori nigri extracto & Mercurio dulci resina scammonii, extractumve trochiscorum alhaldal additur; item aliquid substantiæ salinæ, prout superius innui: (2) flatuosa nimis cum aromatis horumque oleis, & v. g. folia fennæ cum crySTALLIS Tartari, correctionis gratia: (3) in morbis chronicis & ubi per epicrisin evacuandum, cum alterantibus appropriatis, quæ dirigentia olim appellabant, v. g. cum martialibus, fero lactis, tanquam vehiculo temperante &c. Sicut (4) purgantibus hypnotica seu narcotica combinare, aut præmittere, in illis, qui non, nisi cum vehementioribus torminibus, evacuantur, v. g. hypochondriacis, aut doloribus gravioribus primarum viarum, harumque excretionibus p. n. expositis, v. g. vomitui, diarrhœæ, dysentericiæ, ingeniosa videtur evcheirisis. Quippe licet penes omnes in confesso sit, somnum, præter sudoris & seminis evacuationes, omnes sistere, & narcotica purgantium motus sufflaminare, hinc hypercatharseo quoque præsentaneum existere remedium: usu tamen compertum est, post mitem somnum a narcotibus inductum, collectis per id tempus viribus & stimulis spasmodicis atque excretoriis sedatis, humorum vitiosorum exclusionem felicissime fieri. Hinc v. g. *Helid. Patuanus*, referente *Foresto 18. obs. 22* in dolore ventriculi Elect. diaphænicon cum Philonio Rom. & *Crato consil. 103* purganti pariter opium admiscet, *Alex. Deodatus valetud. p. 17* sirupum papaveris decocto antidysenterico purganti addit; *Riverius* in vomitu & colica Pilularum cochiarum ℥iij cum Laudani opiat gr. iij miscet, item aloë & diagrydio hoc addit: in hypochondriacis vero, pro comprimendis torminibus ac anxietatibus, purgantibus opiata vel admixta, vel vespero catharsin antecedente solitaria propinata, facilem valde reddere hanc expertus novi. In qualibus casibus tamen purgantis dosis paulo largior sit, cum metuendum, ne ejus vis ab opiato infringatur sicque evacuatio turbetur.

Dosis pur-
gantium sit
adequata.

Ratione doseos adhuc monendum, ut hæc sit sufficiens, ne exigentior humores tantum commoveat, non autem exturbet: præprimis si deleterea magis cathartica sint, ut *Valles. 5. epid. & m. m. l. 4. c. 2* declarat: dum experientia nonnullorum doceat, ex cohibita purgatione

tione & minus rejectis illis, varia incommoda ac difficultates eveni- Aliquando
 se, v. g. gangranam, referente *Salmuth. cent. 1. obs. 33.* capillorum de- nocent
 cidentiam, pustulas & scabiem crustuosam annotante *Willisio Pharm.* purgantia,
Rat. part. 1. f. 3. c. 1. Et quando non omnes ac semper a pharmaco, si suam
 si hoc minus evacuet, lædantur, ut *Sylvius pr. 1.1. c. 23. §. 21.* & alibi pas- vim minus
 sim multifaria experientia testatur, notante *Vallesio*, hoc fieri videtur, exerant.
 vel quod illud ab alimentis desuper ingestis subjugetur ejusque par-
 ticulæ & vires discontinuentur, vel, integrum seu non actuatum per
 alvum rejiciatur, vel mitius illud fuerit. Et quæcunque demum
 immunitatis hujus causa existat, omnes experimur, non raro frustra
 omnino purgantia propinari, nihil tamen, tacente eorum virtute,
 evacuatoria, exitiosi ejusmodi ægros nostros corripit. Neque ta- Non nimia
 men superet dosis nimium, ne ventriculus cum cæteris visceribus tamen sit
 hinc enormius debilitetur, humores laudabiles cum vitiosis deli- dosis.
 quentur, aut, ut aliquando fieri solet, cum recrementis anima expur-
 getur: hinc si in ullo medicamentorum genere, certe in purgantibus,
 de dosi curiosos esse decet, utpote quæ tantillum aucta, evidens
 & magnum damnum mox infert. Variat dosis purgantium se- Variant
 cundum ætatis, sexus, idiosyncrasia, vitæ generis & regionum, di- dosi pur-
 sparitatem: dum minorem tantum sustinent pueri tenelli, foeminae gantia
 molliores, homines otio dediti ac constitutionis tenerioris, præ diversa.
 agrestibus robustioribus, viris nervosis & adultioribus: Inprimis
 vero eam intendere ac remittere jubet diversis terræ plagis propria
 & popularis habitudo, quam in ejus determinatione observare con-
 venit: majorem dosim postulant cum Germanis gentes boreales ma-
 gis, sufficit Gallis longe inferior, quos aliquando mediocris etiam
 præter modum fatigat. Parallelum exemplum adducit *Pechlinus*
lib. 3. obs. 69 de sua Chersoneso Cimbrica, quæ mari Balthico at-
 que Oceano alluitur, & qua angustius est intervallum, quatuor mi-
 liarium spatio terminatur, in qua miram se offendisse in purgantibus
 dosium varietatem perhibet: ut, cum ejus mediterranei incolæ me-
 diocria ferant purgantia, in maris Balthici ora multo ad purgandum
 faciliores reperiantur, quam altera & Septentrioni objecta plaga ma-
 ritima. Pergit, plerasque Holsatiæ incolas radicem Jalappæ ad in-
 tegram drachmam, Euphorbium ad grana decem, imo viginti, im-

pune assumere, cuidam hydropē laboranti ejusdem Euphorbii drachmam dimidiam audacter fatis, cum euphoria tamen illius, propinasse quendam Chirurgum &c. concludit tandem, se haud inficiari, sicut Empiricorum ejusmodi plurimi in extendendis purgantium dosibus sint prodigi, ita Medicos aliquos justo timidiore necessarium eorum quantitatem nimium contrahere, atque hinc ab effectu destitui, relicta quoque empiricis sanandi occasione; quamvis satius forsā sit in re ancipiti mitiorum sequi partes, et iam durius agendo vitam ægri & famam propriam periclitari.

Etiam forma purgantium variat.

Quoad formam purgantium, omnis non omnibus quadrat, vel non cuncti unam admittunt, in hac proinde discernenda respiciendum erit partim ad ventriculum ac constitutionem assumentis, partim ad ipsum pharmacum propinandum. Prioris intuitu ventriculo nauseabundo pilulæ suaviores sunt, minime pulveres, quales non raro vomitum potius concitare solent; quodsi vero hic robustior ac difficilioris evacuationis existat, liquidiora præferenda. Quibus accedit peculiaris quorundam subjectorum idiocrasia, & præjudicium, quibus a pilulis vix moventur, facilius a pulveribus, ac ab hac vel illa forma, quam alter gratam sibi habebat, plus minus abhorrent. Imo ipsam pilularum formam vel in se virtutem evacuatoriam suorum ingredientium aliquando reprimere deprehendimus, hinc eas infidum sæpe edere effectum: id est, illas aut omnino non, aut tardius, evacuare, aut aliquando vehementius agere. Illud, quod ex glutinosis seu resinosis congesta fabrica eas in ventriculo commode dissolvi impediat: hoc, quod per eandem sui viscositatem intrinsecam ventriculi ac intestinorum plicis tenacius adhærescat earum substantia, hinc diutius ac crebrius villas horum sensibiles stimulet; par ratione ac resinosa quævis quacunque forma exhibita diutius torquere & pluries ad secessus vellicare novimus.

Ex pharmaci ad spectu purgati.

Præjudicium vero seu imaginationem directorium quoddam in medicamenta habere, & horum vires, aliquando paradoxe fatis, determinare, equidem non in omnibus, nonnullis tamen, subjectis, quorum spiritus animæ moderamini magis auscultant, observamus. Ita *Marc. Donatus hist. mir. lib. 2. cap. 1. ex Parisino & Nic. Florentino* illorum producit exempla, qui a solo medicamento ad spectu, absque ejusdem

ejusdem degustatione vel olfactu ita evacuati fuerint, ac si ipsum medicamentum assumpsissent: nec defunt purgantium usum adeo It. ex audi-
nauseantes, ut ad factam tantum eorundem mentionem stomachus ^{tu.}

& intestina eorum vehementius conturbentur; cui suo modo quadrat, quod *Augustinus 4. de Civit. Dei* de quodam refert, quod, quotiescunque voluerit, copiosissime sudarit, excitante phantasia virtutem expultricem. Verum scopo presenti propinquius accedunt, Phantasia
vim medi-
camentorum im-
mutat.
quæ *Pechlinus 3. obs. 13* perhibet, in purgantium effectibus id cumprimis se animadvertisse, nisi conscia voluntate propinarentur, illos aut nullos sequi, aut eo converti, quo fixior cogitatio utentis ac præjudicium eos inclinaret, seu medicaminum facultates ab imaginatione, ad ejusmodi effectum, aliquando paradoxum satis, determinari, quem aliquis animo fixiore sibi fingat. In fidem suæ sententiæ in scenam producit Hypochondriacum, cui a propinato vomitorio ex Vitriolo albo & acido Tartari, quod tamen sibi ad sudores movendos datum credebat, stragulis cooperto corpore, sudor cum euphoria & valetudine ad melius mutatione concitatus fuerit. Simile quid, seu monstrosius potius, de Pilulis de Cynoglossa, ex adstringentibus & narcoticis conflatis, recenset, quas imperitior Medicinæ tyro, quasi alvum purgantes, assumpserat & ejus secessus hinc expectarat: post adeo credulas persuasiones eventus expectationi atque intentioni respondet, ac venter non tam a pilulis, quam imaginatione, spiritus eo determinante, commovetur. Addit denique, Medicum quendam, mica panis in pilulas redacta, credulorum quorundam hominum alvum, phantasia negotium dirigente, provocasse.

Ipsam vero medicamentum diversam sui exigit formam, vel Formam
purgan-
tium quæ
mutent.
intuitu saporis amari aut alias ingrati, vel texturæ intrinsecæ, a præparatione seu compositione modo exaltatæ, modo destructæ. Propter saporis insuavitatem Aloë, Colocynthis &c. in pilulis potius, quam in potionibus ac pulveribus, præscribuntur: propter texturæ laxitatem ac firmitatem pariter quædam purgantium commodius sub forma pulveris, quam decocti, infusi vel extracti, propinantur. Quippe si vis evacuatoria in tenui hæreat, per coctionem illa perditur, v. g. radicis Afari, quæ in substantia ac Infuso vomitus concitat, a coctione leniore vim emeticam amittit ac per alvum tantum evacuat,

cuat, quam diutina coctione pariter cum diuretica & sudorifera commutat, annotantibus *Horstio herbar. l. 1. p. 258. Helmontio natura contrar. nesc. §. 45. & S. Pauli Quadr. Bot. pag. 23*; ita quidem ut, si vomitu evacuare debeat, juxta *Horstium*, nec multam triturationem ferat. De Ebuli cortice refert *Fernelius*, eum coctione pariter vim purgantem deponere, adeoque in infuso tantum propinandum. Sin autem viscidiori substantiæ illa intertexta fuerit, coctione quam opportune educitur, v. g. e foliis Sennæ & rad. Hellebori nigri: quamvis de potentiore Sennæ decoctione cum forti expressione *Mayerne* annotarit, eam inter evacuandum tormina graviora concitare, perinde ac in substantia aut infuso, sine Tartaro simileve salino. In substantia Rhabarbarum potentius & ad expectationem purgat, quam in extracto, & parum admodum Essentia ejus cum Spiritu Vini parata: quemadmodum Gialappam cum Aqueis perperam infundi constat, & Mechoacannam infuso parum virium concedere *Seiler*. penes *Scholz. epist. 9* tradit. Contra Epithymum v. g. propter sibi combinatam acrimoniam, Colocynthis, Vitrum Antimonii, Helleborus albus, cortex rad. Frangulæ, propter vehementiam suam drasticam nunquam in substantia, sed infusis tantum exhibentur. Mercurium dulcem non nudum, sed in pilulis vel bolo tantum, exhibere cavent communiter, ita & ego olim audiui, cum tyro essem: ast supervacaneam deprehendi hanc cautelam, animadvertens, infantibus ac pueris eum cum lacte simileve vehiculo impune propinari, quorum palato ac tonsillis non magis adhærescit, nec hos in tumorem attollit, aut salivationem ciet, ut quidem vulgo metuere solent.

Pilularum
dosis divi-
denda.

In pilulis assumendis placet consilium *Hæseri*, quod *Herc. med. libr. 1. c. 5* suggerit, nimirum ut dosis earum integra in tres minores portiones dividatur, una tertia vesperi, ante vel post cœnam parciorem deglutiat, altera mane insequente, tertia vesperi denuo, nisi antedecanearum effectus aliud suaserit, i. e. nisi aliquot & sufficientes sedes moverit prior & secunda. Vel potius, secundum monitum prudentissimum *Celeberrimi Wedelii*, si vespertina prior omnino deficiat, mane proxima mox binæ alteræ portiones simul, aut, si aliquid tantum præstiterit, una earum exhibeatur. Quamvis illum citius

citius & secure pariter acturum confidam, qui vespere mox prima duas tertias, ultimam matutino tempore, pro rei exigentia, reservet ac destinet.

De cætero in diæta purgandorum præter necessitatem cautiores deprehendo Scriptores æque ac Practicos, cum paucioribus regulis totum hoc regiminis negotium complecti liceat. Et quidem primo post assumptum catharticum plenioris victus haud utendum, utpote qui illius energiam obtundit & purgationem turbat seu interrumpit, fractis quoque si non a morbo, certe a pharmaco, ventriculo ac intestinis oneri est ac cruditatibus novis occasionem præbet, adeo ut post purgationem nonnulli pejor se habeant: Concedenda tamen iis sunt ac commendanda juscula calida, hora circiter ab hausto medicamento sorbenda, pro deliquanda seu diluenda ejus substantia, atque actuanda virtute, simul tamen virulentia temperanda ac emollienda, seu ut minus angat idem præcordia, uno verbo, pro catharsi undiquaque facilitanda. Deinde post sumptum pharmacum per horulam circiter se quietum in lecto detineat ager, præprimis si nauseabundus & ad vomendum pronus existat: cum fragulorum tepor ac fomentum, humores fundat & eorum exclusionem juvet. Quod si vero illud vim suam exerat, sive actu secessum movendo, sive borborygmis & torminibus eum innuendo, idem surgat ac corpus obambulando leniter moveat, si morbus & vires factim hoc concedant; quies enim intempestiva evacuationem moratur: quamvis *Waleus meth. med.* sibi annotatum velit, hanc in quibusdam, si lectum deferant, inhiberi. Denique, ubi de somno post haustum purgans quæstio movetur, limitari hæc debet, vel distinguendo tempus capeffendi somnum, vel inter cathartica assumpta. Quoad prius, antequam illud agere incipiat, seu quamdiu nulli ejus motus adhuc in primis viis observantur, horulæ somnus indulgendus; in primis si ventriculus debiliorem & ad vomendum primum observemus, quippe qua ratione nausea hæc obtunditur, nihilque adhuc a malignitate ejus visceribus & massæ sanguineæ metuendum, neque tamen à tantillo illius turbatur hujus operatio: ubi autem pharmacum actuari constat, aut ventriculus ferendo illi par, nulla ingruit somni necessitas, & vigiliis ac motibus potius vacandum erit, utpote

quibus illius vires maturantur. Pariter quoad medicamenta assumpta, fortioribus, nisi emetica, aliquantulum superdormire licet, sc. aut mox ab eorum assumptione, ut modo dictum, aut sub eorum operatione, si nempe hæc iusto nimis ingravescat; lenioribus ne utquam, cum somnus excretiones turbet: nisi forsân pilulæ aliæ tardioris effectus somnum aliqualem concedant, qualia sc. ut superius monitum, mox ante aut post cœnam assumuntur.

*Nausea a
purgante
ut succur-
rendum?*

*Hyperca-
tharsis
quomodo
inhibenda?*

Tandem vero, quia post haustum purgans seu in ipso evacuationis actu duo obveniunt potissimum symptomata plus minus molesta, nausea scilicet seu vomendi conatus, & hypercatharsis: priori obviam ire convenit per odores stomacho gratos, v. g. vini & aceti, it. si os vino similiq; liquore acidulo eluatur, aut panis aceto vel vino imbutus mastictetur, regio vero epigastrica integumentis calidis fomentetur; aut denique clyster ano injiciatur, qui stimulum ventriculi ad intestina avertat. Posterius vero seu evacuationem nimiam reprimimus quiete in lecto calido ac somno, vel si ægri extrema linteis calidis, regionem epigastricam topicis aromaticis ac theriacalibus, v. g. decocto menthæ, absinthii, calami aromatici, cum vino parato, aut cataplasmate ex Theriaca & oleo nucis Moschatæ expresso foveamus, simulque propinentur vinum ustulatum cum aromatis, aqua menthæ & cinamomi spirituosæ ac opiata, v. g. Theriaca, diascordium & Laudanum, cum eadem aqua menthæ vel simili, seu vino calido, dissoluta: ac si tormina urgeant, clyster ex Lacte calido, in quo aliquid theriacæ dilutum, injiciatur, pro stimulis acrioribus detergendis & crispaturis fibrarum intestinalium demulcendis.

CAPUT XV.

De

Evacuationibus Universalibus cæteris.

Evacuationum harum classi, ex consensu forsân omnium, accensentur Salivatio, Diuresis, Diaphoresis seu sudatio, una cum quibusdam remediis Chirurgicis, Fonticulo nempe, Setaceo & Vesicatoriis.

Salivatio

Salivatio equidem a *Kypero* dividitur in universalem atque particularem: quarum hæc per masticatoria & apophlegmatizonta; illa per salivantia κατ' ἐξοχὴν sic dicta seu Mercurialia, fit. Quia tamen de prioribus, an & quomodo universalis particularisve evacuationis nomen ipsis congruat, inferius dicitur: comprobare hoc loco opportunum magis erit, Salivationem seu curam per Hydrargyrum, optimo jure evacuationis universalis nomen gerere. Quatenus in statu morbofo, quo totam massam sanguineam male se habere evidens maxime est, spontaneæ contingunt Ptyalismis seu salivationes, symptomaticæ pariter, ac criticæ, illi plus minus detrahentes ac mēdentes: quemadmodum hypochondriacis ac scorbuticis salivationes sunt familiares valde, sputatores ideo dictis, in regionibus potissimum maritimis, v. g. in Belgio, qui modo lentam ac viscidam, aliquando tenuem, utramque aut acidam & salsam, aut insipidam, rejiciunt salivam. De quorum plerisque *Sylvius meth. med. l. 2. c. 13. §. 9* annotavit, eis imminente hoc fluxu a partibus inferioribus adscendere videri acres halitus, qui caput circa tempora mire misereque lancinent, hasque lancinationes mox excipere humoris acerrimi effluxum, a quo gingivæ cœteræque oris partes erodantur. Variolis, confluentibus potissimum, frequens symptoma ptyalismum evacuationibus particularibus accenserem, ab affectis nempe ac irritatis per exantemata illa glandulis forsan oris: nisi experientia doceret, fluore hoc oris incautius suppresso, aut sponte ante diem undecimum cessante, res ægri in lubricum valde abire; & si propter ebullitionem sanguinis enormiorem ille cohibeatur, sc. in confluentibus adultorum, per opiatorum usum, tradente *Sydenhamo de morb. acut. sect. 3. c. 2.* illam compescere & hunc simul promoveri; per consequens ptyalismum materiæ morbificæ variolarum universali multum detrachere. Accedit, quod talis in febrium male judicatarum declinatione aliquando deprehendatur, & post has satis diu interdum continueatur, ut præter *Willis. de Scorb. c. 3* praxis quotidiana declarat. Item quod salivationis gratia adhibenda remedia non tantum deglutiantur, sed exterius quoque membris, a salivatoriis organis remotioribus, admoveantur; utraque eandem vim exerant, hinc totum permeent, antequam per illa aliquid exturbent. Quod pariter confir-

Salivatio
est evacua-
tio univer-
salis.

matur, dum salivatio nimia ac frequentior totum defatigat & exhaust, tremorem ac convulsiones, paralyfin & alvi fluores colliquativos concitat, imo ossa profundiora rodit; præterea morbos universales, v. g. luem veneream aliosque, inferius recensendos, tollit, ac usum Mercurii præcipitati in ulceribus partium ab ore quoque dissitarum salivatio excipit, observante *Hildano cent. 5. obs. 94.* Neque universalitatem hujus evacuationis dubiam reddere potest, quod a *Bonneto* adductum legimus, sc. ante administrationem toti prospiciendum esse, pro re nata, vel purgantibus, vel venæsectione, vel utroque: quippe catharsis non ideo evacuatio magis universalis est Venæsectione, quod huic præmittatur, nec vomitus arte concitatus particularis dicenda, quod sanguinis missio eum aliquando antecedit, nec sudatio, quod purgationem antesignanam habeat. Potius sanguinis depletionem ac catharsi præparatoria opus, ne ille a Mercurio præter modum exagitetur, aut omnis humor pravus confertim nimis, sine præviis illis evacuationibus, ad fauces commoveatur.

Quibus
morbis sa-
livatio
prosit?

Olim hoc remedii genus in Lue venerea seu Siphylide potissimum solenne erat, postmodum verò aliis quoque affectibus satis rebellibus & in viscido acri radicanibus non minus mederi visum fuit, v. g. strumis aliisque frigidis seu pituitosis tumoribus, juxta *Kyperum instit. p. 325.* it. Cancro: In quartana salivationem *Willisius de febribus* commendat, qualem aliquoties per salivationem quoque spontaneam solutam memini; habetque præeuntem hoc in passu *Willisius Ballonium*, qui *2. epid. & ephemer. p. 131. & 158* quartanam cum tibiæ ulceribus hydrargosi sanatam perhibet, ac *P. M. Schlegelium*, qui eadem quartanæ & luis gallicæ quandoque remedia deprehendit. Maniacis ac melancholicis, item vertiginosis ex hypochondriorum dyscrasia, a salivatione auxilium promittit *Rolfincius meth. gen. p. 510.* Epilepticis idem *Rolfincius l. a. & Willis. de Morb. convuls. c. 3.* atque paralyticis idem *Willis. 2. de anim. brut. c. 9.* Podagricum ab inunctione mercuriali singulare ac triennale levamen expertum fuisse, refert *Excellentissimus Wedelius de medic. facult. l. 2. s. 2. c. 12.* contradicente quamvis *Hildano cent. 4. obs. 82.* Sunt, qui in cephalalgia contumaci eam deprædicant, v. g. *Rolfinc. l. a.*, cui tamen difficultates non leves, per rationes æque ac exempla movet *Willis. de anima*

anima brut. part. 2. c. 2. Lepræ seu Elephantiafi Græcorum idem remedium adæquatum pronunciat *Nobilissimus Wedelius amœnit. mater. med. lib. 2. sect. 2. r. 16.* Suffusionem cum morbo Gallico aliquando ex inunctione hydrargyri solutam perhibet *Schenckius p. 159.* & in ulceribus non gallicis, inveteratis tamen & contumacibus, salivationis effectum singularem testatur multijuga experientia: perinde ac obesitatem nimiam eadem sanata *Bartholin. act. Hafn. vol. 1. c. 24* refert.

Indicans E. hujus remedii est serum virulentum, inprimis venereum, aut visciditate atque acrimonia singulari alias depravatum: quemadmodum quondam in tumore œsophagi fœminæ cujusdam, sine dubio a glandularum vicinarum, in specie œsophagæarum, intumescencia exorto, absque ulla malignitatis gallicæ suspitione, me salivationem cum euphoria administraffe, recordor. Quia nihilo minus hoc evacuationis genus acerbum satis deprehenditur, utpote ordinarie faucium ac gingivarum inflammationes, erosiones, sitim intensam, cordis anxietates, mastigandi ac deglutiendi difficultatem, vigilias, comites habens, ac vel ob inedia[m] tot dierum insigniter debilitat, ne illa graviora magisque extraordinaria recenseam, v. g. alvi profluvia vehementiora & aliquando cruenta: caute & omnibus circumstantiis ac prohibentibus non, nisi probe, ponderatis, præsidium hoc aggredi conveniens erit. Adeoque ad salivationem non facile accedendum (1) penes illos, qui jamdum emaciati ac viribus fracti, nec (2) in his, de quorum viscerum corruptione est suspicio, v. g. in phthisicis ac hecticis: nec (3) facile in pueris, senibus ac gravidis; quamvis regulam hanc suam exceptionem ferre *N. Massa de Lue vener. tr. 3. c. 9. & tr. 4. c. 1.* atque *Hildanus cent. 5. hist. 97* edisserant. Neque (4) remedium hoc administrandum, antequam corpus tam venæsectione, quam per alia sui emunctoria, a copia humorum peccantium aliquatenus liberatum, eorumque acrimonia nonnihil contemperata fuerit: id est, illud tantum causæ morbificæ, quod cœterarum evacuantium atque alterantium vi debellari nequit, huic violentiori & molestæ evacuationi exponatur. Dilucidat hoc præter *Hildanum cent. 5. obs. 92. & 93.* *Riverius cent. 1. obs. 77.* ubi sine præparatione & evacuatione corporis prævia frictioni imo cin-

Et quodnam ejus indicans?

Molesta hæc est evacuatio.

Prohibitia salivationem.

gulo mercuriali tantum, expositis, eam male cessisse, & brachiorum contracturas, abdominis tensionem, suffocationem, paralyfin, capitis gravitatem induxisse referunt, symptomatis tamen a propinato vomitorio, referente *Riverio*, evanescentibus.

Medica-
menta sa-
livantia in-
terna,

Instrumenta, quibus hæc excretio concitatur, Mercurius concedit, tam currens, ejusque minera, quam sublimatus ac præcipitatus: & quidem modo ore assumendus, modo extrinsecus diversimode applicandus. Interne olim propinabant Mercurium vivum, cum purgante uno alterove & terebinthina ejus grana quinque vel octo in pilulas dum redigebant, ad imitationem Pilularum Barbarossæ ex Mercurio vivo, trochiscis alhandal, gialappa, diagrydio ac terebinthina, aut qualium diversa exemplaria *Platerus pr. tom. 3. p. 454*

Salivatio-
nem vix
moveret
Mercurius
vividus.

tradit. Cujus tamen vim torpidam satis, aut in pilulis ejusmodi ab admixtis mere purgatricem esse, præter experientiam hoc suadet, quod in majore longe dosi exhibitus Mercurius hic, v. g. in iliaca passione, ad uncias aliquot, si non ad libras, sine omni corporis conturbatione ac ptyalismo, per alvum integer ac pristinus reddatur.

Commode
tamen sa-
tis Mercu-
rius dulcis.

Hodie frequentior est Mercurius dulcis, satis efficax ac tutus, granis sex aut duodecim, imo scrupulo integro, cum lacte, conserva rosarum, confectioe alkermes, pane mellito, in bolum vel pilulas compactus: quibus excipientibus, si secessus metuamus, diascordium, Theriaca & extractum theriacale substituitur. Quibusdam equidem medicamentum hoc Lui secundi gradus adæquatum creditur, v. g. *Wise-man, Chirurgical. Treatises l. 7. c. 2*, vix tamen, si potentius illa se exerat: ita ut ab usu illius aliquando quidem dolores partium remittant & ulcera occallescant, brevi tamen recurdescant ambo; contra Mercurius præcipitatus dolores nocturnos sine recidivæ metu, mitiget, tumores resolvat &c. imo *Sylvius* dulcem rarissime salivationem movere, asserit. Ast si nostram consulamus experientiam, etiam tertio & intensiori mali hujus gradui idem remedium sufficiens & proportionatum penes nostros plerumque deprehenditur, modo salivationem præstet ac in majore dosi, v. g. ad scrupulum unum, & per plures ordinario dies continuetur: quod minus paradoxum videri debet his, quibus innotescit, in Belgio & Anglia vitium hoc difficilius longe medelæ esse, quam plerumque penes nos observatur;

adeo quidem ut Anglis vix scrupulus aut drachma dimidia Mercurii dulcis sufficiat, dum nostrates ejusdem granis decem vel quindecim pro necessitate evacuantur. Et, si forsan dulcis ille non sufficienter moveat, ejus doses posteriores uno vel duobus granis Præcipitati exaltari & acui possunt: quibus nimirum serum strictioris texture ^{Raro confert præcipitatus.} contigit. Aliis placet Præcipitatus albus, præcipitatus cum auro, flavus sive Turpethum minerale & Ruber seu Arcanum Corallinum ac pulvis Vigonis dictus: qui tamen singuli hoc habent, ut vomitum, simul & secessus concitent; quamvis hanc violentiam vel crebriore lotionem, vel Spiritus vini desuper facta accensione, corrigere tentent, & a granis tribus ad octo exhibeant. Sunt ex modernis, v. g. *Wise-* ^{Nec sublimatus corrosivus.} *man allegatus*, qui Mercurium sublimatum corrosivum in aqua aut communi, aut destillata quadam dissolvunt, unum alterumve aromaticum adjiciendo, colati liquoris vero cochlearia tria vel quatuor quotidie exhibentes: quorum tamen vestigiis, ob summam hujus remedi-
dii acrimoniam, insistere, periculosum videtur.

Extrinfecus applicatur idem Mercurius vivus ac Cinnabaris ^{Salivantia externa.} tantum: & qui, secundum consilium *Plateri* & *Sennerti* sublimatum in aquis appropriatis, v. g. fumariæ, scabiosæ, salviæ, solutum, cum linteaminibus membris externis admovent, frustra agunt, nisi quod partes has brevi arrodant. Et quidem sub forma Unguentorum seu frictionum, ac suffimigiorum, quibus Emplastra ac cingula ad-^{Per suffimigationem universalem} dunt, quarum una tamen altera potentius agit, hinc pro diverso malignitatis extirpandæ gradu, cæterarumque circumstantiarum discrimine una præ altera in usum trahitur. Frequentiora tamen, omnium sunt unguenta, olim solitaria, ubi nimirum de intrinsecus exhibendo Mercurio nondum constabat, & dubitabant Veteres cum *Fernelio*: cui adstipulatur *Platerus* l. a. Mercurii tam crudi, quam quocunque modo præcipitati, internam administrationem dissuadens, aut non, nisi in inveterata Lue & ultimis necessitatibus eidem connivens. Quod tamen negotium si accuratius pensitemus & experientiæ adaptemus, frictionem cum unguentis mercurialibus remedium vehementius longe internorum usu esse, illa declarat, & demum, ubi morbus inveteratus, cum gummatibus, ac internis frustra propinatis, usurpandam, potissimum cum nervosum genus inunctio
hydrar-

hydrargyri internis mercurialibus enormius lædat. Emplastra vero particularia potius tantum videntur remedia, & resolvendis gummatibus similibusque tumoribus venereis, rarius salivationis universalis gratia, admoventur, nisi quatenus per interna & unguenta adornatam juvare ac maturare creduntur, in membris, quæ alias inungi solent & emunctoriis glandulosis v. g. colli gestata. Minus usitata sunt cingula, nisi in scabie inveterata. Suffimigatio autem vehementior omnium modis & copiosissime evacuat, ut referente *Sennerto* quotidie ad libras decem sputi virulenti rejiciant, qui illam sustinent; hinc non, nisi in summæ desperationis morbo & robustissimis subjectis, locum habet, imo a *Fallopio de morb. vener. c. 69. q. Paræo l. 18. c. 14* plane damnatur ac hodie omnimode obsolevit: licet *Platerus* sui loci Chirurgos per suffimigia frequentius, quam per inunctiones, sanare asserat. Periculum vero suffimigationis satis evidens est, quatenus Mercurius tam per se, quam in Cinnabari, cujus usus frequentior, sulphuri combinatus, caput, etiam quam optime obvolutum & contra ejus fumum munitum, cum pulmonibus petit, ac desperata horum membrorum producit symptomata: Mercurio inprimis per ignem in minima magis reducto, hinc penitus corpus penetrante.

Per particularem seu ore exceptam.

Qualis non sine periculo.

A *Sylvio* commendatur suffimigatio particularis seu fumus Mercurialis solo ore per infundibulum exceptus, quam omnium Mercurio utendi rationem tutissimam & in affectu nondum adeo inveterato aptissimam credit: sic enim excitari paulatim salivationem moderatam, sine ullo suffocationis periculo, ac per eam singulis vicibus tantum salivæ elici, quantum ferre possit commode quivis æger. Quin ejusmodi suffimigationem atmosphæra calida institutam ægris exitum in publicum concedere, adeo ut vix, nisi ab hujus rei peritis, deprehendi queat, prout hæc ab illo 2. *meth. med. cap. 13* recensentur. Sed haud apparet, cur ab hoc remedio non cerebrum cum pulmonibus extreme lædantur, & per consequens haud mirum, quod *Paræus* jamdum, cui sine dubio hic salivandi modus innotescebat, eum minus approbarit, his verbis: *Quare ejusmodi suffituum usum, qui universi corporis gratia, per os & nares exceptis halitibus, suscipitur, nunquam probaverim.* Securior videtur modus salivandi

livandi per soleas, Magnatibus Hispaniæ nunc solennis, qui pastam ex Mercurio amalgamato aut simplici, tantum cum bolo mixto, in soleam formatam in foccis, inter linteum duplex, plantis pedum supponunt, & has super laterem probe calidum detinent. Cui si non par, certe analoga, dicenda illorum encheirisis, qui Mercurium dulcem in aqua fervente solutum in vase apto stuphæ imponunt, huicque agrum ita includunt, ut pedibus solutioni mercuriali immerfis linteis probe munitus fudet, simulque per vices reiteratas ad salivationem disponatur.

Per soleas
mercuria-
les plantis
pedum
suppositas.

Per pediluvia.

Et forsan, uti frequentissimus, ita sufficere poterit cunctis morbi hujus gradibus Mercurius dulcis, si cum tantillo præcipitati albi aut rubri, pro exigentia rei, acuatius propinetur, una cum frictione seu inunctione artuum mercuriali. Saltem in moderanda hac evacuatione notetur, ut ante omnia corpus ad eam rite præparetur, & quidem non tantum per sanguinis missionem & catharsin, de quarum posteriore hujusque urgentia superius dixi: sed per balneum quoque appropriatum, seu ex vegetabilibus emollientibus & solventibus, quo visciditas humorum aliquatenus corrigatur sicque humoribus præparatis Mercurius ejusque activitas minorem in illis resistantiam inveniatur. Deinde caute & lente magis in applicatione Mercurii procedendum, intrinsecus ad pauca tantum grana eum vespere, vel mane etiam, propinando & sensim demum ad plura ascendendo; donec salivationis signa, nempe faucium ardor & angor, gingivarum intumescencia ac sputatio crebrior, compareat: ubi ab ulteriore Mercurii usu abstinendum, nisi segnius postmodum salivatio eveniat. In quo casu post biduum vel tri-
duum Mercurium de novo exhibere convenit; dum autem illa fatis procedit, ab ulteriore hujus assumptione cavendum est, ne ab hac humores nimis commoti ad salivales ac faucium glandulas nariumque tunicam glandulosam impetuosius ferantur, hæque plus justo intumescant ac in suffocationis & vitæ periculum conjiciatur infirmus. Uno verbo, *Satius est*, monente Sylvio, in salivatione movenda len-
tius, adeo cautius, procedere, quam nimium festinando non quidem cæcos catulos parere, aſt agris, sanitatis restitutionem expectantibus, mortem accersere &c. Pari prudentia inunctionis negotium tractan-
dum,

In Mercurii propinatione, quomodo procedendum?

Qua ratione inunctione? dum, ut sc. huic sufficiens præmittatur per vomitum & alvum purgatio cum Venæsectione, si opus fuerit: Sic enim cura non tantum facilius succedit, sed impetuosior humorum commotio ad fauces intercipitur. Continuetur hæc inunctio per septem vel decem dies, semel, aut etiam bis de die, donec superius recensita salivationis proxime futura signa, cum ventris & lumborum conturbatione se ostendunt: imo si hanc salivatio completa non excipiat, per bīdium de novo repetatur, vel dosis una alterave Mercurii dulcis simul propinetur. Quamvis frictionem hanc dierum numero semper determinare haud liceat, & variet hic pro varia corporis textura, dum modo tardius, modo facilius & aliquando mox post tertiam vel quartam inunctionem, humores ad glandulas & vasa salivatoria urgentur.

Salivatio quamdiu continuanda?

Ipse vero ptyalifinus, quocunque recensitorum modorum concitatus, eousque continuetur, quoad humores peccantes sufficienter educti; quod ut plurimum intra quindecim vel viginti dies evenit: aut potius donec fluor sponte sensimque cessat, ne ex intempestiva ejus suppressione in suffocationis discrimen conjiciatur æger. Neque symptomatum mitigatione ac sedatione tempus illius fluxus semper commensurari poterit; quamvis in huc gallica ex ulcerum, desiccatione, dolorum remissione &c. aliquid augurari detur: in aliis tamen præter hanc affectibus sæpius non statim, sed post aliquot dēnum septimanas, effectum hujus remedii desideratum experimur.

Eam administrandi ratio.

De cœtero in loco calidiore cuncta administrantur, ac stragulis probe tegatur infirmus, vel prope ignem foci aut fornacis ad sudorem blandum disponatur: quo ipso humores visceri ad admittendam Mercurii vim deliquatoriam felicius disponuntur ac præparantur. Eundem in finem & virium refocillandarum gratia subinde hauriendum erit jusculum seu cerevisia calida, toto vero medelæ hujus tempore decoctum Lignorum tenuius seu secundarium sufficiet, vitando cuncta potulenta generosiora, videlicet cerevisiam, vinum & spiritum vini. Cujus posterioris incongrui haustus infelicioris exemplum funestum memoria adhuc teneo de Viro quodam Nobili, qui in medio salivationis, cum euphoria hætenus administratæ, me & Chirurgus clam, Spiritu vini aliquoties usus, inopinato magnis cordis anxietatibus, strangulationis paroxysmis, ac tandem sudore frigido, corri-

Potus generosus nocet.

corripiebatur, omnimode suppressa evacuatione illa, inter qualia symptomata brevi expirabat.

Interim & toto salivationis tempore, quo propter oris & fau- Non con-
cium intumescencias atque erosiones solidioribus alimentis ægro veniens
frui minus licet, imo talia ventriculo tunc oneri forent, fluidiora tan- alimenta
tum concedenda, nempe juscula minus salita, lac saccharatum, cum solidiora.
pane cocta cerevisia atque hordeata. Ori autem ac faucibus in- Gargaris-
flammati atque erosioni per lenientia, detergentia ac ultimo demum mata &
adstringentia gargarismata & collutiones prospiciendum: in prin- collutio-
cipio siquidem nullus adstringentibus conceditur locus, ne ferositates nes oris.
uberius confluentes, ad stagnationem coactæ, inflammationes atque tumores intendant ac suffocent; sed commodiora sunt in principio lac tepidum, decoctum hordei cum radice Altheæ & Liquiritiæ, succus raparum, melle aut saccharo vel sirupo rosarum edulcoratus, progressu temporis decoctum salviæ, florum rosarum, cum decocto hordei aut aqua ferrariorum paratum. Sed cunctis indicationibus appropriata erit collutio ex muria, sub declinatione repetendo purgantia leniora, quæ humores hydrargosi solutos, haud tamen omnimode evacuatos, eluunt: & post hæc sudores per Lignorum decocta ad aliquot dies continuando.

Non raro contingit, ut post usum mercurialium, nec internum, Salivantia
nec externum, quamvis glandulæ intumescant, os erodatur, & anhe- nonnun-
litus foeteat, saliva fluat, adeoque, quicquid tentetur, ptyalisimus nul- quam per
lo modo provocari queat, sed natura pro motu humorum & disposi- alias vias
tione viarum aliter agat. In quo casu, si corpus succulentum ac ro- evacuant.
bustum fuerit, vomitorium ex infuso croci metallarum aut largiore Turpethi mineralis dosi propinetur, aut, si illud debilius ac constipationis alvi existat, clysteres aliquoties injiciantur: postmodum vero ad sudorem disponatur æger per decocta lignorum & diatam necessariam, aut balneo denuo immergatur per biduum vel triduum, qua ratione, si cætera frustranea deprehendantur, fluor demum sequitur. Testatur siquidem *Mayerne de Lue venerea*, se in foemina quadam sex frictionibus & gestatione emplastri mercurialibus nunquam oris fluxum concitare potuisse; fuisse nihilominus eam sanatam sudore aliquot septimanarum continuo & largissima plurium dierum urinæ

excretionem, utrisque vi Mercurii motis. Si interim Lipothymia cordis palpitatio, febris & angustia suffocatoria obveniant, corpus purgetur mitioribus catharticis, in difficultate respirationis sanguis mittatur, donec salivatio eveniat; sin minus, purgationibus repetitis ac diætâ sudoriferâ diutius insistendum.

**Diarrhæa
ut in hoc
casu inhi-
benda?**

Degenerat salivatio non raro in alvi fluxum, virulentia venerea præprimis non adeo congruum, quem præcavimus ac interpellamus, ægro vesperi aliquid Theriacæ, Diascordii aut cujusvis opiati exhibendo: sic enim non tantum primis viis singulare robur, sed somnus etiam, conciliatur, quo refocillatus infirmus insequente die salivationem de novo subire queat. Quodsi vero his aliisque irritis diarrhæa intendatur, intestina contra erosionem defendantur clysteribus, paratis ex lacte, jure carniū vitulinarum aut gallinarum, oleo Lini, Verbasci, sevo hircino, it. decocto Cornu Cervi: & postquam fluxus ille cessat, viresque concedunt, salivatio reassumatur, sin secus, cum sudoriferorum administratione illa permutetur; quamvis aliquando ab ejusmodi alvi fluxu idem, qui a salivatione, effectus observetur.

**Diuresis
quomodo
& quid
aga?**

De Diuresi seu evacuatione per Urinam pauca dicam. Est sc. illa pariter ex universalium seu illarum genere, quæ hoc, quod sanguini admixtum, aut saltem, antequam per vias determinatas expellatur, ipsi admiscendum, educunt, dum per diuretica præter vias urinarias secunda & tertia quoque corporis regio evacuatur: adeoque illa sine dubio convenit heterogeneousitatibus morbificis cunctis, sero sanguinis commiscibilibus, hinc febribus tam continuis, quam intermittentibus, lymphaticis & catharrhalibus, malo hypochondriaco, ictero, hydropi, scorbuto similibusque humorum vitiis medetur; quamvis intuitu vitiorum renum ac vesicæ particularibus quoque excretionibus medicis accenseri possit.

**Diuretica
& sudori-
fera quo-
modo di-
scernuntur?**

Multum inter se convenire diuretica & sudorifera, penes plurimos in confesso est, & gradualis tantum pleraque eorum intercedere videtur disparitas: ut, dum humores ratione suæ texturæ minus commode per habitum expelli valent, aut minus efficacia sunt remedia movendis sudoribus destinata, aut pori corporis vel propter ambiens frigus vel quamcunque aliam causam, minus patent, vel

vel quodcumque sudoris expulsionem moretur, per urinarias vias fiat excretio largior. Cum facilius sit, recrementa sero confusa cum hoc a succis laudabilibus in organis urinariis, quam in corporis habitu, secerni, ac per illa, quam per hunc, excerni: Laxiores siquidem illorum interiorum viscerum canales sunt, quam in externa corporis superficie existentes meatuli, non tantum per conformationem suam naturalem, sed per caloris interni efficacioris concursum; qui posterior humores quoque per interiora latos potentius solvit ac fluidiores reddit, contra horum motus in habitu facilius sistitur & viæ in habitu seu pori angustantur. Habet præterea sibi hoc peculiare diuresis, ut lente & blande magis evacuet, adeoque tantum virium robur, quantum aliæ hujus generis evacuationes, haud exigat: sed harum intuitu quovis tempore & occasione, modo indicans adsit, & paucae tantum attendantur circumstantiæ, adornari possit.

Harum prima est primarum viarum cruditates, quæ ad canalem sanguinis & vias urinarias per diuretica moveri haud debent, ne illius massam, hætenus a recrementis liberam, inquinent, & organa urinaria obstruant, aut ad Lithiasin disponant: id quod tamen de cruditatibus naturalibus seu alimentis nondum digestis, haud intelligendum, postquam non tantum multa diuretica habemus alimentosa, quæ minus lædunt; sed cum alimentis etiam assumpta medicamenta hujus generis maxime profunt, nihilque molestiæ patrant, quotidiana hoc docente praxi. Ut taceam, pituitam intestinalem viscidiorē non raro ope illorum ad urinarias vias propelli & per has sub sedimenti forma eliminari, testante *Sylvia meth. med. libr. 2. cap. 12. & Prax. l. 2. c. 34. §. 108.* Alterum prohibentium communiter creditur humorum cruditas, inprimis pituitosa, quam per diuretica ad renes commoveri, horum meatulis arctius impingi, hosque obstruere, sibi persuadent: quod licet de diureticis nonnullis concedi debeat, quia nihilominus eorum pleraque simul incidentia, absorbentia ac digestiva, i. e. quæ recrementa crassiora potenter resolvunt ac coagula acida præcipitant, sc. salina, aromatica atque terrea; his sub ejusmodi cruditatis statu quoque cum euphoria uti licet, cum cæteris vero cautius procedendum, ob rationem dictam, in specie in febrium, quas intendunt, principio & augmento.

Prohibet
diuresin
primarum
viarum
cruditas.

Non ferat
per humo-
rum cru-
ditas.

tica, scribit Sylvius append. tr. 10. §. 833, vim habent egregiam humores vitiosos, sanguinis massa penitus immixtos, ab eadem secernendi atque excretionem qualemcumque præparandi: quocirca seligenda semper sunt diuretica, quæ insuper vim habent corrigendi humorem peccantem: ut nunc vulgo nota præteream, laudo hic magnopere spiritum salis & Natri dulcem, bili acriori & incendium augenti, ut & pituita glutinosa, corrigendis convenientissimum, simulque diureticum. Imo ideo forsitan a diureticorum usu non mox semper diuresis contingit, quod videlicet humores vitiosi, ad secretionem atque excretionem adhuc nondum idonei, præparatione indigeant, quam eadem illis præstant diuretica, quæ illos non minus ad excretionem præparant seu blande secernunt, quam excernunt.

Utique ta-
men habi-
tus scior,

Majoris potentia in prohibenda diureticorum usurpatione tertio est habitus seu constitutio corporis siccior, v. g. in hecticis ac tabidis: nisi in morbi principio & ubi causa proxima, acrimonia, verbi gr. scorbutica aut similis, per has vias emancipari postulat. Neque in illa macie a diureticis omnimode abstinendum, quæ ab Empyemate ac ulcere pulmonum dependet: utpote in quibus casibus ipso naturæ motu non raro purulenta cum urina eliminantur. Quarto, antequam hoc remedii genus administremus, probe disquirendum, quomodo organa urinaria se habeant; utpote quæ, si compage laxiore gaudeant, seu debiliora, inflammata aut exulcerata extiterint, a diureticis cavendum, aut circumspectius illis utendum: quemadmodum nec in quavis dysuria aut ischuria, v. g. a calculo, illa statim & semper locum habere, ex praxi speciali innotescere potest. Nec quinto in gravidis & mensium aut quovis fluore uteri præternaturali laborantibus: cum in illis abortum, in his fluorem nimium, sive sanguinis, sive alterius humiditatis, concitare soleant.

& organo-
rum uri-
nariarum
habitus
p. n.

Nō omnia
diuretica
omnibus
quadrant.

Quoniam autem Diuretica humores pituitosos non minus seu viscidos & glutinosos, ac acres, exturbant, v. g. in hypochondriacis, scorbuticis, leucophlegmaticis aut quibuscunque cachecticis: alia eorum glutinosis, alia acribus quadrare, probabile fit. Quamvis præmonendum sit, eorum quædam improprie satis talia appellari, nempe aquea seu potulenta quævis, aut de aquositate multum participantia, v. g. fructuum horarum nonnulli, sc. fragæ, cucumeres, melo-

melones &c. seu quæ substantia sua aquea copiosiore sero & urinæ materiam subministrant : de quorum tamen nonnullis asserendum, quod particulas etiam resolventes ac vere urinam & per urinam pellentes secum vehant, v. g. serum lactis, acidulæ, inprimis nitrosæ, fragæ &c. Proprie autem diuretica seu per urinam vere pellentia sunt, quæ sanguinem quovis modo attenuando atque solvendo præcipitant, organa stimulant, simulque viarum urinariarum visciditatem aliaque heterogenea abstergunt atque eliminant. Horum catalogum ex doctrina de materia medica petere convenit, ita tamen, ut iis addantur semina lactescentia horumque emulsiones, quæ non tam resolvendo atque stimulando, quam temperando ac demulcendo, videntur agere, in calculosis, ac organorum inflammatione & erosione laborantibus, v. g. semen Lactuæ, Violarum, Milii solis, Melonum, Cucumerum &c. & quidem non tam in humores acres, hos temperando, quam in ipsam partiū urinariarum texturam fibrosam, hanc laxando, leniendo seu earum sensibilitatem instar anodynorum obtundendo; perinde ac narcotica hoc efficacius agunt, ut stimulos dolorificos a calculo v. g. renibus ac ureteribus impressos supprimant, hisque sedatis calculi exturbationem juvent. Cæterorum autem urinam moventium alia observantur mitiora, alia potentiora. Mitiora sunt 1. terrea, quorum nonnulla alcali sibi intertextum habent, quædam nihil hujus præ se ferunt, sed absorbendo forsân tantum agunt. Prioris generis sunt lapis Lyncis, qui frictus tantum aliquid urinosi spirat, item lapis Cancræ, qui cum vino maceratus huic saporem alcalicum evidenter satis concedit: posterioris vero lapis Spongiæ, Silicis &c. qui tamen moderate usus etiam aliquid alcalici liquori, in quo extinguitur, imprimit. 2. Vegetabilium insipida magis aut saltem plus minus amara, nempe ex radicibus quinque aperientes majores & minores, Bardanæ, Vincetoxici, Liquiritiæ & cortex Fraxini: ex herbis quinque Capillares dictæ: Virga aurea, Absinthium, Centaurium: ex floribus Genistæ ac Hyperici: Semen Saxifragiæ, Fraxini, Hyperici, Lycopodii, Baccæ Alkekengi. 3. Ex Animalibus Lumbrici, Apes atque Aselli: sicut 4. ex mineralibus seu marinis Succinum. Potentius vero urinam cient, quorum salina textura est evidentior, & quidem itidem vel

Diuretica
sunt di-
versi gene-
ris.

sincera

sincera magis, vel oleosa plus minus immersa. Illa rursus observantur modo Alcalica seu lixiviosa, ac Calx viva & de hujus genio participantes Thermarum pleræque, Tinctura Tartari simplex ac composita v. g. Antimonii & Metallorum illa, modernorum inventum: modo Urinosa, v. g. Spiritus Salis Armoniaci, Urinæ &c. modo acida, v. g. Spiritus Salis, Nitri, Aperitivus, Penoti, Succus Limonum, Tartarus seu hujus Crystalli & Sal succini: modo magis composita, v. g. Sal Ammoniacum, Nitrum, Tartarus Vitriolatus, Arcanum Tartari, Arcanum duplicatum, Lapis Prunellæ &c. Alterius vero generis sunt acria & aromatica varia, nempe radix Raphani rusticani, Allium, Cephæ; Herba Rorismarini, Flores Chamomillæ vulgaris & Romanæ, de quorum prioris decocto cum vino triplicato *S. Pauli Quadrip. Bot. p. 255* annotavit, quod manifeste falsum evadat, ac si unus vel alter pugillus salis culinaris in eo fuerit solutus, singularique vi in calculo hujusque cruciatibus pellendis gaudeat. Item semen Carvi, dauci, baccae Juniperi & harum Rob. Terebinthina & hujus Oleum, Oleum succini, Chamomillæ, Carvi &c. Quemadmodum tandem hujus loci sunt Cantharides, ab *Hippocrate* jamdum de victu acut. t. 66 hydropicis commendatæ, in minore dosi & cautius tamen propinandæ, v. g. in infuso, juxta normam a *Bartholino cent. 5. hist. 82* traditam, vel harum Sal volatile, vix ultra granum unum aut duo, & vel sirupo quodam, vel aqua aliqua, probe discontinuatum ac dilutum, propinandum.

Hinc co-
rum sele-
ctu opus.

Saltem ratione usus diureticorum recensitorum similiumque prudentiore hic selectu opus esse, sciendum, cum, ut superius monitum, non omnia omnibus videantur congruere, nec omnia in cunctis subjectis vim suam exerere, quotidie experiamur. Sc. attendendum imprimis est vitium humorum & organorum, quod per medicamina hæc corrigere annitimur, seu quod, quominus serum promptius prodeat, facit. Ubi in visciditate & obstructione viarum, salina cuncta & omnis generis, sive sinceriora, sive terreis & oleosis seu sulphureis particulis intertexta & obvoluta, valent, utraque modo leniora, modo potentiora, ab illis semper inchoando, cum vegetabilibus, aperientibus alias dictis, id est, incidendo, resolvendo ac aperiendo agentibus: in acore humorum vero coagulatorio simulq; præcipitatorio terrea,

terrea, plus minus alcalina: sicut, ubi spasmi dolorifici urinæ excretioni obicem ponunt, his resistere eosque delinire per semina lactescentia horumque emulsionem convenit. Quoad salium vero in humorum massa præpollentium disparitatem, hincque variam ejus texturam & cohesionem, hæc cuncta diuretica promiscue admittit: sed in habitudine ejus, naturali propinquiore, aut ad lixiviosum prona, acida, hinc sal succini volatile quoque, falsa & nitrosa usurpanda; ubi vero acidum præcipitans seu fundens exuperat, falsa lixiviosa & urinosa, ac de his participantia, potius locum habent.

Ratione administrationis observandum, ut (1) potentiora eorum nunquam, nisi alvo aperta & abundantia humorum aliquando imminuta fuerit, propinentur: cum hi ad vias urinarias in maiore copia derivati, his facile imbecillitatem quandam simileve præternaturale affricent; nisi forsan particularis magis fuerit hæc evacuatio, & renum, a calculo seu quavis re præternaturali obstructorum, gratia adornetur, aut serum extravasatum in hydrope fuerit, ubi sine ulla mora ad diuresin, aliis evacuationibus posthabitis, transire licet. Neque enim, prout nonnulli opinantur, sudorifera illis semper, si conferunt, præmittenda, sed illa his potius: cum minore impetu agant, vias etiam excretorias patentiores inveniant; si modo indicans adæquatum hoc postulet. (2) Diureticis in forma solidiore assumptis liquorosum quiddam superhauriendum, quo illa diluta promptius ad canalem sanguinis & vias urinarias devolvantur: quod inprimis a vini potu expectandum. Neque tamen (3) post illorum usum aut sub operatione multa aquea aut volatilia assumat æger, diuresin præpropere intendentia: & si evacuatio hæc justo largior contigerit, subausteris & condensantibus utatur. (4) Assumpto diuretico æger, si vires concedant, corpus blande moveat, non tamen ad sudorem usque, quem in lecto etiam decumbens vitet. Cautelam (5) denique addunt cum *Cratone* aliisque hanc, ne cum pastu, sed jejuno, assumantur illa, ventriculo, sicque chylum indigestum adhuc secum ad canalem sanguinis abripiant: quod duplici observatione asseverare annitur *Hildanus cent. 3. obs. 72.* quarum prior occasione potus acidularum, semen anisi, altera grana alkekengi cum succo cancrorum doloris nephritici causa, assumpta, cum urina excreta, perhibet. Verum

Cautela
circa ad-
ministra-
tionem il-
lorum ob-
servanda.

Etiā a
pastu diu-
reticis uti
licet.

superius jamdum innui, nihil referre, diureticis etiam post cibum si quis utatur, nihilque damni hinc in corpus metuendum: quatenus chylus crudus poros intestinorum & oscula vasorum lacteorum subire nequit, eo, quod a fœcibus non secretus, aut ad secessum dispositus, per consequens meatibus his minus adæquatus existat. Accedit, quod historiæ ab *Hildano* recensitæ non testentur de diureticis repleto ventriculo haustis, proin minime sint hujus loci; indigent saltem nonnunquam cruda minusque congrua, per meatus occultos & modum occultum, a primis viis ad renès devolvi: imo ex posteriore casu obvium fit, omnino methodice, postquam nimium corpus expurgatum, semina Alkekengi assumpta fuisse, nihilominus cum urina rejecta. Quod attendens quoque *Salzmannus* in literis ad observationes *Hildani* responsoriis, vix ita noxiam commiscelam urinam pellentium cum alimentis credit, nisi potentiorum ac frequentius usurpatorum: facile tamen ego largior, majore forsan efficacia operari hæc, sine ciborum admiscela propinata.

Evacuatio
per sudorem,

etiam ali-
quando
primarum
viarum vi-
tiis mende-
tur.

Porro humores illos vitiosos, qui massæ sanguineæ intertexti, aut tertiæ corporis regioni in hærent, quique vel ob summam sui pravitatem, ut in morbis malignis, vel cæterarum viarum dispositionem morbificam, alia ratione educi minime poterant, commodissime per habitum corporis & hydroticis eliminamus; imprimis, si ad alia loca haud vergant: imo habent insuper diaphoresis & sudorifera hoc cum diureticis commune, ut, quæ non evacuant, alterent saltem & fluxiles reddant, adeoque sanguini congrumato quoque, motum restituant. Unde etiam forsan fit, ut primarum viarum cruditatibus hincque emergentibus symptomatis, v. g. vomitui, colicæ &c. levamen præstent: non profecto, quod illas, earumque causas proximas sudore eliminant, sed quod sub hujus per poros excretionem, per hydrotica concitata, serum quoque copiosius ad ventriculum & intestina feratur, hocque fervidius & exagitat magis, hincque solvendis heterogeneitatibus etiam hic magis aptum. Et, sicut humores in vasis alterant eadem sudorifera, sive solvendo, sive absorbendo; sic verosimilius, hæc pariter in ventriculi contenta, quæ immediate magis contingunt, agere.

Indicans E. hujus evacuationis primarium sunt (1) humor aqueus,

aqueus, utpote ad excretionem hanc proclivior : unde sudorifera in catharrhis & anasarca causam æque continentem, ac antecedentem, in cavitatum vero v. g. abdominis, thoracis, hydrope antecedentem tantum, eliminant. (2) Salfus, acidus aut quacunque acrimonia pol-

Indicantia
ejus sunt
humores
aquei.
It. acres,

lens, modo appropriatis diaphoreticis evacuatio hæc adornetur. Hinc quando *Sylvius meth. med. l. 2. c. 11. §. 3* humores biliosos eam minus commode sustinere ait, explicari poterit, si non per acidula, similiaque, quæ acrimoniam biliosam simul temperant, sed per alcalia & urinosa, illa tentetur : Sine cujus cautelæ observatione ejusmodi recrementa biliosa, per diaphoresin commota, non raro in habitu & genere nervoso æstum ac mordicationes quam molestissimas concitant; perinde ac, dum ad primas & urinarias vias minus temperata derivantur, vomitus, diarrhæas, choleras, strangurias, aut dictorum organorum dolores, erosiones, atque inflammationes patrant. Pariter quando *Waleus meth. med. p. 62* acidus & austeros humores, sub nomine melancholicorum, per habitum expellere, prohibet, concedi hoc equidem ipsi debet, si sc. eorum pravitas nondum aliquatenus temperata fuerit : quia tamen illi sudorifera blanda ac absorbentia, nempe terrea, alcalica & urinosa, admittunt, experientia ac rationi idem repugnat, ipsemet *Sylvius meth. med. l. 2. §. 10. 15.*

Et 16 etiam contrarium asserit. Spectant huc (3) pituitosa ac glutinosa viscida, sanguinis recrementa, in se quidem per poros exiliores minus evacuabilia, quæ nihilominus per sudorifera aromatica, amara & salina, inprimis volatilia, sensim attenuantur & solvuntur, ut facile postmodum per eosdem exterminentur : modo ejusmodi subjecta ad sudores non cogantur, sed post repetitas demum medicamentorum hydroticorum propinationes ad sudorem blandum disponantur; ut taceam, hæc, si non evidenter evacuent, humores certe emendare ac solvere. Denique & (4) sudoriferis cedunt humores maligni ac mali-

cujuscunque generis, sive cum, sive sine febre, lædant, ita tamen ut posterioribus purgantia combinare liceat, iis, qui cum febre, neutiquam. Quam hydroticorum & catharticorum conjunctionem, quamvis nonnulli, v. g. *Rondeletius, Chalmers, Ballonius* & *Senner-tus* in dubium vocent ob motus contrarios, quos non sine magna corporis conturbatione præsent, ab aliis nihilominus, v. g. *Nic.*

Massa & modernis multis commendatur, eamque experientia quotidiana ac successus salutare confirmant.

Prohiben-
tia hujus
evacuatio-
nis.

Sicut proin serum vitiosum est, quod per poros evacuatur, ita inter prohibentia primum locum tenet, si idem aut deficiat, aut nimis abundet. Quemadmodum enim parcius, v.g. in hecticis, magis exauritur, hinc spicula humorum acriora concentrantur, & non, nisi cum *κακοφροια* seu summa difficultate prodeunt, ut in asciticis & hydropse pectoris laborantibus, quorum urinæ lixiviosæ valde; ita exuperans nimis commotum molestias ac symptomata varia, v.g. cephalalgias, aliquando excitat. Deinceps sudores si non prohibet, certe differre jubet viscidum, ventriculo æque impactum ac sanguinis massæ intertextum, & resolventia atque incidentia, imo cathartica utriusque generis, præparatoria & imminuentia, postulans. Quod in plerisque morbis, qui moram concedunt, attendendum, sc. ne, nisi præmissis alvum purgantibus, sudores moveantur; ne vel dicta humorum copia, vel visciditas, vel acrimonia, intempestive exagitata & ad habitum coacta, aut intra vasa & viscera, aut in externis, molestias novas paret: in illis nimirum obstructions, in his lassitudines, paralyses, dolores ac vitia cutanea, vel hæc graviora reddat; ut in febricitantibus & scabiosis crebro evenit, in quibus paroxysmi intenduntur, ex intermittente simplici duplex aut continua fit, & scabies moderata ac levis in foedam & contumacem abit, digestionem nimirum tertia per incongruum materiæ vitiosæ motum omnimode depravata. Tertio etiam hic parcendum viribus, cum serum, quod sudando excernimus, non totum excrementitium sit: discernendo tamen pariter suppressas, v.g. in febribus malignis, suffocatione uterina, a dissipatis; & ex sudoriferis blandiora tantum, propinando, ac cum roborantibus miscendo atque alternando, ad sudorem quoque non cogendo, eumve exprimendo, sed tantum dirigendo seu moderando. Sicut evacuationem hanc quarto quoque dissuadet habitus corporis densior, utpote ex quali vix ullo conatu sudorem exprimere licet, ad hunc coacti potius animo deficiunt, palpitationi cordis similibusque symptomatis exponuntur. Nec quinto illis sudorifera facile propinanda, qui sudoribus diffluunt, v.g. hecticis: neque demum obesiores sudoribus temere macerandi.

Tempus,

Tempus, & quidem necessitatis, indicantis viriumque præsentia innuit; quamvis in febribus, nisi morbus in primo sui principio, coctio quoque humorum expectanda veniat: cujus intuitu in morbi ac paroxyfimi declinatione demum sudorifera potissimum profunt; in morbis vero, quos a pororum ab aëre ambiente constipatione, sanguinis & lymphæ stagnatione aut malignitate dependere constat, mox sub primo eorum insultu conveniunt. Electionis vero tempus quod spectat, commodum erit omne illud, quo primas vias vacuas novimus: hoc enim promptius promanat sudor, nec prima coctio turbatur; cum alias inter sudandum lymphæ ad habitum copiosius convertatur, ventriculus eadem defraudetur, hinc digestio lædatur, chylus quoque per vasa lactea devolvendus vehiculo suo destituatur.

Circa administrationem hydroticorum monendum, 1. ut, si humorum visciditas illam moretur, hæc prius per incidentia corrigatur, quamvis pleraque eorum eandem vim habere, superius dictum; quibus assumptis blande ad sudorem disponatur æger, ut illa, si hunc non pellant, saltem humores corrigant ac præparent. Nec 2. mox ab assumpto medicamento ad sudorem urgeatur idem, sed aliquo demum temporis spatii, bihorii vel trihorii, elapso; i. e. postquam resolutum seu actuatum demum in corpore illud fuerit. Neque 3. integumentis nimis & eousque obruatur, ut animo delinquat, cum satius sit, nullum, quam violentum, prodire sudorem: & blande magis ac cum majore tolerantia movebitur hic in laconico, quam sub stragulis & culcitris, inprimis si hoc per spiritus vini flammam, lateres ignitos cruribus suppositos &c. incalescat, sic enim ab integumentis minus premitur, & sudorem sibi met commodius detergere potest, aut potius in lecto nudis jacentibus imponatur laconico simile operimentum, manente capite extra hoc. Inapte vero 4. illi agunt, qui inter sudandum omni potu interdiciunt: cum post cerevisiæ similisve potulenti haustum per aridissimam alias cutem aliquando copiosi prodeant sudores, vires etiam defatigati hinc sensibilibiter restaurentur. Nec 5. ad stipulandum his, qui sumpto sudorifero somnum dissuadent, v. g. *Kyperus inst. l. 4. c. 14*, praxi nempe contrarium asserente, adeo ut opiata sudoriferis admixta sudoris excretionem mul-

Cautelæ
in sudori-
ferorum
admini-
stratione
observan-
da.

tum juvent. Præterea & 6. in hac moderanda circumspectione opus est, ita ut, si per morbi conditionem liceat, semel de die sudare sufficiat, ne vires subito nimis evanescant: interdum tamen si ejus vehementia plus urgeat, intra nycthemeram bis aut (v.g. in peste) ter, illud reiterare convenit, modo vires respondeant. Male tamen 7. ægrorum rebus consulunt, qui hos quinque aut sex horas sudare jubent, cum una vel altera ad summum sufficiat: id est, sudori tantum indulgendum, quantum natura citra languorem ferre valet.

Medicamenta sudorifera, quorum catalogus ex Pharmaceuticis petatur, commode distinguuntur in fixiora & volatilia: quorum illa segnius, hæc celerius ac potentius, agunt, item modo ad hos, modo illos, humores alterandos atque corrigendos idonea magis deprehenduntur. Cuncta videlicet sudorifera sanguinem rarefaciunt, & in motum plus minus vehementiorem cient: quorum alia hoc præstant immediate ac mediate, alia mediate tantum. Prioris generis sunt salia urinosa, alcalica & falsa, vegetabilia amara & aromatica seu salino-sulphurea temperatiora, alexipharmaca communiter dicta; qualia singula visanguinem resolvendi, fundendi & exagitandi polent. Mediate vero magis sudorem cient, seu ad hunc disponunt terrea, tam mineralia, quam animalia, quæ aut salis parum habent, aut hoc minus evolutum gerunt, v.g. Terra sigillata, Antimonium diaphoreticum, Cornu cervi, Lapis Cancrorum, Bezoar &c. una cum acidis v.g. Aceto, spiritibus Lignorum, viscidum incidendo & carminando. De sulphure & Cinnabari hæreo, cui eorum classi accendere hæc debeam, utrumque horum quamvis sudorem strenue moveat.

Fonticuli,
Setacea ac
Vesicatoria
universali-
ter
quoque
evacuanti.

Fonticulos, Setacea ac Vesicatoria evacuationibus universalibus omni jure accensemus, quæ tamen secundario aversionis quoque humorum gratia administrantur: quamvis Fonticulum cum Setaceo & Vesicatorium hoc discriminis intercedere videatur, quod hoc ut plurimum in affectibus, qui celeriore evacuatione indigent, locum habeat, eorumque causam conjunctam tollat; illa vero præservativum tantum remedium existant, adeoque non, nisi longiore temporis mora, effectum sensibilem præstent.

Sc. Fonticuli & Setacea ulcera arte parata sunt, quæ non tantum humores ad cutem & hujus glandulos derivatos, sed recrementa quoque serosa, sub cute & per musculorum interstitia fluctuantia, educunt: ut evacuantia tamen particularia quoque fluidum huic vel illi membro impactum aut intra ejus cavitatem congestum elutrient. Vulgo interim concedi nequit, materiam illam Fonticulorum & Setaceorum saniosam omnem recrementitiam ac pravam esse, sed lympham potius maximam partem laudabilis, cui recrementa morbosa intertexta, hæc videtur, quæ, si pars cauterisata ac perforata integra relicta fuisset, in hujus nutrimentum cederet, sicut post *Helmontium Cauter. §. 9. 10. seq. Hæferus Herc. med. t. 1. p. 24. §. 26* evincit: ita quidem, ut non tantum membra, quæ ejusmodi fontanellas gerunt, aliquando evidenter contabescant, sed, si earum plures gestentur & nimis fluant, totius nutritionem conturbent. Concludimus proin cum allegato *Helmontio*, fonticulum & setaceum non humores vitiosos tantum, sed serum quoque laudabile diminuere atque evacuare: hinc affectibus ab abundantia seri hujusque motu impetuosiore aut stagnatione oriundis, appropriata existere remedia.

Affectuum horum prolixiorum catalogum subministrat *Glandorpius gazophylac. cap. 16.* sc. cephalalgia, vertiginis, apoplexia, ophthalmia, suffusionis, asthmatis, strangulationis: licet, cum hi non eandem semper causam foveant, i. e. præter seri vitia alios non raro agnoscant fontes, nec semper ipsis hæc remediorum genera quadrare, ex dictis elucescat. Certum nihilominus est, morbis non tantum particularibus, horumque causis, fonticulos mederi, quatenus v. g. serum & pus cavitati corporis aut apostemati inclusa educant, dum paracentesi thoracis atque abdominis, item abscessuum evacuationi inserviunt: sed universalibus quoque magis seu talibus, qui membra plura simul & a fonticuli loco satis dissita affligunt, auxilium præstant. Quippe primo per ulcera sponte exorta catharri aliaque lymphæ vitia evidenter corriguntur: deinde a fonticulorum formatione febricula & partis cauterisatæ inflammatio seu erysipelas, ut salutaris effectus signa, expectantur, prout *Sculetus armam. chir. part. 2. obs. 59* annotavit: ac tertio pro diversa totius aut harum illarumve partium dispositione eorum ulcera modo copiosius, modo

Fonticuli
& Setacea
unde eva-
cuent?

Et quidem
lympham
vitiosam
æque ac
nutritiam.

Quibus af-
fectibus
medean-
tur?

do parcius, fluunt, imo interdum omnimodè arefcunt seu fupprimuntur.

Quibus deum accedit experientia, qua, multos affectus, capitis, oculorum, pectoris &c. fatis graves & pro deploratis habitos, poftquam eadem aliquandiu gefata fuerunt, evidentiffime corrigi ac levare, convincimur. Non allegabo meam, fed *Hildani cent. 4. obf. 74.* dum quendam vifcerum obftructione, imbecillitate ventriculi, tumore abdominis & crurum oedematofo, cibi faftidio, fiti intensa, aliisq; cachexiæ enormioris fymptomatis laborantem, poft remedia alia irritè applicata, fonticulo popliti inufto brevi & præter omnem fpem fuiſſe reſtitutum perhibet, humoribus vitiofis ex toto ad fonticulum a natura detrufis, ut poſthac fine aliis remediis fanus & incolumis vixerit.

Habitus
gracilior
quando
hæc eva-
cuatoria
prohibeat?

Communitè, ut contraindicans feu prohibens ejuſmodi evacuatoriorum inſtrumentorum, gracilior corporis habitus annotatur: aſt, quia gracilitas non ſemper a feri nutritii defectu dependet, fed interdum hujus abundantia illi combinatur, aut ab acrimonia ſimilive ejus vitio ejuſmodi macilentia aliquando fovetur, nec in omnibus gracilibus, fed illis tantum, penes quos alimenti defectus ſupponitur, fonticulorum ac ſetaceorum uſus vitandus. Potiores & majoris momenti cautelæ ſunt, quas *Williſ. Pb. Rat. part. 2. ſ. 3. c. 4* ſuppeditat, duo inprimis hominum genera ab hujus remedii toleratione excuſari, nimirum in quibus emiſſarium hoc aut nimis, aut parum admodum, evacuat, hiſque dolorificum valde exiſtit. Obſervatur ſiquidem, in quibusdam ſubjectis fonticulos non tantum copioſiorem, ſed corruptam quoque ſatis, humiditatem fundere, quæ aquoſior atque foetida globulum, emplaſtrum & faſcias colore peregrino inficit, hæc ac partes vicinas corrodit & cum carnibus vires conſumere videtur: quatenus nempe in ejuſmodi cachecticis ulcera hæc brevi foetida ac virulenta evadunt, hinc ſerum atque ſanguinem magis corrumpunt. A qua ſucci nutritii corruptela ſpirituum robur infringitur, etiam in hiſ, quorum fonticulus mediocrem ſatis ichoris quantitatem fundit, quique nihilominus hinc languescunt ac marceſcunt, interdum etiam ad proliferationem inepti evadunt. Contra aliquando fontanellæ ac ſetacea plus doloris creant, quam fluunt,

fluunt, quibus nempe sanguinis massa densior & sero minus diluta existit: unde hæc circa partem erosam stagnat, parum feri deponit, phlogosas vero dolorificas ciet.

De cœtero ante sufficientem corporis per sanguinis missionem & purgationem humorumque acrium contemperationem ejusmodi emissaria haud excitentur: non quasi hæc non æque universaliter evacuent, sed quoniam viâ hæc excretoria angusta satis, hincque metuendum, ne quantitas sanguinis & feri nimia ad partem cauterisatam deposita & non mox evacuata, sed per aliquot dies ibi congesta, hanc symptomatis periculosis exponat, v. g. inflammationi graviori, quemadmodum *Lanfrancus tr. 3. doct. 3. c. 18* scribit: *plures vidi, qui aliquibus, plenis humoribus faciebant sub genu cauterium ante purgationem, unde propter nimiam humorum defluentiam crura tuebant, adeo ut locus cauterisatus corrumpebatur & cancer ibi fiebat.* Simile exemplum *Bonetus recenset Mercur. compit. p. 727* de quodam sibi apoplexiam metuente, qui neglecto consilio de præmittendis evacuationibus aliis a Chirurgo protinus brachio pyroticum imponi postulat, a quo postridie fluxio in pulmones ad Peripnevmoniam usque & brachium ingens cum diarrhæa concitata fuerit.

Locum fonticulorum quæ determinent, ex Chirurgicis & *Locus fonticulorum.* praxi speciali supponendum. In genere notandum monitum *Mer- cati de indic. med. lib. 1. c. 16.* ne quis membri recipientis affectu & miseria decipiatur, & juxta hoc fontanellam aperiat, si fluxio aliunde provenerit; sed expedire, fluxionis originem semper exquirere, ac huic remedium affigere: alioquin impossibile esse, quin aut majus, aut novum, præstet damnum; cum hæc sit præsidii hujus potissima ratio, nimirum ut materiam fluxui aptam, per distantem a parte, cui damnum infert, regionem expurget. Qualis tamen cautela vix perpetua est, aut non sine discretionem admittenda, quin aliquando ipsi parti morbosæ, modo nondum valde debilitatæ, inuratur fontanella, v. g. ipsi capiti in symptomatis cephalicis, aut artubus, si nimirum vel per causam magis universalem, i. e. ex toto confluxum, aut propter particularem in membro congestum, sine communicatione cum alia, tanquam mittente, morbi & symptomata his eveniant: quemadmodum ipsi cruri tumido & ulceribus contumacioribus gra-

Ante ho-
rum usum
corpus
præparan-
dum.

Aliquando
ipsa pars
affecta.

yato, evacuationis ac interceptionis gratia, fonticulos aliquoties ad-
motos novi. Cui consilio etiam favet illud *Hippocratis* 6. *aph.* 60.
Celsi 4. *cap.* 20. ac *Tulpii* 3. *obs.* 26. dum in malo ischiadico coxæ in-
flectionem, tanquam saluberrimum remedium, commendant: imo
Sennertus ex ulcere diuturno in crure aut brachio consolidato, si con-
tingerit membris his arthritidis, fonticulum in iisdem commendat.

An occlu-
di possint
fonticuli?

Perfuasum sibi habent nonnulli, fonticulos inustos nunquam
obturari posse aut debere, auctoritatem *Cratonis* inprimis allegantes,
ex consolidatione illorum mortem obtigisse, asserentis: quod ta-
men pariter haud perpetuæ veritatis; & mali ominis est eorum ex-
ficcatio, quæ fatiscente natura, non vero a defectu materiæ peccan-
tis, contingit, seu ubi hæc retenta viscerum corruptionem aliosque
graviores morbos gignit. Quale quid forsân concipiendum in foe-
mina illa, de qua *Horstius* 9. *obs.* 15 refert, quæ a multis annis pedem
unum graviter exulceratum, in altero fontanellam, gesserat, hujus
vero molestia defessa consolidari illam curaverat, hinc spirandi diffi-
cultatem, postmodum totius, ob humores stagnantes, tumores tan-
demque mortem perpeffa fuerat, reperto in ejus cadavere prope lie-
nem abscessu rupto. Cui simile, quod de alia quadam narrat *Scut-
tetus armam. chir. part.* 2. *obs.* 16, quæ cruribus suis, canceri in mamma
extirpandi causa, inustos fonticulos, postquam tumor ille resolutus,
& dum sibi sanissima videbatur, coalescere permittens, paulo post de
novo in altera mamma tumore conquerebatur, donec eo per ferrum

Circum-
stantiæ in
fonticuli
occlusionem
observan-
dæ.

remoto ambos fonticulos refricare passa fuerit. Sc. non facile con-
solidanda sunt ejusmodi ulcera in subjectis cachecticis, quæ multum
ichoris cum levamine affectus morborum profundunt, hic tamen non-
dum omnimode cesset: contra in purioribus corporibus & si sym-
ptomata, quibus avertendis fonticulus destinabatur, discussa, secure
magis hunc claudere licet, cum, si diutius maneat, pars ac totum ge-
nio & robore congruo defraudetur. Insuper & ante omnia per-
pendendum est naturæ robur, an gestationis tempore illa vegeta satis
extiterit, pro materia morbifica digerenda, aut an hæc aliam interim
quæsierit ac invenerit viam: quales circumstantiæ pariter consoli-
dationem ejus permittunt, ita tamen ut frequentiores catharses, fan-
guinis missiones cum aliis evacuationibus postmodum celebrentur
& fon-

& fonticulo succenturiuntur. Insinul vero etiam attendenda erit ætatis disparitas, cujus intuitu in infantibus fonticulus, qui v. g. epilepsiæ discutiendæ gratia inustus, si intra annum nihil hujus eos corripiat, sub congruo victus in nutrice & infante regimine, medicamentorum malo fomitem subtrahentium administratione ac generis nervosi roboratione, tuto consolidatur: in homine vegetioris ac consistentis ætatis, si symptomata evanescant, sensim imminuto globulo deleri potest hæc apertura; vel, quæ in capite aut nucha hætenus fluebat, commutari prius cum fonticulo in brachio aut crure, & hic demum post anni fluxum obserari: in senibus fontanella vix unquam secure supprimitur, iis potissimum, in quibus vigor vitalis deficit & ulcusculum copiosiore ichore manat; utpote qui cruditatibus digerendis minus sufficiunt, catarrhosis tamen ac cerebri symptomatis frequentius exponuntur.

Aliquando ab arctiore justo fasciæ constrictione fonticulus exarescit, ob vasorum nimiam compressionem; qualem siccitatis causam chirurgi haud semper observantes, frustraneis multis conatibus & ulcusculi irritationibus pristinum fluorem ipsi restituere contendunt, ac irritis etiam his mala ominantur instare: dum interim circumspectior relaxata fascia locum fonticuli compressum & omni carne fere destitutum deprehendens, illius constrictioni nimiae exsiccationem hanc inopinam in acceptis refert, & vinculo vel ad tempus omnimode remoto & per emplastrum tenax, ordinario superimpositum, hoc cum globulo firmato, vel laxius postmodum applicato, membro naturalem carnositatem & cum hac fontanellæ uberiorem humiditatem restituit.

Fonticulus
curali-
quando
exarescat?

Exarescen-
tiæ hujus
medela.

Quæ de Fonticuli prohibentibus, permittentibus similibusque recensita fuerunt, in Setacei administratione pariter locum habent: cum hoc non, nisi Fonticulus, incisione, aut potius perforatione, paratus, sit. Vesicatoria vero, tanquam temporaria tantum emissaria, hoc peculiare habent, ut in humores ac spiritus vim suam exerant, illos evacuando & revellendo, in hos ratione doloris & irritatarum in hac vel illa parte fibrarum sensibiliū, per quam spiritus torpidiores excitant ac in motus cient, imo eorum motus perversos, intra principium nervorum, horumq; unam vel alteram ramificationem, aver-

Vesicato-
ria quo-
modo a-
gans?

Agunt
quoque in
massam
sanguine-
am.

tendo retundunt ac corrigunt. Neque tamen adeo improbabile est, quod *Willisus* suspicatur, laticem serosum in parte erosa aculeos cantharidum (quæ vesicatoriorum solennior basis) imbibere secumque ad massam sanguineam vehere, a quibus hæc evidenter alteretur, corrigatur & volatilifetur: cui conjecturæ lucem eximiam præfert vel hoc potissimum, quod assumptæ non tantum, sed extrinsecus quoque admotæ, cantharides ardorem urinæ ac stranguriam moveant; quod sine penitiorum earum particularum salino-volatilium in sanguinem subingressu hujusque compagis dissolutione fieri haud poterat. Quibus accedit, quod *Panarolus pent. 4. obs. 2* annotavit, Medicum quendam imperitiorem, post phlebotomiam mane peractam, vesperi vesicantia brachiis applicuisse, unde media nocte, dum hæc vim suam aggredierentur vena secta reserata impetuolissima secuta fuerit hæmorrhagia, quæ agrum brevi e medio vivorum sustulerit: addo quod cantharidum incautior applicatio corporis habitum molestis puncturis undique vellicet ac caput ad vertiginem us-

In morbis
acutis præ-
fertur vesi-
catorium
fonticulo
&c.

que evidenter concutiat. Quæ dubitare haud concedunt; emissarium hoc præter lympham cutaneam serum ex toto educere, perinde ac Fonticulus & Seto: quibus, cum celerius & intra paucas horas activitatem suam exerat, & potentius revellat, ubi morbus nullas inducias concedit, merito præfertur.

In quibus
affectibus
profint ve-
sicatoria?

Qua varia in sanguinem & spiritus animales actione apprime prodesse observantur vesicatoria in febribus cujuscunque generis, intermittentibus pariter ac continuis, & harum quoque malignis valde, in partium quarumvis doloribus a feri decubitu, tumoribus serosis, cephalalgia, vertigine, affectibus soporosis & spasmodicis, defluxionibus catarrhalibus ad oculos, fauces & pulmones: & dolores fixi partium nervosarum crudelissimi, qui nullis aliis remediis evacuatoriis compesci poterant, per hæc brevi & radicitus extirpariprehenduntur. Dolori coxendicis & ischiadico sive cuivis arthritico quantum levaminis præstent, præter *Hildanum 6. obs. 98. Paræus l. 17. c. 18. & Scultet. arm. chir. part. 2. obs. 62. & 73* innuunt, ac confirmat quotidiana praxis; cui jungere e re erit ex *Severino chir. trimembr.* de dolore gallico in genu adolescentis cujusdam, contracturam cruris & incessus privationem minitante, quam cum illo remedium

dium hoc sustulerat: imo pestilentialibus bubonibus evocandis & solvendis multum conferre idem *Hildanus* l. a. *Ingraff.* de pest. part. 4. c. 28. *Diemerbroc.* de peste l. 3. c. 12. atque *Barbetti* de peste p. 28 perhibent, meminique in peste nostrate ultima vesicæ excitatæ & ruptæ applicatum emplastrum diachylum cum gummat. & cataplasma. emolliens, per cutem denudatam hujusque poros, pus non semel sub guttularum albicantium forma eduxisse. In affectibus capitis, vertigine v. g. epilepsia & symptomatis comatosis, eximiæ virtutis eadem observantur vesicatoria majora, vertici & sincipiti seu latiori capitis summitati applicata, prout quidem a *R. a Fonseca* 2. conf. 80. postmodum a *Riverio*, passim commendantur, ego non semel expertus fui, & confirmat exemplo singulari ex communicatione *Sponii Bonetus Mercur. compit.* p. 950 in quodam, cui sensus omnes subito intercepti, & multa alia in cassum fuerant exhibita, per ejusmodi magnum & majori capitis parti applicatum vesicatorium ad sensus atque loquelam eousque redierit, ut animæ & rei domesticæ consulere prius potuerit, antequam fatis cederet. Olim equidem ipsi parti dolenti aut quacunque defluxione laboranti vesicatoria, quasi plus attrahant & malum augeant, applicare ambigebant: quod tamen tuto, nisi inflammatio subsit, fieri posse, præter recensitos modo casus praxis quotidiana docet.

Sub hac modo prudentia, ne indifferenter & sine disquisitione in subjectorum constitutionem individualement omnibus admoveantur, cum non pari felicitate in omnibus operentur, ac nonnullis molestias non leves creent: quod, fateor, tamen vix a priore, sed a posteriore & per experientiam demum, dignoscimus. Nimirum penes quosdam textura vasorum urinariorum adeo tenera est, ut ab usu cantharidum mox in stranguriam, dysuriam & mictum cruentum conjiciantur, & inter hos potissimum calculosi: aliis a symptomatis his immunibus & activitatem illarum commode ferentibus: de quo si constet, sane delicatulis illis ac calculosis haud facile, hoc est non, nisi pro majore malo, v. g. febre, affectu soporoso, avertendo, & sub exiliore cantharidum dosi, his liberius & liberalius, concedi debent. Præter quod hominum genus, in quo remedium hoc evacuatorium non sine molestia exquisita agit, annotante *Willisio*, adhuc

Non in omnibus tamen subiectis.

In quibusdam parcius, in aliis obser-

copiosius,
evacuat.

observantur, in quibus illud aut parcius, aut copiosius, justo movet. Prius frequentius experiuntur biliosi, & qui feri parum, multum salis acrioris, in sanguine gerunt: quorum cutem quidem illud insigniter & ad inflammationem usque rubificat & excoriat, ulcuscula tamen hinc facta, etsi valde crucient, ichoris tantillum, aut nihil, profundunt, dum interim atrociori stranguria, ad micturitionem, cruentam usque, vexantur ejus vim perpeffi. Sine dubio, quod serum, particulis cantharidum acrioribus diluendis & abstergendis alias commodum, in loco rubificato deficiat, illa interim cutem profundius & sanguinem uberius penetrantes & corrumpentes, ejus circuitum conturbando stagnationes faciant: serum vero parcius dum virulentiam & acrimoniam medicamenti minus diluit seu temperat, acrius redditum vesicam molestius vellicat atque erodit. Contra quibusdam, etsi paucioribus, evenit, ut vesicæ a medicamento elevata ac aperta illico serum in majore copia dimittant, ut, nisi virium evanescentiæ seu exsolutioni connivere malimus, topica repellentia ac cicatrisantia applicare cogamur; nec hæc tamen paria semper fontibus his occludendis deprehendantur. Qualia si innotescant, aut nos eorum admoneamur, deinceps a cantharidum usu, quantumvis necessario, abstinere rationi consonum videtur.

Præmit-
tenda ca-
tharisis &
venæse-
ctio.

Porro etiam hic advertenda cautela, quam circa fonticuli administrationem, insinuavi, ne, nisi universalibus aliis præmissis, Venæsectione ac Catharsi potissimum, remedium hoc admoveatur, ne ad locum vesicatum seu sinapifatum impetuosius ruant ex toto humores: quale in quodam, qui tumore genu pituitoso laborabat, ab incautius & intempestive applicato Vesicatorio contigisse, *Hildanus* l. a. commemorat. Neque in quantitate Cantharidum temere excedendum, sed massæ excipienti, sive pro emplastro, sive cataplasmate, formando, parum tantum earum, v. g. drachma dimidia vel integra, hujus unciis duabus circiter, admiscendo: etiam huic dosi tantum subtrahendo, quantum cæterorum rubefacientium, v. g. euphorbii, seminis Ammii &c. accesserit. Demum in occludendis his emissariis minus festinandum, i. e. permittantur, donec vel sponte ocallefiant, vel symptomata penitus evanuisse constet, aut, si de recrudescentiæ eorum aliquis adhuc metus sit, commodis emplastris, v. g. albo

Canthari-
dum quan-
titas.

Quando
vesica ex-
citata oc-
cludenda?

DE FONTICULIS, SETACEIS ET VESICATORIIS. 319
albo cocto, de meliloto, aliquando hoc cum tantillo pulvere cantharidum acuando, fluxus horum diutius conservandus erit: cum experientia testetur, per ulcuscula vesicatorii, quæ primis diebus modico tantum ichore manabant, naturam postmodum, critico quasi motu, ingentem ejus colluviem, per multos dies, ejicere, cui conatui salutaris resistere periculosum est, & graviter recidivant, qui tale quid concedunt. Quod exemplo medici cujusdam illustrat *Willisius*, qui a febre maligna ægre convalescens, cum in diversis corporis locis vesicas apertas, ichorem copiosissimum exsudantes, haberet, paulo post, harum pertæsus, potentioribus repellentibus earum fluxum represserat: post biduum vero recidivam cum pulsu debili, crebris deliquiis, ac sudore frigido tandemque mortem inopinam, experiebatur.

CAPUT XVI.

De

Evacuationibus Particularibus.

AN omnes evacuationes medicæ, quæ ad classẽ hanc communiter referuntur, particularium nomen pari jure mereantur, dubitare forsan licet: dum apophlegmatismi, sternutatoria & expectorantia non ex capite & pectore tantum, sed ex remotioribus quoque corporis recessibus, humores peccantes educere videntur: adeoque medicus per ea quoque naturam imitatur, v. g. sternutationem & expectorationem excitando, quatenus & hæc per coryzam aut tussim lympham stagnantem aut quocumq; modo pravam, ex toto eliminat. Sc. originem traxit illud dogma ex hypothesi, quasi ex capite deriventur humores, sternutatoriis & apophlegmaticis educendi: & intra pulmonum vesiculas congestus tantum mucus tussi rejiciatur: quam nihilominus non quadrare, sana ratio dicitur. Nisi forsan dicere placeat de expectoratione, evacuare hanc mucositatem ad pulmones magis, quam ad alia organa, vergentem, & per consequens particulariter magis: Sternutamenta serum, quod per lacinias tubulosas ossis cribriformis ad nares tendit, ac in tunica harum glandulosa discernitur: sicut deniq; apophlegmatismos illud, quod ad glandulas buccarum & faucium deponitur.

Quam
congrue
evacuatio-
nes parti-
culares ta-
les dicantur?

Ast,

Sunt communes & propriæ.

Discussio ut fiat?

At, quicquid hujus sit, dividamus primo has evacuationes in insensibiles seu apparenter tales, & pluribus membris communes; ac organis his vel illis excretoriis proprias. Prioris generis unica est, discussio sc. seu Resolutio, per quam humores in membris externis variis stagnantes non tam, ut vulgo tradunt, per habitum & poros partium externos, sub transpirationis seu exhalationis specie, educuntur, quam, ut a vasis congruis resorbeantur, ad canalem sanguinis redeant, disponuntur: Scilicet per modum attenuationis & pristinae fluxibilitatis restitutionis, simulque partium fibrosarum roborationis. Quippe tumores ingentes satis, & quorum causam conjunctam vel plane non, vel non adeo commode, sanguinem nempe ac serum, in vaporem resolvere licebat, sine sensibili nihilominus partis tumida madore, brevi satis dissipari seu discuti observamus: atque hoc quidem, si critici illi extiterint, aut aliquid malignitatis iis sublit, v. g. arthritici, pestilentiales, cum molestia & periculo sanitatis & vitæ; resorpta sc. & redeunte ad massam sanguineam materia peccante, hætenus secreta & ad partem tumidam deposita.

Quibus morbis quadret?

Atque hanc quidem insensibilem evacuationem, metastasin potius ad intra dicendam, pauciores tantum admittunt affectus, utpote lentam valde, & quæ ideo morbo, a majore humorum exuperantia dependenti, haud proportionata existit, v. g. asciti, quem ejusmodi resolventia minime tollunt, solvunt tamen hydrocelen. Imo, nisi per evacuationes universales humorum abundantia aliquatenus imminuta fuerit, metuendum, ne laxatis per discutientia mera meatibus, plus cumulentur illi. Instrumenta huic scopo ministrantia, præter frictiones & fomentationes actu calidas, sunt topica aromatica & salina, spissitudinem humorum p. n. quæ incidendo corrigunt, hinc stagnationem eorum solvunt, simul tamen fibris nerveis robur & contranitentiam imprimunt. Quorum intuitu evidens redditur, cur in principio potius tumoris, i. e. ubi humor stagnans fluiditate aliqua adhuc pollet, & fibræ per minorem ejus congestum adhuc minus extensæ, quam in incremento & statu, discussionem moliamur & felicius præstemus: ratio etiam comparet, cur in eodem primo affectus principio vel sola, loco discutientium, repellentia, vel his commixta, admoveamus, quæ nimirum fibras tensiles contra impulsu

Instrumenta resolventia seu discutientia.

Cur in principio potius morbi discussioni locus?

Cur in principio repellentia

pulsum humorum minus proportionatum firment, seu, ut *Sanctorius* simul com-
art. parv. c. 95 ait, quæ per quandam e parte expressiorem discusso-
 nem juvent. Demum per hanc resolventium ætiologiam trito illi
 asserto *Mercati* aliorumque contradicere licet, qui topicis discusso-
 riis ceram aliaque emplastica admiscere verentur, eosque, qui ita
 agunt, plurimum errare & fucata ratione deceptos ajunt. Quippe
 quod illi supponunt, resolutionis negotium non per cutis poros fit,
 sed per modum quandam repulsionis ad vasa: neque resinæ gumma-
 ta, similiaque emplastica & glutinosa emplastrorum diaphoretico-
 rum ac resolventium efficaciam præpediunt, modo hæc tempestive
 applicentur, quin potius eam suffulciant, fibras intra series suas con-
 tinendo ac constringendo, eorum pleraque, v. g. terebinthina, gum-
 mi ammoniacum, galbanum & similia, v. g. in Emplastro Diachylo
 cum gummati, Diaphoretico Mynsichti ac Zwelferi.

Quæ sensibilibus magis evacuant, horum alia Capiti dicuntur *Ex certis*
 destinata, alia Thoraci, alia Ventriculo, alia Intestinis, alia Vesicæ, *partibus &*
 alia Utero, alia Cavitatibus corporis naturalibus quibusvis, alia Tu- *sensibilibus*
 moribus atque Abscessibus, materia præternaturali turgidis: & qui- *magis eva-*
 dem modo per vias naturales, sc. palatum, os, nares &c. modo per *quantia.*
 arte paratas v. g. per Trepanationem, Paracentesin, Lithotomi-
 am, &c.

E capite materiam peccantem educunt, aut ejus ad caput af-
 fluxum intercipiunt, evacuantia per nares ac palatum seu fauces.
 Quæ per nares operantur, duplicis itidem generis sunt, Errhina nem- *Errhina &*
 pe sine sternutatione, & Ptarmica seu Sternutatoria cum vehementio- *sternuta-*
 re & expiratoria corporis concussione, quæ movent: utraque Caput- *toria.*
 purgia appellata: videlicet ex vegetabilibus aromaticis blandiora,
 æque ac acriora, seu cephalica pleraque, v. g. Betonica, Majorana,
 Pulegium, Beta, Origanum, Nicotiana, flores Liliorum Conval-
 lium, radix Ireos, Pyrethri, Zingiber, Piper, semen Nigrellæ, Eu-
 phorbium ac purgantium pleraque, v. g. Gialappa, Colocynthis,
 Agaricus, Helleborus albus & niger, Suffitus mastichis succini; ex
 mineralibus v. g. Vitriolum, Sal Ammoniacum, Mercurius sublima-
 tus & præcipitatus, in specie luteus, item Salia volatilia, & ex his
 composita diversa, v. g. species dianthos, diamajoranæ, diatabaci

Sternuta-
toria &
errhina
quomodo
differant?

Myns. &c. Ita tamen, ut disparitas, quæ ptarmica & errhina intercedit, non, ut communiter augurantur, eveniat a spiculorum, quibus medicamina hæc gaudent, validiore, minusve valida, penetratione, cum salia volatilia, ex consensu omnium, penetrantiora, capiti æque ac narium tunica profundius se insinuent, quam cætera, quemadmodum in alcohol redacta aut liquorosa præ illis, quæ sub pulveris crassioris forma naribus attrahuntur: illa tamen sine sternutatione, hæc cum vehemente corporis concussione expiratoria, operantur. Qualem quoque concitat simplicior & acrimoniæ seu volatilitatis penetrativæ expers pulvis arenaceus in atmosphæram elevatus, radii solares, in nares potentius vibratæ, iisdem intrusus calamus, si hujus extremitate asperiore earum tunica interior leviter fricetur, pilorum iis innatorum vulsura & aëris afflatus impetuosior. Unde probabile fit, illam diversitatem potius a rudiore & subtiliore eorundem caputpurgiorum textura dependere: quorum illa quæ gaudent, quia ad meatulos interiores non facile admittuntur, violentius vellicant, hinc renitentiam majorem experiuntur, quæ in sternutationem abit; hæc per subtilitatem exquisitam magis intimius ac sine tanto renisu admittuntur, imò a fero obvio aliquatenus diluuntur ac temperantur, hinc lenius in tunicam narium & lacinias duræ matris, ad eas extensas, agunt.

An ptarmica in cerebro evacuentur?

Utrorumque administrationem postulat humor quivis præternaturalis circa *εγκεφάλῳ* hærens, & narium cavernis atque tunica impactus, quem utrinque emungunt. Et quamvis modernos nonnullos dubitare constet, an ptarmicorum vis ultra nares & ad capitis interiora se exerat atq; exinde aliquid recrementitii emulgeat? quod tamen viam per os cribrosum patulam magis reddat natura, ad minimum, ubi morbificam excernere satagit materiam, hinc in auxilium sui sternutamentorum irritamenta admittat, ejusmodi historiæ innuunt, quibus serum, cruorem extravasatum, pus, similemve colluviem, quæ cephalicorum symptomatum causa conjuncta hætenus extiterant, per nares emuncta legimus, v. g. penes *Tulpium* 1. obs. 32. *Willisum anat. cerebr. c. 22.* & *Decker. in Barb. prax. l. 1. c. 4.* & quotidie observare contingit. Hinc evacuatio hæc maxime valet non tantum in coryza, ubi tunica narium serositate catarrhali turget, sed

Quibus affectibus

in

in Epilepsia quoque, Apoplexia & aliis affectibus soporosis, a causa ^{medeatur} positiva, item in Cephalalgia, Vertigine, Olfactu læso, Auditus diffi- ^{hæc eva-} cultate ac Aurium Tinnitu, in morbis Oculorum, sine inflammatio- ^{cuatio?} ne evenientibus, præprimis per errhina, juxta Hippocr. de Loc. in hom. t. 21. Sybatic. cent. 2. consult. 7. & 12. Zacut. Lus. pr. hist. l. 1. c. 13. River. 2. prax. c. 1. & Act. Hafn. vol. 2. c. 102. contradicente quamvis Hollerio aliisque, ac tandem in catarrho ad pectus, annotante Quercetano Pharm. dogmat. restit. c. 18.

Quorum posterius rationi non minus, ac experientiæ, conso- ^{Quomodo} num deprehenditur, postquam sternutationem genus quoddam vio- ^{agat in ca-} lentioris & coactæ expirationis esse, & intra pulmones congestum se- ^{tarrho ad} rum pituitosum eorum constrictione & succussione commoveri & ^{pectus?} expectorari constat: adeo ut inter sternutandum non raro mucus ex pectore per fauces ac e narium tubulis simul excernatur. Et hujus intuitu fit, quod gutturi seu laryngi ab extra illapsa, non, ut communiter ajunt, per assumpta acida, seu quævis ad tussim irritantia, (quo etiam Paræum inclinare observo, dum hæc sternutatoriis in ejusmodi casu combinat) sed per sternutamenta sola potius, feliciter rejiciantur; quod contra vulgarem praxin advertit Hildanus 1. obs. 36. Acida siquidem similiaque ad tussendum stimulantia non agunt, quin tracheam hujusque tubulos simul constringant, per consequens ejusmodi corporum heterogeneorum exclusionem aliquatenus impediant: quale quid sub expiratione violentiore sternutatione haud contingit, sed aperta magis relinquitur illa in hoc motu, saltem ratione Laryngis, ut quilibet in se facile deprehendet; imo, quia ejusmodi improvide ad pulmones demissa invitos ad tussim crebriorem stimulant, Liquiritia, Sirupo Violarum similive eam lenire ac cohibere præstat.

De cœtero Sternutatoria quoque remedio sunt in foetu ac se- ^{Valentin} cundinis excutiendis, item in singultu compescendo, annotante Hip- ^{foetu ac se-} pocrate 5. aph. 35. & 49. & 6. aph. 13. Amato Lusit. 5. curat. 34. & Harvæo ^{cundina} de partu: quemadmodum pariter locum habent, ubi spiritus anima- ^{pellenda,} les torpidiores excitandi, v. g. in apoplectico & epileptico paroxys- ^{& in affe-} mo: adeo quidem ut, si illa corpus non concutiant, rem conclama- ^{sibus so-} tam esse & animam sensitivam tantum non deficere, indicio sit.

Præcedant
has evacu-
ationes u-
niversales
magis.

Non exhi-
beantur,
ubi pituita
viscidior
& sangui-
nis stagna-
tio.

Nec ubi
sanguinis
excretio
metuenda.

Ut permittentia nihilominus ac prohibentia in Sternutatorio-
rum usu adhuc observandæ erunt sequentes cautelæ. Ne facile ster-
nutatoria & errhina concedantur, sc. in casibus tantum necessitatis
modo indigitatis, nisi universalibus administratis, i. e. imminuta per
hæc causa antecedente, si non conjuncta: proin nec in coryzæ alio-
rumque catarrhorum principio, sed statu ac declinatione demum:
nec in specie sternutatoria, ubi pituita viscida admodum aut sangui-
nis abundantia & stagnatio subest, v. g. aliquando in Apoplexia:
multo minus, ubi vasorum ruptura metuenda v. g. in hæmoptoicis:
qualia neque locum habent in narium erosionibus atque ulceribus,
aut si hæ frequentius sanguinem stillent, ubi errhinorum quoque
usus non omni suspicione caret; cum non tantum per acrimoniam
medicamentorum, sed per humiditates quoque copiosius adductas,
illa mala graviora reddantur, nisi forsan pro his mundificandis & re-

Cavendum
a sternuta-
mentis in
infantibus.

Quomodo
& quando
admini-
stranda in
epilepticis.

Nunquam
vertigino-
sis.

Nec gravi-
dis.

Nec her-
niosi.

Nec facile
in dolori-
bus.

crementis removendis desiderentur. Cavendum quoque erit a
sternutamentis in infantibus, quorum cerebra molliora ac fluidiora
adhuc ab illis facile in epilepsiam conjiciuntur; cum in adultioribus
& quibusvis sternutatio parva epilepsia vocitetur: adeo quidem ut,
quamvis pro epilepticis e torpore suscitandis, commendaverim ster-
nutatoria, sc. quo discutiatur causa conjuncta cerebro adhuc inhæ-
rens, cautius tamen cum illis agendum erit ante paroxysmum, &
quadrant tantum errhina, ne debilius cerebrum hinc concussum,
epilepsiam experiatur. Ast vertiginosis nunquam admovenda ster-
nutatoria; semper tantum errhina: quod asserendum etiam de
gravidis, ob abortum a motu hoc metuendum; de iis, quibus men-
strua & lochia nimis fluunt, item de herniosis, aut qualiumcunque
partium luxationes, fracturas ac vulnera insigniora, capitis inprimis
ac thoracis, sustinentibus. Porro circumspectius his erit utendum
in dolore capitis, nephritico, pleuritico similibusque affectibus do-
lorificis, sicut in phthisi ex ulcere pulmonum, ob eandem corporis
exagitationem, his magis dolorificam & detrimentosam: quemad-
modum pariter moderamine generali opus est in sternutamentorum
administratione, ne frequentiora cerebrum ac nervos hujus vicinos,
una cum naribus, oculis & auribus, organis exacte sensibilibus, ni-
mis & crebrius commovendo, majoribus malis occasionem præ-
stent,

stent, v. g. capitis dolori ac cœcitati, tinnitui aurium, fluori narium diuturno cum olfactus sublatione ac tandem ipsa morte, qualia *Hil-danus cent. 1. obs. 24. § 4. obs. 12. § 13* recenset.

Temporis sternutamentis utendi nullus habendus selectus, si necessitas urgeat, modo indicantium & permittentium robur prohibentia antecellat: alias vero matutinum, & ubi venter vacuus quam optimum deprehenditur, ne abdomen ab alimentis tensum metum rupturæ sub concussione hac violentiore incutiat. De cœtero in loco calido utrumque Caputpurgiorum genus, utpote a cujus atmosphæra humores fluxiles magis evadunt, adhibeatur, a lenioribus semper inchoando, adeoque errhina, si affectus ferat, ptarmicis præmittendo. Liquidis qui utuntur errhinis, v. g. solutione Vitrioli albi, os interim aqua vel simili liquore blando repletum teneant; ne illa attracta per Palatum ad Laryngem convertantur & tussim concitent.

Tempus & locus hæc admini-
strandi.

A lenioribus & errhinis inchoandum.

Quæ per Palatum, aut salivales potius ductus, evacuant, ore detenta ac volutata, rationi effectus, Apophlegmatismi, ab utendi modo, masticatoria, audiunt: habentque cum salivantibus κατ' ἐξοχήν sic dictis hoc commune, ut per ptyalissimum seu salivæ frequentiore ac copiosiore expuitionem evacuent, vel salivam copiosius moveant; ita tamen ut hæc in glandulas oris & serum ad eas confluens tantum agant, salivantia in serum totius vim suam exerant hocque per os excerni faciant. Eorum usus præsternutatoriis blandior & securior est, in humorum serosorum & pituitosorum abundantia imminuenda, caput inprimis hujusque partes petente, v. g. in catarrhis, hebetudine oculorum & auditus, linguæ paralyti, vertigine, affectibus soporosis, dolore dentium. Quamvis pro alterando quoque scopo non raro eadem adhibeantur, v. g. dentibus & gingivis mundificandis ac firmandis, oris foetore ac aëre, quem inspirando haurimus, si malignitate suspectus fuerit, corrigendo: quod tamen felicius præstabunt ejusmodi sublingualia, si sub eorum usu ad os commotam salivam non deglutiamus, sed expuamus potius, utpote cujus visciditati miasmata maligna & pestilentialia facile implicari, probabile valde est. Adeo, ut olim, ubi nupera pestis Germaniam nostram affligebat, Scriptor quidam *Dobrozensky* in tractatu, quem

Apophlegmatismi.

Blandius evacuant sternutatoriis.

Etiā alterando agunt.

Præservatorium pestis.

præservatorium naturale universale aiebat, optimam a pestis contagio præservandi rationem asseruerit, salivam non deglutire, sed frequentius expuere, ne venenum ipsi involutum ad ventriculum dimitatur.

Quæ per
palatum
evacuant?

Et quomo-
do.

Juvat co-
rum ope-
rationem
masticatio.

Concitant Ptyalismum hunc particularem aromatica & acria quævis, v. g. Semen Nigellæ, Coriandri, Erucae, Sinapi, Staphidis agriæ, Cubebæ, Cardamomum, Piper, Zingiber, Caryophylli, Radix Pyretri, Acori, Herba Salviæ, Rorismarini, Nicotiana, Anacardium, Myrrha, Mastiche, Nitrum &c. : quatenus per particulas suas salinas aut salino-sulphureas ac penetrantes serum salivale solvunt, una vero meatulos excretorios glandularum stomaticarum dilatant, quo illud per hos copiosius rejiciatur. Juvat hanc operationem masticatio, seu motus musculorum Maxillæ & Linguae varius, per quem glandulæ illis sub- & adjacentes comprimuntur & saliva hinc exprimitur: adeo quidem, ut potentius semper in hoc negotio agere deprehendamus masticata, quam quiete in ore detenta. Imo, quantum motus oris salivæ affluxum intendat, a loquela experimur, qua salivam in majore quantitate ad illud eructatur & expuitur. Et ex doctrina physiologica suppono, masticationem præter alimentorum comminutionem etiam salivæ commiscelam his præstare; quod quidem fit, non tantum illa cum hac subigendo, sed salivam quoque iis plenius affundendo seu adspargendo. Sicut, quæ ad consilium *Sanctorii* pro fallenda seu imminuenda siti, globulorum crystallinorum, corallinorum similiumque volutatio commendatur, non, ut communis fert traditio, per frigus actuale & interiora refrigerando hoc agit, sed quod motu hoc agitationis salivam humectantem ori copiosius affundat.

Prohiben-
tia hanc
evacuatio-
nem.

Caute nihilominus Apophlegmatismi usurpandi, nedum omnimode vitandi, sunt in erosione faucium & catarrhosis defluxionibus tenuioribus, ubi lenientibus & incrassantibus potius, neutiquam ejusmodi acrioribus, opus. Nec illis quadrant, qui pulmonum affectibus expositi, quod salivam acriorem & fluxilem magis reddant, aut ad minimum stimulando laryngis glandulas, ut illa ad partes has impetuosius feratur, hinc tussim frequentioremoveat, faciant. Illud tamen haud metuendum, ut communiter fit, quasi per

per apophlegmatismos ac ptarmica liberalius ad os commotum ferum per asperam arteriam ad pulmones & per gulam ad ventriculum, cum viscerum horum detrimento, depluat: ad pulmones enim idem, sine titillatione Laryngis & Tracheæ molestissima ferri haud poterat, nec quæ per oesophagum ad ventriculum descendunt sine motibus determinatis muscutorum Pharyngis demitti valent; quibus utrisque sreatus & expuitio obicem ponit. Tempus eos usurpandi similesque circumstantias in administratione eorum observandas petere ac seligere licet ex iis, quæ de ptarmicis fuerunt monita.

Thoraci seu pulmonibus evacuandis ministrantur thoracia seu *Βρυχια*, bechica, hoc est, quæ excretionem humorum ad vesiculas pulmonum & cannulas tracheæ vergentium, facilitant, hinc arteriaca quoque & evacuatio ipsa anacatharsis, audiunt. Quam nihominus expectorationem, alias naturalem, quia impedit modo humoris tenuitas, utpote quæ aëris sub expiratione elevati vim eludit, ita, ut in materia fluxili nimis nullam renitentiam offendant, hinc ab illo non eleveatur; modo ejus lentor & visciditas nimia, per quam adeo tenaciter membranulis & tubulis pulmonum ac asperæ arteriæ adhærescit, ut ab aëre postico loco moveri & propelli nequeat, quod utrumque cruditatem materiæ, tussicula expectorandæ, dicere licebit: Illi incrassantia seu attemperantia quadrant, i. e. quæ præter vim abstergendi blandiorem textura gaudent mucilaginosâ, adstrictoria & sedativa, per quam ejus acrimoniam mitigent, spissitudinem aliquam eidem concilient, stimulum vero & irritationem pulmonum demulceant; huic vero incidentia & resolventia appropriata deprehenduntur, κατ' ἐξοχήν expectorantia appellata.

Thoracica
evacuanti-
a.

Non sunt
unius ge-
neris.

Hinc non
omnia om-
nibus
quadrant.

Per mucilaginositatem suam sero fluidiori & acri spissitudinem æque ad expectorationem congruam conciliant ac acrimoniam temperant Gummi Arabicum, Fragacanthum, Gelatina Cornu Cervi, rad. Althææ, herba Costæ, Symphyti, femina Bombacis, Cydoniorum, frigida majora & minora, Jujubæ, Amygdalæ, Pineæ, Pistacia &c. Per texturam terream & adstrictoriam idem condensant & laxatas pulmonum cellulas aliquatenus constringunt & firmant, quo validius se contrahendo rejicienda commode propellant; Portulaca, Rosæ

Quæ in-
crassando
agant?

Quæ visci-
dum sol-
vendo ex-
pecto-
rant?

Medio
modo quæ
se habe-
ant?

Diaphore-
tica etiam
expecto-
rantium
nomen
merentur.
Acida
quomodo
propinan-
da?

Rosæ rubræ, mala Cydonia, Terra sigillata, Bolus armena, saccharum Saturni: Quemadmodum demum hypnotica seu narcotica incras-
sare dicuntur, forsan non, quod in humorem peccantem, sed in fi-
bras potius partium dictarum sensiles agant, hinc stimulum, ab ejus
vellicatione impressum, obtundent, adeoque tussim frequentiore
cohibeant, donec sub quiete & mora aliquali materia peccans, tam a
colore partis, quam aëre inspirato spissitudinem adæquatam susci-
piat, v. g. Papaverina & Opiata, Theriaca, Massa Pilul. de Cynoglos-
sa, de Stryace, Narcoticæ Plateri; Sirupus Pap. albi & erratici, dia-
cordium M. &c. Visciditatem autem solvunt, quæ acrimonia quadam
ac textura salino-sulphurea gaudent, sc. radix Raphani, Ari, Aristo-
lochiæ, Ireos Fl. Angelicæ, Levistici, Helenii, Herba Hyssopi, Sal-
viæ, Chærefolii, Erysimi, Veronicæ, Tussilaginis, Nicotianæ, Semen
Anisi, fœniculi, Crocus, Gummi Ammoniacum, Benzoe, flores sul-
phuris, Spiritus Salis Armoniaci simplex ac anisatus & succinatus, aci-
da temperiora, v. g. Sp. Viridis æris & cum gummi Ammoniaco
compositus. Acetum simplex & squillitium, Oxymel squilliticum
&c. Medio modo se habere videntur dulcia, dum lentore suo acri-
moniam inviscant, per particulas tamen aculeatas, quas vel saccha-
rum & mel sibi proprias, vel ab additamentis vegetabilium expecto-
rantium intertextas, gerunt, quoque attenuant: videlicet radix Li-
quiritiæ, Polypodii, Rapæ exsiccata, Caricæ, Passulæ, Manna & Siru-
pi cum Conservis, Electuariis ac Lohoh pectoralibus variis.

Saltem ratione expectorantium acriorum adhuc monendum,
quod, quemadmodum resolvendo potissimum agunt in humores
glutinosos non tantum, qui pulmonum cavernis ac tubulis actu in-
hærent, sed in illos quoque, qui intra vasa appropriata adhuc flu-
tuant: sic resolventia cuncta seu diaphoretica expectorantium no-
men effective mereantur, ut in pleuritide, peripnevmonia & quibus-
vis sanguinis & feri spissioris circa partes pnevmonicas stagnationi-
bus experimur, expectorationem hactenus difficilem etiam cum su-
doris excretionem, facilitantia. De acidis vero, v. g. aceto, Spiritu
sulphuris &c. notetur, ne, dum pro pituita viscida resolvenda propi-
nantur, pura seu sincera, sed vel dulcibus & saccharatis tempera-
ta, vel multo vehiculo aqueo diluta, in usum trahantur: metuendum
quippe,

quippe, ne pulmones acrimonia sua ad tussendum nimis irritent, si-
que plus noceant quam prosint.

Neque omni ratione destituitur cautela *Capivaccii*, quam *prax.*
2. cap. 3 inculcat, quaque usum lambitivorum, sine tussi vix expecto-
rantium, ante evacuationes universales, sanguinis inprimis missio- Premittenda expectorantibus evacuationes universales.
nem & catharsin, damnat: quasi commotis vehementius per tussim
thorace ac pulmonibus major materiæ peccantis quantitas ex toto
ad partes has alliciatur, per vias autem has angustiores & ejus mo-
li haud proportionatas sufficienter rejici nequeat, hinc pulmones ad
suffocationem usque aliquando gravet; quod experientia quotidia-
na edocemur: concurrente inprimis vesicularum pulmonalium te-
neritudine, per quam tonus earum, ex uberiore excrementorum
congestionem, facile laxatur, æque ad expellendum inhabiles eva-
dunt, aliquando etiam earum latera subtilissima rumpuntur.

Vomitu quoque thoracem & pulmones a recrementis suis li- Quomodo vomitoria expectorationem præstent?
berari, modo hi non aliqua continui solutione laborent, post *Plate-*
rum pr. tom. 1. p. 388. Sennertum pr. l. 2. part. 2. cap. 5. Riverium pr. l. 7.
c. 1. Horstium 3. obs. 3. & cent. problem. dec. 4. quest. 9. Poterium 2. cur. 16.
ac 46. atque Hartmannum prax. p. 133. Walæus meth. med. p. 56. ac Syl-
vius pr. l. 1. c. 22. & 24 asserunt, ex diversis quamvis hypothesibus, ex-
perientia tamen suffragante, promoveri circa pulmones stagnantium
per arteriam asperam expulsionem: forsan quod organorum ho-
rum concussione illa agitentur & quasi compressione quadam ad ca-
vernulas pulmonum excretorias trajiciantur; aut admittendum sal-
tem hoc est, juxta *Sylvii* monitum l. a. *ne quis temere carpat, cujus ra-*
tionem ignorat. Illi interim non adeo inepte agunt, qui expectoranti-
bus aliquid emetici admiscent, illorum vim per hoc validiorem red-
dentes, v. g. *Freitag. auror. med. c. 20*, qui linctui ex passulis, liquiri-
ria &c. parato tantillum vini malvatici helleborati addit: & Sirupus
de Nicotiana, quia in tenerioribus subjectis facile ad vomitum co-
git, bechicum insigne deprehenditur.

Ventriculum evacuant vomitoria, de quorum administratione Vomitoria ventricu- lum com- modius evacuant
superius dictum: & quamvis idem præstent alvum subducentia, vix
tamen semper ab iisdem cruditates ventriculi adeo prompte elimi-
nantur, quin assumpta minus digesta non raro, post irritum unius

quam pur-
gantia.
Sc. mitio-
ra.

alteriusve purgantis usum vomitu rejiciantur, interim febres toti & molestias ventriculo satis graves, inducentia. Locum hic habent eorum leniora, v. g. juscula tepida ac pinguiora, qualia ventriculum aliquando commodius præ aliis evacuare, novi, Hydromel, Raphani succus & Vitriolum: de quorum posteriore tamen observavi illud, frustra aliquando propinatis antimonialibus, ad magnam satis dosin, v. g. in hypochondriacis, demum anacatharsin movere, adeoque illis plus præstare. Idem agunt, i. e. stomachum tantum evacuant, emeticorum quoque potentiora, in minore dosi, aut per se, aut cum granis quobus vel tribus Auri fulminantis, propinata.

aut poten-
tiora in
minore
dosi.

Intestina
evacuant
leniora.

Et quidem
vel ore as-
sumpta,
vel ano in-
jecta.

Intestinis vero subducendis sufficiunt cathartica leniora; laxantia & lenientia alias appellata: & quidem modo ore hausta, modo sub Clysteris forma ano injecta, aut per suppositorium eidem intrusa. Quæ ore assumuntur, totum intestinorum tubum detergunt, & magis necessaria, si eorum tenuiora evacuationem postulent: enemata autem ac glandes ex inferioribus seu crassis tantum materiam peccantem educunt, nisi quantum superiora simul in consensum rapiunt, sive hoc præstent stimulos eorum tantum, sive ipsum humorem laceßentem simul, ad inferiora convertendo. Praxi enim quotidiana edocemur, ventriculi affectus varios v. g. singultum, ex hujus consensu, cardialgiam, vomitus, per clysteres compesci, utut fastidium ejus haud conscendant: quinimo emeticorum violentiam nimiam efficaciter retundunt, ut superius monui.

De purgantibus per inferiora pariter jamdum dictum, seligantur saltem ex his mitiora, aut in minori exhibeantur dosi: minime vero huc referenda, quæ de cruditate & coctione humorum similibusque prohibentibus ac permittentibus, item ratione temporis, ibi fuerunt notata; cum intestinorum contentis præternaturalibus, tanquam indicanti genuino, indicati remedium, i. e. alvum subducens, mox quadret, nullumque unquam facile ex hujus applicatione damnum eveniat, nisi forsân in his, qui sensibilibioris ac fluidioris alvi, quibus etiam lenissima præjudicio sunt, præprimis, ubi de malignitate suspicio emergit. Clysteres autem quod spectat, licet horum

Clysterum
usus secun-
darii.

usus secundarii diversi observentur, v. g. in affectibus soporosis, dolore nephritico, suppressis mensibus &c. imo quamvis primarius interdum

terdum quoque lymphæ intestinalis acrioris contemperatio, ulcerum intestinalium mundificatio atque consolidatio ac fluidioris alvi adstrictio sit: frequentius tamen enemata injiciuntur, pro scybalis intestinorum naturalibus ac præternaturalibus educendis, flatibus discutientiis, lumbricis enecandis atque exturbandis.

Cautos nihilominus nos in applicandis enematis esse jubent ^{Prohiben-} primo febres malignæ cum efflorescentiis, exantematis & abscessi- ^{tia clyste-} bus criticis evenientes; inprimis in subjectis hystericis ac hypo- ^{rem.} chondriacis, quorum sanguis hinc facile exæstuat, febrilia symptomata intenduntur & motus naturæ turbatur. Deinde hæmorrhoides quoque non raro eorum usum dissuadent, vel quatenus cæcarum dolorem intendunt, vel fluentes in fluorem nimium cient. Accensent his tertio Herniam intestinalem, siue intestinum fuerit re- ^{An her-} positum, siue adhuc in loco p. n. hæreat: in priore enim casu me- ^{niosis qua-} tuendum fore, ne hoc, clystere turgescens, per peritonæi apertu- ^{drent cly-} ram denuo prorumpat; in posteriore vero, ne elapsi portionem in- ^{steres?} grediatur clyster, hinc tumorem, dolorem cæteraque symptomata, intendat ac repositionem moretur. *Hildanus* equidem 6. obs. 73 distinctione inter herniam recentem, seu quæ adhuc est in fieri, & ubi symptomata adhuc mitiora; & inter inveteratam, ubi intestinum diutius extra locum naturalem commoratum fuit, ita ut durities, tensio scroti, dolor, anxietates, vomitus aliaque pessima ægrum torqueant, difficultatem solvere contendit: quasi in hac, non in illa, enema conveniat, nihilque ab hoc metuendum. Ast vix apparet, quid emollitionis, discussionis ac mitigationis præstare queat, si locum affectum in hoc extremitatis casu, ex sententia *Hildani*, non penetret seu subeat clyisma; neque forsân aliquid boni malive ominari licet de clysterum in ejusmodi casibus usu, cum Ileum præ cæteris intestinis frequentius ad scrotum elabatur, ad quod, ob valvuli Coli remoram, illi minime feruntur. Nec quarto gravidis adeo frequenter sint clysteres, utpote, ex observatione *R. a Castro de morb. mul. libr. 3. c. 16*, & *Walci meth. med. p. 52*, fibras uteri, intestini recti tunicis implicatas, facile in consensum trahentes, hinc ad abortum stimulant. Neque demum illi, quibus intestinum contigit sensibilius & laxior alvus, v.g. pueri, clysteres crebriores ferunt: ne plane

Frequens
clysterum
usum alvum
præstat pi-
griorem.

randem in his retentrix cesset. In genere vero vitandus erit frequen-
tior eorum usus, quod segniora & sui muneris negligentiora reddant
intestina, hisque ac toti, annotantibus *Mercato de præsid. Med. & Tul-*
pio 3. obs. 16. subtrahant cum chylo alimoniam: unde non mirum,
quod insequente ab eorum admissione die contumacior & siccior
evadat alvus. Nec improbable est, eosdem, quia intestinis omni-
mode heterogenei & crudi, (quod de illis tantum, quibus cathar-
ctica immixta sunt, *Crato* asserit,) horum tonum laxare, digestionem
turbare & ventositates augere. Neque omnis mox alvi segnities
clysterem postulat, sed expendere prius convenit singulorum con-
suetudinem, siquidem horum nonnulli duobus, tribus aut pluribus
interpositis diebus per illam nihil dejiciunt, de cœtero bene se ha-
bent; dum alii nisi bis, aut semel ad minimum quotidie observant de-
sident, ventrem ac caput sibi gravari: his proin, non illis, pro diver-
sitate hac consuetudinis per injectiones ejusmodi subvenire jubemur.

Materia
clysterum.
Simplicio-
res præfe-
rendi
composi-
tis.

Materiam Clysterum evacuantium constituunt decocta aliique
liquores emollientes, laxantes ac stimulantés: cæterorum substan-
tiam determinat indicantis formalitas. Sciendum tamen, eos, quo
simpliciores, eo promptius, admitti ac retineri; quo major ingre-
dientium varietas, eo ingratiorem induunt nidorem, ratione cujus
mox rejiciuntur, vel retenti, caput ac ventriculum petunt, foeminis
etiam uterum commovent, utrisque graves anxietates concitant:
unde prisca sola aqua mulsa, oleove erant contenti, modernorum
quoque nonnulli sola urina, lixivio, lacte, jusculo carnis, decocto hor-
dei aut quovis simpliciore utuntur, plus minus salitis ac cum saccha-
ro & melle saturatis. Quemadmodum singularis efficaciam depre-
henditur in ascite Clyisma ex urina c. terebinthina & sale prunellæ:
& si forsitan ex potentioribus confecta enemata alvum non solvant,
mera Urina, vel aqua calida cum duodecima circiter salis communis

Clyster in
ascite effi-
cax.

In obstru-
ctione
alvi.

aut gemmæ parte acuata, item decoctum Calcis vivæ, injicitur. Spe-
ctat huc Clyster ex cerevisia recente, sive triticea, sive hordeacea,
si in hujus libra una saponis uncia circiter solvatur, in obstru-
ctionibus alvi per motum suum fermentescentem valde efficax:
item in Colica ac torminibus ventris paratus ex vino dulci seu Ca-
nariensi, vitello ovorum & tantillo piperis, qui viscera blande calefa-
cit, somnum suavem inducit & sudorem ciet.

Li-

Liquoribus simplicioribus æque ac compositis magis adduntur vel in iis dissolvuntur varia, diversis scopis appropriata, itidem simpliciora ac composita, v. g. ut dictum, Mel, saccharum, Sal, Tartarus, Nitrum, Sal cinerum clavellatorum, Tartari, Fel Tauri, Vitellum ovorum, Mella & Electuaria plus minus composita &c. De quibus tamen notetur stimulantium, purgantium ac salinorum, quo minor est sensatio, tanto potentiora & in maiore quantitate esse, præscribenda: contra, si sensibilia extiterint intestina, quemadmodum pariter, quo diutius retineri debent enemata, v. g. in Nephritide ac fluxibus alvi, eo minus stimuli hæc opus habent. Imo, quo longiorem moram in intestinis trahant, vitellum ovorum plerumque iis additur; extra quem casum hoc non semper necessarium est: quamvis nec *Baubinode compos. med. c. 9* auscultandum, quasi vitellum leniendo & lentore suo alvum non tam laxet, quam torpidiorem reddat; contrarium siquidem experientia docet, ut, licet minus stimulet, sed acrimoniam potius temperet, lentore tamen suo emolliat ac laxet, perinde ac oleosa.

Quid vitellum ovorum in enematis præstet?

In quantitate liquoris injiciendi determinanda, plus deficere, quam excedere, in praxi triviali videmur. Præscribantur ad minimum ad libram unam vel uncias quindecim in homine adultiore ac vastitatis mediocris: minor enim quantitas intestino Recto implendo vix adæquata, atque curvaturam Coli sigmoideam haud transcendit. Parum ab hac recedatur in gravidis, quarum foetus grandior intestina comprimit, hinc enema injectum citius repellit: quemadmodum pariter, ubi intestina flatibus ac fœcibus turgent, ideoque illud non admittunt vel repellunt; item, ubi diutius retineri hoc cupimus, v. g. in dysenteria, ac renum calculo & inflammatione. Quam renum male se habentium intuitu addunt rationem, quasi illi a majore injectionis mole comprimantur magisque doleant, minus quadrare videtur: vel quod ex hypothese vulgari clysteres in renes non, nisi contactu & fotu, agant, adeoque necessario versus hæc viscera ferantur, hæcque nunquam non premant; vel, quod probabilius, vix ad sinistri, multo minus dextri, locum evehantur.

Quantitas liquoris injiciendi.

Porro liquores clysmatici, cujuscunque generis fuerint, moderate calidi sint, id est, urinæ recens emictæ aut lacti modo emulsi

Clysteres injiciantur tepidi.

similes: ne fervidior adurat, aut iusto citius rejiciatur, nec frigidior viscera lædat. *J. C. Claudinus* equidem, in iis, qui enemata mox exturbant, & *Graef de clyster.* in febribus ardentibus, actu frigida commendant: quale quid tamen non sine metu inflammationis & mortificationis interaneorum fieri posse, præter *Paraum l. 25. c. 22. & Heurnium 1. cap. de Clyster. Bartholinus Cent. 1. hist. 76.* expertus testatur in quodam, cui, de lassitudine membrorum & aliis morbi imminuentis signis conquerenti, tonfor clysterem frigidum injecerat, qui- que frigus sentiens calidum ut substitueret eum frustra rogarat, summa hinc virium imbecillitate pressus, clysterem reddere, neque ex se, neque alio calido provocatum, potuit, hinc postridie frigore æterno obrutus fuit.

Situs corporis in
admittendo clystere.

In situ corporis pro excipiendi seu admittendo clystere determinando discrepant Practici, dum cum *Fernelio* alii eum in latus dextrum suadent, utpote quo intestinum Rectum & portio inferior Coli a cæterorum viscerum mole minus comprimantur, nec ad hoc illius progressus præcludatur: alii in sinistrum ægrum decumbere jubent, quod ad Coli partem, Recto annexam, per curvaturam ejus, commodius deflectere queat hac ratione liquor injectus. Verum sicut a compressione illa Coli minus metuendum, ita ut vel sinistro lateri innixus, vel supinus, excipiat clysterem æger, suadeo: postmodum aliquandiu vel in hoc maneat, vel in idem se devolvat leniter, tandem vero in dextrum se convertat quoque, an forsan hac ratione ejus aliquid per transversalem & ventriculo subjacentem Coli tractum versus valvulam hujus commoveatur. Hinc supinus quiescat ab omni motu, ne diaphragmatis ac musculorum vehementioribus concussionibus intestinum ad intempestivam rejectionem enematis urgeatur; nisi forsan loci affecti rationem habere & in eundem reclinare placeat. Facilitabit hanc injectionem non parum, si in statu expirationis aliquantulum se contineat æger; ne sc. per inspirationem depresso diaphragmate hincque compressis intestinis illius appulsus inhibeatur: quem in finem quoque a vestimentis arctius cingentibus abdomen liberetur.

Tempus
clysterem

Possunt applicari Clysmata quovis tempore, quamvis canali alimentorum his & chylo vacuo potius, ne sc. hic cum fœcibus educa-

tur,

tur, neve intestina ad crudiora exturbanda irritentur. Injecta vero evacuantiâ, si res urgeat, ultra horam non retineantur, nec tamen ante dimidium ejus rejiciantur: ac si forsan diutius commorentur, ex fortioribus inprimis purgantibus facta, aut anxietates concitent, æger corpus agitet ac glandem admittat, neque hac aliquid movente, aut Urinam aut aquam tepidam sale saturatam vel carnis brodium cum melle temperatum in minore quantitate, sibi injici patiatur. Tentanda in hoc casu pariter erit alvus secundum *Platerum* per syringam seu siphonem, quo hodie clysteres applicantur, canalem ano immittendo & embolum seu pistillum ejus aliquoties retrahendo: quo pacto flatus non tantum eliciuntur, sed cum his quoque liquor injectus retrahitur & ad excretionem intestinum stimulat. Quod si tamen alterandi tantum intentio fuerit, nec anxietates creent, nihil refert, enemata per plures horas in intestinis morari, cum emolliant magis, aliosve forsan salutares effectus mora hac præstent: & quadrant huc clysteres nocturni, quorum *Hæferus Herc. med. ex Horstio* meminit, quos putat esse tales, qui per noctem asservati mane demum rejiciantur, eosque ideo comprobât, quod mora sua diuturniore excrementa rectius emolliant, dolorem intestinorum demulceant, componendos ex simpliciter lenientibus atque emollientibus, sine stimulo & multa pinguedine. Tandem cum clysmata evacuent, vel fœcum austeritatem ac duritiem corrigendo, vel intestina lubricitando, vel horum spasmos demulcendo ac laxando, vel eadem torpidiora stimulando ac vellicando: observandum, posterioribus minus commode mucilaginosa, oleosa seu pingua admisceri, utpote qualia irritantium aculeos obtundunt, contra nihilominus optima cum ratione ac fructu eadem in prioribus casibus addi, ac omnia acria vitari.

Stimulando seu irritando tantum evacuant suppositoria, hinc purgantibus segnioribus ac clysteribus, diutius in alvo commorantibus educendis ac juvandis, aut huic a quacunque causa constipata, recludendæ, inserviunt: suspecta tamen deprehenduntur, ubi podex inflammatus, hæmorrhoidibus cœcis obsessus, spasmo contractus, ulceribus ac fissuris erofus, similiaque, quæ ab intrusione glandis exacerbantur, patiatur. De cœtero nec gravidis adeo quadrant supposito-

admittendi,
ac retinendi.

Stimulantibus clysteribus incongrue adduntur mucilaginosa & pingua. Suppositoria quomodo agant? Quibus suspecta?

positoria, quod per connexionem intimiorem, quæ intestino recto & collo Uteri intercedit, abortum sollicitare queant, potissimum cum clysteribus vehementius irritent. Si crassitie adæquata gaudeant, longitudini dodrantali, qua ut plurimum formantur, derogari potest, utpote minus necessaria, forsan etiam molesta: cum, advertente *Rondeletio*, facultatem haud irritent, nisi qua parte recti intestini extremitatem, seu podicem, ubi sensibilitas exquisita, contingant. Fiant igitur ad Glandis (unde nomen habent) similitudinem & digiti crassitiem, utrinque acuminata, quo facilius ingerantur & egerantur: quemadmodum mulierculæ nostræ iis substituunt globulos saccharatos, satis hinc inde mobiles, & moventes. Commendant multum cum *Sylvio* glandes ex Aluminis frustra formatas, hasque egregiæ efficaciam novi: memini tamen, nec omnibus congruere, sc. illis minime, quorum nempe anus sensibilis magis, hincq; resolutiones difficulter sustinet. Cujuscunq; autem generis sint, non adeo frequenter tamen adplicentur: constat quippe, adsuescere facile his, prout enematis, naturam, ut postmodum non, nisi sollicitatus, podex excretionem molitur, torpidior his irritamentis factus, novaque quotidie expectans.

Glandes ex
alumine.

Frequen-
tior horum
usus alvum
torpidio-
rem red-
dit.

Metren-
chyta.

Uterum
haud sub-
eunt.

Circa Metrenchytarum usum notetur, uteri fundum seu cavum has vix penetrare, nisi in puerperis ac menstruatis forsan, aut quibus ex quacunque causa orificium uteri hiat, adeoque hujus morbis haud, nisi fotu extrinseco, medetur; quatenus semper actu calida applicantur: connivet siquidem ordinarie orificium illud arctius, uteri etiam cavum exile vix unam alteramve guttulam liquoris injecti admittit. Qualia cum ex anatomicis in vulgus innotescant, mirum, ab eruditis quoque ejusmodi injectiones in uteri affectibus commendari. Vaginæ E. soli prospiciunt, pro diversitate morbi, ex diversis parandæ, & supino corporis situ, clunibus paulo elevatis & cruribus retractis, admittendæ ac retinendæ. Aliter paulo utero applicantur vapores & suffitus medicamentosi, v. g. cruditatibus flatuosis hinc educendis, mensibus movendis dicati, quales sedentes potius excipiunt, ex vasis sibi suppositis & excalefactis, mediante infundibulo inverso vel simili instrumento, cujus angustior tubus uteri orificio admovetur, vel immittitur, v. g. fumus trochiscorum de

Vapores ac
suffitus u-
terini.

myrrha,

myrrha, Ladani, Sabinæ, nucis Moschata, quem *Solenander f. 5. consil. 15. & Hartmannus in praxi* præ aliis commendant, trochiscorum Alhandal, Asphalti, sulphuris aurati Antimonii, vapor lixivii ex scorriis Antimonii, decocti Colocynthis, Spiritus Salis Armoniaci aut Urinæ, vel vapor ex Sale Armoniaco & alcali mixtis.

Vesicam quæ particulariter evacuant, aut similes enematis in-<sup>Vesicam
evacuan-
tia.</sup> jectiones, aut instrumenta chirurgica, sunt, catheterum, tenaculorum, lapidillorum &c. nomine venientia: quæ per urethram aut vulnus cervici vesicæ inflictum immissa retentis præternaturalibus viam parant. Injections ejusmodi ac sui educationem postulant humores viscosi, cruor & pus, in vesica hærentia: quales tamen, nisi cathetere angustia colli vesicæ secundum artem recludantur, commode immitti haud valent, quin mox regurgitent. Parantur ejusmodi injectiones ex variis, v. g. ubi a sanguine congrumato oppilatur vesicæ cervix, ex decocto Agrimonie, Chærefolii, Hyperici ac Bellidis cum Oxymelite; ubi a pituita viscosa, ex eodem oxymelle, succo parietaria, oleo scorpion &c. vel juxta *Fomium obs. Riverio comm. 42.* mixtura ex Vino Canariensi; succo Limonum & spiritu terebinthina.

Catheterismus vero præter usum illum præparatorium immediate magis ischuriæ medetur ac quosvis humores præternaturales e vesica educit, removendo seu retrudendo ex collo ejus calculum, grumum sanguinis similiaque: imo aliquando dilatando tantummodo cervicem dictam, a scirrhuso tumore coarctatam, catheter administratus agit, modo non sit tenuis nimis, sed paulo crassior, ut ex *Hildano 2. obs. 65. & de lithiasi vesicæ cap. 3* videre est. Cui aliquando, si nimirum catheteri locus haud concedatur, aut ille non sufficiat, punctura Perinæi surrogatur, quam Chirurgis Parisiensibus a seculo jamdum usitatam fuisse, *Riolanus in Encheirid. Anat. pathol.* perhibet, ac cujus *Bonetus sepulchr. l. 3. f. 24. obs. 13. append.* meminit, describunt plerique recentiorum Chirurgorum, v. g. *Thevenin des operat. de Chirurg. cap. 121. Toletus de Lithot. c. 21. & le Clerck des operat. cap. 17.* Nimirum Lanceola vel Cultello biseco incidendo perforatur Perinaum ad latus alterutrum hujus suturæ una cum vesicæ collo, foramine exiliore, cui immittitur tubulus, vinculo aut fascia firmandus, per quem

Uu

urina

urina profluit, quemque obturare & referare pro lubitu licet, donec causa ischuriæ sublata, aut, si res urgeat, per totum vitæ tempus canula hæc gestanda.

Cætera instrumenta chirurgica educendis heterogeneitatibus vesicæ destinata, vias postulant incisione seu arte parandas, cum per naturales haud admittantur; inprimis vero inserviunt Lithotomiæ, de qua agere non est hujus loci: sicut nec de Trepanatione, Paracentesi, Foetus educatione &c. similibusque Aphæreseos seu Exæreseos chirurgicæ speciebus.

CAPUT XVII.

De

Qualitate, Motu ac Situ Humorum p.n. corrigendis.

Quot &
quotupli-
ces humo-
rum quali-
tates p. n?

Humorū qualitates pravæ, quæ sui alterationem seu attemperationem postulant, triplicis inprimis generis sunt: scilicet vel ex primis calor præternaturalis, vel salinæ, nempe acrimonia salsa, acida & austeritas, vel ex illis, quæ Peripateticis secundæ dictæ, spissitudo seu glutinositas & fluiditas nimia; quarum posteriores binas classes innuere videtur *Hippocrates de vet. med. t. 24. § 26.* ubi non calidum, non frigidum, sed amarum, salsum, dulce, acidum, acerbum, fluidum &c. si minus temperata, lædere ac morbos inducere, ait. Quarum etiam quædam diversis humoribus communes, v.g. visciditas; quædam his vel illis propriæ magis, v.g. Lymphæ acor, observantur. Neque, ut in Scholis hætenus docuerunt, humores tantum nutritii seu vitales subjectum horum vitiorum seu cacochymia sunt; sed de excrementiis quoque idem asserendum: quatenus hi etiam ab habitudine sua naturali ratione qualitatum recedunt, v.g. Urina evadit acrior, mucus narium acrior & viscidior, fœces alvi spissiores seu solidiores &c.

Quamvis vix opus videatur, de humorum calore præternaturali per refrigerantia emendando cogitare, utpote qualem potentiorum salinorum & motus eorum præternaturalis productum esse, adeo-

adeoque pro illorum varia habitudine plus minus intendi & modificari, probabile est. Qui vero a bilis admiscela & exaltatione, aut ab aromaticorum ac sulphureorum abusu, eos fervidiores reddi, sibi persuadent, falluntur: dum v. g. bilis in ictero sanguini copiosius & evidentius suffusa nihil caloris extraordinarii in hoc producit, sed saepe ad cruditatem sanguinis ac hydropem disponit; Spiritus vini similiaque potentia calida, nisi inflammentur, i. e. actu in flammam abripiantur, immediate tale quid minus patrare queunt. Nec frigidiora fluida in corpore concipi possunt; nisi forsan extravasata, & a motu illorum intestino notabiliter imminuto: quamvis in hoc posteriori casu, quæ frigiditati illorum in acceptis feruntur, phænomena visciditatis & lentoris potius productum videantur.

Salinæ qualitates seu particulæ humoribus copiosius intertextæ corriguntur vel per remedia cunctis illis communia; vel alterutri earum speciei magis appropriata. Ubi prioris generis observantur
 1. Aqua & aquea quævis, quatenus illarum aculeos comminuunt ac discontinuant. 2. Pingua minus aromatica & mucilaginosa, easdem inviscantia ac partium solidarum superficies, quas contingunt, contra illorum ingruentias obliniendo & quasi incrustando, v. g. Oleum, Lac, Emulsiões, Gelatinæ, mucilagines, sem. Altheæ, Tragacanthi &c. ac denique 3. Terreæ & Martialia, illas absorbendo ac imbibendo. Posterioris vero indolis sunt (1) quæ acorem & austeritatem p. n. obtundunt, sc. salia alcalisata & urinosa, (2) quæ acrimoniam alcalicam seu urinosam infringunt, omnia nempe acida & austera, (3) quæ muriaticam temperant, alcalica sc. in specie Calcis vivæ decoctum. De qualibus correctoriis cunctis atque singulis notetur, ut vitio non tantum secundum speciem, sed gradum quoque, sint contraria, ita ut v. g. acidum potens temperandum non medicamento terrei tantum sufficientem quantitatem, sed alcalicum quoque, postulet.

Lentorem seu visciditatem præternaturalem, quæ a succulentia glutinosa, corrigunt cuncta, quæ resolvendi, incidendi seu attenuandi pollent virtute, nempe medicamenta tam amara & aromatica, quam salina urinosa, alcalica & salsa, aliquando etiam acida. Quodsi vero ab acido seu austero coagulante humoribus contigerit spissitudo

præternaturalis, eandem corrigent acido & austero contraria, interdum cum aromaticis & amaris seu resolventibus alterantia, aut his combinata. Cunctorum interim vim maxime juvat calor actualis & diaphoresis seu sudor levior: unde diaphoretica & sudorifera omnia sunt hujus loci. Contra fluor seu tenuitas humorum nimia, quam alias consistentiam deficientem appellant, quia modo ab aquositate eorum propellente, modo ab eorum exagitatione nimia, dependet: in priore casu serum evacuantia, in posteriore acidula, austera ac terrea, exigit.

Fluiditatis
p. n.

Alterantia
sunt primo
militiora.

In genere de alterantibus his monet *Sylvius* hinc inde, ab eorum blandioribus ac temperatioribus demum ad potentiorum usum esse progrediendum, ne impetuosior alterantis vehementioris actio vehementiorem humorum reactionem aut præpoperam nimis alte-

Viribusta-
men hu-
mori alte-
rando adz-
quata.

rationem, & cum hac symptomata graviora, moveat. Quam quidem cautelam cuivis tyroni commendo, ita tamen, ut gradum quoque medicamenti alterantis vitio humoris proportionatum semper simul observet, visciditati majori resolvens potentius, acrimoniæ nimix temperans intensius &c. opponat: si ejusmodi inprimis casus offendat, qui subitanea medela, hinc alterantibus etiam potentioribus, indigent, v. g. humorem rodentem ad exquisitissimum dolorem usque, visciditatem suffocatoriam. Id quod in Chronicis affectibus quoque locum habet, in quibus vitia humorum maxime radicataprehenduntur, & ab una vel altera contrarii alterantis, gradus etiam intensioris, dosi non adeo facile subiguntur & subjugantur: neque hinc aliquid incongrui aut vitii majoris mox verendum, si incidens potentius in viscidum habituale agat, quod non, nisi multo & prolixo hujus generis medicamentorum usu corrigitur ac solvitur.

Affluxum
humorum
auctum.
corrigen-
tia.
Derivatio
& Revulsio
an disse-
rant?

Quoad motum sanguinis & Lymphæ depravatam seu affluxum particularem auctum, famigeratissimum hujus remedium est aversio triplex, Revulsio nempe, Interceptio atque Repulsio. Addunt his communiter Derivationem, eam a Revulsione in hoc discernentes, quasi hæc humorum influentiam, illa eorum, qui jamdum influxerunt, intra vasa tamen adhuc hærent, seu, ut alias loquuntur, parti incumbunt, remedium existat; item, quod per Derivationem ad locum vicinum, per Revulsionem in remotiorem ac contrarium, fluida

fluida avertantur: qualia tamen fundamento adæquato destituuntur. Dum ratione prioris Cruor & Lympha intra vasa adductoria capilla-
ria undulare nequeunt, quin vel regurgitent, vel ad revehencia de-
flectant, vel in spatiola seu compagem partis profundantur. Re-
gressum impulsus cordis perpetuus inhibet, aut huic intra pauca mox
momenta molestus nedum exitiosus foret; si ad vasa reductoria hu-
mor desceat, parti haud incumbit aut eam gravat: E. stagnabit ex-
tra vasa profusus; hinc ex hypothesi vulgari, nec derivando, nec re-
vellendo, averti valet. Posterioris autem ætiologiam Circulationis
sanguinis directorium suspectam reddit: dum v. g. per venam, quæ
parti affectæ propinquior, apertam qui educitur sanguis, non ad affe-
ctam tendit, sed remear ex parte vicina. Unde derivatoria v. g. Ve-
næsectio, interceptionis potius quidam modus est, impedit siquidem,
quominus tantum fluidi per arteriam ad partem affectam abeat:
perinde ac nec in talo, seu parte remotiore atque opposita administra-
ta, sanguinem & lympham, quæ ad illam immediate vergunt, revel-
lit, sed intercipit ad cor refluentes, & quos hoc ad totum distribuere
debebat.

Instrumentorum, quibus binas has aversiones præstant, plura
sunt, quorum alia cum evacuatione sensibili, sc. Arteriotomia, Ve-
næsectio, Scarificatio, Vesicatoria, Fonticuli ac Sternutatoria, alia
fine hac, nempe Frictiones, Ligaturæ, ac Cucurbitulæ non scarifica-
tæ, administrantur; illa his potentius & cum majore efficacia agunt.

Addunt his evacuationes per gulam & intestina, utpote quarum vis
in revocandis a capite & pectore humoribus, v. g. in affectibus soporosis,
Epilepsia, Catarrho suffocativo &c. pariter non exigua creditur:
quamvis effectus ejus ratio probabilis ex circulationis doctrina
reddi nequeat. Nisi forsan nobis persuadeamus, aut emolumentum,
quod in recensitis similibusque pathematis præstant hæc, non
tam a causæ continentis seu proximæ aversione, quam antecedentis
& quæ primis viis adhuc inexistit, eductione ac interceptione, de-
pendere: aut nervis in visceribus abdominis per evacuantia ejus-
modi irritatis superiorum partium spasmos dolorificos ac stagnationes
humorum remittere ac solvi: aut plus lymphæ per ventriculum
& intestina sub his evacuationibus eliminari, hinc minus ad cor &

Nec deri-
vatio hæc
fieri potest.

Revulsio
& Interce-
ptio qui-
bus fiant
instrumen-
tis?

Quomodo
catharsis
a capite &
pectore re-
vellat?

Qui hu-
mores mi-
nus revel-
lendi.

partem morbosam remitti. Nunquam tamen revellendi sunt humores per metastasin criticam ad partem ablegati, nisi hujus nobilitas illud postulet, v. g. materia febrilis ad caput feratur; nec qui per crisin evacuantur: modo per vias congruas & ratione quantitatis ac qualitatis molesti rejiciantur; cuncti vero ad membrum ignobilius semper convertantur.

Revellan-
tur etiam
aliquando
humores
extravasa-
ti.

Revulsoria
venæsectio
debet esse
larga.

Neque ita regi & refrænari se patiuntur tantum sanguis & serum intra vasa sua adhuc fluctuantia, sed qui ad porulos partium jamdum extravasati quoque seu, ut loquuntur, substantiæ harum impacti, humores, sub inflammationis & suggillationis, item œdematis, specie; quales, nunc situ peccantes, evacuationes revulsorias, cruentas inprimis, ad vasa reducere, per experientiam palam est. Quatenus per depletiones ejusmodi exinanita hæc promptius excipiunt fluida radicibus suis capillaribus vicina, etiam quodam modo congruescentia ab arteriosi sanguinis appulsu sibi impulsa simulque ad fluiditatem congruam soluta. Id quod ut commodius & ex intentione fiat, quia ratione vacui inprimis fluxioni præternaturali Revulsio seu Derivatio occurrit, non adeo parca aut timidiore & ad tres vel quatuor tantum uncias, ut communiter solent, sed pleniore manu, sanguinem educere consultum: cum non quælibet evacuatio revelat, sed magna tantum, & per quam vasa evidenter inaniuntur. Quin-

Nec parci-
or repetita
sufficit.

imo nec illi indicato huic satisfaciunt, qui iteratis vicibus evacuando se defectum illum supplere & efficacius avertere sibi persuadent: cum nec hoc modo eousque vacuentur vasa, ut fluxio ad partem læsam inhibeatur. Siquidem haud improbabile est post adeo exilem depletionem sanguinem turgescencia sua intrinseca & expansiva inane illud exiguum mox opplere, vasa quoque tantillum subsidere & constringi, quantillum vacuata: hinc fluxum illum inordinatum haud compesci, nedum intendi. Aliter se res habere videtur in fluxu vitioso cum profusione cruoris sensibili, in hæmorrhagiis quibuscunque, ubi parcius & repetitis vicibus potius sanguis emittendus: vasis jamdum per ipsam evacuationem symptomaticam satis depletis.

Parcior ve-
ro & repe-
rita V. S.
confert in
hæmor-
rhagiis.

Denique nec, ut vulgo tradunt, in principio tantum morbi, seu fluxu adhuc durante, sed in incremento quoque & statu ejus, revellere

vellere convenit ac necessarium est: cum affluxus sit perpetuus, i. e. Etiam in
 circa statum non minor, ac sub initio illius; revulsoria proin evacua- fluxus in-
 tionibus quoque semper ejusdem deprehendantur virtutis atque ne- cumento
 cessitatis, si non ratione causæ continentis, si hæc forsitan minus mobi- ac statu re-
 lis evaserit, saltem ratione antecedentis, ne illam augeat, adeo ut ad vellere,
 suppurationem quoque hac vergente, in inflammatione, nihilo- conferr.
 minus studio averforio adhuc insistere per rationem sanam ju-
 beamur.

Intercipere olim humorem ad partem ægram e longinquo ma- Interce-
 gis vergentem, repellere ipsi propinquius imminentem ac inhæren- prio qui-
 tem, conabantur, utrumque per arctantia: qualia vel applicabant bus modis
 viis, per quas affluxus fiebat, ubi intercipiendum; vel parti recipien- fiat?
 ti, ubi repellendum. Indicatorum horum eadem erant instrumen-
 ta, sc. Ligaturæ & topica adstrictoria seu firmantia. Ast quoad vin-
 cula, parti mandanti ac recipienti intermediæ, injicienda; effectus
 eorum dubius videtur: ne sc. si leviter tantum constringantur, non
 tam Arterias adducentes, quam Venas & Lymphatica revehentia,
 arctent, hinc refluxum potius, quam affluxum, intercipient; arctius
 vero constricta cum vasis adducentibus nihilominus revehentia,
 comprimant, hinc pariter refluxum inhibeant, ut taceam, sine mor-
 tificationis periculo eousque constringi & arctari canales addu-
 centes, haud posse ac debere, ut omnem sanguinis appulsum interpel-
 lent. De adstringentibus topicis idem sentiendum, id est, aut non
 sufficiunt arteriis rigidioribus ac profundius sitis constringendis; aut
 sanguinis & lymphæ refluæ coagulatio metuenda. Potioris effi-
 caciæ videtur Arteriotomia, rami in partem affectam abeuntis, mo-
 do patuli & qui commode incidi queat; item Venæsectio, Cucur-
 bitulæ ac Ligaturæ, in membris remotioribus administratæ: quo
 intercipient fluida, ne per venas ad cor adeo prompte redeant, & ab
 hoc ad partem affectam parcius vibrentur, annuentibus *Foresto 13. obs.*
10. & Hildano cent. 2. obs. 15. utroque quamvis motu circulationis
 ignaro.

Per Repulsionem, quam itidem topicis adstringentibus & li-
 gaturis, expulsiis dictis, in parte affecta adornabant veteres, humo- Repulsi-
 res per eosdem canales, quos adfluebant, retrorsum urgeri crede- nis instru-
 bant: menta.

bant: qui tamen agendi modus admitti nequit. Quatenus nec Ligaturarum ejusmodi, nec stypticorum potentissimorum, tanta vis est, quæ sanguini arterioso impetum retrogradum imprimere, eumque ultra valvulas semilunares ad ventriculum cordis sinistrum urgere, queat; renitentibus insimul utriq; horum repellentium cordis vibratione perpetua, topicis autem adstringentibus rigiditate ac situ profundiore arteriarum: verendumque, si modo adstringentibus topicis tantum potentia fuerit, hæc in venas molliores ac patulas agendo, refluxum potius a parte læsa, cum hujus damno insigni, moratura. Probabilius est repellentia hæc, mox in principio affluxus seu congestionis admota, in fibras partis recipientis tensiles potius agere, hasque contra faciliorem admissionem fluidorum firmare, hæc, ut ad arterias vicinas deflectant, urgere, & quod illorum abundantius admissum, si fluidius adhuc, venis & lymphaticis impellere.

Cautela in
intercipi-
endo & re-
pellendo
observan-
da.

Interceptionem ac Repulsionem proin quodvis adfluxus tempus ac totus morbi cursus admittit, modo (1) posteriorem præcesserint evacuationes, humorum quantitati derogantes, (2) metastasis illorum non critica fuerit, & virulentiam intrinsecam, v. g. veneream, pestilentialem &c. involvat, nec (3) a venenis ab extra illatis, v. g. animalium morfu, malum prodierit, nec (4) in emunctoriis majoribus vasis propinquioribus, v. g. in bubonibus, nec (5) si dolor exquisitior combinetur, ubi anodynus potius agendum: quemadmodum (6) denique nunquam adstringentia sola, sed resolventibus semper temperata, parti affectæ admoveere convenit.

Refluxus
humorum
impeditus
quomodo
juvandus.

Si Sanguinis & Lymphæ motus retrogradus turbetur, iidemq; humores hinc vel intra partium substantiam stagent in suggillatione, inflammatione &c. vel ad cavitatem quandam rejiciantur, v. g. in ascite, empyemate, capitis vehementiore & cum vasorum interiorum facta ruptura, contusione, situ dicuntur peccare: ac vitii hujus indicata duo sunt, scilicet ut ad canales & receptacula sua succi laudabiles reducantur, vel, si hoc fieri nequeat, ut extra corporis ambitum cum excrementitiis omnimode proscribantur. Prius præstamus per repellentium ac resolventium usum, quo ad vasa adæquata recedere coguntur extravasata fluida, modo hæc reducibilia sint: posterius

per

per remedia evacuatoria varii generis, in affectibus, quorum causa continens ad vasa reduci nequit, v. g. sanguis in fuggillatione majore, & ad cavitatem quandam corporis profusus, una cum sero ascitico; aut quæ reduci haud debet, v. g. urina, pus &c. in ventre quodam corporis hærentia, ac idem pus apostema constituens. Et quidem tam per vias naturales, v. g. intestina ac vesicam, quam diæresi chirurgica factas, v. g. paracentesi, trepanatione & abscessuum apertione.

Circa quales tamen e cavitatibus naturalibus humorum extravasatorum eductiones notetur, has quidem indicanti suo proximo & immediato satisfacere, minime tamen impedire, quominus eorum plus affluat, morbumque pristinum, Hydropem v. g. Empyema, continet: ideo nimirum, quod scaturigini eorum obicem ponere ^{Confluunt} & ruptis vasis mederi haud liceat. ^{denuo hu-} Frequentius administratam novi ^{mores, e} Paracentesin abdominis ac scroti, hinc non sine levamine ascitico- ^{cavitatibus} rum evidente eductas fuisse aquas copiosissimas, v. g. in viro quodam ^{educti.} olim successive ultra centum & viginti earum mensuras, cum euphoria singulari per aliquot menses continua, viribus quotidie incrementibus ac actionibus in integrum fere restitutis. Recrudescbat interim toties hæc serosa colluvies, & ad repetendam chirurgiam urgebat, donec tandem post sextum mensem ægrum opprimeret & suffocaret illa: educta quidem causa continente, non vero antecedente, quæ illius locum mox repetebat, seu minus obturato ejus fonte perenni. Contra recordeor adolescentis cujusdam, mihi cognati, ascitici valde, qui aquis per crura scarificata (quamvis non sine anticipibus valde symptomatis) eductis tandem reconvalecebat, a natura, non a medico, obturatis scatebris: qualem salutarem eventum vidi pariter superiore vere in viro triginta circiter annorum ascitico, per menses aliquot consummato, post sublatas per cathartica, diuretica & scroti perforationem aquas errantes. Nec empyicorum, cunctorum idem fatum, memini siquidem horum sartoris juvenis, in Xenodochio S. Johannis lethaliter decumbentis, & quidem ex pleuritide suppurata, post saniei copiosissimæ ex pectore eductionem perfectissime sanati: memini tamen a viginti circiter quatuor annis etiam Studiosi cujusdam, generosioris prosapiæ, qui ex vulnere,

duodecimo mensis Augusti pectori inflicto, intra quatuor septimanarum spatium, remittentibus & tantum non evanescentibus symptomatis, reconvalescens, circa finem Septembris anxietatibus præcordiorum suffocatoriis denuo cum febre continua corripiebatur ac ab his septimo Octobris interficiebatur, ejus vero cadaver latus thoracis olim perfoßum, totum ichore sanioso ac fœtido repletum nobis monstrabat, scaturigine hujus a primo vulnere non deleta aut certe re-crudescente.

CAPUT XVIII.

De

Spirituum animalium medela.

Defectus
spirituum
causæ.

MOrbum sive definiamus per impotentiam actiones naturales exercendi, sive per dispositionem præternaturalem, per quam actiones frustrantur; utraque ratione spiritus quoque ejus subjectum concipi possunt: utpote qui non raro impotentes seu inidonei existunt, ad munia seu functiones, quibus a natura destinantur, obeundas, eo ipso sc. dum a constitutione sua naturali plus minus recedunt, vel dum deficiunt, sive imminuuntur, vel dum motu peccant. Deficiunt spiritus in tremore, affectibus soporosis, atque aliquando in deliriis sive moribundorum, sive comatosi symptomatis combinatis: & quidem vel quod non sufficienter generentur, vel geniti absumantur. Illud modo ob materiæ, sanguinis nimirum, seu lymphæ, penuriam, modo ob texturam fluidorum horum compactiorem & consistentiam firmiorem, modo propter cerebri, tanquam organi, vitia: hoc per labores animi ac corporis immoderatos, & liquoris spermatici excretiones immodicas; it. per vigilias & animi mœrorem. Penuria materiæ vel digestionibus vitiosis, vel evacuationibus præternaturalibus ac nimis, v. g. Lienteriæ, Coeliacæ passioni, Hæmorrhagiis & Læctioni immodicæ seu diuturniori, in acceptis ferenda: eorundem vero humorum tenacitas seu consistentia compactior, hinc particularum subtilium cum spissioribus arctior implicatio, sicut observatur in Leucophlegmaticis, Hypochondriacis aliis-

aliisque pituitosis, qui hinc plurium sensuum torpore & motus difficultate seu lassitudine laborant, ita varias sui agnoscit causas, digestiones inprimis pariter vitiosas, quemadmodum organi quoque morbi varii deprehenduntur.

Motu peccant spiritus 1. si agilitatem naturalem deponant, seu minus alacriter agitentur ac partes actuandas influant, itidem in affectibus soporosis, sensuum stupore & motus languore atque impotentia: 2. si impetuosius ferantur, v.g. in deliriis cum ferocia, vigiliis & convulsivis motibus: ac 3. si perverse atque inordinate jactitentur, itidem in deliriis quibusvis, convulsivis motibus ac vertigine. Priori morbo occasionem præbet (1) spirituum eorundem penuria: (2) narcosis sive intrinsecus genita, sive per venena stupefacientia introducta: ac (3) admiscela heterogeneitatum quarumvis, v.g. ferosarum, scorbuticarum, febrilium &c. Qualis heterogeneitatum accessio eosdem spiritus etiam aliquando plus justo exagitat, ut inquietiores & ferociores evadant, quemadmodum in temulentia & febribus aliquando evidens est: sicut eosdem pariter in motus perversos rapit, series seu continuitatem eorum interrumpendo ac illos eousque conturbando, ut a confusaneo hoc fluido species sensuum externorum ac internorum perperam excipiantur ac volutentur, nisi etiam illius ad motus partium fibrosarum necessarii vacillent, v.g. in tremore. Quamvis forsitan tales heterogeneitates aliquando modo per acrimoniam, modo quamvis incongruitatem, si non spiritus ipsos immediate, certe canaliculos seu fibras tubulosas cerebri ac nervorum, per quos undulant, vellicando, ad inordinatos motus stimulare, non improbabile sit.

Ex quibus facile colligi potest, munus medici circa spirituum medelam in eo consistere, ut causas remotiores affectuum horum tollat, spirituum vero apparatus integrum conservet, seu, ne deficient, curam gerat. Priorum quia variæ, ita singulæ earum suam monstrant indicata horumque instrumenta adæquata, ut ex diversis praxeos capitibus hauriendum. Posterioris vero auxilia & instrumenta, i. e. quæ fluidi hujus animalis systasin integram tueantur ejusve defectus ac hebetudinem corrigant, seu quod illius perditum restituant, innuere, difficillimum est, cum profundissime adhuc ob-

Motu quomodo peccant spiritus?

Spirituum integritatis conservatio res difficilis.

fcondita deprehendatur fluidi hujus animalis theoria pathologica non minus ac physiologica genuina : falsas nihilominus admittere, aut formare circa statum ejus naturalem hypotheses, absurdos parit de statu illius præternaturali conceptus ; ex quibus falsas & perversas elicit indicationes, secundum has perperam mederi conatur, utrinque fallit ac fallitur, tyro.

Quia ratio & experientia in hoc passu deficiunt.

Agendorum in arte nostra directrices rationem atque experientiam esse, nemo ambigit : ubi E. utraque destituimur, sane, quid agendum, ignoramus, proin latet quoque nos, si non omnimode, certe maximam partem, medela spirituum male se habentium. Quod meum assertum ne adeo frivolum judicent alii, mihi quoque vitio vertant, quod per meam ignorantiam alios in hoc argumenti genere æque stupidos decernere velim, Viros de re medica & hujus incremento præclare meritos : monitos hos cupio ac rogo, primo, ne scientiæ ac famæ suæ derogare credant, hanc vel illam rem minus nosse, quod hebetudini sensuum debemus ; deinde ut præjudicio, quod de sua aliorumque hypothesi in hoc negotio hætenus foverunt, deposito, audita demum causa sententiam dicant, præsumentes, me in dogmatibus de spirituum statu naturali ac præternaturali evolvendis & recitandis non omnino esse jejenum, posterioris medelam solennem & remedia trivialia ac varia ex commentariis nosse, illam hætenus exercuisse hæcque applicuisse multoties, sine illo tamen, frequentius effectu, quem mecum desiderabant ægri, aut, si salutaris aliquando contigerit, de hujus connexionione cum remedio, seu modo agendi, nihilominus hallucinor adhuc.

Existentia spirituum a posteriore tantum innoscitur. Sicut pariter eorum substantia corporalis.

Existere spiritus, non a priori, sed a posteriore tantum, id est, per sensus & motum, quos præstant, innoscitur : adeo quidem, ut influxu eorum impedito omnes partes exsolvantur minusque sentiant, aut illi inordinate seu inæqualiter exagitati variis spasmodicis has exagitant, deliria, vertiginem &c. præsent. Quemadmodum substantia corporalis eosdem gaudere, vel experimentum *Bellini* circa nervos phrenicos varie compressos ac strictos, hincque systolem diaphragmatis intercipientes & revocantes, vel hoc vulgare, docet, quod, dum brachio durius & diutius justo innitimur, ad compressionem sc. nervorum, anticam ejus partem subeuntium, interceptum hinc ejusdem fluidi

fluidi impulsus mox torporem ad paralyfin usque per momenta inducere observamus, quod vulgo *das Einschlaffen* ajunt; laxatis vero illis nervorum angustis & remeantibus denuo liberius spiritibus, puncturas quasdam molestas, sub fornicationis sensu, in eodem membro percipi, donec hoc æquabili demum magis eorum appulsu actuatum pristinum vigorem recuperet: quale quid in cruribus quoque, horum summitate, sessione v.g. incongrua aliquandiu compressa,prehendimus. Porro mobile valde, proin subtilissimæ indolis, fluidum spirituum systema esse, innuit tubulorum, per quos feruntur, subtilitas, quod, præter tactum forsan, omnes sensus fugiant, velocissime in motu pariter ac sensu ferantur: ita tamen ut sub mobilitate hac incomprehensibili, a fluidis subtilioribus aliis, hæcenus notis, in hoc discernantur, quod illi non adeo sint exhalabiles, prout v.g. de aëre & spiritibus, sulphureis atque urinosis, constat; sed nervis & fibris partium, permeabilibus ac perspirabilibus valde, tenacius ac strictius inhærescant. Neque hoc fluidum liquorosum esse, ut multi asseruerunt, evictum; quin potius, quod ligatus nervus in vivo animali non intumescat, dubium hoc maneat: donec illud cum intumescentia nervi plenius demonstratum, aut, cur nervus ligatus, stante hac succulentia, non infletur, mechanice magis declaratum fuerit, ac quidem hæcenus observare licet.

Et subtilitas ac mobilitas summa.

Non tamen sunt exhalabiles.

Fluidum eorum liquorosum esse, dubium.

Facile mihi foret a Modernis quibusdam hunc in finem prolata succutere, nisi a contradictionis studio alienum me mallet, declinareque omnibus modis suspicionem libidinis aliorum dogmata stringendi; quo quidem illud ad minimum me impetraturum, confido, ne mea conjecturas sine sufficiente ratione suggillant, utpote a quibus aliquando sponte recedere mihi met semper integrum ac liberum tenui. Illud tantum præsentis erit, quod, quamvis forsan succulentam fluidi nervi compagem mihi persuaderi paterer, dubia tamen maneat hujus textura & modificatio: qua, tanquam ipsi naturali, ignorata, nec, quibus modis ab hac recedat seu vitiosa evadat, & quo genere remediorum vitiis his mederi liceat, determinari valeat. Neque eorum, qui aëreæ, æthereæ similisve naturæ spiritus hos autumant, quam hypothesin me olim quoque coluisse recorder, nec qui igneos, lucidos, urinosis, sulphureos &c. eos asserunt, dog-

Item quale hoc?

Spiritus animales non sunt

aëreæ, ætheræ &c. natura. Nec igneæ, lucidæ, urinosæ, sulphureæ. Nec ex hypothefibus his elici poterunt spirituum remedia. Male ex phœnomenis quibusdam particulis formamus hypothefes universales.

mata omni ambiguitate carent, quam exponere pariter detrecto: vel ne actum agere, nel ne *εοργην* illam teneram, qua in foetus suos illi feruntur, impie conturbare videar. Sufficit, neutrum eorum disquirendis ac inveniendis remediis, morbis eorum appropriatis, favere; aut forent hæc ignifera seu lucifera, aëris substantiam, aut elaterem, vel ætherem nutrientia & formantia: qualia nihilominus ignoramus cuncti, ac dici nequeunt medicamina officinalia, quæ spiritus roborare, exagitare, perversos eorum motus corrigere, hæcenus credidimus.

Sane culpa haud vacat mens nostra, dum ex paucis nonnullis, quæ forsan sensibus obvia, alia plura abstrusiora dijudicare, & unius alteriusve modulo cuncta aut pleraque metiri, fatagit: quatenus ex præjudicio hoc pravo infiniti numeri falsæ, in rerum naturalium harumque operationum textura, modis & causis determinandis, emerferunt hypothefes; dum qualiter in una corporum specie hæc deprehenduntur, præpropere in altera quoque sibi eadem conceperunt ac tradiderunt. Mineralibus ac metallis sulphur & Mercurium inexistere, ac per has sui partes constitutivas varios effectus eadem præstare, experientia & ratione edocemur; inde tamen Paracelsista præcipitanter satis, in vegetabili atque animali regno rem pariter se habere, concludit: cum diversis his eorumque corporibus disparia plane sine dubio inexistant principia moventia; quoad hoc ad minimum, quo unum horum ab altero genere differt, i. e. vegetabile a minerali, & animale ab utroque illorum. Et proin in operationibus horum explicandis perperam mihi laborare videntur, qui actiones animales a vegetabilium motibus discernere ignorant, hasve per potentiam sulphuris mineralis languidi, putredine ac arte eductum sal urinosum &c. declarare contendunt, & per analogissimos ejusmodi minus adæquatos totidem absurditatum ac errorum genitores evadunt. Satius sibi credentes per levem & utrinque claudicantem similitudinem de fluidorum vitalium textura & agendi ratione fingere & mundo obtrudere hypothefin mutilam ac mancam, quam suam ingenii hebetudinem profiteri ingenue. In hoc nempe consistit generum illa disparitas, ut sive partes constitutivas, sive harum modificationes, habeant dispares: & in hoc discrepat vitalitas hominis

minis atque animalis cujusvis a vitalitate vegetabilis & multo magis mineralis, quod, etsi forsan quædam habeant communia ratione, quarundam suarum operationum, harumque causarum; quia nihilominus animal earum nonnullas peculiares sibi que solitarias insimul præstat, ab aliis etiam principiis, causis, motibus &c. vim eam videatur habere. Hinc, quoniam cum cæteris animalibus propriam, a vegetabilibus & mineralibus vero peculiarem, vim movendi ac sentiendi tenet homo: cur non aliam quoque & his omnimode peculiarem ac singularem ejus admittimus causam; proin impetum, facientium indolem ab aëris, ignis, sulphuris, olei, salis &c. natura non alienam suspicamur?

Et ne ad generaliora nimis evager, mox circa fluida illa macrocosmi, omnibus forsan concretis naturalibus conservatoria & suo modo constitutiva, ambigere fas erit, num in eo sensu possint ac debeant dici universalis, quod singulorum corporum fluidis constituendis ita inserviant, quin alia insuper & particularia iis inexistant, diversorum ad minimum regnorum & generum? aut, annon illa fluida universalis, quibus pro perpetuatione sui fruuntur singula naturalia, diversis eorum generibus ita accommodentur ac in iis eousque modificentur, ut non amplius per fluoris sui universalis habitudines, sed restrictas & determinatas magis, in iis integrandis horumque functionibus peragendis concurrant? Atque hoc quidem in animalibus præprimis, quorum fluida vitalia horumque energię ac impetus singularia multa præ fluidis universalibus & cæterorum regnorum corporum exigunt. Habent fluida hæc particularia aliquid commune cum aqua & aëre, fluorem nempe, habent etiam peculiaris multa, dum ab aqua differunt sensibilibus olea, Mercurius mineralis, sanguis & lymphæ animalis: aqua & aër solvunt salia, oleum & sanguis minus, nec Mercurius, qui metalla corrodit, quiq; pondere reliqua superat &c. alia solvit. Innotescit aquæ vis humectandi, innotescit etiam ejus aëris impetus alia corpora & machinas movendi: ast qua ratione in & sub sanguinis ac lymphæ textura vitales motus exequantur, per universalem eorum fluorem declarari nequit. Aquam solvere salia, agere in ferrum, in ea sub phlegmatis nomine dissoluta salia, pro constituendis stigmatidis acidis aut spiritibus urinosis &c. hincque dictis

Fluida universalis non eadem ratione se habent in omnibus concretis.

In specie fluida animalia differunt ab universalibus.

ctis menstruis, solvere vegetabilia, mineralia &c. neminem latet: sed quale menstruum, sive ratione aquositatis, sive intertexti huic falsi, sit Lympha ventriculi digestrix, quæ ex assumptis educat chylum lacteum & gelatinosum, vitalem &c. determinare, hæret aqua; quia potius judicare urgemur, a natura aquæ communis aliorumque falsium menstruum hoc animale longe recedere, ut olim in *dissertatione, de Menstruo universali animali*, declaravi.

E. ab analogia petitz hypothesi minus validæ.

Quibus ita se habentibus errare videmur, si solis analogiis in rebus naturalibus explicandis utamur, neque idoneæ satis erunt pro fluidorum animalium textura declaranda similitudines, a fluidis vegetabilium ac mineralium, item ab aquæ, lucis atque aëris habitudine, motu &c. petitz. Negare equidem haud licet, quin hæc nonnihil lucis afferant rei, experimentis comprobata, eandem tamen, haud omnimode conficiunt; cum non ex omni parte sibi similes sint, hinc nec essentiam rei una vel altera tantum habitudo seu phænomenon, quod cum alio commune habet, evidentem reddat. Inter animalia ac plantas equidem datur aliqua analogia, ratione nutritionis & accretionis per succulentias & motus determinatos; inter aquam macrocosmi & lympham microcosmi, ratione floris & motus perpetui: quales tamen, quia non ubique quadrant, nec omnes utriusque generis habitudines & circumstantiæ ex utraque parte applicari valent; nec fluidis animalibus, & inter hæc nec spiritibus, denegari debet præ aliis fluidis textura peculiaris; per animaleitatis nempe prærogativam, qua moveant, videant, audiant, tangant &c.

Cum nec fluida animalia eandem texturam habeant.

Atque hoc vel eo minus, quod nec fluida animalia unius texture atque energię observemus, aliterque longe se habeat bilis præ succo pancreatico, præ chylo lymphæ, cruor &c. qualibus proin, quia fibras non tendunt, objecta sensibilia horumve impressiones non recipiunt ac ad commune sensorium non deferunt, aliqualem quidem cum fluido nerveo similitudinem, non tamen itenditatem, concedere possumus. Et per consequens quamvis v. g. objecta sensibilia in fluidum sensitivum simili ratione agere dici possint, ac v. g. corpus solidum, aquam aut aërem percutiens horumque fluctuationem ordinariam ad momenta alterans seu aliter determinans: non tamen exhaurit hæc hypothesis naturam illius fluidi, nec sensationis modum

dum sufficienter exponit; multo minus, quomodo fluidum hoc unius generis & homogeneum, per nervos haud disparis texturæ, lucem oculum ferientem, sonum per aurem irrupentem, palato affrictos aculeos sapidos, adeoque species diversas, communi sensorio, adducat. Concipiat sibi lympham quis cujuscunque subtilitatis & puritatis, minime tamen adæquata hæc erit pro operationibus impetum facientium in corpore nostro declarandis; & ultro comparebit sententiam de fluido nerveo liquoroso, quia phænomenis hujus explicandis minus quadrat, hypotheseos genuinæ nomen haud mereri. Mihi interim credere atque asserere concedatur ex præmissis, fluidum illud nervosum indolem sibi peculiarem, & quali nulla fluida, extra animalia, aut universalia, gaudent, habere: ac oleum atque operam perdere, qui igneæ, æreæ, sulphureæ, salinæ, lymphaticæ, naturæ spiritus animales volunt; sed adeo singulare hoc fluidum, existere, ut sibi simile, & cum quo se comparari patiatur, in rerum natura haud inveniatur. In profundo itaque etiam hucusque latet ejusdem fluidi pathologia, nihilque determinat, qui illud deficere, incrassari, ignescere seu accendi, obtenebrari, vappescere, torpescere, perverse commoveri, ait: ignorans, quid deficiat, an ad similitudinem induendam, umbram ac torporem admittendum, aut vappescendum sit aptum? an inflammabile existat? an & quomodo a tramite naturali deflectat? per consequens, nec vitiis ignotis, aut de quorum existentia incerti, mederi nobis licebit. Adeo quidem, ut, etsi a posteriore quoque de negotio hoc fermocinari velimus, i. e. ex remediis, quæ spirituum defectum & anomalias corrigere, hactenus credidimus, pathologiam eorum aliqualem formare allaboremus, nec hinc tamen aliquid solidi arti nostræ accrescat: ut ex accuratiori illorum examine, i. e. sine præjudicio adornato, constabit.

Inter medicamenta spiritus afficientia papaveris, hujus succi inspissati, quem opium appellant, & cæterorum narcoticorum vis evidentior est, per quam ad ejusmodi statum reducuntur, ut ab omni sensu ac motu aut omnimode feriantur, aut ab his sensibilibus remittant, vel eosdem depravent: modus interim eorum agendi, seu quid spiritus a virtute hac stupefactoria sustineant, i. e. an inspissentur, an

Fluidum
nervosum
maxime
differt a
fluidis ma-
crocosmi
universalibus.

E. latet nos
quoque
pathologia
illius.

Nec ex re-
mediis ha-
ctenus ad-
motis
hanc erue-
re licet.

v. g. non
ex effectu
narcotico-
rum.

Virtus cœ-
terorum
cephalico-
rum dubia.

V. g. Cin-
nabaris.

extinguantur, an suffocentur &c. profundissime adhuc latet; aut per neutrum recensitorum modorum, quo in spiritus agere illa concipimus, firma aliqua de horum essentia hypothesis erui potest. Cœtera medicamina, quæ spiritibus, vigorem horum exaltando seu roborando, prospicere creduntur, triplicis existunt generis, sc. volatilia, fixiora & media: qualia recensere supervacaneum duco, utpote in vulgus nota. Fixa in genus nervosum huiusque incolas agere, his activitatem imprimere eosque suscitare atque exagitare, comprehendere nequeo, neque his ingenii mei nebulis discutiendis ætherei illorum influxus seu irradiationes, quales a Cinnabari huiusve sulphure fixo, v. g. in morbis spasmodicis, sibi pollicentur communiter, huncque ideo cum *Cratone* epilepsiæ magnetem, imo cunctis fere cæteris cerebri affectibus appropriatum remedium, proclamant, pares sunt. Adeo quidem, ut, si experientiam consulamus, vix aliquem evidentem effectum in spirituum systema conturbatum monstrare detur, conqueruntur mecum alii quoque medici ingenui, qui non tam suæ, quam artis, existimationi litant, se in affectibus ejusmodi Cinnabarina ut plurimum frustra propinasse. Miror interim insimul, sulphur Cinnabaris a chymicis fixum pronuciari, cum sulphur commune fixitate haud superet: si sc. hujus formalitas in inflammabilitate seu combustibilitate minus prompta consistat. Nec apparet, qua ratione sulphur hoc fixius in spiritibus roborandis, temperandis, horumque turbis corrigendis plus præstet, quam volatile, aromaticorum sc. ac horum oleorum & spirituum sulphureorum: postquam inprimis experientia edoceamur, hæc immediate magis in fluidum animale agere, atque huic torporem manifestius excutere, ut mox dicetur.

Ac cætero-
rum fixo-
rum.

Cujus quoque generis non judicare non possum cætera fixiora cephalica, spirituum medelæ vulgo mancipata, v. g. Corallia, Margaritas, Ungulam Alcis, Cranium humanum, Unicornu marinum, Lapidés pretiosos &c. quæ assumpta sicut cum Cinnabari immutata per alvum rejiciuntur, ita nec aliquid substantiæ, nec virium, hinc cerebro inferri ac spiritibus affricari valet. Et si forsân in affectibus cephalicis aliquando emolumentum aliquod contulisse observentur recensita, dubitare integrum relinquitur, an Cinnabarina hoc agant non

non tam ratione sulphuris, quam Mercurii, sibi intermixti, primarum viarum contenta hostilia corrigendo, absorbendo ac detergendo, hinc fibrarum earum spasmos immediato magis contactu demulcendo, harumque consensum morbificum cum cerebro interpellando. Dubium etiam manet, an hujus generis medicamenta reliqua humores potius præter modum turgescerent ac irritantes, in febribus v. g. scorbuto, quam spiritus effrenes, afficiant, illos immediate, hos mediate demum, temperent ac refrenent, sc. in doloribus, spasmis ac deliriis &c. i. e. corrigant illas heterogeneitates, quæ quocunque modo genus nervosum irritant.

Agunt
quippe
forsan in
humores
potius,
quam in
spiritus.

Conjecturari me ita jubent diversa 1. quod sola remedia evacuatoria symptomata ejusmodi solvant: 2. illa specifica propinata spiritus immediate & evidenter haud commoveant, seu in hos agant: 3. nihilominus de virtute eorum in primarum viarum contenta penes omnes constet.

Sensibus magis obvia est activitas volatiliū quorumcunque in spiritibus torpidioribus excitandis horumque motibus dirigendis, minime tamen, quasi cum iis coeant, hosque per analogiam substantiæ enutrient, quod confortare communiter ajunt: sed quod per mobilitatem & impetus suarum particularum penetrantium fibras organorum sentientium vellicent ac laceffent. Qualia sunt Aromatica, Moschus, Ambra, Castoreum, hincque parata olea & spiritus sulphurei, item salia urinosa cum spiritibus ejusdem indolis, acida, etiam generosiora, v. g. Acetum simplex, aut cum Ruta, flor. Lavendulæ, Liliorum Convall. &c. medicatum, prout spiritus Vitrioli pariter vel volatilis, vel cum spiritu aromatico volatilifatus &c. Cuncta hæc spiritibus non tam implicari, quam eosdem ab extra ad motus impellere, probabile fit, (1) quod plus præstent & in morbis spirituum efficacius agant naribus ac palato affricta, quam ore hausta: vel (2) propinata citius, ac in ventriculum demittuntur & antequam cerebri compagem penetrare poterant, vim suam exerant: (3) eorum pleraque cum chylo seu sanguine cerebro suffusa spiritus potius conturbent ac sub inebriaminum & opiatorum modo obnubilent; per consequens iis non sint homogenea, sed heterogenea potius. Accedit his (4) exilitas molis, qua ad ingens illorum (ut creditur) di-

Quomodo
spiritus ex-
citant vo-
latilia?

Motu ac
impulsa.

spendium refarciendum minus proportionata existere videbantur, siue assumpta, siue naribus inspirata: item (5) quod graveolentia, seu foetida, quæque spiritibus molesta censentur, æque ac suaveolentia, seu quæ iis grata & adæquata magis creduntur, torpidos in affectibus soporosis, apoplexia & epilepsia excitent & vim novam iis imprimant. Quemadmodum (6) idem præstant acria quævis cephalicis nunquam annumerata, aut naribus sub forma ptarmicorum vel errhinorum immissa, aut ori infusa, v. g. spiritus Nitri, Vitrioli; aut si cum his lingua & palatum tantummodo fricentur, v. g. Sal commune, Theriaca, Confectio Anacardina &c. Imo tandem (7) sensibilia excellentiora quævis, frictiones nempe ac vellicationes partium vehementiores, clamores, qualia nemo sane spiritibus materiam concedere aut horum defectum restaurare, asseret, eos torpidiores suscitant: organorum fibras nerveas vellicando & spiritus intra has undulantes eousq; impellendo, quo motus sibi impressos ad cerebri usque meditullium continent, ut vel hinc inferre liceat, volatilium quoque cephalicorum spicula, narium, palati, gulæ ac ventriculi villos vibrantia & horum fluidum exagitantia impulsu & vibratione, hac tantum spiritus languentes ad pristinos motus cogere. Quæ medio demum modo se habent medicamina, spiritibus roborandis dicata, v. g. Betonica, Pœonia, Doronicum, Primula veris &c. parum admodum in spiritus ac nervos agunt, cum eorum aculei & impetus leviores sint: & quicquid in motibus horum juvandis ac corrigendis præstant, per vim eorum, glutinosos humores incidendi in primis contingit.

Cœtera:
minus volatilia etiam in humores tantum agunt.

Ars igitur nostra destituitur remediis spiritus roborantibus & corrigentibus.

Hinc non adeo paradoxum erit meum assertum, Arti nostræ deficere ejusmodi remedia, quæ spirituum animalium inopiæ suppetias adæquatas & immediatas ferant, seu in eorum substantiam convertantur, horumque motus perversos emendent, ac ad impetus æquabiles simulque vegetiores reducant: nec reprehendendus ero, quod tyrones hujus defectus admonuerim. Egi siquidem hoc eum in finem, non ut a morborum cephalicorum medela omnino abstineant, seu de eadem desperent, sed ut operam sedulam magis præstent in causis remotioribus eorum profligandis, torpidioribus interim spiritibus impetus incutiant remediis recensitis & oppido no-

tis, donec his adminiculis adjuncta systasis fluidi animalis sibimet novas copias paret, & ad motus pristinos se recipiat.

CAPUT XIX.

De

Doloris mitigatione.

Circa morbos organicos seu partium solidarum dispositiones p. n. harumque medelam generalia vix suppetunt animadvertenda, neque circa rerum toto genere p. n. sublationem: quin potius, cum utriusque generis plures sint species, varient etiam hæc pro diversitate subjectorum, causarum, adjunctorum, aliarumque circumstantiarum, secundum speciales has differentias iis medelam facere conveniat. Porro quantum & quomodo symptomata indicent, *cap. 10* dictum, singulorum vero medelam praxis specialis hinc inde subministrat, & quidem modo veram, modo palliativam seu fucatam, sicut in specie doloris diversorum membrorum, v. g. artuum, intestinorum, ventriculi, dentium, oculorum, nephritidis, pleuritidis, cephalalgia &c.: quæ tamen non impediunt, quo minus sub conceptu generaliore de Doloris medendi ratione tyronem erudiam, ac necessarias hujus cautelas exponam. Est quippe dolor ejusmodi symptoma, quod vires non modo enormiter dejicit, sed cujus ingrata & tristis sensatio ægris adeo molesta existit, ut præter hanc omnia, mortem etiam aliquando, perpeti malint, nihilque magis, ac hujus levamen & sublationem, urgeant: imo, ut alias monui, spasmi dolorifici causarum morbosicarum aliorumque symptomatum remotionem aliquando sufflaminant, ut hæc vix commode, nisi illis aliquantum sedatis, v. g. calculus renum, fœces alvi, in Colica suppressæ, eliminari ac educi queant; per consequens etiam hujus intuitu sui mitigationem postulant.

Quod ut dextre magis fiat, ratione formalitatis & causarum doloris mihi præmonendum, eum minus commode vel, juxta *Sylvium* Dolor non est affectio tactus. tactum auctum, vel cæterorum plerosque depravatum, seu hujus vi-

tium, appellari posse: cum non tam hujus organum seu cuti inter-

textæ papillæ nerveæ, quam fibræ quævis sensiles, a re dolorifica afficiantur. Id est, quamdiu culter v. g. secans, medicamentum causticum papillarum harum tangentium prominentiolas extremas tantum leviter ferit, aut calor mitior superficialiter tantum in partes agit, nihil molesti, tristici, dolorosi &c. illæ sentiunt, donec iis & cutis fibrosæ substantiæ profundius adigantur illa, ferrum candens fibras crispet ac laceret, i. e. superata sphaera seu extremitate dictarum, eminentiarum tangentium. Sc. eo ipso, dum (1) dolorificam molestiam non infert, quamdiu, ut tangibile externum, compagem tantum illarum papillarum percellit, (2) præter has papillulas quævis partes fibrosæ, quas haud tangere, nunc penes plerosque in confesso est, dolorificas impressiones sustinent, nec (3) sub integritate, sed læsione seu tensione demum fibrarum immoderatiore, illud fit: non tactus vitium seu frustratio, sed irritabilium seu sensibilibum fibrarum passio, videtur dolor; i. e. irritantur fibræ ad sui contractionem extraordinariam.

Subjectum
doloris a-
dæquatum
sunt fibræ
nerveæ.

Subjectum E. doloris fibræ sunt nerveæ & ex his contextæ partes quævis, v. g. membrana, musculi &c. utpote quæ sensibiles atque irritabiles, dum a re extra se constituta plus justo tenduntur ac lacerantur, passionem hanc experiuntur, quatenus tensioni ab extra factæ contractione sua reluctantur, seu ad renitentiam ejusmodi ab illis, quæ præter modum tendunt, provocantur, quod olim continui solutionem ajebant. Ita quidem, ut fibræ tensæ simul vicinas, utut impressionem illam objecti dolorifici haud sustinentes, in consensum rapiant, quæ pariter renitendo in laceratas seu tensas reagunt, seu easdem denuo convellunt. Cui contractioni hinc inde factæ combinatur partis dolentis pulsatio, hinc facile inflammatio, quod veteres dicebant, dolorem affluxum parere; adæquate magis explicari poterat, per circulationis sanguinis, in parte dolente, conturbationem seu impedimentum. Imo sub spasmodicis his dolorificis non tantum partis essentialiter seu immediate magis a re dolorifica affectæ, sed simul in consensum raptæ (atque hujus aliquando sine dolore evidente) functiones propriæ læduntur, ut v. g. in dolore nephritico ad nauseam & vomitus stimuletur ventriculus, motus diaphragmatis ac cordis, ad dyspnæam & lipothymiam usque, conturbatur,

Causa do-
loris for-
malis.

Dolor in
consensum
rapit par-
tes alias.

tur, i. e. symptomata varia per consensum partium fibrosarum prodeant.

Atque hanc fibrarum tensionem incongruam hincque factam violentiorem crispationem ad sensorium commune determinari, (1) continuitas illa, quæ cum hoc, mediantibus nervorum ramis & truncis, iis intercedit, innuit, (2) quod dolores vigilias concitent, adeoque cerebri etiam incolas inquietos reddant, ac eosdem (3) excipiant spasmi & motus convulsivi, plus minus universales, si nimirum, diuturniores ac graviores, spirituum animalium intra cerebrum ac nervos motus conturbent ac impetuosius exagitent: quibus (4) accedit, partes etiam detruncatas dolere, seu de dolore harum, primo sensorio antehac impresso, conqueri adhuc mutilatos; item (5) quod opiata assumpta in spirituum systema agentia horum motus dolorificos in hoc vel illo membro sistant.

Causarum dolorificarum, seu tendendo fibras irritantium, diversæ sunt, secundum partis dolentis diversam texturam varia dolorum genera & gradus, sive mole, sive motu, sive quavis particularum suarum modificatione incongrua, præstantes: & quidem tam externæ, quam internæ: Illæ sunt quælibet ab extra in fibras sensiles vehementius, tendendo, secando, urendo &c. agentia: Internæ vero observantur modo substantiæ solidiores, v. g. calculus, os luxatum, item lumbrici seu vermes rodentes; modo heterogeneitates fluidiores ac subtiliores, v. g. sanguis & lymphæ stagnando & distendendo, item lymphæ, pus, per acrimoniam suam rodendo, dolores concitantia. Nec in his semper acrimoniam singularem concipere opus, necesse videtur, cum sub quavis incongruitate fluida fibras nerveas, quibus minus adæquata, irritare valeant, ac v. g. guttulam aquæ vulnere instillatam & filamentum levius, ad idem delapsam, mox exquisitum in hoc dolorem parit. Fieri tamen vel concipi poterit nunquam ullus dolor, quin solidum ac fluidum nerveum simul motus incongruos sustineant, utut primus hujus instinctus, ut dixi, diversam agnoscat causam.

Quibus præmissis dicendum, Therapeiam dolorum generalem Indicationes speciales tres involvere, causæ nimirum sublationem, fibrarum tensorum laxationem, harumque irritabilitatis contemperationem.

A causa- rationem. Causæ remotiōni ante omnia esse litandum, sana equi-
rum remo- dem ratio postulat, & quidem, prout illa variat, per modos & instru-
tiōne non menta diversa: quod nihilominus tensiōni fibrarum dolorificæ ha-
semper in- rumque irritabilitati, illa relicta, aliquantum succurrere liceat, ex-
choan- tra omne dubium & manifestum est, v. g. in dolore nephritico,
dum. qui frequentius, antequam calculus expellatur, compescitur, neque
Sed fre- hic, antequam ille mitigatus, educitur. In quo cum antiquis con-
quenter sentientes deprehendimus modernos, utrosque ante omnia per ano-
quoque a dyna & narcotica operari jubentes, priusquam calculum pellentia,
fibrarum demulsiō-
demulsiō- ne.
Adeoque ab anody-
nis & nar- coticis.
Licet ad tempus
tantum agant.

Licet ad tempus tantum agant, adeoque ab anodynis & narcoticis. Licet ad tempus tantum agant, adeoque ab anodynis & narcoticis. Licet ad tempus tantum agant, adeoque ab anodynis & narcoticis.

Fibrarum
crispaturas
quæ leni-
ant?

Fibrarum interim tensiōnes seu crispaturas leniunt localia ano-
 dyna seu paregorica, alias emollientia seu laxantia dicta, varia: quæ
 emolliendo illas ad rigiditatem tensas laxant & quasi elongari faci-
 unt, ut tensiōne illarum remittente objecto æque dolorifico ac spiri-
 tuum ingruentiæ promptius cedant, sicque dolor remittat. Species
 sc. (I) emollientes ac mucilaginosæ cunctæ sub forma humidiorē,
 v. g. sacculorum lacti vel aquæ incoctorum, item cataplasmatum,
 admotæ, cum ipsa humida seu humectantia in partes, harum villas
 laxando, agant: quo spectant medulla panis cum lacte vitello ovo-
 rum, stercora animalium v. g. juxta *Thomerum*, in dolore artuum;
 omnia pingua temperatiora, v. g. axungia & medullæ ossium ani-
 malium, butyrum, olea temperatiora expressa vel simplicia, vel cum
 aliis

aliis cocta, v. g. liquor oleosus ex floribus verbasci & sambuci per deliquium in clibano paratus. (2) Antispasmodica interne atque externe applicata, v. g. lumbrici terrestres, hincque præparatus liquor atque oleum, item urinosæ, camphora, suffimigium ex succino, cinnabarina & castoreata, sapo cum spiritu vini in linimentum redactus cum balsamo Peruviano, oleo ranarum atque bufonum.

Anodynis simile quid præstat sanguinis eductio, in doloribus variis demulcendis præsentaneum remedium: non tantum quatenus sanguinis ac lymphæ stagnationes dolorificas, sicque causam doloris proximam, solvit evacuatio hæc: sed quatenus utrumque hoc fluidum, quo hætenus vel secundum naturam, vel propter crispaturas suas, turgabant, fibris subtrahit, ut hinc flaccescentes seu minus tensæ ingruentiis spirituum impetuosioribus seu dolorosis cedant, ne his & objectis molestis adeo renitentur, hinc in spasmos dolorificos leviores tantum illæ cieantur. Spectant etiam huc vesicatoria, parti non dolenti applicata: quatenus non tam materiam peccantem, quam spirituum impetum, a parte dolente avertendo, agunt, juxta *Hipp. 2. aph. 46. duobus doloribus in diversis partibus obortis vehementior minorem obscurat*; quod idem de dolore, quem vesicatorium infert, expectandum, ideoque parandum, ut dolorem pristino si non majorem, certe haud minorem faciat. Etiam sanguinis missio.
Et Vesicatoria.

Spirituum denique orgasmum, sive in cerebro, sive in parte affecta, exagitatorum, temperant ac cohibent stupefactoria seu narcotica quævis, diversi generis, interne pariter, ac externe, applicanda. Spiritus tum multantes sopiunt narcotica. Inter quæ sine dubio primum locum tenent papaverina ac opiata, frequentioris etiam præ foliis ac semine hyoscyami, stramonici & radice mandragoræ usus: Intrinsecus sc. propinata opiata sub exilissima dosi ingentes in doloribus immensis sistendis effectus præstant, activitatem spirituum naturalem ac præternaturalem refrenando atque compescendo, ut ab hac minus actuatæ fibræ sensibiles laxentur seu torpescant, quo impressiones causarum dolorificarum minus perferant; Ut mirari subeat, nonnullos practicos, satis veteranos, haud formidare, non attendentes encomia, quibus celebrissimi & magnæ fidei atque experientiæ Scriptores illud extollunt, dum v. g. *Hartmannus* medicamentum hoc magnum in Medicina. Usus opii in doloribus, midandus.

arcanum pronunciat, *Sylvius*, se nalle non medicum esse, quam Opio carere, ac *Willisius* eo artem carere non posse, scribunt: quorum *posterior Pharm. rat. f. 7. c. 1* aliquot effectuum summe dolorificorum & molestissimorum, pro deploratis habitorum, curationes, solius Opii beneficio peractas, recenset; & *Platerus* demum in laudibus ejus decantandis ad illud Hyperboles abripitur, ut asserere non sit veritus, se rota confractum mediante illo aliquandiu superstitem conservaturum.

Nec major
ejus dosi
& usus fre-
quentia.

Neque alios Practicos ejusmodi observationibus destitui puto, ex quibus constat, quam stupenda sit hujus sedativi vis in doloribus gravioribus ac contumacibus, aliquando quamvis ad horrendam seu incredibilem quantitatem usurpati, quæ hinc inde penes eosdem evolvi possunt: liceat mihi unicam tantum, præ aliis similis generis, notare. Quatuor circiter abhinc annis juvencula, uxor mercatoris cujusdam primipara, in primo hoc puerperio, febrem acutam cum vomitibus, lipothymiis, motibus convulsivis &c. incidebat, qualia symptomata intra decendium circiter per remedia appropriata aliquatenus discussa lipothymias, anxietates præcordiorum ac strangulationes pone se linquebant, inprimis vero dolorem artuum exquisitissimum nocturnum, arthritidis vagæ æmulum, nullis auxiliis, nec opiatis, in mediocri dosi propinatis, superabilem, qualem nihilominus intendere & frequentius exhibere, alter Medicus mihi socius meticulousior ambigebat, donec tandem ambo convicti, cernentes majorem paulo medicamenti hujus quantitatem nihilominus noctes quietas magis præstare, eam singulis vespertinis ac nocturnis horis bis, ter, imo quater exhibuerimus, semper levamen hinc, ab intermisso vero ejus usu eosdem dolores cum misera experti: adeoque demum continuato hoc noctibus insequentibus, & sic ultra uncias tres intra binas septimanas Tincturæ opii tartarifatæ consumptis, cruciatus illi cum cæteris symptomatis omnimode evanuerint.

Damna
opii.

Frequentiore pariter experientia edocemur, minus congrue aut imprudenter propinatum Opium evidentissime nocere, spirituum torporem evidentem, mentis hebetudinem, ventriculi oppressionem atque aggravationem, affectus comatosos, imo soporem æternum, dum inducit: quales noxas tamen declinabimus præpri-

mis

mis cavendo ab ejus quantitate nimia usuque crebriore, hincque attendendo monitum *Sylbii*, toties ab hoc inculcatum, ut propinetur in quantitate exiliore, & partitis potius vicibus dosis major vel media quoque. In specie vero haud facile aut parcissime exhibenda sunt opiata infantibus, utpote quos, propter cerebrum mollius & systema spirituum tenerius adhuc facile in convulsiones & epilepsiam lethalem conjiciunt, aut hebetioris ingenii atque memoriae reddunt: nec cacochymicis & cachecticis valde, seu pituitosis ac serosis, qui spiritus languidiores alunt; aut quibus vel ab ipso dolore ac vigiliis, vel a morbo combinato, vires enormius consumptæ. Quemadmodum ratio maxime habenda est quorundam idiosyncrasiae, qui sub usu opiatorum nihil omnino levaminis a dolore, sed saltem lassitudinem extraordinariam ac torporem cum delirio ac vigiliis, ad comatis vigiliis modum, sustinent.

Quibus
opiata mi-
nus qua-
drent?

Extrinssecus applicatorum vis narcoticorum aut exilior forsan, in doloribus leniendis observatur, quamvis in praxi vulgari quotidiani usus sint: nisi quatenus eorum quaedam minima subtiliora fibras partitis affectæ sensiles profundius penetrant, & secundum harum tractus ad spirituum systema absorbentur. Vulgi equidem est traditio, opiata membris inflammatis non raro gangrænam, ad mortificationem usque inducere, per consequens vim eorum narcoticam per cutem interiora penetrare ac hac ratione etiam dolores lenire: quod si tamen experientiam consulamus, aut hæc illud denegat, aut assertum hoc fallaciam non causæ, ut causæ, involvit, dum sub cataplasmatibus similisve mixtura applicato opio, hyoscyamo &c. tribuitur, quod cœteris ingredientibus aut remediis antecedaneis majore jure in acceptis erat referendum. Cum narcotica hæc non in fibras agant hasque laxent, vel ad mortificationem usque laxare queant, quemadmodum lenientia & paregorica mucilaginosæ similiaque actu humida & humectantia, de quibus superius dictum. Facit huc & errorem indigitatum declarat illud *Zacut. Lus. prax. admir. l. 2. obs. 174* de quodam, cuius genu valde dolenti admota stupefactoria ex Hyoscyamo, Mandragora & Opio sphacelum huic lethalem induxerint: ubi simul legitur, illum plurima a medicastis alia admisisse auxilia, cum aceto hæc Emplastra, vel fomenta potius, fuisse formata; cuncta ambiguum

Opii ex-
trinssecus
admoti vis
exilis.
Adeoquæ
nec parti-
bus in-
flammati
sphacelum
inducit.

Nocet-
men parti-
bus sensi-
bilibus
valde.

dimittentia Lectorem, an a prioribus, an posteriori, an ab aceto, an hyoscyamo, opio &c. narcosis illa mortifera evenerit? Cautè nihilominus administranda ejusmodi stupefactoria membrīs sensibilibus magis, seu quorum fibræ patentiores ac teneriores, v. g. denti carioso, auribus, alvo, podici, quibus relaxationem ac stuporem difficilioris medelæ inferunt, ac ad narcosin usque totius ab iisdem imbibuntur, ut ab opio denti carioso intruso, clysmiate narcotico &c. quosdam extinctos legamus ac recordemur.

Stuporem
inducunt
topica ad-
stringen-
tia.

Stuporem partibus evidentius inducunt topica adstringentia & austera potentiora, v. g. Acetum, Alumen, Vitriolum, Gallæ &c. quorum vim sedativam in odontalgia frequentius experimur: forsan, quod villos partium irritabiles constringendo horum renitentiam in impetum spirituum, præter naturam commotorum, intendunt ac firment, sicque stuporis peculiare quoddam genus forment, quale ab usu ejusmodi remedium in dentibus ac cæteris oris partibus residuumprehendimus. Quo etiam actu frigidiora referenda, Aqua sc. frigida, Nix, Glacies &c. qualia membrīs, quæ contingunt, stuporem inducere, palam est: quatenus nempe spirituum appulsum illa inhibent seu a parte affecta repellendo avertunt, congelant &c. quemadmodum colicam glacie sanatam refert *Bartholinus de nive*. Qualium tamen usum tutius reprobare, quam approbare, licet, quatenus frigus diutius aut incautius admissum partes brevi in sphacelum conjicit, lipothymias parit & ad somnum fatalem disponit. Sicut topicis stupefactoriis quoque accensenda acriora varii generis, v. g. Spiritus salis, gangranosis membrīs, annotante *Fr. Hoffmanno* anodynum efficax, item radix Pyrethri, Origanum, Caryophylli, horumque olea destillata: quæ sine dubio, plus minus rodendo, perinde ac caustica actualia, partes sensibiles quasi mortificant, v. g. in dentium dolore: quem oleum caryophyllorum rodendo æque horum meditullium, ac ferramentum ignitum idem adurendo, sedare videtur, ideoque in sphacelatis partibus a sanis separandis usuale, & ferrum ad crocum seu rubiginem rodere aptum. Aut acriora hæc, fibras ab extra dum irritant ac convellunt, perinde ac cætera adstringentia vulgo dicta, eas eousque firmant, ut harum renitentia objecti pariter dolorifici, ac spirituum, superet impetum.

Item actu
gelida.

Et acriora.

Deni-

Denique Mercurii vivi, extrinsecus applicati, vim sedativam huc refero, qualem adeo eximiam testatur *Walsus inst. med. lib. 3. c. 3.* Sicut Mercurius visus quoque ut illos etiam dolores mitiget, qui ab aliis remediis sanari non poterint. Et experimur hanc ejus efficaciam hinc inde, v. g. in Cancro occulto pariter ac manifesto, sive simplicis, sive cum plumbo amalgamati, aut, si lamina tantum plumbea, illo incrustata parti affectæ imponatur: item in gummatum gallicorum aliisque artuum aut hujus generis immanioribus, doloribus, in quibus unguenta & emplastra Mercurialia topicis opiatibus palmam præripiunt. Sicut in Cephalalgia quoque effera maxime præsentaneum remedium observamus Emplastrum de Ranis cum Mercurio, duplicato aut triplicato inprimis hujus pondere: imo artuum dolores catarrhicos quoque pertinacissimos idem solvit. Equidem sedativam hanc virtutem nonnulli texturæ ejus penetrativæ seu fusoriæ, qua viscidum morbosum perinde attenuet & solvat, ac metallorum compactiora corpora sub amalgamatione summa agilitate penetret, adscribunt; qualem etiam ipsi denegare nolo: quia nihilominus illius abusus seu incautam manipulationem atque admissionem spirituum systasi stuporem inducere, paralysis, tremores, convulsiones, lethargus apoplexia & impotentia virilis in metallurgis aliisque operariis, qui Hydrargyrum frequentius tractant, a *Fernelio, Solenandro, Begnino, Oetheo, Ponzetio, Foresto, Willisio* ac multis aliis annotata symptomata, testantur, moderatiorem & congruum ejus usum leviolem atque salutarem narcosin inducere, & per hanc dolorificorum objectorum impetum retundere, probabile fit.

CAPUT XX.

De

Moderanda diætâ.

Qui diætâ virium tantum conservandarum seu indicationis vitalis instrumentum, quod sanitatem, causam hujus & functiones integras, vel in statu naturali earum reliquias, conservet, tradunt, cum *Sennerto* sc. plerique, valde mihi errare videntur, cum

sed curato-
rium quo-
que.

Male vete-
res quidam
sub diætā
victus ran-
tum mo-
deramen
comple-
tebantur.

cum oppido clarum sit, illam humorum etiam vitia corrigere, visci-
dos incidere, acres temperare, stagnantes commovere, cruditates
ventriculi solvere, alvum constipatam laxare &c. adeoque cum Phar-
macia & Chirurgia Indicationis, tam conservatoriæ, quam sublato-
riæ, esse instrumentum. Porro male quoque egisse videntur anti-
quiores, quod, equidem sex res nonnaturales cunctas sub diætā stare
asserentes, neglectis tamen & posthabitis, in commentariis suis diæ-
teticis generalioribus, cæteris, cibi & potus tantum rationem ha-
buerint, hincque triplicem diætā, crassā, mediocrem ac tenuem,
secundum victus diversam quantitatem & nutriendi aptitudinem,
constituerint. Unde factum, ut, si de diætā seu vivendi regimine
quæretur sanus vel æger, officio suo satisfecisse & accuratiorem diætā
se coluisse, sibi persuadeat uterque, si nullum in victu errorem
commiserit: increpans aliquando Medicum, qui aliter conjecture-
tur seu ejus vivendi rationem taxet; ignorans, etiam cæterarum,
quinque rerum nonnaturalium usum & abusum diætā bonā
& pravā, licet victus & hujus moderamen optime se habeant,
præstare.

Etiam sa-
norum
diætā
moderatur
Medicus.

Sc. inter instrumenta medica primum locum tenet cunctarum
sex rerum nonnaturalium congruus usus: & pars Medicinæ diæteti-
ca audit, quæ administrationem illam dirigit, in sanis pariter, ac ægris.
Adeo ut falli videantur, qui diætā sanorum ad Artem non spectare
sentiunt: cum infirmis non tantum ac in statu neutro constitutis,
sed vere sanis quoque, quo in salubritate conserventur, adæquata
competat vivendi ratio, a Medico determinanda, ab agro & sano ve-
ro servanda. Inprimis tamen regiminis accuratioris admonere ne-
cessarium est illos, qui ex prava diætā aliquem affectum præternatu-
ralem sibi contraxisse videntur, & quānam illa sint, in quorum usu
hactenus deliquerint, indicare: ut ab his in posterum abstineant,
vel saltem, quantum possibile, caveant. Qualis admonitio quo pe-
nes ægros promptius locum inveniāt, & ut his facilius persuadeat,
quod linquendum, vel faciendum, cupit Medicus, opus est, ut per
propriam eorum experientiam & noxam hos ab ulteriore errorum
perpetratione avertat: quem in finem accuratius simul observet mu-
tationes ad bonum ac malum, quæ sanis æque ac ægris a sex rerum

Cui inpri-
mis infer-
vit expe-
rientia,

nonna-

nonnaturalium usu sano & perverso eveniunt. Potissimum cum non omnes aque ab his vel illis, quorum usus nihilominus suspectus, lædi, experientia comprobet, ut inferius per partes constabit. Et nulli Medicorum citra experientiam determinare licebit, quale unicuique quadret regimen, ac quales nocituri aut profuturi sint rerum nonnaturalium usus vel abusus: verum etiam hic illud tritum attendendum erit præceptum: *ajuvantibus ac nocentibus certissimam peti indicationem*, seu, quod prodest, continuandum vel admittendum, quod nocet, dissuadendum ac fugiendum; i. e. in diætâ decernenda ponderet medicus, quod uniuscujusque subjecti natura ferat, quid ferre recuset. Quem in finem frequentius ac sollicitè interroget singulos infirmos, qualia commode sustineant, ac a quibus sensibilibiter lædantur, cum, uti dictum, non singuli a singulis eodem modo afficiantur: qualia si hætenus ignorent, adigendi sunt, curatius magis ea attendere & medico distinctius referre.

Quod si vero diligentiore medici sciscitatione & ex fideli ægri relatione constet, pravam diætâ morbo aut symptomati occasionem subministrasse, seu quoties singularem sub illa mutationem contigisse, hic observat; toties sedulo & specialius affectus illius causam veram scrutetur, quo huic, quantum possibile, per regimen æq; contrarium ac alia præsidia, succurrere queat: neve morbo & causæ adscribat, quod diætæ erroris est, neque diætâ, quod morbi; in quali judicio ferendo medicus non raro fallitur. Hinc vitium diætæ omni studio corrigat, æger vero monitis hujus obsequiose auscultet, illudque secundum præscripta promptè vitet: irritum quippe est consilium Medici prolixius, nisi salutaribus ejus cautelis obtemperet ille, sique forsan suæ magis luxuriei & affectibus pravis, quam præceptis artis, litet.

Post diætâ
tam ægri
morbi
rimetur
causam.

Æger ob-
temperet
Medico.

Quamvis nimium in diætâ præscribenda rigorem ægris aliquando molestum, neque adeo proficuum semper, experientia innuat, ut *cap. 4* declaravi. Quibus nunc addo, ipsum Hippocratem diversis in locis ejusmodi medicis desideratorum gratificationes commendare, *1. epid. 4. t. 7. & 8.* & in specie quoad victum *2. aph. 38*: *Paulo deterior & potus & cibus, verum jucundior, melioribus quidem, sed injucundioribus, præferendus est.* Quem textum Galenus ita interpret-

Non ta-
men rigi-
dus nimis
sit Medi-
cus.

terpre-

terpretatur: non solum ideo esse connivendum, ut agro gratificemur, sed quod desideratum utile quoque existat. Quatenus quæ cum voluptate assumuntur, ista ventriculus amplexatur & facilius concoquit; sicut illa, quæ displicent, refugit, cum insequente nausea & obstructionibus: quemadmodum quotidie observamus, nonnullos a morbis chronicis vix reconvalescere, congrua interim alimenta fastidire, donec appetitui eorum circa minus salubria visa satisfiat. Cujus exemplum *Hildanus* 1. *obs.* 37 recenset de muliere, quadam, ulcere maligno circa fauces laborante, ita ut alimenta non, nisi magno cum labore, deglutire potuerit, hanc appetiisse halesces, carnes & pisces salitos ac fume induratos aliosque duriores cibos, hosque sine difficultate deglutiisse, amygdalata, hordeata juraque, carniū stomacho abhorrente, qualia nec sorbere poterat. Vescabatur proin his sine noxa, quæ morbum intendere poterant; respuebat vero, quæ salubria, & si hæc assumere allaboraret, nauseam & nonnunquam febriles paroxysmos experiebat.

Quæ conniventiam in diætâ moderentur?

Et conniventiam hanc determinabunt potissimum tria, primo nempe recessus alimenti insalubrioris a salubri major minorve, tam ratione pravitatis, quam quantitatis. Priorem non magnum *Hippocrates* verbis: *paulo deterior & potus & cibus*, concedit, i. e. in quo commissus error vel a natura, vel arte, facile emendari valet: posteriorem vero illud ejusdem *Hippocratis* 6. *epid.* s. 4. t. 14. *Exercitatio sanitatis est vesci citra saturationem*, seu *Helmontianum*, non qualitas, sed quantitas est, quæ nocet, innuit. Cui secundo accedit, ne omnium æq; horum appetitui assentiatur medicus, cum nonnulli adeo morosi atque intemperantes deprehendantur, ut, si tantillum his concedatur, occasione hac, inscio illo plus ejus quarant & assumant: cum qualibus rigidius agendum. Ante omnia autem tertio studiose observandum, qualis & quanta ex gratificatione ejusmodi noxa agrotanti evenierit: qualis minor ulteriorem conniventiam admittit, major severiorem postulat Medicum. Imo corrigere non adeo magnum errorem aliquando licebit modo, in sanis præprimis, secundum *Hipp.* 1. a. labore seu motu corporis; modo medicamentis, cruditates solventibus.

Cœteras gratificandi ægris in diætâ occasiones ad specialiora singulo-

singulorum reservabo loca, inpræsentiarum recensiturus causas, quæ potissimum eam aliquando minus rigidam concedant & lenius regimen postulent. Harum prima videtur idiosyncrasia individualis, Regimen moderatur idiosyncrasia, cujus vi alios abstemios & hydropotas, alios vino addictos, seu ad aquam & cerevisiam male se habentes, offendimus. *Vino in febricitantibus, ut alimento, uti possimus,* scribit Canonherius de admir. vini virtut. l. 1. c. 3. quatenus idiosyncrasia in omnibus morbis curandis magnam potestatem habent, ita ut nonnulli adeo ad vinum comparati observentur, ut in extremis morbis ab illo non abstinere queant: aut, si abstinere cogantur, observante J. B. Sylvatico contro. 12. magis excalescant: quosdam lac, butyrum, caseum &c. fastidientes; alios multi, alios pauci, somni observamus: aërem frigidiores ac rigidiores ferunt, quibus habitus compactior contigit; minus, quibus laxior. Auram tenuiorem plerique morborum chronicorum exigunt, perhibet nihilominus Mundy Biochrestol. Commentar. 1. c. 8. se nosse subiecta ejusmodi valetudinaria, quibus molesta illa extiterit, & crassiores repetere quæ coacta fuerint. Quemadmodum per eandem idiosyncrasia seu temperamenti disparitatem evenit, ut exacte salubri seu temperato aëre commode fruantur corpora temperata, conservetur etiam in hoc integra eorum valetudo, seu temperies huic congrua, i. e. simili seu temperato aëre juvetur: ast quorum temperies a mediocritate per qualitatis cujusdam excessum recedit, non, nisi intemperato, conservantur, tali nempe, qui illius respective contrariæ excessus est, v. g. frigidiores aut calidiores. Variat pariter alimentorum demensum seu assumendorum quantitas Aliæque corporis conditiones, pro singulorum conditione, secundum quam pueri ac ætatis floridioris homines, laboribus vacantes, Septentrionales ac alias robustiores, majorem ferunt ac postulant, præ subiectis senilibus, vita otiosa gaudentibus, Australibus, tenerioribus ac valetudinariis. Quorum sane constitutionibus individualibus in commendandis ac prohibendis rebus recensitis aliisque hujus generis interdum ab blandiri, ratio & experientia jubet, i. e. abstemio persuadere vix poteris vini potum, nec imbecillioris ventriculi homini aquæ haustum: & quorum virtus digestrix potentior, seu, ut veteres loquuntur, quibus plurimum

num calidi est, quia multo opus habent alimento, his ratione morbi minus detrahendum, qui contraria ratione se habent, plus; & si talibus frugalior assignetur victus aut ad inedia m urgeantur, mox animo linquantur, & carnes eorum brevi exsolvantur. Adeo quidem quamvis *Hippocrates 1. aph. 11.* in accessionibus seu paroxysmis februm cibum dare intempestivum & noxium pronunciet, quod tamen in biliosis seu picrocholis, qui sub accessionis principio, ob acriorem bilem, ad orificium ventriculi confluant, animo linquantur, hæc regula limitanda veniat, præter *Vallesium*, *Hollerium* aliosque interpretes experientia docet: utpote in qualibus, si omne alimentum iis denegetur, ex intermittente facile continua, syncopalilis & lethalis, fiat; exhibitum contra aliquando non tantum hæc pericula inhibeat, sed febrim ipsam quoque antevertat. Quibus accensere etiam convenit senes, qui, utut tenuiorem victum facilius sustineant, non tamen sine omni alimento, ingruente paroxysmo, ob syncopem pariter metuendam, linquendi sunt.

It. consue-
tudo.

In aëris
inclemen-
tiis feren-
dis.

Coeterorum eadem sit ratio, id est, connivendum utique sanis ac ægris, si iis inexistant momenta naturalia, rigorem diæticum temperantia. Accedit his aliquando natura altera seu ascititia, consuetudinis nomine veniens, quæ quemadmodum cum natura ipsa seu congenita divisum in corpora nostra imperium habet, ita magna quoque ejus tenenda erit ratio, neque facile per sanitatem ac morbum mutanda, ut *alleg.* pariter loco edisserui, & nunc per pleraque sex rerum non naturalium genera exponam. Atque condescendere sane per rationem æque ac experientiam jubemur axiomati illi *Hippocratico 2. aph. 50. Ex multo tempore consueti, etiamsi deteriora fuerint, inconsuetis minus molestare solent.* In specie hujus vim experimur in aëris inclementia toleranda penes illos, qui a teneris calori ac frigori intensiori ferendis adsuæti sunt: minus enim hinc in morbos propendent, & ab his facilius evadunt. Sic de regionum septentrionalium incolis referunt, eos gerere durata connato frigore præcordia, & quidem conferente præter natale solum ad hoc plurimum consuetudine: ut *Scheferus Lapon. c. 3* scribit, non sustineri æque frigus hoc ab omnibus, nisi qui a prima nativitate illud addiderint,

cerint, imo illos quoque, qui sub tali cœlo nati non sunt, longo usu ad illam intemperiem ferendam adsuefieri, perinde ac ad contrariam seu fervidiorem quoque firmentur, quale quid de iisdem populis Borealibus recensetur. Quos durum illorum ab ineunte ætate vitæ genus contra frigidioris pariter ac calidioris aëris injurias, harumque subitas alternationes valde firmare videtur: dum natos nunc balneis fervidioribus exponunt, nunc frigidaë immergunt, sicque iis habitum concilient aëris aliisque injuriis diversis sustinendis parem. Cui simile quid etiam inter nostrates, sive milites, sive venatores, piscatores &c. experiuntur, qui frigidi aëris, aquæ & ventorum molestiis ita adsuefunt, ut nihil ab illis afficiantur, aut hinc morbos patiantur, qui alios molestiarum harum insuetos frequentius corripiunt: & dum hominum agrestium plerique, montium inprimis incolæ, liberos suos, sub rei vestiariæ inopia, laceratos ac tantum non nudos media hieme, dio gelidiori committunt, ab hypocausti calore fervente regelascetes, operariorum quoque nonnulli, v. g. Salinatores vicini, qui furnorum æstu deliquati atmosphæram gelidissimam irruunt, hancque cum flammeo fervore reciprocant; corpora solidiora & morbis non adeo facile obnoxia sibi ac suis parant.

Referre huc possem odores gratos & ingratos, a quibus sub aëris vehiculo per consuetudinis rationem aliter atque aliter quosdam affici notum: nisi superius & loco alleg. hoc aliquot exemplis egissem. In victu, ejus quantitate similibusque circumstantiis determinandis *In victu:* non minor est illius efficacia. Cum & vitæ usu disponi tandem, queat corpus, ut inedia plus minus toleret, juxta Hipp. de victu acut. t. 15. & 16. *His, qui bis in die cibum sumunt, & bis, qui semel, repentinas mutationes noxas ac ægrotudines inducere, & eos, qui prandere non adsueti sunt, si pransi fuerint, statim infirmos facere hoc:* sc. qui moram ferre per consuetudinem didicerunt, ut semel tantum, vel parum, de die comedant, statim pejus se habent, si vel frequentius, vel plus justo alimentorum, assumant. Ut non adeo difficile videatur, quemvis per continuatum ejusmodi vitæ ordinem portentosam sustenturum impofterum inedia, præsertim si cœtera vitæ conditio ipsi simul faveat: ac illud Religiosorum genus, quod per sanctimonix & abstinentiæ quandam speciem genium suum maximore defraudat,

hincque umbris, quam vivis, similis evadit, consuetudini potius, quam Religioni, hæc jejunia & alimentorum rudiorum minusque alibilium usurpationem, advertente *Pechlino de aëris & alim. de-fectu*, in acceptis ferre, minusque devotionis sibi hinc fingere, queat. Sunt contra, qui a prima juventute cibo multo se replent, sunt, qui in potu sibi plus indulgent, quali gulositati ita aliquando adsuescunt, ut illi sine valetudinis discrimine valedicere nequeant. Et sicut solito crebrius vel rarius de die alimenta assumere, valetudini præjudicare dixi, ita inprimis advertere hoc convenit in operariis seu operis gravioribus ac multis deditis, quibus prandium & cœna non sufficit, sed qui jentaculum ac merendam insuper postulant, non ubique & semper per naturæ forsan exigentiam, sed aliquando consuetudine tantum hoc jussi; cum aliis simili vitæ generi & gravioribus pariter laboribus mancîpatis tres pastus sufficiant. Qualem vivendi nihilominus morem si non undique accuratius singuli observent, vel crebrius, vel rarius, comedendo, male se habent, & valetudinis periculum incurrunt. Adsue-

Vinum etiam arthriticis aliquando concedendum.

fiunt porro nonnulli ferculis lautioribus, solidiora cum obsoniis ferre haud possunt: sicut his educati abhorrent illa, imo, si iis vesci cogantur, non raro hinc pessime se habent, v.g. ruricolæ. Suspectum est vinum febricitantibus atque arthriticis, concedendum nihilominus in his quoque aliquid consuetudini, per quam eorum quosdam a potu vini generosioris mire convaluisse, a denegato vero & potulentis aliis illi substitutis eorundem coctiones fuisse inturbatas, vomitus & alvi fluores concitados, innotescit maxime.

Vitum laudabilem melius ferunt pravo adfectu, quam pravum delicatiori additi.

Ubi tamen observare licet, illos, qui duris hætenus ac dyspeptis cibis utuntur, molliora delicatiorave alimenta demum facilius ferre, quam qui teneræ diætæ mancîpati, solidiora ac coctu difficiliora: quemadmodum vini potum promptius admittunt hætenus abstemii, quam eo carere possunt, qui a teneris illud libarunt. Et hinc est, quod rusticorum similitumque hominum stomachi a turdis, perdicibus aliisque esculentis tenerioribus non adeo male se habeant, quam a lardo infumato, polenta allioque palatum delicatius: nec tam brevi læditur a Vino Saxo, quam a cerevisiis nostratibus Gallus. Quemadmodum ad peregrinationem, militiæ similitumque mole-

stias

stias longinquiores ut plurimum idonei magis deprehenduntur præ cœteris Septentrionales populi, ac agrestes homines præ oppidanis, opipare viventibus; duro & rudi victui adsueta, ad alium tamen admittendum non adeo obstreperi.

Hujus loci fieri poterat usus excessivus Aquarum ardentium seu Spiritus Vini simplicis atque aromatizati, quali nonnullos adeo delectari constat, ut noxas hinc quamvis evidentes percipiant, sc. appetitum ventriculi prostratum, digestionem vitiosam, corpus cachecticum, hydropicum, phthisicum &c. abstinere tamen eo nolint ac nequeant: sive ex mero præjudicio, quo, dum stomacho laborant, alimenta nauseant &c. quasi ille naturaliter infirmior, accusant infontem, saltem ut deliciis & appetitui depravato lenocinentur, revera tamen his hominibus vel ipsum venenum ad vitam conservandam necessarium videatur; sive per consuetudinem perversam eo adapti, ut si hoc potu abstinere urgeantur ac malint, sine noxa corporis sensibili hoc minus fiat. Cujus etiam generis sunt Nicotianæ fumi ductores quotidiani, itidem modo ex falsa persuasionem, modo per consuetudinem, eo delati, ut eum aut linquere nolint, aut sine valetudinis discrimine non possint.

In motus & quietis regimine multum quoque valet consuetudo, per quam si quis mature aut laboribus, aut otio, se dediderit, illos facilius & difficilius sustinebit: ita ut, juxta Hipp. 2. aph. 49. *qui consueti sunt labores ferre, etiamsi fuerint debiles aut senes, non adsuetis fortibus ac juvenibus facilius ferant.* Id est, perinde, ac cum jumentis, res se habet, quorum quæ laboribus perpetuis non exagitantur, mox sudant ac de lassantur; frequentius exercitata plus roboris ac firmitatis præ se ferunt. Hinc qui motum, ambulationis v. g. post pastum, commendare solent, non cum Schola Salernitana passibus describere hunc audent, sed consuetudini etiam in hoc genere regulæ vim concedunt: postquam multis diuturnior aut vehementior deambulatio noxia, quam proficua, magis observatur.

Nec, somnum ac vigilias consuetudinem moderare, dubitari potest, quod non tantum per hanc ille certis horis nos obrepat, sed flato quoque tempore evigilemus: circa idem tempus spiritus, dum opera & commercia externa relinquunt, quieti indulgent, solitis ve-

Consuetudo prava in usu Spiritus vini & Nicotianæ fumo,

Vis consuetudinis in motu exercendo.

Ac in somno & vigiliis.

ro horis ad motus pristinos redeunt. Per eundem usum reiteratum fit, ut quidam multo, alii pauciore, somno gaudeant : quorum quibus hic præmature interruptitur, inde se debilitatos & lassos sentiunt ; perinde ac longiore & profundiore præter ordinarium sepultos. Quod de meridiano quoque somno verum deprehenditur, cui ita se manciparunt nonnulli, ut, si eo carere cogantur, toto reliquo die caput torpidum ac negotiis expediendis ineptum circumferant ; aliis somnum ejusmodi a prandio susceptum simili capitis gravitate

Item in decubitu.

ludentibus. Facio hujus loci decubitus modos varios, tam ratione, situs corporis, quam lecti & stragulorum, in & sub quibus somno indulgemus. Priorem quod spectat, jacendi variæ & suæ singulis observantur formæ, ac sola consuetudine stat, quæ illarum huic vel illi commoda & proficua magis sit : quatenus earum etiam ineptissimæ frequentia usus addisci ac habituales & gratæ fieri possunt. Ac proin non raro dolores similesque molestiæ hunc vel illum decubitum, v. g. in latus alterutrum, supinum, inturbant, sæpe etiam urgent, & sic hac quoque occasione ejus aliam & a pristina atque alias consuetam alienam formam seligimus, utut aliquando minus commodam

Ac stratis seligendis.

& ineptam, v. g. pronam ac capite demissiore. Sed quoad alterum, exemplorum non unum *superius* recensui hominum singularis ingenii & ruditatis, qui durius lapidum lignorumve & straminis stratum præ mollioribus culcitrīs sibi gratum & ad somnum suaviorem idoneum magis crediderint : quibus nunc ex *Boneti Mercur. compital. l. 19. de dieta ægror.* annecto, sc. Virum quendam generosum, qui militiæ modo valedixerat, valde febricitantem, postquam noctes octo insomnes duxerat, neque somnus ullis præsidii ipsi conciliari potuerat, interprete uxore noctem proximam in stramine transigere, sub certa dormiendi spe, exoptasse : cui ejus desiderio cum medicus non abnuisset, quantæ sit consuetudinis vis, conscius, palea ipsi substernitur ; cui cum vix incubuisset, arcto mox prehenditur ille somno, ad salutem successive refocillante. In Germaniæ plerisque provinciis ex usu sunt culcitæ & stragula plumea, in Gallia, Belgio &c. lanea : quorum illa præ his nostrates in regionibus dictis exteri desiderant, reformidant, tanquam sibi molesta, Galli & Belgæ penes nos si commorantur, textilibus ac villosis suis adsueta instratis. Et narratum mihi

mihi fuit olim in Gallia degenti, Gallum quendam, in Germaniam iter facientem, cum in diversorio lectum operimento plumeo instructum cerneret, ab hospite anxie simulque ridicule rogitalse, ne hominem molis & ponderis majoris sibi imponi aut incubare permetteret: persuasum siquidem ipsi erat, integumento plumeo alium necessario incubiturum, sibi sine dubio onerosum ac molestum.

In Excretis & Retentis, seu excernendis ac retinendis potius, magna itidem deprehenditur consuetudinis potentia, qua alvum & vesicam statis temporibus evacuare addiscimus, rarius quidem nonnulli, crebrius alii: ita tamen ut, si secundum hoc, quod moris hactenus sibi fuit, quispiam excrementa illa non reddat, aut frequentius deponat, varia hinc experiatur symptomata. Quale quid illis inprimis evenit, qui ubi stimulantī naturæ reniti & alvum per negotiorum necessitatem morumve civilitatem aliamve causam cohibere coguntur; quibus, si hæc evacuatio frequentius interpelletur, defectus in consuetudinem tandem plus minus molestam abit, ut alvus non ita, ut olim, conatibus eorum respondeat: cujus rei experimenta quotidiana sunt, & quidem eorum nonnulla satis paradoxa, penes observationum & historiarum medicarum Scriptores evolvenda. Quæ cuncta tamen forsitan superat, quod a *B. Meibomio* olim mihi relatum memini, sc. per multos annos, sine notabili tamen molestia, nisi quam scybalorum durities inter egerendum præstabat & quam majorem metuebat, adolescentem quendam tanta alvi difficultate laborasse, ut vix semel intra unam ac demum intra duas septimanas illa solveretur, & a se hujus vitii remedia petiisse: qualibus aliquandiu tentatis cum alvus sui officii reminisceretur, & quotidie semel, aliquando etiam bis, contenta sua ejiceret, a medico denuo ægrum postulasse, ut ab ulteriore medela desisteret & pristinæ conditioni se restitueret, quippe qui virium singularem debilitatem a laxiore reddita alvo persentisceret.

Est quoad animi tandem pathemata negari itidem nequit, In animi pathemat-
quosdam in hoc, quosdam in aliud, eorum genus esse proclives ma-
gis: non tantum per humorum & spirituum habitudinem ingeni-
tam, sed consuetudinem quoque vitiosam, seu moralitatem. Qua
nonnulli facilius v. g. irascuntur, & levissima occasione non exan-
descere

descere nequeunt : imo hinc vix , ut aliis a minima ira contingit , male se habent , quin potius iracundia hæc iis in sanitatis remedium conservatorium abeat . Alios objecta haud magni momenti vehementius terrent ac in profundiorē mœrorem conjiciunt , per tristitiam frequentiorē ingruentiam ad imbecillitatem extraordinariam fractis spiritibus : dum alii a crebriore malorum perpeffione eousque occallescent , ut animi plus quam humanam firmitudinem induant ; gravioribus fatis ac doloribus ferendis parem ; ut plurimum tamen feliciores adversam fortunam difficiliorē sustinent , non , nisi prosperioribus casibus adfuerit .

Consuetu-
dinis ratio
habenda.

Consuetudinis E. efficacia ad sanitatem conservandam & morbos arcendos multum confert , hinc in medendo maxime attendi postulat , in specie , in diætā formanda : quæ haud temere ac præcipitanter mutari debet , ne huic illata vis naturam ipsam etiā violentius exagitet atque conturbet ; imo ab eadem , tanquam juvante ac nocente interdum indicatio sumenda . *Ut enim , juxta Aristot. 1. probl. s. 28. si piscis in aëre , aut homo in aqua , perseverans male se haberet : ita consuetudinem mutantē egre ab ea discedunt , atque , si ad consueta redeant , salus ipsis est , quasi ad naturæ statum redeuntibus .* Adeo ut etiā hoc in sensu vere dictum compareat , Consuetudinem esse alteram naturam , interdum natura potentiorē : quia tamen eadem aliquando naturæ primæ seu conservatrici vim infert hujusque œconomiam destruit , mutationem quoque sui indicare nonnunquam videtur , ex nocentium genere quia tunc est .

Eadem ali-
quando
nutanda.

Servanda
salubris.

Ut proinde servanda & abroganda consuetudine evidentius constet , puto , servandam esse omnino laudabilem , seu legibus diæteticis conformem , i. e. ipsam diætā salubrem : sub hac tamen cautela , ne quis facile uni semper vivendi rationi se mancipet , quod *Galenus 2. aph. 20.* periculosum pronunciat . Quatenus vita humana , cui se quilibet accommodare tenetur , huicque quotidie obvenientes mutationes , illud dissuadent , difficilis hincque & periculosa evadit rei , per adfuetudinem quasi naturalis factæ , mutatio : i. e. pro vario vitæ genere , pro locorum mutatione , pro temporum necessitate obvenientibus cum euphoria mox cedere vix licet . Audiendus potius *Celsus 1. cap. 1. Sanus homo , qui & bene valet , & sui spontis est , nullis*

nullis se obligare legibus debet, ac neque medico, neque iatrolipta egere. Hunc oportet varium habere vitæ genus, modo ruri esse, modo in urbe, sæpiusque in agro, navigare, venari, quiescere interdum, sed frequenter se exercere &c. Prodest etiam interdum balneo, interdum aquis frigidis, uti: modo ungi, modo id ipsum negligere: nullum cibi genus fugere, quo populus utitur: interdum in convivio esse, interdum ab eo se retrahere: modo plus justo, modo amplius, assumere &c.

Quod consilium qui spernunt & vel sponte, vel per delicatiorē educationem, eo adducti, in juventute ab omni aëris inclementia & victu praviore cavent, v. g. non, nisi probe digestibilibus & delicatioribus cibis vescuntur, calida bibunt, vestimentis pelliceis utuntur, sudoribus matutinis indulgent, vel ad hos se componunt, & quæ similia: si posthac aliquando occasio minus ferat adsueris his frui, eademque evacuatio, v. g. inter peregrinandum aliquatenus & semel forsā interpellatur, hinc pro ejus diversitate aliter atque aliter se gerere cogantur, iis insueta hæc maxime molesta, imo ad morbos usque graviore periculosa, evadunt; dum v. g. juxta modo nominatum *Celsum* 1. cap. 3. *ideo quoque nimis ociosa vitæ utilis non est, quia potest incidere laboris necessitas.*

Aliter se res habet cum consuetudine prava, seu quæ a regulis ^{Mutanda} diæteticis plus minus recedit: qualis aliquando mutanda, aliquando ^{prava plerumque.} tamen ipsi etiam mos gerendus; aut, si mutetur, non temerarie, ac sine circumspeditione hoc fiat. Minime eidem auscultandum, sed diætæta consuetudinaria emendanda, si aliqua noxa hinc evenerit, aut, licet non præsentanea, metuenda tamen, fuerit: v. g. a vigiliis & lucubrationibus si vires frangantur atque hanc illamve functionem evidenter conturbari constet; aër uliginosus & fuliginosus si in catarrhum, phthisin &c. conjiciat; fumus Nicotianæ solennis, si ex appetitu ventriculi, quem prosternit, graviora suspicemur symptomata; computationes quotidianæ, abusus spiritus vini nimis frequens, propter hydropem hinc imminentem hujusve prodromos. Atq; hoc ^{Et quidem} fieri debet quamprimum, hinc ipso etiam ægrotationis tempore, cum ^{aliquando} morbum ejusq; causam, si non conjunctam, certe antecedentem, ^{in ipso morbo.} fo-
vet ejusmodi prava diætæta; & in cujusvis ætatis ac conditionis subje-
ctis: ut aërem consuetum æger mox mutet, si morbus forsā inde cœ-

perit, potulentorum ubertatem mox vitet ac ficiat, si hydrops eum corripuerit, nisi morborum horum frustraneam velit medelam; sicut in specie abstinentiam a potu multis hydropicis salutarem evenisse, perhibent *Dodoneus obs. 116. & 117. Holler. de morb. int. 1. c. 39. Hildanus 4. obs. 41. Panarolus pent. 4. obs. 88. Riverius pr. 1. u. c. 6. & obs. a Jacozio commun. 21. Willisius ph. rat. part. 2. sect. 1. cap. 5. Sydenham de hydrop. ac Lysterus de morb. chron. de hydrop. agrot. 1. & 17.* Imo aliquando diætā pravā corrigere jubet ipse morbus, etsi ab hac minus contractus; modo a contraria levamen aut emolumentum speret vel sentiat infirmus, v. g. otio adfuetis calculus & arthritidis motum impe- rant, sicut iracundiam compescere mox jubent mala quævis hinc orta aut timenda, v. g. Arthritis & Epilepsia.

Alias de-
anum eo
superato.

Extra quales similesve casus urgentes circa diætæ mutationem non facile aliquid tentandum, si quis morbo actu laboret, sed consue- tudini aliquantulum connivendum, ac recuperata demum sanitate de correctione ejus cogitandum: ob virium tunc temporis imbecil- litatem, quæ mutationes etiam leviores non facile sustinet.

Interdum
pravam
consuetu-
dinem ser-
vare con-
fert.

Contra eidem consuetudini minus laudabili non adeo frivole valedicendum, sed potius conservanda 1. illa, sub quali valetudo cujusvis integra permanet; hoc enim est, Naturam custodire, v. g. segnior alvus nihil molestiæ creet: 2. ex cujus tentata mutatione pe- jus quid evenerit: 3. cui se natura accommodet, ut v. g. ab aëre rigi- diore firmetur & induretur magis corporis habitus, a pastu pleniore quadratum & robustius evadat illud &c. ac demum 4. quæ inveterata & ab aliquot annis ac a tenera ætate nota; adeoque nec a senibus adeo facile deferenda, utpote quibus magis radicata, horumque cor- pora debiliora mutationes nullas commode perpetiuntur, hinc novæ diætæ difficulter adsuescunt, quin mutationum ejusmodi pœnas ut- plurimum graves luant.

Mediara-
tione a-
gendum
circa diæ-
tam indif-
ferentem.

Quædam denique diætæ momenta ad valetudinem nostram indifferenter magis se habent, & horum consuetudinis conservatio ablative ambigua ac res meræ voluntatis videtur, per consequens facilius & tutius quoque mutatur. Disceptatur v. g. an hyeme in loco calido, an frigido, dormire salubrius sit? & affirmatur, nisi tenel- læ vel senilis ætatis, aut morbosæ constitutionis fuerit habenda ratio, poste-

posteriorius, quod sub hac atmosphæra quietior contingat somnus: Consuetudinem unius alteriusve si consulas, dubius hærebis, testatur siquidem hæc, in loco frigido æque ac calido suaviter satis quemlibet illorum dormire. Semel, aut bis, de die cibum sumere, perinde est: quod si tamen prandio ac cœnæ a longo tempore quis adsuetus fuerit, a more suo pristino non facile recedat; nec binos pastus quærat, uno hæctenus qui saturatus fuit. Sua cuiusvis consuetudo constet integra in re adeo indifferente, aut mutetur, si de salubritate diætæ suæ ambigat.

Qualis mutatio tamen ut commodius & sine notabili periculo fiat, denuo evolvatur *Celsus*, qui *alleg. loco* scribit: *Neque vero ex multa fame nimia satietas, neque ex nimia satietate fames idonea est. Periclitaturque & qui semel, & qui bis in die cibum incontinenter, contra consuetudinem assumit. Item, neque ex nimio labore subitum ocium, neque ex nimio ocio subitus labor sine gravi noxa est. E. cum quis mutare aliquid velit, paulatim debet adflescere. Sc. non minus in mala consuetudine emendanda transitus ad bonam paulatinus esse debet, ac a bona ad malam festinanter transire, pessimum judicatur: & sensim contraria inducenda sunt, imo his aliquantulum, interquiescendum, quo, quantum profit vel noceat aut non noceat mutatio ejusmodi, constet, sicque vel in ea pergere, vel ab eadem, desistere, tempestive liceat. Et sicut in medendis morbis medico rō festinare vitio vertitur, sic alteratio per diætā, tam in medela, quam prophylaxi, nisi lento gradu fiat, culpanda. Nē aliis prolixioribus Lectori tedium pariam, Aëris tantum exemplo hoc assertum declarabo. Salubre & gratum naturæ equidem videtur, ex coarctato & concluso in liberum & persflabilem aërem transferri: imbecilioribus nihilominus, aut qui ex morbo aliquo nondum perfecte reconvaluerunt, hæc mutatio aliquando detrimentosa deprehenditur. Quatenus per conclavium calorem rarefactum & apertum corporis habitum frigus superveniens mox profundissime penetrat, rarefactum hæctenus sanguinem inspissat, motum hujus turbat, hinc diaphoresin intercipiendo recidivam aut alium morbum parit. Similiter, si a præcedaneo frigore corporis pori fuerint restricti humoresque condensati, repentinus superveniens hypocauti vel cal-*

Mutatio
diætæ fiat
pedetentim.

V. g. in aëre
mutando.

calor humores vehementius agitando corpus non raro morbis atque exitio exponit: idque eo magis, quo habitus spiracula constipatiora fuerint. Experiuntur hoc ut plurimum in Hungaria & Transylvania castra secuti, æstum diurnum cum gelu nocturno quotidie alternantem tolerantes, hincque pessime se habentes. Inedia diuturniore emaciatis aut frugaliori vel agresti victu usos, si pleniori aut lautiori salutem suam committant, graviores morbos incidere, quotidianum est.

Ubi tamen
ratio quo-
que ha-
benda erit
aliarum,
causarum
externa-
rum.

Sc. tempo-
ris anni,

Denique diatam variare quoque deprehenduntur causæ quædam externæ, quales Hippocrates 1. *aph.* 17. ac 3. *de diætâ* t. 1. 2. & c. innuit, ubi præter consuetudinem in moderanda diætâ aliquid dandum esse & tempori & regioni, & ætati. Temporis anni rationem habere jubemur per plures ejusdem Hippocratis textus: sc. 1. *aph.* 15. *Ventres hyeme & vere calidissimi sunt; quapropter in his temporibus alimenta plura exhibenda sunt.* Item *aph.* 18. *æstate & autumnno cibos difficile ferunt, hyeme facillime, deinde vere;* item 3. *aph.* 2. *Naturarum quædam ad æstatem, quædam ad hyemem bene vel male se habent, aph.* 3. *Morborum alii ad alia tempora bene aut male se habent: & ætates quædam ad tempora & regiones & victus, & aph.* 18. *Secundum tempora vere quidem & prima æstate pueri, & qui his ætate proximi optime degent, & maxime sani sunt: Æstate vero & autumnno aliquandiu senes: reliquo autumnno & hyeme mediam ætatem habentes.* Pro statu E. corporis naturali conservando & præternaturali avertendo atque corrigendo alia diætâ opus erit sub cœlo congruo seu propitio, quam adverso, alius aër ac victus quarendi sunt hyeme, alius in æstate: æstas ad ocium, hyems ad exercitia & motus, invitant.

regionum,

ætatis

& vitæ ge-
neris,

Regionum diversa ad diætâ habitudo, quia ab atmosphæra modo calidiore, modo frigidiore, dependet, eandem pro diversitate hujus, æstivæ, hyemali & c. similis, diætâ admittit ac postulat: id est, regio calidior æstivam, frigidiore hyemalem. Quantum & qua ratione diætâ variet ætas, supervacaneum puto recensere, negotium est in vulgus notum & a variis, qui de prophylaxi morborum ac diætâ aliquid commentati fuerunt, explicatum. Addo his vitæ genus seu institutum, quod ea complectitur, quæ homines frequentius agunt & tractant, ac cum consuetudine crebro confunditur, aut saltem

tem cum eadem in eo fere convenit, quod, perinde ac illa, habitudinem corporis tractu temporis aliter atque aliter ad agenda & toleranda disponat, hinc multum quoque ad moderandam diætā conferat. Ita qui in aëre gelidiore ac circa aquas degunt, frigidam ac humidam induunt temperiem; calidiorem atque sicciorem, circa ignem occupati: Aëris inclementiam ac laboris commodius sustinent operarii, athletæ &c. quorum membra laboribus duris & exercitiis frequentioribus firmata præ his, qui vitæ sedentariæ mancipati, hinc molliores & teneriores existunt: illi plus alimenti postulant, quod hos gravat, quibus frugalior pastus sufficit.

Ast ne diætæ legibus nimis derogare & hujus erroribus indulgentior videar, recipio me ad principaliora ejus momenta, horum moderaminis quasdam cautelas generales notaturus. Aërem quam potentissime in corpora nostra agere, hisque dispositionem modo salubrem, modo morbosam, imprimere, penes omnes in confesso est: utrumque vel per modum substantiæ seu compagis, modo per qualitates, modo denique motum varium; ratione quarum habitudinum temperatus ac intemperatus vulgo audit. Quamvis ali-

Aër quomodo nostra corpora afficiat.

quando aër in se minus temperatus, relative nihilominus talis & huic vel illi constitutioni congruus ac salubris fatis, contra absolute temperatus ac homogeneus magis eidem insalubris ac infestus, deprehendatur. Auram tenuem ac sinceram, i.e. nec humiditate nimia scatentem, nec exhalationibus peregrinis inquinatam, & a solis cæterorumque siderum calore & lumine rite explicatam, hinc serenam, siccam & levem, plerique expetunt, utpote valetudini maxime proficuum; ita quidem ut febribus chronicis expositi, phthisici aliique valetudinarii tantum non desperati ad loca, ejusmodi atmosphæra gaudentia, cum magno eorum emolumento ablegentur: vix tamen horum omnes, quibus nempe sanguinis & habitus textura rarior contingit, de cætero sani, eam ferunt, sed crassio rem desiderant; imo ex valetudinariis illis, quorum alias conditio ejusmodi aëris tenuitatem & homogeneitatem postulat, nonnulli ad crassio rem auram se recipere coguntur; quorum nempe sanguis fluidior & plus deliquatus tenuiorem respuit. Porro quemadmodum atmosphæra ratione qualitatum temperatio subjectis temperatis salubris,

fervidior humorum massam impetuosius exagitat, hinc febres arden-
tes, fluxus alvi, choleras &c. concitat: sic eadem frigidioribus ac pi-
tuitosis, senibus &c. salubritatem potius promittit, illius cruditates
ac visciditatem dissolvendo ejusque motum intestinum segniorem
intendendo. Et sic cum coeteris aëris constitutionibus, a tempera-
tione recedentibus, res se habet: quod non quibusvis naturis æque
incongruæ seu insalubres, sed nonnullis satis adæquata, existant.

Aër cras-
sior quo-
modo mu-
tandus?

Si proin cuiquam harum aliquam incongruam observemus,
mutationi ejus allaborandum, quod aliquando fieri potest solum &
coelum mutando, seu ægrum de loco ad locum transferendo; ex
aëre sc. crassiore, qualis ut plurimum magnarum civitatum est, ad te-
nuiores seu serenum magis, ruris nempe. Rara siquidem sunt sub-
jecta, quibus aura crassior profit, ut in asthmatis plerisque observa-
mus, qui in locis nebulosis ac fumosis summam pectoris angustiam
persentiscunt, ad serenum autem ac tenuiorem aërem deducti evi-
dentissime ac brevi convalescunt. Sine dubio, quod atmosphæra
tenuior pectori dilatando minus renitatur, sed spatium adæquatum
magis huic concedat, ab aëre tenuiore & æthereo magis sæculenti
infarctus pulmonum dissolvantur & sanguini elater vegetior impri-
matur. Neque tamen omnibus beneficio hoc æque frui contingit,
tametsi valetudo illud commendet: quos vel regionis habitudo, vel
negotiorum aut egestatis necessitas, in eadem atmosphæra degere,
commorari ac commori jubet. Sicut nec frigidiores semper aë-
rem cum calidiore, nec contra, pro lubitu commutare licet, cum an-
ni inprimis temporibus, hyemi ac æstati, ex necessitati veniat indul-
gendum: nisi forsan excessus hos conclavium mutatione corrigere,
i. e. cubiculum modo Septentrionem, modo Meridiem spectans, eli-
gere concedatur. Poterit etiam aër valde incongruus, inprimis fri-
gidior, pluviis ventisque expositus vitari, si intra domum & parietes
se contineat æger, cum minus conturbetur ac noxius existat intra
has conclusus: cui accedit, quod intra cubiculum idem non adeo
magno negotio & per varia adminicula plus minus temperari ac
emendari valeat; tempore hyemali focum parando, æstivo parietes
ac pavimentum aqua frigida conspergendo, aut hanc in vasis hinc in-
de dispositis in angulis camerae collocando, item, flabellis eundem
ventilando atque exagitando.

Ad

Ad atmosphæram infirmorum moderandam spectat, ne nimia ^{intra ca-}superstitione januæ ac fenestræ rigidius claudantur: magnumque er- ^{meras ca-}rorem committunt, qui ægros, inprimis febricitantes, non tantum ^{lidiore}in hypocaustis ferventibus & vaporosis, omni aëre liberiore exclusos ^{ægrī haud}tenent, stragulisque simul multis cooperiunt ac tantum non suffo- ^{rigidius}cant. In adeo siquidem clausis cubiculis fuligines ex ægro & adstan- ^{coërcendi.}tibus exhalantes aërem justo crassiores ac impuriorem reddunt, & cum hoc inspiratæ eidem plus damni inferunt, omni nimirum venti-latione per novi aëris accessum denegata. Metuunt quidem com-munitè, quasi apertis fenestris ac ostiis aër frigidior se ingerens cu-tem densando, diaphoresin cohibendo &c. noceat: incommodo tamen huic obvenire datur, ægri corpus sufficienter cooperiundo, focum accendendo, nec fenestras & januas simul omnes, sed tantum aliquam earum ita aperiendo, quo ab aëre externo perfletur ac ven-tiletur internus & a fuliginibus mundetur.

Regimine hoc calefactorio abutuntur, aut perverse utuntur, ^{In specie}penes variolosos, præter Medicos imperitos fœmellæ, eorum nutri- ^{variolosi.}ces, cunctos illorum statim, ac ubi sub ebullitionis tempore de exan-tematis his nondum certi, in hypocaustis æstuantibus detinent ac stragulis profusè torrent atque hac ratione ad internecionem fre-quentius ducunt: quos liberiori nihilominus ac temperatori aura committere, sub principio inprimis morbi, decebat. Non est re-cens, sed vetustus satis, hic error, adeoque non tantum ex modernis *Sydenham. obs. circa morbos acutos* hinc inde, *t. de variol. confluent.* sed ante hunc *Joh. Dan. Horstius obs. anat. 9.* & olim jamdum *Forestus 6. obs. 44.* eum carbone notarunt ac damnarunt. Utinam hinc nostrat-es ad saniores se reciperent frugem & illum caloris abusum praxi corrigerent, non equidem aëri frigidiori suos ægotantes exponen-do, eosdem tamen sub blandiore tepore conservando.

Nec infirmis probe prospiciunt, qui febricitantes, puerperas ^{Nec ægrīs}similesque multum sudantes, sanguinem fundentes, frequentius in- ^{lintheami-}unctos, sub indusiis, camisiis, stragulis, culcitris & cujuscunque ge- ^{nam mē-}neris lintheaminibus sudorem adidis, cruore ac sanie rigidis ac sordi- ^{tatio de-}dioribus, linquunt ac coërcent, piaculum credentes lintheamina ejus- ^{neganda.}modi immutare, quasi illi hinc reddantur imbecilliores & facile a frigore

frigore externo, dum corpus denudetur, pori ad irreparabile aliquando damnum constipentur, ubi per habitum inprimis evacuatio vel metastasis critica expectanda. Innuerunt ac reprobarunt hunc errorem olim jamdum cum *Hippocrate*, quando omnia circa ægros munda esse vult, *Hollerius 2. cap. de febre ardent.*, *Lev. Lemnius 4. de occult. nat. mirac. 8.* *Ronsæus epist. 39.* ac inprimis *Vallesius 1. de morb. acut. t. 8*, nec sine ratione. Quatenus ex lintheaminibus ejusmodi ac vestimentis foedis horumque squalore nova miasmata morbifica corpori infirmi assidue accrescunt, hocque inde perpetuam quasi labem ac contagium suscipit, a sudore refrigercente ac strigmentis cutaneis minus deterfis & coacervatis transpiratio inhibetur, quam liberam tamen conservare *Galenus* jubet. Præter illas molestias, quas a pœdore & spurcitie hac ægri patiuntur, iidem insomnes hinc inde ac inquietos se jactant; donec lintheamina sordida fuerint remota, ubi immunditie ejusmodi exuti de evidente refocillatione gaudent & in placidum labuntur somnum: perinde ac infantes, qui plorantes non raro nec nutricis mamilla, nec cunarum agitatione, nec ullo cantelenarum modulamine deliniri ac sedari possunt, nisi squalidis lintheis recentia, munda ac nitida substituantur; ubi a fletu mox cessant & profundissime obdormiunt. Nec est, quod a lintheaminum mutatione timeamus, cum per calorem foci omne frigus & humiditas noxia expellatur, aut in cubili tantum calidiore aliquantulum contenta eousque facile tepescant, ut a calore corporis humani parum aut nihil discrepent. Cavere etiam commode licet simul, ne sub mutationis momento corpus præter modum & imprudentius denudetur, ac ut frigus externum hinc arceatur, neve accessionum aut criseos tempore, dum v. g. efflorescentiæ cutaneæ imminet, aut nondum sufficienter evacuerunt vel evanescere incipiunt. Sic quippe citra ullum damnum illam fieri posse ac debere, consulunt, qui ægrotantibus, secundum monitum *Hippocratis* gratificari, & non minus de morbo, ac de aliis necessariis externis, prospicere satagunt.

Confluxus
visitantium
ægro præ-
judicat.

Quia vero illi aëris crassitie & fuliginositate damnosæ multum confert, si plures cubiculum intrare permittantur; qualis amicorum turba, secundum *Galenum* cubiculum calefacit, juxta *Sanctorium de vitand. error. lib. 13. c. 4.* multorum halitus aërem corrumpunt: confluxum

fluxum hunc vifitantium omni studio avertere aut faltem temperare, ere erit, potiffimum cum alia inſuper hinc timenda ſint incommoda. Quatenus qui amici animum ægrotantis ſedare ac demulcere debent, potius hunc exagitant & inquietum magis aliquando reddunt: multis & prolis cum eo habitis confabulationibus ejus viribus evidenter derogant, & proſtratum hunc valde relinquunt, ac ſermonibus interdum ingratīs atque odioſis vel ad excandefcentiam, vel mœrorem aliumque affectum provocant. Et eſt aliquando tanta quorundam adſtantium imprudentia ac importunitas, qua, quid coram ægro loquendum, laud perpendunt, adeoque ſermonibus ſuis aut tædioſum valde, aut ſuſpicacem, eum reddunt, vel quovis alio modo ejus animum conturbant. Imprimis hoc vitii genere laborant famellæ ineptæ ac loquaces, tam neceſſario adſtantes ſeu ſervientes, quam non vocatæ ſe ægro obtrudentes, & penes hunc blaterationibus ſuis horas conſumentes; quarum fabellæ ac nugæ illi non tantum moleſtæ, ſed non raro pernicioſæ quoque, deprehenduntur. V. g. penes dyſtokia laborantes obſettrices ac harum amanuenſes caſus referunt aliarum parturientium tragicos, adſtantibus etiam horrendos, quos præſenti quoq; quam impudentiſſime applicant: hinc puerperam miſeram meticuloſam magis ac deſperabundam faciunt. Aliæ de morbo, hujus cauſis & remediis inſulſe ratiocinantur, medicum hujusque operam cavillant, empiricorum commendant, ægrotum hinc ambiguum & cum medico inquietum præſtant.

Ab aëre tranſeo ad alimenta horumque moderamen, forſan non adeo abſurde acturus, ſi a recens nati alitura, lacte nempe ac lactatione, initium fecero. Ubi ſane evidens & naturæ regulis conformius eſt, ut ipſæ matres, & quæ foetui in alvo nutrimentum præbeant, idem agant in nato tenello, nec adeo facile nutricibus alienis hoc negotium committant. Verum quia modo vita luxurioſa & voluptuaria, cui multæ foeminæ nobiliores æque, ac ignobiliores, deditæ, incommoda ac moleſtias, ſine quibus alitura hæc vix fieri poterat, fugere & lactationem ſobolis detrectare jubet; modo mammillarum quarundam gracilitas naturalis aut præternaturalis atque exſiccatio pietatis hoc officium præſtandi alias ineptas reddit; quod idem modo evenit, ſi penes illas, quæ, ut junceum corpus gerant,

Curma-
tres nato-
rum lacta-
tionem de-
trectant?

arctiore thoracum duriorum strictura papillas retropellunt, hæ adeo profunde latent, ut iis evocandis tenellus infans aut non par sit, aut inæqualiter ac non sine cuticulæ subtilioris, qua obvelantur, laceratione dolorifica admodum, eas protrahere annitatur; modo denique matribus imbecillioribus ac cacochymicis, vel sui, vel lactentis, causa hoc dissuadetur: si incolumes & sanos conservare velimus natos, hos nutricibus conductiis aliquando concedere necesse est, hinc necessitati per delectum congruæ consulere, medici officium videtur.

Quæ in de-
lectu nu-
tricum ob-
servanda?
Non suffi-
cit lactis
scrutini-
um.

Ubi mox non improbare haud possum illum communem muliercularum errorem, quo ad optionem hanc formandam inspectionem lactis sufficere putant, hocque eum in finem medico cognoscendum transmittunt: quasi ex ejus colore, consistentia, sapore, pinguedine &c. huic adæquatum de illius bonitate scrutinium instituere ac de nutricula aptitudine aut ineptitudine ferre liceat judicium: quale vel ideo fallax frequentius deprehenditur, cum occulta & sensibus minus obvia existant lactis vitia; & plura sint in nutricibus consideranda, animum & corpus earum spectantia. Equidem animi & morum indaginem nec ad medicum spectare, nec ad scopum hujus multum facere, nonnulli autumant, cum a pravis nutricula moribus non sanitati infantis derogetur, licet forsan male moratus hinc evadat. Sed nec hoc scrutinium negligendum omnino videtur, si non, ne pravos mores & ad scelera propensionem cum lacte imbibat lactandus, certe, ne ab iracundia flagrante, tristiore severitate aut libidine incoercibili lacti de corruptione varia, infanti de symptomatibus non raro truculentioribus & lethalibus, metuendum sit, ut quotidiana edoceamur experientia.

& habitu-
dinis cor-
poris.

Corporis habitum quod spectat, de hujus valetudine exploranda sollicitum pariter decet esse medicum, num sc. nutricula perfecte sana sit, non lithiasi, scorbuto, phthisi, scabie, lue venerea similive, cachexia, quæ in infantem facile derivari queat, laboret? Porro, quia a lacte materno, cui intra uterum hic adfuetus, alienum per individualem idiosyncrasiam haud dubio discrepat, & vel ipsam hanc alimenti ac consuetudinis mutationem tenerum ejus corpus valde alterare & inprimis ventriculi digestionem conturbare, probabile est: e re maxime videtur, disquirere, quantum habitus nutricis con-

ductit

ductitiæ matri accedat, vel ab hac recedat, cum matre graciliore existente consultius sit graciliorem, pinguiore & plenioris habitus quadratam magis, eligere. Nec dextre judicant semper, qui alituram evchymam duntaxat attendentes solidioris constitutionis compagis & succulentiores expetunt nutriculas, huncque errorem sero sæpius deplorant parentes, cum ex teneriore matre natus nutrici carnosæ ac obefiori traditus per lactis insueti & pinguioris iusto anomaliâ in morbos varios conjiciatur, & textura ejus molliore hinc labefactata seu gravata brevi succumbat. Simile fatum obtingit illis quoque, quibus nutrix, quæ aliquot menses jamdum lactavit, & cu-
 jus lac temporis tractu spissius evasit, constituitur, utpote a quo gra-
 via pariter perpetiuntur mala, spissitudine & pinguitudine nimia, ventriculis suis minus adæquato: conformis sit ætas infantis nutricis lactationi, ut nimirum recens natus recentiore, adultior vetustiore, fruatur lacte.

Lactans
non sit ve-
tusta.

Denique ridendæ sunt nostrates mulierculæ, dum, si nutriculam forsan vel terrore, vel ira, exagitata intelligunt, mammarum suarum compressione non omne lac, sed tantillum modo hujus, eam exprimere & rejicere jubent, antequam infanti istas præbeant, sibi persuadentes, hac ratione ideam vel characterem vitiosum a pathemate illo impressum cum lacte corrupto rejici, simplici ac inepta factis conjectura: cum verosimile sit, corruptelam ab animi affectu proficiscentem in omnem lactis penum, si non in totam humorum massam, transfundi, hinc lac remanens, ac quod infanti porrigitur, quoque eadem labe contaminatum huic exitiosum existere.

Affectu animi exagitata nutrici haud sufficit, tantillum lactis e-mulgere.

Alias vero in ephebis & proVectioris ætatis hominibus alimentorum usum legitimum substantiam, quantitatem, tempus, & assu-
 mendi modum respicere, quam notissimum: pauca tantum circa-
 unum alterumve horum momentorum liceat adjicere monita. Noxia communiter pronunciantur & dissuadentur esculenta, quæ
 difficilioris existunt concoctionis, non cunctis tamen individuis æque nociva & concoctu difficilia: dum aliquando eorum talia occurrunt, quæ pro dyspeptis habita, v. g. lardum, carnem bubulam fumo indurata, pisces aridos &c. commodius digerunt, quam quæ
 inter concoctu faciliora numerantur, ova forbilia v. g. & lac senibus

Alimenta difficilioris concoctionis non omnibus noxia.

pariter alias ac pueris, utrisque ventriculi infirmioris creditis, facile digestibilia. Adeo quidem ut nonnullorum appetitus torpidus vix excitari eorumque Cacoſtomachia corrigi queat, niſi adæquata & fermento eorum digeſtivo digna offerantur ſercula, duriora & crudiora. Quid frequentius eſt, ſub februm declinatione, ubi appetitus ac viſ concoctrix adhuc languet & cunctas delicias faſtidit, illum eſculentis paradoxis atque dyspeptis feliciter vellicari & excitari: ut ejuſmodi convaleſcentes braſſicam fermentatam, carnem ſuillam farciminave fumo indurata, aſellum, haleces &c. expetant, & ſi talibus frui contingat, hinc eouſque mox refocillentur, ut poſtmodum alia diverſi generis, & quæ haſtenus reſpuerant, admittant atque eſuriant. Et, ne huius loci faciam Pica & Malacia laborantes, qui præter alimenta vitioſa a natura plane alienas quoque reſ avidius appetunt commodeque digerunt, quorum exemplum ſingulare præſtat prægnans illa penes *Tulpium* Daventrienſis, quæ halecibus ſalitis adeo impenſe delectabatur, ut geſtationis tempore mille ac quadringentos eorum ſine ullo damno & moleſtia devorarit, niſi quod foetus appetitum ſuo adeo ſtrictè manciparit, ut hic editus, cum nec dum poſſit verbis, ejulatu tamen, expetierit haleces, quibus tam effuſe ſe dederat mater: ex *Pecblini 1. obſ. 51.* huc transferam illum Jureconſultum ſexagenario majorem, qui, quoties ſtomachum crapula corruperit, non alio poſt plurium annorum conſuetudinem, inſtaurare ventriculum atque appetitum collapſum potuit, quam appoſitis in coenam arefactis paſſeris marini ſuccidiis, cibo duro & adiposo, quique in condimentum magis, quam alimentum aſotorum ventriculis fervire ſolent; & ſic demum revocato appetitu ſomnum quoque facilem obrepiſſe, inque dies integrum extenſum fuiſſe appetitum. Et ex eodem Vetulam ſeptuagenariam, quæ nullo unquam morbo, niſi, Nephritide & cruditate quadam ventriculi laborarit, quarum hanc non alio, præterquam duriffimo cibi genere, paſſeribus nimirum exſiccatis emendarit, illam vero ſemper crudo pinguiſſimoque lardo delinirit. Præterea, quæ communiter adſtrictoria præſumuntur alimenta, quibusdam ventrem laxum reddunt, quemadmodum laxantia aliis eundem conſtipant: utrumque paradoxe fatiſ. Quorum prioris exemplum ſubminiſtrat Rhetor ille apud *Galenum 2.*

Imo præ
evpeptis
magis con-
grua.

de alim. facult. cui post esum pyrorum ac pomorum austerorum alvus solvebatur, imo ejusdem & posterioris generis observationes quotidianæ sunt.

Quod autem nonnulla alimenta, alias non omnimode salubria, ^{Quæ hujus rei ratio?} quibusdam bene cedant, imo sanitatem restituant vel juvent, occasione lymphæ ventriculi digestoriæ & acrimoniæ hujus determinatæ evenit, quæ non, nisi solidiore, glutinosa ac pinguiore esca saturari ejusque spicula infringi ac temperari valent; perinde ac chlorosi ac malacia laborantes lateribus, arena, calce, creta vescuntur, quod inter esculenta ordinaria, quæ huic fermento ferociori domando sint paria, non facile inveniantur. Neque utut ejusmodi pravorum atque incongruorum assumptionem chylicatio vitiosa excipiat, ægris hinc necessario aliquid noxæ contingit, quin potius per hanc sanitas aliquando restituatur: forsan, quod ex alimentis non adeo laudabilibus formetur chylus aliquis medicamentosus, qui vitiosis ægri corpori inexistens humoribus corrigendis atque emendandis inserviat; perinde ac medicamenta acriora pituitosis, viscida & acida, scorbuticis, biliosis &c. prodesse, utraque sanis nocere, in propatulo est. Quinimo ipsa alimenta viscidiora, acria, refrigerantia, calefacientia aut per quemcunque qualitatum excessum temperatioribus corporibus minus salubria, intemperatioribus & a statu naturali declinantibus proficua observantur, calefaciendo hos, quorum calor debilior, incidendo pituitam, obliniendo & inviscando acrimoniam, laxando alvum, & quæ aromatica biliosis nocent, pituitosis profunt; hinc alimenta medicamentosa appellata.

Triviale circumfertur proverbium, *Omnis repletio mala, panis* ^{Panis repletio haud pejor ac aliorum ciborum.} *vero pessima*, quod nihilominus omni autoritate destituitur, ejusque fidem ratio atque experientia suspectam reddunt. De authore quippe ejus haud constat, testaturque *Savonerola*, Medicus sui temporis eruditissimus, se penes nullum Scriptorem hoc effatum legisse: & *Sanctorius 4. de errorib. vitand. c. 8.* non panis, sed carnis potius, nimiam ingluviem a Græcis taxari, nec ullum tamen horum allegat. Plerique *Avicenna* hanc sententiam tribuunt, inter quos *Primerosinus 3. de error. vulg. c. 24.* quoque deprehendo, qui tamen eum cum aliis pariter deceptum ait: quamvis nec penes illum aliquid hujus opi-

nionis reperire liceat, nisi in sensum flectere placeat ejus verba, ex lib. 1. sen. 3. doct. 3. cap. 7. *Amplius scire debes; quod impedimentum panis, cum non digeritur, est multum, sed carnis nutrimentum, cum non digeritur, est minus hoc;* in quibus tamen non de largiore assumptione seu repletione, sed de læsa digestionem, panis agitur. Præterea & eo ipso, dum inter cuncta esculenta humana sine dubio frequentissimum ac consuetum magis reperitur panis, omnium alimentorum facile temperatissimum, temperatiora autem & familiariora minus corruptionis induunt ac minus lædunt: haud apparet, cur panis repletionem seu usum nimium aliorum ciborum repletionem pejorem ac pessimum proclamemus. Quin potius panem probe fermentatum & coctum cæterorum alimentorum condimentum existimemus: observantes, qui solo pane vescuntur, quam optime sanos existere, quos si imitarentur cæteri, rariores forsan cruditates ac morbos experirentur, quales ex carnium aliorumque, quæ substantiæ ac qualitatum quoque ratione minus salubria, abusu frequentius eveniunt.

In alimentis
defignandis
experientia
potissimum
attendenda.

Proin, qualia alimenta cuivis quadrent, aut molestiam creent, discernere tenetur medicus, quamvis in multis, ut vel ex recensitis, vel alias, constat, falli queat, in uno aliter ac in altero, eadem etiam corporis constitutione præditis & simili ægritudini obnoxiiis, evenientibus: Dum v. g. plerique hypochondriacorum lac dulce haud ferunt, sed pessime hinc se habent, eorum nihilominus nonnulli sine omni perturbatione & noxa illud hauriunt. Quod sola discernit experientia & individuorum singularis observatio, qua scientia, in universalibus quæ moratur, haud pertingit.

Quomodo
succurrendum
illis, qui in
congruis
vescuntur?

Interim, cum nec sani, nec ægri, semper abstineant omnimode ab alimentis incongruis & prohibitis, allaborandum simul erit, ut medicamentis appropriatis illorum noxis succurratur, eorum digestionem juvet, ac cruditates deleat per peptica hujus illiusve generis, flatuositatem solvat per carminantia &c. Medicus. Quod per condimenta quoque culinaria seu medicamenta alimentosa fieri potest ac solet, vitiis alimentorum emendandis ac cavendis destinata: donec temporis tractu in abusum degenerarint eorum pleraque, & hodie saporibus potius suavioribus ac variis inducendis inserviant palatoque lenocinentur illa.

Quan-

Quantitatem alimentorum in genere determinat illud Hippocratis 2. aph. 4. *Non satietas, non fames, si natura modum excefferint*, Nimiorum ^{alimento-} ^{rum da-} ^{mna,} *bonæ sunt*: i. e. nimius pariter, ac parcius iusto, victus corpus lædit. Per nimiam quippe alimentorum ingluviem (1) primarum viarum eveniunt cruditates atque aepsia: (2) excrementa alvina cum flatibus cumulantur: (3) crudior chylus ad massam sanguineam ablegatus cachexiam & obstructions hinc inde parit: aut, si per robur excellentius ventriculi atque intestinorum copiosiora alimenta in chylum laudabilem faceffant, plethora & humorum laudabilium exuperantia, periculosa admodum, metuenda. Contra inedia seu ^{Damna} ^{inediæ seu} ^{victus par-} ^{cioris.} victus parcius tametsi ad salubritatem corporis hoc conferat, ut vitiosos humores, per repetitas cruditates congestas, solvat, hocque nomine, succi alibilis distributionem ac diaphoresin facilitando, universum corpus pervium reddat & excrementorum cunctorum evacuationem promoveat: si tamen diutius continuetur, tum sanis, tum ægotantibus, haud parum incommodat. Humores siquidem laudabiles ac spiritus consumit, per consequens solidiorum quoque partium substantiam roscidam ac gelatinosam colliquat, noxios & acriores vero humores, consueta alimenti novi benignitate & mucilage inviscante destitutos, pro vario jejunantis temperamento & apparatu morbofo, varie exagitat: unde *Hippocrates* haud perperam, melius in pleniore, quam in pertenui, victu errare, asserit. Dementum tamen alimentorum pro subjectorum conditione diversa variare, superius dictum.

Inpræsentiarum detestandus potius est muliercularum nostratum mos pravus, quo ægotantibus non tantum plus iusto alimentorum indulgent, sed nolentes volentes ad hoc urgent: quasi debilitatis, vel a morbo, vel ab evacuatione medica passus plenior necessarius sit, pro viribus exhaustis resarciendis, ac quasi, quod sensim, sensimque perditum, mox uno pastu ac die sit reparandum; minus pensitantes, huic concoquendo & digerendo illas non sufficere, hincque obrui. Potior erat antiquorum prudentia, qui infirmioribus ejusmodi tenuioris cibi exiguum exhibebant, cum incremento virium victus quantitatem augentes. Ac *Hippocrates*, tametsi consuetudinem facile mutare dissuadeat, minus tamen ita interpretandus, quasi

quasi ægroti eodem modo cibari debeant, ac antequam ægrotarent, i. e. antequam ulla mutatio corporibus eorum contingerit, quæ alimenti mutationem postulet. Postquam enim a morbo evidenter immutatur corpus, desiderat ipsummet alia quoque alimenta aliamque horum quantitatem: per consequens, quibus in statu sano plus roboris, plus dandum est; quibus in morbo minus virium, minus concedendum. Quod quamvis aliis *Hippocratis & Galeni* assertis videatur repugnare; agro nimirum cibum concedendum esse, quo, donec morbus superetur, subsistere possit, constat vero, robustiorem præ debiliore magis, ac proin cibi auxilio minus indigere, contra debilem minus durare, hinc alimenti plus opus habere; item, inedia quidem locum concedendum in valentioribus viribus, largiore autem cibo utendum, ubi hæc existunt imbecilliores. Facile tamen decidi potest negotium, si, quod de Indicationibus in genere dictum, supponamus, habere Indicantia non raro sua Prohibitia: vires nimirum debiliores plus alimenti postulant, idem tamen dissuadent seu prohibent digestionem, sub ejusmodi statu imminuta ac depravata. Proin equidem, quantum illæ indigent, quo durent, simul tamen non plus, quam quantum coquere valent, modicum, nempe, exhibeatur, cum quod aut quantum alimenti non digeritur, nec viribus prospicit.

Alimenta
assumendi
tempus
consuetu-
do deter-
minat.

Item co-
ctio abso-
luta aus-
minus ab-
soluta.

Error porro in alimentorum assumptionis tempore non levis perpetratur, si vel hora non consueta, vel nondum confectis alimentis prius ingestis, nova ingeruntur. Consuetudinem siquidem ut in cæteris, ad salubritatem corporis facientibus, ita inprimis in cibandi tempore, magni momenti esse, ex *Hipp.* superius monitum: *nam & his, qui bis in die cibum sumunt, & his qui semel, repentine mutationes noxas & agritudines inducunt, & eos sane, qui prandere non adsueti sunt, si pransi fuerint, statim infirmos facit hoc, & toto corpore graves, debiles &c.* Quod si vero quis, ventriculo circa priorum alimentorum digestionem adhuc occupato, novos cibos ingerat, statim is hujus gravitatem, oscitationes, ructus, anxietates &c. persentiscet, indicio manifesto prius assumpti cibi digestionem ab alterius intempestive superingesti cruditate turbari, & ambos in cruditates abire; quo errore nullum deteriore *Avicenna* profatetur, his verbis: *nihil*

est in corpore deterius, quam quando nutriens super nutriens, quod non digestum, demittitur: Proin illis, qui debilioris stomachi, a prandio cruditates observant, quosque nulla fames urget, a cœna abstinere consultius videtur: neque omnibus iisdem horis cibos sumere convenit, ut jentaculum quoque vitandum veniat illis, quibus cœna nondum omnimode excussa.

Qui ordinem in ciborum assumptione attendere monent, molliora, fluidiora ac facilioris digestionis solidioribus ac dyspeptis, laxantia adstringentibus, & quæ facile corrumpuntur v.g. fructus horarios, cæteris præmittere jubentes; quasi hunc neglectum digestionis vitiosa sequatur, dum citius soluta & laxantia per orificium ventriculi inferius, a crudioribus adhuc ac minus laxantibus obturatum, deponi nequeant, hinc mora digestionem depravent, ac vitiosum constituent chylum: ex præjudicio agunt autopsiæ repugnante, quo nimirum pylorum in fundo ventriculi supponunt, & contenta hujus non tam tendentia propria ad inferiora, quam contractione & impulsu ejus, per pylori angustius orificium ad intestina rejiciuntur. Neque strata ejusmodi alimentorum successive ingestorum, in ventriculo concipere licet, postquam cuncta eorum, quam diversissimi generis in hoc sine ordine confundi seu commisceri, probabile est. Nec quæ alvum subducendi vi pollent, citius hanc exerunt aliis præmissa, ac si illis superingerantur; nisi forte cœtera longius antecedant, i. e. intestina subintrarint, aut impulsu satis fortuito orificio inferiori adigantur, antequam illa superveniunt: perinde ac medicamenta laxantia, sive cœnæ præmittantur, sive postponantur, alvum leniunt.

Simili ratione res se habet cum varietate esculentorum, quam adeo detestantur scrupulosiores Medici, formidant, qui ex horum præscriptis vivunt. Communis est traditio, simpliciorum victum quam saluberrimum existere & vitam prologare: contra alimentorum simul ingestorum varietatem tot prope, quot eduliorum & condimentorum genera, morbos parere. Infelices proin proclamant gulosos, qui intelligere nolunt, magno, sanitate nempe, palati ejusmodi oblectamenta stare, & vitam ante terminum depredari, cum non fieri non possit, tantam ingestorum farraginem, propter di-

Ordo in
assumendis
cibis nul-
lius mo-
menti est.

Varietas
eduliorum
vix adeo
noxia est,
ut commu-
niter crea-
ditur.

versam sui texturam & faciliorem difficilioremque digestibilitatem, chyficationem enormiter conturbare, hinc post cacochymiam cachexias morbosque infiniti generis inducere: simpliciorum victum concoctu esse faciliorem, hinc laudabilioribus constituendis succis magis idoneum. Provocant ad plebejos, qui ignorantes ejusmodi luxurie commenta, sub usu panis, lactis, casei & paucorum leguminum sanissime ac diutissime vivant: provocant ad victum simpliciorum antediluvianorum & brevi post eorum tempora viventium, quasi illi ad plura secula, hi ad plures nihilominus ac nostrates annos incolumes ac superstites manserint: provocant ad bruta, quorum sylvestria, dum unius tantum generis esca utuntur, saniora ac longæviora; domestica seu inclusa, quod varium ac mixtum alimentum iis exhibeatur, cruditatibus ac morbis exponantur: provocant demum ad febricitantes, quibus idem victus simplicior, præ tot esculentorum confusanea mixtura conducatur.

Quod si tamen experientiam consulamus, nec rusticarum similibusque hominum viliorum, nec aliorum frugaliter viventium, mensæ omni obsoniorum multiplicitate expertes deprehenduntur, ad multam tamen ætatem illi vivunt, & qui gulæ minus indulgentes in eodem pastu pane, carnibus, acetariis, oleribus, butyro, caseo, cerevisia ac vino sine noxa utuntur, sub hac quoque alimentorum diversitate commode degunt & longævi evadunt. Ut per consequens haud adeo damnanda videatur omnis eorum varietas, quin concedenda potius, pro appetitu integro conservando atque stimulando. Imo simpliciora olera aliquando heterogeneitatem evidentem involvunt, ut alia eorum substantia laxet, alia constipet, alia ventriculo facile pareat, alia ejusdem activitatem respuat, insint carni partes fibrosæ ac solidiores, insint gelatinosæ & promptius solubiles: ita ut nulla simplicior esca in relatione ad chyficationem indolem homogeneam & uniformem includat. De antediluvianorum Patriarcharum longævitate equidem ex sacris Literis constat, an autem omnes eorum coætanei & soboles illam attigerint, nec asserere, nec negare datur: postquam incertum, an ad feros adeo annos pervernerint per singularem Dei directionem, an per causas magis naturales; & post Noachum hujus posterius, Abraham, Isaac, Jacob &c. non
adeo

adeo longævi observantur, frugaliore & simpliciore victui quamquam pariter mancipati. Exemplum a brutis depromptum triplicem involvit petitionem principii, sc. primo, an sylvestria unius tantum generis pabulo utantur, dum diversæ herbæ, fructices, frumenta, fructus, illis obviæ fiunt, & in hæc ea grassari constat: deinde nec perpetuæ veritatis, domestica ad varia magis alimenta cogi: quemadmodum tandem nondum comprobatum, sylvestria præ inclusis, unius speciei, saniora & diuturnioris vitæ, & quidem propter alimoniam simplicitatem, existere. Febricitantibus demum simpliciorem victum necessarium & congruum magis esse, largior, non tamen propter simplicitatem, sed exilitatem ac tenuitatem: cum nihil impediatur, quin iusculum, ovum forbile, panis & plura, modo appetitus hæc admittat & iis frugaliter utantur, ipsis simul porrigantur, sine noxa ab aliquot exilioribus ferculis metuenda. Ac utut his multifarium ejusmodi eduliorum genus haud adeo proficuum foret, *Sanis tamen omnia sana*: i. e. carnibus, piscibus, vino &c. equidem frui non licet febricitantibus, quæ nihilominus in alimoniam laudabilem cedunt firmioribus; proin nec alimentorum varietas, tametsi ægris non conferat, nocebit sanis. Quibus accedit, qui vere sic dicto victui simpliciore mancipati, sc. villicos miseros, captivos, castra sequentes famelica, ex hoc haud adeo sanos & robustos vivere, sed ex colore eorum lurido, habitu macilento eos genio maxime defraudari, in propatulo est: refocillantur autem & vigorem ac robur novum adipiscuntur, si huic paulo indulgere iis concedatur, i. e. panis mero associantur carnes aliaque obsoniorum genera lautiora & varia.

Illam interim dapum & cupediarum multitudinem nimiam, ubi facile corruptibilia & difficilius digestionis aliis combinantur, frixa cum elixis, pingua cum dulcibus, acida cum aromatis, carnes varii generis cum piscium farragine, lac & lacticinia cum fructibus pluribus ingerantur, iisve vinum modo recens, modo vetus, cerevisia plus minus fermentata, superinfundantur, damno; bradypepsia & cruditatum radices. Et luunt hujus luxus poenas graves frequentius aulici ac quicunque commensationibus dediti, dum non tantum senescentes, sed in floridiore quoque adhuc ætate, quam ciborum

Nisi se matuo cor-rumpen-tium.

Aut pravi-
tatem alio-
rum in-
tenden-
tium.

infinitorum quotidiana ingurgitatione & crapulis fregerunt, hydrope, phthisi, doloribus colicis, nephriticis, articularum ac contracturis, aut ad minimum immedicabili ventriculi imbecillitate, appetitu prostrato & nausea excruciantur, defatigantur ac emaciantur. In primis autem vitanda erit illa esculentorum ac potulentorum cum condimentis varietas, qua unum alterius pravitatem & nocendi rationem intendit & quasi multiplicat, v. g. fructuum horariorum diversorum, vel per se, vel cum saccharo similibusque dulcibus, a quilibet in certiore & impetuosiore fermentationem abripiuntur, ingestorum; si aromata cum vino generosiore aut spiritu vini sanguinem & viscera in excandescantias abripiunt, simul deglutiantur: quave per diversas & contrarias magis facultates illa eorumque vitia non tam corriguntur ac temperantur, quam corrumpuntur & prava magis redduntur, v. g. lac cum aceto & acetariis, vino aut fructibus acidulis haustum, in coagulum, ventriculo cæterisque visceribus exitiosum, degenerans.

Utrum
prandium
cœna lar-
gius esse
debeat?

Utrum prandium cœna largius esse debeat, hinc inde, v. g. penes *Fuchsum, Langium, Cardanum, Sennertum, Deodatum, Hæserum* ac alios disceptatur, atque morem & tempora nostra si attendamus, plerosque liberalius prandere, quam cœnare, observamus; adeo ut si quis in pastu excedere malit, in prandio hoc commodius fiet, quod frugaliore cœna, vel omnimoda ab hac abstinencia error hic emendari queat: Salubritati tamen si litandum, cœnam potius largiorem & lautam magis cum plerisque commendo. Quod majus semper intervallum inter cœnam & prandium, quam a prandio ad cœnam, intercedat, hinc in priore plus alimenti confici & cruditas hinc nata commodius superari valeat: quodque somnus cœnæ succedens chylicationem nocturnam magis juvet, contra vigiliæ cruditates generent, prout inferius patefcet.

Cur potus
adeo ne-
cessarius?

Potulentorum usu indigemus ordinarie pro cibis solidioribus in ventriculo commodius macerandis, chylo magis diluendo & per meatulos angustiores ubique transvehendo, pro fluxibilitate humorum perpetuanda ac recrementis salinis imbibendis, detergendis & per vias urinarias aliaque emunctoria eliminandis. Quamvis potus assumptionem, non usque adeo necessariam mihi persuadere

possim; quasi ventriculus menstruo hoc macerante ac diluente destitutus non commode chylificet, sed chylus quoque omni vehiculo defraudetur, & quasi illi ac intestinis tantum humiditatis non suppetat, quantum ad negotium hoc postuletur: potissimum cum pleraque esculentorum aliquid humiditatis habeant, vel a salivæ admiscela inter masticandum recipiant. Dum vero multum seri per diversa organa excretoria rejicitur, ne tandem hoc vel in toto, vel in primis viis, deficiat, quotidiana opus videtur ejus restauratione, quam potu præstamus.

Potulentorum quædam sunt simpliciora, nempe aqua, usibus indigitatis magis adæquata, quædam particulis farinaceis seu nutritibus & activis magis simul imprægnata magisque voluptuaria, nempe cerevisiæ infinita genera, lac, vinum, mulsa, & liquores ex pomis, pyris similibusque fructibus per fermentationem parati, cum spiritu vini seu aqua ardente. Simplicior ac tenuior quo potus, eo salubrior est, & illis, qui solidiore & evchymo alimento fruuntur, cerevisiæ spissiores minus quadrant, quemadmodum nec illis, qui vinum bibunt: cum ejusmodi cerevisiæ, particulis farinaceis seu chylulentibus jamdum turgidæ, esculentis macerandis & solvendis minus adæquatæ existant; cum vino autem, per vim inebriandi & caput conturbandi communem, stare nequeant. Neque tamen illis, quorum ventriculus debilior, & quibus alimenta difficilioris digestionis sunt frequentiora, quemadmodum Saxonix inferioris incolis ac ruriculis nostratibus, ut cerevisia crassiore seu pinguiore, ut ajunt, utantur, dissuadeo, utuntur etiam hac cum sensibili emolumento, & habitus crassescencia atque obesitate: condimenti siquidem vices præstat ejusmodi potus, stomachi digestioni subveniens & cruditates arcens. Vinipotoribus potum reliquum tenuem consulo, quod generosius aqua commode diluatur, cerevisiæ combinati haustus, per vim pariter narcoticam, caput citius gravari faciant: adeo ut non infrequentes illi, qui inter computationes largam satis quantitatem vini solitarii sine temulentia sustinent, mox tamen sub uno vel altero cerevisiæ haustu ab exiliore longe vini quantitate inebrientur. Belgas, Anglos si attendamus, vinum bibentes, hos nunquam simul cerevisias suas spissiores, sed secundarias & tenuiores magis, cum illo

Potulentorum varia genera.

Cur & quibus potus tenuior crassiorve conferat?

haurire, deprehendimus. Nec semel, sed pluries, penes valetudinarios evenit, ut nauseant, vomant, gravitate ac dolore capitis, flatibus, alvo duriore &c. molestantur, quamdiu cerevisiam consuetam hauriunt, cessent hæc symptomata ac melius longe illi se habeant a cerevisia secundaria, decocto hordei simplici aut mera aqua.

Vinum in-
aduetis
nec sua-
dendum,
nec dene-
gandum
aduetis.

Ratione vini adhuc notetur, æque difficile esse, ejus usum non aduetis commendare, ac idem subtrahere, penes quos consuetudine ille inoluit. Prioris exempla hinc inde in hydropotis seu abstemiis deprehendimus, vinum eousque abhorrentibus, ut perinde ac illi, qui caseum, butyrum aliaque per idiosyncrasiam quandam fastidiunt, ex tantilli vini invita delibatione in lipothymiam conjiciantur, aliquando etiam hæmorrhagiis corripiantur. Contra febricitantibus atque arthriticis, quibus alias merum minime conducit, hoc vix omnimode denegandum, sed etiam hoc in passu consuetudini condescendum, est, prout superius monitum, & experientia multifaria comprobatur. Ita quendam febre Hungarica decumbentem Vini Hungarici copiosiore & ad temulentiam usque ingurgitatione per sudorem profusissimum fuisse sanatum, *Miscell. nat. cur. decur. 1. ann. 3. obs. 45* perhibent: & in arthritide illis, quorum ætas, consuetudo ac ventriculi imbecillitas vinum urget, hoc concedunt *Crato consil. 153. Crucius quesit. per epist. p. 12. R. Fortis 4. consil. 172. & Sydenham. de podagr. p. 89.*

Vini virtu-
tes.

Virtutes vini ex Autoribus transcribere ac harum experimenta congerere, supervacaneus mihi videtur labor, prolixissime hoc egit *Canonberius de admir. vini virtut.* quem loco plurimum commendo: nec inepte de eodem disseruisse videtur *Plato 1. & 2. de leg.* quando illud *timoris pharmacum, senectutis refocillationem, mæroris & inopia oblivionem, somnii illecebram, spiritus ex puriore sanguine geniti fomitem, fortitudinis calcar, mentis ingenii que incitabulum, quo, ut ferrum igne, ita animus vino moderate sumpto mitescat,* ait. Quorum verborum posteriora satis paradoxa videri poterant, præcedaneis, ubi *mentis ingenii que incitabulum & fortitudinis calcar* dicebatur, collata, quibus idem spiritus simul domare Divinus Philosophus asserit: nisi *Xenonem* adstipulantem nossemus, scribentem: *ut lupini amari crebra aquarum adspersione macerati dulcescant, ita animum vino irrigatum*

tum mitescere. Id est, Vinum, moderate haustum, distractos & in Vinum
 turbinem quasi actos spiritus reducit ac in ordines pristinos compo-
 nit: ita ut animus tædio quocunque affectus seu conturbatus hoc an-
 tidoto tantum non universali sedetur & spiritus ad consueta motus-
 que magis ordinatos se recipiant. Singulare hujus rei exemplum
 subministrat *Pechlinus 3. obs. 16.* in sacerdote quodam, cui ex phantasia
 corrupta videbatur, cum foras egrederetur, respirandi necessitatem
 in aëris jam jam defecturi sensu majorem esse, quam domi, tandem
 etiam omnimode abrumpi; comitantibus hanc sollicitudinem cor-
 dis anxietatibus, sudore frigido aliisque symptomatis, quæ non ces-
 sabant, quam alvo semel iterumque dejecta rediret animus, post ho-
 ras aliquot nova ejusmodi accessione exercendus. Unde a munere
 ecclesiastico & colloquio alienorum hominum se abdicare eum co-
 actum fuisse, quod statim inde excitari metum & ex hoc molestias il-
 las intelligeret: dum contra domi in lecto se continens nihil fere
 earum comparuerit, mox recidivantibus simul ac peregrini aut igno-
 ti hominis colloquium aut aëris externi usum affectaret; donec post
 plura remedia frustranea, quod nec medici, nec æger, morbi inge-
 nium satis cognovissent, quidam eorum animi hunc errorem depre-
 henderit, & vini meracioris haustum, ad animum erigendum & a
 pristina imaginatione divellendum, suaserit: quo non tantum a pa-
 roxismo hoc & successive, continuato meri potu, ab erronea idea,
 quam contumax phantasia formaverat, omnimode liberatus fuerit,
 revocatis in pristinos ordines seu gyros naturales spiritibus. Hoc
 est, perinde ac Vinum calamitatum ac planctuum oblivisci facit &
 circumagendo animo idoneum est, ita a cogitationibus etiam alienis
 eundem avertere sibi que reddere potest, quocunque demum modo
 hoc agat: uno verbo, prout ab eodem sæpe ideæ saniores corrup-
 puntur, sic deformia ac corrupta phantasmata ad pristinum & rectum
 statum hoc reducere probabile fit.

De cœtero vinum, si generosius, & ejus plus hauriendum fue-
 rit, aqua plus minus dilui debet, sub proportionem non una, sed pro di-
 versitate sui, quantitatis bibendæ, subjectorum & temporis varia-
 luendum. Singularem vinum aqua temperandi encheirisin describit *Hæferus* Vinum a-
Herc. med. lib. 8. cap. 5 quæ hæc est: Cyathus æqualis amplitudinis qua astem-
 vino

perandi
singularis
modus.

vinum repletur, huicque vitrum angustii orificii aqua plenum inversum immittitur, ita ut latioris vasis fundum orificium hujus non attingat: sic aquam sensim destillare in vinum, tantum vero hujus subtilioris substantiæ seu spiritus per medium aquæ in super impositum vitrum ascendere & aquæ parti levissimæ commisceri deprehenditur. Suspicatur Author, hoc dilutum vinum illud cum aqua extractum esse, cujus *Horstius 4. obs. 24.* sub nomine *gezogenen Weines* meminit. Fateor, me dubitasse primum de successu hujus experimenti, ob diversas rationes; ast rem tentans post aliquot horas aquam superioris vitri vino sensibilibiter tinctam, hujusque odore ac sapore imbutam, contra vasis inferioris vinum ab aqua destillata itidem valde dilutum deprehendi.

Reiterabam experimentum cum vini residuo & post octo horarum circiter spatium extraxi phiolam, cujus aqua tantillum tantum coloris ac saporis vini, sensibile tamen, præseferbat: tertio autem experimento, utut phiola cum aqua ad triduum vino immersa manserit, hanc tamen omnis plane tincturæ cæterarumque vini qualitatum expertem, seu puram putam aquam, protrahebam, vini autem residuum ratione saporis, & coloris aquosius longe, quam aquam primi experimenti, mecum judicabant alii. Hinc inferebam non totam vini compagem hac ratione elevari seu extrahi, sed aliquid ejus remanere; anceps tamen manebam, an, juxta *Hæserum* subtilior tantum seu spirituosa vini portio hac ratione extracta & caput quoddam quasi mortuum relictum fuerit: cum non spiritus, sed totius substantiæ, vini qualitates dilutum elevatum præ se ferret, nec aqua frigida idoneum instrumentum videatur vinum in spiritum & phlegma discernendi. An vero artificium hoc vinum diluendi praxi bibentium aliquot vel plurium par futurum sit, judicabunt illi, qui hoc tentabunt.

Potus pa-
stus inter-
medius
minus
conducit.

Cum assumptorum solidiorum commodius macerandorum ac digerendorum potissimum gratia potulenta desiderentur, evidens fit, non sine iis scyphos facile esse exhauriendos, unde etiam potus hic commixtivus communiter appellatur, & qui extra prandendi ac coenandi tempus bibitur, intempestivus nec adeo salubris censendus. In specie damnandus maxime potus matutinus, seu ventriculo jeju-

no,

no, quo se ingurgitant nonnulli: quale quid, nisi ex prava consuetudine contingat, aut crapulam præcedaneam, aut certe visceris alicujus dispositionem vitiosam, ad cachexiam inclinantem, innuit, coctiones labefactat, cruditates generat, caput conturbat & serum juflo fluidius ac copiosius, quemadmodum quivis potus nimius, reddit. Pariter digestionem primam inchoatam insigniter turbat potus, prandium atque cœnam intermedius, sub hac tamen circumstantia: quod hæc offensa metuenda sit, si concoctio in vigore magis existat, secunda nempe vel tertia a pastu hora; minus circa quintam vel sextam, ubi fere peracta est eadem. Hoc tempo-
Nisi sub
certis con-
ditionibus.
 re, cœnæ propinquiore, qui hauritur, potus delativus quibusdam audit, quod ad cibum, prima concoctione confectum, antequam novus assumatur, e ventre in totum corpus distribuendum bibatur; vel potius ut reliquias alimentorum digestorum e ventriculo detergat, huncque de novo stimulet. Quod a vini haustu, cœnæ brevi antecedaneo inprimis fieri observamus, qui appetitum ad esculenta sensibilibiter excitat & famelicos reddit: quamvis idem in consuetis cerevisia generosior præstet. Qui vero extra pastum sitis causâ expectitur, potus, & sedativus dicitur, equidem rigoroſe denegari non potest, si ve illa a morbo, si ve ab esculentorum falsugine similive habitudine, v. g. esu cyprinorum, contingat: moderandus tamen, quantum causâ ejus permittunt, aut periculum, quod a nimio potu metuendum, exigit, v. g. in febricitantibus, quos potulentorum, nimia ingurgitatione hydropicos aliquando fieri, experientia loquitur.

Vitandæ pariter sunt quam studioſe potationes nimis seræ & in multam noctem extensæ: atque hoc quidem vel ob rationem modo explicatam, quod illæ eduliorum, in cœna assumptorum, digestionem turbent; vel quod potus serotini per noctem seu inter dormiendum intra vasa retenti ad partes nobiliores restagnent, dolorem capitis, lassitudinem ac tremorem membrorum &c. pariant. Moratur autem hoc potus serum somni tempore diutius in corpore, notante *Lowero de Corde*, quod non tanta urinæ quantitas, nec cum hac potulentorum, aquositas tunc sufficienter excernatur, quanta in vigilantibus & extra

Vitandæ
etiam sunt
potationes
seræ.

Tanquam
noxie.

lectum constitutis deponitur, cuius imminuta mictionis pariter non una est causa. Quippe primo tepor lecti & stragulorum transpirationem feri per poros quemadmodum liberiores conservat, sic secretionem atque excretionem lotii non parum sufflammat, perinde ac habitus ab atmosphœra frigidior constipatus & diaphoresis cohibita utramque illam juvat ac auget. Deinde nec vesica urinæ, intra ambitum suum congesta, stimulum ita percipit: quod sub decubitu declivi ejus onere minus gravetur seu tendatur hujus cervix, & propter spirituum, vel a somno, vel a temulentia, torporem, aut ab extremis versus cerebrum remeatum, torpescat & sui muneris tantisper obliviscatur eadem. Quibus accedit, quod decubitus super planum in lecto declivior appulsum sanguinis, sero potus diluti, versus cerebrum promptius admittat, non tam commode tamen hic, ac corpore erecto, ex illo remeet: unde tandem hydrocephalus, cephalæa, affectus spasmodici, vertigo, paralyfis similesve capitis morbi eveniunt; imo ejusmodi noctubibuli de eorum prodromis, v. g. gravedine ac dolore capitis, somnolentia, tremore & faciei inflatione proximo mox mane conqueruntur, inter dormiendum vero turbulentis ac gravioribus insomniis exagitantur. Ita ut consultum videatur, ne, quos sero bibendi vel occasio, vel consuetudo, urget, statim lecto se tradant, sed aut ambulantes, aut sedentes, liberiori aëri, caute tamen, aliquandiu se exponant, donec se maximam potulentorum partem per urinarias vias, si non per alvum, reddidisse augurentur.

Somnus &
vigiliæ moderandæ.

Tertium rerum non naturalium genus, per diætæ regulas dirigendum, somnus & vigiliæ sunt, quorum alternationes congruæ functionibus vitalibus præstandis ac perpetuandis maxime inserviunt; si autem mediocritatem exceßerint, evidenter nocent, juxta *Hipp. 2. aph. 7. & 7. aph. 71*. Somni siquidem capeßendi licet naturæ quædam lex ac necessitas, pro spiritibus animalibus, a laboribus defessis ac dissipatis, reficiendis ac restaurandis, incumbat: idem tamen, si nimius, spiritus animales quasi supprimit iisque torporem inducit, quo humorum motus naturales retardantur, crudi ac pituitosi succi generantur, ac omnium sensuum & motus animalis vires hebescent; sicut vigiliæ nimix eosdem spiritus exhauriunt, alimentorum digestionem turbant,

turbant, gravitatem ac fluctuationem ventriculi concitant, appetitum prosterunt ac humoribus modo visciditatem, modo acrimoniam, partibus vero solidis lassitudinem ac debilitatem, conciliant.

Neque tamen omnibus una somni & vigiliarum decerni potest ^{Somni} mensura, modo eoque duret somnus, ut chylicationem ^{tempus,} con-
fectam ac nos robustiores redditos intelligamus. Quod quamvis non eodem intervallo omnibus eveniat, sed pro diversitate ætatis, assumptorum ac constitutionis ventriculi variet: communiter nihilominus ac frequentissime digestio prima septem ad summum horarum spatio peracta ac viribus prospectum videtur; imo absolutam aut non absolutam esse illam ex aliis quoque signis constat. Inprimis vero ^{non idem} etiam hic dispositionis internæ & consuetudinis habenda ratio, dum ^{in omni-}
^{bus.} nonnulli utriusque aut alterutrius harum ope somno brevi satis vires integras conservant, alii non, nisi plurium horarum somno, refocillari possunt ac solent: tamen si habitudo intrinseca æquilibrium hoc quietis corporis & animi conturbans modo præternaturalis, modo naturalis magis observetur. De rebus præternaturalibus, somnum sive interpellantibus atque excutientibus, sive augmentibus nihil moneam, tanquam in vulgus notis: ast videntur quibusdam breviores somni evenire a certa fluidorum atque impetum facientium habitudine naturali, sub qua licet parum dormiant, parum aut nihil tamen horum viribus decedit, sed post trium quatuorve horarum quietem reliquam noctis partem cum integra insequente die laboribus, aut animi, aut corporis, feliciter impendunt. Ita recordor scæminæ cujusdam, quæ post febrem quartanam contumacem multos annos vix duas vel tres horas singulis noctibus dormiens, interdiu satis alacrem se gerebat, nisi quod in conjugio triginta circiter annorum sterili viveret. Scio, inquit *Pechlinus* 3. obs. 41. esse, qui natura ignei præcipientesque paucillum dormiunt, & trium quatuorve horarum somno restaurati cæteras noctis partes cogitando absument, inde etiam, quod reliquum est diei, toti sibi vindicent.

Sicut autem præter *Hippocratem*, jubente natura, interdiu vigi- Aliquando
lare, noctu dormire, oportet, ita non facile licet noctem in diem, & interdiu
contra, convertere. Hinc, quando de somno meridiano quæstio ^{quoque}
^{dormire} exurgit, licet.

exurgit, *Valeriola 2. loc. comm. c. 8.* auscultandum, ubi postquam diurni somni noxas recensuerat, pergit: *At, si defatigationis ac lassitudinis, a labore contractæ, sensus aliquis adsit, aut inquieta & insomnis nox præcesserit, aut æstus immodicus vires debilitarit, tum somno etiam diurno tantisper indulgendum erit. Unde est illud Celsi: meridiari longis diebus ante cibum, sin minus post cibum, convenit.* Atque hoc inprimis in adsuets, modo somnus hic brevior, ne caput gravet: quippe experientia docet, somnolentiam meridianam somno dimidiæ vel quadrantis horulæ mox omnimode discuti, longiore intendi & quasi enutrir.

Somnus
mox a pa-
ctu haud
mocat,

A plerisque pro intempestivo habetur ac dissuadetur somnus mox a pastu captus, quasi hic digestionem ventriculi difficiliorem reddat & conturbet: cujus sententiæ inter modernos patronum quoque deprehendimus *Willisium de Anima Brut. part. 1. c. 16.* quamvis ejus aliam a Veterum alleget rationem, sc. crudum adhuc chylum ad massam sanguineam, pulmones ac cerebrum, non sine multiplici individui detrimento per somnum hunc intempestivum abripi. Ubi primitus miror, de salubritate ejusmodi rei dubitari, quam, ne dicam, brutis cunctis, quæ largius saginata mox ad quietem, nisi turbentur, se componere, sed nobis omnibus a prima nativitate & per non exiguam ad minimum infantia partem solennem, nunquam, vero detrimentosam novimus: dum infantes teneriores inter lactendum & pulmentorum infarctum ut plurimum salubriter obdormiscunt, adultiores & habitiores quoque facti ordinarie immediate post pastum cunis & lectulis suis, sine valetudinis præjudicio, imponuntur. Miror porro, quomodo sine contradictionis nota *Willisius* adductus, vel ullus illorum, qui somnum alimentorum crudorumque humorum coctionem in toto corpore feliciter perficere, omnibusque ejus partibus alimentum bonum parare, ajunt, & quidem in tantum, ut coctionis difficilius opus interdum non, nisi per illum, absolvatur, somnum brevi a pastu damnare queat. Néc si, spiritus vigilantium a functionibus spontaneis perturbatos ac a naturalium operibus avocatos chylicationi minus præesse, sub altiore vero illarum silentio & quiete pensa hæc sua promptius absolvere, hinc alimenti coctionem ac distributionem, excrementorum secre-

secretionem &c. peragere, supponitur, (ut si aliquando cibi comesti stomacho molestias creent, somnus superveniens has plerumque tollat,) apparet hunc non idem acturum immediate post cibum ac longius ab eodem susceptum: dum quod sine temporis restrictione, i.e. semper, coctionem maturat, eandem, mox superveniens turbare & corpori nocere neutiquam possit. Quibus accedit, interruptum ac denegatum somnum chylificationem evidenter turbare ac stomachi gravitatem atque fluctuationes patrare.

Et per consequens cur metuat, non habet idem Scriptor, a somno hoc crudiores chylum ad sanguinis canalem vel organa nobis ^{Nec crudiores parat} rapi, qui chylum non crudum, sed optime coctum & perfectum producit: postquam potissimum nondum evictum est, chylum ejusmodi inter dormiendum a cerebro avidius postulari. Vel eo ipso, dum statim a pastu nullus chylus adhuc confectus existit, vix capere licet, tempore somni, mox a cœna inchoati, chylum crudiores ad cerebrum, pulmones & massam sanguineam, quocunque demum motore, nondum determinato, ferri: quin potius de ejusmodi chilo imperfectiore seu incongruo partibus his timendum foret, si una aut duabus a cœna horis, ubi chylificatio certius inchoata, cubitum iremus. Imo quilibet in semet experietur, quantas, si statim a pastu lectioni aut meditationi seriæ & attentiori animum impendat, aut quacunque occasione a somno diutius justo abstineat, sicque spiritus a primis viis avocentur, stomachus gravitates, eructationes & fluctuationes sustineat. Demum ipsa experientia evincimur omnes, nihil vitii nobis, qui intra horulam a pastu cubile petimus, hinc emergere, ac frustraneas ejusmodi esse disceptationes, pueriles nugas.

Porro circa Motus & Quietis regimen notetur, Veteres in hoc determinando solertiores longe nostri temporis Scriptoribusprehendi: quippe superioribus seculis introducta fuit Gymnastica, cum in finem primario excogitata, ut per varii generis exercitia bonum corporis habitum acquirere sanitatemque integram conservare quis possit. Ejusmodi artes Græcis olim erant familiares, & penes *Hippocratem* frequens earum fit mentio, quamvis post hujus temporapaulatim defecisse videantur: a *Galeno* tamen aliisque Græcis post-

modum revocatæ, v. g. *lib. 6. de tuenda sanit.* & libro peculiari, *de lusu pile parvæ*, ac a Romanis quoque excultæ, demum vero ab *Hier. Mercuriali* eruditissimo volumine explicatæ. Offenderunt forsan penes suos non tam vitæ morumque licentiam, qua hodie quisque motuum sui corporis se arbitrum præstat, nec aliorum legibus se hosque subjicit, quam quas muneri ac vitæ generi congruas sibi gratas novit: sed obsequium potius strictius, quo secundum præcepta Medicorum motus corporis adornent, persuasi, valetudinis etiam rationem maximam partem ab iis dependere, hujusque multum interesse, quomodo regantur.

Cum nec
functiones
vitales sine
motu
fiant.

Motus usus locuples est & commoda varii generis insinuat, dum non tantum omnes actiones vitales per motum, aut non sine motu, fiunt, adeoque vix, nisi motus determinatæ species, sunt, ut olim indigitavi: sed vitalitas inprimis a motu reciproco partium fluidarum atque solidarum, seu mutuo earum impulsu dependet, utpote per quem sanguinis motus tam progressivus seu circularis, quam intestinus seu centralis, integer conservatur atque perpetuatur. Quippe præter motum illum cruoris tam intestinum, quem partium pnevmaticarum functioni is debet, quam derivatorium ad partes, quem cordis embolus ipsi imprimit, motus musculorum tonicus concurrit, quorum fibrosa compages perpetua quasi sua systole ac renitentia seu concussione motum cruoris retrogradum per venas strenuo juvat, simulque ejusdem totidem elateres, ne præter modum & ad vitalitatis destructionem explicentur, quasi blande coercet ac reprimat, & sic ad motum oscillatorium quoque seu intestinum sanguinis conservandum symbolum suum confert. Ita ut vel hinc ambiguus maneat Cordi ac Cerebro principatus: ut quidem illud sanguinem vitalem partibus impellat; hoc cum genere nervoso per influxum spirituum compagem corporis fibrosam atque tensivam eoque actuet, quo hujus constrictione molliore idem fluidum retrorsum simul urgeat; adeoque nec sine corde, nec sine cerebro vitalitas machinæ perennet. Et revera musculorum systema fluidi hujus universalis motibus binis custodiendis & tuendis multum ministrari, vel hoc docere poterat, quod a laboribus aliisque vehementioribus motibus eo defatigato vires non tantum in hoc, sed in toto corpore, defice-

deficere, expulſu debiliore ac raro aliisque functionum fatiſcentiis obſervemus: adeo ut, quod communiter vires integras ac labefactatas appellamus, non ſolitarie in ſpiritibus, nec in ſanguine, ſed in conſpiratione, quæ fluido huic cum illis & muſculorum apparatus, per impetum reciprocum, intercedit, conſiſtere, aſſerendum fuerit.

Tantum igitur ad motus ſanguinis vitales, ut hi ſalvi maneant ac Juvat has muneribus ſuis conſent, cum conferat muſculorum motus tonicus, ^{motus voluntarius.} ſeu ad ſenſum in quiete relictorum, v. g. ſomni etiam tempore, non abſurdum erit aſſerere, illorum utrumque multum reſuſcitari ac juvari ab horum motu ſenſibili ſeu evidente magis, qualem agitationibus, extensionibus, flexionibus ac jaſtationibus corporis & membrorum hujus variis peragimus, dum per has ſanguis ex fibrarum motricum interſitiis fortiore expreſſione ad oſcula venarum impetuoſius urgetur, alias lenta magis undulatione, extra ejuſmodi motus vehementiores, ac in dormientibus, latus, qualem diſparitatem ipſa pulſus diſparitas, quæ dormientibus ac vigilantibus intercedit manifeſtam reddit. Per conſequens vix dubitandum, ipſam vitam, vitales functiones & ſanitatē per motus externos maxime vegetas & robuſtas conſervari, varia etiam morborum initia per eodem tempeſtively ſanari ſeu in prima herba deleri. Poſtquam inprimis illorum corpora morbis minus obnoxia & ad moleſtias externas ferendas magis idonea, deprehendimus, qui a prima mox ætate exercitiis equeſtribus aut quibusvis laboribus durioribus per multos annos ſe manciparunt: per hæc tantum virium robur & habitus firmitatem dum ſibi compararunt, qua ad ſeram uſque ætatem contra illorum ingruentias ſe tuerentur.

In ſpecie motus corporis ſtrenuus coagulīs humorum morbiſciſ atque hinc evenientibus oppilationibus mederi hæcque ſolvere, ^{Solvit humores viſcidos ac ſtagnantes.} videtur, ut cum fructu experiuntur febribus intermittētibz expoſiti, qui earum modo prima ſtamina, modo profundiores radices, curſu ſimilive corporis jaſtatione vehementiore, paulo ante paroxyſmum adornatis, extirpant atque tollunt: aucta ſine dubio per motus ejuſmodi ſanguinis circulatione ac turgēſcentia vitali, hincque viſcoſitates humorum in primis viis ac habitus venulis capillaribus ſolvente, & vel per alvum, vel per ſudorem, vel urinarias vias proſcribente.

Provo-

Provoco ad fructum, quem podagricis ex motu, equitationis inprimis, prolixè pollicetur Sydenham: quasi a continua hac corporis succussione calor naturalis reaccendatur & organa secretioni destinata in munere depurandi sanguinis rite fungendo promoveantur, unde necesse sit, ut sequatur digestionum deperditarum quasi renovatio quedam, & e consequenti totius corporis crasis optima. Calculosis quantum interdum motus vel equitationis, vel sphaerae, similesque lusus conferant, tortorem promovendo atque exturbando, ipsimet profitentur, frequentiore experientia hoc edocti: qua hi freti, si paroxysmus ingruat, nisi forsan doloris sævitia hoc impediat, ad ejusmodi quandam exercitationem confugiunt, felici eventu.

Motus ar-
thriticis
minus con-
fert.

Ubi tamen circa motum podagricis, præservationis æque ac curationis gratia, adeo commendatum, animadvertere jubeor, me ejus non semper promissum deprehendisse successum, dum in paroxysmo tam doloris acerbitas, quam ad motum omnem inhabilitas tanta, frequentius est, quæ non facile a quovis exantlari valet: dum quidam adeo molles & delicatuli offenduntur, ut lectulos saltem suos approximantes formident & cum clamore ingenti exhorrescant, multo minus horum contrectationes & ad currum deportationes, hujusque motum perpeti queant. Et quamvis Sydenham. nobis persuadere præsumat, superatis his molestiis ægros paulo post ab hoc motu minus dolere, ac dum in quiete pristina manserint, per delassationes ejusmodi factas somnum provocari, jugi atque pertinaci exercitio artuum totali ad motum impotentia, quæ finito paroxysmo haud paucis remanet, occurrere, & ipsam morbi digestionem, in senibus potissimum, quibus malum in habitum transiit, difficilem, juvari: minus tamen universales seu perpetui sunt hi effectus, quin a motu etiam leviori, in incremento vel statu accessionis suscepto aut perpeffo, nova superveniat, aut pristina exacerbetur articuli inflammatio, cum hac dolor, qui noctem laboriosam magis pariat: sub paroxysmi tamen declinatione motum vectiois non improbo, ut scopis illis quatantenus satisfiat; sicut nec exercitationem extra paroxysmum & sub Halcyoniis instituendam, quotidiana modo fuerit & continuetur; vel quod interrupta habituali huic malo discutiendo non sit adæquata, vel interdum tantum tentata paroxysmum in desue-

desuetis arcessere soleat. Quorum posterius ambigendi occasionem subministrat, an, si paroxysmum impendere, ex signis auguremur, motus corporis, v. g. ambulationis, equitationis, sit suadendus? postquam mihi observare contigit, a motibus his intempestivis paroxysmum ocyus accelerari: E. non, nisi adsuētis, talis facile concedendus.

Deinde quoad calculosos, negari haud potest, iis motum aliquando prodesse, & causam paroxysmi nephritici conjunctam nonnunquam expellere: ast perinde, ac de diureticis ac lithontripticis internis vulgo etiam innotescit, horum usum non undique felici gaudere successu, sic de exercitatione quoque idem metuendum, i. e. ne forsan, quemadmodum illa, plus noceat, quam profit, si sc. calculus valde angulosus & hinc inde acuminatim protuberans fuerit, minus opportunum habeat situm, aut violentiore corporis agitati impetu in alium ac difficiliorem locum convertatur. Quarum circumstantiarum quoque ratione nephritici extra paroxysmum aliquando a leviori quovis motu male se habent, hincque statim dolores ardoresque renum gravissimos, urinas cruentas, cum sabulo intermixtas, experiuntur: etsi stupendas interdum sub ferociore doloris nephritici impetu in quibusdam cernamus corporis agitationes, concussiones, volutationes &c. vomitationes violentas & crebriores, rarius forsan male cedentes. Adeo ut, cum motuum ejusmodi successus a casu pendeant & mere fortuiti sint: non omnibus æque indifferenter, sed adsuētis tantum, nec gradus statim vehementiores, sed leniores, v. g. ambulatio, portatio in lectica, quantant.

Sicut autem ex adductis liquet, nec omnibus, nec semper, nec quemvis, motum proficuum esse, ita his alias adhuc adjicere liceret occasiones morbosas, motus omnimode dissuadentes, aut non, nisi blandissimos, admittentes, e. g. in hæmoptoicis, herniosis, procidentia uteri obnoxiiis: ut mittam, quorundam viscera teneriora per exagitationes ejusmodi præter modum concuti, membranulas & vascula rumpi, hinc sanguinem ac lympham extra canales suos ad cavitates corporis vel interstitia integumentorum profundi, hydropem congeri, & hernias aliquando a sternutatione, tussicula &c. formari:

In lassitu-
dine ali-
quando
confert
motus.

quo etiam spectat motus puerperarum brevi ab enixu susceptus, uteri procidentiae frequens autor. Vitam sedentariam & otium nimium alvi excretionem retardare, motum contra hanc juvare, quotidianæ est observationis : hinc paradoxis accensendum, quod *Pecblinus 3. obs. 35.* de foecum suppressione ex equitatione refert, qualis vehemens fatis quamvis Anglis in colica expugnanda remedium familiare deprehendatur, eadem tamen succussio insuetis perquam periculosa futura sit, quod sessionis angulo, quem equitantes forment, flatus in intestinis cumulentur & obstructio eorum ingravescat ; imo addit allegatus Scriptor, foecum suppressionem esse malum frequens, & plerosque has ad aliquot dies retinere. In lassitudine excutienda non quies semper, sed exercitatio quoque aliquando, congruum videtur remedium. In illa, quæ ex labore, equidem audiendus erit *Hippocrates 2. aph. 48.* *In omni corporis motu, simul, ac quis fatigari coeperit, quies statim lassitudinem levat*, inprimis si somnus huic combinetur : ut, si forsan humores per præcedaneum motum ad musculos uberius adacti, simul discutiantur & spiritus reficiantur. Verum in lassitudine spontanea, seu quæ laboribus haud contracta, sed a languidiore fluidorum universalium circuitu fit, & humorum decubitus communiter audit, motu opus est, v.g. equitationis : ut circulatio redintegretur, & impacti humores fibrarum musculosarum jugi constrictione ad venas dirigantur. Cujus intuitu nec ex labore de lassatis motus ejusmodi levior adeo incongruus videtur, ut, si forsan aliquid fluidorum, primo impetuosius commotorum, a subitanea exercitii remissione in fibrarum interstitiis hæreat, discutiat.

Quietis
necessitas.

Quietem requirunt membra vulnerata, fracta & luxata, quo sc. eorum coalescentia minus impediatur, & ligamenta p. n. laxata ad pristinum tonum se commodius recipiant : de quorum collocandi ratione, siue per repositionem, siue suspensionem, fiat, Chirurghi videantur. Quin tamen membra motibus præstandis destinata, post aliquot dierum quietem, v.g. luxata post octiduum, fracta post quatuordecim dies, seu ubi ossa occalescere & vulnera coalescere incipiunt, quotidie semel vel bis, flecti, extendi & leviter agitari possint, nihil impedit, imo jubet hos motus coactos necessitas, ne iis postha-

posthabitis intra articulos generetur ancylosis, musculi & ligamenta rigescant, hinc organum curtetur & motus ejus turbetur.

Species motus diversæ & tantum non infinitæ sunt, plures sa- Motuum
species &
gradus.
nis, pauciores ægrotis, congruæ, gradibus etiam dispares: videlicet ambulatio, cursus, saltatio, equitatio, vectio in curru, portatio in lectica, lusus sphaeræ, pilæ, jaculatorius, palestricus, digladiatorius &c. quarum nonnullæ antiquis in usu, penes nos in defuetudinem abiierunt: quemadmodum vel ex sola *Hier. Mercurialis arte gymnast.* legere licet, & in specie iste pilæ parvæ lusus, quem *Galenus* in *peculiari libello* præ cæteris exercitationibus commendat, a nostra Sphaeromachia multum discrepare videtur, dum in illo complexus palæstrici collique prehensiones aliæque luctatoriæ aggressiones concurrebant, quæ in nostro pilæ lusu locum minus habent. Accedunt his labores domestici diversi pariter generis & plus minus opificarii seu artificiosi, quales itidem sanis pariter ac valetudinariis proficui deprehenduntur, v. g. ferrationis, fissionis lignorum, fossionis, remigatorii &c. inter quos illis, quorum membra non æque firma, tornationis commendandus: sine notabili violentia corporis membra varia & tantum non omnes horum musculos æquabiliter & ad æquilibrium magis exagitans, sedentariam alias vitam exercentibus salubris & horum viribus par, i. e. corpus non præter modum delassans, cuncta tamen hujus membra, si non simul, certe alternatim, commovens.

Præterea horum exercitiorum alia totum magis corpus con- Motuum
alii uni-
versales,
alii parti-
culares.
cutiunt, v. g. cursus, saltatio, digladiatio &c. quales, si moderatiores, ad sanitatem quam maxime faciunt: alia partes tantum nonnullas exagitant, v. g. variæ manuum gesticulationes & labores, commotiones articulorum post luxationes repositas, digladiationes brachiis inprimis, cantus pectori & faucibus ministrantes. Porro in motibus adornandis graduum habenda est ratio, ut vel majoribus & vehementioribus eorum leviores præmittantur, vel omnimode anteponantur. A levioribus motibus inchoamus, ubi post fracturas, vulnera &c. membrum primo quatenus, ac demum potentius, extenditur ac flectitur. In genere & plerumque leviores sunt motus particulares uni- Statio
quoque
sub quietis
versalibus, ad quorum posteriores Statio quoque referenda, ut in hac

specie de-
lassat.

hac nec corpus, neque ullum ejus membrum, loco moveatur. Quippe sub quacunque figura corpus haud decumbens, adeoque sive stando, sive sedendo, detineatur, nunquam sine labore & musculorum contractione est, adeoque hos semper fatigat : sive tono perpendiculari & sub æquilibrî tensione musculorum trunci extendentium, simul agentium, in statione ; sive flexione ad angulum & a perpendicularo declinatione per flexores potissimum, in sessione. Qualis utraque corporis directio, si paulo diutius in eadem perseveremus, non sine difficultate fit & corpus sensibilibiter defatigat, ita quidem ut molestias ejus motu ambulationis similive aliquatenus demulcere, ut plurimum allaboremus : ut ut forsân valetudini non adeo conferant, potissimum dum fluidorum universalium adscensum turbant, & nisi aliquid ambulationis superveniat, demum multum noxæ minantur.

Itio salu-
brior est
motus.

Hinc equi-
tatio ac
vectio.

In itione quippe quia plerique in habitu musculi sua officia alternant, & tota quasi machina exagitur, plus in hanc & fluida ejus fructus superius indigitati redundat : hinc salubrior est in universum equitatione ac vectura, quarum alterutram nihilominus eligere jubemur, si crura debiliora, vel morbo obfessa, ambulationem similemve motum renuunt. Habent tamen etiam hæ suos gradus, perinde ac ambulatio a cursitatione & saltu atque saltatione discrepat : ut vel blandior seu tranquillior sit vectura, vel durior ac velocior ; sicut equitationum alia gradaria, alia veredaria, alia quadrupedans aut succussoria, observatur ; leviores semper anteponendo in imbecillioribus ac tenerioribus subjectis, & quos consuetudo ac usus vehementiores haud docuerit, ubi vel, cui olim quis adsueverit, vel huic affinem, motum suadere convenit. Neque a motibus corporis excludenda est portatio, lecticularia præprimis, quæ quidem a quiete seu sessione parum differt : quia tamen non sine omni corporis succussione fit, debilioribus motum non levem præstat. Circa motum in genere adhuc notetur, quod *Galenus* l. a. inculcat : nimirum *omnium optima sunt exercitia, quæ non modo totum corpus exercere, verum etiam animum oblectare possunt.*

Quiescere proprie non, nisi decumbendo, dicimur, & nulla figura magis, quam jacendi, quietem exprimit, quæ tamen pro variis occasio-

occafionibus variat: quamvis commodior & naturalis magis videatur, fi capite nonnihil elatiore truncus horizonti parallelum obferuet fitum, artubus modice & ad mediam figuram contractis, cruribus fi non profundius declinantibus, certe non elevatis, toto vero in alterutrum latus inclinante. Hinc primo valetudini non raro derogat decubitus fupinus, capite inprimis declivior, gravem & in fonnis valde moleftam dum reddit noctem: qui poftero mane cerebri vitis alias obnoxios conqueri facit de capitis gravitate, & fenfuum torpore, tandem in affectus fpafmodicos, epilepfiam, apoplexiam & paralyfin degenerantibus. Sine dubio, quod fub ejufmodi fitu fanguis promptius ad caput feratur, difficilius, propter finus duræ matris laterales in decliviori fitos, & a parte inferiore occipitis utrinque latus, antequam in venas jugulares ac cervicales fe exonerent, remeet, i. e. ab his potius ascendere, quam defluere, neceffe habeat. Nec adeo improbabile eft, quod *Fr. Bayle probl. phyfico-med. 23.* auguratur, majore fimul copia & impetu fub ejufmodi corporis decubitu fanguinem ἐγκέφαλον petere, quo magis aortæ truncus descendens a vifceribus abdominis ipfi incumbentibus prematur atque anguftetur, ac proin appulfus fanguinis ad inferiora aliquantulum interceptiatur. Imo pofitus hic fupinus cordis pariter oppreffionem & incubum in dormientibus concitat, a quali facile liberantur, qui in alterutrum latus fe convertunt, vel fe erigunt: non quidem, quali, ut communis fert fententia, ventriculus vel ab affumptorum copia, vel cruditatibus ac flatibus turgescens fub ejufmodi trunci fupina reclamatione diaphragma furfum magis impellat & motum thoracis infpiratorium conturbet; fed potius, quod organorum vitalium motus interpellatur, hinc fanguis intra horum vafa ftagnans ponderis fenfu pectus opprimat, organis vero refpiratoriis in motu impeditis moleftia illa intendatur. Qualis præcordiorum motus fruſtratio a cerebro feu cerebello dependet, quatenus fub ejufmodi incongruo corporis decubitu fanguis cum fero in eodem plenius congeſta fpirituum influxum per nervos cardiacos & pnevmonicos turbant: unde poſtmodum, appulſu fanguinis novo ad cerebrum intercepto, fpiritus in toto genere nervofo plus minus deficiunt & incubo affecti, dum pectoris fui molem phantaſticam excutere fatagunt, nec cœtera membra libere movere valent.

Decubitus plus minus falubris.

Nocet, qui capite declivior fit.

Erecta cer-
vice detri-
neantur
apoplecti-
ci,

& asthma-
tici.

Decubitus
supinus
quibusdam
nocet.

Eadem de causa nec convenit, apoplecticos mox sub primo insultu in lectum conijcere & stragulis opprimere; ut a nostratibus plerumque fieri solet: quibus consultius videbatur, si vires concedant, aliquandiu vel plane extra lectum in sella detineri, vel in eo ita collocari, ut corpore omnimode fere erecto sedeant; pro liberiore, æque eorum respiratione conservanda, ac torpore seu somnolentia interpellanda, & fluidorum a capite remeatu facilitando. Quale quid in asthmaticis & suffocationem metuentibus pariter advertendum, quo nimirum sanguinis motus juvetur, respiratorii etiam musculi a supino decubitu minus tensi commodius moveantur: sicut in iis quoque, qui hæmorrhagiam narium aut ex infelicius avulso dente &c. patiuntur; dum his resupinatis cruoris defluxus ad fauces & trachæam strangulationem minatur. Nec decubitus supinus facile ferunt inflammatione aut quavis imbecillitate renum laborantes, contradicente quamvis *Thom. Cranen. sive Job. Brœnio in prax. H. Regii l. 3. c. 36. scholio*: dissuadentibus eundem plerisque practicis, v. g. *Hildano 6. obs. 37.* qui situm hunc diabeticorum, salaciorum, & pollutione nocturna vexatorum organa male disposita plus justo afficere, scribit. Brachia & crura si inter dormiendum aut vigilandum durius sternantur, vel ita locentur, ut ab alterius cujusdam membri v. g. capitis, incumbentis mole comprimantur, aut alium incongruum observent situm, v. g. extra lectum perpendiculariter propendeant, stupore & motus impotentia corripiuntur, quod somnum artuum superius dixi: quatenus hac ratione spirituum ad illa influxus, per nervos compressos, intercipitur; ita ut per situs mutationem hac arctatione compressiva soluta, liberius denuo adeat membra idem fluidum animale ac torporem illum brevi discutiat.

Etiam
consuetu-
do aliæque
occasiones
decubitus
variant.

In his tamen pariter consuetudini aliisque occasionibus nonnihil erit condescendum, quemadmodum in latere etiam, cui incumbendum, determinando: ut per illam quosdam omnimode supinos, decliviores etiam capite, alios in latere dextro, alios in sinistro, commode & sine evidente damno quiescere, observemus. Cæterarum vero occasionum, negotium hoc moderantium, variæ sunt, inprimis morbificæ, dum v. g. dolores partium externarum & viscerum obstru-

obstructiones similesve affectus præternaturales organici modo hoc, modo illud, latus, pronum aut supinum decubitus, expostulant: quo nimirum dolores aliasque angustias evitemus, liberius respiremus &c. Neque tamen hic aliquid certi lege perpetua definiri valet, dum quosdam in latus affectum decumbentes male, alios bene, se habere, constat, & v.g. epatis aut pulmonis dextri induratione laborantes equidem aliquando reclinationem in hoc latus ægre ferunt, aliquando nihilominus ad oppositum conversi strangulatione aliisque angoribus magis urgentur, morboſa & oneroſa parte incolumem ad angustias moleſtiſſimas comprimente. Idem experiuntur, quorum pectoris latus alterutrum cruore, pure aut ſero ſcatet, aut pulmones pleuræ annati ſunt; qui commodius & facilius respirant in latere morboſo, quam ſi in oppositum ſe devolvant: fluidis illis extravasatis comprimentibus pulmonem ſanum; ac tenſis magis ligamentis membraneis, thoracis ambitum ac pulmones intercedentibus. Interdum ratio habenda vulnerum, vel potius cruoris & ſaniei, quæ ſui per horum orificium educationem exigunt: ut nimirum in locum dicti orificii ſe convertat vulneratus, empyicus apertus &c. Dentium dolore exagitati utut, dum in latere morboſo jacent, a compreſſione loci affecti aliquali tantillum levaminis ad tempus percipiant: longius tamen huic incumbentes paregoricum hoc brevius graviore & diuturniore cruciatu luunt; circulatione ſanguinis ſine dubio per partem conturbata ſeu impedita.

Demum ſicut ad quietem evidenter diſponit tranquillitas & objectorum conturbantium abſentia, ſic turba confluentium horumque ſtrepitus illi maxime derogat: de quo tamen errore quia ſuperius, ubi de aëre moderando mihi ſermo erat, dictum, ad ea Lectorem remitto.

Excreta & Retenta ſeu excernenda potius ac retinenda, a Medici Excreto-
rum & re-
tentorum
modera-
men. moderamine ita dependent, ut mora illorum protinus ſolvatur, hæc intra vaſa & receptacula naturalia coaſſerventur: niſi forſan ſemen excipias, quod medio modo ſe habet, i. e. ad retinenda æque, ac excernenda, referri poteſt, adeo ut ex ejus tempeſtiva excretionem non minus ac retentionem, bene, ex utraque intempeſtiva male, ſe habeat corpus. Porro quamvis cruorem non ſine ratione retinendis accenſeant

Non omnis seant omnes, tanquam fluidum vitale universale, & a quo cœterarum
 cruor reti- partium, tum solidarum, tum fluidarum, est conservatio ac repara-
 nendis ac- tio; adeoque ejus evacuationum pleræque præternaturales dicendæ
 censendus. veniant; qui nihilominus in fœminis menstruatim, vel in quibus-
 dam, hypochondriacis præprimis, aliquando per vasa sedalia, sive
 periodice, sive vago tempore, rejicitur, excernendis recte annumerat-
 tur, & utriusque hujus suppressio seu difficultas medici opem postu-
 lat. Pariter Lochiorum nomine a puerperis qui promanat, cruor
 mere recrementitius est, & de excernendorum genere; proin nun-
 quam, nisi sub gravioribus, & interdum lethalibus symptomatis, hæ-
 ret: cui etiam secundinæ fœtus jungendæ. Imo aliæ insuper san-
 guinis profusiones extraordinariæ tales deprehenduntur, ut earum
 materia excernendis potiore jure, quam retinendis adscribatur: v. g.
 hæmorrhagiæ narium in plethoricis aut suppressione mensium, sive
 ab imprægnatione, sive alia præternaturali magis causa, laboranti-
 bus; item hæmoptosis & vomitus cruentus in iisdem, quorum
 exempla passim obvia sunt, v. g. penes *Dodoneum obs. c. 26. schol.*
Schenck. obs. l. 3. p. 328. Rulandum cent. 3. cur. p. 200. Salmuth. 2. obs. 54.
Et Hæchstett. dec. 2. cas. 6. & ego sputum cruentum in fœmina qua-
 dam, quoties ad quintum mensem gravida, singulis alias catame-
 niorum imminentiis, & ultima vice usque ad partus ultimum termi-
 num, observavi.

Menstruo-
 rum non
 eadem pe-
 nes omnes
 quantitas.

Cuncta tamen hæc idiosyncrasia, regio, tempus anni, vitæ ge-
 nus similiaque maxime variant, ut v. g. rusticæ fœminæ, sine dubio
 propter laborum duritiem atque frequentiam, parum tantum men-
 strui fundant, Grœnlandiæ incolas fluxus hujus omnimode ignaras
 perhibeant regionum harum visitatores, testentur in aliis quoq; *Hil-*
danus 5. obs. 41. Sennertus pr. l. 4. part. f. 2. c. 1. quest. 1. Panorolus 1.
obs. 15. & Timæus 4. cas. 7. & quidem sine conceptionis frustratione:
 qualis ego quoque in fœmina aliquot liberorum matre recordor. In
 aliis tributum hoc lunare anticipare, ut nonnullis puellis mox circa
 duodecimum annum, imo aliis nono, octavo & sexto & quarto an-
 no, prodeat, quædam singulis mensibus bis aut ter idem solvant, ex
Fernel. pathol. 6. cap. 26. Timæo 4. obs. 13. Tulpio 3. obs. 36. ac Kerckringio
specil. anatom. obs. 12. Et 87. constat, ac ab ipso nativitatis die hoc
 compa-

comparuisse, idem *Kerckring. obs. 87. & Bourgois de Obstetric. l. 2. c. 5.* annotarunt: Sicut tertio & quarto a nativitate die in puellis duabus simile quid testari possum, in quarum una postmodum tamen ne vestigium quoddam hujus cruentationis comparuit, donec anno ætatis tertio ex febre acutissima moreretur, & paucas ante obitum horas aliquid sanguinis per pudenda ac gingivas eidem prorumperet; altera vero statim postmodum periodis ad hunc usque diem tributum hoc naturæ solvit, mater aliquoties facta. Nec exempla talium deficiunt, in quibus ultra terminum solennem motus ille menstruus extenditur, ad septuagesimum & octuagesimum quoque annum, recensita ab *Hildano cent. 2. obs. 61. & cent. 4. obs. 63. Bourgoise l. 2. cap. 6. Bartholino cent. 6. hist. 34. & Timæo l. 4. c. 14.*

Quibusdam individuis, foemineis imprimis, rara admodum contingit alvus, ut eam intra quinque vel octo dies denum deponant; quod, quemadmodum aliquando a diætâ perversa, vita sedentaria ac prava etiam consuetudine habent, qua excretionis hujus stimulos ac tempora negligunt, ita per eandem contrariam consuetudinem tarditatem hanc deponendi corrigunt & assumptis egesta respondere faciunt. Nihil quippe alvum contumacem magis vellicat ac tandem movet, quam si quis quotidie statim horis, semel vel bis de die, sellam quærat & conatum desidendi præstet: sic enim illam invitam quoque phantasia hac seu egerendi desiderio ad laudabiliorem & valetudini magis proficuum habitum disponet quilibet facile, nisi singularis a statu naturali recessus subfuerit.

Alvus quibusdam contumacior.

Pro consuetudinis diversitate.

Assumpta esculenta ac potulenta inter retinenda sine dubio ab omnibus recensentur, nec tamen deficiunt exempla illorum, qui, quoties pransi fuerint, aut coenarint, per individua ventriculi atoniam aliquam ingestorum crudorum partem vomitu mox denuo rejiciunt, & quidem non cum damno, sed cum emolumento, corporis: ita ut, si moles illorum forsân integra a ventriculo retineatur, protinus tenacitatem hanc ipsemet angoribus, doloribus, hypochondriorum tensionibus, flatuum impetu aliisque molestiis luat. Meminit ejusmodi vomitus perpetui, salutaris tamen, *Pechlinus l. 2. obs. 48.* & ego novi Prætozem exercitus Illustrem, qui flagrante satis appetitu alimenta assumit, vix tamen pastu finito eorum aliquam (circiter dimidiam)

Etiam alimenterum quædam pars cum euphoria rejicitur.

diam) portionem revomit, remanentia interim commode digerit, de reliquo satis sanus per aliquot jamdum annos degit : in quo eique simili pars aliqua ingestorum utique inter excernenda numerari debet.

Et per consequens has similesque circa excreta ac retenta ataxias corrigere, haud semper e re erit, ne motus naturæ recte, quamvis extraordinarie, agentis turbentur; neque his oppido suppetunt remedia adæquata: imo, quod potissimum, non rerum non naturalium nomen retinent, sed præternaturales evadunt, sive ut actiones læsæ, sive vitia in excretis; quibus non, nisi therapeia & hujus instrumentis, mederi datur. Hoc in loco, medicus de rebus ejusmodi agit, quantum & qua ratione valetudini profint ac noceant, non vero, quomodo earum vitia emendari debeant atque possint.

Affectus

animi per-
peram ac-
censentur
rebus ne-
cessariis.

Affectus animi demum quo fundamento communiter rebus valetudinem immutantibus necessariis accenseantur, vix comparet, dum, si eorum occasiones & objecta concitantia spectamus, cum his, mere fortuitis, fortuito & ex improvviso nos invadunt atque afficiunt: hinc prudentia quemadmodum illa modo averti, modo non averti, possunt, sichos quoque per eandem aliquando temperare & compescere, aliquando secus, licet. Quamvis nec raro obtingat, passionem ejusmodi violentiorem spiritus, utut mediocriter firmos, eousque prosternere & conturbare, ut postea occasionum, animum commoventium, nihil fortiter sufferre, nec cuivis injuriæ resistere valeant.

Pathemata

animo quo-
modo cor-
pus alte-
rent?

Sc. pathemata hæc dum modo sub voluptuosæ, modo dolorosæ, impressionis ac perceptionis specie spirituum systema conturbant, exagitant, prosternunt, sub priore statu, hi modo plus justo expansi & in impetus vehementiores concitati, semper tamen simul conturbati, pleniore influxu partes cunctas actuant, hinc sanguinem quoque ad totum plenius diffundunt; modo spirituum posterioris generis affectus irradiationes retrahunt, ut functionum pleræque fatiscant ac perverse exerceantur, adeo ut præcordia quoque spirituum animalium influxu destituta sanguinem minus velociter propellant, & cum anxietate notabili intra se stagnare faciant. Quo duplici schemate spirituum supposito fieri haud potest, quin vel hi ipsi in motus extraordinarios adacti, vel partes fluidæ ac solidæ, in varias ataxias &

anoma-

anomalias rapiantur, corpus ejusque functiones modo conturbantes, modo ad frugem meliorem reducentes. Sub hac nihilominus dis-
 paritate, ut passiones hæ animi non omnia æque individua mōx affi-
 ciant, utpote quorum nonnulla spirituum systemate generosiore ac
 firmiore gaudent, fluidis turgent texturæ strictioris, & habitum ge-
 runt compactiorem ac robustiorem. Ita ut quosdam homines vel
 ab objectis voluptuosis & dolorificis minus commoveri, atque ferrei
 pectoris observemus : vel si primis forsan illorum insultibus sine
 spirituum aliquali conturbatione sustinendis non sint pares, fluidæ ta-
 men ac solidæ partes nihil alterationis evidentis hinc patiantur, sed
 sub pristina valetudine & vigore immutabiles permaneant toti. Me-
 tuunt nonnulli vehementer satis sibi a malis imminentibus, lædun-
 tur tamen hinc non adeo enormiter, prout de juvene turpiter meti-
 culoso *Pechlinus 3. obs. 17.* refert, cui inusitatæ modo formæ conspe-
 ctus & alloquia hominum improvisa tantum repente timorem in-
 cusserint, ut cum cordis palpitationibus, vultus rubore, cum pallore
 alternante, & spirituum quasi ecstasi conflictaretur, imo ad tristitiam,
 futurorum cogitationem ventris borborygmis infestaretur, qui si in
 alvum desinuerint, cessarit paroxysmus, minus, sin intus manserint
 inclusi, periculosioribus symptomatis janua simul aperta. Ab eo-
 dem metu fluori alvi quosdam exponi, idem *Pechlinus obs. 18.* ali-
 quot exemplis comprobat. Fœminam novi, quæ si suos gravius de-
 cumbere videt, hincque mala sibi ominatur, mox tremore, lipothy-
 miis & symptomatis convulsivis corripitur, cephalæa immani alias
 laborans. Nec desunt homines adeo molles, & formidulosi, qui ad
 relationes tantum de operationibus chirurgicis generosioribus, aut
 supplicii ultimi truculentiore paulo genere, mox insigniter & ad ani-
 mi deliquium usque expavescunt : subitaneam quoque tristitiam,
 mortem aliquando excepisse, *Bartholinus 2. epist. 85.* perhibet. Con-
 tra alii recollectis spiritibus timorem protinus denuo excutiant, &
 animus rediens rem, quam formidabant, levioris momenti ac mino-
 ris periculi esse, eis persuadet.

Nec infrequens est, eadem animi pathemata, ut plurimum no-
 civa, quorundam morbis remedio existere, hosce fugare, dum iram
 v.g. paralytico motum *Valeriola 2. obs. 4.* muto loquelam restituisse,
 aliquando morbos solvunt.

Bartolinus Actor. Hafn. vol. 1. c. 81. & podagricum sanasse, *Pechlinus 3. obs. 26.* referunt: qualis affectus quemadmodum pituitosis in genere minus nocet, sic aliquoties observatum fuit, qui per largiorem Venæsectionem aliasque cruoris profusiones plus justo refrigerati fuerunt, ira calorem naturalem recepisse. Gaudii effectus auspiciatos minusque auspiciatos hinc inde legimus, & posterioris historiæ penes *Aulum Gellium noct. Attic. 3. cap. 15.* utriusque penes *Pechlinum l. a. obs. 27.* leguntur. Terrore seu formidine setacei candentis mutum loquelam recuperasse, & hæmorrhoidum fluxum nimium eodem affectu, ab affusa frigida concitato, suppressum fuisse, *Blankart. Collect. med. phys. cent. 3. obs. 47. & 4. obs. 79.* narrat. Ac, ut mittam illorum exempla, quos a febribus, quartana inprimis, & arthritide eundem liberasse novimus, nonne Hydrophobiæ medela per subitam, & minus prævisam demersionem in aquam, si modo alicujus fructus, per modum terroris fit? Civis ac Mercatoris hujus urbis ipsemet memini, qui per triduum ex podagra graviter decumbens, per terrorem, ab incendio vicino exortum, repente eousque levabatur, ut cum eum, quem ex terrore pejus se habere suspicabar, visitarem, non in lecto, sed in altiore ædium contignatione seu fastigio, ut has contra ignis imminentiis furorem tueretur, inveni, omnis doloris expertem & cruribus satis agilem. Ast paradoxum magis videri poterat, metum, qui melancholiæ alias frequens occasio atque nutricula, huic & furori præsidium satis generosum subministrare, quem nimirum, flagellarum scuticarum similiumque truculentior apparatus ac applicatio incutit, & a quo aliquando lymphaticos ejusmodi mansuescere ac ad sanam mentem redire innotescit.

Quæ causa
hujus
diversita-
tis.

Ut per consequens non adeo absonum videatur, animi pathemata in figendis non minus seu destruendis ac excitandis atque actuantis, morborum fermentis, hinc in emendandis quoque aliquando corporis vitiis, operam insignem præstare: dum nonnullorum, ut dixi, ea est conditio, ut ab iis magis, quam ab ulla alia re, commoveantur, actis in tendentiarum suarum conturbationes non modo spiritibus, sed in orgasmum quoque extraordinarium sanguine, aut utrisque in languorem extraordinarium præcipitatis. Qui diversus unius ejusdemque passionis in diversis subjectis effectus a diversa spiri-

spirituum atque humorum præprimis dependet crasi, nedum dyscrasia: quarum alia talis est, quam illa corrigere, alia, quam hæc peiorem reddere, potest. Ita v.g. ira ominosa & tantum non exitiosa, *Ira vis,* est sanguineis & biliosis, quos in apoplexiam, ictus & erysipelas conjicit frequentius; contra fluidorum pituitosorum & melancholicorum cruditates ac fixitatem corrigit & motus lentos intendit, spirituum quoque veterum excutit; ut non mirum, paralyticos & arthriticos, utrosque sanguinis compactioris, hinc restitui. In gaudio *Gaudii,* dum objecti grati contemplatione spiritus demulcentur, seu ad æquabilem magis motum revocantur, sanguinis quoque motus integer conservatur, aut blandius saltem augetur; affectus hic equidem inter cæteros medium tenet, & naturæ œconomix seu integritati magis favet, morbis etiam aliquando, contrarii genii visis, medetur: nisi forsan immoderatio evaserit, ejusque nimietas spiritus latiore & præcipiti expansione valde disjiciat, aut hi objecti desiderati attentioni considerationi nimis inhærescentes, hinc in stuporem seu ecstasim rapti, corpus suum ad excidium usque deferant. Qualis tamen impotentix animi rara sunt exempla, quin potius sub curis ac sollicitudinibus lætum nuncium, aut non sine mœrore hætenus desideratum objectum ipsummet nobis obvium factum, alacriores reddat ac elevet spiritus, corporis & animi harmoniam restituat atque firmet: nisi forsan gaudio ejusmodi inopino aliquid terroris interdum complicari, & a nuncii velocioris, aut ex improvise obviam facti objecti *terroris.* valde grati, impetu potius spiritus ad ultimum usque spiritum disjici, asseramus. Neque enim ingrata seu formidulosa tantum, sed grata quoque & desiderata, terrent, modo improvisa & repentina, ipsa experientia testante: cum non objecti, ut talis, habitudo, sed velocitas, quæ ingruentiam ejus comitatur, exhorrescere faciat, & adeo subito nos percellat hic affectus, antequam, an objectum bonum malumve sit, discernere liceat. Imo sicut lachrymas non a mœrentibus & lugentibus tantum, sed gaudio quoque nimio obrutis, profundi, cernimus: ita in his pariter, ac illis, animæ sensitivæ subsidentiam & spirituum infirmitatem concipere datur.

Pariter prout quosdam homines mox a levissima umbra terrari, alios nec a graviore & cum ratione formidando objecto affici,

constat, texturæ videlicet spirituum atque sanguinis tenerioris & delicatioris præ robustioribus & firmiter præcordiorum subjectis, fœminas præ maribus, pueros præ adultioribus, citius & vehementius cohorrescentes: Sic exagitatio & conturbatio, quam utrique horum hinc sustinent, aliis eorum salutaris, plerisque perniciofa, evadit, in aliis nihil omnino alterationis pone se relinquit, secundum diversam illorum habitudinem. Nec terror tam simplex pathema credendus, quin potius plerumque aut de metu, aut de ira, participet, vel in horum alterutrum solvatur seu declinet: proin secundum sociorum quoque horum disparitatem in sanguinem diversimode agit, hunc modo vehementius exagitando, modo ad quietem magis componendo, seu ejus motum intestinum plus minus sedando. Ex qua dispari corporis atque terroris habitudine ad se invicem hujusque in illud factis impressionibus modo suavioribus, modo tristioribus apparet, ex casibus fortuitis salutaribus, dum v.g. terror febrem aliquando discussit, podagram solvit, haud formari posse methodum curandi per terrorem hos vel illos morbos: quod singulorum individuorum temperamenta, fluidorum indolem ac proportionem & spirituum elaterem adeo accurate dignoscere, terrorem hujusve gradum exacte moderari ac singulorum constitutioni ex æquo accomodare, nemini forsan datum; sub ignorantia autem hac non felicem perinde, sed calamitosum quoque, medelæ hujus successum nobis promittere possumus. Sanentur frigida perfusione aliquot febricitantes, juxta *Stephanum Rod. Castrensem*, ab incendii exhorrescentia & ira Paralyticus & Contractus, penes *Valeriolam*, Hydrophobus immersione in aquam, secundum *Celsum*, Podagricus per violentiorem a lecto extractionem & per scalam cum molesta crurum allisione, deportationem, perhibente *Lignario* penes *Hildanum epist. 47.* & sonitu campanæ ad arma terrifico *1. epist. 48.* solvat Vertiginem contumacem narium hæmorrhagia, ex gravi de scala lapsu, narrante *Fr. Lossio 1. obs. 8.* Arthritidem inveteratam tortura discussam testetur *Hildanus 1. obs. 79.* Fœminam quartanæ diutius expositam vulnus capitis ex tegula illapsa, & virum, eodem morbo satis diu vexatum, vehiculæ casus hincque humeri luxatio liberet, perhibente *Pechlino 3. obs. 24.* ideo tamen violentiora & fortuita hæc in classẽ juvantium seu inter artis instru-

Periculo-
sum est,
morbis per
terrorem
mederi.

instrumenta minime reponi debent ; ob incertam non tantum juvandi rationem , sed periculum quoque minus evitabile. Perinde ac errores in diætâ alios, si casu forsan aliquid salubritatis in hujus vel illius corpus exeruerint, remediis dogmaticis haud accensemus, eosque simili morbo decumbentibus commendamus, v. g. esum uvarum immaturarum cum sale contra Tertianam, quod hæc illi in fœmina quadam cesserit, annotante *Blankarto Collectan. 7. obs. 70* ; aut potus crebriores avidioresque haustus contra ascitem, ubi abstinencia ejus maxime opus, quod narrante *Schenckio obs. p. 434. Dodonæo obs. 117. & Pechlino 1. obs. 63.* non sine vitæ discrimine, per rupturam umbilici, diarrhæam & fluxum hæmorrhoidalem eum sustulerint.

Quibus difficultatum momentis hæsitans vix assentiri possum <sup>V. g. tussi convulsi-
væ.</sup> *Williso*, dum *Pharmac. rat. part. 2. s. 1. c. 6.* inter alia remedia contra tussim convulsivam puerorum terculamenta, quibus puer in subitum timorem conjiciatur, deprædicat ; quasi nimirum spiritus hac ratione fugati inque novas distractiones adacti, inordinationes priores derelinquant, insimul materia spasmodica a perturbatione isthac aut dissipetur, aut in alios nervos, ubi parum molesta est, adigatur. Advertendum siquidem, primo ipsum *Willisium* circa hoc præsidium ambiguum videri, quatenus quidē hoc cum musco pyxidato, cœteris irritis, emolumentum certum præstare promittit, paulo post tamen ab eo nonnunquam tantum symptomatis illius subitam curationem contingere, subnectit: quod posterius sicut mere fortuitum est, sic terrori tantum salubritatis conciliare nequit. De cœtero dum terroris impetus sanis minus vel rarissime, prodest, vix apparet, quomodo morbo vehementiore labefactatos, sine mali præsentis augmento ac alterius inductione petere queat: i. e. quin conturbati spiritus in symptomate spasmodico ab exhorrescentia superveniente magis distrahantur, seu terror perversis illorum motibus novas inordinationes addat, priorem non tam correctores, quam nutricias ; inprimis cum, ut modo dictum, de subjectorum habitudine & ad hanc terroris proportionem adæquatum & accuratum judicium ferre difficile sit, in pueris potissimum, qui, propter cerebri ac nervosi generis mollietiem hujus vel cujuscunque pathematis injurias non adeo facile tolerant, & ad epilepsiam proni maxime. Neque tandem impetum ter-
roris

roris eousque moderari in nostra potestate est, ut materiam peccantem, quam non dissipat, ex nervo pnevmonico ad alium, ubi minus nocere poterat, rejiciat: cum nihil impediatur, quo minus eodem facto ad nervum cardiacum, vel ipsum principium nervorum, sub violentiore ejusmodi remedio, causæ morbificæ metastasis, cum majore vitæ discrimine, contingat?

**Metus raro
prodest.**

**In primis
in morbis
contagiosis.**

**Cum non
omnes me-
ticolosi pe-
ste corri-
pantur.**

Tandem & metus valetudini raro confert, hinc potius omni studio vitandus ac arcendus erit, cum præsentēs morbos per eum ingravescere, absentes provocari, observemus. Videntur siquidem metu spiritus quasi revocari, sanguinem condensari, ejusque turgescētiā infringi: unde miasmata morbifica ab extra promptius admittuntur, fermenta etiam prava intrinseca, quia a motu sanguinis vitali deficiente minus subiguntur, cristas erigunt & in actum prorumpunt. In specie E. ab atmosphæra labe quadam contaminata sibi metuere periculosum valde est, sicque ideam ejus, animo conceptam, in corpus transferre, & a morbis epidemicis præ aliis affici, deprehendimus meticulosos; quamvis eorum multos quoque metu potius, quam morbo laborare contingat, ubi sc. robur naturæ interpellat, aliis interim, quibus natura minus propitia, in ipsum morbum metus ille transeat. Quoties v.g. non contingit, maculas tantum seu stigmata variolosorum, omnis contagii expertia, visa tantum, metum repente incutere, ut fermentum abditum & cujus nullum hactenus vestigium, in variolas plus minus exitiales acturiet? Imo observavi, in nupera peste Medicos, Chirurgosque juniores, quamvis ratione ætatis communiter sibi magis fidentes, utpote calamitatibus ejusmodi minus adhuc exercitatos & firmatos, virulentia illi præ senioribus & pectoris rigidioris frequentius succubuisse. Et licet forsitan ejusmodi meticolosorum valde non omnes peste corripereantur, unius tamen alteriusve memini, qui paulo post morbis chronicis gravioribus exponebantur: quibus febres intermittentes diversorum typorum ac continuas, utrasque gravioribus symptomatis stipatas annuero, quas post expirantem virulentiam pestilentialem insequens ver atque æstas per nostram civitatem & hujus familias maxime frequentes promebant, metus & terroris anni funesti præcedanei sine dubio fructus. Contra a meticolosis quemadmodum animo, sic

sic corpore quoque, quam alieni sunt homines audaces ac intrepidi, milites v. g. & qui curam agrorum ejusmodi ac defunctorum gerunt: morbos hi sicuti non horrent, ita illis rarius corripiuntur. Neque omnibus hydrophobis immersio in aquas, quam antiqui adeo deprædicabant, salutaris deprehenditur: quin illi potius ad visum, strepitum & motum aquæ vehementius expaveſcant, hinc rabies in iis exasperetur; ita ut inter remedia tantum fortuita, non privata & specifica, juxta *Listerum*, hoc ponendum sit, ex illis nimirum, quæ vulgus per experimenta probata putat, longe aliena tamen ab arte & frustra omnino excogitata esse, dies doceat. Quale quid circa insanientes ac fatuos pariter observandum, quorum nonnullos equidem famis, vinculorum, flagrorum similibusque tormentorum duritie ad saniores mentem reduci creduntur, plerique tamen per inhumana ejusmodi præsidia ad ferociorem insaniam evehuntur, alii in stuporem tandem belluinum conjiciuntur. Poterat quidem per horrenda hæc, annotante *Celfo*, mentis fieri mutatio, & ab eo statu, in quo hætenus fuit, abduci: ast contrarium etiam ex metu & terrore immenso contingere, crebra evincit experientia, loquuntur Molitoris Afini.

Sicut autem terrorem ac metum pro rei exigentia nec agro, nec medico, moderare conceditur, ita qua ratione cæteri animi affectus concitari, dirigi, declinari ac corrigi valeant, haud semper apparet: quantum prosternant, quantumque aliquando erigant, certimus, proin, quantum ab iis cavendum, intelligimus, sed ne noceant, præcavere vix licet, multo minus, qua ratione spiritus cum præcordiis contra illorum impetus firmandi, constat, quod solius est Ethici & prudentiæ moralis. Aut si forsan factos eorum insultus ars retundere conetur, iracundis v. g. propinando acidula, mæstis & terrore percussis resolventia, utrisque sanguinem mittendo ac ventilando: hæc tamen non motum animi, sed alterationem in corpore hinc factam demum, emendare videntur. In specie vero pessime sibi consulere videntur, qui ut mœrori ac curis suis obicem ponant, vino & temulentia tantos, quantos, se consecrant, & consuetudine tandem hac prava eousque pertingunt, ut, nisi bene poti, nullam noctem tranquillam transigant, erroneo tamen hoc ærumnarum remedio, denum morbos & mortem præcocem sibi comparant: spi-

ritibus successive suppressis & cum sanguine vappidis redditis. Nec mentis hæc tranquillitas constans, sed temporaria & paucarum tantum horarum, est, dum vino discusso actorum reminiscencia novas turbas parit, quibus effœti magis spiritus resistere nequeunt. Animus adversitatum fluctibus agitatus ad tranquillitatis portam non, nisi rationis usu & patientia devehitur, quæ non præcepta medica, sed morum doctrina & cujusvis prudentia subministrat.

CAPUT XXI.

De

Administratione Pharmaciae.

Non sufficit ad medelam morborum diæta.

Sed pharmaciam ac chirurgiam quoque opus.

EQuidem, si Antiquitatem consulamus, *Scribonius Largus de compos. medic.* innuit, Asclepiadem solis remediis ex diætetica medendi ratione petitis fidem habuisse, & pharmaceutica adspersum fuisse; ex *Strabone* quoque constat, sapientes olim Indorum Medicos pharmaciam, ut maleficam, despuisse, diæteticam vero Medicinæ partem impense observasse: Sola tamen hæc præservationi ac medelæ morborum sufficere haud poterat, cum sani æque ac ægri illius legibus se haud obsequiose submittant, sed libidini ac infinitis erroribus indulgeant, nec ab horum cunctis per vitæ genus, consuetudinem similiaque semper cavere possint, nec in specie per imbecillitatem humanam commotionum animi insultus firmo fatis pectore excipere, nec in his sibi temperare, valeant, vis denique morbi & hujus causa per regimen sex rerum non-naturalium subigi nequeat; hinc aliis insuper opus est adminiculis, & quos Diæta non sanat, pharmacum sanat, quos non pharmacum, ferrum & ignis, seu Chirurgia sanat. Corrigunt hæc non tantum vitia per neglectam diætam introducta, sed morborum quoque ac symptomatum radices intrinsecus genitas exturbant, ut ex doctrina partium harum medicinæ speciali nunc suppono: neque Medicus is muneri suo & ægro- tantium expectationi ex omni parte satisfacit, qui diætam rite adornat, Pharmaciam vero ac Chirurgiam aut nescit, aut applicare negligit; cum vix crebro accidere videatur, quin locus non sit pharmacis ad minimum præscribendis, nec morbi conditio talia postulet.

Causas

Causas morborum, inprimis humorales, sola diætā congrua aliquando emendari & eliminari contingit, sive a Medico præscripta, sive ab infirmo præmeditato aut casu electa & adornata, adeoque interdum curari posse & vere curari ægros, nullis præscriptis ac assumptis pharmacis, juxta illud: *abstinentia & quiete multi morbi sanantur*: arduum tamen probatur relinquitur, æque cito, tuto & commode hoc fieri, ac si medicamenta simul in subsidium fuerint vocata. Quatenus sæpenumero observamus ejusmodi medelas esse difficiliiores & diutius protrahi, ac recidivas pedisse quas experiri: contra ubi apta simul oportune adhibita fuerint medicamenta, brevius, tutius & cum minore molestia absolvi. Et alia est ratio ægrorum morborum ac medicamenta quævis renuentium, aut non, nisi summa eos urgente necessitate & re tantum non conclamata, admittentium: utpote quorum culpa tunc negliguntur, quæ negliguntur, auxilia, nihilque hujus in medicum redundat, aut jure redundare poterat.

Subministrat horum materiam pharmacia, instrumentum partis therapeuticæ, nedum prophylacticæ quoque locupletissimum, quod inventionem, cognitionem, collectionem, selectum, asservationem, præparationem atque commixtionem medicamentorum tradit: cujus, ut partis integrantis medicinæ, exercitium & administrationem qui Medico denegant, artem mutilant, & huic instrumentum familiarissimum ac saluberrimum subtrahunt, eumque jure suo defraudant. Equidem in foro disceptari solet, an Medico præparatio ac venditio medicaminum concedenda? &, quod mirandum, Medicos etiam quosdam deprehendere licet, qui negativæ adhærent, & vel directe, vel indirecte, in eos invehuntur socios, qui medicamenta dispensant, v. g. Medici nonnulli Collegii Augustæ Taurinenses in Julium Contarenum, quasi hic, tale quid agendo, Nobilitati Artis derogaret, hinc Collegio suo indignum judicabant, ut videre est penes *H. Augerium tom. 1. l. 9. epist. 1.* item Parisienses nonnulli in Fernelium, quod domestica sibi remedia non pateretur in officinas publicas abire, sed domi vel ipse compararet, vel amicorum paucorum fidei committeret, ex recensione *Plantii in vita Fernelii*: Quibus accensendus *Conringius*, dum de *Hermet. medic. l. 2. c. 8.* officio conficiendorum medicaminum medicos abdicare videtur: item,

Medicis a
quibusdam
pharmacis
exercitium
interdici-
tur.

Et quidem
per diversa
argumen-
ta.

quæ a *Celeberrimo Ab. Fritschio medic. peccant. concl. 24.* hunc in finem allegantur Responsa Facultatis Med. Wittebergensis & Lipsiensis: ac demum illi, quos *Quercetanus pharmac. gen. c. 1.* in scenam, producit, medicum a pharmacopæo ita distinguentes, ut unus præscribat, alter operetur. Non inter omnes tamen hos, sive Medicos, sive cujuscunque ordinis, æque convenit, dum horum alii nullam omnimode, alii restrictam tantum, medicamentorum dispensationem, per quam non omnia non officinalia, sed selectiora & multo usu demum comprobata, parare liceat, concedunt: imo nec præparata singularia omnes Medicis distribuere seu vendere permittunt, sed, ut illa pharmacopæis pretio honesto exhibeant, postulant, ab ægris hinc repetenda. Cuncti pro sententia sua firmanda diversa promiscue proferunt argumenta, quæ brevibus recensere, seu potius tantum innuere, e re erit.

Sc. quod
juribus &
privilegiis
Pharmacopoli-
orum
hoc dero-
get.

Quidam eorum conscientiam urgere videbantur, sc. Pharmacopolia & Pharmacopæos seorsim juxta Medicos in Republica a Magistratu esse constitutos, adeoque illorum jura hujusque potestatem violare, hinc proximo lucri causa nocere & victum præripere, nefas esse, ajunt. Allegant pro iis 1. *Constitutionem Friderici II. Imperat. quæ extat penes Lindenbrogium in Codic. LL. antiqu. l. 3. constit. Neopolit. tit. 24. c. 3.* per quam ne Medicus propriam stationem (i. e. pharmacopolium publicum) habeat, interdicitur: 2. Privilegia Pharmacopolis concessa, quasi per hæc solis Pharmacopæis medicamentorum dispensatio & erogatio sit concessa, Medicis prohibita.

Quod mo-
lestum ac
turpe sit
medico.

Mollius alii cum Medicis agere gestiebant, turpitudinem & molestias ab his majores declinaturi: Sc. his persuadere dum annitebantur, vel quasi nobilitati Artis & Medicorum detraheret, si operationes pharmaceuticas, mechanicas & sua dignitate indignas administrarent, quale erat argumentum Taurinensium contra Contarenum & illius Cenforis a *Quercetano* castigati; vel quod amplitudo artis medicæ jubeat levare Medicos onere parandi medicamenta, qui ob prolixiorem praxin aut talia non omnimode, aut non sine omni culpa, in arduo ejusmodi negotio metuendo, conficere, queant, ut ex *Brun. Seidelio de morb. incurab. p. 72. & 73.* ac *Conringio l. a.* constat.

Periculo-

Nonnulli, v. g. Cenfor ille penes *Quercetanus*, metuunt, ne,
nisi

nisi distincti essent artifices, uterque horum pro lubitu agrum impu-
ne possit occidere, singuli fel pro melle, venenum pro remedio, pro-
pinare.

Porro instant, si Medicus remedia tantum præscribat, non con-
ficiat, eum non temere peccaturum: ac si res forsan male cesserit, con-
stet vero, quo usus sit remedio, eum in jus vocari non posse. Item, non
omnibus & subito satis aliquando evenientibus affectibus parata sem-
per Medicum habere posse ex officina sua privata, ac e publica reme-
dia: Sumptuosum valde fore, studium medicum & pharmaceuticum
combinare: Pretio nimio medicamentorum non gravari posse ab
avaro Medico cives; dum in vulgus illud ex Taxa publica con-
stet: Pharmacopæos esse personas juratas: & quæ hujus generis sunt
plura.

Ac ipso
medico.

Pharmaco-
polæ sint
personæ
juratæ.
Privilegia
Pharmaco-
pei non
possunt
derogare
medicis.

Quibus singulis tamen non adeo difficulter satisfieri posse puto,
egoque hoc præstare tentabo sequentibus. Separatas in Republica
hactenus novimus operas Medicorum & Pharmacopolarum, & qui-
dem per Magistratus decreta, sub quorum autoritate etiamnum illa
officiorum disparitas fovetur: ast qua occasione quamque congrue
hoc factum contigerit, & an illud Medicis seu horum arti præjudica-
re potuerit, ante omnia disquirendum. Ex Antiquitatis Historia
suppono olim & sub artis primordiis Medicos ipsos sua concinnasse
medicamenta, imo totum eorum officium aliquandiu solam chirur-
giæ & pharmaciæ administrationem complectebatur, erantque illi
meri empirici, donec majora arti per rationes ex anatomicis, patho-
logicis &c. emergentes, successive accederent incrementa, sub qua ni-
hilominus hujus adolescentia propria manu sua adhuc parabant phar-
maca, vulnera deligabant, luxata reponebant, emplastra applicabant,
breviter, juxta *Conringium introd. ad medic. c. 1.* singula artis opera,
peragebant, in specie, de quibus nunc sermo, pharmaceutica, v. g.
Diocles, Scribonius Largus, Galenus, Serapio, Mesue ac cæteri
omnes, prout ex horum monumentis constat: v. g. ex *Scribonio Lar-
go de compos. medic.* ubi ait: *Est enim hæc pars Medicina, ut maxime
necessaria, ita certe antiquissima, & ob hæc primum celebrata ac illustra-
ta.* Cui jungendus *Langius l. 1. epist. 51.* Scis nempe, principium omni-
um artium esse rude, ac temporis successu & experientia adaugeri & ex-

Qui olim
sua præpa-
rabant me-
dicamenta.

coli: quod certe Medicina, omnium mortalium votis expetita, ac toties immutata indicat. Hanc ante & sub Trojani belli temporibus Æsculapius & tandem ejus liberi, Machaon & Podalirius, ac celebris ille Achilles Preceptor, Chiron, vulnere medela & pharmacia exercebant, solisque his duabus partibus nempe Chirurgia & Pharmacia, tum Medicina constabat &c. Imo Hippocrates de dec. ornat. ubi Medicum tyronem instruit, inter alia pharmacorum efficacium investigationem ac præparationem sedulo commendans concludit: His autem preparatis hoc commodi erit, ut, ubi ad agrum introieris animo incerto non sis, cum apposita habeas singula ad id, quod faciendum est. De quo eodem Hippocrate Quercetanus l. a. ita describit: Hunc eorum faciem conspurcasse, qui preparandorum suorum remediorum scientiam illi detraxissent, quorum veteres adeo vigilantes fuerint custodes, ut ea nequaquam publica fecerint omnibus &c.

Et quidem
ex artis ne-
cessitate.

Atque ita agere fas erat primos artis fundatores, doctores & administratores, quo certiores non tantum redderentur in ipsa arte remedia parandi, sed de virtute quoque horum, & intentioni seu scopo suo exactius satisfacerent, neque ab aliis horumque experimentis fallacibus dependerent ac ab his deciperentur. Haud congruum minusque proficuum judicantes, tantum opus, a quo salus & vita humana dependebat, per alios tractare; sed proprios oculos & manus ipsi admoventes. Ut ut crescentibus laboribus sibi ministros adsciverint servos & liberos, qui vel deligandis vulneribus, fracturis &c. vel colligendis & conficiendis medicamentis, imo horum peritiores aliquando, sub instructione & directorio suo, applicandis, inservirent: integram sibi servantes libertatem illa pariter peragendi, quæ amanuensis suis commiserant; adeo ut tunc temporis nullus pharmacopæus, nullumque pharmacopolium præter Medicum hujusque officinam, extiterit. Insequentibus vero temporibus, cum servitus sensim in desuetudinem abiret & secula barbara ingruerent, contigit, ut Medici genuini magis magisque deficerent, ac eorum famuli delegati, sibi satis sapere persuadentes (ut hodie etiam fieri solet, ubi aliquando minister cinislo medico domino suo se parem putat, hujusque arcana & medendi scientiam crepat) lucro allecti, directorio illorum se subtraherent, & si non ipsimet medicinam facerent, pharmo-

Qua occasione ne-
gonium,
hoc in
pharma-
copolas
abierit?

pharmacopolia tamen propria instruerent, sibi que alienam artem peculiarem ac propriam redderent. Quod quidem eo facilius efficere poterant, quo Medicorum nonnulli molestæ illi artis amplitudini se magis subtrahebant, & ministrorū illorum numerus indies crescebat: hinc artem pharmaceuticam mechanicam seu opificiarum omnino reddebant atque exercebant, usque dum laboribus crescentibus alios servos ministrosque sibi jungerent, & Magistratus autoritate eorum tabernæ publicæ evaderent tandemque in monopolium abirent, si non semper in salutem miserorum & civitatis salubritatem, certe pro fiscis pharmacopolarum locupletandis. Atque ita agebatur primo in locis, Medico destitutis, postmodum in aliis quoque, ubi medicis præsentibus in conficiendis pharmacis nulla movebatur lis, nonnulli eorum sub specie cujusdam defidiæ, vel per blanditias pharmacopæorum astutorum allekti (juniores præprimis & imprudentiores) huic instituto assentiebant primogenituram pulmento leguminum vendebant, ne plura dicam!

Huc usque ortus & progressus rei pharmaceuticæ, quod primis suis natalibus Medicorum extiterit peculium, & qua ratione ad pharmacopolas fuerit translata; plura hujus generis, & quidem moderna magis, ignorare, quam edisserere, malo, ne aliorum invidiam mihi concitem. Ex quibus paucis nihilominus prompte judicare licebit probis & cordatioribus cunctis, an Pharmacopolis injuriam faciant, noceant, victum præripiant ac peccent Medici, pharmaca investigando, parando ac distribuendo, i. e. jure suo connato & perpetuo utendo? & an artis atque hanc exercentium, tanquam primariorum & primorum Pharmacopæorum, juri deroget, quod nominati eorum famuli, quo jure, quave injuria, quæ ab iis addidicerant, bene vel male exercuerint, alios docuerint, medicis quamvis nonnullis eorum conatibus assentientibus? seu, annon potius Medicis, tanquam primis genitoribus, administratoribus ac magistris artis, hæc ejusque exercitium integrum ac indivulsum relinquendum, permitendumve, omnia ut nunc agant, quæ olim egerant, & quæ ut commodius agerent, aliis, pro occasionis ratione, aliquandiu agere concesserant, sibi denuo vindicent ac exerceant, per consequens, medicamenta quoque parent ac porrigant. Uno verbo, possunt Medici

Hinc in
pharmacopolas
non sum
injurii
medici.
Sed jure
suo utuntur.

dici jure dominii antiqui & postliminii repetere, quod aliorum concordia aut quacunque ratione iis hactenus subtractum videbatur: & hoc dum agunt nec suam conscientiam violant, nec publico, nec pharmacopolis, suum dum repetunt, damnum inferunt, injuriamve faciunt. *Utinam, inquit Libavius in alchym. triumph. tota medicina mansisset in aula Medici, ubi diversis ergasteriis opera fierent diversa &c.*

Neque hoc
contra le-
ges publi-
cas.

Neque hactenus ulla lege publica generali hoc exercitium pharmaceuticum Medicis denegatum fuit, quin potius inter instrumenta seu in supellectili Medici Colyria, Emplastra & cœtera ejus generis contineri *L. 18. §. 10. ff. de Instructo vel instrument. legat.* expresse asserat. Quam vero contra Institutum hoc adducunt *Constitutionem Friderici II. Imperatoris*, aut Medicos Germanos aliarumque provinciarum incolas non stringit, Regni tantum Neopolitani subditis data, & Medicis stationem publicam, non privatam rei pharmaceuticæ administrationem, denegans: aut per observantiam vel illam abrogata, qua Medicorum quoque multi in nostra Germania Stationes proprias tenere innotescit. Si Privilegia, Confectionariis seu Pharmacopolis hinc inde a Superioribus concessa quis urgeat, quasi horum vigore jus prohibendi contra alios fuerit inductum, huic perpendendum relinquo: privilegium contra privilegiatum adduci vix posse, & esse illa strictissimæ interpretationis, maxime, quæ monopolium sapiunt; nec illa contra alios, quam, qui expresse in his denominantur, extendi vel allegari posse. Lubens largior, aromatarios, unguentarios, pigmentarios, circumforaneos similesque prohiberi illorum vi valere, ne medicamenta parent ac divendant, quippe qui disertis ejusmodi privilegiorum verbis excludi solent, sub hoc circiter tenore, *die Krähmer/ Wasser-Brenner/ Zuckerbäcker/ Barbierer/ Väder/ Quacksalber/ Theriacks-Krähmer/ alte Weiber &c. oder denen es nicht zukommet noch gebühret medicinalia und Arzeneien zu componiren: qualibus sane medicos accensere, hisque cum Medicinæ antiquitate ejusdem ætatis jus, medicamenta erogandi, sine injuria, dubium reddere minime licet.* Postquam potissimum diversis occasionibus a Celsissimis nostris Electoribus ac Principibus controversia, a Pharmacopolis contra Medicos nota, ita quam Clementissime decisa ac declarata fuit, v.g. in causa Nostratium 6. Decembr.

Sed his
conceden-
tibus.

anno 1658: Jedoch können S. Churf. Durchl. geschehen lassen / damit das Studium chymicum zu Leipzig/dem Lande und der studirenden Jugend zum besten/ ie mehr und mehr excoliret werden möge/ daß der Decanus Facultatis, ingleichen da einer oder der andere von denen Doctoribus Medicinæ dergleichen Sachen und Stücke zuzurichten sich beflüssigen wolten / welche entweder in keiner Apotheken und Officina publica zu finden / oder derer Zubereitung und Process nicht iederman zu offenbahren/ solches für sich thun und machen mögen *zc. it. 20. Aprilis 1659.* Gestalt wir nun die von denen Medicis gesuchte Erleuterung nicht nöthig / noch in dem angezogenen S. befinden / daß die von ihnen præparirte singularia und experimenta bey ihren Patienten zu gebrauchen/ verbotten sey / also ist *zc. quemadmodum pariter 18. Julii ejusdem anni:* Sondern es gehet unsere beständige Meynung dahin/ daß die Medici zwar ihre nachgelassene singularia, iedoch bescheidenlich und mäßig/ ohne gesuchten / ungeziemenden und ihrer Profession gar nicht anständigen Vorthels gebrauchen mögen *zc. Uti etiam 4. Januarii 1661.* Was aber anlanget diejenigen geheimen Arzeneyen / von denen in dispensatoriis publicis gar nichts zu befinden/ oder deren Zubereitung die Medici, als ihre sonderbare arcana naturæ & artis, denen Apothekern zu offenbaren erheblich bedencken tragen *zc. seynd und bleiben / vermöge Unsers Decrets (vom 6. Dec. 1658.)* denen Medicis privatim für sich zu laboriren/ auch ihren Patienten mit denenselben nach Gelegenheit der Umstände zu dienen *zc. allerdings unbenommen zc. Ac denique in causa Medicorum & Pharmacopolarum Dresdensium per Declarationem Clementissimam 12. Julii 1677. Anno 1680. typis excusam:* Also erklären Wir Uns nochmahls/ Krafft dieses wohlbedächtigt und gnädigs/ daß Wir die in mehr berührten hiesigen Stadt-Apotheker-Privilegiis befindlicher Prohibition auff promotos Medicinæ Doctores, so viel die Präparirung und Verkaufung ihrer geheimen und Chymischen Arzeneyen / auch derer zur application und Beybringung der arcanorum bedirffende Additamenten betrifft/ weniger aber in diesem Fall auff unsere Leib-Medicos, als denen ohne das die Inspection über die Apotheker zukommet/ keines Weges verstanden / sondern sie so wol bey ihrem dem Publico zum besten anziehenden Fleiß und Besügnuß der Präparir- und Verkaufung ermeldter ihrer chymischen arcanorum und

obgedachter unumgänglichen Additamentorum, als auch die Officinen bey ihren Privilegiis, geschüzet wissen wollen &c.

Male E. al-
legatur a
seplasiarios
possessio
vel quasi.

Per consequens quam allegant communiter Pharmacopolæ, Possessionem vel quasi, multifaria ejusmodi Electoris olim Nostri Potentissimi Rescripta (ut aliorum Principum Serenissimorum salubres constitutiones mittam) discutiunt, forsan aliæ quoque Dominorum Jctorum exceptiones legales solvunt, me tacente. Imo, dum absque artis medicæ insigni damno exercitium pharmaceuticum Medicis succidi haud posse, inferius patefceret, perversis & noxiis moribus obicem ponere & consuetudines salutare magis introducere, æquum & justum erit. Nec ferre tenentur culpam Medicorum superioris ævi præsentis, si forsan illorum nonnulli, vel ex ignorantia, vel negligentia, Pharmacorum confectionem minus curarint, cum Pharmacopolis colluserint & horum causæ patronos se gesserint atque in viscera propria delirarint: multo minus quæ forte sententia contra Medicorum hunc vel illum per Mandata Principum pronunciata est, ordini toti vel singulis hujus membris præjudicabit, quod illi jura potius privata, quam publica, ni fallor, neque adeo congrue, adduxerint vel propugnarint. Paucis, non invidemus Pharmacopæis mechanicis suas immunitates & privilegia, modo hæc non contra naturam rei ac sanam rationem ampliare contendant: i. e. Dominos & Magistros excludant illius artis exercitio, quam famulos ac discipulos docuerant & adhuc docent. Cum ipsimet Medici, ut olim, sic nunc pariter, conscribant systemata & dispensatoria pharmaceutica, tradant in scholis suis dogmata hujus generis: Et si forsan Pharmacopæus mechanicus, rerum naturalium & medicarum imperitior, ejusmodi commentarios unquam ediderit, cruditatibus & ineptiis scatent.

Nec turpe
est medico
preparare
medica-
menta,

Dedecori Medico & hujus officio esse pharmacorum administrationem qui asserunt turpiter se dant, & Doctorum horum majestaticorum superbiam ineptam prolixè declararunt *Hor. Augenius* ac *Quercetanus* locis citatis, qui evolvi merentur, quibus nunc *Sennerti inst. lib. 5. part. 3. f. 2. c. 1.* adjicio verba: Neque præter dignitatem Medici esse, componere medicamenta, antiqui illi viri prudentissimi medicique peritissimi satis docuerunt, qui, etsi haberent unguentarios, seplasiarios

siarios & id genus hominum, qui fucos, unguenta ac similia precipue vendebant, ornando potius, quam curando corpori utilia, totam tamen medicamentorum compositionem ipsis non committebant. Ipsi domi sua medicamenta composuerunt, neque sibi dedecoris, sed laudi esse duxerunt, si rei humano generi utilissima operam impenderent, neque plus rationis manuum suarum, quam animi, haberent. Imo ignavorum potius esse videtur, omnia ministris committere &c. Et quamvis artes viles ac fordidas pronunciet *Seneca epist. 88.* quæ manu constant, a *Tiraquello* nihilominus, de *Nobil. c. 31. n. 523.* ubi Chirurgicam, quod manu medeatur, mechanicam & illiberalem credit, Pharmaceutica activa Medicinæ pars dicitur; *Dux bellicus*, inquit *Celeberrimus Wadellius*, non feliciter hostem impetere & vincere hinc valet, nisi calleat exacte, quæ arma quibus opponenda, quomodo apparanda, vel apparata hinc, ut ex voto scopum feriant, non frustra sint. In laude habetur, si *Dux belli* tormenta explodere, aciem struere, unaque manu sua hostem oppugnare noverit: & *Navarchus* ad malum sedeat, & ipse quoque, re ita ferente, remiges adigere, vel vela contrahere, anchoram levare, saltem præceptive norit. Quis itaque vitio vertat medico, nec potius in parte gloriæ ducat, quod ipse præparare sciat medicamenta, nec scio ductu credere cogatur? Turpe fane & indecorum huic dici si nequit, quod simplicium remediorum investigationi incumbat, ut multos veterum ac modernorum, in singulare artis incrementum, cum summa laude egerunt; cur eadem præparare & componere, exprobrandum? Cum præter medicum nemo rectius & artificiose magis, i. e. cum recta & ex fundamentis physicis petita ratione hoc efficere possit, qui materiam eorum dignoscit, novitq; horum texturam & partes integrantes, & qua lege sub ipsa præparatione aut miscela facultates eorum medicamentosæ integræ conservari valeant, quod a Pharmacopæo ἀφαισίοφω & mere empirico haud expectandum. Adeo ut tunc demum, juxta *Thomsonum Epilog. chym. §. 3.* religiose agere & munere suo rite fungi videatur Medicus, si propriis manibus pharmacorum præparationem aggrediatur, ne ignorantiam, superbiam, socordiam & fraudem sapiat, Sepiasario vitam committere patientis &c. Habueruntne, inquit *Quercetanus*, *Hippocrates* & *Galenus* distinctos Pharmacopæos? aut, cum ipsimet ministeria ista obirent, putaruntne

runtne sibi dedecori verti, aut, ut tu delicatulus, censēs, de majestate sua & reverentia detrabi?

Nec oneri
esse potest
val debet
Medico,

Quemadmodum insuper nec oneris seu laborum gravitas, quam præter ægrorum visitationem atque curationem confectio medicamentorum Medico præstaret, hunc ab officio suo detertere poterat, cui artem nunquam sine molestia futuram *Hippocrates de flat. t. 1.* prædixerat. Quicquid est officii, non debet esse oneri, ne dicam, cum onere quoque officio esse incumbendum, ne formidine molestiarum negligatur infirmus. Nunquam enim Medicus medelæ morborum pro rei exigentia incumbere artemque illustrare atque adaugere potest, nisi præstanda præstet, i.e. præter cœtera necessarium adeo opus conficiendi medicamina, agat. Artificis hujus peritiam & munus hoc non tam turbare, quam juvare, inferius dicitur. Neque forsan adeo amplam officinam ac tantas operas postulat idem, ac vulgo sibi persuadent, quin alternare congrue satis liceat curas ægrorum cum elaboratione remediorum necessaria, aut mavis, utrasque commode combinare. Non negarim, concludit *Seidelius loco allegato, a bono & laboribus adsueto Medico etiam præstari utrumque, vel saltem, quin aliqua singularia & eximia remedia præparet ipse, quod absque detrimento aliarum rerum necessariarum facere possit.*

Nec medi-
co, nec
pharma-
copæo, ma-
le agendi
datur oc-
casio,

Neque hoc inter medicum & pharmacopæum ideo admitti potest discrimen, ne singulo horum concedatur ægris nocendi occasio, nisi utrumque suspectæ fidei notare velimus, quasi, si seorsim agant, non illorum saluti restituendæ, sed morti accelerandæ, de industria studeant: hoc enim cogitare tantum est hominis in sacram artem iniqui atque injurii; cum quilibet jure præsumatur bonus, donec probetur contrarium. Ac, nisi medicus religionis ac pietatis rationem haberet, quamvis oculatissimus ipsi adjunctus fuerit Pharmacopola, ampla fallendi ac ægro nocendi patefceret janua: perinde ac a negligentiore aut malevolo Pharmacopæo in hujus itidem pernitiem adulterari remedium possit saluberrimum, a medico præscriptum. Quando *E. Seidelius de morb. incurab.* hoc ad medicum tantum restringit argumentum, quasi rudioris atque petulantis temeritas per socium pharmacopæum retundatur, ne vel perniciofa, vel morbo minus consentanea, vel dolose, vel negligenter præscribat, cum ex formula

formula præscripta & ad officinam publicam delata de medici industria, peritia ac sedulitate judicare possit quilibet: ineptus & injuriosus meretur dici, qui ex suo ingenio forsan alios judicat & calcepodiator malignus suo calceo alios calcare contendit. Paucis, in virum bonum non cadit suspicio, artificii in arte est credendum.

Quando amplissimas instructas tabernas publicas omnibus ^{Eciam medicus quilibet casibus præparare potest apta remedia.} mox ex improviso emergentibus casibus ancipitibus remedia cujuscunque generis parata subministrare, qualia Medicus hujusve officina domestica vix in promptu habeat, cum eodem *Seidelio* sibi communiter persuadent, decipiuntur: Largissimus est Pharmacopoliorum stationariorum apparatus, & ingens, nedum superflua, in his simplicium ac compositorum farrago, ita quidem, ut quid ex his in occasione præcipiti seligat vel præscribat tyro, hæsitet, hæsitet cum hoc quoque expertus magis, an, quod desideratur, remedium illa bonitate seu virtute, qua opus, gaudeat: Medicus interim peritus & pharmaceuticus illa sibi comparabit & præsto habebit pharmaca, qualia oportune propinare, hisque casibus fortuitis citius, antequam tale quid a pharmacopola petatur, obviam ire potest, & juxta illud *Hipp. de dec. ornat.* non imparatus offendatur medicus. Et longiore demum mora, in qua nihilominus non raro periculum, expectatur ex pharmacopolio remedium; quod medico turpe & ægro molestum ac detrimentosum contingit.

Porro medicum & pharmaceuticum studium, si separatim tractentur, sumptuosa maxime sunt, ac non, nisi magno labore magnisque impensis utriusque notitia comparatur: ast non plus impendit ^{Nec metuatur impensas.} argenti quis doctrinæ medicæ integræ, i. e. quæ pharmaceuticæ notitiam includit, quam huic mutilatæ; neque dubitandum, praxin feliciorē has impensas refusuram: cum non tabernam vastam & infinitarum specierum apparatus, sed aliquot tantum evaporista, congerat medicus suisque usibus reservet. De avaritia medicorum ^{Nec avaritia accusanda.} hincque metuendo remediorum pretio nimio, quæ communiter præ invidia garriunt, risum merentur, non deficiunt medici religiosi: nec taxæ publicæ publico atque pauperibus undique favent, quin aut non observentur, aut æquitatem aliquando transcendant. Sed hæc odiosa sunt! Sicut pariter cachinno digna, dum medico liberum re-

Si honestum lucrum inde capiat,

linquitur parandi & erogandi medicamenta, modo hoc fiat in publici salutem, non quæstus privati causa. Civium salutem dum litat medicus, artem emendat, perficere satagit, errores pharmacopolarum stationariorum dum innuit, publico operam suam confert & proximi ac civitatis curam gerit: communem autem hujus eleemosynarium agere, & lucubrationes ac labores absque pretio vendere, nec per pietatem, nec legem, tenetur. Opera misericordiae jubet Medicum & Pharmacopolam religio, commendat utrique charitas Christiana; ita tamen, ne neutri officium suum sit damnosum. An medicus solus eousque liberalis esto, ut frustraneum reipublicæ laborem impendat, non de lucro honesto cogitet, vilissimo & perditissimo civium concessio? numne ejus industria & molestia, quas in investigandis & comparandis remediis salubribus, quæ civibus salutem sunt & arti augmenta generosa conciliant, devorat, æque ac seplasiarii labores remunerationem æquam postulant? hoc inprimis temporum difficultate, ubi vel ægrorum ingratitude vel indigentia, omnis nostri medici obliviscitur. Si quæstus duntaxat causa, secundum *H. Augenium l.cit.* quispiam eam sibi assumpserit provinciam, male & serviliter agit: sin vero medicamenta componat, ut de eorum efficacia certior fiat, pietate & charitate Christiana ductus suo exemplo ignaros pharmacopolas ad rectam componendi methodum excitare in animo habeat, tantum abest, ut hic nobilitati artis detrudere aliquid videatur, quin contra de hac optime meritum ac ab omnibus honorandum dicamus, & lucrum æquum ipsi ex merito largiamur. Si regeras, hoc fieri in præjudicium Confectionarii, exceptioni huic, ni fallor, prolixè me satisfecisse recorder. Norunt Medici quoque, quid misero & egeno proximo per charitatem Christianam debeant, cui gratis non tantum medendo, sed medicamenta quoque gratis porrigendo, quotidie eleemosynas erogant: annotante *Wedelio*, Medici sunt eleemosynarii publici.

Denique quando urgent, pharmacopolas esse personas juratas, in promptu est responso: sunt tales pariter Medici, & per consequens ratione jurisjurandi utrorumque fides par erit. An illorum singuli jurarint, dubitare, nemini vitio verti potest.

Ecce L. B. hæ sunt machinæ, quibus *Фармацевтъ* Medicorum impu-

impugnari solet, sunt pariter machinæ, quibus illarum impetus declinari poterant: ex quarum momentis sat elucescere puto, per privatam pharmacorum dispensationem injuriam haud fieri nec Stationariis, nec civitati, nec civibus, neque Medicorum Numerariorum, auctoritati derogari, medicum huic negotio esse parem, hinc licere & posse eum hoc fungi, nullumve jus tale quid prohibendi penes illos esse. Qualis interim libertas medicinam dogmatice facientium ut exquisitius vindicetur, suppetunt adhuc diversi generis argumenta: quæ illam confirmant ac ejus utilitatem atque necessitatem ita agendi comprobant.

Argumenta pharmaciam medicorum confirmantia. Quia pharmaciam est pars medicinæ inseparabilis.

Hujus generis erunt primo, quod ars medendi Pharmaceuticam, non ut scientiam seu habitum tantum speculativum, sed ut artem & habitum practicum seu effectivum & therapieæ (mere practicæ) partem instrumentalem, complectatur: unde neque ab hac, nec ab artifice, illa, hujusve exercitium, vix mente, separari valet. Indulgetur huic in Promotionis Doctoralis actu facultas libera & autoritas, artem salubrem (integram, non pharmaciam castratam) docendi, interpretandi, exercendi morbisque medendi, adeoque omnia, illa faciendi, quæ ad utilitatem, incrementum ac dignitatem ejus conferunt, secundum privilegia & sanctiones, quibus divi Imperatores, Electores ac Principes Sacri Imperii Gradum Doctoralem (antequam Stationarii pharmacopolæ innotescerent aut jus prohibendi contra Medicos inusitabant) semper decoratum ac nobilitatum voluerunt. Hinc & eo ipso dum immunitates Doctorales consequuntur Medici nostrates in Universitatibus Imperiali auctoritate constitutis, eandem facultatem atq; prærogativam impetrasse, dicendi sunt, quibus Byzantini aut Romani Medici gaudebant, sua pharmaca auctoritate & manu propria, sine ulla turbatione parantes & exhibentes. Ac vanum, nedum absurdissimum, foret in examinibus consuetis non minus peritiæ pharmaceuticæ, quam cæterarum artis partium & in iis profectuum, rationem a Candidatis postulari, in solennibus vero Renunciationibus, ut pariter & laboribus chymicis ac pharmaceuticis sedulo in posterum incumbant, Doctores novellos admoneri: eum in finem ut de hujus a Promotore demandati officii exercitio in jus vocentur, cavillentur, calumniis proscindantur &c. Non enim

Et in promotione doctorali tota ars Candidatis commendatur.

theore-

Non theore-
tica, sed
practica.

Nec ulli
arti sua pa-
rare dene-
gatur in-
strumenta.

Nec Chi-
rurgi.

Ita etiam
egerunt
celebriores
hactenus
Medici.

Conce-
duntur et-
iam agyr-
tis sua re-
media.

Quinimo
pharmaco-
polæ arca-
na jacti-
tant.

theoreticos tantum admittere poterat Medicina experimentalis & practica artis filios, ut nonnullos philosophari memini, sed artistas, expertos & practicos, quod experientia destituta ars cum partibus suis singulis imperfecta & nulla sit. Quod quidem vel ideo minus paradoxum videri poterat, cum nulli arti neque artificii necessaria ac propria denegentur instrumenta horumque fabrica, v. g. non prohibetur pharmacopœus furnorum, vitrorum &c. confectione; sine contradictione fabrorum ferrariorum faber lignarius, si consultum hoc ipsi videatur, sibi parat ferram, terebram, securim similiaque utensilia; Optico, Astronomo, Geometræ &c. licet ubique sibi conficere instrumenta appropriata, nemoque mechanicorum vulgarium hanc dexteritatem ipsi invidet; Chirurgi, Balneatores sua ipsimet concinuant remedia, tanquam ex conducto, balsama nempe, unguenta, emplastra & quæ sunt hujus generis non minoris momenti, imo speciminis loco ad confectionem eorum adiguntur: Quid vetat, quominus medicis sua pharmaca pro rei exigentia parare, componere & adaptare liceat?

Accedit, non primos tantum Medicinæ Statores, ut superius dictum, sed subsequenter quoque temporum Medicos Excel-
lentes, sua confecisse & ægris porrexisse remedia, postquam sc. pharmacopolia publica introducta & pharmacopæi operarii seu mechanici in publicum prodierant: Scilicet Fernelius, Mathiolus, Libavius, Crato, Angelus Sala, Crollius, Quercetanus, Hartmannus, Mylius, Riverius, Faber, Sennertus, Poterius, Schröderus, Sylvius atque infiniti alii hujus & antedecanei seculi. Ne, in Medicorum genuinorum opprobrium, innuam, Agyrteis & Circumforaneis similibusque fociis temerariis & per leges publicas exturbandis, sua per-
mitteri, & ad monopolium usque privilegiis non raro authorisari evporista, quibus credulam plebem nihilominus oppido fallunt. Sed, quod potius, nonne ipsimet Myropolæ frequentius sibi secretas jacti-
tant compositiones, v. g. pilularum, tincturarum, ex aliorum schedis ereptas, vel sine ratione & consilio confarcinatas, & quidem sub efficacissimorum & polychrestorum titulis, easque cum literis com-
mendatitiis typis exscriptis, orbi obtrudunt, si non lucri, famæ tamen majoris præ Medicis sibi & suis sociis, acquirendæ & innotescendi (certo certius fallendi) gratia.

Verum

Verum opus hoc non meri arbitrii, seu quod a concessione atque indulgentia Magistratus aut limis aliorum oculis dependeat, sed necessitatis esse, constabit, si quam salutare & fructiferum illud Arti, Aëgris & Medicis contingat, momentis quibusdam declaravero. Primo nimirum ipsam Medicinam evidentissima hinc incrementa capere, vel hoc edocet, quod prima sua exin illa habeat stamina seu rudimenta, ut prolixius a me modo comprobatum: dum ex empirico & tentativo primum remedium pharmaceuticorum usu atque notitia, cui soli tunc Medici se mancipabant, levia illius germina propullulabant, usque dum a repetita & frequentiore illorum, in casibus variis administratione, hujusque variis effectibus & hinc natis observationibus, tanquam ex Esculapii templi tabulis, aliquam artis formam, quamvis nondum satis exasciatam, induerit. Ad præsentem vero usque diem per cognitionem seu inventionem, præparationem atque applicationem remedium circumspectam, artem adhuc imperfectam quotidie crescere, & quidem non raro sine cæterarum medicinæ partium atque adminiculorum accessoriis, res ipsa loquitur. Occasionis præsentis haud judico, quod neminem latet, quantum Chymia, tanquam medicinæ pharmacie pars seu species, scientiam naturalem, & hac mediatrice dignotionem morborum horumque medelam auxerit & augeat: hoc tantum nunc attendere cupio, quod investigatio ac præparatio remedium perita præstantissimum ac desideratissimum artis momentum sit, & medendi artificium potissimum in eorum apparatu adæquato consistat; adeo, ut ab imperitissimo & anicula fatua propinatum medicamentum efficax frequentius plus valeat, quam sine hoc sagacitas Medici maxima; utpote quale scopum ejus ultimum immediate ferit seu morbum tollit. Et v. g. in medicina febrium eruenda plus præstitit primus Corticis Peruviani Inventor, quam infiniti & prolixiores de earum natura, causis & curandi ratione, commentatores: cum ab hujus febrifugi innotescencia vix adeo amplius nobis illudant earum paroxysmi, ac sub ductu & admiratione ejusmodi commentariorum, nauseam febrilem moventium. Unde *Blasius in Morell.* & quidem in *epist. dedicat.* ubi, in quo potior Medici peritia consistat, disquirat, eam remedium efficaciorum notitiæ præ cæteris in acceptis refert, utpote

Ipsa ars incrementa quotidiana capit ex præparatione medicamentorum a Medicis facta.

Artis potissimum momentum est medicamentorum efficacium apparatus.

a qualibus vis omnis medelæ desideratæ, his verbis : *Maxime tamen omnium remediorum, quibus morbus repelli sanitasque restitui cito, tuto atque jucunde queat, natura adhibendique ratio. In his enim omnibus, quibuscunque Arti huic præstantissimæ sese mancipare animus est, qui cum laude aliquando illam tractare desiderant, maxime ut excellent, inprimis allaborandum est.* Quemadmodum pariter Noster Cbristianus Langius, *Miscellan. p. 145.* ita differit : *Non immerito autem Medici omnibus nervis sollicitos se exhibent circa remediorum sedulo continuatas inventiones & facturas, siquidem non tantum venerandam antiquitatem hic habeant fideliter præeuntem, ac Jatro-Chymicorum coronam hodieque pressò pede laudata hujus vestigia insequentem; verum ipsissima necessitas & conscientia cultus impense id inculcet: cum tam egrotantium vita, quam Medicinæ gloria & medentis fama in remediorum dextre paratorum sinceritate omnino atque certitudine consistat.* Cujus generis testimonia plura adducere nolo, cum omnibus prudentibus liquido constare putem, Pharmaceutices administrationem strenuam artem medendi egregie excolere, nova sæpe & naturæ ac arti magis conformia remedia, ac novas hæc parandi atque applicandi encheirises ac cautelas depromere, imo rationes & modos eorum agendi eruere: sub miscela eorundem varia saporum odorumque, hactenus minus observatorum, genera, consensus & repugnantias nobis innotescere, & quæ hujus generis plura sunt emolumenta, a *Quercetano loco cit. ac Ludovico Pharmac. diff. 3.* recensita. Ne dicam, ipsam remedii efficacioris, ceu juvantis, observationem nos ad cognitionem morbi, cujus indoles hactenus abstrusior, reducere: ut v. g. humorum visciditatem morbificam innuat prosperior usus aromatici & salis volatilis, acorem & pituitam acidam martialium felicior applicatio.

Ex formulæ præscriptione medicinæ corruptela totque empirici.

Momenta hæc erant, Medicinæ splendorem & efficaciam intendentia, qualia vel ideo tanto majoris æstimare decet, quanto majora cernuntur damna & corruptelæ, quæ a præscriptoria seu receptoria praxi eidem arti obtigerunt. Præterquam enim, quod per hanc eadem minus excolatur seu ejus difficultates haud eruantur, præter alias occasiones, ex Formularum ita dictarum quotidiano & frequenti conspectu atque collectione tot empiricorum & pseudomedicorum, inter

inter seplasiarios quoque prodierunt, eam corrumpentium ac dehoneſtantium, ſaluti quoque publicæ exitioſiſſimorum. Quin pharmacopæi praxin exercentes, vel potius huicſe ingerentes, libere profiteantur ſuasque nugas colorare annitantur, dicendo, ſe ex totidem formulis, a medicis peritioribus conſcriptis, & ad tabernas ſuas delatis, crebrius a ſe viſis, harumque collatione cum decumbentis, cui præſcriptæ, ſtatu, quem, ſi diis placet, ex afferentium narratione intellexerint, ſapere, ac ſimias medicorum agere; nedum quidam, ejuſmodi hominum ex compoſitionibus, frequentius in hunc vel illum finem in ſchedulam conſectis, evporiſta & ſingularia ſibi cudere, hoſque ſub ſuo nomine vendere non erubescunt.

Qualis tamen rei pharmaceuticæ plenior peritiâ & hinc expectandum ipſius Medicinæ augmentum non ex evolutione autorum ſolitaria emergit, ſed, prout cœteræ artes omnes, ipſa demum manuali operatione & ab iis commendatorum ſeu præſcriptorum examine reali & longa rerum experientia, comparatur: quibus non tantum proceſſus ſeu compoſitiones traditæ elaborentur, ſed eadem quoque harumque formæ varie immutentur ac concinnentur, varia ſimplicia diverſimode ſibi combinentur diverſisque operationibus exponantur. Ut ſub his accuratius attendantur & ſedulo annotentur omnia phœnomena atque circumſtantiæ, ſive per artem, ſive caſum, obvenientia, ac in poſterum ſecundum obſervatorum manu-ductionem cautius, vel aliter, vel pari ratione, operari ſciamus. Neque enim ad illud ſtagitium artem hanc fuiſſe evectam ullus ſanæ mentis ſibi perſuadere poterit, quin *plus ultra* in ſinu gerat, & multum ejus adhuc latitet, inveſtigatione dignum, quod ſine manuum, & ſenſuum opera fieri nequit: cum viam hanc triverint non modo inventores artis primi, ſed ejusdem nutrices & propagatores antecedaneorum & proximorum temporum, quorum veſtigiis inſiſtendum. Atque hoc quidem opus proprium eſt Medici, utpote ſine quo medicamina dirigere, corrigere eademque applicare & infirmo mederi nequit, medicamentorum nempe imperitus, ſentiente ita

Peritiâ
pharma-
ceutica,
non ex ſo-
la auto-
rum lecti-
one, ſed
uſu depen-
det.

Adeoque
ſtudioſum
hoc pro-
prium eſt
Medici.

Quercetano, ſæpius citato: Quam turpe eſt Medico ſibi Doctoris titulum arrogare, & materiam, qua uti debet, modumque illius parandæ ac adminiſtrandæ ignorare, patique ſe a miniſtris ſuis ſuperari. An igno-

ras, experientiam rerum esse magistram? E. pharmacopæus eam callens magister erit, tu vero bruta statua cathedræ affigeris. Medicamenta a Medico separare & pharmaciam opus ab eo diversum facere est animam quasi & Quintam essentiam ejus peritiei tollere, aptitudinem ægrum sanandi eidem subtrahere, paucis, nobiliore parte artis eum defraudare. Enormissimus & irreparabilis in Medico defectus videtur peritia experimentalis remedium destitui: Ignorans hæc æque ineptus ac imperitus est, ac Navarchus acus nauticæ & hujus moderaminis nescius. Scilicet cum medicamentorum investigatio, selectus & præparatio, utpote a quibus potissimum & immediate magis salus atq; exitium ægotantis emergit, majoris in arte momenti sint & exquisitiore attentione opus habeant, nullius, nisi Medici, curæ provincia hæc commodius potest ac debet demandari, & optandum, eos sollicitos magis esse de iis, quam de lotii, ut vulgo fieri solet, inspectione similibusque: cum error Medici in dijudicando morbo, ejus causa & circumstantiis aliis, vix adeo gravis & perniciosus eveniat, quam circa medicamento materiam, præparationem atque applicationem commissus.

Periculosa
magis est
medicina
præscri-
ptoria,
quam dis-
pensato-
ria,

Indigitavi hætenus fructum, qui ab exercitio pharmacie experimentalis Medicorum in horum artem redundat, quo facto eundem sponte sua comparet, ab hac perfectione & remediis præstantioribus instructa emolumenta pariter certiora infirmis obtingere, & valetudini horum promptius prospici: ast præter hæc alia insuper eos experiri commoda, non difficile erit declarare, quod paucissimis agam. Videlicet primo vix dubitare licet, securos magis esse languentes ab erroribus & periculis fortuitis sub medela medici, qui ipsemet administrat & subministrat medicamenta, quam hujus, qui hæc curæ & fidei pharmacopolæ committit. Vel quod ille eorum, quæ manibus propriis tractat, quorum cognitioni & præparationi totus infudat, sine dubio plus peritiæ habeat, hinc certiores & securiores ab iis sibi promittere queat effectus, quam qui talia ex relatione & fide aliorum demum præscribit, ex pharmacopoliis hinc inde petit, vel petere jubet, & non adeo accurate eorum texturam ac conditiones observat, aut observare potest; ut illam inspectionem & examen taceam, quo rite aut minus rite parata discernere, e re foret. Præscribi-

scribimus v. g. Mercurium dulcem, Aurum fulminans, Tincturam Vitrioli Martis similiaque chymica, sub spe & fiducia genuinæ eorum præparationis, præscribimus etiam simpliciora & quidem recentia, selectiora: ast, cum non semper possibile sit, optime quamvis alias constituta (ut ajunt) officina, præscripta & parata denuo inspicere, tentare &c. facile fieri potest, ut pravos, aut morbo non adeo congruos, aut nullos, hinc experiatur effectus æger, a perperam præparatis, vappidis, effoetis quisquiliis. Præscribit Medicus scutum stomachale, nescio, quo fato, apprehendit & exhibet Pharmacopæus hujusve discipulus malagma cantharidizans & epigastrium excorians: quod si manibus propriis malaxasset ille, errorem hunc tempestive advertisset atque damnum avertisset. Vel quod pharmaca a Medici Majore cura præparantur medicamenta majore cura & sollicitudine quam a pharmacopolis, parari, probabile sit. a Medico, quam Pharmacopæo.

Odiosa hæc sunt eaque concoquere nequeunt hi, quasi inculpationem sibi suæque arti, officinæ & fidei, quam forsan juramento sibi comparatam putant, injuriosam & præjudicialem: qualem tamen minime dicere convenit ejusmodi animadversionem, quæ a Medico profiscitur, cujus inspectioni, ac directioni, per leges publicas pharmacopæus subjicitur; nec huic dubitandi licentiæ adeo exandescere debebat, cui exceptio salva & tantum non legalis hæcenus mansit, non se ipsum, sed ministros suos, hos illosve errores perpetrasse. Quod ad me, protestor de injuria, protestor de injurandi animo, loquor tamen per quotidianam & funestam sæpe experientiam, cum medicis aliis infinitis, ac brevissimis me hæc evidentiora facturum confido. Primo quippe dispari huic solertiæ occasionē præstat oneris, Medici & Pharmacopæi humeris incumbentis, evidens disparitas, dum horum ille, qui officium, per propria medicamina medendi in se suscipit, omnem culpam gerere tenetur erroris abusus aut infortunati in medela successus nulloque modo horum excusari valet; ad potioem proin circumspeditionem & solertiam is excitatus, nec videns, qua ratione reatus hic a se declinetur, nihil omnino eorum intermittit, quo judicia hominum effugiat: qualia minus curat myropola ejusque famulus, quorum illi medicamentorum venditio, huic, quo expedite magis & alacrius res suas agat, cordi est, ut uterque horum valde

peccet. Cui secundo accedit, quod scopo discrepent, qui penes priorem est conservatio & reconvalescentia prompta decumbentis, & ut ipsemet bonus, sedulus ac peritus censeatur Medicus, non vero medicamenti pretium: dum ex feliciore sanatione seu salute illius admirationem & fiduciam plurimum in se trahit, hincque consecutive plus emolumenti capit, quam ex lucello hujus; per consequens ad solertiam & attentionem debitam in præparandis medicamentis movetur, utpote quali sedulitate utile illud honestum assequitur. *Jugulum ægroti semper, ait Ludovicus l. a., medici famam plerumque intimeque petunt medicamenta minus rite parata.* Dum ex adverso Pharmacopæus & ejus amanuenses solis mercibus distrahendis ac lucro inhiant, nihilque eos refert, an a suis præparatis sanetur, aut non sanetur, æger, nec, si res ad votum minus succedat, tantillum ejus existimatio periclitatur. Adeo quidem, ut posito, Medicum aliquem in reliqua vita non semper æquum & honestum se gerere, in eo tamen, ubi famæ interest, cautius mercatur, & existimationi suæ omnibus modis litat: hoc est, nihil ei persuadet, quo minus medicamenta sua rite & circumspicte præparet, nisi omnino stolide in se suamque rem familiarem agere malit.

Plura hujus generis adferre nolo, prolixius hoc egerunt alii v. g. *Ludovicus l. a. & Mainwaring. in praxi Medic. antiqua & nova*, præter eos, qui de fraudibus & abusibus Pharmacopæorum scripserunt, quibus tamen per singula haud subscribo: potius nonnulla adjecturus, quæ præter securiorem medelam minus sumptuosam seu levioris pretii quoque promittunt a Medico pharmaceutico, quam a Stationario, aut utroque simul. Ita ut, si nullum aliud momentum suppeteret pro pharmaciae exercitio in manu medicorum conservando & firmando, sane utilitas, quæ hinc in publicum ac cives, sive directe, sive indirecte, certo tamen, reddit, hoc tanquam suprema lex, præstare posset ac deberet: & si, differente *Ludovico*, vel Medici omnes in universum illud hætenus neglexissent, vel per fictionem juris, ob complurium aut plerorumque concessionem, Unguentariis olim, Aromatariis, Seplasiariis &c. factam, & per quandam hinc quasi præscriptionem, jure suo penitus excidissent; salus tamen publica totidemque miserorum salutarem hanc medicamentorum privatam dis-

penfa-

Hæc medicamentorum dispensatio prodest ægro & publico.

penfationem illis, ut proprietariis, per plenitudinem potestatis reſtituere, ſi non præcipere atque injungere, videbatur, hoc inprimis tempore & urgente neceſſitate. Suppono ſiquidem ſummam rei pecuniariæ anguſtiam hodiernam; ſuppono pariter tot miſerorum conſervationem, quæ reipublicæ intereſt; ſuppono cunctorum negotiorum ſumptus evidenter imminui, ſi numerus perſonarum iſpis præficiendarum vel præfectarum, quantum licet, imminuatur.

Prius poſtulatam nemo Germaniæ noſtræ incola diſſitebitur, ^{Et exigit eam hodiernam argenti penuriam.} innotefcit ſiquidem hæc penuria in publicum & in ſingulos; neque alterum ullus negabit, qui non corruptum maxime civitatis membrum videri geſſit: Quod vero ſumptuoſa magis, & quidem præter

neceſſitatem, reddantur negotia, ſicque medendi etiam, ſi, quod fieri poterat per paucos, vel unum, duabus committatur perſonis, utriſque; cum ſuis familiis ſeorſim ſuſtentandis, ſana ratio dicat, dum Medicus ſoſtrum, Pharmacopola pretium medicamentorum, utrumque licet honeſtum, exigit; ſecus, ſi cum uno & ſolo medico res contigerit inſirmo, utpote cujus fortunæ hac ratione ſaluberrime levantur.

Saltem taxarum popularium ſeu publicarum extravagantias novi-^{Taxe publicæ illi præjudicant,} mus, easque accurate & per varia genera demonſtravit *Ludovicus l. c.*

diſſ. 2. an iis commode aliquid detrahere eaſve corrigere liceat, aut ſecus, ego non diſputabo: hoc tantum ambigo, an honeſtum, charitati Chriſtianæ conforme ac reipublicæ ſalutare ſit, eum in finem, pretio pharmacorum majori & mercaturæ illorum, quaſtum adeo enormem lucranti, indulgere, quo vaſta & ex inutili ſimplicium atque compoſitorum farragine conſarcinata corpora ſeu officinæ integræ conſerventur harumque patroni laute ſuſtententur; patiat in-
terim & pereat miſer, ſi præterea æquiſſimum &, ut hodie moris eſt, tantillum ſoſtrum medico viſitanti conſulenti & ex taberna præſcribenti ſolvere debeat? Superiorum hoc eſt decidere, quorum po-
teſtati derogare, religio mihi erit. Cum nihilominus ſine ſplendioribus ejuſmodi officinis, ſi medicinam faciens ipſemet pharmaca ſubminiſtret, civitati ac civibus, cujuſcunque fortunæ, conſultum magis videatur: quod ille in taxa, pro erogatis remediis ſoluta ſolitaria penes pauperiores facile acquieſcere poſſit, hi medela neceſſaria, perinde ac ditiores, fruantur. Dum contra ſi utrique iſpis me-

dicinam

Mitius
cum ægris
agitur per
Medico-
rum dis-
pensati-
onem.

dicinam facientium solvere tenentur, veriti ac declinaturi has impensas, aut sine omni medela pereunt, aut non tempestive satis eam postulant, adeoque etiam hac tarditate valetudini suæ præjudicant, sostrum cum pretio pharmacorum pensitantes & utrumque suæ conditioni impar judicantes. Vel, ne sanitatem omnimode negligere videantur, agyras & adulterinos medicos cujuscunque generis, & inter hos pharmacopæos, adeunt hisque extremum fortunarum suarum obulum cum vita inconsideratius committunt: perit æger, perit medicus, splendescent pharmacopolia, ditescunt pseudomedici!

Non fingo hæc, utpote qualium veritatem experientia popularis confirmat, confirmat eadem pariter ratione haud destituta, malis his concatenatis privatam medicorum dispensationem apprime mederi posse: per quam hincque vilioris pretii medelam, miseri illi stimulantur, alii, quos avaritia premebat, itidem alliciuntur, ut medicum, non pharmacopæos aliosve empiricos, consulant, & valetudinis suæ majorem curam gerant; experiuntur utrique corporis & crumenæ levamen evidentissimum ex sumptuum ejusmodi compendio. Quibus, ex antecedaneis repetendum, addo, Medicorum, pharmaca ex selectioribus cum majore studio confecta, cæteris præstantiora atque efficaciora esse, hinc medelam certiore etiam ac citam magis præstare, tantosque sumptus haud causare, vel mercedis vel pretii loco, impendendos: quod per illa opus suum celerius perficiat artifex, dum vulgarium pharmacorum, morbo minus adæquatorum, plura adhibenda, hinc medela protrahitur, per morbi diuturnitatem fortunæ agrorum plus graventur.

Nec lu-
crum hinc
emergens
Medicis
invideri
debet.

Ast demum fructuosam magis ipsi quoque medico evenire hanc praxin, secundum veterum morem institutam, cui cavillandi genius, prompte & ultro largietur: quasi per hanc fortunis ille locupletetur, hincque etiam quæstus sub exercitio hoc practico scopus ejus primarius sit. Quibus sannionibus tamen invidis quo mox in primo sermonis limine obex ponatur, sciant, neminem laboris sui quæstum honestum dedecere, sic nec medicos optimo titulo artem suam exercentes: nec sordidum viros honestos intendere, præsumi potest, donec id probatum simulque evictum fuerit, auri sa-
cram

cram famem illos ad hæc urgere. Sed scurrilia hæc me minus turbant,

amoto quæramus seria ludo.

Medicus in operationibus pharmaceuticis hæres existit virtutum & facultatum artis, cujus filius fidus ac probus, materiæ hinc accuratorem cognitionem sibi acquirit, aptus evadit ejus specierum efficaciores præ cassis seligendi, intrinsecam harum texturam ac proprietates evolvit, & cum aliis conspirationem atque dissidium novit: per diversas videlicet earum præparationes, macerationes, coctiones, resolutiones, extractiones, sublimationes &c. cum aliis varias commiscelas ac subactiones, hincque emergentia phænomena multigenis, sæpe nunquam visa, audita vel per somnium cogitata; sicut pari ratione quantitas & proportio commiscendorum seu componendorum formæ & scopo medicaminis adæquata, hac ratione accuratius dignoscitur. Paucis, Medicus ejusmodi ex unius alteriusve pharmaci confectione plus comprehendit, quam ex multis eorum in chartam coniectis & hinc inde collectis descriptionibus; per quam peritiam in posterum, in simili aliove casu, commodius ac felicius operatur: dum contra, qui sine ejusmodi scrutinio artificiali & philosophico ex pharmacopoliis præscriptas commendat compositiones, plane empirice agit, & juxta *Plinium* experimenta per mortes aliorum facit; aut præscripti pharmaci hujusque applicationis successus omnimode fortuitus dicendus, habetque interim semper, quod mali quid hinc ominetur. Non facile fidem concedimus Scriptorum observationibus medicis & processibus chymicis, quod per tales crebro decipiamur, sed visu, olfactu, gustatu aliisque tentaminibus ipsimet veritatem eorum exploramus, sicque demum rem plene & certo nos cognoscere credimus, si tentaminibus nostris respondeant, aut non respondeant. Qualem fructuosam oportunitatem si medicus negligit & pharmacopolæ concedit, hic ejusmodi experimentis congrue adornandis horumque phænomenis advertendis minus idoneus, ac suarum partium minime ratus, curiosus & quæ non de pane lucrando, ejusmodi observationibus minus vacat, suo officio qui satisfecisse creditur, si secundum dispensatorium & formulam præscriptam operetur, & præparanda præparet: contra ille scientiæ & experientia

Qui hinc etiam peritiores evadunt.

In medicamentis parandis ac inveniendis.

rientiæ hancque adipiscendi occasiones prætermittit, & sub perpetua actionum suarum incertitudine, nedum rudi ignorantia, manet. Ubi de experimentis physicis, mechanicis &c. judicare, hincque porismata philosophica & mere theoretica elicere, occasio fert, aliorum relationi absolute haud credimus, sed cautior experimentator & sagacior philosophus ipsemet tentamina illa instituit, cum levissima eorum circumstantia, quæ aliquando non attenditur, rem maxime variet; quinimo materiarum & machinarum hujus gratia adhibendarum externam æque ac internam texturam & structuram apparatusve, quam accuratissime inquirat, ni semet aliosve fallere malit, uno verbo, omnes omnium hic concurrentium conditiones probe examinet. Cur non æque seduli ac difficiles in experimentis circa corpus humanum, & ejus valetudinem per medicamenta faciendis & admittendis erimus, horum intimiora exquisitius rimando, nec per credulitatem, nobis ignominiosam, agris pernitiosam, solius pharmacopœi & hujus servi fidei ac dexteritati vitam nostrorum committendo. De priore levitate seu negligentia respondere teneris philosopho, de posteriore Vindici Summo.

In philo-
sophia na-
turali &
medicina
facienda.

De cætero per praxin hanc pharmaceuticam morborum penitiorem dignotionem & horum indoli appropriata remedia applicandi peritiam majorem sibi acquirit Medicus; quatenus hac ratione, non tantum artificium indagandi & parandi remedia plenius addiscit, sed naturalis quoque scientiæ multum sibi comparat, per posterius vero ad explorandas morborum indoles idoneus magis redditur, ut superius indigitatum, juxta illud: *ubi desinit physicus, ibi incipit medicus*, confirmatur simul in ratione iis medendi: quæ cuncta illis, qui secus agunt, denegantur. Prius prolixius probare possem, nisi ex *Sylvio* aliisque constaret, quantum chymia aliæque artes magis mechanicæ ad philosophiam naturalem, hæcque ad artem medicam, locupletandam, conferant: posterius vero quod spectat, profecto hoc ipso a dogmatico empiricus discernitur, quod uterque quidem horum morbo medeatur, ille tamen medelæ quoque suæ rationem reddere queat. Quinimo experientiam suam multis parasangis adauget, ex operatione exhibitorum effectus salutare ac prave observando; hinc non sine fundamento commendare, rejicere aut ex-

culare

cusare eorum hæc vel illa potest: cui cuncta patent, nihilque impe-
dit, quominus successuum quorumcunque causas & impedimenta
dignoscat; quæ Doctor, formulam præscribens & qui per officinalia
medetur, stupet, utpote momentorum, ad confectionem ac deter-
minationem remediorum facientium, ignarus. Cui gaudere satis
est de felici operæ latæ successu, utut, cui medicaminum, aut quali
horum texturæ, illum in acceptis referat, nesciat: sicut pariter, si res
male cadat, minus sperati eventus ætiologia ipsum latet, hoc est, an
a medicamine, hujusve legali præparatione, ab ægri idiosyncrasia,
an morbi pertinacia, an criseos imminetia, an a semetipso, incon-
grue atque intempestive illud applicante, ita evenerit, judicare ac di-
cere, multo magis observationem fidam seu genuinam hinc elicere,
& olim aliquando quid faciendum, determinare nescit.

Talis sane, qui sub casuali tantum molimine medicinam facit, *Quid de ge-*
& qui, quid in simili casu agendum aut omittendum, se aliosque in-
struere nequit, sine experientia manet ac moritur, nec, utut multo-
rum annorum practicus, Experientissimi titulum meretur. Neque
dubitandum, Medicum pharmaciæ incumbentem quotidie observa-
turum ac deprehensurum nova atque præstantiora remedia & vel per
hæc sola majorem famam sibi comparaturum: cum fieri haud possit,
quin sagacior, interiora hujus vel illius simplicis aut compositi peni-
tius perspicuens, una cum modis ea tractandi & operationibus eo-
rum, semper alias ac potiores inventurus sit operandi eacheirises,
hinc hætenus ignota, efficaciora tamen, medicamenta. Dum vel
empiricos aliquando, ita agendo, fortuito in generosa incidisse me-
dicamenta, per quæ doctiores & peritiores medicos in quibusdam
affectibus curandis superarint, minus artificiose quamvis negotium
tractarint, constat. Adeo ut optandum foret, omnes eruditos medicos
ita procedere, sic enim sperandæ forte forent difficiliorū morborum,
qui in scandalum medicorum nunc abeunt, sanationes. Quemad-
modum denique periculi plena res est, nulloque jure Medicum ho-
nestum eo compellere licet, ut valetudinem & vitam suæ fidei, dex-
teritati & conscientiæ commissorum infirmorum, ac de quibus ho-
minibus atque Deo respondere tenetur, suam famam, fortunam ac
conscientiam, seplasiario hujusve ministris concredat: foret siqui-
dem

Secus, qui
formulas
præscri-
bunt.

Quid de ge-
nuina ex-
perientia
gloriar
haud va-
lent.
Per præpa-
rationem
medica-
mentorum
famæ suæ
littat Me-
dicus.

Non tene-
tur famam
& consci-
entiam su-
am sepla-
siorum
fidei com-
mittere.

dem hoc non stultæ tantum temeritatis, sed perversæ etiam malitiæ. Cum fieri possit, ut illi vel per ignorantiam, vel desidiâ & negligentiam, vel ut impensis parcant, præscripta minus studiosè atque exactè præparent, intentionem præscribentis cum ægri expectatione frustrent: culpa pravorum successuum interim redundat in medicum hujusque existimatio juxta conscientiam maxime periclitatur.

Si regerant: perito in arte credendum; in virum bonum non cadit suspicio, & hujus generis alia, excipio: dubitandi nihilominus occasiones crebriores subministrant tristia satis exempla, potissimum cum non tam ipsis pharmacopoliorum patronis, sed horum provisoribus ac ministris demum, quos brevi post illi ipsimet ebriosos, negligentes, malæ fidei & morum perversorum proclamasse novimus, hoc arduum negotium committatur. In re E. dubia, ubi nihilominus de salute humana agitur, tutiore via incedendum erit medico, & ab ipso met medicamenta conficienda atque subministranda, ne ejus existimatio & conscientia aliorum peccata luat.

Quia proin dispensatio ac erogatio pharmacorum, a Medico facta, nec contra honestatem, nec contra leges publicas, pharmacia artis medicæ pars integralis atque inseparabilis est, huic largissima incrementa præstat, his, qui eam exercent, plus peritiæ ac dexteritatis conciliat, ægris ac publico variis modis emolumento existit, in primis quod fortunas indigentiorum levet, per eam existimatio & conscientia medentis integræ ac in tuto conserventur, & quæ plura hujus generis documenta explicata: illa nemini Medicorum vitio verti debet, quin potius, qui huic negotio strenuam operam navant, laudandi, horum honestissimi conatus magni æstimari ac lucrum laborum & sedulitatis iis haud invideri, debeant; nec contra hos jus aliquod prohibendi quis vindicare jure poterit. Vel si forsan per indulgentiam Magistratus Stationarii monopolium quoddam contra Medicos jactent, juris equidem rigorem evolvere & contra impetrantes ejusmodi ventilare, cum spheram meam transcendat, mei non facio, rationem sanam tamen & civitatis conservationem suadere ac jubere puto, ut secundum clausularum reservatoriarum, quibus privilegia talia hinc inde aperte circumscripta leguntur, tenorem, dum meliora & salutaria magis comparent, his pro re nata detra-

detrahant, addant, vel quocunque modo eadem corrigant salubritatis publicæ Antistites.

Hactenus de Administratore rei pharmaceuticæ, nunc de sub-
jecto seu medicamentis, de quorum primo notetur cognitione, hanc,
si faciem & formam externam tantum respiciamus, v. g. quomodo
discernenda radix Angelicæ a rad. altheæ, folia Sennæ ab herba Sco-
lopendriæ, Vitriolum a Nitro, Aqua ab Oleo, Spiritus Anisi a spiritu
Menthæ &c. per sensoria externa addisci: habetque officium hoc
commune Medicus cum Pharmacopæo mechanico; dum interioris
texturæ & facultatum medicamentosarum investigatio solius Medici
est, & a pharmacopola haud expectanda. Fitque vel per habitudinis
concretorum intrinsecæ evolutionem, vel tentativam horum penes
ægros applicationem.

Constitutionem medicamentosam intrinsecam communiter
explicare contendunt per principiorum constitutivorum diversam
inexistentiam, tanquam tot facultatum scaturiginum seu radicum:
quod nihilominus assertum precarium satis videtur. Dum (1) prin-
cipiorum constitutivorum genera & habitudines nos latent: (2) nec
principiorum secundorum seu principiatorum separationem cuncta
mixta concedunt, vel quod hæc compactiora, vel quod illorum quæ-
dam inter separandum exhalent aut dissipentur; multo minus prin-
cipiorum principiorumeductio erit expectanda: (3) e concretis edu-
ctorum pleraque principiorum nomen haud merentur, sed princi-
piatorum, adeoque in ambiguo manet, an hæc sub forma, qua edu-
cuntur, inextiterint, seu an nova decomposita dicenda: neque (4)
principia vere talia, seu prout sunt corpora simpliciora, facultatibus
concretorum sensibilibus formandis existunt adæquata, & sic nec la-
tentibus forsan, seu medicamentosis; sed ex mutuo demum particu-
larum constitutivarum complexu dispari variæ mixtorum potentiæ
emergunt, E. habitudo etiam relativa illarum in potentiis rerum ex-
planandis erit attendenda, quam evolvere difficillimum. Priora
hujus asserti momenta in aprico sunt, aliquid etiam illorum in se-
quentibus declarandum: ultimi vero veritatem infinitis possem
comprobare artefactis, quorum tamen pauca hujus loci faciam. Ex
alcali & spiritus Nitri combinatione producitur Nitrum, alterius
plane

Cognitio
medica-
mentorum
dependet a
duobus.

Constitu-
tio seu tex-
tura medi-
camento-
rum in-
trinseca
non sem-
per ex eo-
rum prin-
cipiis di-
gnoscitur.

plane texturæ atque facultatum sensibilium ac latentium, Sal sc. inflammabile, refrigerans, laxans, cum sulphure detonans &c. quale quid neutra hujus partium constitutarum præ se ferebat. Ex Mercurio & Sulphure coagmentatur Cinnabaris, ab ingredientium textura & facultatibus maxime dispar: Sicut ex Aquaforti acido seu corrosivo & Argento omnis saporis experte, neutro horum laxante, formatur crystallus amara, aquas hydropicorum evacuant.

Per consequens non semper ad sola principia rerum constitutiva in viribus medicamentosis disquirendis ac declarandis advertendum: sed sensibili quoque eorum texturæ aliquid interdum hic concedendum. Quales sensibiles habitudines seu qualitates communiter dictæ admodum variant, ita ut harum intuitu alia concreta dicantur acida, alia alcalica, alia urinosa, alia salsa, alia nitrosa, vitriolica, alia viscida seu glutinosa, alia resinosa, alia dulcia, amara, alia oleosa seu sulphurea, alia salina, alia terreæ, alia aquea, alia corrosiva, styptica, &c. Quas proprietates hæcenus salinas appellarunt, non, quod cunctæ earum verè tales sint, sed quod aptiore nomine (secundum *Schröderum*) hæcenus destituantur.

Quam præter sensibiles ars manifestat,

Non tamen per solum ignem,

Sed per alia quoque adminicula.

Quamvis nec per sensoria solitaria, sed arte demum adjuncta, hæcque partes constitutivæ seorsim, ac ex mutuo harum amplexu emergentes facultates, eruantur. Modo hoc non tentetur per solam ignis activitatem, sub specie destillationis, sublimationis, calcinationis &c. utpote qui concreta non tantum in partes dividit, sed nova quoque decomposita hinc format, diversimode applicatus, v. g. modo apertus, modo mediante vesica, balneo &c. diversa illorum phenomena sistit: prout pariter pro disparitate præparationum antecedanearum, v. g. fermentationis, putrefactionis, aut non præmissarum; item aliter agit ignis in vegetabilia aëre admissa, ac eodem excluso, destruit quoque ac perdit partes quasdam sensibiles, hinc forsitan insensibiles quoque. Sed juvant & certiore reddunt hanc explorationem philosophicam 1. aliquando v. g. solutio atque crystallisatio, ubi salium diversa textura indaganda; 2. aliquando evaporatio, v. g. in urinæ & salis marini partibus variis discernendis; 3. interdum miscela ac præcipitatio v. g. decocti gallorum, salviæ, succi veronica, rorismarini &c. cum solutione sacchari, Saturni aut Vitrioli, hinc

hinc pro diversa Salium textura & copia vegetabilibus ejusmodi in-existentium, plus minus & sub vario colore conturbatorum; cujus etiam generis est salium examen, quod fit per commiscelam eorum solutionum cum solutione Mercurii sublimati, sirupo violarum, cum liquoribus acidis, urinosi &c. Sicut 4. tentaminibus ejusmodi ministratur succorum vegetabilium crystallisatio, pro tartari eorum, salis essentialis communiter dicti, diverso genio explorando: perinde ac 5. menstruorum diversorum adaptatio, quorum alia corpora. corrodunt & comminuendo in hæc agunt sc. corrosiva ac mineralia in metalla hisque cognata; alia sulphureas & resinosas tantum particulas ex iis educunt, v. g. salia lixiviosa ac urinosa cum spiritibus sulphureis, alia salinas maxime, sc. aquæ.

Quamvis nec genuinam virium medicamentosarum scientiam nobis concedat exploratas habere corporum causas & modificationes generaliores, ex quacunque demum philosophorum hypothese tales concipiamus; i. e. sive secundum Peripateticos ignis, aquæ &c. vadamus vires riam commixtionem, sive cum Chymicis sal, sulphur, viscidum, resinofum, amarum, acidum &c. sive cum illis, qui corpuscularem & abstractam magis philosophiam profitentur, materiam, hujusque particularum figuram, situm & motum &c. Cum nec ignis, Rorimari-no, Centaurio minori, Esulæ, Ranunculo, Cantharidibus &c. inexistens, nec elementum aqueum, Plantaginis Mercurialis, Portulacæ, Violariæ &c. una eademque ratione se habeant: Sal Centaurii a Cochleariæ sale sine dubio discrepet; non idem sit sulphur Camphoræ Majoranæ, Cinnamomi &c. Resina scammonii & Gialappæ secessus moveat, non Benzoës, Terebinthinæ &c. Figura, situs & motus minimorum materiæ non determinantur, quomodo in Rhosis, Rhabarbaro, Carduobenedicto, Terebinthina, Mercurio, Antimonio, Spiritu Nitri, Vitrioli &c. se gerant; per consequens ubique sub conceptibus generalioribus maneat nostra de virtutibus medicamentorum ratiocinatio. Quatenus cuncta hæc de causis proprietatum, his vel illis mixtis particularium supposita tantis adhuc implicantur difficultatibus, quibus extricandis nulla scientia sufficiat, vix paucae ac levidenses conjecturæ, infinitæ atque arduæ concertationes, hinc eveniant.

Neque sola hæc causarum & texturæ indagatio vires medicamentosas declarat.

Sed infimul confu-
lenda ex-
perientia,

Combinetur E. his necesse est Experientia medica, qua in corporibus humanis, per applicationem remediorum administrata de-
mum, & quatenus cum experimentis & fermocinationibus philoso-
phicis concordant ac discordant, quid boni malive illa præstent, de-
prehenditur, quæ olim asserta, confirmantur, falsa refelluntur, certa
a dubiis discernuntur. Nunquam tamen facile aliquid affirmetur aut
negetur, cum infinitæ circumstantiæ experimentorum tam physico-
rum quam medicorum, decipere queant, v. g. regionum, ex quibus
& ad quas naturalia deferuntur, disparitas, arte productorum diver-
sa fabrica & præparatio occultata, quibus jungere convenit sub-
jectorum humanorum idiosyncrasiam diversam, cujus ratione activi-
tas medicamentorum evidenter variat. In quibus nihilominus expe-
rimentis medicis faciendis caute procedendum, cum non cuncta con-
cretorum sine periculo valetudinis tentandi causa propinare liceat,
purgantia v. g. narcotica, cantharides &c. per alia, sc. alterantia mi-
nus activa securius agere possimus; sicut per illa quoque, quæ ab aliis
peritis commendata aut per experimenta chymica evoluta novimus.
Cujus indigitati periculi intuitu, quædam in brutis potius, quam ho-
minibus, tentanda: licet nec his tentaminibus fides absolute sit ha-
benda, cum, quæ brutis quibusdam quadrant, aut minus quadrant,
homines contra minus magisve ferant. Confert etiam cum aliis
prudenterioribus & fidis medicis de rebus ejusmodi medicamentosis
communicare, horumque experientiam & consilium desuper pete-
re: ubi tamen optandum foret, ut non illa tantum exponerentur
phenomena, quorum effectus laudabiles deprehensi, sed hæc quoque,
quorum funesti, sive per infortunium, sive errorem illi contigerint;
quæ Scriptorum & Practicorum vana jactantia caute occultat, quo
nimirum famæ suæ litent, & ægrorum multos sollicitent; cum tamen
perpetui eorum successus his minus credendum esse doceant.

Vana sæpe
hæc offen-
ditur expe-
riencia.

Rem etiam in arte maxime desideratam ac desiderandam of-
fendo, dum vix ullius morbi mentio fit, cui non appropriatum mox
venditetur remedium, hocque non unum, sed tria, sex, decem &
forte plura: neutrum tamen eorum hoc præstat, quem in finem de-
prædicabatur, & incassum horum plura adhiberi, quotidiana & mo-
lestissima confirmemur experientia, v. g. totidem cephalica, anti-
spasmodica,

spasmodica, anthelmintica, nephritica, antipodagrica, febrifuga, adstringentia, corroborantia &c. nullius efficaciam. Rhabarbarum animam epatis, Cinnabarum magnetem Epilepsiæ ait *Crato*, Pulmonum animam Crocum alii dixerunt, Gummi Gottæ gummi contra podagram Monardi volunt moderni, Ulineam cranii humani cū *Fabr. Hildano* contra epilepsiam commendant alii, Cor leporis contra quartanam, canis rabidi epar contra ejus morsum, intestina lupi contra colica tormina: si experientiam consulas, deceptum a vanis ejusmodi Scriptorum jactantiis te fuisse, docebit hæc. Ut eodem jure, quo *Billichius in observ. & paradox. chymic. nullibi magis, quam in chymia chymiam desiderari*, conqvestus fuit, medicinam medicina maxime opus habere, haud asferere verear: & quidem non tam pro apponendis iis, quæ deficiunt, quam auferendis, quæ excedunt, seu quæ tollat jactantias futiles hominum loquacium; notet remedia fallacia ac artem repurget ab infinitis mendaciis & promissis irritis. Instructissimi farragine medicamentorum potentiorum accedimus infirmos, recedimus vacui & vani, non sine pudore ac artis ipsiusmet vilipendio.

Quibus ita se habentibus farraginem medicamentorum fugiat, Habeat & paucis tantum selectioribus ac usu comprobatis utatur Medicus: <sup>medicamenta qui-
vis tantum
selectiora,</sup> ita tamen, ne plurimum, simplicium inprimis, destituatur supellectili, ut, si, ob quamcunque causam, v. g. ægri morositatem, aut si individualis forsân uni reluctetur idiosyncrasia, aliud seligere adigatur, hoc mox præsto sit. Quemadmodum nec unquam a Lapidibus pretiosis, <sup>Lapides
pretiosi,
margaritæ
& aurum
majoris ef-
ficacis es-
se,</sup> Margaritis, lapide Bezoar, præter vim absorbentem ac præcipitantem, quam cum corallis, conchis similibusque terreis communem gerunt, & quæ intra organa primæ digestionis terminatur, aliam cardiacam, in febribus malignis similibusque affectibus gravioribus, mihi promittere potui: perinde ac pretium auri civile tantum æstimare nequeo, ut ideo majoris pretii in Medicina ac inter pharmaca cordialia, cephalica &c. hinc, qui de terra creavit medicinam, primatibus & ditioribus magis prospexisse, credam. Novi, quantum communiter illis fidant Viri magnæ peritiæ non tantum, sed stupidior quoque plebecula, quos utriusque generis sensu suo abundare promptissime largior: quoad me, fateri cogor, experientiam mihi nunquam adeo favisse, ut ab ullo recensitorum, sive crudo, sive chymice subactò, no-

Nec pro-
bari potest
experien-

biliores præ aliis vilioribus & pauperum, etiam oculis adæquatis, viderim effectus; hinc nec plus egisse illum medicum penes defunctum mihi persuadere potui, de quo in personalibus, quæ sub exequiarum solennitate recitantur, enarratur, quasi pretiosissima & lauta adhibuerit medicamenta, quam qui sine Bezoardico solari, Tinctura Auri, Coralliorum, Margaritis & horum liquore, lapide Bezoar hujusve essentia suis medicatus fuit, cum illa haud adeo magnifice profuisse magnifice defunctus testetur. Proin an expectationi eorum ita satisfaciant vel satisfecerint, ut exin genuinam inferre liceat experientiam, valde dubito, meque dubitare jubent mea pariter ac aliorum, qui minus creduli, nec suis medicationibus præpropere abblandiuntur, experimenta: quod idem fatentur diversi Scriptores Medici, quos, quia in omnium manibus, recensere supervacaneum duco.

Nec ratio-
ne.

De auro.

Dum E. experientia experientiæ opponitur, & per hanc ambiguitas rei dirimi forte nequit, rationibus erit decidenda. Gaudere ajunt Aurum præ cæteris metallis potiore Solis, tanquam cordis Macrocosmi, influxu, & per illius emanationes intra se concentratas, metallum hoc vim singularem sanguinem & spiritus ab heterogeneitatibus liberandi totumque corpus confortandi recepisse; gaudere, insimul sulphure & Mercurio fixiore ac nobiliore, imo etiam humido nostro radicali valde analogo: Gemmas de eodem evidenter participare, Margaritas lacte quodam restaurativo, hæcticos quoque aridos humectante, turgescere, cuncta spiritus recreare & per singularem magnetismum irradiare, cerebri ac cordis nebulas seu animi mœrores discutere, contendunt. Totidem petitiones principii, quot verba, quorum plura recensere nolo, cum rem non comprobent, sed meris dubiis implicent: semper enim, ut ejusmodi textura, lucis solaris concentratio, vis irradiandi, humidum radicale perpetuandi, spiritus vigorandi in iis demonstretur, vel probabilis tantum reddatur, aut an per sulphur hoc vel illud tale quid præstare queat, rogatur & ambigitur.

Ab auro, cui cætera analogæ seu consonæ virtutis creduntur, inchoabo. Sit hoc metallum perfectissimum, purissimum, fixissimum, quas prærogativas tamen, quia in relatione ad cætera mineralia

talia tenet, an exin, quod optimum & nobilissimum sit medicamentum, concludere licet? Nervum existere idem rerum gerendarum civilium quis ignorat? & sic mœrores forsan melancholicorum aliquando discutere, largior, non propinatum tamen, sed exterius admotum & manibus volutatum: ridicula nihilominus erit connexio, E. nervis quoque corporis humani robur conciliat, seu nervum rerum animalium alacrius gerendarum præstat. Possideat sulphur fixius ac purius, Mercurium ejusdem generis, qui fixitatem & perfectitudinem illam metallicam ipsi concilient; nulla tamen vis medicamentosa tantæ excellentiæ seu pretii erit speranda: cum intimior atque arctior combinatio principiorum ejus constitutivorum, hincque compages solidior potius impediat, quominus hæc in corpore, dissolvi illaque evolvi valeant. Solaris naturæ dum præ cæteris metallis asseritur, dicitur, non probatur: quamdiu oppido constat, solem lucem & calorem suum omnibus mixtis æqualiter impertiri: aut si etiam plus de influxu Planetæ hujus participaret aurum, sub solidiore tamen compage nihil hujus corpori, a quo assumptum, concederet. Si regerunt, ut fieri recordor, per emanationem virtutalem seu irradiationis modum idem metallum similiaque minus solubilis compagis in totum corpus agere; emanationis illius pleniorrem explicationem & unde de hac constaret, rogarem. Quod quidem postulatum nemini frivolum videbitur, qui attenderit, aliorum concretorum virtutes medicamentosas, per texturæ immutationem aliorumque admiscelam suppressas, fixatas &c. nunquam extrasphæram suam amplius emanare: Sc. salia alcalisata atque urinosæ, postquam per acidorum affusionem in salsa mutata, nihil virtutis alcalicæ aut volatilitatis urinosæ in corpus emittunt, fixata vis cathartica in Croco metallorum per repetitam cum Nitri duplo detonationem, ex Antimonio diaphoretico nunquam in viscera ac humores emanat, hæcque ad evacuationes per primas vias stimulat, Mercurius corrosivus dulcificatus causticæ virtutis nihil exerit, aut per hanc ad distans operatur; a qualium nihilominus arte paratorum laxiore textura ejusmodi concentrati emanatio magis metuenda, quam a solidiore & minus solubili auri compage, nisi forsan ab auro similis irradiatio expectetur, ac à Sole, quod in quæstione. Ac de-

num si medicamenta solaria vel ratione menstrui generosioris vel admixtorum, (rarissime enim, nisi cum Cornu cervi, Antimonio diaphoretico, in bezoardico solari, cum opiatīs aut quibusvis aliis sudoriferis vel analepticiis, propinantur) sudores pellant, viribus robur inspirent: nunquam tamen non dubitare licet, num accessoria illa, num Aurum, hos effectus præstiterint, potissimum si pauca & paucorum tantum granorum dosi propinentur; aut cum *Ludovico* indignari vanitati huic non vereor, *ad quid perditio hæc?* Contra Epilepsiam qui solaria medicamina deprædicant, ideo, quod illa morbus mercurialis existat, Mercurium autem e metallifossoribus, aurifabris similibusque artificibus, qui eum frequentius tranctant, aurum educat: misere philosophantur, hinc commiseratione præ correctione digni.

Nec de
Gemmis.

A gemmis forsan parum itidem activitatis expectandum, ac non plus, quam a silicibus; neque usus earum penes nos nunc adeo frequens, ac olim quidem: utut rosionem aut derosionem intestinorum, quam *Zwelferus* ab earum aculeis veretur, haud tanti faciam. Vix interim apparet, cur tantis sumptibus propinentur, cum alia terrea & conchilia, iis salubriora quam aptissime succenturientur, ac minoris longe pretii idem securius ac certius præstent, quod a carioribus illis nobis spondemus: nec earum symbolizatio cum auro adeo evidens facta; neque si foret, hinc plus virtutis lapidibus his accresceret, aut contingeret eadem occidentalibus, quas nihilominus vili communiter pendunt, cum orientalibus communis, si non major, quod aurifodinis & argentifodinis earum mineræ viciniore &c. Margaritas cur matri perlarum aut aliis vilioribus conchis anteferamur, non video, utpote a quarum textura parum differunt: nec, quod pretio civili cariores, facultatibus medicamentosis has antecellere credendum, cum, an potior, an vilior & recrementitia, pisciculi hujus pars illæ sint, nondum constet. Ex succo quodam lactescente uniones coagulari, concedo, an excrementitio, an laudabili, an morboſo, an in salutem, an excidium, animalculi, cujus progenies est, hæreo: nec evidens, an in succum pristinum illæ intra nostra viscera resolvantur, neque an succus hic tantum virtutis involvat. Sub dubiis E. multifariis securius sine dubio agimus, cum nostris ægris, certiora ac minorum impensarum his propinando.

Cir-

Circa lapidis Bezoar virtutes, quas vulgo circumferunt porten-
 tofas, admittendas hæsitare jubent Medici peritia ac fide præstantes,
 v. g. *Vallesius meth. med. l. 4. c. 2. Hofmann. paralip. offic. c. 36. Nardus*
Anton. Rechus rerum medic. Nov. Hispan. 9. c. 14. & hujus Commenta-
tor Job. Faber p. 786. Bontius de Med. Ind. l. 1. c. 45. Zwelf. append. ad
animadvers. p. 65. S. Pauli Quadr. Botan. p. 15. & alii: asserentes, non
 omnes capras, nisi quæ herbis saluberrimis vescuntur, quales illas,
 quæ Croco & Hermodactylis similes, *Bontius* testatur, ejusmodi lapi-
 des producere, nec unius provinciæ, nec solas, sed alia quoque ani-
 malia, quale quid de simiis idem *Bontius* refert, quem omnium præ-
 stantissimum pronunciat; lapidem hunc genuinum rarissimum in
 ipso natali solo & in Magnatum tantum arculis ac musæis reperiri.
 Ex quibus circumstantiis colligitur, semper metuendum esse de lapi-
 de adulterino, & genuinum a minus efficaci discerni vix posse: ita
 ut, quamvis probas, quibus naturalem a fictitio distinguere docue-
 runt *Bontius l. a. & Phil. Baldée descr. Ind. Orient.* fidas deprehenda-
 mus, minime tamen hæ determinant lapidem naturalem ex salu-
 brioribus herbis coagmentatum, hinc efficacem, præ minus medi-
 camentoso, seu cujus materia non ita salubris existit; ut taceam arte
 forsan quoque probabilem offendi massam, quæ tentamina ista susti-
 neat. Imo si attendamus, notante *Valesio & Fabro l. a.* a Medicis Hi-
 spanis lapillos hos non in tanto pretio haberi, & quod cum his alii
 observarunt, ab illis in febribus malignis & venenis hætenus credita
 miracula haud edi, nec hos, quales Nobiles Veneti, perhibente *H.*
Saxonia ex relatione *Hofmanni*, manibus propriis ex ventriculo ani-
 malis exemerint, aliquid horum egisse, neque virtutes adeo extantes
 in iis hodie observamus: merito remedio adeo incerto valetudini-
 nem & vitam nostrorum committere ac tanto pretio vendere seu
 perdere veremur.

In medicamentis præscribendis illi inter alios non leviter erra-
 re videntur, qui, ut adstantium admirationem sibi pariant, vel phar-
 macopolas ad laudandum institutum alliciant, Recepta, ut appellant,
 centenis ingredientibus farciunt; quæ sane si paucioribus, vel uno
 aut duobus, simplicibus constarent, salubrius forsan præstarent re-
 medium. Quamvis idem nonnulli agant præ mera stoliditate & ru-

Male a-
gant, qui
ingentes
multorum
composi-
tiones ad-
ornant.

ditate cum illo, de quo a Medico olim spectatissimo mihi relatum memini, qui formulas longiores ne sine ratione concinnaret, ajebat, se singulis corporis membris per eas prospicere, *sie müssen auff alle Glieder gerichtet seyn.* Et verentur ejusmodi socii, ne forte sterilia videantur eorum instituta, nisi semper introduxerint radices, ligna, folia, flores, semina &c. & quidem diversorum generum, quorum plerorumque nullam cognitionem vel formæ, vel facultatum, habent: quem in finem simplicibus composita, composita compositis confundunt, cunctis tamen imperitiam ac stuporem suum non modo ostendunt, sed sæpe morbum quoque longius protrahunt, novum si non excitant. Imo, observante *Scheidero* penes *Scholtzium* *conf.* 260. ægrorum etiam quorundam hæc est perversitas ac insania, ut oculos potius ac ventrem pluribus sine ratione confusis sibi repleri, quam paucis salubriter & ex arte curari, malint.

Damnan-
tur a præ-
stantissi-
mis Medi-
cis majores compo-
sitiones
non sine
ratione.

Prolixiores ejusmodi compositiones ad nauseam tradunt post Veterum dispensatoria, Augustanum & Mynsichti armamentarium chymicum, in quibus composita quoque compositis cumulari, hinc inde obviam fit: ut Sennertum, Platerum aliosque practicos taceam, eadem chorda oberrantes. Morem hunc seculi detestantur alii, v. g. *Scribonius Largus de comp. med. c. 6. Helmont. in verb. herb. &c. it. in pharmac. moderna ac in jaculator. modus intrandr. Senn. de conf. & diff. c. 18. Poterius Pharmac. spag. l. 2. c. 2. Zwelf. in app. ad animadvers. c. 18.* & alii doctissimi olim Medici, *Hippocrates, Galenus* &c. raro operosioribus compositionibus utebantur, sed uno vel paucis admodum simplicioribus mira efficiebant. Quippe primo ipsimet illi fastuosi vastarum compositionum confarcinatores rationem reddere nequeunt, cur hoc vel illud ingredientium adjiciant. Deinde varia commixta vires suas invicem obtundunt, aut novas induunt, ita ut, annotante *J. M. de Gradibus prax. part. 1. c. 1. de cephalalg.* non raro ex multis simplicibus non solutivis compositio emergat solutiva, & contra; evidenti sane argumento, quam sæpe ex inconcinna simplicium confusione factaque variorum in se invicem, fermentatione novam resultare hujusmodi compositionis formam, medicorum scopo & saluti ægrorum minus conformem; dum contra simplicium vires integræ manent & efficaciam majoris observan-

Virtutis
majoris

tur:

tur: V.g. Anagallis, testante *Hartmanno pr. chym. p. 56.* in Mania; sæpe ob-
 fuccus Absinthii, pulvis Carduibened. Gentianæ & Corticis Peruvia-^{servantur}
 ni, quibus plures sanantur febricitantes, quam portentosis antipyro-^{simplicio-}
 ticorum compositionibus; Balsamum Copayva præstantius contra Go-
 norrhœam virulentam præprolixioribus, decoctis, emulsionibus ac
 pilulis remedium, ut taceam, quanta vulnera & ulcera dysepulotica
 per applicationem balsami ejusdem Peruviani, hujus vel illius folii ve-
 getabilis aut succi, v.g. Nicotianæ, olei Liliorum, Momordicæ &c.
 consolidentur, sine emplastrorum, unguentorum aut balsamorum
 vulnerariorum monstrosis compositionibus. Spectat huc, quod in do-
 lore nephritico per enemata mitigando cum *Cratone* annotarunt di-
 versi, v.g. lac, urinam cum terebinthina, decoctum fl. chamom. aut
 Veronicæ similiaque simpliciora plus valere, quam composita.
 Nonnulla vero simplicia per miscelam cum aliis immutari ac noxia
 evadere, præter illa, quæ modo dixi, varia confirmant experimenta,
 v.g. Petroselinum in affectibus oculorum, annotante *Boyle de Utili-*
tat. Philos. exper. t. 2. p. 144. item Sp. Nitri & Vitrioli separatim re-
 media existunt, juncta vero in Aquaforti venenum æmulantur; &
 Hydrargyrum vivum per se tuto propinatur ad uncias & libras ali-
 quot in contumaciore alvi obstructione, salibus autem adaptatum
 corrosivum & toxicum evadit. Et si, tertio, diversorum ac plurium a-
 limentorum assumptio simul facta non omni periculo caret, nec me-
 dicamentorum multorum confusio adeo proficua erit; potissimum
 cum plura simplicium uno eodemq; die assumere sine molestia & ex-
 agitatione humorum non liceat; sub plurium etiam concursu incerti
 maneamus, cui horum affectus, sive laudabilis, sive pravus, adscriben-
 dus. Accedit quarto, quod per variorum & plurium combinationem
 producantur compositiones nauseabundi non raro saporis, ventricu-
 lum jamdum languentem & alimenta etiam consueta abhorrentem
 commoventes: ut taceam quinto magnas compositiones sumptuosas
 magis reddi. Et sic *Arinold. de Villa nova* vere scripsit, *qui potest mederi*
simplicibus, dolose ac frustra querit composita; cui adstipulatur *Zwelfe-*
rus in app. ad animadv. ita differens: *Cum arduum sit cognoscere & ne-*
mini adhuc satis perspectum, quomodo res naturales, intra etiam limi-
tes unius ejusdemque regni, in se invicem agant, consilio magno nobis sit,

ut simplicitate in re medica contenti, in congestione tot tantumque diversarum rerum labore inutili supersedeamus & parciores nos praebeamus, atque vel uno simplici simpliciter, ad quod a Deo conditum est, vel saltem paucioribus, inter se tum manifeste, tum occulte non contrariantibus, medicinam faciamus, prout pauperes ac rustici, quibus non raro a summo Medico, ex mera commiseratione, remedia saluberrima revelantur, quibus magna in magnis praestant morbis, quandoque in opprobrium Medicorum &c. Modo posterior hic moniti sui memor non in eodem negotio adeo graviter deliquisset & vel in appendice, vel in pharmacopœa regia similes vastas medicamentorum variorum confusiones nobis obtrussisset. Paucis, advertente Renodso, difficilius parantur ac assumuntur ea, quæ pluribus, quam quæ paucioribus, simplicibus, constant.

Carere tamē non possumus omnibus compositionibus.

Concedere interim & hoc debemus, omni simplicium commiscela nos carere haud posse, sed rei medicæ eam aliquando proficuum deprehendimus, per diversa momenta: quæ revocare licebit ad duas classes, nimirum ipsam texturam seu virtutem medicamenti, vel ægri habitudinem, concernentes. Ipsa medici intentio plura in uno pharmaco postulat, primo, si hoc non, nisi per aliorum accessum, tale fiat, v. g. Antimonium sine detonatione cum Nitro diaphoreticum haud existat, Aurum per corrosionem cum Aqua Regis & præcipationem cum sale alcalico aut urinoso demum ad solvendam alvum disponatur, non fiat Tartarus Vitriolatus, nisi aut solutio, aut Spiritus Vitrioli cum alcali Tartari coëat, Mercurius in sublimatum nisi salibus associatus, congeletur, nullum compareat extractum seu infusum, nisi menstruum appropriatum affundatur, nullus sirupus absque sacchari in decocti vel succi medicamentosi determinata quantitate & hujus solutione, non formetur Emplastrum, nisi cera, oleum & terebinthina ad minimum concurrant. Secundo, si simplex propinandum (purgans potissimum) ratione suæ inertiae seu languoris stimulo indigeat, v. g. radix Gialappæ crySTALLIS Tartari, Mercurius dulcis scammonio similive purgante. Sicut tertio nonnulla clave opus habent, quo abscondita magis eorum substantia & virtus evolvatur, v. g. dum flores Sulphuris cum sale alcalico ac oleo quodam in balsamum rediguntur. Aut si quarto aliquid virulentiae seu hosti-

hostilitatis intertextum gerant, v.g. si pro mucilaginositate & flatuositate foliorum Sennæ corrigenda Tartarus his adjiciatur, aut Mercurius currens, cum sublimato denuo elevatus, draconem corrosivum mitiget & in aquilam dulcem convertat. Ac demum quinto, si quacunque ratione simplicium vis medicamentosa intendatur ac magis determinetur, v.g. Salium urinosorum per oleorum aromaticorum ad miscellam. Ast nec ægri habitudini simplicia semper sufficere vel favere, varii casus comprobant, videlicet si penes hunc morborum, causæ & symptomatum varia observetur complicatio, hinc ad plures scopos simul remedium fuerit dirigendum, quod uno simplici peragere non licet, v.g. viscidum solvendum ac educendum per pilulas ex gummatibus, limatura vel vitriolo Martis, Mercurio dulci, resina scammonii &c. Epithema ex resolventibus & fibras roborantibus parandum, si Lochia pellenda simulque tormina mitiganda per pulverem ex myrrha, lapidibus cancrorum, castoreo & opio. Perinde ac palati & narium delicatiorum fallendarum gratia variæ fingendæ sunt formulæ, v.g. pulveres sirupis vel conservis obvelandi, pilulis seu bolis includendi, decocta aliave potulenta saccharo vel sirupis edulcoranda &c.

Fiat tamen hæc diversorum comiscela cum prudentia decenti, quæ cum quippe non laudatur simplicium prolixior farrago, sed pauca eorum, bina vel trina, misceantur v. g. gialappa cum stimulo salino, non plura purgantia cum diversis acutibus, corrigentibus, determinantibus &c. Deinde haud combinentur, quæ texturam medicamentosam evidenter destruunt, v.g. cum mucilaginis acida, aut eadem acida cum salibus urinosi & alcalici, nisi forsitan sal falsum intendat Medicus, v.g. in mixturis Sylvio olim frequentioribus ex Aceto & oculis cancrorum vel coralliis, in Mixtura dicta simplici Paracelsi spiritus Vitrioli cum spiritu Tartari aut quovis urinoso, in Tartaro vitriolato spiritus Vitrioli ac sal Tartari. Quemadmodum nec Electuariis quadrat concursus terreorum atque acidorum, utpote quæ hinc in effervescentiam perpetuam abripiuntur: ut taceam v.g. lapidem hæmatitem cum aceto vitriolicum & nauseabundum contrahere saporem, ingratum non tantum, sed aliquando, v.g. in Hæmoptoë, periculosum. Spectat huc, maxime vitanda commixtio Salis armoniaci & concharum vel communium vel margaritifera-
Quæ cum circum-
spectione
concin-
nanda.

quæ singula febribus intermittentibus appropriata existunt remedia, ac sine notabili molestia assumuntur, in pulvere autem simul præscripta, si a vehiculo aut saliva madescant inter assumendum in fervorem sensibilem, nares ac palatum ferientem, abripiuntur; ideo, quod acidum salis Armoniaci in conchas alcalifatas agens sal suum urinosum dimittat seu exhalare faciat; quale quid in alumine hujusve magisterio, si cum sale urinoso, febrifugo v. g. hoc misceatur, deprehenditur.

Neque adeo refragabor ulli, si aliquas compositiones, sive minores, sive majores, sive officinales, sive magistræ, de quarum effectibus per multijugam experientiam certior factus, vel quibus ægros adfvetos novit, sibi solennes ac familiares retineat; cum tales per mixtionem variorum etiam aliquando in aggregatum efficax & nobilius determinari, rationi haud repugnet: quin potius illis, præ aliis etiam simplicioribus utatur, nisi aliud quid circumstantiæ particulares sva-deant. Sc. nemini svasor forem, ut rejiciat frivole confectionem alkermes, Theriacam, Diascordium Fracast. Spiritum theriacalem camphoratum, Tincturam Bezoardicam, Elixir Propriet., Pilulas Aloëphanginas, de Succino, Pulverem Bezoardicum Senn. Specificum cephalicum, Cachecticum Qv. Ungventum Ægyptiacum, Dialthæa, Populeon, Album camphoratum, Emplastrum diachylum simplex & compos. oxycroceum, diaphoreticum & hujus generis plura forsan: modo horum ingredientium & compositionum ejusmodi deprehendat vires, quæ affectui, cujus ratione in usum vocantur, sint conformes.

Chymia, &
chymico-
rum reme-
diorum
præstantia.

Per Chymiam, ut cætera mittam emolumenta, quæ in humanum genus hinc redundant, totidem morborum producuntur remedia, ut vel ipse *Riolanus*, postquam Scholæ Parisiensis jussu Paracelsistarum & Chymicorum machinas impugnarat, usum tamen medicamentorum spagyricorum haud omnimode dissvaserit: Quod per artem illam hujusve varias manipulationes purum ab impuro separatur, sicque multorum simplicium vires occultæ eliciantur & manifestentur, substantia eorum terrestris attenuetur ac digeratur, virulentia & quævis qualitates peregrinæ corrigantur, virtutesque specificæ evidentius exaltentur. Ipsamet quotidiana experientia efficaciora &

& jucundiora longe declarare videtur præparata spagyrica præ Galenicorum rudioribus, crudioribus ac nauseabundis magmatis: utpote qualia cum simplicibus eorum, paucis forsitan exceptis, propter odoris atque saporis insuavitatem & molis vastitatem nauseam vel firmissimo stomacho movere nata sunt, ut mirari non satis liceat, quomodo ab hoc abnuente, & ad ea vel oblata, vel nominata tantum, insurgente, admitti, retineri, digeri ac effectum desideratum edere queant; quin præ remedii nausea & abhorrescentia natura his minus cooperetur & morbo plus minus concedat. Quale quid de chymice paratis, quæ propter sui insuavitatem & minorem molem promptius appetuntur & recipiuntur, haud metuendum, quin potius natura illis felicius connubat, & sic junctis viribus in morbum debellandum simul strenuius agant.

Quæ nihilominus tanti ponderis haud sunt, quin remediis Galenicis quoque, hætenus perperam neglectis, sua constet ac maneat laus, adhibita nimirum in utrorumque delectu circumspectione ad æquata: id est, præsidiiis chymicis frequentius paria, imo quandoque efficaciora & congrua magis, deprehenduntur Galenica, ita ut his in praxi omnimode superfedere haud liceat. Cui assertioni mox plurimum favet annutus & autoritas antecessorum diversorum, præsidiiis artis pharmaceuticæ veterum cum spagyricis valorem aut parem, aut præ his præpollentem, concedentium: minime quidem Galenicorum, quos amore sui suorumque remediorum suspectos rigidior forsitan pronunciaret sive arbiter, sive judex; sed ipsorummet Hermeticorum, & quidem primiceriorum. Inter quos primo vocare conveniet *Paracelsum*, cæterorum facile antesignanum, qui hinc inde in scriptis suis remedia morborum commendat simpliciora naturalia, rudiora æque ac vulgari modo præparata ac confarcinata. Jungo huic *Petrum Severinum*, strenuum ejus promachum, quem medicamentis chymicis haud semper, sed Galenicis quoque non raro compositionibus, usum fuisse, *Paludanus* non tantum in epist. ad *Smetium* testatur, & ex ejus fido commentatore *Wilb. Davisonio*, hinc inde constat, sed ipsa illius *Idea Medic.* docet: ubi penes vulgum remedia plura & efficaciora, quam apud Doctores Medicos, reperiri scribit, *Carichter* quoque laudat medicamina vegetabilia simpliciora, quæ

Nectamen
Galenica
omnimo-
de rejici-
enda.

Commen-
dantur &
adh. ben-
tur a Me-
dicis spa-
gyricis
quoque.

longiore medendi usu invenerit & præpararit. Neque remediis Galenicis omnimode abnuere deprehenditur *Helmontius*, dum non tantum passim, v. g. *Imag. ferment.* rerum quarumcunque robur masculinum seu activitatem medicamentosam ab odoribus derivat, ab his tamen, tanquam seminum proprietate & viribus pristinis, pyrotechniæ expositas recedere, hinc inde, v. g. *Arbor. vite*, scribit: sed ipsemet in casibus variis diversa, chymicæ vim non experta, commendat, v. g. Cruorem hirci exsiccatum, succum Cichorii sylvestris, flores Papaveris erratici, pulverem priapi Cervini &c. Lapidem Cancrorum inter diuretica & vulneraria extollit, imbecillitati stomachi solis emplastris se medicatum fuisse, Ungula Equina in butyro frixa & Vitello ovorum cum aceto subacta se varios alvi fluxus sanasse, commemorat, pulverem contra strumas ex meris simplicibus concinnat, Liquorem Betulæ & semen Dauci cerevisiæ confermentatum nephriticis, ut præservativum certissimum, svadet: alia ut ejus mittam evporista vix aut leviter saltem, præparata. *Carrichter*i opuscula si evolamus, hunc equidem ex Theophrasti scriptis prima sua fundamenta petiisse, ab eo tamen in diversis, adeoque in hoc etiam, defecisse, observabimus, quod nullis præparatis chymicis, sed mere Galenicis, iisque simplicioribus, in medela morborum difficiliorum feliciter usus fuerit. Quemadmodum *Oswaldus Crollius de signatur. rer.* infinita non tantum simplicia, eaque maximam partem vegetabilia, contra pleurosque corporis affectus deprædicat, sed in *Basil. Chym.* multa præparata Galenica chymicis jungit, v. g. pulverem Sperniolæ compositum, Lapidem medicamentosum, Emplastrum Sticticum, pulverem contra Calculum ex lapide Prunellæ, Cyprini, Macere & Croco, Dysentericum, Serpentum, Ungventum Anodynum: malignitatem insuper suorum cathartecorum Theriaca vulgari, Rob Cydoniorum, Emplastro de Cruſta panis aliisque officinalibus veterum corrigere, Electuario suo Antimoniato Theriacam, Nucem Moschatam, Mastichen, aliaque haud chymice præparata alibi infarcire non erubescit. Perinde ac *Jos. Quercetanus*, Pharmaciæ dogmaticæ Restitutor ac Restaurator summus, nullibi Medicamentis trivialibus equidem acrius insultat, quam in *Consilio de arthritide*, vix tamen in eodem affectu præter Hydromel alterans & evacuans, pulverem Diasennæ, Aloen

insuc-

insuccatam, Pilulas helleboratas, Tragæam ex auro & varii generis topica, aliquid laudat: perinde ac ad gravissimos capitis affectus se dogmaticorum seu Galenicorum remediis feliciter uti in *Tetrade* proficitur: in *Dietetico polyhistor.* varios Pastas, Hordeata, Lac amygdalinum, Panatellas & Consummata restaurantia, Clareta, Julapia, Vina medicata, Pulverem Cachecticum ex chalybe minus præparato; in *Scolopetario* præter externa diversi generis Alexipharmaca maximam partem Galenica &c. recenset. Imo in *Pharmacica dogmatica restituta* opere pharmacopæam receptam usque adeo deprædicat idem, ut si hoc teste standum fuerit, vix foret, cur alia desideremus, dum Pharmacopæam suam restitutam non spagyricis solum sed vulgaribus quoque, compositionibus instructam sistit: ut videri posset, subjunxisse eundem his sua chymica, in ostentationem magis, quam quod illis fuerit usus, vel uti svadeat. Et si *Foresti* v. g. aliorumque modernorum, *Sennerti*, puta, *Plateri*, *Poterii*, *Riverii*, *Hartmanni*, *Sylvii*, *Willisii*, *Sydenhami*, *Listeri*, *Mortoni* similiumque, evolvantur commentaria practica, plura penes hos evporista & compositiones ex Pharmacia vulgari, quam ex Hermetica, observare dabitur; in laboribus atque experimentis chymicis Virorum non rudium, sed peritissimorum.

Quibus recensitis autoritatibus subnecto, chymice parata, mo-
nente *Conringio de Hermet. medic. c. 8.* minime olim, nisi paucissimis, Raro olim utebantur chymicis
fuisse ullo in usu, composita tamen & præparata semper medicamenta usualia, more passim recepto, quantum ex omnium gentium & seculorum monumentis sit discere; cum nihilominus nullo non ævo artem medicam quidam felicissime factitaverint: unde id ad minimum evincatur, priscam vulgoque receptam hætenus pharmaciam inique damnari, neque chymicas præparationes ad sanandum simpliciter necessarias, neque vulgares cum præparationes, tum compositiones, iis semper esse postponendas; quin majoris usus & efficaciæ non raro videantur.

Quamvis si rem oculo minus fugitivo intueamur, in posterio-
rem seu spagyricorum classem nonnulla perperam satis referantur, Multa præparata referuntur inter chymica, minus talia.
Galenicis olim jamdum innotescentia, & non tam operationes chymicorum sublimiores (ut ajunt) quam vulgares & officinales tantum

fatis crassas, experta. V.g. CrySTALLI & Cremor Tartari, qui nihil, nisi coagulum vini acido-terreum per decoctionem cum aqua solutum, colatum & evaporatione denuo inspissatum, sunt. Liqueor terræ Martis solaris seu Hasfiacæ, chymiatricis quibusdam modernis in frequenti usu, quid aliud, nisi Vitriolum nativum cum aqueo liquore solutum, est? Vegetabilium essentia seu tinctura, quas in tractatu peculiari, nomine *Essentiarum vegetabilium anatomes*, in officinam chymicam, primus induxisse videtur *A. Sala*, per meram producuntur infusionem Galenicam, sive adornetur per succum proprium, cum floribus v.g. Borraginis, Tunicæ aliquandiu digestum & expressum, sive cum aceto, sive cum Spiritu vini similive menstruo sulphureo, plus minus appropriato, acidulo, v.g. phlegmate vitrioli aut aqua communi, Rosarum, cum Spiritu vitrioli vel Clyffo Antimonii acuato. Ita ut vix ulla compareat disparitas inter infusum Rosarum & Violarum, foliorum Sennæ & Hellebori nigri, acetum rosaceum, liliorum convallium &c. vinum absinthites, & ejusdem absinthii, foliorum Sennæ aut radicum helleboris essentias atque extracta, inter infusum Violarum, Rosarum, Papaveris rhæados cum aqua fervente vel succo proprio, per infusionem ac digestionem multiplicem, pro sirupis conficiendis adornatum, horumque florum tincturas, cum eadem aqua, leviter acidulata, per meram pariter infusionem ac digestionem eductas. Chiragogia ex animalium ossibus & cornibus per simplicem decoctionem educendi gelatinas nec olidos coquos latet, adeoque his pariter innotescere poterat, post visceri hujus glutinosi separationem illorum compagem friabilem & tritura aptam reddi. Hoc est, quod Chymici Cornu Cervi, Ebur &c. spagyricæ seu philosophice calcinatum ajunt, Culinæ parare docuerant, hinc philosophiam magiriscio crassiori illi debent: Unde non mirum, quod eadem cornua, ossa, dentes &c. substantia sua activa magnam partem spoliata suis propinent ægris philosophi ejusmodi in culinis formati. Nec salium per incinerationem conficiendi rationem præscos, antequam de Chymia constaret, omnimode latuisse, vel sola salium theriacalium, Galeno, Aëtio & Dioscoridi commendata, confectio docere poterat. Crocus porro Martis, quid præter rubiginem seu scoriæ Ferri aliud est, sive cum aqua simplici, sive

sive acetō, sive sulphure, paretur? vulgo etiam & fabris ferrariis quam notissimum & detrimentosum productum. Neque in aquarum & oleorum vegetabilium per ignem expressione antiquitatem omnimode rudem extitisse, huic & mulierculis olim solennes destillationes utriusque generis per descensum docere poterant: imo penes Medicos veteres jamdum fluoris per deliquium in descriptione olei tartari ac destillationis aquarum & oleorum v. g. penes *Mesuen, Vidum Vidium, Joubertum, Jac. Sylvium, Fernelium, Rondeletium &c.* mentionem fieri legimus, antequam de Chymia plene constaret, seu Scholis Medicis esset introducta. Ut proin non sine ratione omni ageret, qui nos quotidie Galenicis uti remediis, quæ chymicorum jactantia sibi arrogat, & spagyrica falso credi, quæ Galenicorum, imo rudioris plebis, inventa & observata, pronunciaret.

At, quod præsentis magis scopi, haud adeo insuper difficile mihi erit, evincere, remedia Galenica in morborum medela non raro congrua, & efficaciora magis, ne dicam, tutiora, existere: & quidem per experientiam pariter ac rationem, fulcra Artis perquam firmissima. Priorem praxis suggerit quotidiana, qua, vel ipsis Chymicorum Principibus, *Paracelsō* videlicet, *Helmontio*, & utriusque Promacho strenuo, *Starkey Anglo, pyrotechny asserted* & aliis spagyricis interpretibus testantibus, in concretis simplicioribus perfecta reperiuntur morborum remedia, & tot vel ultimi tantum seculi Commentarii, aut merè Galenicorum sine omnibus remediis chymicis solisque suis, aut Galenico-Spagyricorum, nunquam aut rarissime forsan, sine vulgaribus, curationes morborum absolvi, declarant: Evolve eos, ad minimum, quos hæcenus recensui.

Neque adeo prompte auscultandum est chymicarum præparationum patronis, quasi in ejusmodi concretis medicamentosis Ars nihilominus Naturam juvet, eorum fœculentias separando, cruditates digerendo ac maturando, virulentiam ac malignitatem corrigendo, & spiritum internum athereum seu virtutem specificam erundo seu exaltando. Quippe si rem penitus & omni seposito præjudicio, pensitemus, chymix operas haud mere secretorias & rectificatorias, sed aliquando confusorias, ne dicam corruptorias seu destructorias, offendimus, adeoque *artem hanc non minus laborare, quam*

Galenica
sæpe sunt
præstantiora &
tutiora.

Nec chymia semper medicamenta exaltat.

Nec cun-
cta simpli-
cia corre-
ctione o-
pus ha-
bent.

Nec chy-
mica no-
bis adeo
quadrant.

corpora, quorum curam suscipit &c. cum Billichio asserimus. Jactant separandi purum ab impuro studium ac artificium sibi solitarium Hermetici, qui non raro summa imis miscent, & quorum conatu infinita ac gravissima hinc inde confusiones separationum & purificationum nomine irreperunt. Accedit vel quod illorum paucis forte aliquid venenosi, & corpori nostro hostile, inexistat, dum eorum pleraque, vegetabilia potissimum, sine omni non modo noxa, sed cum manifesto emolumento etiam, adhibentur, ac in his, si notorie toxica & purgantia vehementiora excipias, nihil ejus demonstratum fuit: vel quod, quamvis quibusdam, non omnibus tamen, tantum fœculentiæ & cruditatis subsit, quod vires eorum medicamentosas retardet atque moretur; reperianturque horum multa, quæ nulla artis ratione usui medico accommodari postulant. Et si forsân pluribus tale quid vel virulenti, vel fœculenti, inexistat, vix tamen concipiendum, quomodo horum secretio, integra manente concreti modificatione specifica, fieri queat: utpote quæ soluta vis medicamentosa perit, ut in purgantibus & hypnoticis evidenter cernimus, quorum vis drastica & stupefactoria sine facultatum desideratarum sensibili refractione atque eversione corrigi nequit; dum, quæ in relatione, ad nostras digestionem equidem recrementitia sunt, ad concreti nihilominus integritatem medicamentosam specificam concurrunt. Aut si etiam nonnulla eorum recrementa vere intertexta gerant, a viscerum tamen nostrorum interna habitudine hæc eadem facilitate separantur, ac alimentorum heterogeneitates excrementitias a succo alibili sejungit viscerum digestiorum habitudo organica, nulli arti quod conceditur: a crassamentis etiam ac sordibus his illa per destillationem, calcinationem similesque manipulationes spagyricas omnimode liberari, dicitur, non probatur. Et quod de salibus, spiritibus & quintis essentiis suis, ad subtilitatem ætheream & penetrandi vim summam exaltatis jactant Hermetici, quasi hæc sola ipsis principiis corporis nostri constitutivis se insinuent, cum his symbolizantia, ipsum fontem vitæ subeant, balsamum vitale integrum conservent & impuritatibus contaminatum pristino nitori restituant, quale quid a Galenicis vix expectandum foret: vel de paucis admodum spagyricis usualibus admittendum, quod eorum

rum non tantum multa fixiore & solidiore compage gaudeant, sed penetrantiora ac subtiliora etiam minimis nostris vitalibus valde disparia minusque homogenea deprehendantur; vel certe nec cunctis Galenicis, sive naturalibus, sive præparatis, denegandum, postquam haud facile nominare licet morbum, quem sine chymicis præsidii sanare nequeamus.

Quod ut exemplis declarem, nonne ipsimet chymiatři in quotidiano usu cum Galenicis clinicis habent illa absorbentia terrea simpliciora, sive refrigerantium, sive alio nomine his veniant v. g. Ebur, Corallia, Lapides Cancrorum, Matrem perlarum, margaritas ac Cinabarium nativam & quidem cum singulari ægrotantium suorum emolumento; adeo quidem ut plerique practicum modernorum, haud in Chymia hospites, minus hæsitent in fixioribus ac crudioribus, quam in salibus suis volatilibus, spiritibus ac tincturis præscribendis. Limaturam Martis nonne iidem Medici Spagyrici emunctionum narium suis crocis, vitriolis & tincturis in affectione hypochondriaca aliisque pathematis chronicis ingenue substituunt, imo præferunt? cum illis, qui antiquiori pharmacie addicti, illam in casibus ejusmodi longe efficaciorum observantes & scriptis publicis ultro fauentes ac testatum facientes. Rhabarbarum & hujus generis alia cathartica nonne commodius evacuant crudiora, quam hinc educta, extracta, Essentia atque Salia: sicut ipsummet *Starkey* confitentem & scribentem legimus, ex uncia integra Rhabarbari paratum extractum minus longe evacuare, ac ipsius radices crudioris & in substantia propinitæ drachmam unam. Ope absinthii, cui vim variis mendendi morbis ipsemet adscribit Paracelsus, hujusve succi, plures sane febres plebs sanat, quam per Essentiam, Extractum ac Sal medicum chymici, qui illa sapientiores videri malunt. Cujus forsitan etiam generis est Cortex Peruvianus, quem sub pulveris simplicioris forma antipyreticum experimur fidum, præ ejus essentia aut extracto, ne dicam infuso atque decocto. Lapidem Manati antinephretica vi pollere testatur ejus pulvis, nulla hinc producta chymica. In salium salforum enixum multum laboris inanis consumunt Chymici, a Nitro, Sale marino & Ammoniaco officinali cum pares poterant expectari virtutes deterforiæ. Vitriola producant Martiale, Venereum, ac tandem

Etiā chymiatři frequentius utuntur vulgaribus ac Galenicis.

Imo chymicorum præparaciones sæpe sunt supervacaneæ.

Hermaphroditicum, conatu sane monstroso atque insulso: cum ipsæ venæ subterraneæ ejusdem generis & effectus promant minerales succos. Sulphuris sublimationes adornant ac repetunt, ad florum subtiliorum & impalpabilium texturam magno molimine multisque carbonibus officinæ Spagyricorum; quales nihilominus æque difficulter solubiles noster stomachus, nec efficaciores pulmoniaci, præ ipso communis sulphuris pulvere, experiuntur: ita ut *Zwelfserum*, strenuum officinalium vulgare correctorem & cavillatorem, hunc illis majoris æstimare, ex ejusdem *animadversionibus in Pharmac. Aug.* luculentissime constet. Cinnabarim ex sublimato & Antimonio parant & multiplici sublimatione rectificant, negligentes nativam, in venis subterraneis, ex simplicioribus Mercurii & Sulphuris fuliginibus coagmentatam.

Galenico-
rum vero
aliquando
haud o-
mnimode
incertæ.

Neque operationes pharmaceuticæ vulgares adeo ineptæ ac insufficientes sunt, prout quidem ab osoribus earum proclamantur: cum nec ipsis Paracelsitis diffidentibus, satis etiam effascinati, *Starkey* v. g. a mera & culinari decoctione quorundam concretorum medicinalium virulentia evidenter dometur, faculentia secernantur eademque ad salubriorem usum disponantur. Nolo prolixius evagari, cum facillimum foret, ostendere, quomodo iis inexistens, stomacho minus dissolubilis, substantia resinosa, quam sola arte Spagyrica removeri putant, levi etiam alia præparatione tolli queat; ut in Aloës lotionem Galenicam, a *Zwelfero* eodem dudum explosa, & vel per aquam communem, vel quemcunque succum vegetabilem aqueum, adornata, experimur, & quam ipsi moderni commendant Chymici: quod per eam resinofum ejus, ventriculo nostro minus congruum, a gummofo & alvum blandius subducente removeatur. Sed, quo intra limites, quos ipsimet Spagyrici innuunt, me contineam, nonne digestio aut decoctio tantum vulgaris in corrigendis ejusmodi medicamentorum incongruitatibus multum præstat? v. g. in Asari nostratis radice, quæ in substantia & simpliciore infusione vomitus enormes movet, virulentiam vero hanc catharticam, cum aqua communi saltem si decoquatur, deponit, & diuretica ac sudorifera evadit; imo perhibentibus *Horstio* & *S. Pauli*, potentiori ac diuturniori tantum super marmore triturationi exposita, quicquid emetici habet,

ex-

expirat. Liceat mihi hujus loci facere radicis Cassavæ seu Mandihocæ, Indiæ occidentalis incolis maxime familiaris, simplicitatem crudam, homini & brutis noxiam & venenosam valde, quæ nihilominus simplici decoctione eousque corrigitur, ut, perhibente *Carolo Pisone* alimentum non solum gratum, sed antidotum quoque prodeat. Leviter equidem vegetabile hoc tostum virulentiam illam eousque deponit, ut eo utentes non amplius interficiat, tormina tamen ventris adhuc concitet: a succulentia vero sua torcularis vi liberatum farinam præbet, in salubrem panem pistione seu coctione redigendam, dum succus expressus paucarum horarum digestionem in potum, cerevisiæ analogum & sævem facissit. Gloriantur inique de salibus suis omnis generis Hermetici, quasi sola hæc corporis intimiora permeant, & horum affectus contumaciores solvant: quidni hoc sperabimus, ac experimur a diversis vulgaribus ac domesticis, crudioribus non minus, ac præparatis? A Decoctis v. g. Lignorum luis veneræ aliorumque morborum, quorum auxilia observantur, certiores & frequentiores cernimus medelas, quam ab horum essentiis, extractis, spiritibus &c. Pectori & pulmonibus, vel infarctu pituitoso vel tussi phthisica laborantibus decocta itidem pectoralia & vulneraria, plus levaminis conferunt præ chymicis productis cunctis, utpote non sufficientibus & in casibus ejusmodi aliquando suspectis: ut taceam, Lac animalium & hujus serum, lacticina culinaria, gelatinas & brodia cancrorum, limacum &c. recte majoris æstimari in phthisicis, hæcticis, scorbuticis, quam amplior medicamentorum chymicorum apparatus; ne mentionem faciam Thermarum atque Acidularum naturalium, majoris præ chymicis remediis frequentius efficaciæ. Aperientium radicum similiumq; decocti virtutem penetrandi in dubium vocare haud absonum foret, nisi diuresin, quam manifeste cient, negare malimus: Terebinthinam penitiora corporis subire, odor violaceus, quem lotio utentis imprimit, docet. Tartarum superficialiter lotū cur non crystallis ejus, si non cum quibusdam practicis præferamus, ad minimum æquiparemus, quid moratur? & quidni in casibus, ubi a primis viis detergere convenit mucositatem p. n. eundem suo spiritu, sale & tinctura potiorum judicemus? Sal ex residuo spiritus salis Armoniaci eductum, antihypochondriacum & antiquarium singulare

Etiam vul-
garia &
Galenica
efficacia
existunt
remedia.

lare proclamat rude Chymicorum vulgus: idem quod præstare poterat ipsum salis armoniaci concretum integrum.

Per chymiam specificam texture & visum remedium destruitur.

Verum enimvero, quo enarratorum hactenus ratio quoque patrescat genuina constetque planius, cur officinalia vulgaria iis, quæ ignem philosophicum magis creduntur experta, non postponenda, quin potius frequenter anteposenda sint & ad morborum medelam postulentur, advertendum puto, paucissima instrumentorum & operationum chymicarum deprehendi, quæ in concreta, sine texture horum evidente analysi ac partium integrantium divulsione, hinc virtutis specificæ & medicamentosæ destructione, agant: unde, quales promittebant naturalia integra minusque alterata, effectus a productis his expectare vix liceat. *Ratum E. inquit Helmontius arbor. vit. quod, quamvis destillando fiant acutiora adeoque magis activa, tamen eo ipso recedant & alienentur a genuina seminum proprietate. Quia ignis est mors artificialis, quæ si aperta flamma fiat, contingit per seminum & Archei extinctionem. Mors autem naturalis rerum præsupponit lassationem seminum: mors autem artificialis, quæ non fit per flammæ consumptionem, separat quidem volatilia a fixis, sed cum dissolutione & morte vitæ ultimæ concreti &c. Et paulo post: Proinde non licet destillatorum vires ponderare e concreto, unde emanant, nec credere licet, quod, etsi vires rerum non sint abolitæ, non extinctæ aut per ignem plane defunctæ, ideo rerum pristinas virtutes per ad ustionem non innovatas. Quale quid idem, veritatis impetu adactus, profitebatur, de potestate medicamin. Hoc unum saltem adhuc memorabo, quod chymica potius artis, quam naturæ, vi nativæ, agerent, eo quod illorum initia per ignem parta & immutata essent &c. &c. Imo ab Hermeticis multæ peritiæ & acuminis validioris plus quam ad sensus demonstratum, & evictum legimus, ac vel ex allegatorum textuum Helmontianorum subsequenter verbis etiam constat, ignem eorum cæteraque instrumenta non ut mere secretoria, sed combinatoria & transmutatoria pariter, attendenda fore. Unde sana ratio quemlibet inferre jubet, haud equidem omni plane potentia medicamentosa producta Spagyricorum destitui, v. g. Salia lixiviosa, urinosa, resolvendi, attenuandi, acidum præcipitandi, sudorifera virtute pollere, spiritus sulphureos penetrando agere, extracta atque essentias aliquid substantiæ*

Medicamentosa ab integro deradere & deraſum advehere: eſſe nihilominus hoc tantillum & cauſa morbiſicæ exturbandæ minus adæquatum, perire cum ſalium ac ſpirituum, per fermentationem, putrefactionem ac deſtillationem mixti ipſius odorem, ſaporem, cæterasque qualitates ſenſibiles &, quam hæ promittebant, virtutem cephalicam, uterinam, febrifugam & tantum non infinitas alias ideas a primo rerum Creatore illis conſeſſas.

Sal v. g. ſuccini acidum, minus inflammabile, in aqua vero de-
liquabile, alienum plane reperitur textura ab ipſa ſua matrice bituminosa, amaricante ac deſagrabili: adeo ut quam præſtat potentiam, alias reſolutoriam in catarrhis acribus inſpiſſandis ipſum ſuccinum, illud ejus productum præſtare nequeat. Chalybis crudioris pollen hypochondriacis affectibus ad nutum medetur, acidum hoſtile primarum viarum imbibendo & cum hoc in crocum ſeu mavis vitriolum congregiundo: quale metallum acidis externis, ſub croci, vitrioli ac tincturæ confectione jamdum ſaturatum decompoſitum evadit, quod arma priſtina depoſuiſſe & debellando hoſti inerme atque imbelles deprehenditur. Provocat Spiritus vini è vegetabilibus aliquid oleoſi ſeu reſinoſi, nihil ſalinæ aut alterius ſubſtantię integrantis atque ſpecificantis: extractum E. per ejusmodi inſuſionem paratum, abſinthii v. g. quia non omnes vegetabilis hujus partes conſtitutivas & principium ſeminale formantes continet, ſimplici abſinthio febres minus potenter fugat. Sal, Nitrum, Vitriolum, Sal Ammoniacum quantum a ſpiritibus ſuis differant ratione qualitatum ſenſibilium, declarare ſuperfluum: viribus E. etiam medicamentoſis hos latices à concretis ſuis integris multis paraſangvis diſtare, inpropatulo eſt. Quemadmodum nec, quod poſt incinerationem ex vegetabili elixiviatur, Sal, utpote omnis ſaporis atque odoris ſpecifici ſuæ matricis expers, idem, quod integrum agere valet. Flores Tunicæ, Roſarum &c. ſpiritus noſtros inſigniter & per contactum, quaſi immediatum recreant: quis adeo ſublimem energiam ab acidulatis officinarum illorum expectabit Tincturis? utpote quarum, uncia integra vix bina vel trina grana ſubſtantię vegetabilis continet, & quidem cujus ſulphur aromaticum per acidum evidenter reſractum. Magiſterium Sulphuris, quod lac hujus ſucci mineralis ajunt

Quod exemplis
declatur.

communiter, licentia forsan satis puerili, crudo sulphure minorem longe in corpora pulmoniacorum exerit potentiam, per coctionem cum lixivio quia sulphur non tantum solvebatur, sed transformabatur quoque per præcipationem ab aceto factam, quoniam fixabatur & in vincula conjiciebatur arctiora ejus virtus balsamica. Concludo proin, remedia Galenica Spagyricis virtute haud semper inferiora & in exturbandis affectibus p. n. non raro commodiora atque efficaciora existere.

Propter
svavitatem
chymica
non sunt
anteponenda.

Et quemadmodum Chymia hujusve producta, sub minore mole propinabilia etiam hoc utilitatis & facilitatis Arti nostræ conciliant, quod horum pleraque sine minore molestia ac nausea assumi queant: ita in abusum mox abiit hæc gratia seu gratificandi studium, ut delicatioris palati ægri non tam ad medicamentorum vim, quam assumptionis svavitatem & facilitatem respiciant, i.e. non tam sanitati, quam gustatui, litent, obfirmati in præjudicio, a Medicis assentatoribus ipsis subministrato, majores sub minore dosi quiescere vires. Unde factum, ut in praxi hodierna medicus sedulus aliquando plus curæ impendere urgeatur svavitati, quam sanitati, seu plus cogitet de seligendis remediis gratis, quam proficuis. Neque ambigo, quin, si Galenicorum rigori & ingratoribus paulo medicamentis plus se submitterent nostrates, ut superioribus temporibus fiebat, promptam & grätiosam seu gratam magis ab ingratoribus experturi sint medelam.

CAPUT XXII.

De

Chirurgicis remediis.

Chirurgiæ
efficacia
ac necessi-
tas.

CHirurgiam artem esse, quæ instrumenta certa, morbis curandis necessaria, subministrat, adeoque Medicinæ partem constitutivam, nemo ambigit. Hæc enim est efficax illa ferro & igne armata Medicina, quæ Herculeæ quasi manu ac robore hostes sanitatis quosvis strenue adoritur ac feliciter expugnat, illos quoque, quibus cætera instrumenta seu arma medica minus sufficiebant. Innuat hoc Hippocrates 8. aph. 6. ubi, quæcunque non sanant medica-

men-

menta, ea ferrum sanare, quæ ferrum non sanet, ea ignem sanare, quæ ignis non sanet, ea incurabilia putari oportere, scribit. Quam artis hujus prærogativam effectus ejus adeo evidenter testantur, ut, juxta *Celsum præfat. lib. 7.* cum in morbis multum fortuna conferat, medicamenta & victus regimen sæpe salutaria, sæpe vana, deprehendantur, hinc dubitari possit, secunda valetudo artis, an corporis, beneficio obtigerit: in chirurgiæ tamen administratione evidentius constare, omnem profectum, utut ab aliis aliquando juvetur, hinc plurimum trahere, nonnunquam solitarie dependere; ita ut morborum chirurgicorum totidem speciebus tot operationes manuales speciales, tanquam totidem remedia certissima, opponantur, & ab his rarissime non eveniat aut evenire possit, quod Chirurgus intendit, indicans postulat. Labia vulneris futuris & fasciis adducit & adducta conservat Synthesis; Ossa acetabulis juncturarum emota restituit eadem per taxin manualem ac reposita firmat congrua deligatione. Magis obvia est necessitas ac certitudo Diæreseos, quæ hinc etiam omnium operationum specialiorum amplissima & polychrestita maximopere videtur, adeo ut totam Chirurgiam ferri & ignis nomine complexus fuerit Hippocrates: in aperiendo scilicet abscessu, incidendo vinculo lingvæ latiore, Aretarum perforatione, fistularum incisione, artuum sphacelorum extirpatione &c. ac cæteris cooperationum chirurgiis esse potentiam, maxime evidentem, ex lustratione earum non potest non innotescere; ut proin *valde turpe* pronuncietur ab *Hippocrate de Medico t. 5. non contingere a Chirurgia, quid velis.*

Perinde E. ac nullum membrum seu organum a corpore, cujus pars integralis est, sine hujus mutilatione ac deturbatione avellitur, & aliarum artium instrumenta ab iis non, nisi inepte separantur: ita Chirurgia a Medicina & Medico ne conceptu quidem secerni valet, & Medicum verum seu perfectum se gerere minime poterit, qui integram curandorum humani corporis morborum cognitionem sibi non acquisiverit, hinc chirurgiæ peritia juxta alias artis partes, non fuerit instructus.

Et primis quidem Medicinæ Statoribus ac Professoribus Chirurgiam & Jatriam fuisse indivulsas, antiquitatis monumenta perhibent

Chirurgia
a Medici-
na non se-
paranda.

Eam co-
luerunt &
exercue-

tunt Medi-
corum
Principes.

bent, ut Æsculapium etiam *Χειρουργικὸν* *Apollodorus* 3. de *Deorum origi-*
ne appellet, Hippocratem utramque coluisse atque exercuisse, Gale-
num Romæ venam incidisse, vulnera gladiatorum deligasse, fractu-
ras coaptasse, utriusque *Commentaria* loquuntur, imo posterior, si in
Asia diutius mansisset, ossa calvariæ fractæ se terebraturum fuisse, 6.
meth. med. cap. ult. referat. Eosdem binos medicorum Principes
chirurgica scripsisse, docent horum Volumina, *Hippocratis* videlicet
de *Officina Medici*, *Medico*, de *dec. ornatu*, de *articulis*, de *fracturis*, de
capitis *vulneribus*, de *fistulis*, de *exsectione fætus* &c. ac *Galen*i in plera-
que hæc scripta *commentarii*, item opuscula de *fasciis*, de *Laqueis*, de
Hirudinibus, de *Cucurbitulis* & *Scarificatione*. Nec defuerunt in com-
binanda *Jatrica* & *Chiriatrica* illorum successores & interpretes, Græ-
ci æque ac Arabes, nempe *P. Ægineta*, *Ætius*, *Amidenus*, *Oribasius*,
Albucaſis, *Avicennas*, & ex Latinis *Aurel. Cornel. Celsus*: quemadmo-
dum proxime antedecanea quoque secula medicos multos aluerunt
Chirurgicos, v. g. *Guidonem de Cauliaco*, *Tagaultium*, *Marianum Sone-*
tum, *Angelum Bologninum*, *Vesalium*, *Fallopium*, *Aquapendentem*, *Jo-*
hannem de Vigo, *Guilhelmum de Saliceto*, *Petrum de Cerlata*, *Julium*
Cæsarem Aurantium, *Johannem Arceum*, *Adrianum Spigelium*, *Viduum*
Vidium, *Stephanum Gourmelianum*, *Botallum*, *Pigrum*, *Peccetium*, *Cur-*
cannum Leonem, *Jacob. Berengarium Carpum*, *Petrum Passerium*, *Job.*
Bapt. Cortesum, *Th. Fienum*, *Paraum*, *Jess. a Jessen*, *Prosperum Alpi-*
num, *Gabrielem Ferrarum*, *M. A. Severinum*, *P. Paawium*, *Sculdetum*,
Barbettum, *Hornium*, *Petrum de Marchettis*, ut alios modernos magis
taceam, qui editis suis Medicinæ pariter ac Chirurgiæ multum pro-
spexerunt, hancque non minus ac illam strenue exercuerunt. Id est,
perinde ac Hippocrates illos Medicos ajebat, qui luxatis, fractis &c.
manu medebantur, ac *Libellos de Medico*, de *Dec. ornatu* & *officina*
Medici, non *Chirurgi*, sed *Medici*, gubernationem ac œconomiam,
secundum quam Medicus officinam instruere debeat, vocat; sic ab
Homero *Chirurgus* *ἰατὴρ καὶ ἐχούρην* dicebatur: seu tunc temporis
Chirurgus a *Medico* non discernebatur, sed unus idemque erant
ambo.

Qua occa-
sione illa a
Medicina

Factum nihilominus postea & quidem primo priscis mox tem-
poribus, ut per conniventiam Medicorum, Medicinæ deseruerit con-
jugi-

jugium Chirurgia, Romanorum inprimis, a quibus ministri, qui il-^{fuerit se-}
 lorum operationibus frequentius adstiterant, ad viliores seu levio-^{parata?}
 res operationes admittebantur, ac propter agrorum multitudinem
 ad quosdam horum ablegabantur, ut vel ex *Galeno de medic. facult.*
secundum loca c. 2. patet, ubi, ex Argigenis sententia vulnerum capi-
 tis leviorum & medico legitimo non opus habentium meminit.
 Qua occasione tandem ministri illi affectus & operationes gravio-
 res etiam aggrediebantur, & per injuriam temporis Medicorum
 directorio se plane subtrahebant, adeoque peculiare doctrinae seu
 artis genus sibi formabant. Donec deinde & hoc ipso nostro tem-
 pore per ignorantiam aut oscitantiam eorundem Medicorum artis
 pars, quæ manu curat, a toto omnimode fuerit avulsa: adeo ut, que-
 rulante *Riolano*, *Chirurgi hodie non ministros amplius se gerant, sed*
nobiscum in rebus medicis sint consultores, morborum denominatores
ac lustrici parentes ipsarumque curarum directores. Medici inter-
 rim, ruditate ejusmodi desidiose pollentes, ut ignorantiam suam
 celent, aut in se pietatem & æquitatem, suum cuique tribuentem,
 fingunt, aut Medicinæ autoritati operationes ejusmodi mechanicas
 superciliose derogare ajunt; hinc omnem affectus manuariam
 operam postulantes, quasi ad se non spectarent, absolute ad barbiton-
 fores mox ablegant, potissimum in nostra Germania, ubi per levita-
 tem illam Clinicorum, Physicorum olim dictorum, præstantissima
 hæc Medicinæ pars illis fuit concedita, perinde ac de Lusitanis suis
 refert *R. a Castro Med. Polit. 2. c. 3.* Quæ imperitia quorundam Me-
 dicorum etiam occasione fuit, cur affectus graviores, a Chirurgis
 tractandi, ad opiliones, carnifices similesque temerarios fuerint de-
 voluti, suasu scilicet & annutu illorum: qui, cum Chirurgorum ru-
 ditatem levare deberent, per imperitiam autem suam non pote-
 rant, eam mox vehementius accusant, & ut agyras ejusmodi adeant,
 suadent; quo nimirum etiam hac ratione suam infirmitatem diffi-
 mulent, præclaro prætextu, sibi cum illis spuris chirurgis consulta-
 re seu collegiare per artis autoritatem ac religionem non licere.
 Imo tertio, ni fallor, ad divortium hoc perpetuandum facit, quod
 multi Commentatorum chirurgicorum artem hanc tractarint in
 concreto, i. e. egerint promiscue de omnibus partium externarum

affectibus, horum non tantum causas & signa, sed curandi quoque rationem, diæticam & pharmaceuticam pariter ac chirurgicam, tradentes, illos affectus chirurgicos appellando, sicque peculiarem ab aliorum morborum therapeia, medendi artem formarint, v. g. *Guido de Cauliaco, Tagaultius, Joh. de Vigo, Petrus de la Cerlata, Vesalius, Lanfrancus, Cortesius, Guilb. de Saliceto, Pigræus, Paræus, Peccecius* & recentiores, si paucos excipias, fere omnes. Qualibus systematis evulgatis non poterat non fieri, quosdam, cœteris medicinæ partibus ac commentariis spretis, Chirurgicorum tantum illorum morborum medelæ se applicuisse, sibi peculiarem a Medicina artem finxisse, seque Chirurgos, cœteros Medicos Physicos, appellasse; reipsa non Chirurgiam solum, sed cœtera quoque medendi instrumenta, rapuisse sibi que vi & clam vendicasse. Quibus denique per temporum injuriam accessit, ut instar opificum & mechanicorum, illiberalium, Chirurgi quoque in consortia se receperint, hæcque a Magistratu legibus & privilegiis certis instructa ac obfirmata fuerint: quibus obstrepere, aut legum contemptus, aut sordities, a vulgo æque ac prudentioribus censetur.

Olim Romæ Medici ministros suos, qui eorum parastatæ quotidiani, & nihil non omnimode ex jugi observatione addidicerant, seu in arte aliquos progressus fecerant, ipsis agris interdum manus admoveere jubebant & minus arduas operas iis committebant, quandoque solos ad ægros ablegabant, ut modo dictum: postmodum vero iidem homines, bonarum literarum ac disciplinarum fundamentalium ignari, ausu temerario, magistrorum suorum ministerio se omnimode subducentes, Chirurgorum nomen, quod Medicorum erat, capiebant & usurpabant, hinc peculiarem ordinem in civitate constituere sibi præsumebant. Quem quidem morem ad Nostrates quoque translatum, ne cavillatoribus obtrectandi ansam subministrem, ambiguum reddere nolo, multo minus amanuensium horum ministerium arti & nobis derogare: derogare tamen utrique ineptissime ac inique videntur, qui hoc proterve a servis tentatum & a Præfectis oscitanter concessum inter Medicinam ac Chirurgiam divortium admittunt ac propugnant, omnem per manuum usum medendi rationem illis concedunt, huicque se omnimode abdicantes

tes & subtrahentes, quod Medici Hippocratici ac genuini haud est. Utuntur famulatio chirurgorum medici, inquit Lauremberg. *Portic. Æscul. c. 9. interim oportet eos, si viri esse volunt, non nescire easdem illas operas, sed in iis oppido esse versatos, ut, quando usus postulat, aut res, solertes se dare queant.*

Quippe ars hæc, postquam a Medicina separata, penes nostra-Chirurgia res pariter, ac superiorum temporum, mere videtur empirica seu ^{a Medici-} omni recta ratione destituta, quatenus nulli, aut paucissimi, hujus ^{ca avulsa} alumni eam ejusque doctrinam, ea qua decet, methodo, seu per in-^{mare est} empirica. stitutionem dogmaticam, addiscunt, sed per merum fere tantum annorum terminum eorum ad praxin chirurgicam exercendam commensuratur aptitudo, & quidem, quod pessimum, annuente magistratu: aut per meram tantum & erroneam satis experientiam, ac sine ullis præviis præceptis, aliquam, insufficientem tamen, sibi acquirunt peritiam, seu potius empiriam. Ipse magister siquidem scholarem, qui formationi suæ se mancipat, principiis artis dogmaticis destitutus, methodice erudire nequit, ipse ignorans, quæ nosse conveniebat: Neque, si tantum doctrinæ uni vel alteri eorum concederem, ullus tyronem suum rite informat, præcepta videlicet artis huic recensendo, explicando & applicando; sed misero huic sufficiat ministeriis ac servitiis domesticis similibusque in ædibus tonsoris, sub certo contractu, vacare. Obtestor Germaniæ nostræ Chirurgo, edisserant, an aliter unquam suos docuerint, aut ipsimet aliter edocti ac arte aptius innutriti fuerint: & annon *Conringius* in *præfat. ad Fieni chirurg.* vere scripserit, eos, qui chirurgiam hodie exercent, ut plurimum nulla reliquarum artis partium peritia, nulla doctrina elegantiore, instructos existere. *Et quomodo sciant, scribit Freitagius noct. med. c. 13. quod non didicerunt, & ubi didicissent? in tonsrina: quis ibi chirurgia, ut artis, & rationalium præceptorum Professor? numquid stupor, ignorantia & barbaries? Qui per biennium tonsrinæ famulus extitit, & radere, scarificare, venam rustici tundere, (raro) ceram, thus & terebintbinam miscere didicit, accipit a Magistro suo Rescriptum, quod artem didicerit justoque tempore absolverit sub illo, qui nec hanc, nec literas ipsas norit.* Hucusque fabulæ Actus primus. Biennio seu triennio hoc disciplinari transacto

relinquit artis alumnus rudior tonstrinam, in qua nihil, quod ad artem facit, vel vidit, vel audivit, excurrit ad civitates atque provincias exteras, hoc præcipue curæ habens, ut tonsura concinniore tantum sibi comparet, quantum pro sui sustentatione & jure magisterii ac officina tonsoria aliquando acquirenda sibi necessarium videtur. Contingit interim, ut, si quando per menses aliquot in alia taberna commoretur, non adeo multi forte præfecto ejus adducantur ægri, quorum medelæ quamvis adstet, vel ministretur, nunquam tamen cruda hæc avtopsia ipsi sufficere potest pro habitu intellectuali eidem formando. Magisterium post annorum aliquot decursum & multas hinc inde factas vanas excursions, petit, quod capere nequit, nisi postquam officinam vel argento, vel prædecessoris morte viduæve relictæ affectu, sibi compararit, nunquam vero, si taberna fuerit instructus, ipsi denegatur &c. &c. Non increpo sociorum ejusmodi ignorantiam, sed doleo tantum eorum fatum, quod in Rebus publicis optime constitutis ejusmodi hominibus artem, cujus tanta in humana vita est necessitas, rite addiscendi adæquata denegetur occasio, postuletur nihilominus penes hos ejusdem doctrina seu peritia, meo judicio, iniquissime.

E. rationa-
lis chirur-
gia a Me-
dicis exco-
lenda.

Medici proin, si Chirurgiam colere negligant, injurii sunt in artem suam, instrumentum efficacissimum ab hac separando, eaque ratione generi humano quam evidentissime præjudicant. Quippe, notante *Conringio l. a.* ex quo omnis illa manus opera medicis justominus capit perspicui, factum, ut hi, instrumento illo destituti, morborum vim sæpe ad desperationem usque augescere permiserint, quibus chirurgia non denegasset medelam, si a Medico perito fuerit administrata; inprimis in tali occasione, ubi Chirurgorum imperitia, hincque nata hæsitantia, desperatos linquit ægros: quemadmodum pariter Chirurgos imperitiores aliquando incongrue satis morbis manum admoveere, res ipsa loquitur. Et *Berengarius de fract. cran. c. 13.* ubi rationes exponit, cur nec levissima calvariæ læsio suspicione careat, fieri, inter alia, hoc ait, propter operadores hujus temporis minus habiles, seu quod rari sint boni Chirurgi aut Physici. Paucis, Chirurgus aut merus est operator seu empiricus, hinc nihil sine Medico agat, perinde ac nec Pharmacopæo sine Medici præscriptio-

scriptione pharmacum porrigere conceditur: aut artifex simul, iudicans per indicationes & præcepta dogmatica de operationum manualium exigentia & administratione; quod præstare nequit, nisi fundamentis totius artis medicæ probe fuerit instructus. Posterius quia in nostris chirurgis vix reperitur, nec ratiocinandi scientia pollet, Medico directore opus habent, ad minimum qui, quando, ubi & quomodo operandum, illos admoneat. Sc. quamvis forsan, ut manum operi admoveat, haud semper opus videatur, ipsi tamen, dum valetudinis cura committitur, ut operationes exacte calleat, requiritur; si quidem suo, id est medici perfecti, qui triplici instrumento pollet, satisfacere velit officio: adeoque non minus, ac medicamenta præscribit, illorum præparationem dirigit, modum ac tempus utendi moderatur &c. manualia etiam hæc præsidia jubere, dirigere & in casibus necessitatis (quales in nostra Germania, ob dictam Chirurgorum trivialium ignorantiam frequentes) administrare debet, quo spem ægrorum de se conceptam undique tueatur.

Pro Medico-Chirurgo (non Chirurgo a Medico distincto) Ita egerunt
 formando suos conscripsit libellos *Hippocrates* superius recensitos, ^{veteres}
 Medicis pariter suos liquit commentarios *Galenus*, *Celsus* & horum ^{Medici.}
 successores: Medicorum E. erit, quæ in his legunt, nosse & data occasione vel imperando, vel operando, exercere. *Avenzoar* equidem, *non est*, scribit, *medici honorati manibus operari, sed suis ministris officio relicto, medicina & cibo agrotantibus auxilio esse debet*: cui cum aliis assentiri videtur *C. Hofmannus Inst. l. 5. c. 58.* dum initiando se huc, ut *peragantur* quid moliatur, demittere dissuadet. Verum eo ipso, dum partem hanc medicinæ Podalirium, Machaonem, Hippocratem, Galenum, Celsum aliosque infinitos magnæ existimationis Medicos non modo exacte coluisse, sed cum summa laude exercuisse, constat, iidem Medicinæ Antistites sua filiis artis reliquerunt scripta chirurgica medicis combinata & concatenata, imo manum crebro admoveere eos hinc inde jubent; in Gallia, Hispania, Italia &c. etiamnum Medici dogmatici Chirurgiam profitentur atque feliciter exercent: pari decoro & autoritate a nobis & nostratibus excoli potest ac debet. Et errore atque abusu valde culpabili nobilissima hæc Medicinæ pars per totam fere Germaniam barbitonsoribus & balneatoribus con-

credita deprehenditur, eamque callere dedignantur Medici, aut desidioſi, aut delicatuli nimis : qui nihilominus, diſſerente *Berengario l. a. ut pecunias extorqueant* (emulgeant,) *prædicant, ſe hanc artem ſcire quidem, puſſillanimes autem eſſe in operando ; ut tamen lucri participes ſiant,* (partem de tunica rapiant) *ſecum ducunt chirurgum : & ita cæcus cæcum ducit, & ambo in foveam cadunt &c.* Ac paulo poſt : *Equidem credo, multos de prædictis Medicis operaturos, ſi ſcirent modum operandi ; ſed potiſſima cauſa, ob quam non operantur, eſt, quia nesciunt operari.*

Non obſtat

Hippocratis
inſerdictum de
non ſecando
calculo.

Alii ſuam in rebus manuariis inſcitiam infucare contendunt illiſ *Hippocratis Juramenti* verbis : *Neque vero calculo laborantes ſecabo, ſed viris chirurgiæ operariis ejus rei faciendæ locum dabo :* aſt neque hoc omnem chirurgiæ cultum Medico, nec cunctis Medicis Lithotomiæ adminiſtrationem, prohibet. Quæ honeſtatis & pietatis momenta in jure-jurando hoc continentur, ad ea ſervanda per conſcientiam ac religionem obligamur, v. g. nos, qui artem hanc nos edocuit, parentis loco habituros, qui ex eo nati, hos eam abſque mercede & pacto edoctruros, medelam penes ægros rite & ſedulo adminiſtratos, nullum poculum abortivum propinatos, taciturnos nos ſemper præſtituros, & quæ hujus generis : Calculi autem extractionem, quod Hippocrates eam abjurarit, cur, qui operationis hujus peritus, Medicus detrectet, rem honeſtam, & operariis minus peritis conſeſſam, non video. Si vera ſunt, quæ *P. Laurembergius Port. Æſculap. c. 9.* perhibet, quaſi in Coorum republica privilegio ſingulari conſtituti fuerint Medicorum quidam exautorati miniſtri, ut calculoſos ſecando quærerent victum, atque hoc quidem conſcientibus & conſentientibus ſeu indulgentibus eorum Magiſtris Medicis, ad quos proprio jure manuales alioquin pertinebant ; res hæc pacti eſt ſpecialis : quantum ego tamen judico, alios Medicos non ita obligat, quin repetundarum pro lubitu inſimulare queant ejuſmodi operarios proletarios, aut ad minimum jure ſuo priſtino uti. Vel, poſito, hanc unam operationem a Chirurgia & Medicina per Juramentum Hippocratis ſequeſtrari, ideo tamen non reliqua ſeu tota ars manuaria a Medico & Medicina erit ſequeſtranda ; quodcunque demum moverit illum ad lithotomiam detrectandam : poſtquam
codem

eodem in loco ejusdem jurisjurandi delati totius artis, quæ Chirurgiam complectitur, discipulos suos se participes facturum, pollicitus fuerat. De cœtero in hoc ipso juramento illos tantum artem medicam se edoctrum pollicetur, qui scripto caverint & jurejurando ipsi additi fuerint, alios vero præter hos nullos: quale quid tamen non obstante hoc jurejurando, in desuetudinem abiit, ac religio dissuadet.

Haud apparet, cur operationem hanc arduam abjurent Medici, qui perinde, ac alii sibi ejus peritiam acquirere poterant, & quidem eo promptius, quod ex anatomicis non levia adminicula ipsis suppetant: adeo ut, quamvis ævo Hippocratis chirurgia hæc medicis terrori, agris exitio magis fuerit, & vel ob hanc causam, seu quod in ea se forsan minus exercitatum ex opinione *Botalli* noverit, ille huic prudenter & religiose se abdixerit, nunc nihilominus commodius operari liceat anatomicis experimentis plenius instructis. Exemplo sit modus Lithotomiæ Franconicæ, quem summi apparatus ajunt, cujus *Petrus Francus* primus inventor, quem ex hoc *Hildanus de Lithot. vesic. c. 17.* recenset, *Rousettus de partu casar. f. 3. c. 6. & 7.* præ duobus ordinariis modis commendat, ac *Tolet. de la Lithotom. chap. 3.* a Bonetto quodam bis feliciter administratum perhibet. Secundum quem in inguine alterutro adornatur sectio, ibique perforatur vesicæ fundus, ut per aperturam hanc inguinalem protrahatur tortor calculus. Rationem hanc operandi se semel tantum suscepisse nominatus *Francus c. 33.* tradit, & quidem stolidè seu temerarie, quamvis feliciter, ideoque haud imitandum suadet: suspectum pariter eam reddit *Hildanus l. a.* inprimis quod substantia vesicæ membranosa difficulter consolidetur, ac per ejus vulnus lotium ad cavum abdominis profundatur. Memini etiam, me cum uno alterove nostrorum Circumforaneorum de hoc negotio olim sermonem habuisse, quibus nihil omnimode de eo innotescebat, & an ita operari liceat, qui nec affirmare, nec negare, audebant. Difficultatem vero hanc promptissime solvit Medicus, anatomes leviter gnarus, cujus autopsia evincit, intra duplicaturam Peritonæi recondi vesicæ corpus, hinc sine ulla interaneorum cœterorum læsione incidì posse; & quia interveniente hac duplicatura musculus abdominis humanis (secus ac in brutis) connatum, nullum metuendum ex ejus plaga urinæ
ad

Nec jure
interdici-
tur Litho-
tomia Me-
dicis.

ad abdomen profluvium, nec adeo difficulter hanc, carnositatis illorum intermedia beneficio consolidari posse, ut alias declaravi. Cui accedit experientia duplex, qualem de *Bonetto* testatur *Teletus*: admirari interim & sequi jubemur sinceritatem Hippocratis, qui se calculi extractionem non aggressurum adeo sancte promittebat, minus in eadem forte peritus.

Ultinam commemores forent hujus modestiæ illi Medici, qui chirurgicæ scientiæ expertes de manuariis nihilominus præsidis adversus Chirugos vulgares fallaci æque ac superciliosa disceptatione, loqui contendunt: postquam impudentia improba est, alieno damno aliis persuadere, se hoc scire, quod ignorare probe scit; silere potius in ejusmodi casibus prudentius ac pium magis foret, simul tamen pudere medicum nescire, quæ scitu necessaria. Quemadmodum admittere haud dubito Chirugos tonsores pro peritia sua, & cum his mutuum consilium inire: ac sorditiem, avaritiam simileve olet in Medico, si, quæ a Chirurgo perite fieri novit, ipsemet suscipiat, aut persuos, minoris peritiæ, peragi faciat, v. g. Venæsectionem, dentium eductionem, fonticuli inustionem, enematis injectionem & quæ plura hujus generis absurda molimina.

In Chirurgia vulgari duo inprimis offendo, quæ castigatione ac emendatione opus habent, Instrumentorum apparatus, modo incongruum, modo superfluum: & operationum nonnullarum ineptitudinem pariter atque incertitudinem. In officinis equidem plerisque nostrorum tonsores curtam cernere datur supellectilem machinarum ejusmodi, si illas communiores, cunctis casibus & ubique necessarias, quasque in pharetris seu thecis suis circumferunt, excipias: quamvis etiam has v. g. forficem, Volsellam, usu & rubigine interdum satis attritas. Aut si quædam instrumenta majoris apparatus & non adeo quotidianæ administrationis in veterum quorundam gazophylaciis reperiamus hæreditaria, manca, obsoleta, rubigine exesa vetustateve corrupta & ad usum minus, quam ad ostentationem, comparata sunt: adeo ut, si vel levissimam operationem administrare contingat, instrumenta deficient appropriata, ex duabus vel pluribus tonsionis conquirenda v. g. catheter, Elevatorium &c.; cum nihilominus Chirurgum prudentem semper instructum esse deceat

Instrumentorum
in officinis
chirurgicis
defectus &
ineptitudo.

deceat instrumentis varii generis & usus, propter occasionem præcipientem & quo pro casuum obvenientium varietate ubicunque & opportune queat operari, dum juxta *Hippocr. de dec. orn. in his penuria detrimetosa est, & artem mancā facit.* Et secundum *Abucasin 2. meth. c. 67. non despicias ullum instrumentum, quin sint omnia apud te preparata: inexcusabilis est enim, qui hanc artem profitetur, & non habet in promptu, quæ ad hanc requiruntur.* Imo propter casuum emergentium infinitam disparitatem aliquando extemporaneæ & novæ parandæ sunt machinæ, malo forte nunquam viso appropriatæ.

De ineptitudine seu defectu instrumentorum congruorum conqueritur *Hildanus epist. 26. ad Griffonium exarata*, his verbis: *Nihil, ut scis, magis fere desideratur in operationibus chirurgicis, quam inventiones optimorum instrumentorum, quibus non raro operationes, quantumvis difficillimæ, facillimæ efficiuntur.* Et si fateri malimus quod res est, diversa eorum penes *J. A. Cruce, Ferraram, Pareum, Aquapendentem* aliosque delineata vel fabrefacta oculis usurpamus, quorum structuras ministeriis, quibus dicata, minus congruere, inter operandum deprehendimus: ut de nonnullis horum asserere, haud verear, nunquam forsan ab inventoribus suis ea in usum fuisse tracta, & speculationum potius figmenta, quam praxeos producta, esse, quæ operationem magis turbent, quam juvent, quod quibusdam declarabo exemplis.

De Terebris seu Trepanis calvariæ dicere auspicabor, iis nempe, quæ a celebrioribus Scriptoribus fuerunt commendata, diversæ fabricæ. Horum *Celsus* duo notat, fabrorum unum, lignariorum, alterum, utrumque vel transverso fuste aut ferramento, vel Zona simplici, vel arcu, vel manubrio &c. agendum, ut ex *Vido Vidio in Hipp. de vuln. cap. ac Paaw. in Hipp. de vuln. cap.* cernere licet: minus tamen aptum, quod, si latius vitium fuerit, aut præter fluidum extravasatum fragmenta ossis eximenda, adeoque latiore opus apertura, una seu exilior eorum foratio non sufficiat, pro pluribus autem foraminibus parandis pluries instrumenta hæc sint admovenda, ac demum insuper nihilominus per scalpra excisoria, malleolo adigenda, os foraminibus intermedium excindendum postuletur.

Trepanorum vulgarium ineptitudo.

Quales sane multifarii impetus operationem tardiolem, simul autem strepitus præstant ægro molestos ac cerebrum plus minus commoventes. Rasoria seu in imo sui semicircularata ac pomiformia, qualia *Vidus Vidius l. a. p. 122. lit. a. J. A. a Cruce chirurg. p. 655. & Botall. de vuln. sclop. §. 9.* delineant, indulgerem, modo firmum & perpetuum observarent forationis punctum, nec adeo facile hinc inde fluctuarent: nisi in extremitate sui subacuta, quale *Botallus* simul, ac *Paræus l. 9. c. 5.* sub nomine trepani exfoliativi seu desquamatorii exhibent, quamvis posterius, quia immersile, non adeo quadrare videatur. Nec Tridentis terebræ usus tantus est, quantum *Vidius l. a. & A. Cruce p. 656.* putant; nec bidentis ac circiniformis, qualem idem *a Cruce l. a. & Paræus l. a. c. 18.* deprædicant, ob difficultates a *Botallo l. a.* contra has motas: quarum nonnullas, quamvis aliquatenus temperare contendant ejusdem Scriptoris additamenta, non omnestamen, inprimis exscindendi torporem seu tarditatem, tollant. Pariter ad operandum minus apta est terebra in pomum, quasi striatum desinens *Vidii l. a. l. c.* seu cujus extremitas semiglobosa instar limæ crenata aut incisa cernitur, a *Ferrara & Cruce* etiam depicta: omnino vana vel maxime laboriosa expertis. Cuncta E. hæc trepana excedit, quod modiololo ferrato gaudet, abaptistum tamen seu non submersile est: atque hoc quidem non, quod circulo remotorio fixo, juxta schema *a Cruce p. 659. Ferrare l. 2. fig. 19. & Paræi in Celsi de re medic. l. 8. c. 3.* nec capitio mobili, ad mentem *Paræi l. 9. c. 18.* munitum; neque circulum habens, qui vel spira, vel simili machina sursum deorsumque fertur, juxta *a Cruce p. 660. 661.* ac *Ferraram obs. 19.* Si quippe obex hic fixus extiterit, instrumentum non omni Calvariæ crassitie respondet: sin quocunque modo mobilis, illud periculo vix expers simulque tædiosum erit, quatenus sub fine operis singulis fere circumductionibus remoram hanc modo attollere, modo deprimere, jubemur, ipsius interim modioli exscindentis ingressum adeo accurate observare non possumus, impediti ab eadem. Neq; modioli instructi alis, sive duabus, secundum *Ferraram fig. 19.* sive quatuor, innuente *a Cruce p. 659. & ab Aquapend. p. 201.* quibus ejus profundior submersio & membranas lacerandi periculum evitetur, fabrica adeo congrua: utpote quæ ad imas instru-

instrumenti serrati oras angustiores, sursum latiores valde sunt; ita ut, quamvis leviter simul radant, propter latescentiam nihilominus suam, tardiorē ac difficiliorem reddant forationem. Ast ipsam manum operi admoventi pateſcet, nec aptiorem, nec tutiorem, modiolum excogitari potuisse, vel posse, quam quem *Botallus* a se inventum ac fabrefactum delineat, a *Berengario* tamen ante illum subministratum, ac qui penes omnes nunc in usu est spiculatus seu striatus, vel pluribus angustioribus alis instructus, quique in superna sui parte latior, in inferna angustior, existit, facile hinc non ferando tantum os excindit, sed limbum quoque foraminis lævigat ac aliquantum ampliat, præterea nec adeo facile sponte profundius dilabi aut imprimi potest, scobs vero inter perforandum commodè foras projicitur.

Ratione manubrii seu vertibuli aut verticuli, ad circumagen-^{Horumque} dam machinam necessarij, nec omnis hujus fabrica, ab Autoribus^{manubrio-} suppeditata, æque commoda videtur. Scilicet non illa, ubi modiolium^{tum.} superiori parti globus adaptatus, vel manubrium, sive ligneum, sive ferreum, transversim infixum, ut in vulgaribus terebris observamus, & penes *Vidium* p. 120. a *Cruce* p. 654. *Paræum* l. 9. c. 17. & *Aquapendentem* p. 201. videre licet: cum instrumentum hac ratione non adeo promptè atq; æqualiter circumferri queat, lassetur etiam brevi in ejus circumductione manus forantis. *Aquapendens* equidem hunc mechanisimum cæteris antepōnit, quasi sine notabili strepitu & horrore agat: in quo quidem ipsi annuendum, si ad terebras vel habena simplici, vel per arcum aut transversarium, circumducendas, respiciamus, prout a *Vidio* p. 118. & 119. a *Cruce* p. 652. ac 653. deformantur; quod si vero machina hæc cum vertibulo ab eodem a *Cruce* p. 657. & 658. item a *Paræo*, *Ferrara*, *Botallo* & *Berengario* delineato, conferatur, merito huic postponitur, ob rationem dictam; seu quod per hoc facilius & circumspectius longe agere liceat, sive pila ejus superior volvatur, sive prematur, secundum disparitatem, quam a *Cruce* innuit. Neque ab hoc metuendæ sunt, quas in vertibulis ejusmodi vitandas monet ab *Aquapendente*, gravitas ac vastitas, cum utrumque satis commodè moderare possimus: nec strepitus, quem timet ab hoc manubrio idem, tantus & adeo molestus est, quantum ac quem ipse modiolus inter excindendum præstat.

Cataractæ
recidiva
contingit.

Cataractæ chirurgia duplici de causa minus fida deprehenditur, vel quod post detractiōem prioris pelliculæ interdum brevi tardiusve nova generetur & pristinam molestiam pariat; vel quod ipsa deposita post plures paucioresve dies, inprimis si adhuc imperfectior & levior extiterit, aut non rite depressa fuerit, vel etiam omnibus lege artis peractis, facili occasione & capitis motu, denuo elevetur. Quælis posterior recidiva, dum hæc suffusionis materia extra oculi bal-

Quis extra-
hi pellicu-
la nequit.

bum non educitur, cum frequentius metuenda fuerit, solertiora Chirurgorum ingenia, in ejusmodi mediis ac instrumentis invenientis allaborarunt, quibus pelliculam obtenebrantem non tantum di-

Propter
instrumen-
torum de-
fectum seu
ineptitudi-
nem.

moveant, sed omnimode protrahant: inter quæ a *Burrho in epist. ad Bartholin. de artif. ocul. humor. restit.* refertur acus cannulata, a *Rocho Matthiolo*, Chirurgus Italo, excogitata, qua oculum perforare, simulque suctu provocare conabatur derafam cataractam. Quod nihilominus instrumentum cum propter orificiî angustiam, membranæ exfugendæ spissitudini minus adæquatam, artificis solertiam, atque intentionem moraretur, idem *Burrhus* operationi perficiendæ minus congruum judicabat, emendare proin satagabat hoc modo. Jubebat nimirum tubulo huic perforanti intrudere subtilissima aliquot auri textilis filamenta, in modum tenuis penicilli sibi coaptata, quæ immissa ad medium orbitæ fistula punctoriâ, a manubrio, manu operatoris circumactis & impressis, per aperturam extremitatis acus protrusa expandantur: quibus mediantibus suffusio deterfa seu derafa & implicata ad tubulum retrahenda, & cum hoc ex oculo educenda foret, secundum manuductionem a *Lamswerde in append. ad Scult. tab. 14. & pag. 79.* traditam. Ast quod de angustia orificiî acus cannulatæ metuit *Burrhus*, quasi exfugendæ seu protrahendæ pelliculæ sit minus adæquata, idem inventioni ejusdem videtur obstare: cum quod exilius ostiolum pelliculæ soli introitum denegat, huic etiam & penicillo simul, ex filamentis metallicis, quamvis subtilissimis, formato, transitum intercludat. Ut taceam, nec hoc instrumentum ab uno homine commode tractari posse, quatenus dum dextra manu penicillus circumvolvitur & dirigitur, sinistra ad firmiter atque in æquilibrio tenendam acum non sufficit: ut probabile fiat, nec hanc speculationem unquam cum successu usui fuisse datam.

Ejus-

Ejusdem indolis judico acum forcipiformem, quam ante biennium circiter Operator quidam circumforaneus mihi monstrabat, affabre satis formatam, & qua ad oculum, suffusione vitiatum, detrusa, hinc leviter dilatata eam a tunica oculi separatam comprehendere & educere promittebat. Ipsemet operator hujus machinæ experientiam testari non poterat, vereor etiam, ne sub operatione & forcipellæ dilatatione oculi tunica annata seu cornea plus justo tendatur ac laceretur: proin nec hanc commendare, mihi præsumo.

De Speculo Oris majore seu dilatatorio duplici, cujus unum *Scultetus t. 11.* alterum *t. 12.* delineat, utriusque applicationem & usum *tab. 32. fig. 7. & 9.* tradit, posterioris fabricam *Paræo* in acceptis ^{Speculi oris fabrica minus apta.} refert, monendum duco, primo, hoc a *Paræi* machina *l. 8. c. 9.* depicta quam evidentissime discrepare, ut autopsia docet. Deinde, si usum spectemus, musculis, vel ab inflammatione similive tumore, vel a spasmo contractis, hæc dilatatoria minime quadrare: quod per violentiam eorum dilatativam dolor atrocior concitetur, hinc convulsio aut producet, aut præsens exacerbetur. Porro quod a speculis his expectatur, commodum in conspiciendis ac dignoscendis faucium vitiis, hisque commodius applicandis tam instrumentis, quam medicamentis, *Paræi* & *Sculteti* posteriorem machinam vix concedere, utpote quæ quidem os dilatant, apparatu suo tamen simul impediunt, quominus vel oculus, vel instrumenta operantis, libere & commode ad interiora ejus penetrare queant: adeoque his casibus speculum *Sculteti t. 11. fig. 6.* delineatum tantum inserviet. Qui vero vel furiosis, vel spasmo affectis, intervenientibus machinis his alimenta ingerere contendunt, non parum hallucinantur, quod nec convulsi, nec quibus os machina distractum est, deglutire valeant faucibus intrusa, ob organorum deglutioni ministrantium impeditum motum.

De Uteri Speculo seu Dioptra notetur, non tam utero, quam ^{Speculi uterini usus incongruus.} vaginæ hujus dilatandæ, hoc instrumentum ministrari, pro ulceribus similibusque illius affectibus dignoscendis: multo minus ad foetus educationem illud aliquid conferre, quæ Medicorum & muliercularum imperitiorum olim erat traditio; & in hoc casu instrumentorum omnium, quæ Chirurgia unquam vidit, ineptissimum erit pro-

nuncian-

nunciandum. Ac mirari non satis possum *Barbettum* quando *chir. part. 1. c. 23.* per instrumenta, quibusdam obstetricibus familiaria, angustias genitalium, partum morantes, expandi posse tradit: dum lamina Dioptræ explicata, quantum vias has dilatarunt, tantum mole sua easdem angustant, adeoque manibus obstetricibus aliisque instrumentis aditum, foetui vero egressum, intercludunt; ut doloris taceam intensissimi, sine quo huiusque symptomatum v.g. spasmodorum, metu instrumentum hoc adplicari nequit. Refero huc foetus capitis extractoriam machinam, quam gryphios pedes ajunt, & ab a *Cruce p. 691. Baubino app. ad Rouffet. p. 371. ac Paræo l. 23. c. 26.* delineatam: cujus ineptitudinem *Roonbrysen part. 1. obs. chir.* & ipse machinæ apparatus inconcinnus innuunt.

It. pedum
gryphio-
rum.

Cauterii
cultellaris
nullus
usus.

Ignis vim rarefactoriam & ferrum quoque expansivam ignorant, qui Cauterium cultellare in mammae cancrose extirpatione cum *H. F. ab Aquapendente & Jessenio a Jessen* commendant: quippe ignitione ferramentum etiam acutissimum ad hebetudinem usque evidentem incrassescit; a sanguine vero, sub primo mox ferramenti contactu promanante, extinguitur ejusdem fervor, ut nec hac ratione profundius agat, dolor interim ac ferocia canceri exasperentur. Quod eo confidentius assero, dum ipsemet *Aquapendens*, se tale quid nunquam molitum fuisse perhibet: *Jessenius* autem ex nomine Præceptoris gloriam sibi nuncupare contendit, penes hunc qui non operationem ipsam, sed instrumentum tantum, quod viderit. Par erit ratio cornu vel ligni, acie instructi, aut monetæ argenteæ, quibus, *Aquæforti* frequentius intinctis, mammillæ extirpandæ basin & circuitum erodere idem *Aquapendens* molitur: dolorifica maxime, exasperativa, tardissima vel tantum non inefficax erit hæc chirurgia, sectione intra tria vel quatuor momenta quæ peragi poterat.

Nec cornu
similive
acie instru-
cti instru-
menti cor-
rosivo im-
buti.

Flexilium
cathete-
rum haud
tanta uti-
litas.

Suspecti valde a nonnullis redduntur catheteres ordinarii, calculo vesicæ explorando & urinæ educendæ destinati, quod minus flexiles, hinc rigiditate sua multum molestiæ inferentes, v.g. *ab H. F. ab Aquapendente, de calculi extractione. Panarolo 2. obs. 20. Helmontio de lithiosi c. 7. Mœnichen obs. 17. & Pechlino 1. observ. 1.* ita ut tantos dicantur concitare dolores, ut quosvis cruciatus potius, imo mor-

tem,

tem, subire malint experti, quam administrationem hujus instrumenti denuo admittere. Unde factum, ut de flexilibus & mollioribus cogitaverint, v.g. *Aquapendens* stylum seu fistulam ex cornu, stylum argenteum, *Helmontius* tubulum ex aluta seu corio tenuiore paratum & stylo ex balenæ mandibulo flexili instructum; alii cum eodem *Aquapendente* candelas cereas adhibent, quas intertextis fibris offis balenæ fistulosas reddere licet. Ex lamina argentea spiraliter sibi circumvoluta catheteres flexiles parat concinnos Chirurgus recentior Belga, *Solingen*, ut ex ejus tract. *de operat. chirurg. l. 3. c. 7. & tab. 5.* videre est; Sed cornea fistula ac stylus flexiles non sunt, nisi in humido semper asserventur, neque hi sine dolore agere videntur, quo tenuiores & acuminati magis, parietes partium hinc inde lacerantes, nec cervicem vesicæ constrictam adeo prompte subeuntes, quod de stylo metallico pariter metuendum; ita ut ipsemet *Aquapendens* de eorum aptitudine dubitet: de candelæ autem ac fistulæ corneæ argenteæ flexilium vi explorativa calculi ambigere jubet ipsamet hæc flexibilitas atque mollities. Per consequens, quamvis urinæ educendæ machinæ ejusmodi inserviant, (neque hoc, si calculus meatui duriter impactus hæreat;) indagando tamen huic, vesicæ inexistenti, minus videntur adæquatæ, & in his casibus communi cathetere operandum erit, modo a Chirurgo perito hoc fiat: cum dolorificam equidem semper, nunquam tamen intolerabilem omnino, ejus administrationem observarim.

Sinubus ac fistulis profundioribus incidendis atque detergendis forfices idoneæ haud suppetebant hætenus, donec modernorum quorundam dexteritas incurvatas exhibuerit, easque duplicis generis: scilicet ut modo capula tantum, modo crura seu laminæ incidentes ipsæ, instar cultri falcati, recurventur & usui dicto accommodentur. Globulorum sclopeto elisorum extractionem qui docent, diversæ figuræ hunc in finem commendant machinas, haud tamen singulas æque aptas. Harum prima videtur Alphonsina communiter a suo inventore, *Alphonso Ferrio*, appellata, ab eodem 2. *de vuln. sclopetor. c. 3.* nomine rostri corvini descripta, & a *Sculteto tab. 15. fig. 1. 2.* quadrant ac 3. delineata, quæ forcipis dentatæ genus est: a Chirurgis sequentium temporum, v.g. *Maggio de vuln. sclop. p. 40.* *Botallo de vuln. sclop.*

Sinubus
incidendis
hætenus
minus idoneæ suppetunt forfices.
Nec sclopetorum globulis extrahendis cuncta instrumenta,

c. 2. & *Hildano cent. 1. obs. 88.* repudiata, quod ubi glans non adeo profunde immissa, minus necessaria sit, ubi vero profundius hæreat illa, sine dilaratione sui agere nequeat instrumentum hoc, hinc vulnus angustet, partesque laceras sensiles premat ac lædat. Alterum ex cannula & terebello conflatum instrumentum penes *Maggium de vuln. sclop. Paracum l. 10. c. 4. & Scultet. tab. 16. fig. 6. ac 7.* delineatum cernitur, quod tamen inutilissimum & noxium maxime pariter a *Botallo l. 1. a.* pronunciatur: sine dubio, quod cochlea styli globulo educendo absque notabili carniū subjacentium compressione & dolore infigi nequeat, qualem nihilominus dolorem præter *Celsum 7. c. 5.* omnes prudentiores, quantum possibile, evitare jubent. Quinimo vix sine omni violentia carniū aliisq; partibus mollioribus incumbenti glandi infigi poterit terebellum, dum, quia nihil renitentia in iis reperit illa, huic adacto mox cedit ac hinc inde dilabitur. Et miror, neminem scriptorum, qui hoc instrumentum primæ inventionis, aut ab *Hildano l. 1. a.* emendatum, hætenus commendarunt, difficultatem hanc annotasse, nec ipsum quidem *Hildanum*, qui nihilominus in administratione aliis cautior videri gestiebat, & ne ad latera vacillaret, sed firmitus hæreret globulus, cannula adhuc dentata machinam præstantiorem reddebat. Ipsummet si legissent, quem autorem ejus agnoscunt, *Maggium*, eos latere non posset, haud in quolibet casu, sed tunc demum, ubi ossi incumbit, aut infixus est globulus, hoc instrumentum quadrare. Proin proficuum videtur plures diversi generis in ejusmodi occasionibus paratas habere machinas, ut si una earum in opere præstando deficiat, altera mox sine mora eidem succurrere liceat, neque penuria ægro detrimento-
sa sit.

Terebra
trochlearis
calculo
diffringen-
do non
undique
quadrat.

Circa terebram trochleiformem, quam pro calculis in urethra virili hærentibus, si hinc propter molem majorem non prodeant ac educi queant, in minora frustula confringendis invenit *Paræus l. 16. c. 39.* *Hildanus* itidem de *litbotom. c. 26.* delineat, pariter monendum eam vix tantum utilitatis præstare, quantum quidem communiter sibi persuadent. Quippe aliquando soliditas calculi ejusmodi terebellum haud admittit, ac dum a postica calculi ejusdem parte coles comprimitur, hujus parietibus tenerioribus innixus & ab instrumen-

to terebrante durius impressus calculus non potest non intensum dolorem concitare: ita ut forsan commodius per tenacula dentata, confringatur, aut sine tanta molestia iisdem mediantibus per viam naturalem, vel per exiguam in urethra factam incisionem, educatur. Refero huc suctum, *Aegyptiorum inventum*, quem nonnulli in ejus-
 modi difficultate suadent, *Tulpius v. g. 3. obs. 8.* qui coeteris calculum
 extrahendi modis illum præpollere ait. Super hunc liquidem au-
 dienda erit censura *Hildani l. a.* quod nimirum meatus urinarius mol-
 lior suctu non tam dilatetur, quam confringatur, adeoque lapillus,
 nisi in anteriore forte illius parte hæreat, hac ratione minime educa-
 tur. Addo, si in antica parte seu prope glandem immoretur cal-
 culus, suctum hunc minime locum habere, aut alicujus efficaciam de-
 prehendi.

Præterea in instrumentorum indagine ac formatione non raro Nonnulli-
 curiosiores & liberaliores justo observamus chirurgos, talium scili-
 cet, quorum apparatu supersedere valemus, ac quorum administra-
 tio molesta potius, quam necessaria, existit: unius vel alterius hujus-
 generis meminisse sufficiet. Custos membranæ qui Celso, *Μη-
 νυροφύλαξ* Græcis, appellatur, lamina est argentea, vel ferrea, ali-
 quantum resina, a *Botallo & Sculteto t. 2. fig. 10.* depicta, quæ intra
 cranium & duram matrem demissa, huic & cerebro incumbens im-
 pedit, ne a scalpris, forcipibus ac ferrulis, si forsan horum ope, in
 majoribus calvariæ depressionibus vel fracturis, os pluries perfo-
 randum, factorumque foraminum interstitia instrumentis dictis ex-
 cidenda fuerint, hæc lacerentur. Quali tamen operculo, si manu
 perita excisio hæc fiat, haud opus, nec ejus administratio ubique,
 adeo oportuna deprehenditur; quippe a forcipum ac scalprorum
 operatione nihil omnino de subjacentis panniculi læsione metuen-
 dum, ferrularum vero impetum moderare valet specillum latum,
 quodvis calvariæ aperturæ oblique submissum: adeoque superva-
 canea hac machina non onerandæ chirurgorum thecæ seu prom-
 ptuaria.

Pyosin ac Hypopyon nonnulli distinguunt, forsan ratione lati-
 tudinis seu expansionis majoris minorisve, conveniunt tamen in hoc
 ambo, quod pus seu sanies sub oculi cornea hæreat, quæ, si discuti

non possit, sui eductionem evidentem per diuresin postulat. Hanc olim adornabant Lanceola communi, tantum paulo supra mucronem remora quadam, ne ad motum ægri profundius irrumpat, instructa, facta per circumvolutionem exigui emplastri, aut tantilli terebinthinæ coctæ: imo plerumque sine ejusmodi obice Lanceola simplici operabantur, v. g. *Paræus l. 16. c. 17.* & *Guillemeau des maladies de l'ocil cap. 13.* & quemvis feliciter operaturum, si circumspiceret, agat, confido. Peculiarem nihilominus instrumenti perforantis fabricam *Job van Meekren obs. chir. c. 9.* exhibet, cujus cuspide superimpositus globulus profundior in oculi bulbum immersionem impedit: sed præterquam, quod ab aliis Operatoribus peritis satis rudis & minus idonea pronuncietur ejus structura, & sine eo per lanceolam communem æque commode & absque periculo operari liceat, hæc illius locum tenebit. Si enim ab acu, oculum in cataractæ depositione perforante, nulla facile læsio timenda, quæ tamen ejus bulbo profundius intruditur; nec tale quid metuendum, ubi pus erumpens profunditatem justam innuit.

Pur ex
oculo edu-
cendo vix
adeo com-
modum.
instrumen-
tum mo-
destum.

Paracentesi
abdominis
sufficere
poterit
simplex
lanceola.

Qui Paracentesin abdominis asciticorum formidabant olim, eos inter alia movebat hoc, quod facta apertura vix semper adeo commode obturari & deligari valeat, quin præter nostram intentionem ac voluntatem serum cum sensibili ægri virium dissolutione confertim nimis prorumpat. Solliciti proin erant de ejusmodi instrumentis & operandi modis variis, quibus periculum hoc averterent, inprimis puncturam inflictam eousque munirent, ut non, nisi ad lubitum & ad mensuram seu tolerantiam hydropici serum promanaret. Inter quos *Sanctorius* acum trifecam ferream, cannulæ simili vel argenteæ alatæ immittendam, invenit, quæ ex cannulæ extremitate inferiore prominens abdominis integumenta perforaret, hoc facto retraheretur, cannula vero sola per vulnus immittatur & intus relinqueretur, obturaculo & fascia probe munienda, ne agris quiescentibus plus justo aquæ profundereetur. *Tulpius 4. obs. 43.* penicillum seu operculum, quoddam ligneum, vulneri abdominis obturando & aquis coërcendis adeo conveniens, ut nihil eo commodius inveniri potuerit, cum hoc applicato ne guttula quidem illarum invito proflueret, commendat ac delineat. *Solingen* denique, Chirurgus Hagensis, de operat.

chir.

chir. part. 3. c. 1. cannulam abdomini post perforationem intrusam, sicut Sanctorii quoque, epistomio trochleari occludere prolixis circumstantiis jubet. Verum facile ejusmodi sollicitudine & instrumentorum majorum apparatu nos supersedere posse, experientia convincimur, postquam vel lanceola simplici, vel simili instrumento perforante exiliore incisum fuerit abdomen, vulneri tantum turundam, ex emplastri tantillo convoluta formatam, aut cannulam argenteam exiliorem, immittendo, hanc carbaso obtegendo ac fascia firmando; quali deligatione scopo desiderato satisfieri non dubitandum: imo plumaceolus ex carbaso exilior, modo crassior paulo, emplastro resinoso seu tenaciore cum splenio latiore & fascia firmandus vulnus itidem commode satis occludit. Quod vel illos latere nequit, qui acu cannulata aut *Sanctorii*, aut recentiorum, quam *Blockio* cuidam Amstelodamensi *Barbettus*, *Sylvius*, *van Horne* &c. tribuunt, operati fuerunt: ubi post acum cum cannula extractam, & vulnuscule dicta ratione deligato, parum admodum feri exstillat, donec insequente die vel per eandem aperturam acu cannulata de novo immissa, vel de novo in vicino loco paratam, ejus educationem repetere liceat.

Addo his circa instrumentorum chirurgicorum apparatus ob-
 ringentibus hallucinationibus remedium illud famosum alvi consti-
 pationis, ad Iliacam usque passionem contumacius urgentis, duplex:
 dum pondere vel Mercurii currentis, quem ejus causa ad uncias plu-
 res, nedum libras duas vel tres, deglutiendum exhibent, vel globu-
 lorum plumbeorum pariter devorandorum, foeces obfirmatas extur-
 bare sicque ventrem solvere contendebant. Globulis uti jubet *Za-*
cutus Lusit. 2. prax. admir. c. 34. Helmontius de flat. §. 31. ac Velschius
Hecatost. 2. obs. 33. obs. 5. episagm. 43. Mercurium autem vivum com-
 mendant *Paræus* ex Mariano Sancto *l. 16. c. 58. Epiphanius Ferdinan-*
dus hist. 74. Zacutus Lusit. l. 1. a. obs. 35. Rhodius cent. 2. obs. 80. Mœnichen
obs. 6. & Heer 1. obs. 2. qui hunc globulis illis anteposit. Ast quem-
 admodum utriusque hujus remedii ætiologiam duplicem inprimis
 practici sibi concipiunt, quasi nimirum pondus horum implicita,
 & sibi circumvoluta seu contorta intestina, constipata alvi autores,
 explicet seu ad habitudinem ac situm pristinum reducat, insuper

tamen fœcēs induratas cum aliis obstruentibus exturbet: ita ratione prioris monendum, illam circumvolutionem seu contorsionem intestinorum vix fieri posse ob connexionem, quæ cum mesenterio ipsis intercedit, vixque observari, prout a *Sylvio* aliisque evictum: vel, si etiam talis aliquando eveniat, a ponderosis ejusmodi devoratis, deorsum tendentibus, intestina eadem facilitate magis convolvi ac implicari, quam restitui; imo, cum angustia hæc intestinalis frequentius ab inflammatione, hinc spasmo, contingat, metuendum, eorundem corporum mole & gravitate dolorem ac spasmum intendi. Neque hæc scybala indurata necessario deprimunt, quod convolutio & gyri intestinorum naturales ac per connexionem cum mesenterii limbo emergentes, descensum eorum perpendicularem, morentur, & in parte quadam illorum globuli aut hydrargyrum congesta, hanc ad sacculi latioris formam extendant, sicque sibimet moram parent, sub qua detrudere & expellere educenda minus possunt. Accedit, ratione Mercurii, me eum devoratum aliquoties vidisse per anum iliacorum rejectum, ne tantillo fœcum simul protruso: quod sine dubio fit, dum, quatenus in moleculas minimas se prompte divelli patitur, sub his etiam fœcum compagem, perinde ac corium, per quod depurationis gratia minerale hoc trajicitur, permeat, adeoque renitentiam fœcum vel intestini spasmo angustati haud solvat: ne referam, me in nullo constipatione intestinorum iliaca defuncto fœces induratas, sed mollioris semper consistentiæ, observasse.

Denique hoc remedii genus etiam illud suspectum reddere videtur, quod, cum pro tanta scybalorum, per totidem dies congestorum, mole dimovenda proportionati ponderis exigatur premens seu urgens, quemadmodum argentum vivum ad libram unam alteramve, globulos plumbeos non exiliores & paucos, sed majores, seu, secundum Helmontium, musquetarum, & quo plures, eo certioris effectus, commendant practici nonnulli: superius nihilominus allegatorum Scriptorum unus vel alter, v.g. *Zacutus obs.* 34. triginta tantum pilulas plumbeas, quibus Sclopetarii pro enecandis passeribus utantur, *Vogel-Schroth Velschius hecat.* 2. *obs.* 33. tres tantum globulos, quorum singuli drachnam unam pendebant, & *Epi-*
sagm.

Sagm. 43. hydrargyri Unciam unam cum dimidia, ac *Riverius obs. a Chomel. commun.* 1. Mercurii cum sulphure extincti (qui forsan idem cum modernorum Æthiope minerali) unciam unam, hinc pondus exile nimis, exhibuerint. Ut hinc verosimile fiat, vel a natura medicatrice, vel a cæteris simul admotis præfidiis, salutem his subjectis contigisse: vel, si aliquid egerint hæc corpora mineralia, per modum non prementis seu trudentis, sed heterogeneitatis intestina stimulantis tantum, hoc præstitisse. Per consequens inferendum veniat, ea, si non, juxta *Sydenham.* noxam inferant, certe quod de iis plures jactitant, minus, aut rarius, præstare.

De Instrumentis chirurgicis hæc sufficere puto, non quod præter hos errores alios circa eadem offendere haud liceat, sed quod horum exempla ad aliorum examen occasionem suggerere credam. Hinc inde tamen constare judico, non inutilem Chirurgo fore mechanicam scientiam, per quam non tantum, qualia postulent morbi instrumenta, mox norit, sed quali apparatu mechanico hæc gaudere debeant, vel possint, intelligat; aut, si inventa non undiquaque cum fructu applicari quæant, qua ratione facile corrigenda, sciat. Cujus gratia quoque necessarium erit, materiæ, ex qua formantur, ut exactam notitiam habeat; i. e. ferrum an quadret plus minusve induratum: dum v. g. pro terebris calculum comminuentibus non chalybs, sed ferrum mollius seu tenacius, requiritur, ne a renitentia calculi adeo facile frangantur, pro acu Sanctorii vero, abdomen, hydropicum perforante formanda rigidissimus chalybs laudatur. Ita ut, quamvis Chirurgus non ipsemet cudat aut fabrefaciat suam suppellectilem, dignoscat nihilominus hujus materiam & mechanisimum exactius, adeoque artificem de iis instruere norit.

Quantum v. g. suffusionis Chirurgiam faciliat aut turbet acus decussoria fabrica, textura oculi tenerrima & Operatores peritiores, v. g. *Durandus Scacchus subsid. Medic. & Bartisch Ophthalmodul. p. 65. & 66.* testantur. Ex auro & argento eam communiter parant, vel argenteam, in mucrone ad minimum inaurant, ex chalybe vero confectam maxime dissuadent allegati Scriptores: *Parvus* contra *lib. 16. c. 22.* ex ferro, non argento aurove idem instrumentum conficere jubet, cui etiam ad stipulari videtur *van Horne*: quamvis dissu-

sus hujus ratio non magni momenti videatur. Sine dubio, argenteam seu auream acum qui postulant, tenaciorem minusque fragilem hanc suspicantur, ni fallor, aliquid potentia roborativa eidem simul adscribentes, chalybeam autem fragilem magis aestimantes: molliorem justo & flexilem magis qui illam metuunt, ferream suadent, virtutem auri & argenti confortativam in dubium vocantes. Perinde erit, utra machinola huic dicatur materia, modo ita temperata, ut perforationem oculi commodè & sine fractura sui metu ea præstet. *Paræus l. a. & Guillemeau des maladies de l'ocil sect. 6. c. 3.* instrumenti hujus mucronem complanatum & bisecum volunt, quo tunicam scleroticam facilius penetret, nec diutina foratione dolorificam nimis reddat operationem, nec pellicula acum elabatur, & sui decussionem moretur. Ast hinc quia metuendum est vulnus latius, teretis apicis præfertur acus: sit modo in extremitate sua satis acuminata, polita & terfa, nullisque asperitatibus lacerantibus deturpata, quales ut evitent circumspectores Ocularii, ipsimet mucrones hos poliando operationi adaptant.

Quædam
operationes
chirurgicæ
incipit.
V. g. in
stendis hæ-
morrhagiis.

Per vasa-
rum liga-
turas.

Ad ipsas Operationes me nunc conféro, quarum pariter non omnes & undiquaque adeo aptas, aliquando superfluas, interdum minus fidas, deprehendo, quod exemplis nonnullis declarabo. Quofamosiores sunt modi, hæmorrhagias, sive ex diæresi casuali, sive artificiali, evenientes, compescendi, sc. per vasorum laceratorum ligaturam, ferramentorum ignitorum contactum & escharoticorum, seu cauteriorum potentialium applicationem: eo minus congruos illos judicarunt nonnulli modernorum, argumentis haud omnimode destituti. Et primo quoad vasorum vulneratorum ac discissorum ligaturas, post *Galenum* atque *Celsum* a *Paræo*, *Fallopio*, *Hildano* & modernis quibusdam prolixè descriptas, eas difficiles valde reddunt operationes ad has præparatoria illæ, sine quibus nihilominus vasa lacerata comprehendere & filo constringi nequeunt; ideoque a *Gourmelino* jamdum *chir. l. 2. p. 125. Fieno tr. ii. cap. 8.* & quoad partem ab ipso *Hildano* de *gangr. & sphac. c. 19.* damnantur, quasi promptius forsan describantur, quam perficiantur. Cogites modo, quantum post detruncatum v. g. membrum ad vasorum unum post alterum ligandum requiratur temporis, quantum interim sanguinis profluat

acperdatur; & quam difficile simulque dolorificum valde sit, vasorum rescissorum arripere & protrahere extremitates, quamcunque demum forcipem aut tenaculum adhibeas: cum penes omnes constet, eas versus truncos suos retrahi & intra carnes adsitas abscondi, ut inter remedia hæmorrhagiæ vasorum majorum laceratorum præcisio transversalis commendetur; proin sine ingente carniū vicinarum laceratione, nervorumque irritatione convulsiva & frequenter lethali, hoc fieri vix queat, ut, si quis laniatum hunc expertus incolumis evaserit, eum Deo, cujus benignitate a crudelitate & carnificina ista liberatus fuerit, maximas grates habere & agere jubeat *Gourmelinus*. Cogites pariter, quantum operationem hanc turbent tot præter Chirurgi ipsius ministrantium, duorum ad minimum, manus: quarum nulla nihilominus, secundum directorium Scriptorum & rei exigentiam, ille carere valet. Quem in aliis vulnerum casibus læsionis in vase locum incisione & separatione partium incumbentium explorari & manifestari volunt, nec inter hæmorrhagias impetuosiores, sine enormi laniena, fieri potest, quin operator non minus, ac vulneratus, animo deficiat: ne addam, non raro vinculum vas constringens citius decidere, antequam caro, quæ locum fauciatum replere & vasis aperturam occludere debebat, producta fuerit; hinc hæmorrhagiam recrudescere. Quemadmodum nec, qui sine ejusmodi vasorum læsorum detectione operantur, acu modo incurva partem profundius transfigendo sicque vas simul filo constringendo, prout v. g. a *Guillemeau* p. 509. hic modus delineatur, unquam certi sunt, quin hac acus trajectione aut nervum, aut vas sanguiferum fauciato vicinum comprehendant, constringant, pungant vel perfodiant, hinc novam sanguinis extravasationem, ad Ecchymosin ad minimum, novam inflammationem, convulsionem, sensus ac motus impotentiam, concitent.

De Cauteriis idem metuendum. Actualia siquidem præter-
quam quod v. g. membro, bombardæ majoris ictu conquassato ac
lacerato atque extirpationem crudelem passo, novam adferant affli-
ctionem, nervis ac nervosis partibus adjacentibus hostilia & dolorifi-
ca valde dum existunt: nunquam securos nos reddunt, quin citius
justo decedente eschora, per adustionem inducta, recrudescat sangui-
nis

Nec san-
guini s-
tendo
cauteriis
actualia
sunt ad-
quata.

nis profusio, hinc fallax atque infida cauterisationis deprehendatur efficacia. Porro gradum caloris in ferramento exacte metiri atque attendere maxime opus est, antequam valis adurendis admoveatur hoc; quod, si fervidius, æque facile in occasionibus cunctis, quas præter alias circumstantias ipsa hæmorrhagia vehementior ut plurimum præcípites valde reddit, escharam introductam simul tollit aut laxiorem reddit, sin minus ignitum, præter terrorem ac cruciatus nihil præstat; dum interim, antequam rite candeat cauterium fluxus sanguinis maxime urget. Adeo, ut, si ponderemus ejusmodi adustionum usum, ægris ingentem incutere terrorem, vehementem concitare dolorem, non sine difficultate administrari, frequentius infausi vel incerti successus observentur eadem: ne dicam, profundius sub carnibus sitorum vasorum vulnera hanc chirurgiam minus admittere.

Nec potentialia.

Eidem fato exposita videntur Cauteria potentialia seu medicamina corrosiva, sistendo sanguini vulnerum a vulgo dicata, sc. Colchotar, Calx viva, Mercurius sublimatus, Oleum Vitrioli, Aqua fortis, Regis, Butyrum Antimonii, Euphorbium &c. Quorum unum vel alterum, aut ex his paratas mixturas, quas sibi nonnulli arcanas servant, vulneribus immittunt, sicque crustam inducendo mederi contendunt hæmorrhagiæ profusiori. Sed incongrua, noxia & infida valde eadem existere *F. Wurzius l. 1. c. 4.* prolixè declarat, ut mirari subeat, hujus rationibus atque experimentis non obstantibus hodiernum adhuc a quibusdam escharotica ejusmodi in usum trahi. Brevitatis gratia minus differam de symptomatis ac damnis, quæ in specie ex Arsenici & Mercurii corrosivi applicatione membro pariter & toti evenire poterant ac frequentius solent: quatenus nervis admodum infesta existunt, si præprimis recenter vulneratis & cruentis partibus admoveantur, ubi virulentia eorum interiora penitus subit: postquam cunctorum recensitorum similiumque causticorum usum periculosum ac detrimentosum maxime testatur experientia; quatenus, quod ab iis speratur, non præstant, agunt tamen, quod formitandum ac cavendum.

Tanquam minus efficacia,

Primo siquidem, nisi commoda forsân accedat membri vulnerati deligatio simileve adminiculum, impetum sanguinis prorumpentis minime reprimunt illa, seu frustranea plane observantur. Studiosi

dioli cujusdam memini, qui sclopeti minoris improvida & infausta explosione sibi pollicem manus vehementius, cum arteriæ hujus laceratione, conquassaverat. Chirurgus præsens diversa, pro enormissima ejus hæmorrhagia sistenda, adhibebat stegnotica, sed irrito conatu; donec vel accurrentium, vel in subsidium advocatorum, unus alterve escharotica potentiora commendarent, & quidem sub specie singulariorum & evaporistorum: qualium nihilominus neutrum sanguinem cohibebat, sed vel hunc, vel partes continentes eoque irritabat, ut majore impetu idem prorumperet; donec tandem rejectis his corrosivis, blandiori remedio cederet ille impetus. Quem admodum militis pariter suburbii nostri præsidarii recorder, per carpi regionem internam ense transversim graviter, ad arteriæ cubitæ ramī interioris discissionem, fauciati: cui ab imperitiorē Chirurgo campestri ejusdem generis corrosiva per aliquot dies applicata fuerant, usque dum sub fluore cruoris recrudescente mortem obiret ille. Bina similis eventus exempla nominatus refert *Würzius*, quorum unum inefficacem plane cauteriorum actualium æque ac potentialium, alterum fatalem ac funestum Butyri Antimonii, usum perspicue tradit. Qualem quidem corrosivorum ejusmodi irritam ac inefficacem applicationem vix mirabimur, pensitantes, cruoris erumpentis fluorem atque impetum diluere, avertere & quasi repellere, eadem, ut hinc diluta seu viribus fracta & leviter tantum admissa cruciatibus similibusque pathematis inferendis, non tamen crustæ vasorum aperturis inducendæ, sufficiant: nisi in majore quantitate & profundius intrusa ac impacta, ubi graviora ac lethalia symptomata patrant.

Sicut enim secundo in vulgus percrebuit, quævis acida ac corrosiva nervoso generi infesta admodum existere, sive intrinsecus assumpta, sive externe admota: ita, quacunque demum cautione & *Et noxia* circumspectione cruentis partibus escharotica hæc adplicentur, ramulos nervorum, membranas & quasvis fibrositates sensiles earum non possunt non exquisitè irritare atque eo usque afficere, ut vulneratum in dolores atrocissimos, convulsiones, febrem ac synoviæ fluxum copiosum, quique difficulter reprimitur, conjiciant. Quibus

tertio accedit, crusta, mediantibus illis producta, maturius decedente

operculum suum vas laceratum intempestive frequentius perdere; hincque hæmorrhagiam recrudescere: quæ recidivans difficiliter longe restringitur, partis nimirum tono magis laxato, seu viribus restrictoriis consumptis. Nunquam enim, quod quarto loco attendi meretur, corrosiva ejusmodi effectum aliquem præstant, seu crustam inducunt, quin quantum carnositatis in crustam commutant, tantum ejus simul corrumpant ac consumant, hinc carnes sanas corrugent & ulcus dysepuloticum pone se relinquant: sordidum & graveolens simul, ratione virtutis septicæ peris que eorum intertextæ.

Nec vas-
rum trans-
versalis
præcisio.

Neque demum præcisio vasis transversalis, a nonnullis commendata, quasi hac facta illius extremitas rescissa versus truncum suum retrahatur, & sub musculis aditis se occultando horum fotu comprimatur, semper adeo tuta: experientia evincente, etiam profunde satis sub carnibus latentes arterias fauciatas sanguinem protrudere, vibratione cordis nempe potentiore appulsam. Quemadmodum memini generosioris stirpis Studiosi, qui in brachii dextri interna parte, ad manus transversæ latitudinem supra carpum, ense ita vulneratus fuerat, ut hic intra cutem & musculos brachium conscendens arteriæ brachialis ramum externum seu superiorem (ut cadaveris inspectio manifestabat) perfoderit: vulneratus hinc primo decendio frequentiore, eamque aliquando enormem satis, hæmorrhagiam sustinuerit, quæ sedata intra quatuor septimanas bis, ac denuo, omnibus bene se habentibus & coalescentiam vulneris promittentibus, post decimum octavum diem, ad interitum usque ægri recrudescere; sc. non obstante, quod intra musculos profundius hæreret arteria. Vel ut in arteria læsa operatio hæc feliciter succederet, quid nihilominus sperandum foret a vena præcisâ: cujus equidem suprema extremitas, venæ Cavæ vicina, nihil, aut parum, sanguinis fundet, per circulationis legem, inferior vero, non retracta, sanguinem refluxum copiosius dimittet. Imo denique nonne ab arteriæ ramo majore discisso metuendum foret, ne membrum, aut hujus aliqua pars, a sanguine ejus actuata hæctenus, nutrimento & vitalitate omni, ad mortificationem usque, hac ratione defraudetur.

Addo artibus sanguinem sistendi fallacibus modum, quem *Ferrara Chirurg. obs. 14.* sibi singularem, facilem atque efficacem nihilominus

minus deprædicat, & tradit. Jubet nimirum post adspersionem pul-
 veris sui adstringentis & strictiorem membri ligaturam, vulneratum
 indusio recente frigidoque induere, hinc ejus pectus & testiculos
 aqua frigidissima ex improvise adspargere: quo facto haud dubitan-
 dum fore, quin sanguis illico sistatur. Quod tamen remedium aut
 non efficax satis, aut violentum & periculosum maxime, videtur: ac
 posterius quidem in illo præprimis, qui a sanguinis profusione mayo-
 re jamdum refrigeratus, quod intra biduum demum sanguinem, hoc
 præsidio restrictum, ad pristinam vivacitatem & motum redire asse-
 rat; sub qua mora interim vulneratus in perpetuo aut syncopes aut
 strangulationis, versatur periculo. Unde forsân, quando *obs. 15.* idem
 in valis cujusdam interni, pectoris v. g. ruptura quoque commendat,
 prudenter agit, dum ante omnia sacerdotem accersere jubet.

Verum ne diutius justo his immorer progredior ad Depressio-
 nem calvariae ab ictu factam, quam diorthosi elevatoria haud semper
 indigere, *Würzio* lubens concedo, si nempe hæc non adeo profunda
 fuerit, ac cerebro nihil molestiae creet, ut ex symptomatum gravio-
 rum absentia inferri potest: quemadmodum in pueris, foeminis aliis-
 que molliorum ossium subjectis aliquando laminam externam mol-
 liorem versus interiorem deprimi ac subsidere observamus, & qui-
 dem sine omni symptomate, nisi quod commotio cerebri sub ictus
 momento concitet. Nollem tamen cum *Hildano* Würzium infi-
 mulare, quasi nullius ejusmodi depressionis rationem habendam
 esse, asserat, dum contrarium vel ex ejusmet contextu *parte 2. c. 7.*
 quam evidentissime constat, ubi gravioribus apparentibus sympto-
 matis (quales depressionum casus sine dubio frequentiores sunt) ean-
 dem chirurgiam utique concedit & commendat. An vero ejusmo-
 di depressio sine fractura aut fissura facile fieri possit, merito ambigo,
 in adultioribus potissimum, quorum calvaria solidior minime, instar
 vasis cuprei, stannei &c. substantiæ mollioris atque flexilis, sine fissura
 seu suæ continuitatis solutione se impelli patitur, ut foveam retineat.
 Atque ideo rariores forsân penes illos erunt casus, quibus sola eleva-
 tio medeatur; quin per incisionem integumentorum mollium, ra-
 tionem ac trepanationem complicatæ simul fracturæ subvenire, ne
 dicam fragmenta protrahere, necessarium videatur.

Nec corporis per aquam in-
 frigidatio.

Depressio calvariae elevatione non semper opus habet.

Aliquando tamen,

quamvis non semper sufficit.

Elevatio
hæc per
concurbi-
tam, vel
empla-
strum vix
succedit.

Ast, quicquid horum sit, convenit nihilominus inter omnes de Chirurgiæ hujus usu atque necessitate : quamvis quoad instrumenta elevatoria discrepet a Veteribus *Hildanus*, ab utrisque *Würzius*, trochleiformia instrumenta rejiciens ; quorum litem dirimere mihi haud præsumo. Saltim ratione modorum, quibus puerorum aliorumque Calvariarum depressionibus mederi contendunt, tyronem advertendum judico, rarissime & vix unquam forsan, illis restaurari posse os loco motum : i. e. sive juxta *Paræum* per cucurbitam cum magna flamma, sive secundum *Hildanum* & *Paaw* in *Hipp. de vuln. cap.* per cucurbitam, in summitate sui perforatam & ab homine robusto fugendam, sive secundum eosdem per emplastrum tenaciter adhærescens, quod capiti applicatum cum violentia aliquoties avellitur, hoc tentetur. Irrita & absurda hæc judicat molimina *van Horne*, nec sine ratione, cum cuncta hæc attractoria in integumenta tantum molliora agant, quibus cum osse substrato vix adeo arcta intercedit connexio, ut sursum vulsa illud secum abripiant, seu hoc illa sequatur. Concurrente inprimis hoc, quod tanta capitis contusio, quæ solidius os introrsum cogit, minime concipi valeat, quin fibrulæ & vasa illi ac cuti intermedia rumpantur, adeoque connexione horum per ictum jam dum soluta, omnis illa cutis attractio supervacanea evadat ; ut velexinde concludere jubemur, quod depressioni ejusmodi Ecchymosis ut plurimum combinetur, vasorum ruptorum productum, cum elevata simul in tumorem cute. Invitus hoc ipsemet *Hildanus* 2. *obs.* 4. innuere videtur, dum depressam calvariæ pericranium minus sequi, sed renitens potius tendi ac vellicari, atque hoc quidem non sine dolore, inflammatione aliisque periculosioribus symptomatis, scribit.

Tempus
trepana-
tionis.

Circa Trepani, in calvariæ contusione, administrationem duo adverto monenda, quorum unum concernit tempus, a quo sane ipsius operationis successus varii maxime dependent : dum observante *Celfo* antiquiores Medici protinus ad ferramenta excisoria deveniebant ; idem *Celfus* contra non, nisi sub symptomatum ingruentia aut notabili horum exacerbatione ad chirurgiam hanc transibat. Plus autem dubitandi de hoc negotio occasionis movit *Hippocrates* de *vuln. cap.* ubi *text.* 20. calvariæ intra primum mox triduum perforare

rare simpliciter jubet: *textu* autem 28. perforationem in principio quoque percussione concedit, ita tamen restrictam, ne totum os simul ad membranam usque perforetur atque excindatur, sed ubi jam valde parum abest, ut os sit perforatum, i. e. interior lamina aliquantulum tantum incisa, & vacillet segmentum, a terebratione ulteriore desistat Operator, hoc, ut sua sponte discedat, linquat. Quantum contradictioni huic solvendæ ac textui posteriori defendendo insudarint *J. B. Sylvaticus* *contro.* 99. & *Paaw* *de vulner.* *cap.* p. 255. 256. prolixè haud transcribam: cum non tam Hippocratis auctoritatem vendicare, quam veritatem eruere atque tradere, Doctoris sit; ipsemet illo Scriptore procrastinatione in capitis vulneribus nihil calamitosius hinc inde asserente, imo in eodem *textu* 28. verbis his: *si vero etiam statim volueris usque ad membranam perforare & postea os auferre &c.* totam calvariam terebrare liberum relincente.

Si proin supponamus, aperturam hanc calvariæ inprimis indicare heterogenea præter naturam sub ea hærentia, cruorem nempe, saniem & fragmenta ossis, sine dubio consultius erit, hæc, quæ sua præsentia mortis periculum innuunt, tempestive & quanto citius, antequam vel situ, vel per sui corruptelam, vel quocunque modo, interiora afficiant, eximere, hinc opportune operari. Neque *Celfo* auscultandum, qui symptomatis gravioribus comparentibus & aliis frustra tentatis demum chirurgiam suadet: quod ab initio vires adhuc valentiores sint, symptomatis autem illis se manifestantibus natura jamdum fracta & succumbente, hinc operatio ut plurimum minus fructuosa & vana, ne dicam noxia, deprehendatur. Potius sequamur eundem *Hippocratem*, dum in proëmio statim citati libri *Nullum capitis vulnus parvi faciendum* inculcat: quod plagarum harum interdum levissimæ a principio visæ insidias agri vitæ ac medici existimationi frequentius struant. *Festinanter*, inquit *Paaw* p. 254. itaq; hac in re agendum, cunctando enim hanc rem non restitues; sed in causa eris, ut collecta fissura aut fractura loco sanies, osse corrupto, se in meningem sit præcipitatura & eam quoque inquinatura &c.: Præeuntem habens *Berengarium de fract. cranii* c. 35. qui ex mente *Oribasii*, *Galenii* & *Avicennæ*, ossa non minus meningem pungentia, ac saniem, quam citissime educenda, & hujus causa ante secundum & tertium

Trepanandum statim ac ali-
quid educendum.

Haud expectando graviora symptomata,

diem calvariam aperiendam esse, suadet: *Quanto citius, ait, aperitur, tanto melius est.*

Aut ho-
rum prin-
cipium.

Neque illi omnino circumspēcte agunt, qui non intensiora symptomata, sed primum tantum horum principium, expectare mo-
nent, antequam perforatio instituat: quoniam, si graviora sym-
ptomata ægrum aliquando ex improvīso & inexpectato obruere so-
lent, ubi nimirum omnia adhuc in tuto videntur, brevi & intra pau-
cas quoque horas mitiora ad illam sēvitiam adscendere valent, ut
Chirurgiam hanc intempestivam ac supervacaneam reddant. Ac-
curatius proin tempus forandi determinant, qui indicantium illorum
præsentiam tempestive dijudicant, adeoque non symptomata expe-
ctant, sed ex aliis potius circumstantiis lāSIONem, illa involventem,
dignoscere norunt: quod quemadmodum nonnunquam facilius,
aliquando difficilius, sit, ita sine ulla mora, & mox prima etiam die,
calvaria aperienda, si signa illa fuerint manifesta; minus contra fe-
stinandum, si de iis adhuc dubitemus. Hoc est, quod Hippocrates
l. 20. nos admonuisse voluit, ubi hæc leguntur: *Si quidem ad perfora-
tionem tendere* (h. e. eam indicare) *offis sauciatio videatur, perforare
oportet, & citra perforationem triduum non excedere*: ut sc. perfora-
tionis indicatione præsentē, & per hanc ejus necessitate determina-
ta, eam quanto citius perficiamus, neque tridui spatium sine hac præ-
termittamus; si nimirum, ut emphatice adjicit, *a principio curatio-
nem susceperis.*

Ventilatur
sententia
Hippocra-
tis.

Quando E. in initio *textus 28.* sub terebrationis urgentia non to-
tum os perforare injungit Hippocrates, i. e. juxta Interpretes v. g. *Paaw*,
tota tabula exteriore perfecta & altera eousque tantum incisa, ut va-
cillare videatur segmentum, hæc pro apertura interim aliquali, exili
foramine pertundatur, per quod sub calvaria hærens heterogeneum
expelli possit: sui asserti binas reddit rationes, nimirum quod mi-
nus conducatur, membranam male se habentem diu denudatam esse;
quodque, si totum os mox excidatur atque auferatur, periculum sit,
ne in ipso opere membrana eadem vulneretur, hincque expectan-
dum, donec modiolō circumscriptum os sponte demum ac sine vio-
lencia discedat. Quarum prior tamen haud tanti momenti videtur,
cur incerti ac futuri damni intuitu metuendæ sc. ab aëris contactu
menin-

Denon
omnimode
in princi-
pio perfo-
randa cal-
varia.

meningis corruptelæ, præsentis ac certi seu urgentis, fragmenti v. g. cruoris, æruginis, eidem membranæ ac cerebro hostilium, eductionem procrastinemus: potissimum cum haud appareat, cur plus lædatur dura mater per triduum vel quatrimum, quo ante septimanam, quem nihilominus terminum terebrationis ultimum in æstate constituerat idem, denudatur, quam per viginti aut triginta pluresve dies insequentibus, utpote cui corruptelæ, sicut insequentibus, ita primis quoque diebus, commoda deligatione obviam ire licet. Imo, si rem penitius pensitemus, ambiguum manet, annon, quantum extractio segmenti illius differtur, ac illa toto genere p. n. diutius in membranas ac cerebrum sæviunt, tantum ab utroque horum partes nominatæ magis affligantur? quod probabile valde est: postquam inprimis jugi Chirurgorum peritorum experientia constat, procrastinata membranæ denudatione inflammationem hujus leviolem hactenus ad suppurationem usque, huic ac cerebro exitiosam, intendi.

Sicut nec altera, ab *Hippocrate* mota, difficultas tantum urget, ideo quod aut ab ictu seu contusione, aut a terebrationis, quamvis non omnimode penetrantis, agitatione, membrana mox separetur: neque, nisi ab ictu secessisset, fragmenta ossis, cruor aut sanies præsto sint ac perforationem urgeant, quatenus illa sine membranæ avulsione ad hanc non deflectere seu eidem impingi, nec cruoris ac æruginis descensus, sine vasorum, calvariæ & membranæ intermediorum, ruptura contingere, hinc nec perforationem indicare, queunt. Per consequens, nec timenda est a modiolò membranæ laceratio, quæ jam dum facta, si inprimis manu cauta & perita operatio administretur: neque unquam memini, quoties Chirurgiam hanc vel ipse peregi, vel eidem adstiti, post modioli usum, si modo undique rescissum fuerit ossiculum, multo molimine opus fuisse, pro segmenti extractione; quin potius levi Vossellæ apprehensione amoveretur, imo ipsi modiolò inhæreret ac cum eodem educeretur idem, & quidem sine notabili dolore, qui de avulsione violentiore testari debebat. Quinimo recordor, in ejusmodi subjectis, quibus non propter capitis contusionem, sed aliam causam v. g. epilepsiæ, cephalalgia gratia, modiolò excisum fuerit os, hoc absoluta terebratione sponte quasi secessisse, vixque guttulam cruoris extravasati super membrana visam,

vifam, hinc nullam hujus rupturam factam, fuiſſe. Nec, ſi tale quid fieret, leviffima illa membranæ laceratio ſauciati ſaluti tantum præjudicare poterit, quantum cœtera urgentia, tardius educta. Eo ipſo vero, dum educendorum gratia ejusmodi perforatio in tempore ſeu opportune adornatur, ſufficiens etiam ſeu patula ſatis per calvariam formanda erit apertura, quæ eliminandis ac protrahendis reſpondeat: ut minus ſubſcribendum videatur conſilio interpretum, poſt exterioris tabulæ omnimodam perforationem, interioris exilem pertuſionem ſuadentium, cum hæc educendis, v.g. fragmentis oſſeis, cruori & ſaniei, minus adæquata exiſtat, perinde ac fiſſura calvariæ, cum foraminulo tali ejusdem latitudinis & majoris longitudinis, ſcopo illi haud ſufficit; interim ſtagnatio inflammatoria in meninge ad ſuppuracionem uſque intenditur, quam tempeſtiva & ſufficiente trepanatione avertere licebat. Breviter, aſſertum hoc poſterius & primum, ſeu ejus hypotheſin, de tempeſtive vel celerius movendis, aut evidens intercedit contradicção, quam miror, nullum interpretum animadvertiſſe, vel ſolvere tentaviſſe; aut ſuſpectus dicendus poſterior Hippocratis textus, quo *Foëſum* in commentario inclinare, obſervamus. Et æque mihi peccare videntur, qui os non mox totum exſcindunt, ac qui illud omnino non attingunt: cum remedium ſeu instrumentum hoc indicanti ſeu educendis, non ſit adæquatum, & intra plures dies demum ſpontaneus oſſiculi abſceſſus foret expectandus; quod contra Hippocratis aliorumque Doctorum ſententiam, & plerisque forſan percuffis exitioſum.

Haud expectandus
ſeceſſus
membranæ.]
nz.

Prout ex dictis luculenter etiam conſtare puto, quæ de expectando illo duræ meningis a cranio, cui illa undique (non in ſuturis tantum, ut communis fert traditio) adhærere, præter *Berengarium de fract. cran. c. 11. 12. & 38.* nonnulli modernorum, v.g. *Roosbryſen 2. obſ. chir. 1. & 2.* per avtopſiam aſſerunt, ſeceſſu monet, vix adeo eſſe attendenda. Vel quod a perpeſſa contuſione, aut a trepani, etiam ſi ad interioris tabulæ cranii medietatem tantum adacti, agitatione membrana illa ſecedat: vel orbiculi oſſis non ſine omni plane, violentia & cum unius alteriusve guttulæ cruoris perfuſione facta avulſio tantum damni inducere nequeat, ac vulgo quidem metuunt; quin potius aperturam ejusmodi, etſi non omni moleſtia deſtituatur,

ab atrocioribus symptomatis evidenter præservare, communis comprobet observatio.

Qua occasione non possum non mirari consilium cujusdam *Encheiridis de Foi*, Chirurghi suo tempore Ordinum Hollandiæ Generalium famigeratissimi, quod penes *Roombnyssen l. 1. obs. 1.* legitur, quoque Chirugos Medicosve admonet, ne, si de plagarum capitis lethali-tate a Magistratu deponere postularentur, communi ac hæcenus consueto modo calvariam tollant, eam a dura matre Elevatorio certo avellendo; sed potius utrumque hoc integumentum simul circulariter rescindendo & a pia auferendo: ne sc. vasis sanguiferis, calvariam & crassam meningem intermediis, ruptis sanguis ad hanc profundatur, qui nobis, quasi percussione fructus, in præjudicium percussoris, imponat. Speculatio sane Chirurgo tantæ autoritatis indigna, proin a peritioribus non facile admittenda. Haude equidem nego, per avulsionem calvariæ a subjacente & adhærescente membrana rumpi his communia vascula, & proin nonnullas hinc inde cruoris guttulas super ea conspici: quales nihilominus prudentiora cruore per ictum suffuso, copiosiore, confluyente, congru-mato, graveolente &c. facile discernet. Similis vel major extrava-satio metuenda foret ex vasculorum utrique meningi intermedio-rum, sinuum, plexus choroidei ruptura, &c. sine quali ejusmodi capi-tis aperturam vix fieri posse, præter *Roombnyssen obs. 2.* ipsa operatio loquitur.

De tempore Trepanationis postquam disserui, huic subjunge-re minus incongruum videtur, quod loco cautelæ eximie in hac perinde, ac calvariæ rasure observare jubent tantum non omnes Scriptores ac Operatores: nimirum ut, antequam instrumenta admo-veantur, ægri aures bombace similive materia probe obturentur, ne rasionis aut terebrationis strepitum molestum ille persentiat, hinc-que lædatur. Rationi pariter ac experientiæ hæc refragantur, prout a *Fallopio* jamdum annotatum, & mirandum, tot viros eruditos atque expertos nugis ejusmodi adhuc abblandiri. Claudantur au-res miseri talis quam firmiter, percipiet sonum: aperiantur, & ejus non plus percipiet, adeoque claudere nihil refert. Strepitus quippe hic, ex scalptura seu perforatione cranii concitatus, non per aurem

externam interius organum percellit, sed per ossium illius contiguitatem & impulsum tremorificum, ipsi ab instrumentis impressum, ad aures interiora propagatum.

Quædam
operationes
chirurgicæ
minus fidæ.

V. g. exploratio
calculi vesicæ.

De evidentia seu certitudine effectuum chirurgiæ sub principio præsentis capitis, occasione Celsi, disserui, non eousque tamen hæc extendenda esse, quasi nulla ejus operationum unquam decipiat, seu infida sit, diversa cavere jubent. Repeto huc, quæ de successu dubio depositionis catarrhactæ superius monui, quibus in præsentiarum subnecto unam alteramque chirurgiam non oppido certam ac desiderio ægri faventem. Dirum & periculosum valde remedium lithotomiam vesicæ cum *Dureto* multi, non sine ratione, pronunciant, hinc eam non præcipitanter esse suscipiendam, antequam de calculi præsentia & habitudine, i. e. an mole, situ, figura, & nexu talis sit, qui sine vitæ discrimine evidente eximi queat, constet, ac urriusque testes omni exceptione majores præsto sint: ne aut frustra torqueatur, aut perimatur, miser, neve fraudibus ac imposturis suam occultare & incrustare urgeatur temerarius lithotomus imperitiam, qualibus utebantur Empirici illi penes *Aquapendentem de operat. chir. p. 264. Hildanum de lithot. vesic. c. 1. van Horne microtechn. p. 150. & 151. ac dans la Legende du Gascon*, ab Illustri quodam Gallo, eum in finem, quo nefas hoc publico innotesceret, conscripta. Quemadmodum autem calculum vesicæ cognoscimus partim per signa quædam conjecturativa, hinc inde ex Practicorum monumentis petenda, partim per explorationem chirurgicam, manu pariter solitaria, ac instrumentis, perficiendam: ita illa sine hac pro sectione adornanda minus sufficiunt; neque hæc omni difficultate caret.

Per digi-
tum æque
in anum
immisum.

Conjecturas illas recensere ac pensitare intentioni præsentī haud conforme judico, de chirurgiis potius illis exploratoriis sollicitus, quantum frequenter etiam circumspectis satis operatoribus imponant. Qui nempe digitis, ano in masculis, collo uteri in foeminis, intrusis hoc tentant, conatu operantur minus adæquato, nec cui adeo absolute fidendum est. Dum hac ratione calculum in subiectis crassioribus attingere vel contrectare, ob situs hujus profunditatem, iis haud conceditur: quod metuendum pariter, si summitati vesicæ fundi idem adhærescat, quorsum digiti penetrare nequeunt.

Deinde

Deinde sarcomata, tumores scirrhusi similiaque sub calculi specie eosdem digitos exploratorios decipere possunt, inprimis si hæc alia signa cum calculi veri signis communia habeant, ut ex *Hildano 2. obs. 65. & de lithot. vef. c. 3.* constat. Hinc Catheterismus certior ac fidus magis creditus fuit negotii hujus dubii arbiter: quem nihilominus pariter nonnunquam fallere, ex sequentibus constabit. Sc. calculum adesse, certos nos credimus, si immisso in vesicam cathetere allisionis ad rem duram quidam & repercussionis cujusdam sonus, cum renitentia notabili, percipiatur: Verum quemadmodum non omnis ejusmodi solidioris substantiæ renisus sonorus lapidis infallibile argumentum est, ita nec, ubi nihil hujus deprehenditur, talem abesse, mox inferre convenit.

Ac per Ca-
theteris-
mum.

Prioris dubii ratio est, quod non semel observare detur vesicæ faciem internam callosam ac crusta lapidea seu tartarea obductam aut lapidifectam, cui si catheter allidat, sonora renitentia calculum mentiatur; cujus exempla hinc inde offendimus, v. g. penes *Borel- lum cent. 1. obs. 5.* de cujusdam Nobilis vesica integra fere lapidifecta, ac *Pechlinum 1. obs. 2.* de quodam Religioso Aurelianensi, in quo repulsus cum tinnitu catheter calculum innuebat, cujus extrahendi gratia, quamvis ille sectioni exponeretur, in eo tamen Operatorem, & Medicos adstantes fefellerat, quod nullus per vulnus eductus, in cadavere vero tota ejus vesica peristromate calculoso undique obducta visa fuerit. Cui simile quid ex relatione cujusdam Galli, quam ad Vallottum, Regis Galliæ olim Medicum primarium perscripserat, idem *Pechlinus obs. 3.* commemorat, ubi post extractionem calculi, cura & manu Jannotti ac Collotti, celebratissimorum tunc temporis Lithotomorum, factam, ac postquam duo insuper alii calculi minores per vulnus exciderant, secti, quarto ac vigesimo die mortui, vesicæ superficiem internam calloso & tartareo velamento, cum eminentiis durioribus hinc inde infinitis, obductam viderunt. Et quamvis tumores scirrhusi, in vesica geniti, rarius forsitan ad soliditatem ac callositatem sonoram evehantur, minus tamen impossibile hoc esse, ex eadem observatione *Pechlini* constat. *Van Hammen* nempe, Medicum alias peritum, scirrhum durissimum, quem ipso catheteris tentamine calculum judicarat, per sectionem e vesica eduxisse; adeo-

que quam parum examini, per hoc instrumentum facto, sit fidentum, quoque expertum fuisse.

Posterius vero, i. e. lapidem ita aliquando in vesica occultari, ut catheter eum minus deprehendere queat, non una ratione contingit. Aliquando scilicet aut mucilagine multa viscosa, aut tunica crassiore, ille obvolvitur, qualia exempla *Hollerius de M. J. c. 49.* & in hunc *Duretus, Hildanus l. a. cap. 3. & 8. Tulpius obs. l. 3. cap. 5. Verzascha obs. 52. Solingen obs. chir. part. 3. c. 10. & Pechlinus obs. 2.* recensent: quemadmodum aliquando vesica conformatione vitiosa & extraordinaria quoque gaudet, v. g. si duplex fuerit, aut septo membraneo in duas cavitates distinguatur, qualem *Volcherus Coiter* in virgine, *Baubinus theatr. anat. 1. c. 31.* in Principe Onolsbacensi perhibet, aut in plures cellulas & quasi totidem sacculos distincta, prout in Eruuditissimo Isaaco Casaubano cernere erat, existat; ac in his diverticulis & receptaculis calculi hæreant. Quibus ex *Blancard. anat. pr. cent. 2. obs. 77.* addendum, quod in hernioso vesica cum calculo delapsa hujus explorationem per catheterem quoque turbarit. Quales anomalix, quia reluctationem ad catheteris contactum tinnientem intercipiunt, fallere possunt & solent exercitatos nonnunquam operatores.

Difficulter
etiam di-
gnosun-
tur calculi
conditio-
nes.

Quia tamen, ut superius indigitatum, non inexistentiam tantum, sed conditiones quoque calculi, antequam sectio ejus suscipiatur, tanquam totidem ejus permittentia ac prohibentia, dignoscere multum interest, molem nempe, situm, configurationem ac nexum: novæ ratione harum circumstantiarum emergunt difficultates. A calculi majoris justo extractione vix, nisi infeliciorem exitum, sperare datur; cum sine insigniore sphincteris vesicæ laceratione illa fieri nequeat, inprimis in corpore exiliore atque teneriore: cum nec in grandioribus ac robustioribus subjectis calculi, ovi gallinacei mediocris molem superantis, sectionem sine vitæ periculo tentare liceat. Pariter asperior, spinosus seu angulosus valde lapis operationem difficiliorem & variis discriminibus implicitam metuere jubet: quemadmodum nec calculus oblongior, forcipe minus commode, v. g. in medio sui seu transversim comprehensus, vel etiam oblique tentatus, sine lacerationis & exulcerationis vesicæ metu, extrahetur. Porro
situs

fitus & nexus ejus extraordinarius chirurgiam aliquando funestam aut frustraneam reddunt, v. g. si in cavernoso quodam sinu is lateat, si vinculo membraneo vesicæ validius cohærescat, aut cysti peculiari obvolvatur: vel quod ad cellulas istas non pertingere queant forcipes extractoriæ, vel per ejus avulsionem violentiorem vesica aut laceretur, aut simul protrahatur. Qualis nexus vel ideo facilius decipit, quod membranæ quamvis inclusus, aut hac mediante vesicæ affixus, digitorum nihilominus in anum intrusionem ad collum usque ejus devolvi queat, hinc pro mobili & libero habeatur calculus: ubi postmodum, si supra hunc, parvo scilicet apparatu, sectio fiat, illam tunicam incisam, advertente *Sculteto*, insanabile sequitur ulcus.

Magnitudinem equidem vel digitis in anum immisiss, vel catheterismo probabiliter, ast non infallibiliter, dijudicamus, ut non raro eveniat, lapidem, quem mediocris & tractabilioris magnitudinis etiam sagacior Lithotomus judicarat, sub ipsa operatione majorem justo deprehendi, & vel sui educationem interpellare, vel hanc exitiosam reddere. Ita memini circumforaneum quendam in juvene, octodecim, ni fallor, annorum, calculi extractionem jactatam minus feliciter præstitisse: dum me aliisque adstantibus congrue, equidem satis secando operabatur, calculum tamen apprehensum præ vastitate &, si non figura, certe ambitu ovum gallinaceum majus æquantem, imo superantem, non nisi cum maxima partium laceratione, educere poterat, a cruciatibus post biduum defuncto misero. Idem perhibet obtigisse Marotto, Gallo, in Hamburgensis Patricii filio *Pechlinus* 1. obs. 2. qui cum, incisione necessaria facta, calculum forcipe teneret, hunc tamen, propter sui vastitatem protrahere non potuerit, conatibus vero intensioribus in duriore lapide illum fregerit, hinc deferere ægrum coactus fuerit, proximo die mortuum. In situ & nexu lapidis vesicæ dijudicando pares, si non potiores, offendimus difficultates, cum de hoc, ad cuniculosas cellulas detruso, aut involucro membraneo obvoluto, omnimode incerti maneamus; de leviori etiam, lithotomiam tamen valde turbante, ejus cum vesica colligatione non, nisi per ipsam operationem, informemur. Neq; omnes ac singulas ejus inæqualitates digitis explorare conceditur, quod his uti aliquando inhibeamur, prout superius dictum: multo minus per tentamina cathetere adornata.

Vuln-
erum
profundi-
tas aliæque
conditio-
nes male
specillis
exploran-
tur.

Perverse pariter ut plurimum agunt Chirurghi, qui vuln-
erum profunditatem aliasque conditiones specillis indagare annituntur,
plus curiositati vanæ ac intempestivæ, quam arti & medelæ vulnera-
torum, litantes. Abusum hunc strenue castigat *Würzius Chirurg. 1.*
cap. 6. qua nihilominus animadversione haud obstante instrumentis
suis fodicare & rimari illa nondum cessant illorum stupidiores & præ
aliis solertiores videri gestientes, profunditatem ac latitudinem pla-
gæ, simulque partium latentium magis, viscerum etiam læsiones, in-
dagaturi: & quidem reiteratis ac diversis vicibus atq; deligationibus;
aliquando etiam ex consuetudine mera ac prava & quod ab aliis ita
actum fuisse noverint, utut quid quærissent, ignorent. Nec sufficit,
unum tantum nasutulorum per tentamina hæc disquisitoria vulne-
rato dolores exacerbasse, sed, si medentium plures adsint, singuli
horum specillum apprehendunt & curiositatem suam dolorificam
in misero experiuntur; hicque insons aliquando plus inde crucia-
tum sustinet, quam percussor male feriatu inter tormenta legalia.
Negari vix potest, interdum exploratione per stylos ejusmodi opus
esse in vulneribus v.g. capitis, pro fracturis calvariæ dignoscendis:
ast frequentius minus necessaria seu frustranea illa dicenda, vix un-
quam tamen sine noxa administratur.

Irritam seu supervacaneam Chirurgiam hanc tentativam inde
concludo, quod profundiori ac latiori plagæ non alia suppetant re-
media quam superficiali atq; angustiori, & per consequens raro mede-
lam mutare hæc jubeat. Sufficit, conditiones vulneris sensibiles magis
ita se habere, ut exin nihil periculi metuendum: & si pravitatis signa
compareant, nullis instrumentis opus, nec adæquata hæc erunt ad
causam profundius latentem partiumque internarum læsiones inve-
stigandas seu dijudicandas. Interim specilla ejusmodi exploratoria
vix unquam applicari valent, quin partes nerveæ, maxime irritabi-
les, dolores exquisitissimos hinc experiantur, gluten balsamicum &
teneriora coalescentiæ stamina ab iisdem deradantur, & natura
conglutinatrix in opere suo turbetur. Accedit, quod venulæ ac ar-
teriolæ fauciatæ, grumo hæctenus obturatæ seu obvolutæ & sub hoc
sui consolidationem molientes, illo per specillum detruso seu avulso,
sanguinem de novo fundant, & earum coalitus inchoatus denuo lace-
retur

retur ac vulneretur; ne dicam, majorum vastorum vulnere, thrombo aliquantulum obturatorum, hæmorrhagias recrudescere, & periculum vitæ intendere mortemque maturare. Imo annotarunt nonnulli circumspicientium Chirurgorū, per hæmorrhagiarum ejusmodi recidivas, circa juncturas inprimis, fungos molestissimos produci.

Paracentesi thoracis ac abdominis non equidem nullius omnimode efficaciz ac fructus esse, alias tradidi, & experientia loquitur: quod tamen eadem ægrum aliquando citius interimat, aut non adeo fidum semper hydropicis præstet præsidium, quotidie pariter deprehendimus, illis v. g. quorum vasa lymphatica majora rupta, aut viscera, propter seri extravasationem jamdum indurata, vel quovis modo enormius corrupta. In prioribus quippe,educta colluvie, serosa, hætenus cavitatem opplente, novum mox spatium conceditur novæ lymphæ extravasationi, & dum, quod causæ antecedentis affluxui obex hætenus ponebatur, serum in ventre collectum subtrahitur, idem, tanquam causâ continens, denuo augetur, seu tantum, quantum colluviei extravasatæ depletur, protinus affluit, & vasa confertim nimis exinaniuntur; quatenus in his, quorum viscera vitium enormius contraxerunt, digestiones vitales maxime lædi plus, quam probabile, est. Non mirum proin, si Chirurgia hæc, quem interdum satis anxie anhelant miseri, frustranea plerisque eveniat.

Quem Chirurgus nonnullus modernus, qui magno conatu artem locupletare contendit, fibrarum musculorum abdominis tractum, pro paracentesi accuratius instituenda, observare inculcat, delineat quoque, nullius momenti, ac frustranea omnimode est cautela, in incisione abdominis adeo exili aut punctura potius: per quam, sive recta, sive transversim, lanceola simileve instrumentum adigatur, fibrarum nexus ac continuitas minus læditur, hinc nec musculorum actio. Dedecent talia Chirurgum anatomicum.

Erroribus atque ineptiis his non sine ratione accenso Herniotomiam vulgarem circumforaneorum, quæ cum extirpatione seu resectione testiculi fit, quamque *P. Ægineta* 6. cap. 65. debent: operationem adspicientibus etiam maxime crudelem, his vero, qui eam perperiuntur, admodum dolorificam, periculosam, frequentius funestam, ideo a Medicis & horum Collegiis frequentius detestatam.

Memini

Paracentesi
seos successus
dubius.

Fibrarum
tractus in
paracentesi
vix attendendus.

Herniotomia
vulgaris
ineptitudo.

Herniæ
sine sectione
ne frequen-
tius
sanantur.

Hernioto-
mia non
sine recidi-
va.

Memini equidem, unum alterumve ejusmodi Castratorum per fidem suam asseverasse, nullum herniosum absque illa spurca testiculi extractione, nisi sub recidivæ metu, secari posse: neq; ignoro, Medicos quosdam in hoc iis subscribere, ut quidem truculentam valde & cum periculo vitæ conjunctam hanc chirurgiam pariter asserant, fidissimam nihilominus omnium cæterorum operandi modorū eam pronuncient, v.g. *Thevenin & Lud. van Hammen*. Priorum tamen fidem subleſtam, & horum asserta præjudicio inniti, puto, postquam alii magnæ peritiæ atque autoritatis Medici & Chirurgi v.g. *Dodoneus, Aquapendens, Scultetus* & modernorum diversi v.g. *le Quin Chir. berniaire*, plerosque sectorum brevi ab operatione mortuos, aut per totam vitam valetudinarios, testantur; nec me fugiunt tristia exempla diversorum, qui non adeo diu post herniotomiam ejusmodi castratorum, sub convulsionibus atrocissimis expiraverint. Sicut contra eorum pariter quotidianæ sunt observationes, qui sub mora & quiete quatuor vel sex septimanarum per sola brachieria, victus rationem congruam & medicamenta adstringentia seu vulneraria perfecte restituti & sanati fuerint; adeo ut cingula hæc non tantum palliativam curam præstent intestinis retinendis, sed compressione tandem sua eousque etiam firment annulos musculorum abdominis, per quos dilatatos intestina ad bubones vel scrotum hætenus prodierint, ut tandem artiores facti prolapsus recrudescentiam, depositis quamvis illis, inhibeant. Testem provoco præter allegatos *Horatium Norſinum*, Herniotomum sui temporis exercitatissimum, qui *H. Fabr. ab Aquapendente* demum fassus fuit, se, postquam olim singulis annis plus quam ducentos herniosorum inciderit, nunc vix viginti horum ita tractare, quod brachieriis & medicamentis adstrictoriis plerosque sine truculento ejusmodi remedio sanarit. Confirmant idem Chirurgorum recentiorum plerique, v.g. *Blegm. art. berniar. curatr. le Clerc Chirurgie complete, Beranger des descentes & le Quin Chirurgie berniaire &c.* Quibus accedit, quod ramex per sectionem quamvis curatus nihilominus frequentius recidivet, atque hoc quidem non tantum ex observatione medicorum herniariorum peritiorum, sed empiricorum quoque: quorum hi recidivæ hujus rationem eam reddunt, quod processus peritonæi minus rite, v.g. non in altiore

altiore sui parte fuerit ligatus; quamvis aliam hujus causam esse, inferius ostensus sim.

Scilicet in quavis hernia mobili, ubi intestina, sive ad inguina, sive ad scrotum, elapsa reponi possunt, i. e. taxin eorum non impediatur strangulatio inflammatoria annulorum, aponevrosibus tendineis musculorum abdominis superveniens, coalitus intestini cum scroto, testiculis aliisque partibus vicinis, fœcum nimia congestio atque induratio &c. adæquatum & sufficiens remedium deprehenduntur Brachieria concinne fabrefacta: dum in difficultatibus re-^{Brachie-} censitis, adeoque summo necessitatis demum casu, sectione opus ^{reriorum} est, non circumforaneorum, sed inferius indigitanda. Supplicii ^{molestia} equidem genus vinculorum ejusmodi ad tumulum usque gestatio-^{haud me-} nem ac usum nonnulli pronunciant, vel quod cuncta sub his evitari debeant exercitia & motus corporis majores, vel quod dolore afficiantur perpetuo muscoli hinc compressi: ast leve illud, & chirurgiæ adeo periculosæ minus par erit dicendum, quod etiam secti seu castrati cavere jubeantur ab agitationibus corporis vehementioribus, & sine recidivæ suspitione has vix unquam subeant; nec de dolore conqueri ullum audierim, ramicis causa qui gestat brachieria, modo affabre contexta & applicata hæc fuerint; ut taceam, nec omnes vinculis his per totum vitæ cursum opus habere, quibus scilicet laxitas illorum tendinosorum annulorum obfirmata, quod multis contingere, experientia loquitur. Per consequens male agunt, ^{Hernioto-} qui hernia laborantes se ab Empiricis ejusmodi torqueri, quam Me-^{mia vulga-} dicis ac Chirurgis peritioribus, mitiora, molesta quamvis aliquan-^{ris non} tulum, suadentibus, paucas septimanas obedire, malunt: & Medi-^{suadenda} cus eo ipso, dum tutiores & tolerabiliores castratione suppetunt ru-^{vel conce-} pturis medendi rationes, illi nunquam subscribere debet; quia nec arti, nec conscientiæ suæ, consulit, si ab ægro hujusve parentibus, agnatis &c. in consilium vocatus castrationi ejusmodi adstet, huncque per-verse operantem haud tempestive corrigit, vel illos ejus admo-^{denda.} neat.

Ipsimet illi circumforanei se suamque secandi rationem sus-^{Circumfo-} tam reddunt, dum vel sponte, vel rogati, castrationem celant, & ^{raneorum} quasi sine hac ac per singularem encheirisin operentur, privatim ac in ^{fallacia.}

foro simulant ac popello imperitiori persuadent : quod diversis exemplis ejusmodi gloriosorum castratorum, etiam ex Actis forensibus, comprobare possem. Ita v. g. quidam ex hominibus istis perquam temerariis mense Septembris 1685, civi hujus urbis & Medico, in consilium vocato, se ejus filii herniæ per peculiarem secandi modum, quem quingentis aureis a Gallo quodam addidicerit, sine testiculi resectione mederi posse ac velle, sancte promittebat; vulgari nihilominus herniotomia & miserum puerum, altero mane sub vomitibus & motibus epilepticis defunctum, castrando operabatur. Sagaciorum, quamvis æque imperitum & nefarium, se olim præstabat alius Empiricorum, civitati & provinciis nostris famosissimus, qui ruriculæ cujusdam filium secturus Medicum operationi supervenientem clam compellabat, ne de castratione coram adstantibus verba faceret, sine dubio, quod penes eos hanc dissimularit; extirpando interim testiculum nycthemero nondum elapso puerum ad plures dimittebat. Quales Syotomos proin non culpæ tantum, qua ancipitem valde ejusmodi operationem morbi minus periculosi causa, parant, sed doli quoque, quo penes ægros æque ac Medicos castrationem spurcam dissimulant, arguere convenit.

Herniotomia cum castratione est contra autopsiam anatomicam.

Ast, quod maximum momentum, vulgaris illa Herniotomia principiis seu autopsiæ anatomicæ repugnat, dum falsam partium conformationem, hinc falsam ramicum ætiologiam, supponit : ut non mirum, si minus necessaria ac inepta illa hodie dicatur. Triviale olim & hætenus de Herniis dogma fuit, processus Peritonæi communiter dictos, per quos, tanquam canales laxiores, in maribus vasa seminaria ex abdomine ad testiculos ferantur; hincque ad hypogastrium & feminales vesiculas recurrant, ac qui tunicam testiculorum vaginalem forment, in foeminis ligamenta teretia obvolvant, præter modum laxatos aut ruptos omentum ac intestina eousque admittere, ut eorum ductu in utroque sexu ad inguina, in maribus ad scrotum, & in foeminis ad genitalium labia, devolvantur seu præcipitentur. Quo supposito ratione therapeutiæ inferebatur, repositis intestinis denudandas esse productiones has p. n. dilatatas, ac, ne illa per easdem denuo ad loca pristina descenderent, vinculo arctissimo ad consolidationem usque ligandas esse: quale quid sine vasorum spermaticorum constrictione

strictione cum fieri non posset, hanc ligaturam nihilominus, hincque sanguinis atque spirituum affluxum interpellatum, necessario testiculi mortificatio & sphacelus excipiat; hunc simul rescindendum esse agyrta ejusmodi asseriebant, hacque detestatione detestanda peracta, remediis appropriatis processui resecto cicatricem inducebant, quæ vinculo per suppurationem separato ejus aperturam occluderet, & contra abdominis interaneorum descensum firmaret.

Verum primo, quæ de Processuum Peritonæi fabrica hæctenus tra-^{Vera pro-}
diderunt Anatomicorum plerique, avtopsiæ minime respondent: ^{cessuum}
dum Vasa SpermatICA, præparantia vulgò dicta, illud abdominis in- ^{peritonæi}
volucrum minime perforant, sed inter ejus membranarum duplica- ^{& vasorum}
turam ab exortu suo lata, hinc lacinias membraneas mutuuntur, quæ ^{spermati-}
tanquam involucria, non latiora seu cannulata, sed vasorum illorum, ^{corum.}
ramis intertexta, & hos arctius obvolventia ad testiculos ista comi- ^{conforma-}
tantur, hincque vincula, firmamenta & tunicam communem iis con- ^{tio.}
cedunt. Pari ratione res se habet cum vasis testiculorum deferenti-
bus, quæ iisdem tunicis obvoluta & abdomini se insinuantia Perito-
næum neutiquam perforant, sed intra hujus tunicas binas lata sub Ve-
sicæ urinariæ cervice vesiculis seminalibus, itidem intra Peritonæi
duplicaturam latentibus, implantuntur. Præterea tamen in ipsa
hujus lamina interiore, seu quæ cavum abdominis respicit, prope il-
lum vasorum descensum atque ascensum, utrinque aperturæ compa-
rent exiliores stilum facile admittentes, & in tubulos membraneos,
ad inguina exporrectos, desinentes; quos processus ac diverticula
Peritonæi moderni vocant, licet ad scrotum haud ferantur, multo
minus testiculum involvant. Provoco ad ea, quæ ante annos tan-
tum non triginta *Schraderus obs. anat. 5.* & paulo post *Bidloo Anat.*
tab. 32. de conformatione eorum annotarunt, confirmatque Prose-
ctorum diversorum experientia: hos nempe, longitudine digiti ar-
ticuli & pennæ anserinæ crassitie a Peritonæo ita prodire, ut sui osti-
um in hujus superficie interna monstrent, sub forma vero oblongæ
& pyramidalis bursulæ, cujus extremum instar intestini cæci clausum,
versus scrotum protendatur & huic per fibram membraneam gracil-
limam cohærescat, minime tamen testiculum involvat. Quem
usum corpori præstet hæc vaginula seu diverticulum vacuum, hæc-

nus equidem a nullo Scriptorum declaratum, probabile tamen est, hanc ipsam capsulam tubulatam Intestina ac Omentum nisu suo descensorio ad sacciformem latitudinem extendere sicque Herniam formare: adeo tamen, ut accuratius loquendo, non propter canales hos dilatatos vel ruptos, sed aliam ob causam, mox explicandam, illa extra locum suum naturalem ferantur, sicque non a dilatatis illis canalibus admittantur seu excipiantur, sed situm mutantia mole sua & premendo eos magis minusve dilatent; qualem processum dilatatum in cadavere pueri, alumni Orphanotrophii nostri, herniosi, olim etiam in viro ob homicidium decollato, illum schemate a *Schradero* l. 2. delineato minorem, hunc notabiliter majorem, vidi, videruntque mihi adstantes. Et, quod potissimum ac hactenus pro vero atque concessio habitum, simul annotari meretur, tantum abest, ut processus hi vasa spermatica amplexu suo foveant, quin potius his, intra diploen membranarum duplicati Peritonæi prope ostium prodeuntibus, tantum insternantur, ea superficie sua externa contegant & iis contigui modo existant; adeoque nec in herniosis intra eorum ambitum reperiantur, quamvis Peritonæum perforando ab hoc productiones membraneas connectentes & involventes recipiant eadem cum testiculis.

Annuli
musculo-
rum abdo-
minis.

Horum di-
latationis
occasione
sunt rami-
ces.

Deinde, quod ab anatomicis olim pariter neglectum fuit, musculorum abdominis bini obliqui & transversus in sui cum ossibus pubis ac ilei connexionem, utrinque aperturam seu spatium exilius relinquunt annuli triplicis nomine hodie veniens, & vasis spermaticis non minus, exporrectionibus Peritonæi obvolutis, ac processui illi membraneo coneiformi, de quo modo dictum, commeatum & viam concedens. Quales hiatus secundum naturam satis con-niventes nihil abdominis interaneorum, nisi vasa dicta spermatica, transmittunt, a quacunque vero causa præternaturali, sive latente, sive evidente, aut violentia quadam externa, præter modum extensi seu ampliati, intestino Cæco Iliove cum omento adiutum eousque concedunt, ut ad Bubones in utroque sexu, in maribus ad scrotum, in fæminis ad labiorum extrema, devolvantur, herniamque modo incompletam, modo completam, constituent.

Ex quibus recensitis colligere licet, primo in chirurgia herniarum non tam processus Peritonæi membranei, ab intestino descen-
dente

dente dilatati, quam annulorum illorum in musculis, præter naturam ampliatorum & patentiorum, rationem esse habendam: adeoque non illos funiculo constringendos, quam hos latiores arcandos, esse. Metuendum siquidem, quale quid non raro evenire, superius dixi, Unde herniarum ne annulorum illorum latiore hiatum penetrent tandem de-
 nuo intestina membraneumque canalem de novo vel laxent, ^{post ca-}strationem vel rumpant; utpote qui sustinendis ac reprimendis illis, sine recidiva? muscutorum concursu, minus par foret. Secundo hinc apparet, testiculorum masculinorum extirpationem in herniotomia minus ne-
 cessariam, nedum ineptissimam & fundamentis anatomicis adversis-
 simam, esse: cum vasa spermatica extra ambitum processuum dila-
 tatorum reperiantur, adeoque hi sine illorum ligatura ac testiculo-
 rum mortificatione vinculo constringi & amputari valeant, quorum neutrum tamen, herniarum hac ætiologia stante, postulatur.

Quippe etsi sub certis tantum casibus, quibus nimirum herni-
 am formantia abdominis interanea per anevroses illas muscutorum
 perforatas reponi nequeant, sectione opus esse, ex *Paræo l. 7. cap. 15.*
Geigeri Kelegraph. cap. 9. Blegny art. herniar. part. 2. §. 1. c. 3. le Clerc
chirurg. complet. des operat. cap. 13. aliisque modernis Chirurgis con-
 stet; alias vero seu extra tales casus subligacula cum aliis remediis ac
 diætâ congrua sufficere, superius indigitavi: nisi tamen his minus & quomo-
 fidere quis velit, & sine sectione medelam absolvi posse, dubitet, re-
 positis intestinis & incisione, pro denudanda sufficienter illa muscu-
 lorum apertura ampliata, facta, hæc, pro cicatrice majore procuranda
 circumcirca scarificetur, eique intrudatur turunda lintea, quantitatis
 idoneæ ac filo instructa, quo retrahi queat, quæ intestinorum re-
 lapsui obicem ponat; vulnus vero digestivo, plumaceolis, empla-
 stro & deligatione congrua, qualem spica præstat, deligetur, ægrum
 interim ad omnimodam consolidationem usque quietum in lecto
 supinum aut in opposito latere decumbentem detinendo, imo post-
 hac etiam a vehementioribus exercitiis arcendo. Sub quali Chirur-
 gia natura cicatrice similive excrecentia illum hiatum opplet ac
 eousque firmat, ut illum perrumpere denuo haud possint abdominis
 contenta: conspicuæ vero simul redduntur ineptiæ rudiorum ac scu-
 tica, nisi furca, digitorum Herniotomorum circumforaneorum.

Fibrarum
tractus in
abcessuum
incisione
haud adeo
attenden-
dus.

Quas de fibrarum musculosarum tractu in abcessuum Aplotomia adeo anxie injungunt, cautela itidem plerumque ineptæ ac minus necessaria videntur: materiam purulentam sive musculis iacumbere, sive succumbere, nobis concipiamus. In priore siquidem casu, ubi præter cutem nullum integumentorum incidendum, hujus fibrarum tractus multifarios attendere nec licet, nec opus est: neque in posteriore, quoniam puri educendo exilior incisio, id est, quæ ad puncturæ tantum modum fit, satis adæquata est, apparet, quid damni ex tantillo fibrarum aliquot inciso musculo perforato evenire, queat; quin major harum pars integra discissis succurrant hasque in officio suo juvent. Et quoties non contingit a vulnere notabilem & ingentem satis fasciculum fibrarum in musculo transversim discindi, cujus nihilominus functio, consolidatione facta, integra manet? Ut taceam duos vel plures musculos sibi instratos sub se fovere materiam educendam, v. g. post inflammationem musculorum abdominis, cujus unius fibras cavere non possumus, quin alterius stratum discindamus, v. g. muscoli oblique ascendentis & descendens; atque hoc nihilominus sine ulla noxa & motus musculi dissecti conturbatione. Imo pauci forsân musculorum adeo simplices, sed plerique ex fibrarum stratis ac ordinibus diversis diversaque tendentiæ coagmentati deprehenduntur, quorum hos si observes, illos lædes: vana proin erit ut plurimum cautela de fibris in apostematum apertura non discindendis.

Dentes dolentes non
mox extrahendi.

Circa dentium Chirurgias quales comittantur errores, hinc inde obvium fit, dum illi inconsiderate ac intempestive non raro extrahuntur, & quidem nec sine symptomatum gravissimorum concitatione. Neque omnis mox odontalgia dentis remotionem exigit, cum affectus hic non raro a catarrhosa defluxione seu stagnatione circa gingivas & dentis fibrillas nerveas eveniat; tanta etiam, quæ partibus his mollioribus se plus justo insinuando eas inflat ac dilatat, ipsumque hinc dentem, ut vacillare agris videatur, commovet: qualis nihilominus dolor ac laxitas dentis, superata catarrhosa illa dispositione, brevi cessat, & illum firmum atque sanum relinquit. Et quoties non contingit, dente etiam corrupto evulso, dolorem circa maxillam & dentes reliquos perseverare, vel ad partes vicinas, oculos

v. g.

v. g. aures, fauces &c. easdem defluxiones converti; per consequens, a chirurgia, sine medela universali, haud sanabiles. Quemadmodum illi pariter perperam agunt, qui sub gingivarum concurrente inflammatione dentem dolentem sibi extrahi postulant, ac evellunt: intempestiva siquidem hac chirurgia inflammatio ac dolor intenditur, cum gravioribus insuper aliis symptomatis.

Inter alia vitia dentibus familiaria etiam hæc tria sunt, ut aut illi parte sui inferiore seu prope radices se arctius contingant ac quasi mutuo premant, in summitate dehiscant, sub hac vero conformatione vitiosa alimentorum quædam ramenta se interstitiis his insinuent, ibique putrescendo dentem corrumpant: aut unus dens cæteris longius promineat, hinc vel deformitatem pariat, vel masticationis motum conturbet: aut si denique superficietenus corrumpantur. ^{Dentium limatio suspecta.} Quibus singulis mederi conantur rasione, per limas adornanda: sub hujus administratione dentem limandum digitis, linteo obvolutis, firmius continendo, ne sc. hic ab instrumenti atque rasionis subfultibus nimis concutiatur, ejusque cum maxillo connexio laxetur. Verum neque hæc operatio omni difficultate caret, cujuscunque subtilitatis instrumento & quacunque circumspectione fiat, inprimis si dentes jamdum aliquantulum vacillent. Nec prominenti denti abbreviando qui modernorum forcipem excisoriæ præ lima commendant, adeo secure agunt: quod per experientiam constet, dentes hac ratione rescissos facile corrumpi ac cariem contrahere; denudato nimirum horum meditullio teneriore ac sensibiliore. Ut taceam, ab ejusmodi instrumento dentes vix adeo commode decurtari, quin pro asperitatibus, hinc factis, delendis nihilominus politura raspatoria opus sit.

Denique dentibus genuinis, vel evulsis, vel quavis fortuita occasione perditis, quomodo fictitii substituantur, hinc inde constat, ac vulgo innotescit: saltem ratione anapleuroseos hujus palliativæ hic notetur, eam dentibus adhuc firmis haud undique proficuum contingere; quibus nimirum supposititiis filis sive sericis, sive metallicis, annectitur. Quippe sub hac connexionis ratione duo viciniore dentes, quibus falsus innitebatur, a mobili hoc seu perpetuo commoto, sensim ad vacillationem usque concutiuntur, ac tandem

nec

nec sibi, nec illi continendo sufficiunt, ut loco unius perditæ decoratione hac perdantur tres, ac tandem plures: imo ex motu hoc fili & dentis substituti demum gingivæ plus minus lacerantur.

Plures ob-
servantur
chirurgiæ
ineptæ ac
vanæ.

Ac forsan hujusmodi Chirurgiarum, admiratarum & approbatarum hætenus, plures recensere possem, simul tamen evincere, vanas, irritas, infidasque satis has deprehendi, & non raro plus lædere, quam prodesse; si tantum totuplices capitis fasciationes & vulnera consuendi modos, quibus forsan, modo pompam futilem detrectemus, pauciores pares forent; si Varicum cauterisationem, Polypi e naribus protractionem &c. attendamus ac pensitemus: nisi nonnullos tantum manuariæ hujus artis errores innuere, minime totam reformare, mei scopi fuerit; simul tamen Scriptorum Chirurgicorum Lectores admonere, ne horum præceptis sine judicio practico vel proprio, vel alieno, cæco obsequio se suamque agendi rationem submittant.



PARS SECUNDA DE OFFICIO MEDICI FORENSIS.

CAPUT I.

De

Doctrinæ hujus Necessitate seu Usu.



Uamvis illum inpræsentiarum me haud geram,
qui litem inter Jure Consultos & Medicos, utri
horum primus in Republica locus sit conce-
dendus, seu prærogativa decernenda? venti-
lare, multo minus dirimere, sibi præsumat, ut-
pote quod arbitrum majoris autoritatis exigit:
illi nihilominus, quod inter multa alia pro Le-
gumperitis contra Medicos *Cassaneus & Tira-*

Medicina
reipublicæ
quoque ac
justitiæ li-
tat.

quellus producant, argumento, quasi medendi ars non, nisi paucis,
iisque invalidis seu ægrotantibus tantum, Civibus præsit, vel quasi
privatorum ægrotantium ac morbos metuentium tantummodo cu-
ram gerat, quod in publicum prodire ipsi non concedatur, quod de
civitate hujusque salute non æque mereatur, & quæ similes sunt no-
bilissimæ artis autoritatis elevationes, assentiri nequeo. Neque Ul-
piano illi subirato annuere possum, qui penes *Langium* 3. *epist.* 6. ait:
nihil mihi cum Medicis, præter capitulum de cloacis purgandis & ven-
tre inspiciendo commune est; quin potius linguam hujus candescen-
tem mentem præcurrisse ipsiusmet sanctiones & Legum commenta-
tores moderatores testentur: adeo ut, notante *F. Fideli*, Jurispru-
denciam qui profitentur, ipsique Magistratus gravissimi Medicos con-
sulere horumque censuras in multis exposcere teneantur, quibus ad-
juti demum de rebus dubiis sapienter atque integre judicant, contra

X x x

irrita

irrita frequentius illorum contingit sententia, quam Medicorum præjudicium dogmaticum non suffulciat.

Intercesserat olim *Horatium Augenium*, & *Seraphinum Olivarium*, S. D. N. PP. Capellanum & ejusdem Sacri Palatii Causarum Auditorem, lis, de Intersepto virginali, tanquam certo virginittatis signo, ab illo & aliis Medicis in dubium vocato: quorum opinionem Olivarius non tantum impugnat, sed temerariam quoque proluxa dissertatione pronunciat. Hunc ausum seu falcem in aliena messe minus ferre poterat Augenius, quod de iis scripserit Olivarius, quæ ad eum non spectarent, de rebus nempe medicis, de qualibus nihilominus Jurisconsulti antiquissimi non solum audire, sed ultro Medicorum decreta recipere, consueverint. Cum vero inter alia momenta etiam hoc adduxerit Reverendissimus Pater, quod attestatio hæc Medicorum textibus Juris Pontificii diversis refragaretur, *Augenius* primo dissenfum seu repugnantiam hanc *cap. 8.* diffitetur, subnectit tamen mox: *Sed quid, si contradicerem in iis, quæ non pertinent ad fidem aut ad sanctæ Ecclesiæ præcepta? cur quæso licebit incusare Medicum nomine temeritatis, de iis agentem, quæ duntaxat ad ipsam Medicinam pertinent. Si de medicis rebus aliqua sit inter Medicos & Canonum Professores discordia, cui credendum? certe magis censuerim, Medicis, &c.*

Proin in civitatem quoque ejusque integritatem immediate magis se Artis nostræ ambitum exerere, constat, quod non tantum, advertente *Zacchia*, hominis, antequam existat, seu concipiendi, concepti & vix in lucem hanc editi Hygieinam ac Therapeiam illa ac Medicus moderetur; Jurisperiti etiam, ut homines fragiles, Medicorum consilio & opera crebrius indigeant: Sed, quod in publici magis, sine dubio, vergat salutem, in judiciis forensibus formandis & suum cuique tribuendo Medicinæ opera ipsæ Leges publicæ uti cogantur, quarum multas sine illa nec Legislatores condit, nec explicare audent Interpretes, hinc in causis gravioribus, civilibus pariter, ac criminalibus, decernendis medica implorat oracula Prætor cautus, quinimo salubritatem aëris ac victus Medicorum prudentiæ committit Magistratus salutem civium invigilans. Nec Theologi & Fora Ecclesiastica his carere valent, sed ad eorum pronunciata se recipere urgentur, antequam in matrimonia dubia consentiant, hæc-
que

que solvant, partus monstrosos ad sacrum Baptismi lavacrum admittant, aut hoc iis denegent: ut alios varii generis casus, Nostris pariter ac Pontificiorum Consistoriis frequentes, taceam, sine medicorum decretis minus decernibiles. Neque hanc autoritatem iis denegant, Confrimantibus hoc ipsis legibus. sed sanctissime potius confirmant, Leges publicæ harumque Commentatores infiniti, præcipientes, illis, ut in arte peritis, in quæstionibus, hanc spectantibus, fidem esse adhibendam, v. g. *Gailius 2. obs. III. num. 1. Caro Camusius de excus. tutel. de art. & disciplin. 1. fol. 62. num. 12. Actius de privileg. infirm. part. 1. p. 35. n. 3. Rutger Rulandus de commissar. & commission. part. 1. l. 4. cap. 15. Pacianus de probat. cap. 47. num. 24. 25. & c. & Mascardus de probat. vol. 2. conclus. 1038. & volum. 3. concl. 1175. n. 2. 5. 6. 7. 12. casuum insimul specialiorum, in quibus Renunciacione Medicorum opus, potissimos recensentes.*

Id est, prout, juxta *Codronchium method. testif.* legum imperato- Et quidem in variis ac multis casibus. riarum Majestas & Pontificiarum Sanctimonia medicorum judicio se ultro submittit, in quæstionibus, Ætatem, Pubertatem, Matrimonium, Virginitatem, Partum, Veneficia, Percussiones, Tormenta &c. concernentibus; nec Legislatoris Summi lenitas, si quid indulget, nisi Medicorum accedat calculus, indulget: sic eorum, qui latas leges administrant, seu Magistratus inferioris quoque, sententia a Medicorum placitis pendet; nisi impuberes ex contractu obligare, puberibus testandi potestatem præripere, in divortia, sine impotentia connata aut accidentalis indagine, condescendere, partum nothum seu supposititium, cum avitæ stirpis dedecore, legitimum hæredem nuncupare, exceptiones frivolas, sub mortis ex Prægnantia & Partu specie, in contractibus societatum admittere, ac veneficii & homicidii reos infontes, temerarie non minus, ac flagitiose, pronunciare, velit. Membrorum mutilationis argumentum, Pontificii æque, ac Cæsarii, Juris Doctoribus & Administratoribus commune, dum illi qualem irregularitatem, quæ Ordinibus sacris eorumque, administrationibus officiat seu deroget, inducat ista, disquirunt, hi de poenis condignis, mutilantibus irrogandis similibusque sunt solliciti, Medicorum declarationi ac dictamini innititur; Virginem a deflorata, Gravidam a Vacua, morbum fictum a vero quis JCtorum discernet? quis de Sterilitate & Amentia lites componet? nisi Me-

dicorum iudicia in subsidium postulaverit. Edicti, quo Mancipii ac Jumentum vitiosi redhibitionem Aediles Curules olim cavebant, tenorem & rationes explicat *Ulpianus*, ignorans nihilominus, qui morbi ab eorum venditoribus celari queant, quæ infirmitas usum ministeriumque servi ac jumentum turbet, proin super his informationem medicam exigens. Imo plures longe emergunt in civitate casus, quorum dignotionem & medelam Magistratus a Medicis desiderat: ad quorum Responsum sententiam suam ille format, aut si hoc ambiguum fuerit, suspendit; jussus hoc per sanctionum publicarum harumque Interpretum Autoritatem.

Hinc Medicina forensis.

Ac duplex Medicinæ finis ultimus.

Legum E. peritia sociam & adjutricem fidam sibi, sacro quasi fœdere, in jure dicendo, jungit Medicinam, ex quo utriusque connubio Scientia prodit Medico-Legal, seu Medico-Forensis, Reipublicæ maxime fructuosa & necessaria, in causis undique obviis ac varii generis, quas medico non audito dirimere detrectat Nomophylax, Ulpiano aliove Justitiæ antistite peritior ac perspicacior. Ut per consequens non paradoxus adeo seu sine ratione agere visus fuero, si præter finem illum Medicinæ ultimum, quem Scholæ hæctenus solitarium admiserunt, sc. sanitatis conservationem ac restitutionem, alterum insuper illam agnoscere dicam, Justitiæ nempe in quibusdam causis administrationem curatiorem.

In hac doctrina Jurisconsulti parum,

plus Medicis egerunt.

In argumentis ac problematis his conglomerandis seu recensendis an aliquid operæ collocarint Legum Doctores, ambigo, nam quem *Rutgerus Rulandus de Commissar. lib. 4. cap. 5. Mascardus* aliique eorum exhibent, Catalogus insufficiens maxime videtur: plus occupatos in hoc Negotio Nostræ Artis Commentatores observamus, nec ullus tamen horum accurate & sufficienter illud peregit, nempe nec *F. Fidelis*, nec *P. Zacchias*, nec *Codronchius*, nec *Paræus*. Quamvis enim horum prior cæteris primus & sine exemplo hoc scribendi argumentum in se suscepit, ac casus varii generis præclara perspicuitate atque mira solertia explicuerit, nec ipsemet tamen, nec reliqui doctrinam hanc eousque excoluerunt, quin defectus, errores atque dubia multa gemat adhuc eadem. Plenius ac locuples magis *Zacchia* equidem Opus *Questionum Medico-Legalium* deprehenditur, præter necessitatem tamen & ultra legentium captum prolixius: multa dum

in eodem inutiliter & ad nauseam usque repetuntur, diversa majoris momenti negliguntur, ut ex hoc ipso tractatu hinc inde constabit.

Et ingenium humanum forsā superat rerum huc spectantium Latissimus
varietas atque multitudo, ut, si per plura, ac hactenus factum, secula est hujus
colatur hæc Scientia, vix sibi quispiam promittere possit cunctorum doctrinæ
casuum specialium, quos experientia non tam fingit, quam gignit, campus,
adæquatam enarrationem, multo minus evolutionem perfectam.
ac necessariam. Quatenus nec tituli ac capita, in quæ aut Florenti- Hinc im-
nus ille suas *Relationes*, aut Romanus *Quæstiones*, reliquis hujus mate- perfectius
riæ commentatoribus potiores, digesserunt & congesserunt, adeo tradita.
consummati sunt operis, quin in Foro Civili pariter ac Ecclesiastico
quotidie nova nascantur & succrescant problemata, de quibus Medi-
cos horumque Collegia percontatur Judex, a neutro nominatorum.
Scriptorum annotata, & quibus solvendis non Commentariorum au-
toritas, sed præter rationem atque experientiam Medicam Natura-
lis Philosophiæ dictamen præstet; i. e. qualia non per decreta ac
præjudicia Antecessorum, sed ex nostris sensibus & ingenio, decide-
re jubemur.

Multis hanc Doctorum Medico-Legalium imperfectionem. Infectus
evincere possem casibus, qui vel Facultatis Nostræ, vel meo, arbitrio, seu fer-
hinc inde hactenus fuerunt propositi, talibus sc. de quibus illi aktissi- mentum
me silent; nisi molem hujus argumenti monstrosam nimis vererer: Pellionum
paucis proin & brevioribus in præsentiarum agam. De artibus im- an vene-
mundis & fracedine sua proximis accolis molestis, differit equidem. nosum?
Zacchias lib. 5. tit. 4. quæst. 7. Sed, an Pellionum infectus (*Kürschner*
Beißer) foetorem virulentum & morbificum exhalet, demum 1659. a
Collegio Nostro quærebat hujus urbis Civis ac Pellio: a quo hoc re-
sponsum ferebat, fermentum illud non tam in se & ratione materia-
lium, sed effectus seu putrilaginis, quam pellibus, in quas agit, in-
troducatur, fracedinem sanitati humanæ infestam, exhalare. Idem
Zacchias l. 1. quæst. 3. diversa, quæ aquis ac piscibus officiant, recensuit
atque ventilavit, v. g. latrinarum ac sentinarum expurgationem,
pannorum lotionem, lini ac cannabis macerationem: an Baphia-
rum autem tincturæ harumque ingredientia & heterogeneitates
aquis, quæ illas alluunt, earumque accolis derrimento sint, Anno 1654.

An tinctura baphias venenosa. decidere postulabatur eadem Facultas. Circa venenorum materiam & venenandi modos *Zacchias* pariter *lib. 2. tit. 2.* & *F. Fidelis l. 4. §. 5.* multa tradiderunt, de agrorum & pascuorum venenatione silentes, phænomeno nihilominus aliquando obvio, & super quod Medicorum censura petitur, v. g. ejusdem nostri Collegii, Anno 1659. a pascuorum venenatio. Causidico quodam *Greussensi*, An sc. oves aliaque pecora campi, pane tosto ac sale pasta, pascua admorsu suo in detrimentum aliorum pecudum & ita inficere queant, ut hæc pedissequa pascua ab illis arrosa renuant ac morbosa evadant? negative respondentis. Cujus pariter sententiam aliquando percontabatur Magistratus *Quedlinburgensium* oppidanus, de sceletto infantis, terra eruto, an sc. perfectionis recens nati, an adultioris subjecti, illud extiterit? item an hujus carnes intra quadriennium terra ad ariduram usque ejus corrumpi seu consumi valuerint? hincque fonsan conjectura suppetat infanticidii, cujus suspicionem puella certa pro gravida ante indigitatum tempus delata, incurrebat. Qualem circiter in finem olim aliquando Facultas Nobilissima hujus Academiae Juridica nostri Collegii lustrationi quoque exponebat officula infantis, ut, an partus perfecti & vitalis fuerint? decerneret. Suffocati infantis signa commemorat *Paræus de Renunciationib.* it. vulnerum vivo an mortuo illatorum, ac illorum, qui vivi aut mortui suspensi, vel in aquas præcipitati, qualia *Zacchias* quoque *lib. 5. tit. 2. quest. 11.* exponit. An vero ex meretrice natus puer mortuus, an vivus, prodierit? nullus Scriptorum hætenus ambigere jussit: donec curiosiores quidam, ac causerum ejusmodi Criminalium Patroni a me aliisque Medicis Privatis, Collegiis quoque Medicis, Saxoniae non minus Nostrae seu vicinis, ac Belgii, discernere postularint cadaver foetus a cadavere infantis nati, v. g. per pulmonum diversam utriusque habitudinem: quod signum nihilominus aliquando imponere posse, hac ipsa occasione saltem innuo, donec alio quodam loco dubitandi argumenta exponere liceat. Paradoxa magis videbatur quaestio plurium membrorum, cujus decisionem Advocatus quidam ex vicinia, nomine cujusdam, criminis Sodomiae, cum cane perpetrati, accusati, a nobis olim postulabat. Nimirum an per indolem ejusmodi bruti fieri queat, ut sedato ejus orgasmo venereo, vel imprægnatione facta, coitum

Ex sceletti
 infantis
 habitudine
 hujus ætas
 dignoscenda.

Cadaveris
 foetus a
 nati
 discrimen.

Sodomiti-
 ci coitus
 cum cane
 indicium.

coitum denuo appetat vel admittat, Canis in specie venaticus fren-
dens & mordens? item, an intumescencia & spurcicies ejusmodi be-
stiaæ foemellæ genitalium præsentaneum & hoc ipso momento cum
homine celebratum coitum certo testentur? ac denique, an per al-
titudinem ejusdem animalis & situm in genua decumbentis incul-
pati maris sodomiticus talis congressus concipi seu fieri possit &c.

Quo refero, si Medicus ensis & vulneris producti figuram con-
ciliare possit; an hinc forsan de vulnerante aliqualis conjectu-
ra eveniat, aut præsumptio de eodem firmetur vel infringatur: it. si
de tractu vulneris & percussione impetu paradoxis rogetur. Nostra
Facultas v.g. Anno 1695. 4. Octobr. An credibile, ut uno gladii ictu
costa sexta lateris dextri, carnosæ Diaphragmatis circumferentia,
Epatis medietas circiter cum Ventriculo prope Pylorum perforari
potuerit? Et Anno 1696. 26. Septembr. An vulnus sub Maxilla sini-
stra, prope muscolum Masseterem per Collum & Medullam spina-
lem, inter primam & secundam Cervicis vertebra penitrens, simul-
que Venam Jugularem externam ac internam notabiliter lædens in
altiore scalæ loco constituto ab eo, qui illo inferiorem tenebat, infer-
ri valuerit? Item Anno 1695. d. 8. Augusti, An punctura paulo super
Papilla dextra inter Costam primam & Os Claviculæ Thoracem pe-
nitrens & in hoc Pulmonis extremitatem atque Aortæ principium
lacerans situm corporis digladiatoribus solennem in Occiso eine Po-
situr und Lager sich zu defendiren / & duellum formale inferre fa-
ciat?

Imo sunt quædam insuper, a Medicis recensitis neglecta aut
prætervisa, quæ unus alterve nihilominus indigitat Jure Consulto-
rum & de his illorum asserto standum esse, ait, v.g. Mascardus de
prob. conclus. 92. & 632. An equus v.g. simileve animal venditum &
intra triduum mortuum, si hujus cor putridum aut marcidum repe-
riatur, tempore venditionis morbosum præsumatur? it. conclus. 1169.
An hujus illiusve ense vulnus factum fuerit? quale problema cre-
bro satis, occasione homicidii tumultuarii ventilari, ex Actis publicis
legimus. Quamvis inficiari nequeam, penes Fidelem atque Zacchiam
ejusmodi quoque observari quæstiones, quarum vel solutionem haud
semper præstare poterit Medicus peritissimus; vel quarum ventila-
tio

Indicium
vulneran-
tis ex ensis
& vulneris
collatione.
De vulne-
ris tractu
ac impetu.

Quædam a
Medicis
neglecta a
Jcuis re-
sensentur.

Quædam
quæstiones
Medico-
forenses

vix decidi
possunt.

Quædam
foro no-
stro exu-
lant.

Frivola
nonnun-
quam pro-
ponuntur
quæstio-
nes.

tio foro nostro plane exulat. De prioris generis exemplis inferius, ubi de Effectu Renunciationum Medicarum erit dicendi locus, agam: posterioris autem veritatem facile deprehendet, qui vel leges quasdam civiles in Republica nostra abrogatas seu cessantes hujusve statum mutatum, vel quantum Juris Canonici seu Constitutionum Ecclesiasticarum vigor penes nos obsolerit, perpenderit. V.g. conditiones morborum, quas, juxta Edictum Ædilitium in mancipiis venditor emptori exponere tenetur, & propter quas ab illo dissimulatas huic illa redhibere liceat: it. quoad leges de Jejunio & Quadragesima, & an hæc usus Tabaci, Aquæ Vitæ, Chocolatæ &c. frangat? De Clausura Monialium, seu quibus de causis ab illa eximi queant? eandemque, morbis contagiosis, quorum causa dimittebantur, sanatis, quando repetere teneantur? Quibus & ob quas causas aliquis beneficiis ecclesiasticis renunciare queat? Qui morbi ab officiis divinis recitandis excusent? item, de Irregularitate seu corporis ejusmodi vitiis, quæ a sacrorum administratione arceant, de Miraculis. Quid quod, observantur penes Jctos ejusmodi pariter problemata, quorum decisio hypothesibus physicis, dubiis atque incertis omnimode innituntur; & quæ proin his concussis seu evanescentibus itidem evanescunt: hincque innuunt, cum Philosophis ac Medicis Legum interpretes egregie hætenus hallucinatos ac deceptos fuisse, quod conjurato quasi consensu supposuerint sive admiserint diversa, quorum veritas suspecta, quæque castigatione prudentiore indigebant, vix tamen sine Doctorum horum diversarum scientiarum conspiratione speranda; de quibus inferius agam. Etsi negari nequeat, quinimo dolendum sit, ejusmodi aliquando fingi ac Medicorum disquisitioni exponi dubia, quæ vel supra horum sphaeram sunt, vel omnimode non, aut certe ex Actis forensibus & Testium cæterorum seu popularium depositione potius ac commodius, quam per artis conjecturas, dirimi poterunt: qualibus operam seu judicium suum non sine ratione denegant illorum cordatiores, a quocunque demum rogati. Frivolas sane atque ineptas valde aliquando experimur tales quæstiones, a Defensoribus homicidarum inprimis cufas, ad quas decernendas eum tantum in finem urgemur, quo dubium reddatur homicidium, hinc, juxta Canonem Juris-
perito-

peritorum, in re dubia mitiorem sententiam amplectatur iudex, & poena ordinaria in arbitriam mutetur, &c. Quod posterius quam insulse & præcipitanter nonnunquam fiat, me elapsi anni docuit observatio. Vocabar nimirum ad Prætorium quoddam vicinum, quo de foemina, propter furti suspicionem torturæ mancipata, quæ Epilepsiam mentiebatur, referrem: asserebat mihi coram eadem infirmitatem, ego vero, qui visitationis tempore nihil ejusmodi symptomatis deprehendebam, me illud testari non posse deponere. Exclamabat mox stante pede quidam Assessorum, E. in dubio mitiori sententiæ standum, ac sine tortura &c. dimittebatur illa nefaria, nunquam posthac (forsan nec olim) de convulsivis symptomatis conquesta. Dubia nempe ab hoc Iudice reddebatur causa, hujusque poena, quia illa affectum fingeat, de quo Medicus non, nisi ambigere, tenebatur. Ne temerarius E. sit Medicus, aliorumque delicta sua faciat, a decidendis ejusmodi extra circulos suos ambiguitatibus caveat: caveat tamen sibi pariter Iudex, ne a tricis ejusmodi se confundi patiatur, eorumque, quæ Medici haud sunt, evolutionem huic committat, ac ex evidentiore forsan crimine dubium evadere, conniveat. Infiniti generis ac numeri casibus illas technas declarare & hanc cautelam planiorem reddere possem, paucos tantum horum sine prolixitate innuere in præsentiarum sufficiat: in quibus nihilominus non raro proterviam suam modo risui, modo detestationi, exponunt inquisiti ac horum Parastatæ. Anno 1671. ex oppido Thuringiæ Weissen-See ad Facultatem nostram deferebat quidam, caput suum ab alio, urceo, ita percussum fuisse, ut in hoc vulnere & suggillationes diversas cernere licuerit: percussorem nihilominus cum sociis hoc strenue negare & plagas has illi ex lapsu in humum contigisse asserere. Quærebat hinc percussus stupidior, utrum horum veritati magis consentaneum: ac Responsum ferebat, non tam per sententiam Medicorum, quam Iudicis inquisitionem, litem hanc dirimi posse. Anno 1692, Mense Julii iudicium nostrum petebatur super juvenicularum duarum, de abortu aut partu suspectarum, linteamina, cruore & sanie, lochiis simili, maculata, a duabus Obstetricibus demum arida & exsiccata inspecta, ac ab his si non partus perfectioris, certe abortus, signa declarata: qualia nihilominus duobus illis

Medicis, quorum conspectui vestimenta hæc fuerant exposita, nec nobis, videri poterant, per dubitandi rationes diversas. Porro Anno 1694. mense Maji, quidam a Collegio nostro scire avebat, an fratris sui uxor, cujus caput maritum verberibus lethaliter contudifferebatur, non ex lapsu æque per testes asserto, ac a percussione illa interire potuerit? ubi quæstione quoad possibilitatem a nobis affirmata reliquum Pratoris perspicaciori indagini concedebatur. Perinde ac Anno 1699. mense Julii, cum in vicino oppido, *Damitsch* dicto, inter rixas & verbera *Opilio* quidam *Lyricen*, in dolio, super mensam collocato, sedens, in capite vehementius percussus insequente die mortem obiret, simulq; mensa cum doliolo, cui percussus infedebat, dejiceretur, quæstio emergebat hæc: numne ex qualitate vulnerum seu læsionum, a Medico atque Chirurgo annotatarum, huic percusso, non tam ex ictu, per radium rotæ inflicto, quam ex lapsu de tabula, mors contigerit? quale quid tamen ex observatis anatomicis determinare nec sagacissimus determinare poterat. Sicut his ipsis diebus, dum hæc typis mandantur, Percussoris cujusdam Defensor sciscitabatur, an defunctus non tam a verberibus, quibus cæsus, quam a reiterato ex equo casu, obierit? Cui deponebam, ab utroque idem fieri potuisse, utrum tamen horum sit, non a Medico æque, ac ab Actorum direttore, decidendum fore. Et sic non raro.

Querit delirus, quod non respondet Homerus.

**Intermio
Autoris.**

Quo minus E. cultam cum aliis Viris cordatioribus Medicinæ Forensis doctrinam hinc inde deprehendi, eo magis examine curatiorē hanc dignam judicavi, & in defectus ejus inquirere, subinde tentavi: non, quod viribus meis hunc laborem & erroribus illis castigandis ac corrigendis auctoritatem meam parem putarim; sed ne per desidiam aut credulitatem, superioribus seculis solennem, meliora videns deteriora sequi & Scholarum auctoritatem trepide ac superstitiose nimis venerari videar. Inprimis vero in argumento hoc ita agendum semper ac simul cogitavi, ne Legislatorum gravitati & Interpretum eruditioni aliquid derogarem, ab aliis, sublimioris ingenii, cultiora & politiora expectarem atque expeterem.

Dum autem disquisitionis hujus duplex Objectum seu duas partes offendi, undique vero multum simul difficultatis atque laboris impro-

improbi, si in primis casus sem momenta specialiora infiniti generis recensere ac eruere quis satagat : specialem doctrinā hujus partem evolvere musis meis privatis subinde concedidi, quamvis non adeo secundo undique adhuc successu; hinc inde tamen sub disquisitione hac deprehendi, minus rite præparatos negotium hoc aggressos fuisse, qui manum ipsi admoverint, i. e. præceptis, ad artem hanc decretoriam necessariis, minus instructos. Ut non mirum, in ipsa re adeo ardua hætenus hallucinatos fuisse non privatos tantum medicos, sed horum integra & inclita Collegia: quod multis exemplis odiosis comprobare possem, nec licet tamen, nec libet. Cum introductionem hanc generalem neglexerint, aut fugitivo saltem calamo tetigerint, quos de Relationibus Medicorum Forensibus & quæstionibus Medico-Legalibus hætenus scripsisse, novimus: doctrinam nihilominus necessariam valde, & quæ methodum genuinam rite ac legaliter testificandi subministrat, non junioribus modo, sed quos gravior ætas & multifaria experientia solidiora docere poterat. Circa generalia siquidem ejusmodi requisita quotidie peccant deponentes seu ad deponendum postulati, ut judicare sibi præsumant de Partu v. g. septimestri an vitalis? discernere nescientes vivum & vitalem; de vulneris lethalitate per se & per accidens, destituti adhuc genuino de utraque hac conceptu; Læsiones, super quas deponere rogantur, non tam trutinant, quam fingant; Amentię habitudinem ad delictum, de qua postulantur, minime attendant; Plagæ lethalitatem non in relatione ad individuum percussum, sed in genere potius, determinant, ut, dum de Petri v. g. vulnere ventriculi quæritur, non cuncta organi hujus vulnera omnibus mortem intulisse, proluxa Commentariorum autoritate & uno vel altero experimento, casui præsentī inepte satis applicato, pronuncient; Chirurghi imperitioris manibus ac lanienæ in sectione cadaveris nimis fidant, & qui similes sunt infiniti generis sapius commissi errores ac præcipitantia enormiores.

Isagogem E. hanc sub Officii Medici Forensis delineatione exponam, primo personam deponentis, hinc judicandi seu testificandi instrumenta ac modum ac demum renunciandi difficultates varias recensiturus; undique ac suis locis errores frequentiores notando ac pro viribus emendando. Quali successu, judicabit Lector Bene-

volus, cujus animadversioni honestæ meas adnimadversiones lubens subjicio: partem autem hujus doctrinæ specialem alii tempori concedo.

CAPUT II.

De

Medico deponente.

Medici de-
ponunt in
foro.

Chirurgi
etiam ac
Obstetri-
ces.
Director
singulo-
rum Medi-
cus.

P*eritis in Arte credendum esse*, dogma Jctorum generale & axiomaticum est, hinc minus mirari decet Legislatores horumque Commentatorum prudentiam, quæ antequam sententiam ferant in causis, Medicam artem spectantibus, Medicorum implorant, sub *Relationum, Testimoniorum, Renunciatorum* ac *Depositionum* nomine, Præjudicia, ac pro horum diversa inclinatione jus suum cuique decernant: imo provocant ad hanc Medicorum censuram præliminarem ipsemet aliquando actor reusve, sibi ex ea favorabiliorem in foro sententiam promittentes, sicque omnes, *Medicis quoque in rebus medicis standum esse*, unanimiter compromittunt. Et quidem non Medicis tantum, specialius sic dictis, sed Chirurgis quoque ac Obstetricibus, utpote artis medendi aliquam partem exercentibus, in negotiis, peritiam singulorum spectantibus: ita tamen ut his Moderatores constituentur a plerisque Legislatores Medici, ac eorum Relationibus vix unquam absoluta adhibeatur fides, nisi unius alteriusve horum, vel Collegii, superveniat consensus atque auctoritas. Forsan Medicis his abusive dictis addere convenit Pharmacopæos & Aromatarios, tanquam in arte sua pariter peritos, ut de causis rem pharmaceuticam concernentibus coram Magistratu deponant, sc. de pharmacorum simplicium ac compositorum ingenuitate atque integritate, de horum præparandi ratione, pretio, &c. Verum quia commodius & perspicacius sine dubio de materia Medica judicare potest Medicus, tanquam Pharmacopæus dogmaticus, non merus empiricus, quales nostrates sunt Stationarii, ideoque sine horum opera visitationes Officinarum Publicarum peragi solent ac possunt: non, nisi in *Taxa* formanda, admitti debent, utpote quibus de pretio emptio-

emptionis simplicium & impensarum necessariorum momento constat. Cur & qua ratione major testificandi auctoritas Chirurgis in Republica contigerit, inferius patefcet.

Eo ipso tamen, dum Legum Doctores, v. g. *Riccus* in *Mascar-* Qui Medici
di conclus. 1174. auctoritatem, quam Medicis contulerant, his limitibus circumscribunt, *ubi scilicet constet, Peritos esse reveratiles, Ulpianus* quoque Medicum, propter insufficientiam, a munere, ad quod electus, remove cavit, ac dum, notante *Mascardo conclus. 1037.* Medicus novellus imperitus præsumitur; item, dum plerique Jctorum, ubi periti discordant, peritiori stare jubent, & alii, v. g. *Carrarius de Medico & ejus officio part. 4. num. 161.* ac *Farinacius de homicid. quest. 120. f. 4. num. 76.* paria judicant, Medicum non adhibere, ac imperitum adhibere: non sine ratione, quis denuum medicorum vere peritus sit, dicere debeat, ambigendum foret. At, cum pro quibusvis non tantum, qui artem aliquam exercent, præsumptio peritiæ sit, & propterea illis credatur, jubente *Imperatore L. Semel C. de re militar. l. 12.* sed in specie Medicus, ut ajunt, promotus, seu qui examinatus, Academia rite sustinuit, talis vere præsumatur, donec imperitiæ manifeste convincatur; nullius horum peritia & publice seu in foro testificandi habitudo in dubium vocari debet. Proin, quando *Pacianus de probat. l. 1. cap. 47. num. 131.* *Mascardus l. a. Clarus receptar. sentent. l. 5. §. Homicid. n. 43.* & *Carerius caus. criminal. p. 414. §. 19.* Medicis etiam non doctoratis in iis, quæ ad artem eorum spectant, credendum esse, ajunt, modo ex communi loquendi consuetudine, Medici dicantur, seu Practici existant: recedunt temere a communi Doctorum suorum sententia, qua Agyrtas, Parabolanos similesque Medici personam tantum gerentes, & quos vulgus duntaxat imprudentior Medicos appellat, quales tamen non sunt, ex Medicorum ingenuinorum ordine proscribunt, & publica lege atque auctoritate proscribuntur. Tales siquidem Circumforanei in foro de rebus artem spectantibus deponere nequeunt tanquam in hac vere peritis haud accensendi, quod, quam profitentur, non, nisi per meram empiriam, sibi compararint, ut vel ex *part. 1. c. 3.* constare poterit. Sub qua relatione nec eorum Renunciationibus a Collegiis Medicis ulla fides atque autoritas conceditur, ipsimetque ruditatem aliquando infirmam

gnem in attestatis suis, si forsan ab incautis hæc postulentur, ad risum usque testatum faciunt, testantur etiam Acta forensia.

Quam Doctorum ac Licentiatorum Academicorum præminentiæ pariter propugnat *Decretum Visitationis* Academiae Nostratis anno 1658. habitæ, illis tantum præ non-promotis facultatem praxin Medicam in provinciis his exercendi & cadavera visitandi quam gratiosissime concedens: & *Pacianus l. a. n. 144.* a sententia priore recedere observatur, ubi Doctores aliis non-Doctoribus præferendos monet, *quod pro illis regulariter præsumatur.* Carerius autem sibimet contradicere videtur, dum *p. 462. §. 25.* Medicum, qui absque licentia officialium Regionum & absque discussione ac Doctoratu mederi voluerit, privatione bonorum puniri jubet: quatenus ad testificandum peritia ac fides non minor, ac ad medendum, requiritur. Quo etiam inclinatur *Waltherus, de statu, juribus ac privileg. Doctor. cap. 12. §. 72.* scribens, in rebus ad Medicinam spectantibus non semper Doctorum Medicorum opinionem attendi, sed aliorum etiam Peritorum, qui Doctores non sunt, modo examini se subjecerint, v. g. Candidati, qui rigorosum Academicum expertus, aut Practici cujusvis, qui Collegii cujusdam Medici assensum meruit. Quibus annuere deprehenditur *Bosselius Amalth. Med. Polit. apparat. 3. cap. 14.* dum Doctoratus Patavini celebris seu publici vim valde distare asserit ab eo, qui citra rigorem examinis, simplici verbo, *Esto Doctor*, expletur: *hunc enim observari parva doctrina, non ex rigore juris, sed potius ex equitate, quod talis prerogativa dignitati concedatur absque exercitii consideratione, treibe das Handwerck nicht/ & concludatur, ignarum Doctorem gaudere privilegio Doctorum, idemque dicendum esse de Doctoratu, a Comite Palatino illato &c.* Et *Mornacius obs. in ff. 24. libr. prior. pag. 403.* perhibet, Lutetiæ Parisiorum Senatum interdixisse, ne quis ibi Medicinam faciat, nisi quem Docturam a Scholæ Medicæ Magistris accepisse constet. Haud nego tamen, Seniores forsan Medicum juniore in passu prævalere, utpote majoris sine dubio peritiæ: cum advertente *Paciano de probat. lib. 1. cap. 47. num. 38:* Jurconsultis bene peritus audiat, qui diu bene se habuit in arte sua; item ille, de cujus peritia fama publica (adde, prudentum) testatur. Alias quippe etiam fieri potest, ut juvenis, quemadmodum

Senior Medicus prævalet juniore ordini.

modum in medicis præceptis scientissimus, & in operibus mediocriter exercitatus, tam in medendo, quam docendo, Reipublicæ præ Seniori sit utilior, i. e. si modo mente canescat, & in brevi ætate tempora multa compleverit, adeoque *Doctor peritus, quantumcunque junior, antiquiori non docto*, monente *Carerio l. a. num. 144. sit præferendus*: ita in testificandi pariter & judicandi dexteritate Seniori in foro aliquando palmam præripiat, i. e. illi, qui in ipsa senectute juvenis adhuc existat.

Communitè Medicis deponentibus (inprimis super lethalitate vulneris) non, nisi juratis, fidem adhibendam esse, Veteres Juri fere omnes, una cum *Constitut. crimin. Carolina* asseverant, ad stipulante itidem *Carpzovio præct. criminal. part. 1. quest. 26.* ideo forsitan, quod peritis in nulla arte ac scientia, in nullo negotio, sine juramento stetur, hinc nec Medico, ne advertentibus *Mascardo conclus. 138. Muscatello de cognit. delict. rubric. de Vuln. lethal. num. 21.* ac *Carpzov. l. a.* se in favorem hujus vel illius deposuisse suspicionem incurrat. Verum, integra relicta Legum sacrarum vi, rigor harum nihilominus Etiam non quam commodissime temperabitur per insequentes Interpretum juratus. quorundam limitationes. Juramentum primo non exigi speciale ab illis Medicis, qui ab initio Officii, ad quod publica auctoritate, evecti, jurarunt; hinc secundo nec ab iis, qui ad cadavera inspicienda specialiter vocati sub muneris hujus collatione Sacramentum dixerunt; urpote quorum juramentorum tanta vis est, quæ ad omnes actus & exercitia hujus muneris se extendat, annotantibus *Baldo in prima constit. ff. num. 16. Mascardo conclus. 1037. Paciano cap. 47. num. 20. & 21. Gailio obs. 111. num. 13. Rutg. Rulando de Commissar. part. 1. l. 4. c. 15. ac Carpzovio l. a. obs. 40. & 41.* Quibus demum casibus tertio idem *Rulandus l. a. & Nobilissimus Stryckius de jure sens. diff. 1. cap. 2.* addunt juramentum, quod Doctores ac Licentiati in Promotione solenni præstant, urpote ejusdem cum indigitatis virtutis. Quemadmodum non tantum Commentatorum horum Posterior, a Facultate Juridica Viadrina pro hoc juramento, tanquam sufficiente, aliquando pronunciatum fuisse, perhibet: sed judicii quoque hujus urbis Prætoriani Acta inquisitionalia, in puncto homicidii, a *Joh. Dörnig in G. Geislero, Anno 1657. commissi, idem loquuntur.* Dum, quam

quam a Juramento Medici & Chirurgorum testantium, ante inspectionem vulneris haud praestito, petebat Rei defensor, Exceptio una cum cœteris ejusdem generis rationibus ab Amplissimo hujus Loci Scabinatu rejiciebatur, his circiter sententiæ verbis: quod, cum Inquisitus in Defensionalibus suis nihil solidi & exculpationi suæ faventis adduxerit, eidem hactenus indultus Salvus Conductus annihilari ac ipsemet prehendi debeat, &c.

Imperitus
juramento
nihil pro-
bat.

Bina igitur sunt primaria in Medico deponente requisita, Peritia nempe ac Fides, eaque adeo inseparabiles, ut in ejusmodi arduo negotio neutra earum solitarie sufficiat: per consequens, imperitor, utut fidem juramento docere malit, ad idem minime admittendus, Balneator v. g. aut notorie rudis, aut qui ruditatem suam vel ipso deponendo comprobat, aliusve imperitus, v. g. Carnifex ille ad renunciandum admissus, cujus attestati, a Facultate Nostra Auno 1694. 21. Julii omnimode rejecti, in Actis hæc leguntur verba: Dieweil ich Endes Benannter am Dienstage gegen Abend und nach 7. Uhren den 12. Junii bin nach Lestwig geholet worden/ wie die Gerichts-Knechte von Zing den Wirth Barthel Martin beschädiget haben als wie folgt: Erstlich haben sie ihn auff der linken Seite in die Achsel gehauen/ auff dem Brustbiegel in den Hals/ wenn er nicht zwey Finger tieffer gekommen/ so hätte er ihm den Hals gar abgehauen/ so ist die Wunde 4. Campffer tieff 6. Campffer lang 5. Campffer breit an der Gurgel hat der Hieb gewendet/ und es hat nicht ein Strohhalm gemangelt/ so hätte er ihme die Pulsz-Ader an zwey gehauen/ und die grosse Flechse ist auch lediret. Zum andern hat er ihm einen Hieb vorne auff den Kopff gegeben neben der Naht 4. Campffer lang/ und die Hirnschale hat er auch lediret/ wie ich ihme mit der Hülffe Gottes wieder zu rechte bringen will/ so sich der Patient darnach hält/ welches ich mit der Wahrheit bezeige. Datum Drösig 2c. Nulla enim per Deos deasque praestito juramento conciliari poterit auctoritas ac fides ruditati evidenti: i. e. falso seu prave observata Sacramento nunquam vera evadent.

Contingit aliquando, duos Medicos in deponendo concurrere, dissentire tamen: in quali casu neutrius pronunciato major præ alterius testimonio, fides erit concedenda, nisi forsitan unius peritia evidentius antecellat alterius peritiam, qualem disparitatem superius innui:

innui: sed dissentium ejusmodi relationes Collegii cujusdam Peritorum censuræ exponendæ & hujus demum in re dubia sententiæ ultimatæ standum. Quod a litigantibus non tantum, sed Magistratibus quoque, observari solet, ut super privatorum Medicorum discrepantium Renunciationes Collegiorum demum rogent cribrationem, nec sine hac facile in ipsa causâ decernat Prætor. De argumento hoc a Medico quodam Anno 1696. mense Februarii *Facultatis nostræ* postulabatur sententiâ: An nimirum Medicus privatus de alterius Medici ac Collegæ consilio ac factò, v. g. in sphacelati cruris extirpatione, judicare, ac secundum hujus censuram, sine Collegii publici auctoritate ac decreto res decidi possit? Cui hoc obtingebat Responsum: Licere equidem Medico cuivis, ad hoc requisito, de alterius Medici actione & lato judicio sententiam ferre, hancque literis consignatam Actis publicis committere; minime tamen eum tantum auctoritatis sibi arrogare posse, ut secundum pronunciatum suum, sine Collegii Medici interventu res litigiosa a Judice forensi decidatur: vel quod auctoritati in casibus dubiis dirimendis, soli illi concessæ, hac ratione temerarie derogaretur; vel ne Medicus ac Censor posterior suspicionem, se ex affectu quodam ita pronunciasse, incurrat. Quamvis, ubi forsan super lethalitate percussione plures Medici privati implorantur, si duo horum tantum, percussum ex plaga non decessisse, deponant, his potius, quam pluribus affirmantibus, credendum esse, Jure consulti sentiant, v. g. *Farinacius de homicid. t. 4. quest. 127. part. 4. n. 116.* Quod probabiliter extendendum videtur ad alios quoque casus, ut in his quoque standum sit duobus in mitiorem sententiam inclinantibus Medicis, quam pluribus, qui rigidiorē profitentur.

Insuper quicumque ad deponendum postulatur, Medicus, sive privatus ac solitarius, sive Collegii membrum, extiterit, conscientia probe amans adeoque bonæ famæ & fide dignus sit: sive Sacramento & solenniore hujus formula ad deponendum se obstrinxerit, sive secus. Et quod *Sebixius* olim, *Prodrom. exam. vulner. part. 3. thes. 4.* in Judicio de Vulnerum lethalitate ferendo maxime attendendum esse monet, his verbis: *Oportet hoc casu animum habere ab omni affectu vacuum, credendo, Deum nunc ad iudicium nobis adesse, & factorum no-*

Dissentibus deponentibus Collegia rogantur.

Medicus secundum conscientiam deponat.

strorum omnium inspectorem esse oculatissimum, sique contra Veritatis & Æquitatis legem sententiam tulerimus, Vindicem severissimum; sin pro veritate steterimus, Fautorem ac Remuneratorem benignissimum. Magnum quippe crimen est, impietatis plenissimum, eum, qui a mortis pena liberari potest, falso atque iniquo testimonio reum facere, &c. Illud cunctis causis, super quas testificari postulatur, qui pietatem actionum suarum directricem cupit, Medicus applicat. Quemadmodum fidele pariter est F. Fidelis consilium, quod in Conclusionem sui operis subnectit: sed ante alia semper te veri amatorem esse atque amicum consulo, nam cum turpe ubique sit, Medicum mentiri, omnium tamen maxime indignum est, cum jurisjurandi interponitur fides, quam violare summum est nefas, &c. Et paulo post: Mendacium in re quacunque semper evitandum ac detestandum esse arbitror; tametsi nullum jusjurandum obstiterit: sed tum maxime, cum accepto pretio mentimur: ut merito propterea vilescant Medici ac despectui habeantur, qui mercede proposita contra fas jusque omne veritatem subvertunt. At in medicis Relationibus, quæ tametsi longe a Curia aliquando fiant, nec ullum nobis religionis præscriptum offertur, semper tamen nos ipsi tacite devincimus, ac semper, quasi Deo teste, referimus: Si quid inquam illo tempore mentiamur, nihil dubium est, non solum contemnere nos honestatis officia, sed semper quoque jurisjurandi fidem violare. Quale quid quosdam perfrictæ frontis & animi pravi haud semper satisque advertere, experientia, proh dolor! eloquitur, qui ad Actoris vel Rei nutum quam promptissime deponunt, jurati etiam aliquando, aut Relationes suas speciali quoque juramento confirmant: quibus alii, conscientia paulo tenerioris texturæ, falso equidem renunciant, donec ad juratoriam Renunciationis suæ confirmationem adigantur; cui se turpiter subtrahunt, sententiam perditæ mutant & aut indolem suam nefariam, aut imperitiam & quod de se ipsis dubitent, publice testatum faciunt.

Nequitia hujus causam potentiorē innuit idem Fidelis l. a. sequentibus: Denique hoc in loco non me latet, quam facile avaritia ac lucri cupiditas serpat, quam prompte multorum animos obsideat eoque imprudentia deducat, ut Mendacium etiam atque Perjurium certa mercede pacisci non dubitent, &c. Ac menti alte imprimantur, quibus

Tulpius

Tulpius lib. 4. c. 7. Judici in Lethalitate definienda sincere respondendum esse monet, verba: *Plurimi interest, sententiam suam haud leviter ferre, nedum in re tam gravi amicitia atque hostilitati aliquid dare, quin potius soli veritati litare, quæ ut semper recta, sic nunquam non justa ac Deo grata est.* Cave sis ergo, Medice, aliter loquaris, aliter sentias, sit Tibi religio, nunquam Judicem in fraudem allicere. Pariter *Codronchius meth. testif. cap. 3.* ait: Medicum, qui de morbo aliqua vel vulnere sententiam suam religiose testificari debet, ante omnia animum ab omni affectione perturbationeque liberum vacuumque habere oportet, & veritatem sectando mendacium odio prosequi, ideo requisitus a Judice, qui juxta formam vel ordinem juris interrogatus, veritatem dicere debet, qualibet utilitate, vel sub ratione & specie boni, vel honesti, postposita. Et *R. a Castro Medic. polit. lib. 4. cap. 11.* scribit, magna opus esse prudentia in vulnere relatione, tanquam re perdifficili & maximi ponderis, ut, si quando eos, de quorum capite agitur, vel eximere, vel talionis pœnæ nostro testimonio addicere, sit necesse, id inculpate præstare possimus, ne in magnum incurramus scelus &c.

Quam eandem fidem in Referentibus quam maxime exigunt Legum quoque Doctores, ideo, quod in Peritis non sola peritia, sed honestas & pietas etiam, supponatur, juxta *Pacianum lib. 1. cap. 47. n. 141. & 142.* Si enim Medico fides habenda est in iis, quæ ad artem spectant, auctoritatem atque fidem hanc vel publico nomine quilibet, qui Publico natus, tueatur ac conservet: cum, juxta *Aristotelem*, nullus Civis se suum æstimare debeat, sed omnes civitatis, dum particula Civitatis unusquisque est. Neque ingenuitatem & fidem hanc interpellat illa taciturnitatis lex, quam circa infirmos Medico Clinico custodiendam *part. 1. c. 4.* commendatam recorder: cum in foro, seu ubi Reipublicæ ratio habenda, aliter agendum sit, ut eodem loco prolixè pariter monui. Divinæ aliæque sanctiores leges, conscientiam observare Medicum, Chirurgum & Obstetricem jubent, ut de his quoque, quæ latere mallet alter, v. g. Veneficio, Impotentia, ad matrimonium, illatis percussionebus, partu clandestino similibusque, postulati inprimis, ingenue ac sincere deponant, & veritatem nunquam dissimulent: cum Civitatis & Justitiæ intersit crimina innotescere ac vindicari, scandala declinari, &c.

Deponit
Medicus
tantum de
credulita-
te.

Habent tamen hoc Medici cum cœteris Peritis præ Testibus communibus, ex Legum harumque Interpretum, v. g. *Baldi l. a. Mascardi conclus. 1069. Gailii l. a. Paciani l. a. num. 25. & Celeberrimi Strickii*, indulgentia, peculiare, ut non semper de rei veritate, sed credulitate seu probabilitate etiam tantum, in causis nempe, quæ in sensu minus incurrunt, nec alias certo sciri possunt, deponant, etiam in ejusmodi casibus, ubi Magistratus eorum Relationem jurejurando confirmari postulat: quia Ars Medica sæpe fallit, & per hujus incertitudinem atque experientiam maxime periculosam ad perjurium, facile abripi potest Deponens, juxta *Minsinger. cent. 6. obs. 34. num. 11.*

Etiam sus-
pendere
poteſt ju-
diciū.

§ 12. ac Mascard. l. a. num. 37. Neque ullus eorum ideo culpari, multo minus convitiis excipi, debet, si post casus difficilioris recensionem judicium suum suspendat, aut dubie respondeat, desiderante ejusmodi circumſpectam modestiam *Codronchio l. a.* ubi quemlibet Medicum sententiæ magis peritorum potius se subſicere, quam temere in alterius præjudicium pronunciare, jubet. Qui modestiam hanc ignorantia si parium frivole proclamant, horum cavillandi libidinem vel solus *Fidelis l. a.* itidem reprimere poterat: *Sed illud etiam ignorandum non est, in nonnullas rerum occasiones Medicum nonnunquam incidere, ut, cum nihil certi de re proposita constet, dubia omnia incertaque referre nos etiam oporteat. Non semper enim promptæ sunt rerum atque affectionum notæ: ut propterea in dubia atque anticipati Medicorum relatione satis justæ esse possit excusatio. Quinimo nec Collegiis, de sententia super casum expositum ferenda ambigentibus, & interloquendo, ut ajunt, minus accurate, confuse ac intricate a primis deponentibus observata atque relata technice & legaliter magis explicari postulantibus, vitio hoc verti debet: modo defectus innuant alicujus momenti, non vero tales, quibus illos non tam erroris vel hæſitantia convincant, quam ignorantiam & præcipitantiam propriam eosque subsannandi pruriginem, prodant.*

Circum-
ſpecte &
præmedi-
tato depo-
nat.

Detrimentosa magis cujuslibet conscientia ac existimationi, aliis vero & publico exitiosa valde, continget illa levitas & præpropera festinatio, qua ad deponendum vocatus Medicus in judicando ac pronunciando inconsultum omnino se præstat, nec mature & circumſpecte satis in negotiis ejusmodi arduis expediendis agit, inprimis

mis si in problemate proposito alios a se invicem & a se ipso dissidentesprehenderit, eosque Viros in arte eximios. *Tunc enim,* inquit idem *Fidelis l. a. nihil dices, quod non satis digna meditatio iudicii que maturitas elaboraverit. Neque enim in gravi ac difficili questione, & que forsan a vulgari diligentia remotior sit, dedecereb Medicum, doctum licet usuque ac literis præstantem, justum aliquod temporis spatium exposcere, ut consultis autoribus de re proposita sententiam ferat.* Dum vix axiomatis vim illud obtinet, ut nonnullus olim scribebat, quasi præjudicia, hypotheses & casuum identitas seu conformitas Medicum in deponendo turbent; quin potius egregie juvent. Indulgent quinimo ac commendant Medicis atque Chirurgis Legum Doctores illud *festina lente*, sc. ne festinanter & ex abrupto sententiam dicant, sed diu deliberent de observatis, quod ab iis semel statuendum, ut legere est penes *Boërium decis. 323. & Mascardum concl.*

2037. num. 21. Quale quid cum non omnes æque, quibus testificandi munus committitur, advertant, in id præcipitantia ac levitatis prolabantur, ut, quod primo asseruerint, paulo post negent, cogitationes posteriores prioribus sapientiores rati: Et si nec hoc adeo feliciter atque apte semper, sed cum ludibrio penes prudentiores non minus, ac rudiores fiat. Medicus v. g. cum Balneatoribus fociis, qui vulnus Coli satis ingens cum sæcum eruptione & sanguinis profusione notabili immediate a sectione cadaveris lethale dixerat, sequente die idem non lethale, cum turpi prioris sui iudicati rescissione, renunciabat, rationibus quamvis nullius acuminis, quale quid *Acta Facultatis nostræ Ann. 1692. mens. Aug. perhibent.* Imo observare licet præ stupiditate adeo hæsitantes ac mutabiles, qui intra horulæ quadrantem unum idemque vulnus lethale ac non lethale, puellam virginem ac defloratam &c. asserunt, cum cachinno etiam assidentium. Festinatoribus ejusmodi procacibus non sine causa accenseo illos Professores, qui, dum in aperiendo adhuc cadavere versantur, ac antequam vix aliquid interaneorum, nisi oculo fugitivo satis, conspexerunt, præpropere admodum, hanc vel illam partem, hoc vel illud vas, fauciatum proclamant, aliquando etiam ejusmodi membrum, de quo mox ipsemet Professor ambigit, an ejus vulnus ab occifore, an cultello proprio aut amanuensis imperitioris, illatum fuerit: hac ratione

*Festinata
Renunciatio
quantum
noceat.*

aut illegalis inspectionis exceptionem prioris Defensori subministrans, aut poenam præcipitantiæ suæ publicam luens, i. e. cœcos catulos enitens.

Medicus
sine ratio-
ne non de-
ponat.

Idem quidem *Mascardus l. a. num. 15. & conclus. 1169.* cum pluribus aliis tantum fidei atque auctoritatis Medicis æque ac cœteris in arte peritis concedit, ut horum testimonio credendum asserat, licet effati sui nullam rationem reddant : si sc. hæc a Judice aut Parte non expresse petatur, seu de hac illi non quærantur. Verum cum non appareat, cur in rebus, quæ sensoriiis externis non adeo, nec omnimode, obviæ sunt & per indicia seu signa demum sensibilia ab intellectu eruuntur ac dignoscuntur, quæ occulta hæctenus erant, sententiæ suæ (seu decidendi rationem silere debeat Medicus, sine qua non plus fidei merebatur, quam si rem mere sensibilem, non visam, non contrectatam, degustatam &c. testetur : *Paciani* potius ac *Muscатели* opinionem amplector, quorum prior *l. i. c. 47. n. 64.* inter alias Testis vulgaris ac Periti differentias etiam hanc profitetur, quod huic minime, ac illi, credatur, nisi dicti sui rationem exhibuerit, a Judice, licet haud interrogatus de illa ; posterior *prax. crimin. de vulner. leth. p. 241.* ait, illos, qui sufficientem rationem scientiæ dicti sui reddere non possunt, minime ejus artis, quam profitentur, peritos esse. In specie autem, ubi de vulnere ferenda sententia, assertionis suæ argumenta depromere tenetur Medicus, innuente *Carpzovio l. a. quest. 26. §. 43.* Quæ quidem consuetudini & praxi hodiernæ ac nostrati conformia sunt, qua quotiescunque de Virginitate, Imprægnatione, partu, Lue Venerea, Veneficio, Vulneris habitudine, Morbo ficto &c. Medicus deponit, toties sentiendi rationem unam pluresve annectit seu inserit, sub tali circiter connexionem. *Quoniam mihi visum fuit Cerebrum in Cajo ad ventriculos usque sauciatum, Sinus falciformis laceratus, cum enormiore sanguinis extravasatione, Plagam hanc per se lethalem pronuncio : Purgamentorum muliebrium suppressione laboravit Tullia ab aliquot mensibus, cum facie satis vividâ & ventris intumescencia, qua subito evanescente cum copioso cruoris per genitalia fluore lac serosum in ejus mammis deprehenditur ; E. nuperrime peperit : item Calpurnius, temulentiae quotidiana deditus, gestibus inconcinnis corpus exagitat, obscœna & scurrilia effutit, jurgis ac contumeliis petit quos-*

quorvis, nugas loquitur & ad quesita incongrue respondet ; Dementiam proin in misero hoc metuamus, quid prohibet ?

Talem, i. e. rationibus instructum, gerere se debebat Medicus privatus seu solitarius, & quidem brevibus reddendis, nisi in controversiam causa rapiatur, & præter se aliumve priorem Medicum, cuius effatum vel illi, quorum interest, vel Judex, suspectum habent, alius insuper adhibeatur, hujusque Renunciatio postuletur : & tunc prolixitate diserta opus, per quam unius dubitandi seu contraria argumenta declinet, proprium vero seu alterius assertum firmet. Quod a Collegiis non, nisi tunc demum, expectandum, ubi vel a Requirente rationes dubitandi ac decidendi expresse desiderantur, vel Medicorum privatorum dissentientium sibimetque contradicentium dissidia componere, vel Collegii alterius cujusdam sententiam contrariam, refellere, necessarium observatur : quod itidem terminis succinctis fiat, v. g. *Vulnus hoc, prout a Medico & Chirurgo, qui inspectionem administrarunt, describitur, per se lethale pronunciamus, non obstante, quod regimine ac medela necessaria destitutus fuerit percussus &c.* aliquando etiam specialiora magis contradicendi ac confirmandi argumenta annectendo.

Vitet proin Medicus testificari jussus quamvis prolixitatem atque ambiguitatem, & ante omnia (in quo nihilominus multos peccare observo) Judicis vel cujusvis Requirentis mentem in referendo probe attendat, atque ita ad postulata eorum tantum apte deponat: longius enim, quam res postulat, digredi, & quæstiones impertinentes immiscere, sicque statum controversiæ negligere ac occultare, iudicum animos defatigat ac tædio afficit. Caveat pariter, ne in tradenda Relatione obscurus ac intellectu difficilis ullo modo reperiatur, sed stylo simpliciore ac perspicuo magis, neque ambiguus verbis & phraseologia, quæ iniqua interpretatione veritatem supprimant, utatur. Hinc technicæ equidem semper loquatur, ita tamen, ut, si qui terminorum, Medicis quidem notissimi, ast Jctis ignotiores, intercurrent, tritis ac popularibus magis, & interposita aliquali quasi paraphrasi, interpretetur, v. g. *Causo febrem ardentem substituatur vel adiciatur, Diarrhææ fluorem ventris, Cephalalgia capitis dolorem, Aortæ arteriam magnam, Trachææ asperam arteriam, die Lust-Röhre/* item

Et quidem aliquando prolixius explicando.

De cætero vitet prolixitatem.

Sic perspicuus.

item non, nisi per accidens, lethale hoc judicamus vulnus, worvon der Verwundete / da die behörige Pſegung und Arzenei-Mittel zu rechter Zeit wären gebraucht worden / wol hätte auffſtoßen und bey dem Leben erhalten werden können / 1c.

Neque ex
rarius &
aliquando
tantum
contin-
gentibus
concludat.

Sicut minus quadrat, quæ rarius eveniunt, casibus individualibus mox, sine ulla ratione, applicare, sicque aut frustraneum metum, aut intempestivam spem, judicis concitare: aut sententiæ primariæ talia annectere, de quibus Medicus haud postulabatur, & quæ nihilominus eundem judicem pariter dubitare faciunt. Prioris generis aliquod exemplum *Fidelis l. a.* suppeditat, si nempe, quem febricula in carceribus corripuit, ajat Medicus, inde illum solvi oportere, quoniam ob insalubriorem loci atmosphæram pravi succi, quorum effectus indiciumque febris sit, eousque in corpore cumulari queant, ut febrem ad periculum vitæ intendant. Ubi potius quidem fatendum foret febrem vitiosos in corpore succos arguere, ac illos ab aëris vitio ad ægri internecionem aliquando depravari posse; quia nihilominus exigua seu levior febris omni periculo vacet, nec effatu dignam innuat humorum pravitatem, possitque etiam in carceribus satis diu innoxie perferri: vix ideo incarcerationum emittendum esse. Postquam nempe doceri exigebant Judices non, num febris seu ægritudo ejusmodi in genere aliquando degenerare & infirmum perimere queat? sed an plerumque ita fieri soleat, & in præsentem casum idem metuendum? Cui errori forsan similis est, ut superius innui, si, ubi de plaga certo individuo illata quæritur, an defuncto mortalis extiterit? deponat Medicus, minime, quia aliquando ex ejusdem membri percussione evaserit unus vel alter, testantibus hoc his illisque Scriptoribus: quasi vulnus, ex quo quendam aliquando evasisse constet, non lethalibus accensendum foret, ex eorum nihilominus gene-

Nec alienare, quæ ut plurimum enecant. Neque posterioris erroris deficiunt admisceat. paradigmata, sed observationes plus quam frequentes sunt, dum v. g. post lethalitatem vulneris per se pronunciatam ineptis additamentis, iisque interdum satis contradictoriis, Judici non tantum inepte, hinc concludendi occasionem subministrant, sed semetipsos turpiter confundunt hunc in modum: Wiewol zu wünschen / daß der Beschädigte bey Zeiten und behörig wäre verbunden / auch sonst gebührend tractiret

tractiret worden; unde Judex mox infert, E. aliquid curæ & regim-
nis intermissum, plagamque per accidens saltem lethalem judicat.
Aut hac ratione, daß dergleichen enormes capitis læsiones, wie sie in
dem Attestat des Medici und Chirurgi beschrieben/ zwar allerdings per
se lethales zu achten/ gleichwohl aber dahin zu stellen/ ob bey diesem Vul-
nerato, gestalten Sachen nach und da/ re. als einem jungen/ starcken
Menschen/ per elevationem Cranii subsidientis tempestivam naturæ
conatibus nicht hätte succurreret werden können/ re.

CAPUT III.

De

Chirurgis ac Obstetricibus deponentibus.

CHirurgorum in deponendo coram Judice opera minus fre-
quens observatur, sc. fere tantum in dijudicandis vulneribus, ^{Rarius de-}
fracturis, mutilationibus, cicatricibus & paucis forte similibus ^{ponunt}
v. g. de erroribus ab aliis Chirurgis commissis; nisi aut sibi plura ^{Chirurgi.}
horum præsumant, aut ab inepto Prætorē ad ejusmodi Renunciatio-
nes trahantur, quarum argumenta spheram illorum longius tran-
scendunt: quamvis hoc testificandi munus iis peculiare & præ Me-
dicis competere, haud videatur. Super illas percussionum condi-
tiones, quæ in sensus solos incurrunt, item membrorum mutilatio-
nes, bubones, ulcera &c. soli forsan Chirurgi aliquando deponere ^{In casibus}
valent: an vero in casibus arduis, ubi accuratiore inspectione, pru- ^{levioris}
dentiore conjectura & ratiocinatione opus, eorum Relationibus, sine ^{momenti.}
Medici approbatione aut mavis directione, sit fidendum, merito am-
bigunt mecum illi, qui nostrates ac hodiernos Tonsores, peritia,
ejusmodi destitutos norunt, qualem nihilominus in iis supponunt aut
prærequirunt Legislatores, v. g. in lethalitate vulnerum determinan-
da, de infirmitatibus post vulnera metuendis, &c. Quippe eo ipso, ^{In specie}
dum sine Anatomies, Physiologiæ ac Pathologiæ curatiore notitia, ^{nec super}
quæ Chirurgis nostris tantum non omnibus exulat, nec partem vul- ^{vulnerum}
neratam, nec ejus actionem, læsionem & læsionis effectum, discerne- ^{lethalitate,}
re valent: mox comparet, quantum hallucinentur in deponendo ^{Propter}
^{eorum im-}
^{peritiam,}

non tantum antequam percussus moriatur, ejusque cadaver secandi copia fiat, sed cum remotis quoque integumentis externis interiora oculis usurpare possunt i. e. in membro læso significando, prognostico formando ac lethalitate asserenda vel neganda, iidem, sive Magistrorum, sive Principum, titulum prætendant.

Conquerebatur de hac Chirurgorum imperitia suo jamdum tempore *Galenus 3. de administr. anatom. 1.* ac conqueritur de eadem nostra ætas: cujus potissima causa hæc est, quod absque rerum necessariorum studio & theoria prævia Arti se mancipient, & ejusmodi morborum curæ se applicent, quorum terminos vix norunt, aut enunciare valent; qualem ruditatem Medici pariter ac Juri ex ejusmodi hominum attestatis de vulnere similibusque casibus, vulgo *Wund-Zetteln*/quotidie cum nausea legunt. Ita ut in illorum depositione, nec, etiamsi res non adeo magni momenti fuerit, facile acquiescat judex circumspicior, quin Medici insuper judicium roget.

Malè de-
ponendi
munus a
quibusdam
Juri chi-
urgis de-
mandatur.

Ab aliis
ipsis dene-
gatur.

Quibus ita se habentibus non apparet, cur secundum quasdam Leges publicas, v. g. *Constitutionem Criminalem*, harumque Interpretes, v. g. *Clarum recept. sentent. lib. 5. §. Homicid. num. 43. Mascardum conclus. 1175. num. 40. Farinacium quest. 2. n. 4.* in casibus arduis ac difficilioribus, in specie, ubi super lethalitate percussione deponendum, vel Chirurgis & Barbitonsoribus nostris solis, seu præ Medicis, vel Medicis haud solis, seu non, nisi cum Chirurgis iisdem, fides sit adhibenda: contradicentibus inprimis hoc in passu aliis Legum Doctoribus, *Carerio nempe, Paciano, Angelo Aretino, R. Rulando, Brunnemanno, Stryckio, &c.* Quorum prior *causar. criminal. p. 414. §. 16.* non Tonfores, sed Medicos, chirurgicos expertos, ad hoc negotium postulat: *Alter de probat. lib. 1. cap. 47. illum, qui bonus Physicus & simul bonus Chirurgus, huic, qui tantum Chirurgus, præfert, Major quippe, ait idem, peritia verosimiliter probatur, quando unus est bonus Physicus (i. e. Medicus practicus) & simul bonus Chirurgus, alter vero est tantum Physicus, vel tantum Chirurgus. Aretinus Instit. proæm. Magistratum, an vulnus sit lethale, nec ne, non credere nec stare debere Medico, qui est Chirurgus tantum, sed qui totius Artis Medicæ sit peritus, scribit Excellentissimus Stryckius §. 19. non nudos Barbitonfores, sed Chirur-*

Chirurgos, in Anatomia versatissimos, & qui constitutionem corporis humani exacte norint, in *Carolina* per Chirurgos intelligi, §. 27. autem *Mascardi* assertum vix universalis conclusionis nomen mereri, ait, nec sine ratione. Aut enim ignoravit Reverendissimus hic Protonotarius Apostolicus & Ecclesiarum totidem Vicarius, Chirurgiam Medicinæ partem esse, adeoque Medicos quoque hanc tenere; aut Chirurghi soli, non Medici, (quod nunquam probabit) Romani, Mediolanenses, Patavini, Placentini &c. inter quos vixit, studium secandi coluerunt & interiora corporis humani noverunt; aut ille Papa suo infallibilitate longe inferior extitit, i. e. in Conclusionem hac pro Chirurgis formanda egregie lapsus est. Concedo ipsi lubentissime, *ubi periti dissentiant, standum esse peritiori*; hoc nihilominus ut ipsi concedam, Chirurgos corporis humani cognitione, sine qua tamen non, nisi meras nugas, super vulnerum lethalitate iis enunciare datur, ut plurimum destitutos, tales peritos ac peritiores existere, nihil urget; quin potius hinc inferam, *E. illis, tanquam minus peritis, minus, quam Medico, erit standum*. Quatenus, juxta *Muscattellum pr. criminal. de vuln. lethal. p. 241. Pacianum de probat. l. i. cap. 47. num. 64. & Boërium Decis. 323. magis creditur testibus allegantibus legitimam causam vel rationem dicti sui, quam cæteris, nullam reddentibus*, i. e. Barbitonsoribus ac Balneatoribus seu illotis nostris Chirurgis. Quibus jungo *Constitutiones Medicinales Hassiacas, Anno 1616. latas*, in quarum c. 3. hæc leguntur verba: *Ob auch etwann sich zutrüge/ daß einer durch Verwundung/ Giffte oder andere gewaltsame Verlesung Todes verfabren/ und darüber eine Inspectio Medica und deductio anatomica. vulneratarum aut veneno lasarum partium, begehret würde/ so soll der Decanus provincialis hierzu zween oder mehr Medicos oder Collegas provinciales verordnen/ in Beyseyn des Schultheissen/ eglicher Rathes-Verwandten/ und eines Notarii, alles deduciren/ protocolliren und unterschreiben lassen/ &c. ubi nulla Chirurgorum fit mentio.*

Quippe eo ipso, dum Medicus solus, sine Pharmacopæo, de re-
 bus pharmaceuticis ac de aliis infinitis causis, v. g. virginitate, im-
 potentia, partu dissimulato, veneno propinato, morbis fictis, sine alte-
 rius cujusdam artificis seu aliquam tantum Medicinæ partem mini-
 stram exercentis adjutorio, perite ac fideliter deponere valet, & quo-
 tidie

Rationes
 cur Medi-
 co non an-
 teponi in
 deponen-
 do possit
 chirurgus?

tidie deponit: cur minorem in eo concipiamus dexteritatem ac fidem, de lethaliitate vulnerum rogato? qui non partem hanc vel illam tantum, sed cunctas totius artis, callet, præeunte allegato *Paciano*, qui in teste perito eligendo peritiorem semper eligere & Doctores non Doctoratis, cum aliis Commentatoribus & Sanctionibus publicis, hinc Chirurgis quoque, præferre jubet. I. e. *perinde negotium hoc se habere ait ille, ac, dum Imperator, quando iudicium Architectorum vel Mechanicorum requirit, vult, ut primates Architecti & insignes Mechanici advocentur, sc. quod NB. mediocriter instructi haud sufficiant.*

Medicus
director &
judex est
rerum chi-
rurgica-
rum.

De cætero, Directorem operationum suarum omnium agnoscat Medicum Chirurgus in praxi communi, ubi in casibus difficilioribus ut adeat illum hic, ejusque consilium ac opem imploret, per Leges & Constitutiones publicas jubetur: ita quidem, ut, si in gravius sauciatis hoc negligat, nullumque medicum advocet, culpa sua non leve argumentum suggerat, per quod pœnam ordinariam effugiat vulnerans. E. nec in cadaveris vulnerati inspectione & plaga dijudicanda idem Medico poterit haberi par, multo minus superior, potissimum cum quotidianæ ac detestandæ potius, quam exponendæ, observationis sit, quod Barbitonorum nostrorum plurimi nec calvariam sine meningum & cerebri laceratione aperire, nec abdominis integumenta, sine intestinorum vulneratione incidere, nec viscera horumque partes, multo minus vasorum ramificationes similiaque prompte discernere queant. Denique quid frequentius, quam super Chirurgorum non minus ac Medicorum relationes atque attestata Collegia Medica (non Chirurgorum societates) eorumque sententias postulari & secundum horum consensum ac dissensum earum vim moderari. Unde proin hæc Tonorum seu Chirurgorum vulgarium prærogativa, quam contra argumenta adducta nec Ulpiano peritior Commendator per sanam rationem defendere poterit?

Neminem equidem, legis hujus conditæ vel assertæ causa, in jus trahere mihi præsumam, pace tamen eorum argumenta, quibus hoc paradoxum adstruere satagunt horum plerique, & quibus sine Chirurgo Medicum ad inspectionem cadaverum minime adhibendum esse putant, trutinare mihi liceat: Quasi nimirum hoc modo
facilius

facilius impellantur Medicinæ Doctores ad eandem accuratius faci-
endam, si alii præsto sint, qui manum simul ita admoveant, ut pro iis
agant, quod ipsis sordidum ac vile videtur; insuper Chirurgi in vul-
neribus tractandis quotidie versentur, atque ideo nec fallant, nec fal-
lantur. Quorum prius sane nullam Chirurgo prærogativam, sed
ministerium potius tantum, decernit: quo nempe Medicum ope-
rantem ac inspicientem in sordidis ac vilioribus administrationibus
sublevet, cruorem v. g. detergat, spongiæ exprimat, finita operatio-
ne cadaver consuat, abluit &c. quod nemo ipsi invidet. Alterum
argumentum ideo levioris momenti videtur, quod aliud longe sit,
lethalitatem vulneris ex fundamentis anatomicis ac medicis deter-
minare; aliud huic mederi: cum eorum hoc per meram empiriam,
illud non sine accuratiore corporis cognitione, præstare queat Chi-
rurgus, hinc in deponendo utique fallat ac fallatur. Quinimo sæ-
pius adeo circumspectos observamus Medicos, qui, quod in anatomi-
cis se non ad amussim exercitatos norint, ejusmodi inspiciendi ac
testificandi munus modeste detrectant. Præterea, nonne ad vulne-
rum graviorum seu periculosissimorum, ut modo dictum, medelam
crebro admoveatur Medicus, huncque advocare tenetur Chirurgus
pariter ac Prætor, ut illius minorem peritiam sua levet? E. iste in vul-
neribus tractandis Chirurgo minus rudis, hinc in deponendo de le-
thalitate illorum nec fallit, nec fallitur.

Quo interim, qua occasione hæc præeminentia olim in Chirur-
gos redundarit, elucescat, ex Antiquitatis monumentis huc repeto,
Chirurgiam, Medicinæ primam occasionem & partem integram
ministrantem, seu instrumentum, per injuriam demum seculorum a
toto suo seu corpore, cum singulari generis humani damno, avulsam
fuisse, ut omnis illa manus opera a Medicis clinicis, Physicis alias di-
ctis, successive & tantum non omnimode fuerit neglecta: qui post-
modum, hoc generosiore præsidio destituti, morbos, qui a manu
tempestive admota potuissent accipere medelam, sæpius aut non di-
gnoscebant, aut eorum vim ad desperationem usque augescere patie-
bantur. Inprimis vero hoc, quod nos colimus, seculo divortium,
illud adhuc observatur, ubi Barbitonsoribus, per indulgentiam nesa-
riam ac levitatem quandam, forsan desidiæ detestabilem, Medico-

Qua occa-
sione hæc
provincia
ad chirur-
gos olim
fuerit de-
voluta?

rum, præclarissimam & efficacissimam hanc artis partem conceditam cernimus: cum nihilominus olim non aliud fuerit Chirurgum, aliud Medicum, esse. Taxabat hanc ignaviam in Medicis Lusitanis, contrerraneis ac concivibus suis *Rod. a Castro*, maximam contra de prædicans Hispaniæ, Galliæ atque Italiæ felicitatem, utpote quarum Provinciarum perfectissimi existant Chirurghi, potissimum autem in Celeberrima Salmaticensi Academia Cathedram chirurgicam per largissimum stipendium fuisse constitutam, quam frequentare saltem per biennium tenebantur omnes ac singuli, Doctoratum qui ambiabant, Medici. Quemadmodum contra Paduæ non cunctis Chirurgiæ munus obire permittitur, sed Viris tantummodo delectis, ante electionem peritis in arte & ad amussim exercitatis; seu a Collegio Patavino Medicorum aut Academia ejusdem loci post examen sufficientibus judicatis, hincque Licentiatitis pronuntiatis. Unde factum, ut, quamdiu indivulsæ adhuc existerant Medicina ac Chirurgia, *Imperator Justinianus*, nullum inter Medicum ac Chirurgum advertens discrimen, illi deponendi munus in rebus, Artem ejus concernentibus, dubiis hinc inde per Leges assignarit: imo olim Medicos tantum vulnera inspexisse, ac de horum lethalitate sententiam tulisse, velex *Galeno de caus. procatart. c. 2. & 3. Monardo 6. epist. 1. H. Augeniol. 11. cap. 2. Joh. Bapt. Sylvat. hist. 85. & Codronchio meth. testif.* passim patet. Postmodum vero & schismate illo enato *Carolus* non tantum *Imperator* in *Nemesia* sua per Imperium Romano-Germanicum Chirugos, Medicis contradistinctos, ad vulnerum inspectionem delegavit, posthabitis fere omnimode Medicis communiter ita dictis seu Phycis, sed assecras quoque hujus suæ sanctionis reperit, non minus Prædecessores ac Successores, v. g. *Boërium, Carcerium, Farinacium, Mascardum, Clarum & Carpozovium*, qui singuli Chirugos præ Medicis ad hoc negotium aptiores judicant, semper quamvis addita hæc cautela: *modo sint periti & sui judicii rationem reddere valeant*; aut potius protestatione facto contraria.

Limitatione siquidem hac supposita & ab omnibus cordatioribus approbata, quid impedit, quominus hac nostra ætate & pro statu præsentis, quo Chirurghi rerum, quæ ad artis peritiam quam maxime necessaria valde ignari existunt, ille *Constitutionis Criminalis* sensus tempe-

temperari valeat, præeuntibus hoc in passu superius allegatis JCris & Commentatoribus, qui non tonsores aut balneatores quosvis imperitos, sed in anatome versatissimos Chirurgo Medicosve Chirurgicos deponere volunt. Cum, si rem, non ut in thesi, sed in hypothesi, Destituuntur Chirurgi peritia ad negotium, hoc necessaria, & secundum morem nostratem seu hodiernum, considerem, ambiguus hæream, an ejusmodi vel Chirurgorum, vel Barbitonforum multi in Germania seu Saxonia nostra reperiantur, qui de scientia œconomia corporis humani, huic functioni expediundæ adæquata, gloriari queant, etiamsi Magistri tonsoria æque chirurgicæ artis examinati & jurati audiant? Quatenus ne quidem præsumptionem ejusmodi peritiæ ac dexteritatis demerentur, & plures eorum plus, quam notorie nec terminum anatomicum pronunciare valent, multo minus ipsius suæ artis sufficiente notitia pollent, vulneraque inter operandum non tam lustrant, quam faciunt, hinc nec ad secandum, nec decernendum, multo minus ad testimonii sui rationem reddendam, habiles existunt.

Cur itaque rudioribus ejusmodi hominibus, sive Chirurgi, sive Conclusio. Tonsores, appellari malint, hoc munus arduum seu jus vitæ & necis, ac in causis sanguinis definitivam concedamus, ita quidem, ut Medico absente illorum Relatio sufficiat? Cur non pari, si non majore, jure in defectu Chirurgi Medici testimonio standum? Aut qua ratione sana Chirurgi in inspectione vulneris absentia eam illegalem, ex vulnere per se lethali per accidenstale facere, & pœnam homicidii ordinariam in arbitrariam convertere valet? secus, ubi deest Medicus? absone sane Lex. Et æquiores hoc in negotio observamus Nobilissimos Prudentum Senatus Nostrates, vix unquam solis Chirurgorum pronunciatis, in pœna homicidii decernenda, stantes, sed eadem aut plane repudiantes, aut Medicorum Collegiorum examini exponentes: quibus ut plurimum, ne quidem quoad inspectionem, nisi causa lethalitatis quam evidentissima fuerit, v.g. Vulnus cordis ventriculos penetrans, raro ab his adhibetur fides.

De cœtero, quod de Medico ratione sinceritatis, ingenuitatis Ingenuus, sincerus & perspicuus sit chirurgus. & perspicuitatis in Renunciando monitum, exigitur quoque cœteris paribus a Chirurgo: quemadmodum quod inter Medicos peritior sit chirurgus semper ac Promotus reliquis sit antefereendus, etiam de Chirurgis as-
feren-

serendum, si forsan, ex consuetudine potius, quam per rationem sufficientem illis hi jungi debeant. Sc. ut potius eligatur, qui sit Artis Magister approbatus, & quidem primarius, cum, annotante *Paciano*, cautius sit, peritiores, aut qui peritiores præsumuntur, adhiberi, ubi nempe Chirurgorum in civitate plures, Seniores, vulgo die *Ober-Meister*: quamvis Magistratum ad hos solos obligatum esse, nisi forsan ex conventionem, dicere nolim, si inprimis de alterius seu junioris peritia potiore constet. Pariter jusjurandum, quod tempore assumptionis ad ejusmodi officium publicum, aut ad Magisterium, præstiterunt, ipsos ad actus Renunciatorios infinitos sine dubio habiles satis & sufficientis fidei reddet: modo honestati semper litent ac circumspectos atq; prudentes in inspiciendo pariter ac referendo se gerant.

Chirurgus
& Medicus
vulnerati
ad testifi-
candum,
non facile
admittun-
tur.

Illud adhuc circa selectum Chirurghi mihi dubium videtur: An præ alio ad testificandum admittendus vel advocandus, qui vulnerato medelam præstitit? forsan, quod de phænomenis ac symptomatis plagæ commodius deponere queant; cujus opinionis *Nostrium quoque beatum Welschium* olim extitisse, observo. Quia nihilominus in causa propria nemo testari potest, nec chirurgus, an bene, vel male, in medendo egerit, deponere valet, quod tamen ad vulnus per se & per accidens lethale discernendum, necessarium foret: suafor essem, ut manum potius abstineat talis, ne fides ejus suspecta reddatur. Quod de Medico pariter assererem, qui vulnerati hætenus curam gessit, cum in hunc pariter ab homicida aut hujus defensore suspicio devolvi queat, eum magis famæ ac lucello, quam veritati & conscientia, litare.

Etiā Ob-
stetrices
ad depo-
nendum
postulan-
tur.

Denique Obstetrices in causis forensibus aliquando percontatur Judex, sc. in Virginitate ac stupratione, Imprægnatione, Impotentia foeminea, Partuque explorando, Hermaphroditis ac Gemellorum primogenito a natu minore decernendis, partu vivo pronunciando, stupro manifestando, Partus maturitate ac perfectione determinanda &c. non quod peculiari præ Medico & Chirurgo hæ testificandi peritia atque auctoritate polleant, sed quod necessitatis & verecundia gratia munus hoc ab Atheniensibus primum ac a Legislatoribus postmodum cunctis iis demandatum fuerit, adeoque Medicorum loco sint.

Earum

Earum officium adæquatum quale olim fuerit, ex *Platone* de-
 clarat *Galenus*, sc. ut seligant subjecta ad liberorum procreationem
 & matrimonium apta, hæcque concilient; id est dignoscant mares
 impotentes seu infœcundos ac fœmellas steriles seu ad concipiendum
 minus aptas: ut prægnantes a non prægnantibus distinguant; &
 parturientibus ac natis opem ferant. Quorum equidem prius, nempe
 ut, instar Pronubarum, mares fœminasque jugent ac jugatos discernant,
 Reipublicæ suo modo maxime proficuum, nunc obsolevit, forsitan
 inter alias rationes ideo, quod sagacitate ad curam hanc necessaria
 pleræque harum vetularum hodie destituantur: aliis nihilominus
 negotiis & causis, præter regimen parturientium, puerperarum,
 ac natorum, famam atque vitam concernentibus, expediundis, ut
 modo innui, præficiuntur, imprimis per Jus Pontificium. Quibus
 dijudicandis ac præstandis, an nostrates sufficiant, vel pares præsumi
 valeant, cum *H. Augenio epist. & consult. t. 2. l. 1. c. 6. & 12.* valde ambigo:
 ideo, quod dexteritas ejusmodi sine doctrina & exercitatione
 multa, seu præparatione singulari, concipi nequeat.

Quamvis enim Legum auctoritati derogare & Magistratus
 actiones turbare, meum haud sit, dum plus quam notorium, ad forum,
 testificandi gratia, quotidie ab illis vocari mulierculas has, quod
 artem profiteantur, Medicorum numero habeantur, iisque, ut peritis,
 in arte sit credendum, ac ideo a Romanis negotium inspiciendi ventrem
ff. de ventre inspiciendo ad Obstetrices delatum observatur: peritiam
 tamen earum, ad deponendum nihilominus in Judicio quam necessariam,
 in dubium ut vocem, non unum me movet. Scilicet quemadmodum de veterum
 Obstetricum doctrina atque dexteritate, per quam Medicis peritis accensebantur,
 maxime & vel Agnodi- ces exemplo constat, quam Medico cuidam, Herophilo,
 sese erudiendam tradidisse, artemque ab hoc perfecte addidicisse, *Iginus libr. fabul. p. 274.*
 perhibet, Phanerote etiam, Socratis Athenientis mater, teste *Laërtio in ejus vita*,
Valerio Maximo 3. cap. 4. & Raphaële Volaterrano lib. 13. Obstetrix extitit,
 hasque aliæ diversæ in artis suæ operibus claræ insequabantur, quarum
 memoria ad nos usque, per *Galenum*, *Scribonii Largi*, *Ægineta*, *Aëtii*, *Marcelli Bordegallensis*, *Tb. Prisciani*
 & aliorum monumenta, pervenit, & quibus perinde, ac Viris Medicis,

Præses Provinciæ jus de mercede, notante *Ulpiano lib. 1. §. 1. de extraordin. cognit.* dicebat: atque hoc ipsomet seculo ac hodiernum earum quasdam, sat peritas reperiri, omnino negandum haud est, sicut de *Louyse Bourgoise*, Parisiis olim obstetricantis, singulari scientia loquitur Codex, idiomate Gallico ab eadem conscriptus, postmodum in vernaculam nostram translatus, & dexteritatem egregiam *Justine Siegmundin*/ Obstetricis Electricis Brandenburgicæ ejus superioribus annis editum Scriptum declarat. Ita raræ valde hæ observantur aves, & plus quam notoria est Nostrarum stupiditas, qua ad quæstiones ejusmodi coram Prætoribus decidendas perquam inidoneæ existunt: ut, quod de Pedemontanis suis vetulis olim conquerebatur *Horat. Augenius l. a. c. 6.* nostris pariter, jure optimo, applicem. *Ignaræ sunt nostra tempestate mulieres medica, nec aliud meo quidem judicio sciunt, quam nascentem puerum gremio recipere, umbilicum rescindere & alligare: ad alia, quorum scientiam habebant antiquiores, sunt profecto ut asinus ad Lyram.* Et postmodum *cap. 12.* Hoc unum profiteor, ejusmodi non reperiri obstetricis (qualium officium superius docuerat) nostra ætate, præcipuis vero in Italia, ac omnium minime in hac Pedemontana regione, in qua rudes quedam muliercula, omnium rerum ignarissimæ, faciunt hanc artem, &c. Quibus addo modo laudatæ *Bourgoise* effatum, *Hebamē= Buch l. 1. c. 2.* Ich möchte meines theils wünschen/ daß solche Weiber mehr mit der That Wehe= Mutter/ Hebammen und Weise= Frauen (Gall. sages femmes) wären/ denn mit dem Nahmen. Ich will nicht zweiffeln/ daß man nicht auch seine/ erfahrene/ geschickte/ bescheidene Ammen finden solte/ aber diese sind sehr dünne gesäet/ und in viel geringerer Anzahl/ als die andern.

Quia doctrina necessaria destitutæ.

Nostrates siquidem, omni doctrina necessaria destitutæ, maximam partem ex jumentorum stabulis & subulcorum ac bubulcorum basilicis prodeunt, præter rudem atque ineptam empeiriam, quod Mater, Sororve earum, sub pari peritia, per multos annos hoc munere inter pecora pariter ac mulierculas agrestes functa fuerit, totidemque editorum nativitati adstiterint, nihil crepant, & vix rebus illis, quæ secundum quotidianum & ordinarium naturæ cursum eveniunt, dirigendis ac moderandis pares deprehenduntur, in casibus autem paulo difficilioribus hærent, Nulla enim earum de arte vera,

i. e. habitu cum recta ratione effectivo, gloriari valet, quam nimirum ex fundamentis Anatomicis nunquam hauserunt, sed, perhibente, *Augenio* non minus *l. a.* ac *Bartholino de insolit. part. viis c. 17. anatomia* prorsus ignara, quam discere vel erubescunt, vel fastidiunt, per mortes nostrarum puerperarum experimenta faciunt. Testari possum bona fide cum *Bartholino l. a. me* per plures annos olim in theatro anatomico utriusque sexus sectiones administrasse, sed nullam unquam Obstetricem curiositatem uterum eique annexas partes videndi, adduxisse, præter illas, quas vel Senatus aliquando nostratis iussa, vel unius alteriusve Matronæ hujus urbis privata admonitio, adduxerant, seu potius adegerant. Neque in Germania, forsitan nec alibi, de ejusmodi Magistris peritioribus constat, nec sollicitus de his est Magistratus, quæ alias juniores forment, seu a quibus per Rationem atque Experientiam ad artem obstetricandi aliæ manuducantur: Sed quicquid in hac possident dexteritatis, experientiæ solitariæ fallaci ac periculosa, i. e. mortibus totidem puerperarum & foetuum, debent, dum artem citius seu præpostere exercent, quam addiscunt. Similes mihi videntur ejusmodi Obstetrices empirico lepido illi Oculistæ, cujus ex *Freitag. Noct. med. c. 5.* superius memini, qui in deponenda per acum suffusione felix non minus ac temerarius rogatus, qua ratione Chirurgiam hanc adeo egregie didicisset, respondit, se priusquam modum, operationem hanc feliciter administrandi, cognoverit, vel pileum, plenum oculorum, punctiorem horum tendendo & experiundo, effodisse.

Proh dolor! lugent penes nos totidem mariti suas conjuges, liberi matres, familiæ cognatas atque agnatas suavissimas & prolem stirpis spem desideratissimam, infautis & ignaris Obstetricum manibus ereptam, clamat harum sanguis. Non formantur, leviter & perfunctorie tantum examinantur, nostræ Dianæ, imo, qualiscunque, demum earum deprehendatur peritia, obstetricandi tamen functio ipsis demandatur miserisque parturientibus illæ obtruduntur, a quibus nullam opem sperare valent. Testari possum, ipsæque testantur hujus generis diversæ mulierculæ se, vel sine omni præcedaneo tentamine, vel in hoc rerum scitu necessariorum ignaras plane deprehensas, obstetricandi munus atque auctoritatem nihilominus

Nulli obstetrici nostræ fruuntur doctrina.

suscepisse. Exempla sunt odiosa, instructum tamen his me sisto, ad eorum unum alterumve cum circumstantiis cunctis, si curiosior tale quid abs me postulet Patronus ejusmodi jumentorum, sive masculini, sive foeminei, sexus.

Ab examine nulla in eas redundas pericia.

Exemplum obstetricis ineptæ.

Neque per examen, sive a Consulibus ac Aedilibus uxoribus, sive Medico, fiat, peritiores evadent rudes hæ vetulæ: quia perquam notorium, illas nihil unquam harum rerum recte addidicisse, nec discere potuisse. Nolo in hac Reipublicæ infirmitate explicanda prolixior esse, destitutus illi medendi remedio; multo minus tempus charitamve teram in Obstetricum nostratium erroribus enormioribus, quia infiniti, recensendis, festiva saltem harum & qui quæve illis causam dicunt, temperare mihi liceat, quo forsitan in me fervent, æstum observatione. Quinquennium circiter præterit, quo ad Foeminam Generosam, sub dystocia per biduum fere gementem, evocabar, accedens & statum parturientis atque foetus sciscitans a quadam adstantium responsum ferebam, hunc hæctenus sub suis & matris conatibus, intra hujus ventrem adeo variis & incongruis motibus jactitatum fuisse, ut membra ejus tantum non omnia, & inter hæc genitalia, quoque masculina, contrectanda exhibuerit Obstetrici, magnæ alias famæ ac fidei. Subridebam utriusque simplicitatem egregiam, quam arguere vel sola auctoritas Matronæ, fabulam hanc quasi in aurem mihi loquentis, dissuadebat, quin potius subderem, paradoxum singulare esse, sexum foetus, utero adhuc inclusi, adeo distincte discernere. Mox missis his nugis, quoniam res parturientis in ancipiti videbantur, aliquoties, an viveret adhuc foetus? rogitanti respondebat Obstetrix, utique: nascitur nihilominus post bihorium puella, puella mortua, puella valde putrilagiosa, quamque ante aliquot jam dies mortem obiisse autopsia aliæque innuebant circumstantiæ. Ubi E. foetus vivus adeo enormiter se jactitans? ubi puer mentulatus? in fracido hujus anus cerebro.

Similes ruditatis harum foeminarum plures, easque monstrosas satis, etiam in ejusmodi casibus, quos mera autopsia decernere poterat, ubi nihilominus imperite ac falso omnimode referebant, editos partus, recensere facillimum mihi foret, nisi emendationem potius, quam turpitudinis earum declarationem, intenderem: Et, quamvis forte,

forte, vel per cœcam fortunam, vel experientiam demum multifariam atque pronam, harum anicularum una præ altera in obstetrican- Obstetri-
ces ad de-
ponendum
in foro
omnino
ineptæ.
do plus dexteritatis seu encheiriseos sibi compararit, minime tamen in negotiis Medico-Forensibus decidendis ideo aptæ cenferi ac proclamari poterunt, utpote quam Medicinæ partem nec a primo limine salutarunt, nec ob rerum anatomico-physiologicarum ignorantiam, salutare valebant.

Neque enim iis favet vulgi hypothesis, quod nihilominus muliebria quotidie tractent: tractant gravidarum & parturientium tantum, & quidem negligenter satis, nec ideo in tot causis arduis admit- tendæ. Qua ratione siquidem fatuæ ejusmodi Majæ de Virginitate judicabunt, nunquam per anatomen virginitatis notas edoctæ? quo fundamento testabuntur de eo, quod ignorant? nonne defloratam, æque virginem renunciabunt ac virginem corruptam, illud in præjudicium tertiæ, hoc non sine famæ & pudicitiae ipsius visitatæ enormiore violentia. Laudanda potius erit *Cujacii* prudentia, qui *lib. 17. V. g. de obs. 27.* aperte scribit, cognoscere virginem, esse admodum difficile, aut plane impossibile, nec hujus rei munus de jure civili Obstetricibus unquam datum fuisse: cui subscribunt *Carrarius de Med. & illius offic. part. 4. num. 164. & Arniseus de jure connub. l. 3. c. 26.* frustra Obstetricum opem in hoc casu postulari, asserentes, quoniam hic nihil sit, quod inspicere possint, nec ipsæ, quid inspicere debeant, norint &c. ambigentibus insimul *sanctis Canonibus*, qui inspectionem Obstetricum in virginitate integra & violata discernenda quidem ratam habent, in hac tamen etiam erumpunt verba: *sæpe fallitur oculus & manus obstetricum*, quare, non obstante prima Matronarum inspectione alteram quoque indulgent. Et, si non cuilibet tonsori ac balneatori fides adhibetur in rebus ejusmodi, quas sine structuræ corporis humani scientia definire haud datur, sed his demum, qui in Anatome versatissimi: vix apparet, cur idiotis his aniculis plus fidei atque auctoritatis præ illis in ardua hac causa concedamus, quibus ignorantia atque ruditate pares ac majores. Quippe sicut Chirurgorum ac Medicorum depositioni minime creditur, nisi asserti sui rationem reddant, aut reddere valeant: ita nec harum dicta fidem ullam merebuntur, si eorum rationem addere, vel, cur ita sentiant, declarare nequeant,

ratione ac doctrina omni destituta. Nec, ex indulgentia quorundam Doctorum satis Eximiorum, pro genuina & adæquata ratione habendum, si deponentes Obstetrices de integritate puellæ v. g. referant, *Scimus, quia vidimus & inspeximus illam*, sed inspectionis factæ hincque illatæ renunciationis argumenta necesse est, ut superaddant illæ; perinde ac Medico lethali-tatem aut non lethali-tatem vulneris asserenti haud statuer, nisi signa seu causas, propter quas aliter fieri non poterat, subnectat, aut adicere norit: qualia tamen, si ab iis adferantur, satis impertinentia & ἄλογα experimur quotidie.

Quod
exemplis
probatur.

Et ne, quæ nunc dissero, gratis dixisse aut finxisse videar, exemplis, quam notavi Obstetricum imperitiam in deponendo de virginitate integra ac corrupta, confirmare contendam. Taceam autem illius erroris crassissimi, cujus *Augustinus de Civitate Dei cap. 18.* meminit, quo Obstetrix virginis cujusdam integritatem manu explorans, eam, sive malevolentia, sive inciria, sive casu, perdiderat, cum scopo præsentis propius accedat, quem *Bajardus in notis ad Clarum prax. crimin. quest. 4. n. 7.* de puella Spoletana refert, casus, quam Obstetrices, quibus hæc tradita, post inspectionem cum juramento, Virginitatem adhuc testabantur, paulo post gravidam repertam: cum autem falsæ hujus depositionis accusarentur, hoc inprimis defensionis allegabant, quod iudicium tale per se propemodum sit fallax. Ejusdem generis deprehenditur earundem Spoletanarum Obstetricum, testificandi ratio de puella decem annos nata, quæ deflorationis suæ deferebat Parentem, hic negabat: dum visis & contrectatis ejus muliebribus deflorationem assererebant illæ, quam Medici, non sine ratione, diffitebantur, annotante *Alfario a Cruce quest. per epist. l. 4.* Cui addo *H. Augenium l. a. c. 5.* scribentem: *Tantum possunt hæc fraudes, ut viderim sex probata fama obstetrices, mulierem quandam judicasse intactam virginem, quæ septem ante mensibus peperit.* Item, dum, recitante *Zacchia quest. med. legal. consil. 41.* ad virginem inspicendam trium vocatarum obstetricum duæ referebant, eam esse violatam, tertia inviolatam assererebat: priores duæ pronunciatum suum fundabant in disgregatione pellicularum uteri, viis patentioribus, colore genitalium mutato aliisque levioribus indiciis; posterior neque ex his, neque ex aliis quicquam deprehendi, ajebat, quod vir-

virginem vitiatam ostenderet, sed contrarium potius ex tenuitate Nympharum, uteri siccitate, ex corporis expirante odore & voce nullo modo mutato, &c. Donec propter hanc Obstetricum discordiam Judex Medici sententiam exposceret, quæ posterioris Renunciationem comprobabat.

Pari fide digna est illarum Depositiō de imprægnatione facta seu gestatione, non tantum, quod in genere difficile satis sit, discernere gravidam a vacua, & ipse *Hippocrates* de quibusdam foeminis, v. g. Temenes forore & de Tecomei, annonæ Præfecti, filia, utrum prægnantes essent, nec ne, se hæsitasse, perhibet, sicut *Avenzoar* quoque uxorem propriam vere imprægnatam non gravidam se credidisse, hinc potentius catharticum eidem intempestive propinasse, fatetur: sed propter imperitiam potissimum crassam valde, Vetulis his plus quam solennem. Qualem testatur *Bernh. Zieriz in not. ad Constit. Criminal. c. 26.* in quatuor aliquando Obstetricibus, quandam haud gravidam jurato coram Magistratu testantibus, quæ nihilominus postea prægnans deprehendebatur. Similem simulque fatum crudele experiebatur foemina illa Lutetiæ Parisiorum, ob furta suspensa, quæ, quamvis ad extremum usque spiritum se gravidam esse motumque foetus persentiscere asseveraret, vacua tamen, nec foeta, ab Obstetricibus & Chirurgis, ad visitationem convocatis, satis imprudenter judicabatur, donec ejus Cadaver, usui anatomico concessum, & huic inclusus foetus septimestris circiter, ipsi, quamvis serius justo, causam diceret, referente *Riolano ant. tropogr. l. 6. c. 1.*

An de Impotentia coeundi muliebri adeo fideliter testari queant eadem Obstetrices, prout quidem eas in diversis hujus generis occasionibus egisse, harumque assertum sententia divortii Consistoriorum confirmatum fuisse, hinc inde penes Legum Commentatores legere licet, v. g. *Carpzov. Jurisprud. Consistor. lib. 2. defin. 201. & Simon. de impotent. conjugal. cap. 7. th. 1.* vel ideo dubito, quod illæ arctitudinis foemineæ, quæ cum prolapsu uteri enormiore frequentissima illius impotentiae causa, differentias & gradus non adeo accurate, dignoscant, seu dignoscere queant. In specie, si pelliculam, vaginæ p. n. prætensam, pro naturali seu hymene, ex hypothese communi habeant; qualem errorem cum aliis Prosectoribus magnæ peritiæ

Parvus

Paræus lib. 23. cap. 42. & de Renunciat. annotavit : vel si per arctitudinem quamvis, etiam a mentulato superabilem, foeminam coire, ac concipere non posse, asserant. Qualis fallaciæ exemplum *Corp. Canon. l. 4. c. 6. X. de frigid. & maleficiat. & impot. coeundi* narratur, nimirum quod foemina quædam, quæ viro cuidam matrimonialiter nupserrat, ab hoc intra multos annos cognosci non potuerit, hinc inspectioni Matronarum honestarum ac prudentum fuerit commissa, quæ eam ad viriles amplexus inidoneam judicabant, ad quam relationem quoque divorcium inter conjuges hos ab Episcopo celebrabatur : quibus non obstantibus eadem mulier alium postmodum invenerit virum, qui seras has referabat, & cui præternubebat. Cui simile referunt Acta Consistorii nostri Ecclesiastici, Virginem, Margaretham Brinrothin, quam prior ejus maritus inire non poterat, ideo & ad requisitionem nominati Fori ab Obstetrice per instrumentum certum ejus canalıs foemineus exploratus, illaque ad conjugium inhabilis pronunciata, fuerat, hinc a Magistratu matrimonium rescissum : ab alio nihilominus juvene prompte subactam & imprægnatam fuisse.

Te. an ali-
qua pepe-
gerit?

Temeritatis, an ignorantia, prolem dicere debeam testimonium alicujus nostrarum Obstetricum, de partu olim facto cujusdam Sabinæ Lindneriæ Mense Martii 1684. deponentis, nescio. Finxerat nimirum hæc, furti accusata & ad Polletra damnata, (quem in finem seu sub qua intentione, ex Actis adeo exacte vix colligi valet) se ex scortatione conceptum foetum ante annum, ni fallor, peperisse atque enecasse : cum vero, quia cadaver nati, seu corpus delicti, illis in locis, quæ indicaverat, non reperiebatur, aniculæ tali a Præatore committeretur, hæc illi annuens, eam olim imprægnatam peperisse, minus caute & absurdissime deponebat, suæ Renunciationis has adjiciens rationes, totidem ineptias, quot verba. Nimirum quod Lindneriæ intestinum rectum ad pugnam excipiendam dilatatum, abdomen flaccidum ac rugosum, ossium pubis commissuram cartilagineam divulsam & hiscentem adhuc, deprehenderit. Qualis præcipitantia atque amentia a Medico, cujus censuræ illius Relatio a Præatore postmodum prudenter subiciebatur, convictum hoc campi pecus nihil oggrunnire audebat, nisi hoc : quia Prætor Lindneriam pepe-

peperisse asseruisset, neque hæc idem diffessa fuisset, ipsammet quoque facinus hoc perpetratum sibi persuasisse.

Uteri tunicas seu compagem cum foetus grandescencia crassescere, aut certe parum attenuari, ignorat hoc rude hominum genus, docere nihilominus idem poterant sectiones puerperarum, cum foetu, aut paulo post hujus enixum extinctarum: unde aliquando evenisse recorder, ut ex mole hac uteri, a partu mox haud subsidente & adhuc compactiore, foetum insuper alium & secundum in ventre restitare, puerperæ ac adstantibus persuaserit, cunctis vero illuserit, anus deliræ. In sexu discernendo illas aliquando hallucinari, paradoxa forsan, Quemadmodum pariter in nati sexu dubio discernendo. si non injusta, videbitur inculpatio, quam nihilominus comprobabo recente ac evidente satis exemplo: unde quid solidi in dijudicandis Androgynis ab illis expectari possit, prompte innotescet. Octennium, ni fallor, est elapsum, cum præsens mihi sisteretur persona viginti trium annorum, nata Oschazii Misnensium, patre Christophoro Bertram/ in & a nativitate sua foeminei sexus credita ac pronunciata, hinc in sacro Baptismo Magdalena nomine signata, quæ nunc vero Christophorum se vocat & vocari mavult, vestitu etiam, virili incedit, eam, quod mixti sexus videretur, ut inspicerem. Quod dum faciebam, præsentibus aliis, nullam plane in hujus hominis genitalibus ullove ejus membro foeminae deprehendi notam, contra, virilem conformationem quam conspicuam; sub imperfectione nihilominus ejusmodi, qua se virum in matrimonio præstare posse, merito ambigebam. Viden, quantum valeant Vetularum harum in hoc deponendi casu oculi, quantum cerebrum, quarum nihilominus Relationi steterint masculi illius mutili Parentes, Baptista & tantum non omnes huc usque, qui eum noverant. Adeo ut *Carpzovius jurisprudent. Consistor. l. 2. c. 1. defin. 16. num. 14.* Medicum ac Chirurgum ad Hermaphroditæ inspectionem denominaverit; nescio proin, cur demum his Obstetricem associaverit.

Quod si tamen consuetudini pariter potius, quam rationibus & historiis productis locum concedere ac foeminarum ejusmodi laceram auctoritatem conservare malit Judex, in rebus alicujus momenti & ubi plus perspicacitatis atque peritiæ opus, sine Medicis solæ nec ad inspectionem, nec ad renunciationem, admittantur, iisve nunquam,

nisi Medici cujusdam periti aut integri Collegii assensus accesserit, fides habeatur, monentibus *Corp. Canon. lib. 4. & ex Legum Doctõribus Aretino Consil. 142. dub. 4. ac Paciano de prob. lib. 2. cap. 2. num. 16. 32. 33. atque 34.* Quorum Prior Dorotheam, Filiam Ludovici Marchionis Mantuæ, Galetino, Ducis Mediolanensis Filio, desponsatam, non ab Obstetricibus solis, sed Medicis insimul, nudam inspectam, fuisse, perhibet, quo an gibbosa, aut quavis ratione deformis esset, dignosceretur: *Alter* matrimonium Filix Ducis Parmæ, quo Principem Mantuanum sibi jungere decreverat, propter illius genitalium arctitudinem, quæ judicio Medicorum (non Obstetricum) haud nisi incisione tolli poterat, dissolutum narrat.

Si medicus
& obstetri-
ces dissen-
siant, me-
dico cre-
dendum.

Imo, si Medici ac Obstetrices in deponendo dissentiant, v.g. in ar-
ctitudine foeminea p.n. aut Virginitate asserenda vel neganda, sine du-
bio & ex eorundem Jurisprudentum communi sententia Medicis po-
tius, utpote peritioribus, quam mulierculis his, standum erit. Cujus as-
serti præjudicium *Alfarius a Cruce*, in casu superius enarrato tradit:
in quo deflorationem negantibus Medicis ac Chirurgis, præ affir-
mantibus Obstetricibus, deferrebat fides, secundum Autorem ideo,
quod incerta & fallacia sint signa Virginitatis floridæ non minus ac
defloratæ. Item *Zacchias Consil. 41.* allegato, dissentientibus tribus
Obstetricibus circa integritatem virginis cujusdam, Medicorum de-
ciso, intemeratam illam declarente, Judicem sterisse refert. Decer-
nebatur similis casus eadem ratione olim a Scabinis Jenensibus, per-
hibente *Richtero vol. 2. Consil. 65. num. 7. & 42.* sequentibus verbis:
*Es ist aber diesem der Bader-Mütter Attestato zu gegen des Medici Be-
dencken/ der ausdrücklich sehet/ daß die Membra genitalia mulierum
post arborum, oder auch partum legitimum so genau und hart wieder
zusammen gehen/ als sie vor der Zeit gewesen/ daher die Bader-Mütter
nichts gewisses sagen können: Welchem berühmten Medico, denn
auch andere Medici, ja wohl ganze Collegia, beygestimmt hätten/
wenn sie wären consuliret worden/ &c. Bey so vielen concurrirenden
Umständen/ tanquam peritiori in sua arte, mehr Glauben beyzumef-
sen/ als denen Bader-Müthern.* Demum etiam in causa Lindneriæ,
quam partum finxisse proxime relatum, plus fidei adhibebatur Medi-
co, Obstetricis futili renunciationi contradicenti, a Scabinatu ac Præ-
tore requirentibus.

Quod

Quod de selectu obstetricum in deponendo super causas fo-
renses communiter monent, scilicet ut Renunciationibus ejusmo-
di præfiantur earum honestæ, providæ & expertæ magis, i. e. juxta
Ulpian. ff. 25. tit. 4. de ventre inspic. probatæ artis ac fidei, in specie
in opere nuptiali & ubi de potentia ac impotentia muliebri depo-
nere debent, juxta *Baldam in cap. proposuisti num. 4. versu Es licet, de*
probat. cavendo simul ne sint nimis juvenes, propter experientiæ in
his defectum, nec adeo decrepitæ, ob sensoriorum habitudinem
vitiosam, secundum *Hospiens. cap. fraternit. ante n. 1. de frigid. & ma-*
lesic: huic prompte suffragor, in genere tamen & quo ad quævis ipsis
demandata negotia expediunda sufficiant, requiritur, ut rite exami-
nentur, approbentur & tunc demum a Magistratu confirmentur,
nunquam vero ordo hic in iis constituendis invertatur. Per exa-
men liquidem, an huic officio idoneæ sint, nec ne, comparet, adeo
ut *Job. Gallego de la Serna* de Obstetricum suarum ignorantia valde
conquestus, quo Senatus Regius eas examinari juberet, disideret,
desiderent ac jubeant hoc præter Medicos Leges publicæ, optarem
& ego: i. e. ne levioris & tantum non nullius peritiæ fœminis licen-
tiam obstetricandi Magistratus mox indulgeret, ita etiam ut, quæ
Obstetrici famosæ a ministeriis saltim domesticis olim aliquandiu
fuerint, den *Kreiß-Stuhl v. g. nachgetragen*/ affectu interdum cœco,
ad munus hoc arduum habiles præcipitanter declarentur, aut, quæ
in examine præter ruditatem summam nihil fari norint, in stragem
tot miserarum & miserorum eodem dignæ pronuncientur, hac sal-
tem addita gnome: *Was sie nicht kan/ wird sie wohl lernen*/ scilicet!

Qualis peritiæ earum disquisitio minime fiat a fœminis tan-
tum, cujuscunque auctoritatis, hinc nec per observantiam nostra-
tem, perhibente *B. Welsch*, ab Uxoribus Consulum atque Ædi-
tium, ridentibus hanc consuetudinem Exteris non tantum, sed pro-
pinquioribus etiam Vicinis: verum a Medicis potius & Obstetrici-
bus senioribus, seu majoris experientiæ, quia peritis tantum in arte
standum; quamvis testes seu assidentes ejusmodi examinum, si
mos jusserit, eas admittere non adeo indecorum videatur. Puncta
hujusmodi examinis disquirenda exponere, non est hujus loci, cum
cuiusvis Medicorum, mediocris etiam hoc in negotio peritiæ, talia
Examine
hujus ma-
teria

Non inter-
rogentur
de reme-
diis mor-
borum.

suppetere, haud dubitem, sc. an aliis Obstetricibus in functione hac ministrarit? an & quos Scriptores legerit? quid de genitalium muliebrium conformatione ipsi innotescat? quæ imprægnationis, quæ imminentis partus, signa? quando & quomodo parturientis uteri orificium dilatandum, quomodo, qui moratur, partus juvandus? situs & figura ejus mala talis vel talis qua ratione emendanda? & quali encheirisi his vel illis difficultatibus obviam eundum? &c. minime autem, ut communiter fieri deprehendo, rogentur de remediis seu medicamentis variis symptomatis appropriatis, aut certe non, nisi quantum absente Medico illis uti conceditur: ne forsan talia sine hujus præcitu & directorio per temeritatem & arrogantiam Majis his solennem suis intempestive propinent, sibi que hoc impune licere, sibi persuadeant; utpote in quo eas culpose admininum peccare, omnes Legum Doctores asserunt, notante *Zacchia quest. l. 6. tit. 1. quest. 12. num. 11. ac 12. & Consil. 24.*

Non adeo
necessari-
um, obste-
trices olim
utero ge-
stasse,

Communiter cum *Platone* in *Thæteteto* necessarium maxime bonæ Obstetricis requisitum volunt, eam olim utero gestasse & peperisse; in officii autem exercitio viduam & effœtam existere; cui opinioni favere videntur multi Medicorum, v. g. *H. Augenius l. 2. cap. 6. Wesschius* modo allegatus in not. ad *Scipion. Mercur. part. 1. cap. 18. & Bartholinus de insol. part. viis c. 18.* Quod juxta *Platonem* humana natura imbecillior sit ad artes earum rerum, quas nunquam experta; vel ut Obstetrici ipsi constet, quantum conferat, in partu rite juvari seu tractari: quemadmodum effœtam simul eligi voluit idem, quod *Diana, tori exors ac sterilis partuum tutelam* seu curam in se suscepit.

Quod posterius nihilominus argumentum priori asserto non incongrue opponitur & hoc modo invertitur: Sc. si *Diana* sterilis parturientium curam gerere valet, cur non aliis fœminis, quæ nunquam gestarunt atque enixæ sunt, artis obstetricandi peritas evadere, & quæ hujus sunt, facere dabitur. Superius jamdum sc. de *Officio Medici Clinici* quam absurdum sit illud quorundam effatum, quasi Medicus illis aliorum affectibus, quos ipsemet & in corpore proprio aliquando sustinuit, felicius mederi queat, quam aliis, disse-
rui: quatenus exin sequeretur, Medicum existere ac dici peritum

non

non posse, nisi qui variorum pluriumque ægritudinum acerbiter degustarit, Lue Gallica, Gangræna, Phthisi, Hydrope, Calculo, &c. aliquando laboraverit; nec dexteritatem in Chirurgo deprædicari, qui non vulnera, fracturas, hernias, &c. passus unquam: dirum sane hoc foret fatum durave Medici tyronis conditio. Ut, ejusmodi Scriptores Medicos præjudicium hoc non deponere, mirer, qui ægrorum nihilominus ac ægritudinum phænomena horumque, motus adeo accurate recensere norunt, ac novit eorum mens corpori ignota. Imo cum Chirurgis, difficulter parientibus ut opem ferant, advocantur non raro Medici, hisque opitulatur felicissime, quos vel per sexus rationem, nec gestare, nec parere in propatulo est: ut taceam, Obstetrices in casibus dubiis consilia illorum, petere teneri, hoc est, implorent, quæ gestarunt, illos, qui gestationem & partum nesciunt. Diserte explicuit ac destruxit hanc fabulam, non exemplo tantum proprio, sed ratione quoque valida, modo allegata Siegmundin/ in præfatione sui libri, *der Ehur-Brandenburgischen Hof-Wehe-Mutter/* nimirum, quod fœmina, faciles & naturales magis experta partus, de difficilioribus ac præternaturalibus minime judicare, nec horum causas ac symptomata per individualem corporis sensum sibi concipere queat: dystociis autem lacerata nihil omnimode ex suis doloribus ac tormentis sapiat, utpote quæ sæpe adeo exquisita, ut se ipsas sub his ignorent miseræ ejusmodi parturientes, *sie wissen nicht/ wie ihnen geschehen/* multo minus hinc erudiantur seu proficiant, quo aliis consilio auxiliove esse valeant, nisi aliunde hoc didicerint. Sicut nec ejusdem *Platonis* Nec, ut ipsæ mes amplius haud gerant. rigori, quo viduis & ad sobolis procreationem nunc ineptis tantum munus obstetricandi concessit, multum favet, quasi *Diana his idem imperarit, similitudinem sui honorans,* cum cuncta hæc meras spirent gentilium fabulas: potior forsan, si aliqua, ratio hujus asserti videbitur hæc, quod gestantes hincque puerperæ ipsæmet ministerium, suum obstetricandi aliis fœminis adeo prompte & pro rei exigentia commodare nequeant; maritatas autem seu in conjugio viventes Obstetrices quis ignorat?

Potius, quo Reipublicæ de peritis ejusmodi fœminis feliciter prospiciatur, commendarem, quam magis necessariam duco, do- Potius cogitandum foret de

earum do-
ctrina.

ctrinam, seu ut Magistratus curet, qua ratione commode erudiantur, formentur seu præparentur ad hanc functionem, quo post jacta demum artis suæ fundamenta Obstetrices eligi ac designari possint. Detestari sane subit perniciosissimum illum morem, quo, cum nulli artem nec opificium minoris momenti, sine prævia & probata præceptorum seu principiorum inculcatione & apprehensione administrari liceat, arduam nihilominus hanc, & qua de corio humano luditur, in Civitate, quam bene constitutam putamus, mere empiricam, scientes, volentes, cupimus. Id est secundum affectum & commendationem unius alteriusve fœminæ, alicujus forsan auctoritatis, eligimus, electam demum aliquali tentamini submittimus, subjecta nullius doctrinæ, nullius peritiæ, horumque ignorantia, nunquam emendabili, totidem miseras ac prolem infontem exponimus: saltem quia empeiriam hanc, cum applausu plebeculæ aliquandiu exercuerunt, Commendatricibus laute abblândiri norunt, spemque vanam artis, quam ignorant, addiscendæ faciunt. Tentare jubent omnes harum vetularum scientiam, ast tentare velle scientiam, quæ nulla, quamque illas sibi nunquam comparasse novimus, nec ad quam comparandam ab ullo unquam hominum, his subministrata occasio, paradoxum valde, si non absurdum, est: cum ipsimet Medici ac Chirurgi, qui obstetricandi peritiæ præ aliis pollent, doctrinam præter experientiam coluerint & adhuc colant. Unde denuo elucescit, quid ab ignaris his in cœteris quoque negotiis, sc. medico-forensibus sit expectandum sanioris judicii.

Alias fœ-
minas in
testifican-
do ipsis
combinari
haud ne-
cessarium.

Quem in finem vero in iisdem causis aliæ Matrônæ honestæ ac sagaciores his associari debeant, non video, jubentibus quamvis hoc Constitutionibus publicis: ignorantiam sane illarum haud levantes, cum Obstetrices his sine dubio, quod artem, quam exercent, profiteantur, peritiores existant, hinc potior iis, præ cœteris testibus, adhibenda sit fides. Potissimum dum juratæ & publica auctoritate præ illis ad munus hoc confirmatæ sint, aut jurejurando testimonium suum firmare teneantur, si forsan per illud, quod tempore constitutionis suæ præstiterunt, ad Renunciationes ejusmodi forenses non obligatæ fuerint: quale juramentum & obligationem Matrônæ honoratiores & extra functionem hanc viventes sine dubio detre-

detrectabunt, hinc ad testificandum insufficientes pronunciari debent.

Quamvis penes parturientes ac puerperas Matronarum prudentum consilia haud negligenda malim, modo hæ peritiam suam non tam venditent, quam comprobent. Quemadmodum nec incongruum videtur in dystociis periculosioribus præter Obstetricem ordinariam, quæ manulem operam præstat, alias seniores, quæ judicio pollent ac consilio illam juvent, sicque ejus alacritatem ac dexteritatem sua instructione moderentur, accersere. Licet, antequam hoc fiat, attendi mereatur *Bourgoise* dum *part. 1. cap. 2.* duarum obstetricum penes parturientem combinationem dissuadet his verbis: Denn wenn ihrer zwei also zusammen kommen / wird das erste seyn / damit sie einander grüßen / daß sie einander bey den Mäulern nehmen / unterdessen der armen Kindbetherin vergessen / wie auch ihres Amtes und Gebühr. Hier will ich nun einen jeden urtheilen lassen / wie ein gut Gnügen die Umstehende daran haben werden / wenn sie sehen / daß die Wohlfarth und Leben ihrer lieben und werthen Freundin gerathen ist in die Hände zweyer Weiber / da je eine über die andere mit Eorn ent-
rüllet ist.

CAPUT IV.

De

Renunciationum Instrumentis.

HActenus & in præcedentibus de Personis, quas, ut in causis Medico-Forensibus deponant, Judex postulat, harumque conditionibus seu requisitis actum fuit: ponderanda nunc veniunt circa hoc argumenti genus instrumenta, quorum opera Relationes legales eadem præstant.

Ratione quorum ex quotidiana observatione suppono, Causas illas esse vel mere sensuales vel conjecturæ, vel sensus & conjecturæ simul. Mere sensuales appello, quæ a Sensoriis externis immediate & infallibiliter seu omnimode percipiuntur, v. g. contusio, fugillatio, vulnus, fractura, horumque locus seu subiectum, figura, magnitudo,

Instrumenta ad deponendum necessaria.

Causæ medico-forenses sunt vel sensuales.

vel conjecturales,

vel utriusque generis simul.

Instrumenta renunciationum sunt sensus & ratio. An sine omni sensuali experientia aliquando deponere liceat?

tudo, mutilatio, conformatio hermaphroditica, partium genitalium vitia, &c. Conjecturales vero de animationis foetus tempore & omnes quaestiones generales, v. g. an Senex octuagenarius, quoad sensus internos atque externos torpidus & ad motus plerosque impotens fere ad prolem generandam habilis seu idoneus existat? num fluxus menstruorum immoderatio seu haemorrhagia uteri, fluore ullus conceptionem turbet ac matrimonium solvat? i. e. quae sola ratione ac in thesi dirimuntur: Sensus denique ac conjecturae simul, ubi sensationi ac sensatis mentis quidam discursus supervenit, quo demum ex illis, ceu Datis, quaestio a Requirente proposita aut affirmatur, aut negatur, quod Judicium communiter audit, v. g. ubi de partu septimestri, superfœtatione, virginitate, praegnantia, partu, foetu supposititio, vulneris lethalitate in individuo certo seu in hypothesi, item de futuris, v. g. vulneris eventu, deponitur, & ceteri casuum medico-forensium plerique. Bina proin instrumenta sunt, quibus in deponendo utimur, Sensus nempe ac Ratio: ita tamen ut modo separatim agant, modo concurrant, eadem.

Ratione equidem solitaria an unquam de objecto quodam deponere liceat, hinc ambiguum fit, quod in conclusionibus medicis eliciendis Rationis semper atque Experientiae praequiratur harmonia seu conspiratio, neque ulla quaestionum ejusmodi, quas conjecturales dixi, sine praevia Experientia, si non per modum inductionis, certe analogismi, decidi seu solvi possit. Quatenus Ratio sine Experientia fallax cognoscendi instrumentum deprehenditur, & foetus v. g. quadrimestres ideo animati dicuntur, quod omnes tunc temporis in utero sensibilibus moveantur; haemorrhagia uteri enormior conceptionem & gestationem laedere creditur, quod hoc in Flavia, Sempronia, Lucilla & aliis multis subjectis egerit; & Octogenarius ad generandum minus idoneus censetur, non tantum ratione stuporis sensuum & motus impotentiae, sed per experientiam, qua, si aliquando, certe rarissime, ejusmodi Silicernium generasse, patet. Verum eo ipso, dum differentia modorum deponendi experientiam, individuaalem, seu experimentum in subjecto, de quo testificari jubetur Medicus, non alienam, non universalem, respicit, & non, nisi per modum argumenti, casui litigioso applicatur, seu medium de hoc conclu-

concludendi præstat experientia in aliis facta : talem renunciationem utique conjecturalem, minime sensualem, enunciare quadrabit, dum exin, quod diversos octogenarios descriptæ habitudinis haud generasse novimus, octogenarios tales non, nisi rarissime forsan, generare concludimus.

Sensualis quippe depositionis formalitatem totam exhaurit sensatio, adeoque non, nisi sensibus orbatum, in hac sensuum usuram negaturum confido, utpote cujus formula circiter hæc est : Vidi aut deprehendi in fœtu ex Tullia nato labium leporinum, in Cajo vulnus capitis, molliora hujus integumenta penetrans, longitudine unciam æquans, cum insigni hæmorrhagia, vidi ac tetigi pelliculam tensam, in vagina uteri Claudie, audiivi stertorem Sempronii, olfeci halitus fœtentes oris Mœvii &c. quod forsan Relatio & Testimonium in sensu strictiore vocari posset. Ubi verò res, de qua quæritur, judicii potius, ac conjecturalis insimul existit, sensatione prævia ideo opus est, quod ipsi ac phænomenis sensibilibus conjectura seu responsum innitatur, aut concludendi medium hinc depromat renuncians, quam aut Judici ut plurimum simul exponere tenetur, aut certe in sententia formanda seu ferenda mente concipit, i. e. rationem decidendi ac dubitandi petit ac reddit ab illo corporis sensu, quo rem, quæ in controversiam vocatur, apprehendit ac metitur ; ita ut nec de credulitate, notante *Baldo*, admittatur testis, nisi sensu hæc fuerit declarata ac ratione firmata : quod forsan magis proprie renunciare seu judicare dicetur.

Dubitare quidem denuo liceret, an in enarratis causis, quas per sensus & conjecturam simul dirimi dictum, a sensu semper ratio depromatur? cum non quævis earum in sensus incurrat, & Medici horumque Collegia non raro postulantur ad deponendum, seu ferendam sententiam, de rebus nunquam a se visis seu perspectis, contræctatis &c. adeoque a sensoriiis suis quam remotissimis. Ita v. g. virginitatem nec videt, nec tangit Obstetrix vel Medicus, nec sensu percipit hic ac Chirurgus amentiam insanientis, perforatos in vivo adhuc vulnerato pulmones, fragmentum calvarie membranas lacerans, nec lethalitatem vulneris ventriculi, deponunt nihilominus super hæc & similia objecta, sensoriiis suis externis minus adæquata.

Quid sensualis depositionis?

An ratio in deponendo sensuali experientie semper innitatur?

riter judicant Collegia Peritiorum percussione capitis, ventriculi &c. lethalem aut non lethalem, ex Actis, a Prætoris transmissis, plagas has quamvis nunquam conspexerint &c. quod tamen eorum pronuntiatum penes illum tantæ auctoritatis est, ut secundum illud vulneranti poenam aut ordinariam, aut arbitrariam seu mitiorem decernat idem.

**Affirma-
tur,**

Sed difficultati huic prompte satisfiet, si priori casui ex Philosophia naturali regeratur, res quidem non omnes immediate ac per se in sensum incurrere, v. g. hominem secundum essentiam suam, & sic nec virginitatem, nec pulmonum plagam, nec fragmentum Calvariae reconditum, vulneris ventriculi lethalitatem, nec insaniam: quatenus virginitas nihil, nisi coitus denegata experientia, seu habitudo genitalium muliebrium naturalis, qua hunc puella nondum experta est; qualis utique nec cerni, nec contrectari, valet. Pulmones trans-fossos, antequam cadaver secandi copia fiat, pariter intueri non datur, nec fragmentum cranii ad interiora demissum, ac lethalitas vulneris ex hujus demum subjecto seu parte læsa, longitudine, profunditate, similibusque circumstantiis, sectione facta, elicitur; multo minus dementiam, ut mentis vel phantasiæ quædam depravatio est, sensorii nostris usurpare conceditur. Sensu tamen quemadmodum dignoscere dicimur hominem, si hujus adjuncta, v. g. proceritas, habitus, figura & functiones, sc. loquela, organa nostra incurrant: pari ratione sub sensum cadit virginitas, non quidem immediate, sed per angustiam & conformationem genitaliū intemeratam, quæ ejus individuus observatur effectus seu comes; pulmonum vulnus nos sentire seu percipere recte putamus, si ex thoracis plaga & per asperam arteriam cum tussi sanguinem spumofum rejici observemus; fragmentum ossis ad interiora declinare & meninges pungere deprehendimus, si de stabili & exquisito dolore capitis percussus conqueratur, si convulsionibus agitur &c.; lethalem vero plagam nos cernere, recte opinamur, si circumstantias recensitas similesque, per quas illa non mortifera pronuntiari non poterat, attendamus; & fatuum denique illum nobis videri dicimus, quem incongrua loqui, corpus inepte jactitare &c. advertimus. Proin in causis ejusmodi & casibus censuræ nostræ expositis seu individualibus sensatio semper præcedit

**Sensatio
semper**

Judi-

Judicium, & non, nisi ab illa depromptum, validum erit testimoni- ^{præcedit}
um: Sive eadem objecti immediate magis, sive hujus attributorum, ^{judicium}
causarum atque effectuum, tanquam indiciorum seu signorum, fuerit, ^{medicum.}
monente *Paciano de Probat. lib. 1. c. 43.*

Quoad alterum vero dubii moti membrum dicendum, Acto- ^{Sive pro-}
rum illorum judicialium contenta, & inprimis his inserta Attestata, ^{pria, sive}
Medica, seu præsentium Medicorum depositiones, Datorum certo- ^{aliena.}
rum atque indubiorum sensatorum rationem ac vim habere, utpote
a peritis aliisque testibus, omni exceptione majoribus visa, sensata atq;
sub juramenti fide asserta: ex quibus, tanquam propriis oculis obser-
vatis & manibus nostris palpatis, inferimus conclusionem a Magi-
stratu, aliove Requirente desideratam. Adeoque sub conditione,
illa, quod vulneris v. g. circumstantiæ aut corporis habitudo, prout
quidem a Medico, Chirurgo, Obstetrice &c. præsentibus ac testibus
observata ac literis consignata leguntur, se habeant, Medici, absen-
tes quamvis, de illius eventu ac lethali- tate judicamus. Venenatio-
nem ex sola adstantium relatione aliquando, de subitaneis & acutissi-
mis symptomatis, intumescencia & livore corporis, morte præcipite
& eroso in cadavere viso ventriculo testantium, auguramur: & quam
nunquam vidimus, ex antecedanea menstruorum suppressione,
nausea, vomitibus, ventris intumescencia hujusque denuo inopina
subsidentia, lacte in mammis, clam peperisse, vix ambigimus. Imo ^{Collegia}
ideo Collegiis quoque Medicis solenne est, ut, si forsan ex circum- ^{medica,}
stantiis de minus curata v. g. ejusdem vulneris inspectione, suspicio ^{antequam}
ipsis exoriat, v. g. scutiformem cartilagine in extremitate Sterni ^{decernant,}
præcisam præceps inspector se conspexisse testari non crubescat, lo- ^{insuffici-}
cum perforati ventriculi non determinet, vasa læsa non innuat, simi- ^{entia Me-}
lemque in secando, observando ac enarrando errorem committat, ^{dicorum}
cum hujus, sub interlocuti seu interpellationis forma, admoneant, ^{& Chirur-}
quo emendentur incongrua & principiis anatomicis minus confor- ^{gorum at-}
mia, suppleantur defectus (si modo eos adhuc supplere integrum ^{testata non}
fuerit) ac dilucidentur obscuriora, Judici & inspectioni qui præfue- ^{nunquam}
rant, remittant Acta, sententiam decisori- am seu postulatam, ad ple- ^{recte inter-}
norem usque informationem differentia, ab omni sc. præcipitan-
tia ac hypocrisis alienam.

Quod e-
xemplis
probatur.

Ita v. g. dum Anno 1690. mense Januarii de capitis cujusdam læsionis lethalitate quærebatur, in Attestato vero medico obscuriore inter alia etiam hæc desiderabantur, quod fracturæ ossis frontis longitudo ac tendentia, seu, an versus oculi orbitam, os ethmoides aut sphœnoides descenderit, non determinatum fuerit, neque, an aliquid cruoris extravasati sub dura & pia meninge, (ut ex Registratura Actuarii augurari liceret) vel sub ipso Cerebro, super ossa nominata, hæserit? postquam ex eodem Protocollo constabat, cruorem a summitate capitis ad ejus latera seu tempora inclinasse, ac sub cada-
veris motu ex ore & naribus hujus prorupisse; item, Cerebri interiora quomodo se habuerint? judicium nostrum suspendebamus, donec mense Maji ejusdem anni circumstantiis his plenius explicatis per accidens tantum lethalem illam plagam decernere licuerit. Imperfectior & obscurior longe videbatur Relatio, ejusdem anni mense Septembris transmissa, & læsionem capitis, cervicis atque abdominis recensens. Qua nimirum primo utriusque cerebri meningis ruptura satis magna, & per quam cerebrum prodierit, innuebatur, nullus tamen cruor (qui per vasa, sub ejusmodi ruptura necessario lacerata, non effundi non poterat) annotatus, ejusve mentio facta fuerit: ut per consequens hanc membranarum lacerationem non a percussione & in subjecto adhuc vivo, sed in cadavere demum & sub ejus visitatione, factam probabile fuerit. In eodem Attestato deponebatur secundo, cervicem circa vertebam sui tertiam fuisse fractam, non tamen exponebatur, an & quomodo dicta vertebra fracta, an luxata, fuerit: nec sanguinis extravasati circa læsionis hujus locum verbulo Relatio illa meminerat, qualem nihilominus sub effractura ejusmodi violentiore ex vasis spinæ adjacentibus & processus vertebrarum transversales permeantibus, inevitabiliter ruptis, prodiisse, verosimile sit. Insuper minus constabat, qua ratione per dislocationem, aut fracturam vertebræ unius medulla spinalis eousque denudata fuerit, ut, antequam muscoli accumbentes cum ligamentis ac membranis obvolventibus dextre remoti, illa primo mox obtutu, instar funis argentei, comparuerit. Sicut denique aperto abdomine se multum, sc. unciarum decem, vel duodecim, cruoris circa Lienem ac Uterum reperisse referebant deponentes, visceris tamen aut vaso-
rum

rum læsorum nulla mentione injecta. Equidem interpellantibus nobis iidem difficultatibus his se extricare conabantur ; sed minus perite ac secundum artem : ita ut nec denuo quæsitæ sententiam certam formare aut ferre potuerimus. Paria circiter desiderabantur in Relatione medica, 1691. mense Julii de læsione capitis & pectoris in uno subjecto exhibita. In quali fragmenta Calvariæ tria cerebro inhæsisse innuabatur, sine determinatione, quam profunde & quo situ illi immersa fueriat, ut plus minus commodè exin protrahi valerint: quoad contusionem pectoris nulla recensebantur symptomata, quibus defunctus decubitus tempore laborarit ; nec referebatur in quo thoracis latere, an in utroque, sanguis extravasatus visus, nec qualia vasa lacerata vel erosa fuerint ? &c.

Paulo aliter se res habet in quæstionibus generalioribus, antequam ad individuales casus restringantur seu his accommodentur: v. g. dum postulatur, an partus Septimestris sit vitalis ? an Vulnere Cerebri existant mortifera ? quando Fœtus in utero materno animetur ? an Virgines ac Viduæ, i. e. sine maris amplexu, molam concipere queant ? an Gonorrhœa virulenta mares ad generandum ineptos reddat ? Ubi sane nulla individualis partus, qui pro septimestri venditetur, præmittitur aut supponitur inspectio ; nec Cerebri huius vel illius, tali vel tali modo sauciati perlustratio ; neque de fœtus certi, sed de omnium humanorum conceptuum, animatione, quam nec in singularibus sensu dignoscere datur, controversia emergit ; multo minus de Tullia, Livia, sed individuis tantum vagis aut potius de Virginibus Viduisve in genere sermo est, ubi de molæ generatione disquiritur ; neque de Sempronii, gonorrhœa affecti, potentia generandi dubitatur, sed sub generaliore conceptu problema hoc proponitur. Sc. quæstiones ejusmodi mere conjecturales sunt, & quia non, nisi singularia, in sensus incurrunt, illarum, ut indefinitarum & universalium, circumstantias sensibus metiri ac dijudicare non conceditur.

Qui E. Medicus ejusque succenturiatorum in casibus specialioribus seu determinatis decidendis peritorum ac circumsectorum nomen tueri malunt, sensibus ante omnia, quantum possibile, disquirant singula : cum nihil pro certo asserere queant, nisi quod his, si sine sen-

Quæstio-
nes gene-
raliores
decidere
negotium
meræ rati-
onis est.

Ast in casibus
judicialibus
nunquam

frum usu
deponen-
dum.

Visus in-
primis.

Prohibent
interdum
quedam
inspectio-
nem.

non a priore, certe a posteriore, perceperint. Inter quos quidem visum cœteros maxime antecellere, huiusque sphaeram in Causis Medico-Legalibus dignoscendis latissimam existere, prompte largior: modo mihi concedatur, nec cœterorum sensoriorum usu nos in praxi hac Medico-Forensi omnimode supersedere posse, & per hæc pariter nonnunquam controversias ejusmodi decidi, quarum subjecta cum effectibus suis oculos effugiebant. Quamvis aliquando pro visitante circumstantiæ loquantur, quæ eum a lustrationis sensualis, aut omnimode non, aut minus legaliter & sufficienter factæ, culpa absol- vunt, v. g. fracidum jamdum cadaver, sive per causam & turgescen- tiam fluidorum ejus intrinsecam, sive atmosphæræ habitudinem, sive Judicis negligentiam ac Visitationis procrastinationem aut aliud quid tale evadens: ad qualis eviscerationem seu inspectionem nec tenetur Medicus, nec, si sub hac cuncta adeo exquisite non attendat, hinc minus expedite & categorice deponat, imperitiæ vel levitatis accusandus venit. Sic ante plus, quam viginti annos a Quæstore Lü- zensi mense Julii vocabar ad visitationem cadaveris masculini ex vul- nere defuncti, in via publica, sub æstuante maxime cœlo, reperti, hinc- que ultra biduum nisi fallor adhuc asservati: cujus habitum externum totum ex livore nigricantem, tumidum & vermiculis oblitum, cum tabo putrilaginoso ex naribus & ore profluo ac foetore horrendo cum deprehenderem, sectionem postulatam renui. Item a Prætore op- pidano Anno 1694. d. 28. Maji, pariter sub fervidiore tempestate, re- quisitus ut cadaver masculinum in agro repertum secarem, equidem in colli ejus antica parte, e regione Trachæ, vulnuscum exile, pone maxillam dextram & sub aure ejusdem lateris penetrans oculis & stylo deprehendi: cujus accuratorem lustrationem, seu partium læsarum evolutionem, propter fracedinem insignem, qua collum & caput hujus inprimis, ad molestiam adstantium, tenebatur, præstare non potui.

Non abso-
lute neces-
sarium.
omnia vasa
se integu-
menta

Spectat huc, an Cadaver inspiciens ad vasa lacerata cuncta di- stincte annotanda semper teneatur, adeo ut, si hoc negligat, incautius & illegaliter egisse necessario dici possit? item si non singulas læsa- rum partium recensuerit? Ubi sane in casu priore, modo aliunde, constet, v. g. ex copiosissima hæmorrhagia & notabili cruoris in cavi-
tate

tate quadam congestione, neglecta quamvis vasorum sanguifero-lacerata
 rum latorum denominatione, fides adhiberi debet imperfectius su-annotare.
 per lethalitate deponenti: cum inprimis non unius conspicui magis
 vasis, sed minorum, plurium tamen, læsio lethalitatis auctor existat.
 Perinde ac Vasorum Lymphaticorum, propter teneritudinem suarum
 tunicarum, mox subsidentium ac visum fugientium, rami majores
 minoresve nulla oculorum acie discerni possunt: & in ejusmodi ca-
 su sufficit conspicuam seu enormem lymphæ extravasationem anno-
 tasse. Sicut nec peccasse multum videtur, qui partes non omnes
 vulneratas, v. g. integumenta externa singula, secundum seriem re-
 censet: modo illas non neglexerit, a quarum læsione majus renun-
 ciationis momentum dependet, aut illa hinc obscurior evadit. Exem-
 pli loco sit casus sequens, Facultatis Nostræ censuræ Anno 1692. 7. Maji
 expositus. Nimirum quidam ex vulnere thoracis subito seu intra di-
 midium horæ expiraverat, cadaver ejus a Medico non promotum & in
 negotiis ejusmodi forte minus exercitato ac Chirurgis, similis forsan
 peritiæ, disseccatur, & ab illis de hoc sequenti ratione deponitur:
 Weil wir Endes Unterschriebene auff Ersuchen Hn. N. N. auff seinem
 adlichem Hause erschienen/ und den entleibten Körper des Hn. N. N. zu
 besichtigen/ so bekennen wir hiermit/ daß beniemter Körper 3. qver Fin-
 ger oberhalb der Warzen der rechten Seiten an der Brust/ gegen selbi-
 ger Mitten/ zwischen der ersten und andern Rippen einen Stoß/ mit ei-
 ner dreyeckigten hohlgeschlossenen Stilet-Klingen/ welcher durch das
 Mediastinum gegen der linken Seiten/ oberhalb des Herzens/ an die
 sechste Rippe/ was weniges durch die Lunge/ zwischen den beyden Lobis
 selbiger Seiten angangen/ und zwar der grossen Gefässe keines verlehret/
 dennoch die Brust sehr mit Blut angefüllet gewesen. Mehr ist auff
 der linken Seiten ein Streiff/ etwann eines Fingers lang/ welcher aber
 über die Haut nicht/ sonderlich eingedrungen/ zu sehen gewesen. Welches
 wir hiermit ic. Contra qualem Relationem cum inter alias hæ move-
 rentur difficultates, quasi muscutorum pectoralis & intercostalium,
 sine dubio simul perforatorum, nulla in ea facta fuerit mentio, nec
 vasa læsa nominata, ex quibus promanans tanta cruoris quantitas
 thoracem impleverit: a Collegio nominato respondebatur: Daß
 zwar ratione der geschehenen Inspection des Entleibten/ auch des dies-
 falls

falls ausgestellten attestati, ein und anderes zu erinnern wäre / zumahl von dem Medico und Chirurgo keines von denen vasis læsis per avtopsiam determiniret / sondern bloß conjecturaliter angezeigt worden / 2c. Dennoch aber die beschriebene Wunde / als wodurch in so kurzer Zeit / nemlich einer viertel-oder halben Stunde die Brust mit so vielem Blute angefüllet worden / es sey nun solches aus einer grössern / oder unterschiedenen kleinern / Puls- oder Blut-Adern gestossen / und der Verwundete sive ratione extravasationis, sive suffocationis, sive utriusque, so plötzlich dahin gestorben / allerdings pro simpliciter & absolute lethali zu achten sey.

Inspectio-
ne medi-
ante depo-
nitur de
homine
vivo.

Visu res ambiguas disquirimus aut in homine, aut in aliis rebus, v. g. eduliorum vitiiis & carceris conditione animadvertendis, veneno cognoscendo. Hominem vero visitamus aut vivum, aut hujus cadaver, aut quem vivum mortuumve ambigimus. Vivus homo renunciantium oculis exponitur, si de ejus Ætate, Pubertate, Primogenitura, Impotentia seu ineptitudine coëundi, Morbis, Morborum eventu, Aptitudine ad sustinenda Tormenta, Mutilatione, Debilitate ac Cicatricibus a Plaga, de Fœmellarum imperforatione, Virginitate, Stupratione, Imprægnatione, Monstris, Hermaphroditis, Venenatione ac de his, quæ a debiti conjugalis redditione excusant, quæstio fuerit, si discernendus fuerit fœtus maturus seu vitalis, it. an Fœmina peperit? &c. quarum investigationum specialiores circumstantias & lustrandi modos casus specialiores innuunt.

Honestatis
ac vere-
cundiæ
semper ra-
tionem ha-
bendo.

Ratione avtopsiæ vivorum saltem hoc inpræsentiarum, per Legum Conditores atque Interpretes admonitus, innuo, illam, pro honestatis atque verecundiæ exigentia, in quibusdam recensitorum, casuum, attemperandam seu moderandam esse; si genitalium organorum inprimis habenda est ratio: sc. ubi de pubertate judicandum, quam *Hostiensis de despons. impuber. rubric. 2. num. 4.* antiquitus probatam fuisse perhibet, per pubem in inguinibus efflorescentem, oculis usurpandam. Quod tamen pudicitia ac castitati præjudicare, *idem Autor l. a. Menochius de arbitr. Judic. cent. 1. cas. 58. Sanchez de Matrimon. lib. 7. disp. 104. n. 32. atque Schneidewein Inst. lib. 1. tit. 24.* ajunt: i. e. turpem ejusmodi corporis adspectum maxime reprobant, innixi potissimum *Institut. tit. quibus modis tutela finiatur & C. quando tutela*

tutela vel cura definit, ubi, quæ corporis inspectio hujus causa adornata in foeminis olim impudica visa fuerit, ad masculos quoque eam extendere jubet Imperator. Pariter, quando post cœteras potentia coeundi notas copulam actualem præsumptionem ad illam facere, idem *Hoftiensis l. a.* alique tradunt, & pro hac attestanda in conspectu Matronarum peritarum coitum celebrare jubent, his *Sanchez. l. a. disp. 109. num. 15. & Speidelium Specul. Juridic. Polit. lit. E. in vocabulo Che-Scheidung* contradicentes observamus, asserentes, turpissime testes oculares in ejusmodi casibus admitti, utpote qui hac ratione facile in libidinem abriperentur; imo forte marem, alias validum & potentem satis, in specimine sub aliorum aliarumve conspectu edendo, præ pudore intempestive fatiscere & quasi elumbari. Quantum enim passiones animi vehementiores hoc negotium modo intendant, modo sufflaminent, *Alexander Benedict. prax. l. 24. c. 12.* post plura alia documenta his verbis comprobat: *Alios verecundia tenet, alios metus ipse, tot modis suspenditur cum animo coitus.* Et eo ipso, dum de aliis signis, juxta *Sanchez disp. 104. num. 28.* constat, ex quibus illa honestate ac pudicia, potentia aut impotentia coeundi præsumitur: cur Christianis ad suum *Justiniani l. a.* pudori parere & honestatem servare non religio erit; inprimis cum ad validitatem matrimonii non coeundi sufficiat, sed seminandi seu semen immittendi quoque simul requiratur, potentia, quarum illam quidem non vero hanc, cernere testarique valent ejusmodi Spectatores vel Spectatrices.

Denique honestati ac verecundia equidem litant, qui cum *Actio de privil. infirm. part. 1. rubric. 49. n. 40.* secundum *l. 1. ff. de ventre inspic.* & *Tiraquell. de leg. connub. l. 4. num. 23. & seqq.* foeminas non, nisi a foeminis nudandas seu inspiciendas monent: eo ipso tamen, dum imperitia foeminarum, in specie nostrarum, de quibus *capite præced.* disserui, hanc regulam frequentius limitare jubet, dentur etiam in sexu sequiore casus, qui obstetricum circulos superent, v. g. vulnerum; medicis non minus ac Chirurgis, maribus, viva pariter earum corpora, ac cadavera, lustrare, integrum, si non necessarium, erit. Potissimum cum mulierculis, non scite ac perite satis testificantibus, medicorum inspectio surrogetur; ipsemet *alleg. Actius*

Haud tamen foeminae a foeminis tantum inspicienda.

hac ipsa occasione *l. a. num. 41.* civitatibus consulat, ut probos & honestos medicos eligant, eosque non juvenes.

Inspectio
non quo-
vis tempo-
re in qui-
busdam
casibus in-
strumen-
tum adæ-
quatum
est.

Præterea quidam casus, avtopsia determinandi, ita insuper se habent, ut hæc illis non adæquatum semper & quovis tempore ob- servetur instrumentum, sed hujus maxima etiam hic habenda veniat ratio, v. g. in affectibus morbosus, qui per vices ac paroxysmos, sive periodicos, sive erraticos corripunt, determinandis, hinc v. g. her- nia pro avertendis tormentis, cognoscenda, cum intestina prolapsa aliquando ex inguine, scroto, &c. ad abdomen & in situm naturalem se recipiant, ibique aliquandiu morentur, v. g. in supine decumben- tibus, item in amentia, epilepsia, &c. per vicissitudines affligentibus, dignoscendis. Spectat huc de partu facto postulata renunciatio, qui recens equidem latere nequit, elapso vero hinc notabili tempore frustra investigatur: quemadmodum pariter morborum fictorum a veris discretio, qualem non una, sed repetita, non statim, sed incerta, demum visitatio præstat.

Frequen-
tior est ca-
daverum
inspectio.

Ac valde
necessaria
secundum
J. Crot.

Ad Cadaveris inspectionem vocamur frequentius, si de vio- lentia extrinsecus illata seu homicidio constet, vel præsumptio fue- rit, adeoque læsionis causam, conditiones & effectus exactius disqui- rere necessarium, ubi non minus de sanguine carnificis ense pro- fundendo, quam de sanguine profuso, qui ad cælum clamat, contro- versia est: atque hanc quidem totius mundi consuetudine receptam esse tradit *Clarus 5. receptar. sentent. §. Si quest. 4. & 5.* variorumque Populorum & Provinciarum moribus ac legibus conformem *Felt- mann. de cadav. inspect. c. 3. §. 2. 3. seqq.* comprobat. Inter quales ca- sus quemadmodum sine dubio frequentissima existit mors ex vulne- re seu percussione, i. e. an Percussus ex vulnere, ut tali, discesserit? sic circa explorationem ejus sensualem, quam in ullo alio negotio, oculi sollicitè & circumspicte magis versari debent: cum ex vulne- ris habitudine, de qua per oculorum demum dictamen constat, quæ- stio de occisore & hujus pœna decidatur. Ita quidem, ut, si hæc pla- gæ inspectio aut omnimode negligatur, aut non accuratius & secun- dum regulas artis administretur, per sanctissimam Legum auctorita- tem cautum observetur, pœnam homicidii seu ultimi supplicii in percussore non habere locum. Quatenus hac ratione dubium ma- net

net Delicti Corpus, sine quo nihilominus, secundum Juris peritos, ad specialem Inquisitionem transire haud conceditur: & neglecta aut perfunctorie peracta visitatione in ambiguo relinquitur, an ex vulnere, an ex alia causa, perierit sauciatus, dum in iis, quæ de vita humana agunt, probationes dubiæ ac semiplenæ tantum ad mortis pœnam inferendam minus sufficiunt, *vid. Carpzov. prax. crimin. part. 1. quæst. 26. n. 19. 20. seqq.* ac Potentissimi Electoris Brandenburgici Edictum Anno 1665. promulgatum.

Tuschius quidem pract. conclus. 286. Muscatell. prax. crimin. de cognit. seu probat. delict. procem. num. 18. Oldecop. quæst. crimin. 8. Brun- Contradi-
centibus
quamvis
nonnullis.
neman. prax. crimin. c. 7. & Celeberrimus Strykius de Jure sens. dis-
sert. 1. cap. 3. inspectionem cadaveris haud semper adeo necessariam
ajunt, quin illa neglecta pœna in Occisore ordinaria aliquando locum
habeat, ubi nempe telo lethifero vulneratus derepente secesserit:
ideo sc. quod, secundum *Gomez Resolut. tom. 3. cap. 3. n. 29.* atque *Me-*
nochium de arbitr. judic. cent. 2. cas. 275. qui mox post vulnus illatum
discessit, vulneratus ex vulnere decessisse videatur, seu quod juxta *Ma-*
scardum conclus. 1039. Natura ipsa per spatium ejusmodi breve, eum ex
vulnere mortuum innuat, hinc non opus sit, per inspectionem demum
percussionis indagare lethalitatem. Accedentibus insimul his cir-
cumstantiis, quod, ut modo dictum, si armorum genus, quo invasio
fiebat, mortiferum sit, constet de animo occidendi percussoris, nulla
per malum regimen aut incuriam seu imperitiam Chirurgi, ad quæ
nihilominus *Imperator in Constitut. Criminal.* respicit, mortem con-
tingisse, præsumptio, detur: nec Jus divinum, nec Civile Romanum,
nec Imperii novissimum, ejusmodi inspectionem postulent. Et
quod *allegatam Carolinam* spectaret, hanc non de morte vulnus se-
quente quavis seu in genere, verum post moram notabilem & ex in-
tervallo demum superveniente, his verbis loqui, sc. *artic. 147.* So
einer geschlagen wird / und über etliche Zeit hernach stirbe / also daß
zweifelhaftig wäre / ob er der geklagten Streiche halber gestorben wäre /
oder nicht / in solchen Fällen *re. & artic. 189.* Und damit denn in solchen
Fällen *re.* Imo, testante *Nobilissimo Strykio l. a.* in ejusmodi causa, ubi
sine inspectione sepultum fuerit cadaver occisi, Amplissimum Jure
Consultorum Collegium in Alma Viadrina pœnam ordinariam ali-
quoties decrevisse.

Ratio hu-
jus necessi-
tatis.

Quin tamen his adeo prompte undique subscribam, aurem vel-
licat *Farinacius*, quando de *homicid. tit. 14. quest. 127. part. 2. § 4.*
Medicorum inspectioni atque iudicio negotium lethalitatis commit-
tere monet. Et nolo equidem dogmata & sententias tantorum Vi-
rorum in dubium vocare, eo ipso tamen, dum, qui ab illata plaga bre-
vi moritur, quamvis non per errorem in diata aut Chirurgi incu-
riam aut imperitiam decedat, aliquando tamen mox a vulnere infli-
cto (non propter vulnus) per morbum quendam latentem, si hujus
terminus ultimus seu mortalis forte fortuna cum tempore illius coin-
cidat, aut hoc brevi post excipiat, obire valet: præsumptioni, a re-
pentina morte petita, soli in causa ejusmodi ardua inniti, nimis du-
rum videtur, cum mens provida semper dubia maneat, annon in præ-
sente cadavere ejusmodi mortis, quam innui, ætiologia concipienda
sit? Ne alios casus huc referam, v.g. si asciticus vulneratus aquam
confertim nimis & cum anima profundat, aut apostema internum,
ad exitum usque sauciati subitaneum perforetur; utpote qualia
vulnera an lethalibus adscribenda sint, olim & nunc ambigo. Ad
minimum Inspectio cadaveris lethalitatem ac non lethalitatem vul-
neris, qualem ex aliis phœnomenis conjicimus, confirmabit, aut du-
biam reddet; vel in tantum saltim, quod nihil aut aliquid vitii mor-
tiferi præter vulnus reperiatur: etiam in ejusmodi casibus, ubi non
ipsius læsionis formalitas cernitur, quam effectus seu symptomata
graviora lethalitatem concludere faciunt, v.g. in diaphragmatis con-
cussione suffocatoria & commotione cerebri, sine vasorum hujus
sensibili ruptura, cum sensuum nihilominus omnium ac motus vita-
lis præcipiti prostratione. Imo *Nobilissimus Strykius l. a. c. 2.* ex sen-
tentia *Caroline Constit. artic. 149.* accuratissimam cadaveris inspectio-
nem urget, sectione adornandam, quæ certiores reddat Medicos,
quale de lethalitate ferre debeant iudicium, oculis exhibens, quod-
nam interaneorum & quomodo læsum?

Vulneris
inspectio
hincque
iudicium
difficile,

Interim si in ulla functionum Medicarum, certe in vulneris in-
vestigatione, advertente *Hippocrate*, *iudicium difficile* observatur, ea-
que res magnæ difficultatis semper visa fuit: vel quod læsionis ratio
formalis nec inspicienti adeo prompte semper compareat; vel quod
ab hoc illius habitudo ac conditiones interdum perfunctorie satis at-
tendan-

tendantur, obscurius & impertinenter recenseantur, hincque Collegia etiam Peritorum, quæ secundum Acta & Probata ejusmodi confusa & obscura sententiam ultimam de vulneris lethalitate dicere, rogantur, ambigua valde evadant, Nemesis a nugis his modo intempestive interpellatur, modo plus justo præcipitur, utraque ratione Justitia sanctissima violetur. Magni ego, disserit *Job. Bapt. Sylvaticus hist. 85. momenti rem hanc esse semper existimavi, cum de justitia servanda agatur. Deo Optimo & Maximo ubiq; acceptissima: & Fienus Semiot. part. 1. sect. 4. cap. 1. ait: si Medicus nimis temerarie judicat, reus est ipsemet mortis & supplicii vulneratoris.*

Singulari proin attentione & prudentia inspectiones ejusmodi Circum-
specte &
caute in
vulneris
inspectio-
ne agen-
dum, & Vulnerum visitationes administrare decet, quales administratio-
nis regulas seu leges *Carpzovius* equidem *l. a. num. 43.* & modo *Lau-*
datus Dominus Strykius l. a. cap. 2. §. 33. recensere fatagunt: liceat ta-
men mihi, cum bona Venerandorum horum Doctorum pace, sub
terminis atque cautelis prolixioribus paulo illas exponere hoc modo.
Nempe primo adornetur hæc visitatio satis tempestive, i. e. sine omni
mora & mox ab obitu percussi: ne superveniens putredo hincque
concitatus fœtor, ut superius monitum, Medicum ab inspectione,
exactiore deterreat, aut ab illa corrupta seu immutata interanea,
quali per vulneris habitudinem in tantam corruptionem abierint, ei-
dem imponant, illamque exquisitius evolvere impedian; quod
tempore æstivo & sub cœlo fervidiore citius evenit. *Secundo* dili-
genter non tantum & omni studio in plagæ evidentis conditiones
cunctas disquiratur, sed totum insimul cadaver, an forsan aliud in eo
vulnus lateat, exterius perlustretur, quo a cruentatione, livore, tumo-
re, similive phœnomeno ad interiorum læsorum investigationem,
ducatur Medicus. Et quamvis nihil ejusmodi vestigiorum externo-
rum compareat, ut in capitis percussionibus lethalibus etiam experi-
mur, minime tamen sectio & interaneorum evolutio negligatur; si
nimirum defunctum violentiam externam perpeßum fuisse innotescat,
aut tantum præsumatur: sed requisitus a Magistratu Medicus,
quam in una parte corporis non invenit, (inprimis si de homicidio
tumultuario aut plurium ictuum illatione constet) mortis causam in
altera scrutetur, adeoque caput non minus ac thoracem & abdomen
Eccc 3 horum-

horumque recessus ac contenta perlustrandi molestias minime detrectet. Ita ut, si plures ictus offendat, horum singulos annotet, quo, qui demum Lethalitatis primaria seu potior extiterit causa, eruatur: aut, si forsan læsionum diversarum neutra pro mortalitate inferenda sufficiat, num earum binæ vel trinæ, collective sumptæ, idem præstent, commodius disquiratur. Imo vel propterea Medicus in negotio hoc circumspectum magis se gerere tenetur, quo, si forsan percussione manifeste lethalitas aut nulla, aut non adeo evidens, fuerit, verior seu genuina magis mortis causa, ut superius dixi, detegatur, v. g. latens hydrops, apostema &c. in corpore præprimis hæcenus valetudinario aut ignoto.

Interdum
deficienti-
bus vio-
lentia si-
gnis exter-
nis, accu-
satione ca-
daveris vi-
sitatione
interanea
læsa cer-
minatur.

Sæpe profecto, ne levissimo percussione vestigio extrinsecus comparente, interiora corporis enormius læsa laceratave offendi, sectiones cadaverum hinc inde testantur, & mihi aliquot ejusmodi subiecta tradita fuerunt, qualium dissectionem frustra aut sine ratione postulari, adstantium incautior judicasset, partibus reconditis nihilominus postmodum mortaliter læsis visis. Anno sc. 1675. 9. Maji (ut alios casus mittam, hinc inde ex libello de *Renunciatione Vulnerum* depromendos) ad Nobilissimi Civitatis nostræ Senatus requisitionem, vetulæ cadaver inspexi, in cujus nec capitis integumentis externis, nec ipsius cerebri involucris, aliquid violentioris impressionis, sed cuncta integra, minus tumida aut suggillata, nec fracta, comparebant: sub dura nihilominus meninge ac inter cerebrum ac cerebellum notabilem cruoris quantitatem reperi, vasorum ruptorum partium, in speciem illius Carotidis sinistrae, qui sub cerebri compage ad Vertebralem arteriam inclinat. Pariter Anno 1685. d. 16. Januarii vocatus a Quæstore Sceudizensi, ut de puella sedecim annorum, ex lapsu post quatuor dierum decubitu, mortua, deponerem, nullum equidem nec in Capite, nec Thorace conspexi livorem aliudve contusionis signum externum annotavi: deprehendi tamen in pectoris ejus camera sinistra quatuor circiter cochlearia sanguinis ferrosi, ex vasorum intercostalium exiliorum rupturis sine dubio profusa, cum Pleura hinc inde suggillata & ad Gangranam inflammata. In capite omnibus signis violentiæ externæ experte & cujus Calvariae suturae adhuc hiscebant, Carotidis sinistrae ramus anticus ruptus, hinc sub

sub Cerebro & crassa meninge ac circa Os Ethmoideum multum cruoris cernebatur, cujus aliqua portio per vivi non tantum adhuc, sed defuncti quoque subjecti narium sinistram profluxerat. Item Anno 1687. d. 6. Sept. Militis gregarii ex Præsidio suburbano, paucis a verberibus horis sine sensu ac motu in via publica reperti, hincque brevi decedentis, cadaver visitavi, cujus capitis ambitus externus nihil omnimode vulneris, ecchymoseos, tumoris &c. monstrabat, exerente quamvis se sub cute, in musculo temporali sinistro, gravi contusione, cruoris suffusione, fractura ossis Bregmatis ac Temporum ejusdem lateris insignis fragmenti, pollicem longitudine ac latitudine circiter æquantis, secessu & cruoris, super Crassam meningem, profusi ac cerebrum valde deprimentis, uncis quatuor ad minimum. Quibus observationibus sequentem annecto. Postulatus nempe Anno 1692. d. 5. Octobris a Senatu oppidano ad visendum cadaver Vetulæ, ab equo calcitrante in hypochondrium sinistrum percussæ & intra horam ab ictu expirantis: in cujus loci percussi nec cute, nec musculis, livorem aut suggillationem, remotis nihilominus mollioribus iis integumentis, duas costas nothas inferiores diffractas, hypochondrium idem ad umbilicalem usque regionem copioso cruore repletum & Lienis partem posticam, quæ diaphragmati adjacet, bis enormiter ruptam, deprehendi.

Nec adeo paradoxum hoc videri poterat evolventi *F. Fidelis lib. 4. f. 5. c. 1.* verba: *Neque enim quacunque pars percussa semper livorem ostendit, nisi venis, iisque non admodum alte positis, prædita sit. Ergo sit in nervosis particulis (sic docet Avicennas 4. tr. 2. c. 4.) percussio incidat, aut cæteris etiam aliis, priusquam carnosus, nec ruborem, nec ullam ecchymosin animadvertes.* Sicut ante paucos annos ad peculiarem percussione capitis læthalis casum, primo ex Quæstura Anhaltino-Warnstorfiensi exhibitum, pari ratione respondit Nostra Facultas, sc. non obstare ejus lethality, quamvis nulla læsionis vestigia externe obviam fuerint: idemque paulo post ad quæstiones hujus generis, a Licentiando & Practico quodam Medicinæ Gelnicensi (aut quocunque sub nomine hoc latitante) transmissas, prolixius, i. e. pro occasionis exigentia, repetiit sequentem in modum, *Nehmlich/ so viel die erste Frage angehet/ (sc. ob der Sinus falciformis Cerebri von einer*

einer äußerlichen Gewalt zerrissen können werden / da man doch kein Merckmahl einiger Verletzung spühret / neque in cute, neque in pericranio & citra omnem fissuram fracturamve Cranii &c.?) ist aus vielen Auctoribus und der täglichen Experienz bekannt / wie öftters von einem Schlag / Fall oder anderer äußerlichen violenz enormissimæ commotiones cerebri, und zu gleich dessen Vasorum sanguiferorum, majorum minorumve, rupturæ zu geschehen pflegen / ic. Und zwar unterweilen auch wohl ohne alle äußerliche Signa contusionis factæ, als Suggillationem fracturamve integumentorum externorum, weil die Instrumenta lædientia nicht einerley Art / ictuum diversa violentia und textura illorum integumentorum in einem Subjecto firmior, als in dem andern / und daher fibrillæ ac vascula harum capillaria plus

E. Medicus
accuratius
inquirat.

minus conquassiret und laceriret werden mögen. Welche ruptura sinus tertii (falciformis) desto leichter zu concipiren / da wohl Apoplexiæ sanguineæ ex ruptura vasis ejusmodi, propter stagnantem & turgescentem tantum sanguinem, unterweilen zu erfolgen vorgegeben wird. Quibus plura, vel observationis privata, vel Collegii Nostri Censuræ exposita, adjicere possem, nisi enarratorum pondus thesi præsentî confirmandæ adæquatum judicarem: i. e. cautum & circumspectum postulari Medicum in percussionum harumque lethali-tatis investigatione administranda, neque hunc tædere debere perlustrationis interiorum exquisitiore, utut laborissimæ, & nullam violentiæ illatæ externam notam animadvertat.

Ideo Se-
ctione,
semper
opus.

Qualis Inspectio exquisitior quia sine sectione fieri nequit, hæc Tertio nunquam negligatur, aut perfunctorie administretur, quo læsionis ratio penitius & quoad singulas circumstantias patefcat, nulla-que harum prætermittatur, quæ judicio ferendo litet. Neque enim, quam ab externo vulneris obtutu, aut ejus aliquali dilatatione, item styli similisve instrumenti exploratorii intrusione, nonnulli sibi promittunt, exploratio internæ læsionis conditiones singulas detegit atque declarat: quin potius fallax fatis hic scrutandi modus videatur, & per violentiorem ejusmodi plagæ externæ divulsionem styli-ve cæcam immissionem partes hæcenus integræ lacerentur. Quo vel solo nomine cavendum quoq; est a suspecta ac iniquissima illa quorundam tonforum curiositate, qua communiter, pro vulneris profunditate,

Cavendum
a styli in
cadavera
immissio-
ne.

ante

ante cadaveris aperturam, disquirenda, eidem ejusmodi ferramenta indagatoria intrudunt; sc. ob lacerationem ac perforationem interaneorum hinc metuendam: cujus exemplum notabile *Amplissimus Strykius l. a. num. 34.* refert, ab impertinente nempe ac rudiore styli sciscitatorii per Chirurgum applicatione in cadaveris aperti pulmonibus diversa vulnere fuisse reperta, ut, quod horum ense occisoris, quod instrumento Chirurghi, illatum, non constiterit.

Qua occasione huc non repetere nequeo protervam illam quorundam Chirurgorum in percusso vivo adhuc specillo seu stylo tentativam lustrationem, qua profunditatem vulneris, globuli sclopeto immissi situm similesque circumstantias investigare annituntur, quamque *part. 1. cap. ult.* prolixius detestatus sum: utpote quali scrutinio frivolo vulnera profundiora redduntur, dilatantur & partium interiorum plures lacerantur; hincque ambiguum evadit, an a vulnerantis, an Chirurghi, a quo vulneratus medelam expectabat, telo, vulneris habitudo, lethalitatem inferens, dependeat? Recordor nefariæ ejusmodi tentationis ex Actis quibusdam privatis, Facultatis Nostræ censuræ 1699. mense Martii expositis, ubi Chirurgus per vulnus sclopeti frontis ferramentum ad digiti profunditatem, globuli explorandi causa, immiserat, neque ab hac investigatione, nisi renitentia corporis durioris deprehensa, destiterat, quamvis frustra conatu: cum globulus ille, defuncti calvaria aperta, non intra cerebrum repertus fuerit, sed per os palati ad inferiora descenderit; (quorsum? incautior ac negligentior secantium investigatio haud declarabat) sub hac nihilominus ineptiore exploratione fragmenta ossis cerebro profundius impacta & vulnus globulo factum gravius evaserit.

Ipsa vero hæc sectio *Quarto* suspensa & provida maxime celebratur manu, qualis ab illo, qui in Anatomicis minus versatus, vix expectanda: & qui dexteritate hanc secandi destituti, vulnere non raro facere potius, quam investigare observantur; quales Chirurgos nostros inprimis frequentius experimur, vasa hinc inde, membranas Cerebri ipsumque Cerebrum per incuriam ac imperitiam, dum per laniemæ magis modum, quam incisionem artificiosam, integumenta corporis externa remonent, lacerantes ac perforantes.

Ffff

Unde

Sectio Chi-
rurgo non
facile com-
mittenda.

Unde etiam suasor forem Medico conscientioso & Inspectionum ejusmodi directori, ut manibus propriis potius ipsemet eas administret, quam rudioribus illis fociis committat: mallet siquidem cruentare manus, quam conscientiam, i. e. quod Chirurghi ministrantis est, non sine molestia exequi, quam in deponendo falli fallereque.

Indaganda
etiam vul-
nerationis
circum-
stantiæ,
vulnerati
sympto-
mata, &c.

Neque tamen ad prudentius deponendum sola semper sufficit cadaveris inspectio, sed sciscitari quoq; *Quinto* Medicum deponentem oportet a Medico, Chirurgo & adstantibus, qui vel vulnerati curam gesserunt, vel percussioni adfuerunt, de percussi constitutione naturali ac præternaturali præcedanea, de armorum genere, de ictus vehementia, de situ corporis illius, dum percutiebatur, symptomatis, curationis methodo, diætâ, mortis tempore ac similibus: utpote quales circumstantiæ ad inspectionem non tantum exactiorem dirigunt, sed judicio ferendo etiam aliquando argumenta subministrant, ut ex *Oldecop. tit. 4. obs. 47.* & ex tractatulo de *Vuln. Renunc. f. 1.* videre est.

Sclopeto-
rum vulne-
rum tra-
ctus para-
doxi.

Sexto majore circumspectione opus est in vulneribus non tantum punctim illatis, quæ in membris internis, ob instrumenti perforantis mucronem angustiores seu acuminate valde, sæpe eousque connivent, ut minus lynceum seu attentum Prosectorum facile fugiant: sed inprimis quoque sclopetorum, utpote quorum globulos miros & tortuosos adeo tractus ut plurimum describunt, ut horum circuitus atque anfractus stupefcat aliquando curiosior oculus, offendens ultimum globuli terminum & interaneorum intermediorum læsionem vulnere externo minime congruam seu adæquatam. Cujus rei pariter diversa sistere possem exempla, ast bina a me observatorum sufficiant. Postulatus Anno 1678. d. 8. Octobris a *Quæstore* Sckeudizensi, ad visendum in pago *Rückmarsdorff* cadaver militis globulo, sclopeto eliso, trajecti atque interfecti: qui globulus, quamvis recto satis tramite thoracem penetrarit, dum prope papillam dextram, inter quintam & sextam costam, pectus subintrarat & dorsum ejusdem lateris, inter septimam ac octavam trajecerat, ita ut unam costarum anticarum valde, posticarum omnimode, confregerit, miris nihilominus & tortuosis ictibus, seu totidem quasi refractionibus, diver-

diversa interanea, perforationibus thoracis externis haud æque intermedia, simul lacerasse, deprehendi, inferiorem nimirum Pulmonis dextri lobum simplici, sed satis amplo, Diaphragma duplici, vulnere, item Eparis convexam ac Septo annexam partem, ratione profecto a priori minus explicabili. Similiter Anno 1687. d. 2. Junii a Commissariis Serenissimi Ducis Martisburgensis ad inspectionem cadaveris juvenilis, sclopeti minoris globulis binis hinc duplici vulnere, interempti, cum requirebar, unam harum sphaularum per Lumborum sinistrum, prope marginem ossis Ilei, oblique sursum Hypochondrium ejusdem lateris subintrasse, observavi, ubi gibbum Lienis partem profunde satis laceraverat, hinc per Diaphragmatis ambitum carneum ac pulmonem sinistrum lata in costarum superiorum tertia figebatur: dum alter globulus Natium sinistram hujusque musculos Glutæos, itidem oblique sursum perforaverat, ac Ilium os, ad Iliaci usque muscoli interni, qui huic incumbit, contusionem & aliqualem lacerationem, perfregerat; ita tamen ut eum, quamvis sedulo inquirentes, minime, sed ramentum tantum ejus exiguum, quasi laminatum, grani ponderis vix superans, reperire potuerimus.

Quæ cuncta tamen ut commodius ac dextre magis expediri queant, in loco opportuno sectiones ejusmodi visitatorias administrare convenit: quo nihil externorum sectorem in operando ac investigando moretur, nihilque attentioni ac speculationi hujus obicem ponat. Quem in finem ante omnia in loco lucido illæ suscipiantur, aut, si hic obscurior, candelis commode ac sufficienter illuminato: quo cuncta penitus disquirere ac intueri liceat. Nec satis mirari possum casum 1669. mense April. Collegio nostro expositum, ubi Chirurgus quidam, de perforatione Orbitæ Oculi ac interaneorum Calvariae satis dextre deponens, inspectionem cadaveris tempore nocturno, ad tedæ ardentis lumen peregerat, feliciter potius, quam circumspicius. Nec frequentia spectatorum nimia Professor inter operandum stipetur, molesta maxime & investigationem accuratorem turbante, ac ad impatientiam, negotio huic perniciosam, ubi res investigatu in primis difficilior, urgente.

In specie, ubi Infanticidii subit suspicio, cadaveris pariter inspi-

Inspiciendum est cadaver recens nati, si de infanticidio suspicio. ciendi urget necessitas, non tantum, ut partus abortivus, qualem suum ejusmodi meretrices scelerosæ frequentius venditare solent, a perfectiore discernatur, sed inprimis, quo de signis violentiæ illatæ, aut non illatæ, constet, si mortuum puerum se enixas fingant. Quamvis enim, aliis infanticidii indiciiis præsentibus, de quibus *Constit. Crimin. artic. 35. & 131. ac Carpzov. pr. crimin. part. 3. quest. 122.* videantur, Inquisita, juxta Legum Interpretes, exceptionem illam aut tortura, aut alia ratione, probare teneatur: mitiorem tamen gravio-remque torturæ gradum decernet Judex, plus minus comparentibus indiciiis violentiæ illatæ.

Inspectio-
ne etiam
opus ubi
de venena-
tione su-
spicio.

Insuper Cadaveris postulatur visitatio medica, si de veneno propinato præsumatur, non tantum, ut de effectibus pocillationis exactius constet, sc. maculis in habitu diversi coloris, livore, intumescencia, erosione atque mortificatione interaneorum, cordis flacciditate, sanguine congelato &c.: sed per quam ipsum venenum ingestum, hujusve ramenta, sub textura seu compage propria in primis viis indagentur, adeoque pocillator delicti plenius convineatur, si modo hoc, per circumstantias, alibi recensendas, fieri queat. Tanti enim voti Medici in his casibus, juxta *Mascard. de probat. conclus. 1037. num. 7. Farinac. consil. 184. num. 14. & 46. Carrer. prax. crimin. §. Homicid. n. 625. & seqq. Gomez tom. 3. variar. solut. cap. 3. n. 8. Carpzov. Nemes. Carol. part. i. quest. 21. & Brunneman. prax. crimin. cap. 7.* observatur vis, ut non sufficiat venenarii ipsiusmet confessio de veneno propinato, nec sub hoc, nec aliis gravioribus, indiciiis, posthabita vel minus rite instituta pocillati hujusve cadaveris inspectione, pœnæ ordinariæ locus concedatur, ob defectum scilicet, ut ajunt, Corporis delicti. In cujus tamen administratione, si in ulla alia, attendendum illud *Brunnemannii l. a. num. 19.* & superius de inspectione vulnerum monitum, ne illa justo longius differatur, hincque mutatio cadaveris, a putredine naturali inducta, a veneni hausti effectibus discerni nequeat.

It. ubi, an
quis vivus
an mortu-
us vulnera-
tus aut

Porro aliquando coram Magistratu hæc agitur lis, an cum vulneribus mortuus suspensusve repertus, aut ex aquis protractus, vivus mortuusve vulneratus, suspensus aut aquis submersus fuerit? non sine inspectione Medicorum dirimenda, prout negotium hoc in se susce-

fufceperunt *Paræus de Renunciat. F. Fidelis lib. 4. ſect. 4. cap. 1.* atque *fufpenſus R. a Caſtro Medic. Polit. cap. 11.* In priore caſu rationem habentes *reperitur.* conditionum vulneris, vaſorum ſanguiferorum plenitudinis aut inanitionis: in altero veſtigii funis & rugoſæ in jugulo cutis, livoris ac tumoris faciei, oculorum prominentiæ, ſpumæ ex ore naribusque prodeuntis ac aſperam arteriam & hujus ramos replentis: in poſtiori autem pariter ſpumæ in pulmonibus & canalibus reſpiratoriis, digitorum attritionis atque excoriationis, ac ventris inflationis, aut enarratis contrariorum ſymptomatum. Item, ſi in loco quodam ſolitario deſertove agro &c. inveniatur cadaver, ſine vulneris, ſtrangulationis aut ſimilis violentiæ nota, utut diſectum & apertum; quale ex fulminis ictu occubiſſe, præſumptio fit, & quidem major minorve, ſi ejuſmodi aliqua tempeſtas brevi præceſſerit, aut non præceſſerit, & inſpectio eidem plus minus faveat. Qualem quoque adminiſtrare poſtulat nonnunquam Medicus, ſi in eadem via publica aut alibi reperiatur homo deſunctus, de cujus obitus genere plane non conſtat, a Magiſtratu nempe conſcientioſo ac prudente: quo, ſi forſan aliquam violentiam externam paſſus fuerit ejuſmodi miſer ſolitarius, ſine notis illius evidentibus, interiora perluftrata aut eandem manifeſtent, aut ſuſpicionem ejus deleant. Ita v. g. Anno 1687. d. 29. Novembris caſu repertum cadaver virile in agro Lipſienſi, per oppidani Magiſtratus providentiam, mihi ſecundum ac ſcrutandum tradebatur, an forſan de læſione externa ſeu homicidii ſignis conſtaret: qualia tamen fruſtra indagavi, loco horum aſcitem ac hydro-pem pectoris offendens conſumatiffimum, ſine dubio ſuffocationis mortiferæ cauſam primariam atque unicam. Cujus generis & tantum non ſucceſſus erat inſpectio cadaveris itidem maſculini, viventis a nativitate muti, Anno 1696. 17. Maji in camera deſuncti reperti, in cujus ventribus ac cœteris membris nihil violenti, caput tamen, a ſanguinis ſtagnatione extraordinaria, tumidiuſ, ejus cutis ad livorem rubicunda & vaſa externâ æque ac Meningum & Cerebri, ſanguine turgida ac tumida, ventriculos vero ac anfractus hujus a ſero copioſiore divulſos eodemque ſcatentes, cernere dabatur.

Aliquando etiam contingere poſſe, ut imprægnationem ante- *Vel an im-*
cedaneam & inſecutum partum aliis ſignis adeo perſpicue probare *prægnata-*

fuerit &
pepererit
aliqua.

haud concedatur, hinc, juxta *l. 12. C. qui pot. in pign.* sectione cadaveris defunctæ opus sit: quatenus per hanc uteri, a foetu hætenus latius explicati, compages laxior, & qualis ante decimum aut duodecimum a partu diem ad pristinam habitudinem se vix recipit, manifestatur hæcque uteri facies de gestatione ac partu celato testatur. Cui parallelum puto casum, ante annos circiter triginta mihi obvium, dum infanticida quædam, cujus foetus exclusus & interemptus sine secundinis inveniebatur, cum de his quæreretur, earum exclusionem, sub ignorantia quadam specie, diffitebatur, seu præter foetum se aliud quid enixam fuisse negabat, hancque negativam morte gladii confirmabat: cui fidem adhibentes quædam non tantum Civitatis hujus Matronæ, sed Magistratus quoque Personæ, ut cadaver hujus decollatæ aperiretur, postulabant, an forsan secundinas latentes in utero offendere liceret; quamvis indaginem hanc frustraneam ex fundamentis medicis hariolarer, ac avtopsia docuerit.

It. ubi de
coitu cum
cadavere
suspica-
mur.

Imo ad istud quandoque impuritatis scelestæ genus quosdam abripi, ut amorem quærant, ubi nullus est, i. e. cum cadavere foemineo coëant, diversa ab Auctoribus consignata & ex his a *Simone de Impot. conjug. cap. 2. thes. 4.* recitata paradigmata loquuntur, ac quale *Feltmann de cadavere inspic. cap. 33.* recenset: de quo facinore si suspicio fuerit, *Nemesis Carolin. artic. 35.* Obstetrices, ut de cadaveris ejusmodi stuprati genitalium habitudine referant, jubet, pœna gladii postquam per leges publicas v. g. *lib. 13. L. Jul. de adult. ac Constit. Saxon. t. 2. de crimin. quest. 68.* huic crimini scelestissimo fuit decreta.

Pariter ut
constet, an
quis vere
mortuus.

Denique corpus humanum visitamus, si, num hoc revera expiraverit, dubitetur, ubi nempe graviore quodam affectus cujusdam, ancipitis, v. g. Apoplexiæ, Strangulationis hystericæ aut Pestis insultu eousque opprimitur quis, ut mortuus præsumatur. Et quamvis adeo facilem ac frequentem mihi concipere vix queam ejusmodi mortis simulationem, in qua aliquos, gravioris criminis convictos, spem atq; effugium omne ponere *F. Fidelis l. 4. sect. 1. cap. 1.* ait, medicatis potionibus similibusve technis mortis simulacrum sibi consciscentes, & hac ratione Prætorem deludentes: nolo tamen illis bonæ fidei Viris præfracte contradicere, qui subdolam ejusmodi calliditatem, vel lucri

cri causa, vel ad tormenta declinanda, vel ad criminum poenas evitandas, vel ex quavis alia intentione, in hominibus nefariis aliquando observarunt, ad lubitum, instar mortuorum, sine motu, anhelitu ac sensu rerum etiam maxime dolorificarum seu summe sensibilibus, se prosternentibus. Quale quid de Presbytero quodam *Cardanus l. 8. de rer. variet. cap. 43.* refert, & Turcis familiare Scriptores testantur, pallidam mortis imaginem faciei inducentibus, imo ipsum pulsum, fraudulento satis artificio, ligatura nimirum brachii subdola, intercipientibus & quasi rescindentibus. Frequentiores vero tanti recensitorum similiumque pathematum impetus observantur, quorum sola vi & absque omni fraude nonnullos mortis simulacra interdum evadere, praxis loquitur, quales per incuriam etiam aut ignorantiam amicorum & adstantium sepulturae destinatos, imo traditos, fuisse, hinc inde penes Auctores cum stupore legere contingit: unde a prudentioribus Magistratibus non tantum cautum observatur, ne Peste, Apoplexia &c. defunctorum cadavera ab ultimo mox anhelitu terrae mandentur, sed notae quoque a Medico inspiciente non raro petuntur, quibus apparenter mortuos a vere talibus discernat. Quamvis si ad has specialius & accuratius tradendas se accingat hic, potiores forsitan non ex solo adspectu, sed contactu simul, apnoiae exquisitiore examine aliisque phaenomenis, colligere valeat: qualia nunc recensere, praesentis instituti haud est.

Singula inquirenda, seu potius observata, tandem *Septimo* sedulo annotentur, consignentur & in Relationis Notula distinctim, exprimantur cum circumstantiis eorum cunctis. Sc. ut primo Laesio & phaenomena externa, id est, vulnus seu contusio, livor, maculae, secundum sui locum, longitudinem & latitudinem exacte, hinc integumentorum externorum, vel seorsim, seu κατὰ μέρος, vel, exigente necessitate, simul, dextre tamen ac caute remotorum habitudines, ac tandem membrorum internorum vulnera, rupturae &c. cultello, stylo tubulove explorata, ac Judici seu adstantibus demonstrata, recenseantur. Quamvis enim superius dictum fuerit, haud semper insufficientem & illegalem inspectionem vocari debere, in cujus Notula non cuncta integumenta adeo studiose consignata, nec vasa lacerata observata & determinata fuerint, modo per illam de parte primario

Annotanda & consignanda sunt observata singula.

mario læsa constet, cruoris etiam enormior extravasatio de vasorum notabilium læsione satis certo præsumere faciat : tutius tamen ager Professor, si nullum horum prætermittat seu annotare negligat, nulliusque, vel in investigando, vel in consignando, laboris parcat, ne causarum ejusmodi Sanguinis Patroni ansam litigandi hinc arripiant, justitiæ vis inferatur, Medici vero culpa in Judicem devolvatur. Cum non unius meminerim inspectionum a me administratarum occasio- nis, ubi difficulter admodum membrum vel vas lethaliter vulnera- tum mihi eruere licuerit, hinc irritos omnes investigandi conatus forsan judicasset exilioris patientiæ & perperam desperabundus Pro- fessor: nisi novum calcar semper addidisset conscientia & existima- tio propria, utraque pro viribus tuenda, jussissetque novas capeßere molestias negotii gravitas.

Superius monui visitationem hanc ocularem maxime moderari ac dirigere, si armorum genus & habitudinem, modum lædendi, ictu- um rationem ac multitudinem atque symptomata, quantum quidem hæc resciscere licet, ab adstantibus, vel ex Actis judicialibus, exploret Medicus, antequam ad sectionem se accingat: quod talium cognitio prævia indicium haud inane ad inquirendum, & quæ inquirenda, suggerat. Quibus nunc adjiciendum, Renunciationem ipsam juvari, si cuncta hæc audita simulque visa, seu quotquot observari poterunt, annotentur ac memoriæ causa consignentur: quo recedens ab inspe- ctione, seu remotis spectatoribus Medicus denuo cuncta trutinare, ac ex collatis cæteris cum vulneris conditione circumstantiis demum, an hoc per se, an per accidens, lethale, certius ac tutius inferre valeat.

Veneno-
rum & ho-
rum effe-
ctuum lu-
stratio.

Verum quemadmodum hæc de Inspectione corporis humani medico-forensi, loco speciminis generalioris sufficere, mihi persua- deo, sic præter hujus aliarum quoque rerum spectatorem atque in- spectorem, Medicum, ut agat, a foro postulari, aliquot nunc expo- nam casibus. Et primo quidem Venenorum, non ut hæc eorum- que effectus in cadavere scrutetur, sed ut, an, quod sub ejus nomine & specie propinatum fuit, ratione substantiæ, quantitatis & modi ex- hibendi, interficere aliave pathemata, v. g. faucium erosionem, car- dialgias, vomitus, delirium, impotentiam Veneream &c. concitare potuerit, in primis constet: utpote sine quali Peritorum testimonio, innuen-

innuente *Bossio prax. crimin. tit. de delict. n. 8.* cœterisque superius allegatis Legum Doctoribus, reus nec confessus quidem ad poenam ordinariam condemnari valet; cum fieri possit, ut quis, specierum venenorum ignarus, cum alimentis alteri pro veneno offerat, quod tale sibi persuadebat, revera tamen non est, v. g. Scobem adamantis, quem minus venenosum, præter *Garziam ab Horto hist. aromat. lib. 1. cap. 47.* experientia evincit, item Cinnabarim, Mercurium vivum, vulgo venenacredita, qualia tamen haud absolute sunt. Idem erit dicendum de exhibitorum venenorum quantitate, super qua pariter non sufficit rei confessio, nisi Periti de eadem deposuerint: v. g. Opii, cujus tantillum propinatū nullam noxam inferre, quin potius spiritus moderate ad quietem disponere, hinc inter Medicamina magnæ efficaciam referri, majorem contra ejus molem, infantes v. g. in epilepsiam lethalem brevi conjicere, quotidie experimur: sicut circa administrandi modum quoque judicium medicum variat, dum venenum v. g. viperinum propinatum haud venenat, interim tamen plagæ instillatum.

Quamvis, ut verum fatear, hæc non solus determinet con-
spectus, sed olfactus & gustatus aliquando simul concurrant, ne-
cesse sit, prout inferius patecet: ac demum tentamina propi-
nationis in brutis facta, ambiguitatem venenorum magis decla-
rent, ut sequens docet casus, quem ita superioribus Annis propone-
bat Medicus. Es ist mir von einer Frauen N. N. zweyerley Bier zu-
geschickt worden/ so in colore, consistentia und sapore einander ganz
nicht gleich gewesen/ und weil sie nach dem einen/ welches etwas dunkler
an der Farbe/ und crassioris consistentiæ, und einen acorem bey sich
gehabt/ sich sehr übel befunden/ so daß sie/ so oft sie solches getruncken/
meistens allemahl grosses Reissen und Brennen/ oder/ wie sie es nennet/
Fressen/ in faucibus, œsophago & circa scrobiculum cordis, cum do-
lore, vomitu virescente, lassitudine corporis magna ac tremore & stu-
pore artuum, item subita abdominis intumescencia, gemercket/ sie
auch dergleichen lehteren symptomata an der Magd/ welcher sie gedach-
tes Bier einstens zu trincken geben/ gespüret: So bin ich in die Gedan-
cken gerathen/ daß das Bier nicht rein gewesen/ ob ich gleich nicht so fort
sagen können/ daß demselben von der Cadmia metallica seu Cobalto,
oder gar Arsenico, etwas möchte admisciret seyn/ habe aber dieses Bier

Ad venena
lustranda
præter in-
spectio-
nem aliis
adminicu-
lis opus.

evaporiren lassen/ und in fundo cucurbitæ eine grosse Quantität eines
 schwarzen und gar zähen mucii, dergleichen bey dem hiesigen Bier/wenn
 es rein und unverfälscht ist / und in so geringer Quantität evaporiret
 werden solte/ schwerlich sich finden wird/ angetroffen. Womit ich un-
 ter andern mit Vermengung mit Mehl an einer gefangenen Maus die
 Probe angestellet / so gar bald darauff gestorben. Dergleichen Probe
 hat die N. N. bald nachhero / auff mein Gutachten / an einem jungen
 Hahne versuchet/ ihn mit dem in solchem Bier geweichten Brote gefüt-
 tert/ der alsobald krank worden/ die Farbe an dem Kämme verlohren/
 starck purgiret / Schleim aus dem Schnabel geworffen / geröchelt oder
 gegurgelt/ nachmahls/ da er unter die andern Hühner gelassen worden/
 zwar starck gefressen/ sparsam aber gewachsen / die von Anfang / als er
 das erwähnete Brod gefressen/ verlohrene Stimme nicht wieder bekom-
 men/niemahls gekrechet und gang verdorret / endlich ohngefehr 6. Mo-
 nath hernach gestorben/ und an demselben / ob er gleich vor dem letzten
 Tage starck gefressen/ bey der Eröffnung der Oesophagus gleich an dem
 Orte/ wo er sich in den Ventriculum inseriret/ ohngefehr eines kleinen
 Pfennings groß/ durchfressen befunden worden. Inmassen ich auch
 der N. N. (da nicht zu vermuthen / daß sie ihr zum Schaden selbst das
 Bier würde zugerichtet und davon getruncken haben/ am wenigsten aber
 die vom Arsenico sonst entstehende/gewöhnliche obermeldte Symptoma-
 ta, so offters kaum ein Studiosus Medicinæ anzugeben weiß / hatte be-
 richten können/ und ich dergleichen Symptomata bey der Besuchung ih-
 rer Person/ ohne alle simulation wirklich befunden) alsobald antiarse-
 nicalia verschrieben/ welche denn bey der Patientin wohl angeschlagen/
 biß sie nach und nach wieder curiret worden. Dieweil ich nun hierüber
 eines ganzen Collegii Medici Judicium zu wissen / inständig verlange/
 so übersende hierbey das aufrichtige residuum von dem evaporireten
 Bier/ mit dienstlicher Bitte / juxta Leges artis solches bestens zu probi-
 ren/ und darüber deo in denen Principiis Medicis wohlgegründete Ju-
 dicium, insonderheit/ ob es nicht pro Arsenico oder einen andern lento
 veneno corrodente und von desselben Wirkung die erzählte Proben
 mit der Maus und Hahn zu achten/ &c. Respondebat proin sequen-
 tem in modum Nostra Facultas. Als uns derselbe das Residuum ei-
 nes evaporireten Bieres zugesendet/ von welchem/ daß es mit Gift ver-
 mischet

mischet gewesen / so wohl aus dessen colore &c. hat wollen vermuthet werden / und dabey verlanget / daß wir besagtes Residuum &c. So geben wir ihm / nach Collegialischer gepflogenen deliberation und genauer Untersuchung gedachtes residui zur verlangten Antwort / daß wir zwar nicht allein in dieser exsiccireten massa, sondern auch noch mehr / als wir etwas davon in gnugsamer Quantität Wassers auffsolviret / einen ziemlich beßigten saporem empfunden / dennoch aber / weil weder der specificus arsenici odor, welchen es sonst / auff gelinde Kohlen. gelegt / von sich giebet / noch andere gewisse Merckzeichen / sothanen oder andern corrosivischen Giffts sich haben spühren lassen / können wir weder de præsentia Arsenici, noch eines anderen Veneni, etwas gewisses determiniren. Nichts desto weniger / weil nicht allein die Maus durch dieses residuum alsobald getödtet / sondern auch in dem jungen Hahne der Oesophagus davon corrodiret gefunden worden / läßet es sich mit ziemlicher probabilität vermuthen / daß von dieser eingemischten corrosivischen materia, sie sey auch was Namens sie wolle / der N. N. bey längerer und mehrerer Genießung besagten Bieres grosses Unglück / wo nicht gar der Tod hätte zugezogen können werden / indem allbereit sich die gemeldten gravissima symptomata nur bey wenig genossener Quantität desselben allezeit haben spühren lassen.

Deinde cum inter cœteras Magistratus curas non ultima sit ; ut *Lustranda* Civitas ab insalubrium alimentorum usu ac hujus offensis immunis vivat, Medicorum quoque, utpote qui sanitatis tuendæ artifices sunt, ^{a Medico etiam sunt} expetitur judicium, ex inspectione maxime captandum : an v. g. ^{alimenta & loca,} Frumenta sint semiputrida aut a curculione erosa, Panes minus rite fermentati, Carnes animalium esculentorum morbosæ seu vitiosæ evaserint? An Aquæ, quas *Hippocrates de aëre, aquis & locis* trium sensuum exploratione dijudicare jubet, sint limpida ac clara? item, ubi de Locorum, i. e. Terrarum, Oppidorum, Castrorum ac Domiciliorum salubritate ac insalubritate agitur, juxta reliquas harum notas illæ maximi valoris censentur, quas visus subministrat, v. g. ad spectus cœli orientalis &c. Positio Locorum quoad montositatem aut planitiem, vicinitas fluminum, maris, lacuum seu paludum stagnantium. Quibus addo specialiore illam casum de Sceletio infantis re- & alia extraordi-
cens editi Quedlinburgensis, unde infanticidium præsumebatur, & cura-
ria magis.

jus in *cap. 7.* mentio facta fuit : ubi inter alia, an in terra illa, cujus quædam portio simul transmittetur, intra tale determinati temporis spatium, eousque putredine corrumpi potuerit, tenelli recens nati corpusculum? quæstio formabatur; cum sane unam terræ partem præ altera putrefactionem ac dissolutionem cadaverum facilitare, in propatulo sit. Licet etiam hic attendendum veniat, oculos his aliisve rerum recensitarum similiumve constitutionibus & habitudinibus explorandis minime adequatos semper existere, sed præter conjecturas aliorum quoque sensoriorum assensum in iisdem disquirendis, nisi præcipitanter agere, aut, qui iudicium ejusmodi postulat, sive Magistratum, sive privatum, conturbare amet Requisitus, requiri.

**Carceris
inspectio.**

Porro hujus loci est Carceris inspectio, juxta *Gail. 1. obs. præf. 26. num. 8.* sive puniendis, sive detinendis tantum, hominibus nefariis hoc fuerit destinatum : qui in utraque occasione ita conditionatus esse debebat, ne, animadvertente *Excellentissimo Strykio l. a. n. 32. vel pena delictum superet, vel ipsa custodia ac detentio in pœnam convertatur*, i. e. ne aliquando non tantum squalore nimio, insectorum, glirium similiumque animalium frequentia, sed frigore quoque, tenebris ac vaporibus diversi generis, gravioribus, imo incurabilibus & lethalibus, morbis inducendis præsto sit, hinc justo atrocior existat. In qua lustratione inter alia maxima pariter habenda est ratio temporis, i. e. ut hoc ipso tempore, quo carceris habitudinem sibi adeo intolerabilem & exosam conqueritur miser captivus, adornetur illa, alias falletur Medicus inspiciens & frustratur captivum suum desiderium.

**Visui
cor-
zeri sensus
combinan-
di.**

Quamvis, ut de aliis rerum investigationibus medico-forensibus monui, & ex sequentibus constabit, visui unus vel alter ut plurimum reliquorum sensuum manus auxiliatrices præstare debeat. Imo incarcerati quoque, qui propter supervenientem corporis infirmitatem carceris mutationem aut relaxationem petit, compedibus similibusque vinculis inprimis ferreis constricti, inspectio fieri debet, quo ex hujus constitutione tam naturali, quam præternaturali, v. g. ætate, corporis habitu, colore pallido ac lurido, tumore pedum, pernionibus &c. plenius pateat, an in loco hoc sine evidente valetudinis damno diutius relinqui possit incarceratus? item, annon morbum potius simulaverit.

Qualia

Qualia monita ne supervacanea videantur, dilucidabo eadem Exemplum
 observatione maxime huc faciente. Vocatus nimirum aliquando lastrati
 sub fine Aprilis a Nobili quodam in viciniam, ad visitandum carcer carceris ac
 subterraneum & undis circumfluum, ac in hoc per menses aliquot captivi.
 detentum inquisitum, in specie vero ad deponendum, an hujus ma-
 nus pedesque ex custodia frigore ad unguium usque secessum erosi
 atque corrupti, corporis vero reliqui habitus naturalis per elapsæ
 hyemis inclementiam destructus fuerit? i. e. carcer ille ita se habeat,
 quo in Inquisitum supplicantem ejusmodi damna retundare value-
 rint? Ubi digitos pedum rubentes quidem, ut a pernionibus fieri
 solet, minime tamen fissos aut erosos horumque ungues cum mani-
 bus integros, quemadmodum totum corpus sanum satis, deprehen-
 di: circumstantiis vero omnibus rite perspectis ac ponderatis ulti-
 mam quæstionem ad desiderium ac nutum Nobilis requirentis sol-
 vere, mei haud ratus, qui mense equidem Aprilis locum hunc satis
 temperatum & extrema artuum minus erosa annotavi, nesciustam-
 en, qualis v. g. mense Decembris, Januarii, Februarii fuerit ille,
 sine dubio frigidissimus, & cujus atmosphæra ad perniones excitan-
 dos crurumque & manuum extrema erodenda satis idonea, utut hu-
 jus acerbitate in Martio & Aprili remittente, coaluerint eadem, ac
 melius nunc se habeat miser ille.

Neque forsan incongruum erit differendi hic de catenarum, si- Catena-
 bularum, manicarum similiumque, quibus incarcerati aliquando vin- rum simi-
 ciri atque constringi solent, Instrumentorum habitudine, si forte de liumque
 eorum arctitudine & molestia morbifera conquerulentiur iidem. captivis
 Ubi pariter ad inspectionem deveniendum, jubentibus hoc *L. Semel* destina-
6. C. de re milit. & Rutg. Rulando de Commiss. p. 2. l. 4. c. 9. ac studiosius torum
 disquirendum, an vincula & compedes ejusmodi tantum damni in- instrumen-
 ferant, vel inferre queant, ut sanitatis atque integritatis partium læ- rum inspe-
 sio enormior hinc metuenda veniat. Incautioris & crudelioris ejus- ctio.
 modi vinculorum ferreorum constrictionis exemplum triste valde
 testari poterunt Acta publica, Libenwerdæ collecta & *Facultatis No-* Hujus e-
stræ judicio exposita, ex quibus, quendam ob delictum, Catena ferrea xemplum.
 majore, einer Wagen-Rette/ circa hypochondria durius constrictum,
 ad querelas vero ideo jactatas haud relaxatum, sed hac responsione a

Judice truculentiore dimissum: Es miße so seyn/ denn wenn es ihm wohl thäte/ so würde es für keine Strafe zu achten seyn/ tandem periisere recordor: de quo Collegium Nostrum Anno 1688. mense April. ita pronunciabat. Als uns dieselbe die Inquisitions-Acta, Hans Balckens jählingen Tod betreffend/ zugeschickt/ und über nachgesehete Frage/ ob nemlich gedachter Wind-Müller (Balcke) von sothaner engum den Leib geschlossenen Wagen-Kette verstorben oder nicht? unser Gutachten begehret: So geben wir ihnen zc. daß/ weil gleichwohl die Döllingische Gerichte Vol. 2. fol. 17. & 18. den blauen Streiff an beyden Seiten des Leibes/ davon die Brust geschwollen/ und der Unterleib eingefallen/ angemerket/ auch deswegen den Medicum erinnert/ it. die engere Anlegung der Wagen-Kette um den Leib/ so von zwey Hänischen Stadtknechten geschehen/ bekräftiget haben/ gedachte Constriction der Wagen-Kette so wohl zu des Inquisiten Krankheit (Pleuritide) als auch den hierauff erfolgten Tode/ Ursache gegeben habe/ und er daran gestorben sey.

Ungula-
rum porci
segmenta
pro digitis
humanis
venditata.

Atque Visui ejusmodi objectorum forensium plura forsan suggerit Praxis, & ea interdum paradoxa satis, qualia recensere ac definire hominis haud est: Plures elapsi sunt anni, cum quidam Carnificis servus officulorum certorum quasdam compages, sub digitorum humanorum, patibulo surreptorum, specie venderet, ast ideo de spoliatione cadaverum suspensorum accusatus, fraudem passus & ex ungulis suillis digitos hos humanos personatos se formasse, sustinebat. Utrum E. horum illius hominis sordidi ac flagitiosi assertum veritati conformius, per autopsiam officulorum decidere rogabatur primo quidam Licentiatus Medicinæ, qui negotium hoc sphæram Medicam excedere credebat, hinc deponendi de eo munus renuebat & Quæstori Damensi Requirenti hoc responsi reddebat, daß/ weil auch 4. diese ossa, so sie partes corporis zu nennen/ pro partibus potius cadaveris (welches proprie, quatenus cadaver, und schon längst verstorben/ nicht wohl in considerationem Medicam fan gezogen werden) zu achten/ so stehet billich ein wahrer und gewissenhafter Medicus an/ hierüber diesen Fingern/ quatenus nempe hic, & quidem solitarie considerandi, einige categoricam zu geben/ sich bestes Fleisses hütend/ so wohl der edlen Arzeneey-Kunst Respect, als seine eigene famam in Gefahr zu setzen/ zc.

Qua-

Qualis quæstio nihilominus dum postmodum ad Facultatem nostram deferebatur, iis non obstantibus de illa in sequentem modum deponere haud dubitabat: Wir haben *ic.* collegialiter deliberiret / auch mit conferirung eines menschlichen Sceleti endlich so viel befunden / daß die fünff mitgeschickte Daumen von keiner Menschen-Hand sind / in Betrachtung / daß (1) die Daumen recht beschnödelst sind / so pflegen auch (2) die Ungues in Suspensis überwärts und in die Länge zu wachsen / in denen überschickten aber sind sie den ersten Gelencken ganz gleich / zu geschweigen (3) daß die überschickten mehr eine Ungulam, propter crassitiem, als unguem in pollice humano, präsentiren. Ferner ist (4) auch die articulatio diversa, weil in dem von uns zerbrochenen Daumen der sinus oder Glene secundi ossis oben und unten zweyfach und tieff ist / in der Menschen Hand aber dessen anderes Bein weit anders conformiret / und weil (5) noch die Schweinsbörstigen unter den vermeynten Nagel sub Lit.D. anzutreffen: Als schließen wir aus diesen angeführten Ursachen nicht unbillich / daß die uns überschickte Daumen viel mehr gemacht / und also ex ungula porcina so zugerichtet sind / als daß sie solten von einer Menschen-Hand genommen worden seyn / *ic.* Leipzig 28. Decembr. 1673.

Verum quamvis Visus usum in Relationibus Medicis condendis amplissimum atque aptissimum esse, ex hactenus enarratis constet, eum tamen vix undique sufficere, sed reliquas sensationes aliquando in consilium & adiutorium vocare, hinc inde monui, ac nunc, brevibus etsi, ostendam, inprimis Contactum, Olfactum & Gustatum, rarius forsan etiam Auditum: eosque modo invicem ac cum Visu combinatos, modo plus minus solitarios.

Manuum contrectatione seu contactu dijudicantur pleraque, Præter oculum aliis sensoriis in negotiis forensibus opus. quæ soli oculi dirimere nequeunt, v.g. Virginitas dubia: ubi non in inspectione tantum, sed manuum quoque admotione genitalium, muliebrium habitudinem tentare jubent *Pacianus de probat. lib. 2. cap. 2. num. 17. & Angelus Aretinus consil. 142. num. 20.* Et licet *l. 1. §. mittantur autem mulieres ff. de ventre inspic.* ventrem visitandum in vita muliere tangere Obstetricibus interdictum videatur, alia tamen Manibus harumque contrectatione. quia ratio est probandæ prægnantiæ ac virginitatis, dum illa solo adspectu, hæc minime dignosci potest, sed contactu etiam in hoc negotio

tio opus, monente eodem *Paciano l. a. num. 18.* a quo nihilominus partus seu fœtus læsionem iidem Juri metuunt: lex illa huc minime quadrat. Neque forsan Lex eadem semper, ubi nempe de simulata aut dissimulata gravitate suspicio est, omnem ventris contrectationem interdicare poterit; cum sine ea nec in hac causa aliquid certi facile deponi valeat: ita ut hodie & in nostro foro ejusmodi suspectæ fœminæ Medicis ac Obstetricibus sub inspectionis termino non tantum videndæ, sed contrectandæ etiam, tradantur, sc. quoad ilia, osculum uteri, mammas, hincque lactis expressionem, &c. Ut taceam, non in arbitrio delinquentis, aut de delicto suspectæ, esse, ut contactum sui corporis admittat, vel recuset, postquam veritatem Judex omnibus modis eruere tenetur, vid. *Ranchinum de morb. virgin. sect. 1. cap. 10. & Stryckium l. a. num. 51.*

Par ratio atque vis est contactus in muliere, partum factum celante, dum hic, cœteris paribus, (si recens fuerit) ex ventris flacciditate ac rugositate, Commissuræ ossium pubis protuberantia cartilaginea, Vaginæ & Ostii uteri interni amplitudine extraordinaria, tumore genitalium œdematoso, mammarum inflatione ac turgescencia &c. dignoscitur: item in atretis seu imperforatis dijudicandis, quarum muliebrium clausuram non tam visu, quam contactu, exploramus, ac in morbis, v. g. tumoribus, fracturis &c. si super hos in foro deponendum, fieri solet; ne hujus loci faciam illud in investigando homicida dubio, per contactum cadaveris hincque evenientem hujus cruentationem, remedium infidum, tanti antiquitus æstimatum.

Naribus &
olfactu.

Olfactu disquirimus & determinamus itidem diversa, odoratu sc. perceptibilia: quamvis hoc per Olfactum testimonium solitarium raro forsan alicujus valoris sit, sed cum aliis demum sensationibus combitatum. Ita primo, si de probitate ac pravitæ seu corruptela Eduliorum, Vini, Aquæ ac similium ferendum sit judicium, item de Locorum & Atmosphæræ salubritate & insalubritate, olfactu simul deponimus: quo in specie spectat aëris examen atque purificatio, sub pestis ingruentia & præsentia adornanda, quo fœtores certorum animalium, v. g. porcorum, deleantur, item Artes immundæ & opificiorum exhalationes, atmosphæram corrumpentes, aut pestis, aut

aut quovis, tempore, salutis publicæ causâ, prohibeantur, aut ad loca commodiora ablegentur. *Deinde* in carceris habitudine quoad cunctas circumstantias & exactius exploranda, inprimis si de ejus squalore ac fœtore querulentur, hinc de eo relaxando petant, captivi, & jure quidem, quo carcer, in quo reus, ob aëris fracedinem facile perire valet, prohibetur, monente *Farinacio quest. 27. num. 97.* Quamvis ejusmodi carceris visitationem etiam sine Medico, per Commissarios fieri posse, horumque depositioni in casu tali stari debere, *Gailius lib. 1. obs. 26. n. 8. & 9.* afferat. *Tertio* inter signa fulmine percussî, tanquam evidens maxime, a *Paræo de Renunciat. & F. Fidei de Relat. l. 4. §. 6. cap. 2.* refertur fracedo sulphurea, ex cadavere, hujusque vestimentis expirans & narium usu exploranda: qualem fœtorem quoque ædificia, fulmine tacta, afficere, præter *Senecam 2. nat. quest. 53. Zacchiam quest. med. leg. lib. 5. tit. 2. quest. 2. num. 8. & Lublerum de Incend. cap. 2. num. 24.* experientia confirmat. *Quarto* etiam in matrimonialibus graviolem anhelitus fœtorem sponsi vel sponsæ, quatenus repudio occasionem præstare potest, medicus determinare postulat, sc. an plus justo molestior & nauseabundus sit? an ab interno corporis vitio, aut oris saltem colluvie corrigibili, oriundus? &c. Spectat huc quinto casus, an sub tormentis deficientes malefici odoribus gravioribus & pravis excitari queant? seu annon potius (quod rationi magis consonum) suaveolentibus sint reficiendi? ideo sc. quod syncope ejusmodi hominum ex summa & confer-tim facta spirituum dissolutione & conturbatione eveniat, quali medentur odores grati, eandem augent fœtores, perinde ac cucurbitulæ, fortiores ligaturæ aliaque dolorosa remedia, quibus pariter hic non conceditur locus. *Denique* interdum Venenorum præsentiam ac indolem olfactu indagamus, etsi periculosum satis & indagatori minus cauto exitiosum ejusmodi indaginem aliquando contingere posse, non modo inde inferendum, quod venena dentur, solo odore interficientia, sed quod, si non, juxta *Cardanum 2. de venen. cap. 1.* cuncta, certe eorum pleraque, vertiginem, cephalalgiam, strangulationem &c. concitent. Adeoque, si vel Potionatus, vel Medicus, in exhibitis odorem tetrum ac abominabilem percipiat, veneni intermixti præsumptionem hic facit. Præterea eadem narium functione

non venenum tantum in genere, sed hujus etiam speciem, nonnunquam dijudicamus, v. g. Opii, item, dum Arsenicum carbonibus injectum, alii foetorem exhalat, hinc cum saccharo aliisque contemptum graveolentia hac se prodit: quales tamen disquisitiones atque tentamina, ob periculum inde imminens ac modo indigitatum, cum magna circumspeditione fieri debent.

Raro lingua,

Linguae & Gustatus munia in causis forensibus rariora sunt, nisi in alimentorum bonitate ac pravitate discernenda; item in venenis investigandis, utpote quorum pleraque ingratum, nauseabundum, æruginosum, ponticum, corrosivum &c. præ se ferunt saporem: ita ut hinc originem duxisse morem, aulis Magnatum solennem, ut Marfeschallus seu Pincerna, quem alias Pocillatorem ajunt, pocula, Principi haurienda, prægustet seu prælibet, quo hic de potus salubritate, securior esset, nec venenationis periculum extimesceret, non inepte quidam augurentur.

& auribus,

Sed vix unquam ex Auditu Medicus deponit, quatenus aliorum, v. g. Chirurghi, de fractura brachii deponentis, Relationes, calculo suo confirmare nequit, ubi ipsemet non simul ἀκούσας extiterit: nisi forsan, quando de Calvariae aliorumque ossium fractura suspicio exoritur, rarius tamen proprio, sed potius vel Percussi vel Testium. Ita ut, si quis, capite dum percutitur, persentiat aut adstantes audiant, sub ictus momento fragorem seu strepitum, es plaget oder klinget / als wenn ein Topff zerbrochen würde / de insigni fractura Cranii non amplius sit dubitandum, modo unum alterumve symptoma ei solenne superveniat. Quamvis enim testes de auditu deponentes regulariter haud probent, quin tamen ab adstantibus audita & juramento confirmata Medico aliquando occasionem conjecturandi præstent, haud negandum: utpote quem de credulitate tantum deponere, cap. 2. dictum, qualem etiam testimonium de auditu inducere, Farinacius quæst. 69. num. 62. alique Jureconsulti docent. Quibus forsan jungi potest, si ex stertore, raucedine similibusque vocis phœnomenis præternaturalibus de vulneratorum aliorumque ægrorum statu & prognosi sit ferenda sententia, v. g. dum ex aphonia enormem ἐγκεφαλὸς læsionem a percussione suspicamur, item, ex clamore infantis recens nati hunc vivum in lucem prodiisse, testamur.

CAPUT V.

De

Modo Renunciandi.

A Sensatis proin his, tanquam facti causis, Scientiæ & Testimo- Ex sensatis
nii sui rationem depromit, imo hæc semper in Depositionis formatur
sua notula recenset Medicus, a Magistratu vel parte rogatus, iudicium.
inprimis si, quod probandum, in sensus immediate haud incurrat,
v. g. Virginitas, Impotentia coëundi, Dementia, Venenatio &c. ut
totidem quasi sint medii termini, ex quibus conclusio eliciatur.
Quamvis enim ex plurium Jctorum sententia inter Testem vulga-
rem & Peritum, post reliqua, etiam hoc supponatur discriminis, quod
prior sui asserti rationem reddere semper teneatur, huic vero, sine
ullo examine seu rationis redditione, in Arte standum veniat; adeo-
que *Mascardus* Medicis quoque hanc prærogativam cum cæteris in
Arte peritis communem voluerit: eo ipso tamen, dum *Muscatellus* ac Medicus
Pacianus v. g. illum, qui scientiæ ac dicti sui rationem adæquatam, enim sine
ratione
haud de-
ponat.
reddere nescit, i. e. sine ratione agit, minime Artis ejus, quam profi-
tetur, vere Peritum judicari posse, ajunt, nunquam ἀλογον se reperiri
patiatur, qui artium omnium præclarissimam exercet, prout *cap. 2.*
prolixius evictum fuit. Talia tamen ex observatis seu sensatis illis
concludat, quæ inde probabiliter ad minimum sequi intelligit, &
quos eadem similiave phænomena alias comitatos aut secutos fuisse
novit, effectus, ac quorum illa extiterunt causæ.

Id est, Medicus, Chirurgus &c. qui religiose non minus ac lega- Probe at-
liter testificari contendit, monente *Codronchio meth. testif. c. 3.* for- tendat
mam vel ordinem, juxta quem interrogatur, seu Quæstionem status, quæstionis
statum,
accuratius attendat, ne aliquid eorum, super quod deponere postula-
tur, incautius negligat, nec aliena & ad rhombum minus facientia.
perperam ac inepte relationi suæ admisceat. Hinc in contextu Re- Observat
nunciationis visa aut quovis modo sensata, quoad singulas circum- in Relatio-
stantias primo recenset, nullum, nec minimum, horum, quæ obser- ne recen-
vavit & ad quæstionis propositæ solutionem qualitercunque facere, seat.
imo obicem ponere, judicat, momentum prætermittens, neque ta-

men aliquid temere, v. g. Hymenem in virgine, fingens. Ex his quippe, quid ad postulata respondendum aut deponendum sit, prudenter & secundum Artis fundamenta, eruat, argumenta contradicentia visa, probe libret, & ponderosioribus, non numerosioribus, se accommodet, i. e. quicquid hæc concludunt, Responsi loco det.

Ac perspicuus sit.

Et quidem in hoc ferendo ante omnia, ut modo dictum, quærentis mentem semper præ oculis habendo, ac ad hujus tantum interrogata exquisite & nervose reflectendo: adeo ut valde hallucinari videantur, qui in recitandis aut conscribendis ejusmodi Relationibus longius, quam negotium postulat, evagantur, ac impertinentes insimul quæstiones agitant, primariam aut omnimode negligentes, aut fugitivo satis oculo & calamo tractantes, multo minus evolvētes; qua ratione Judicem non tam informant, quam confundunt. Illis contra circumspectius agentibus, qui terminis simplicioribus & succinctis, congruis tamen, sententiam suam exponunt, & argumentis conspicuis eandem confirmant: nisi forsan vel a Reo hujusve Defensore, vel a Vulnerato hujusve Necessariis, aut quibuscunque, in controversiam vocetur res; aut ubi Judex, unius Medici Collegiive, sententiam suspectam habens aliorum simul judicia expetit; tunc enim paulo prolixiore oratione seu deductione opus esse, superius innui, quo nempe non tantum causa exquisitius tractetur, sed aliorum quoque argumentis, contrarium molientibus, satisfiat.

Hinc quæstionem individua-lem non cum generali con-fundat.

Qua occasione non possum non redarguere illos Medicos, nescio, an malitiæ, an hebetudinis, qui, quæstionis primariæ immemores, eam frivole immutant, ac non ad casum individua-lem, seu sub terminis adæquatis, sed generaliter omnimode, respondent, ab uno vel altero exemplo ad Individuum præsens perperam concludunt, v. g. dum quæritur: An hoc in Titio vulnus Cerebri sit lethale? plagas cerebri aut non omnes, aut non semper, mortem inferre, seu intulisse, prolixo ac tædioso sermone, & non raro sub multorum Commentariorum atque Observationum inconcinna allegatione, adstruunt; hincque nec Titii percussione mortiferam, quam ineptissime ac sine circumstantiarum examine atque collatione, inferunt, seu, quoniam nonnullis (non pluribus) vulnus ejusmodi minus exitiale extitit, E. nec Titio mortiferum appellandum esse, concludunt.

Item,

Item, ubi, num Mavia filia, septimo a nuptiis solennioribus mense nata, lacertosa, robusta ac, uno verbo, novimestri perquam similis, partus septimestris dicenda veniat? disquiritur, Septimestrem partum vitalem ex Hippocrate, magno strepitu contendunt: cum tamen non, quærat, quid aliquando seu rarius fiat? multo minus in genere, an unquam Septimestris vitalis detur? sed, quid plerumque, aut potius, sub recensitis conditionibus seu circumstantiis fiat? i. e. an Mavia filia, sub allegata corporis compage & habitu ac mox a nativitate ubera commode trahens, pro Septimestri haberi queat? quod negatur, quia imperfectionem ac imbecillitatem, partui septimestri consuetam, minime præ se fert; partus nihilominus septimestris vitalitas asserta manet. Porro si de dementia flagitiosi cujusdam deponere, jubetur Medicus, haud quamvis attendere debet mentis simplicitatem aut stoliditatem, seu in negotiis civilibus gerendis imprudentiam, sed tantum ejus abalienationem insigniorem, per quam, quod perpetrat, aut perpetravit, delictum contra sanam rationem & Leges esse, is intelligere nequeat.

Errorem hunc, qualis tantum non quotidianus observatur, ut evidentior reddam, bina exempla vulneris haud lethalis pronuntiati, quod, etsi ut plurimum, non semper tamen, mortem intulerit, adducere, e re erit. Anno 1668. cujusdam utrumque hypochondrium & ventriculi fundus duplici vulnere perfodiebantur: quam læsionem Medicus, qui inspectioni præerat, per se lethalem aiebat, ideo, quod vulneratus mox & intra horas quindecim sub vomitibus continuus, anxietatibus præcordiorum, sudore frigido interierit, ac ventriculus in medio pariter fundi ac prope orificium dextrum perfoßus deprehensus fuerit. Vulneranti quo causa commodius dici posset, aliorum Peritorum exposcebantur sententiæ, ubi Collegium quoddam Medicum ita judicabat: Quod, cum vulnera lethalia aut simpliciter, per se, necessario & sua natura talia sint, i. e. quorum sanatorum nullum exemplum adduci possit, aut ut plurimum tantum & per accidens lethalia; in subjecto autem hoc non orificia, sed fundus tantum, ventriculi perforatus, nulla notabilis hæmorrhagia hinc contigerit, ac juxta *Sennertum* vulnera ventriculi inter lethalia simpliciter & quæ hominem subito jugulent, plerumq; recensenda haud sint, nisi

Hujus confusionis exempla.

Unum de vulnere ventriculi.

orificio superiori inflicta: læsionem hanc Stomachi non pro vulnere simpliciter, per se, necessario & sua natura lethali, habendum fore. Subscribebat huic sententiæ medicus quidam privatus hoc modo: Quod vulnera quidem orificiorum ventriculi, juxta *Hippocratem*, simpliciter existant lethalia, non autem orificiis intermediæ fundi: & per consequens nec hanc ventriculi fundi plagam mortiferam simpliciter dicendam; quatenus ex Medicorum observationibus constet, ejusmodi Ventriculi vulnera consolidata fuisse. Aliud Collegium casum hunc ita decernebat: Cum vulnera Ventriculi mortem ut plurimum inferant, eorum quædam nihilominus quoque aliquando sanentur, quoad casum præsentem, cum defunctus brevi ante percussionem funestam ventriculum multo potu gravavit, post acceptum vulnus nihil medicamentorum internorum admisit, assumpta cuncta vomitu (forsan ab ingurgitatione illa potulentorum antecedanea & continuata) mox rejecerit &c. incertum manere, an hoc Ventriculi vulnus sanari aut non sanari, valuerit, adeoque Judicium de lethalitate hujus vulnerationis, in se spectatæ in suspenso & incertum relinquendum fore; quamvis per eandem læsionem ventriculi mortem contigisse, inficiari nemo queat.

Donec tandem ita responderet Nostrum: p. p. Equidem sententias aliorum nos minime impugnatuos, cum status controversiæ & quæstionis nervus in præsentiarum haud sit, an vulnera ventriculi in genere lethalia existant? verum, an a Medico & Chirurgis observatum ac literis ab his consignatum atque hujus individui vulnus ventriculi tale dicendum? Quo supposito, quamvis de exemplis atque autoritatibus adductis haud dubitemus, vix tamen liquere, qua ratione quove fundamento illa huic casui individuali applicari queant; quin potius hoc ventriculi vulnus, intuitu suarum circumstantiarum, per se lethale sit, & quidem ob rationes sequentes: Quod idem, quamvis non parti nobiliori, ad vitam tamen absolute & simpliciter necessariæ, in fundo ac prope orificium dextrum illatum, ingens quidem ac undique penetrans, & propter situs profunditatem, commode deligari ac tractari haud potuerit, hincque symptomata graviora, lethalitatis atque mortis immediati prodromi mox supervenerint, &c. Postquam terminus Lethalitatis per se sic dictæ,
aut

aut *tò per se lethale*, non eousque extendendum veniat, quasi nullum vulnus, nisi cujus sanati nullum exemplum alligari possit, pro ejusmodi lethali sit habendum; qualium casuum forsan pauciores suppetent, v. g. cordis ventriculos, vasa sanguifera majora ac cerebrum profundius penetrantia vulnera: sed ab illo, quod ut plurimum fit, aut fieri experientia docet, ad casus expositos concludere licere; adeoque vulnus in genere inter ut plurimum lethalia relatum, in individuo, si circumstantiæ ita ferant, mortiferum per se dici posse ac debere, haud obstante, quod inter multos unus alterve ex vulnere simili reconvalescat, & quidem aliquando præter omnem rationem.

Quid per
se lethale
vulnus?

Ejusdem generis erat Casus, Plavia Anno 1686. transmissus, circa percussione[m] capitis gravissimam, quam minus lethalem pronunciarant Medicus ac Chirugi, inspectionem administrantes, ideo, quod penes Scriptores graviorum & periculorum valde capitis vulnerum sanatorum exempla varia legere detur. A nobis tamen eadem plaga, ob individuales circumstantias & syndromen diversarum enormiorum læsionum, nempe rupturæ vasorum, sanguinis profusionis insignioris, fracturæ, comminutionis ac depressionis calvariæ, hincque consequentis vulneris duræ ac piæ meningis ac ipsius cerebri, &c. & quod propter subitanæ[m] mox mortem remedia congrua adplicare non licuerit, absolute lethalis decernebatur.

Alterum
de capitis
contusio-
ne.

Quippe eo ipso dum ut plurimum lethalia censentur vulnera, quæ mortem frequentius inferunt, rarius sanantur, quædam horum concipienda erunt mortifera, quædam (pauciora) minus talia, adeoque non cuncta horum salutaria: & per consequens non quævis eorum, quæ ut plurimum lethalia audiunt, minus lethalia, sed maximam partem per se seu natura sua talia censeri debent, & inepte horum cuncta non lethalia judicantur; dum ex medio concludendi negativo particulari negativa universalis infertur conclusio. Vel, quando ut plurimum lethalia ajunt vulnera v. g. cerebri, pulmonum, ventriculi &c. quæ frequentius perimunt, aliquando tantum non perimunt, ponderatis circumstantiis, ratione quarum plerique in hac vel illa parte vulneratorum sanari nequeunt, si tales in casu individuali deprehendantur, lethalem in eodem præstant plagam, non per acci-

accidens, ut communiter sentiunt, sed per se ac per hujus conditionem. Hinc minus deponere licebit, hoc vulnus cerebri est ut plurimum lethale, sed hujus generis vulnera plurima sunt lethalia, & quidem per naturam suam; pauca non lethalia, vel ratione suæ indolis, non partis læsæ, vel casus aut singularis naturæ virtutis, quale neutrum imitari, seu vulnus gravius sanare, Medico licet: i. e. *Tò ut plurimum*, semper plura supponit, de singulari seu unico prædicari nequit. Ipsimet JCti etiam v. g. *Carpzovius crimin. part. 1. quest. 26.* illud vulnus lethale seu mortiferum asserunt, quod plus vergit ad mortem, quam ad salutem, & mortali vulnere affectum dicunt, qui secundum artis regulas & per hujus instrumenta, non, nisi difficillime, evadit.

Perperam
confun-
duntur τὸ
per se, &
absolute,
lethale.

Hinc sua sponte quoque cadit alius in causâ vulnerum adeo ob-
vius error, rudioribus non tantum, sed peritioribus quoque, Medi-
cis, nedum horum Collegiis aliquando, familiaris: quo τὸ *per se le-
thale* ac *absolute* vel *simpliciter* seu *de necessitate* pro synonymis ge-
runt, & utrumque vulnere per accidens lethali opponunt; adeoque
omne vulnus per se lethale absolute quoque ac necessario tale ajunt,
ut infinitis exemplis evincere possem, nisi prolixitatem averfarer.
Ipsemet *Hippocrates* illa vulnera, v. g. Cordis, Cerebri, Vesicæ, dia-
phragmatis &c. quæ 6. *aph. 18.* lethalia dixerat, 3. *coac. 387.* fere & ut-
plurimum enecare, asserit: nec Leges atque JCti in pœna homicidii
decernenda differentiæ inter vulnus necessario aut semper & utpluri-
mum lethale rationem ullam habent, quorum nihilominus inten-
tioni sententia Medicorum est accomodanda; sed ordinaria pœna
pariter affici jubent illum, qui vulnere simpliciter seu absolute lethali,
ac qui utplurimum lethali, occiderat, quatenus utrumque horum ge-
nus causâ mortis insequentis immediata observatur. Consultius
proin forsan foret in Renunciationibus forensibus a termino τὸ ἐξ
ἀνάγκης seu *necessario lethale* abstinere, utpote per quem iniquis ac
garrulis Causidicis argumentum atque occasio suggeritur frivole dis-
ceptandi & judicem in sententiam injustam (causæ dubiæ, ut ajunt)
trahendi, & tantum, an vulnus per se, an per accidens, lethale dis-
quirere atque enunciare.

Sane non simpliciter & necessario lethale a medicis prudentio-
ribus per accidens lethali adæquate opponitur, sed lethale potius per se

se ac per accidens sibi contrariantur : dum omnia vulnera absolute lethalia equidem per se talia ; non autem cuncta per se lethalia necessario & absolute talia, deprehenduntur. Ac in hypothese vulnus, quod non absolute lethale, non statim per accidens lethale vocandum ; sed illo non obstante pro per se tali ; hoc est, quod mortis brevi insequentis genuina ac immediata causa, haberi potest ac cæteris paribus debet : atque per se lethale demum observatur, vel de necessitate & absolute, juxta *Hippocratem maxime*, secundum *Guidonum de Cauliaco valde*, vel non necessario, sed *ut plurimum* tantum seu *frequentius*, tale. Illud nempe, quod omnem medelam detrectat, & quale vix unquam sanatum novimus, sed semper ac brevi interimit : hoc, cujus medela ut plurimum minus feliciter succedit, non tamen semper, ac lente demum aliquando interficit. Et potest ac solet a plaga in se ut plurimum lethali vulneratus convalescere, perinde ac alii morbi, quamvis sua natura ut plurimum lethales sint, interdum, & a quibusdam superantur : utrumque per singularem corporis texturam ac naturæ robur, dum alius per morbosum corporis apparatus ac hujus texturam teneriorem &c. propter simile vulnus ac eundem morbum diem supremum obit.

Tædet me hæc prolixius edisserere, cum alios prudentiores idem sentire, non dubitem : propter tyrones tamen ea monere, necessarium duxi, an forsitan seniores quoque præconceptis suis opinionibus obrutos, Justitiæ causa levem. Quibus utrisque similem adhuc in testificando lapsum innuere convenit, non quod nullum alium, præter hunc ac antecedaneos errorem in praxi Medico-Forense deprehenderim, sed ut, paucos hos sine præjudicio pensitantes, alibi cautius mercari & alios aliorum generum declinare ac vitare contendant. De Septimestri partu an, & quomodo vitalis sit ? inferius dicam, hujus loci saltim erit, quam enormiter fallantur ac fallant, qui in casibus individualibus decernere, sibi præsumunt : dum, quia, quæstionem generalem affirmant, mox omnem, qui pro septimestri venditur, talem asserunt ; cum tamen non de septimestri partu in genere, seu in thesi, sed in hypothese, i. e. de Mæviæ partu, an hic septimestris existat, quærat. Sc. utut forsitan non plane impos-

Non omnis
partus pro
septimestri

venditatus
est talis.

que vitalem : individualis nihilominus applicatio seu subsumptio non ita facilisprehenditur, & singulari prudentia indiget, qua nimirum per nati accuratiorem inspectionem Medico investigandum erat, num, quem septimestrem ajunt, septem mensium foetus conformationem habeat, functiones praestet, adeoque vere talis sit? Perinde siquidem ac de virginitate, praegnantia, foetu abacto, lethali-
tate vulnerum &c. judicari nequit, nisi lustratis per inspectionem, contrectationem &c. circumstantiis in subjecto seu individuo, de quo deponere rogatur: ita vix adeo paradoxum videri debet, si Medicus, antequam praesumptionem de partu hoc vel illo septimestri, an vitalis? Jureconsultus, an legitimus? an secus? exponat, subjectorum explorationem accuratiorem praemittat. Et sicut, dum vulnera v. g. Cerebri, Pulmonum, ut plurimum lethalia censentur, exin inferre haud licet, E. etiam vulnus cerebri in Sempronio, pulmonum in Cajo, lethale est; sed disquisitione demum facta, an horum vulnerum conditiones seu habitudines tales sint, ratione quarum lethalia aut minus lethalia haec concipi queant, hujus vel illius generis pronunciantur: pari ratione agendum erit, ubi partus hic vel ille septimestris aut non septimestris dicendus.

Prudentiam hanc profitetur ac commendat F. Fidelis de Renunc. l. 3. f. 7. t. 6. ubi scribit: *si, qui partus prodit in lucem, justa magnitudinis, nec adeo imbecillus fuerit, hunc mihi ante septimum mensem natum fuisse, nemo persuadebit: quando E qui etiam septimo nascuntur, imbecillos prodire, satis constat.* Et paulo post, *ut testis est Aristoteles, magna ex parte hic etiam infirmior est: ac denuo qui septimo mense utcumque nati sunt, fere omnes exiguo, E, nisi bene valida formatrix facultas fuerit, quasi imperfecto corpore eduntur, quique nondum justum naturae robur assecuti fuisse, videri possent.* Nec negligere cautelam eandem videntur Juri, dum equidem Septimestrem partum vitalem praesumunt, ac legitimum decernunt, vix tamen in judicio de hoc vel illo ferendo omnem circumstantiarum ponderationem, & applicationem excludunt, quin potius, ubi de maturo ac non maturo, sive legitimo ac non legitimo, nato quaestio, obstetricum ac physicorum dicto stare jubeant, v. g. Mascardus de probat. conclus. 1088. Ac memini, non semel Facultatem nostram super attestata Medico-
rum

rum ac obstetricum de ejusmodi partibus intempestivis rogatam fuisse, v. g. Anno 1628. mense Augusti, ubi, an Septimestris, an Octimestris natus per inspectionem dignoscere postulabatur; etsi, quia hic tunc temporis a nativitate sua annum crescendo transcenderat, frustra. Quemadmodum pariter Anno 1697. mense Octobris postulata eadem respondebat, ex certis imperfectionis editi corporis ac hujus membrorum signis, ex languore atque virium imbecillitate, quæ in nato, donec verum & consuetum partus tempus, i. e. decimum mensem, attigerit, observentur, satis probabiliter concludi posse, partum præcociorem justo esse: quod nihilominus præsentī haud applicandum, de quo ex attestati tenore constaret, eum omnibus partibus perfectum, maturum, adeoque plusquam septimestrem, videri.

Et quamvis Leges harumque interpretes, in favorem Matrimonii, illum, qui, juxta *L. 12. ff. de Statu homin. ex justis nuptiis*, i. e. post nuptias, seu in conjugio editus, *justum filium* sine Medicorum indagine atque censura præsumant: vix tamen comparet, cur ad alios quosvis hujus generis casus, v. g. illius quoque, qui ex scortatione natus, beneficium seu privilegium hoc extendendum veniat, quin potius superveniente demum inspectione, & illius partium atque functionum ponderatione res in hypothesi decidi debeat. Signa partum septimestrem autem a maturiore & naturali magis discernendi evidentissima sunt, cum ille non ex naturæ instituto, sed a morbo nascatur: hinc autoritate non tantum Aristotelis, quem Scriptores communiter testem producunt, sed experientia quoque, patet, omnem septimestrem cum aliis præcocioribus illud peculiare habere, ut non undique absolutus compareat, sed vel capitis commissuris hiantibus, vel aurium meatibus oppilatis, digitis manuum ac pedum connexis, podice vel arctius clauso, vel nimis hiante, & aliis simul notis insignitus prodeat, quæ eum imperfectiorem præmonstrent, non ploret, non sugat, non sternutet, nec urinam & alvi fœces reddat &c. adeo, ut qui secus nascantur non pro septimestribus sed maturioribus, sint habendi.

Neque tamen in causis dubiis ac difficilioribus sententiam suam suspendere Medicus conscientiosus ac cordatus erubescat, ut *cap. 2.* Medico
aliquando
sententiam

suspendere pariter monitum: imo peritiori cedat, hujus, non quidem auctori-
licet; cedat tate, sed argumentis, convictus. Proin nec Scriptorum, quos in hoc
etiam peri- doctrinæ aut argumenti genere antesignanos novit, evolutio ipsum
tiori. tædeat: cum casuum identitas seu conformitas ac analogia Virum
 prudentem eousque minime conturbare valeant, quin causas diffici-
 liores & sanguinem humanum aliquando concernentes, sine præ-
 judicio ex iis dijudicet. Ideo siquidem communiter suadent Docto-
 res, non Medici tantum, sed Legum quoque, ut consignet in cadave-
 re occisi v. g. observata in tabulam, quo domi commodius de his ra-
 tionari valeret.

*Sit cautus
 in futuris
 prædicien-
 dis.*

In specie ubi de futuris deponendum, v. g. vulnerati salute ac
 morte, cautum in prædicendo se gerat Medicus, i. e. prognosin haud
 præcipitet, cum ejus ars sit conjecturalis, & per varias internas perin-
 de ac externas circumstantias morborum eventus fallant: hinc quan-
 tum opportune licet, præsagium potius differat, admonitus hujus
 prudentiæ a *Paræo, Codronchio, Guillemæo* &, qui his cunctis facile po-
 tior, *Hippocrate, Morborum acutorum*, qualibus sine dubio vulnera
 periculosa accensentur, *difficiles prædictiones* asserente. Et vix sub
 primo statim plagæ conspectu, etiamsi hæc bonæ satis indolis com-
 pareat, ac ante septimum diem, vulnerato certam salutem promittat,
 nisi triumphum ante victoriam canere audiri malit: intra quod de-
 mum spatium symptomata se exerere solent, de habitudine percus-
 sionis exactius testantia, & salutis aut lethalitatis imminentis docu-
 menta. Auscultandum erit hoc in passu *Hippocrati*, quando, post-
 quam 2. *prognost. t. 1.* diversa futura a medicis prædici innuerat, *t. 2.*
 hæc subjungit verba: *Ego vero talia quidem non vaticinabor, verum
 signa scribam, ex quibus, & sanos futuros homines, & morituros, conje-
 ctare oportet.* Dum, prout *part. 1. cap. 8.* monitum, Ars nostra, licet
 inter cœteras omnes ratione atque experientia magis stabilita sit, ni-
 hil tamen omnino certi unquam prævidere ac prædicere, sed cuncta
 sola conjectura assequi, valet: neque in viribus hujus est, futura cer-
 to cognoscere, hoc enim Vatum præcipuum, non Medicorum, qui
 conjecturaliter tantum, & per signa futura præscire solent. *Consulo
 autem,* pergit idem *Hippocrates l. a. t. 3.* ut quam prudentissime agant,
tum in reliqua arte, tum in hujusmodi prædictionibus: illius probe me-
 mores,

mores, quod, si cui successerit predictio, is apud egrotum (quemvis) intelligentia preditum, in admiratione erit: si vero quis aberarit, supra hoc, quod odio habetur, fortasse etiam insanire videbitur, &c. Utut, dum hoc moneo, probe simul recorder illius vel Vulnerantium incarcerationum forsan, vel aliquando Judicum quoque, importunioris percontationis, frequentioris sciscitationis atque intempestivæ postulationis, seu tantum non extorsionis, qua Medicum & Chirurgum, percussi medelam gerentes, laceffunt, &, ut intempestive de vulneris eventu deponant, urgent: qui nihilominus, si secundum regulas artis & conscientiam agere malint, tentaminibus seu postulationibus ejusmodi haud auscultant, multo minus per hæc in judicia præpropæra & præpostera se abripi patiuntur, tutius censentes ac justitiæ minus derogare, Percussorem in custodia forsan diutius paulo detineri, quam festinante Renunciatione conscientiam & famam præcipitem dare.

De cætero in futuris æque præfagiendis, ac factis determinandis, & horum causis propinquioribus innuendis, Medico maxime cavendum erit, ne in hypothësis Medicis ac Physicis admittendis nimis facilis deprehendatur, illis sc. de quarum fide canonica nondum adeo liquet, imo suspectæ adhuc veritatis, sunt. His enim existimationem & sanguinem Proximi ac conscientiam propriam concedere velle, temerarium nimis videri poterat: ut nihilominus ab imprudentioribus fieri, quotidie observamus, & variis exemplis doceri poterat. Sine dubio inter opiniones ejusmodi anticipatas, quæ dubiis, si non fallacibus, veterum dogmatis innituntur, est, quod cum Philosophis plerisque Legum Interpretes, v. g. *Arætinus de malefic. Menoch. de arbitr. judic.* sibi persuadeant, foetus humani corpusculum utero materno aliquandiu inanimatum inexistere, seu animam rationalem, illi post organizationem demum absolutam, id est, non illico a conceptione, infundi; præeunte forsan hoc in passu *Aristotele*, dum embryonem primo vita plantæ, deinceps animalis, ac postremo hominis vivere, nec simul animal & hominem fieri, asserit. Unde factum, ut leges Canonicae pariter, ac civiles aliam rationem habuerint foetus animati atque inanimati, seu antequam animam rationalem receperit, adeoque abortum prioris, data opera concitatum, gravius, i. e.

Non adeo facile admittat hypothëses dubias.

De foetus
animatione.

ultimo supplicio, posterioris exturbationem poena tantum extraordinaria, puniendum sanciverint: si unicum forsan excipiamus *Menochium*, qui *de arbitr. Jud. l. 2. cent. 4. cas. 357. num. 9.* poena extraordinaria indifferenter, tam qui animatum, quam qui inanimatum abigit, puniendum censet, & quidem occasione *l. 4. ff. de variis & extraord. crimin. ac l. 8. ff. ad leg. Cornel. de sicar.* Quærent proin, qui communem sententiam sequuntur, illarum Administratores, ad hunc usque diem, a Philosophis ac Medicis & resciscere postulant hoc animationis tempus: quod hi prompte satis, ne dum præcipitanter, quamvis dispari dierum numero, determinare sibi præsumpserunt. In eo equidem omnes consentiebant foetum tunc demum anima instrui, ubi perfecte formatus fuerit, ast in hoc multum divergebant, quod *Fienus de form. foetu quest. 10. conclus. 11.* tertio statim die, *Mercurialis de morb. mul. lib. 1. cap. 2.* septimo, *Hippocrates* passim v.g. *de natura puer. t. 10. & 11. ac Galenus 15. de usupart. cap. 5.* in masculis trigessimum, in foemellis quadragesimo secundo, fieri tradunt, aliis ad sexagesimum, octogelimum & nonagesimum diem inclinantibus. v. g. *Zacchia lib. 1. tit. 2. quest. 9. §. 24.* ac ex Jureconsultis *Menochio l. a. n. 3.* & *Job. Alphons. Riccio prax. Archiepisc. Neapolit. p. 609.* ex *Bartholi* aliorumque opinione. Quamvis *Zacchias l. 9. tit. 1. quest. ult.* mentem suam mutarit, & illico a conceptione facta animam embryoni accedere, seu, ex *Thomæ* hypothese, infundi, asseruerit.

Sed eo ipso, dum cum sanioribus Philosophis, v. g. *Themistio, J. C. Scaligero, Sennerto, &c.* animam sui domicilii seu corporis Architectum concipimus, Conceptus humanus nunquam non animatus existet: proin frustra se torquent, qui terminum quemcunque animationis post conceptionem demum sciscitantur. Neque adeo facile hunc invenient, quamdiu penes illos non tantum, sed Theologos etiam, litigatur, ac determinari forsan unquam nequit: an anima rationalis per traducem propagetur seu congeneretur? an a Deo immediate creetur ac primis foetus staminibus infundatur? hinc dubia pariter ac suspecta evadet legum illarum auctoritas ac sanctimonia. Priorem enim opinionem si admittamus, statum & firmum maxime erit, animam mox sub primo conceptionis articulo embryonis corpusculo subinexistere, & per consequens, hunc nunquam non hominem

nem dicendum fore; qui, sicut in aliis casibus, ubi præsertim de commodo ejus agitur, per leges pro nato habetur, v. g. ut hæreditate paterna fruatur, etiam in hoc, ne occidatur, ac incolumis conserve-
tur, talis æstimandus venit. Ita ut satis mirari nequeam illorum hæ-
tenus Medicorum inconsideratam temeritatem, quorum plurimi
hypothesi de congeneratione animæ enutriti, seu Traducianos se pro-
fitentur, vulgari nihilominus doctrinæ, de fœtus post conceptionem
demum animatione, inhærent, ac terminum ejus breviorē longio-
remve, a Judice quæsiti, pronunciant. Quemadmodum nec cape-
re possum, cur illi legum quoque Interpretes & Administratores,
quorum nihilominus Nostratum plerosque ex Traducianorum
schola philosophica prodiisse novimus, de ratione, hinc æquitate, suæ
legis nunquam dubitarint; sed in sententia de fœtus abacti pœna fe-
renda antiquum semper obtinuerint, intelligentes, cum semine sta-
tim in generationis opere animam in primum embryonis germen
transfundi. Neque qui Infusianos seu Inducianos se venditant,
quamdiu de tempore accreationis seu infusionis ejusmodi ambigunt,
ac ambigere necesse habent, (hoc quippe alii cum generationis tem-
pore idem, alii huic plus minus posterius, autumant) actuationis hu-
jus terminum determinabunt; inprimis si post generationem factam
seu tunc demum, ubi embryonis machina ad receptivitatem animæ
rite disposita seu perfectius organizata est, eam a Creatore inspirari
supponunt: sicut, qui in ipso generationis actu hoc fieri contendunt,
non habent, cur in aliud animationis tempus disquirant.

Non improbo unius alteriusve Celeberrimi Jurisperiti dubi-
tandi prudentiam, Philosophorum equidem doctrinæ in hoc conde-
scendentis, ut partum mox a conceptione vitalem concedat; cum
vero vitalitatis hujus signa sensus non statim incurrant, proin illa ad-
huc incerta sit, & post medium gestationis tempus demum ex motu
partus, hunc vivere, innotescat; ante hoc tempus abortum moventi
pœnam extraordinariam tantum decernentis. Eo ipso tamen, dum
a tempore conceptionis statim fœtum vitalem pronunciant cum Phi-
losophis ac Medicis illorum eruditissimi, cur signa vitalitatis, tan-
quam rei evidentis ac concessæ, aliunde expectent aut expetant non
apparet. Motum equidem fœtus localem ante quintum mensem

vix,

vix, aut rarius, sentit gravis, motibus nihilominus seu functionibus vitalibus eum gaudere, ipsa ejus generatio, cujus Architectum animam modo diximus, nutritio atque augmentatio primordialis evincunt. Jungo his observationes seu experimenta, in oviparis facta, ubi punctum saliens, tertio statim incubationis die in Cicatriculo seu Vitelli Colliquamento, tanquam pulli primo rudimento, conspicuum, de vita hujus actuali dubitare haud feret. *F. Fidelis* demum *l. 3. §. 6. c. 4.* rem ita decidere satagit, ubi conceptus abortivi copia fieri possit, si expressa & distincta ejus comparuerint membra, quocunque tempore illud obtingat, indubie animatum fuisse foetum, referri posse; sin vero aliter compareat, illum nullo pacto hominem fuisse, affirmandum fore. Quodsi vero ejusmodi inspectionis facultas haud detur; Jurisperitos imitandos esse, qui pro reo semper in ambiguis statuere consueverint, & ex diversis, a Philosophis ac Medicis diversis traditis, animationis foetus terminis, longissimum, sc. quatuor mensium, securiorem & cæteris, ubi abortus criminis puniendi causa Medici rogatur sententia, antefendum fore: neque hoc tamen adeo categorice ab eo fieri debere, quin reliquorum etiam terminorum mentionem faciat idem, nec necessarium ac perpetuum, sed frequentiore tantum, illum asserat. Verum, dum ex modo adductis constat, ac minime amplius negandum, illa quoque foetus subtiliora stamina, quæ oculos nostros adhuc fugiunt, vitalia & animata existere, equidem cujus membra distinctius formata, vere animatum pronunciare, illum vero, cujus prima & tenella lineamenta, oculos nostros fugiunt, non contra inanimatum, protinus asserere, licebit. Aceo ipso, dum aliquot septimanarum foetum, seu cujus membra satis distincta cernuntur, per autopsiam animatum ait, cur non visum quarto demum mense talem dicere audet? Legibus quidem ac Jctis in re dubia mitiorem sententiam prompte concedo, Medicorum tamen haud est, rem certam incertam seu dubiam reddere, i. e. de animatione conceptioni sine dubio contemporanea & ab hac inseparabili non amplius dubitandum: nisi per hæsitantiam ejusmodi ineptam abortum animati foetus nefarie scienti patrocinari, & tenelli hujus sanguinis ac necis correum se exhibere quis velit; Foetus quippe sine anima non est foetus. Liceat mihi ita ambigere, non

non de legis auctoritate, quod Legislatoris & Interpretis est; sed hujus tantum ratione, quod Medicorum.

Ejusdem forsan indolis est, quod de stigmati Sagarum exigitur, Medicorum arbitrium, asserentibus nonnullis Scriptoribus eorum existentiam, v.g. ex Medicis *B. Codronchio de morb. venefic. & Job. Huchero de sterilit.* ex Jctis vero *P. Ostermanno de Stigmat.* negantibus eam aliis, v.g. *Zacchia lib. 7. tit. 4. quest. 2.3. & 4.* Nec firmioris fundamenti observatur Cruentatio cadaverum occisorum, quam præsente occifore fieri, nonnulli Philosophorum, v.g. *Lucretius 4. de nat. rer. Cael. Rodigin. 3. Lect. antiqu. c. 21. Lev. Lemn. 2. de occult. nat. mirac. c. 7. ac Medicorum v.g. Valeriola 2. obs. 7. & Libav. singular. part. 2. tr. 5. ac in peculiari tr. de Cruentat. cadaver. injusta cade factor.* fabulose satis tradiderunt, ipsemet duplici experimento concutere possum: quibus Scriptoribus nihilominus Celeberriores nonnulli Legum Doctores, v.g. *Par. de Puteo de Syndicat. ubi de Tortur. P. Gr. Tholosan. Syntagm. Jur. univers. l. 36. c. 20. num. 5. Nicol. Florentin. tr. 1. serm. 5. cap. 6. Boër decis. 166. n. 1. Hippolit. de Marsil. prax. crim. §. diligenter num. 181. Chassaneus pr. de judic. cap. 3. & Menoch. de arbitr. jud. lib. 2. cas. 270. num. 16.* sententias suas adaptarunt, & ex hoc phænomeno indicium homicidii perpetrati petierunt; quamvis eorum alii, v.g. *Farinacius theor. & pr. Criminal. part. 1. Tom. 2. lib. 2. quest. 52. num. 156. Tressaurus decis. 174. num. 7. Gomez. variar. resol. 3. cap. 13. num. 15. Bocser de tortur. cap. 3. n. 21. Zanger. de quest. & tortur. cap. 2. num. 160. P. Heigius part. 2. quest. illustr. 39. num. 95. 96. seqq. Carpzov. prax. crim. part. 3. quest. 122. n. 33. ac Feltman. de cadav. inspic. cap. 59. ambigua ac periculosa huic, & quæ judicis intellectum transcendit, probationi in ferenda de vita hominis sententia minime fidendum esse, prudentissime moneant, & *Treutlerus 2. disp. 4. th. 7.* ut hoc experimentum rarissime sefellisse perhibeat, id tamen cum *Carpzovio l. a.* haud aliter admittat, nisi aliis quoque indiciis reus gravatus fuerit.*

Porro Medicorum Renunciationes (olim frequentius ac hodie) aliquando sollicitantur, & horum quidam in deponendo plus faciles justo se præstant, ubi de Juventula Virginitate integra corruptave controversia emergit; hujus castitatem theoriis ac conjecturis meris,

seu signis fallacibus maxime ac omnem avtopsiā nonnunquam superantibus, dimetientes: i. e. utut de certo ac infallibili virginitatis signo nondum constet, & quæ hujus generis communiter enarrantur, vel avtopsiæ haud observentur congrua, vel fallant, asserentibus hoc Medicis non modo, sed JCtis pariter, utrisque magnæ doctrinæ atque auctoritatis *cap. seq.* recensendis.

De partus
naturalis
tempore.

Quoad famosam illam & frequentem satis penes Legum Prudentes pariter, ac Administratores, de Partu legitimo, controversiam, in hac decidenda itidem pro vero supponunt, quod dubium ac falsum, assumptum: quasi soli homini præ cæteris animantibus certus nascendi terminus haud sit constitutus, sed modo septimo, modo octavo, nono, decimo ac undecimo ille lucem hanc conspiceret. Invaluit, nescio, qua animi levitate & per nimiam sine dubio Antiquitatis venerationem hoc dogma, cuius sine dubio auctor primus extitit *Aristoteles 4. de gener. animal. 4. & 7. hist. animal. 4.* seductus forsan per *Hippocratis* auctoritatem, qui de *Septimestri* ac *Octimestri partu*, vario tempore editos, i. e. septimestres, decimestres ac undecimestres, vitales & secundum naturæ legem nasci scribit, *1. de diet. 1. 19.* quoque alios maturius, alios serius, nasci, asserit: ex quibus iste temere satis infert, cum cæteris animalibus cunctis unum pariendi tempus a natura constitutum sit, soli homini multiplex & varium concedi. Assentatorem mox sibi reperiēbat *Plinium 7. natur. hist. c. 5.* qui ex *Vestilia* mense septimo *Sempronium* ac *Corbulonem*, *Suiliū* *Ruffum* undecimo, ac *Cæsoniam* octavo, natos perhibet, simulque ex *Massurio* adducit, *L. Pappium Prætorem*, secundo cohærede lege agente, bonorum possessionem illi dedisse, quem mater partum tredecim mensibus tulisse assereret. Adstipulabantur his Scriptores Medici multi, v. g. *Mercurialis de Morb. mul. 2. c. 1.* *Joubertus 3. error. popul. c. 2.* *Mercatus 4. de mul. affect. Trincavellus epist. medic. 5.* *M. Donatus 4. hist. mirab. 13.* *Horat. Augenius tom. 2. epist. & consult. 6.* ac in peculiari tractatu, quod homini non sit certum nascendi tempus: *Codronchius method. testif. cap. 14.* ac *Rodoric. a Castro 4. de nat. mul. cap. 1.* Hinc non mirum per traducem quandam ac credulitatem nimiam ad forum, quoque ac tempora nostra devolutum fuisse hoc dubium antiquitatis dogma, ut videre est penes *Menochium de arbitr. jud. l. 2. cent. 1. cas. 89.*

num.

num. 34. 37. seqq. *Habnium in Wefenbec. ff. l. 1. tit. 5. Carpzov. prax. forens. cap. 27. defin. 14. & Richterum 2. decis. 89.* Quamvis antiquiores Legislatores & Jctos in causis ejusmodi hæsitantius egisse, inde constet, quod *Ulpianus 3. ff. in L. intestato §. finis de suis & legit. heredibus* septimo mense natum legitimis quidem annumeret, paragrapho nihilominus immediate præcedaneo post decem menses mortis patris natum ad legitimam hæreditatem haud admittendum caveat; & *Imperator Novellar. constit. 39. cap. 2.* undecimestrem partum opus naturalis concupiscentiæ, it. Partum impiissimum, appellet; hinc mulierem, quæ undecimo a morte mariti mense pepererat, cum defuncti partus dici vix posset, antenuptiali donatione privandam jussit. Verum omnes hi Antiquitati potius doctrinæ, antecessorum Auctoritati & suspectis muliercularum enarrationibus, quam Veritatis sensui reclamanti ac dejeranti, seu Naturæ constantissimo instituto, secundum quod cuncta eadem semper ratione agit, annuere videntur, ut egregie ac perspicue evicerunt *Arniseus de termin. part. legit. F. Fidelis 3. sect. 7. c. 2.* ac *Zacchias quest. med. legal. l. 1. t. 2. quest. 1.* atque *Harveus de partu.*

In specie quoad partum Septimestrem atque Octimestrem non apparet, cur *Hippocrates de septimestr. & octimestr. partu* priorem non modo vitalem, sed pro ratione quoque ac naturæ instituto edi, alterum nunquam vitalem, asseruerit, ac in partes suas mox traxerit infinitos alios Medicorum v. g. *Fernelium consil. 25. Laurentium 8. quest. 29. ac 3. Levinum Lemnium de occult. nat. 22. Amatium Lusit. 5. curat. 15. Marcell. Donatum l. 8. ac R. a Castro de nat. mul. 4. cap. 6.* hincque Jcti omnes illum legitimum, hunc abortivum, mortuum & illegitimum pronunciarint atque ab hæreditate paterna excluderint, v. g. *L. 12. ff. de statu hom. it. L. Intestato de suis & legitim. heredit. num. 12. Alexand. in L. Gallus ff. de libr. & posthum. n. 21. seqq. Clarus 3. sentent. §. Testament. n. 3. Tiraquellus in l. si unquam Codic. de revocat. don. Mascardus conclus. 1088. num. 1. ac conclus. 1146. n. 8. & 9. Matth. de Afflictis decis. 226. Menochius de arbitr. judic. l. 2. cent. 1. cas. 89. n. 38. ac de presumption. l. 4. præf. III. & Bos. quest. 220.* Paradoxorum horum eas quidem tradunt rationes, quod mense septimo, tanquam critico, fœtus ad exitum seu enixum moveatur, vel ad partum totis nervis contendat,

tendat, juxta *Hippocrat. de partu septim.*, per conatum vero hunc septimo mense enitendi frustraneum debilitetur & languidus evadat, hinc mense statim octavo eosdem labores, sine virium suarum notabili jactura, juxta eundem *de octim. partu*, repetere nequeat: quodque Saturnus, Planeta frigidior, octavo mense partum dirigens fœtum, præter modum infrigidet, adstipulantibus *Avicenna l. 3. fen. 20. tr. de abortu, Petro Apponensi diff. 49. Valeriola 3. enarr. 7. & Vallesio contrav. l. 2. c. 10.* Ast non immerito a futili hac sententia recedunt modernorum Medicorum diverſi, v. g. *F. Fidelis l. 3. f. 7. c. 6. & 7. Sennert. inst. l. 1. c. 10. & prax. 4. part. 2. f. 1. c. 1. Zacchias 1. tit. 2. quæst. 3. & 4. H. Augen. de part. temp. lib. 2. c. 16. & tom. 1. l. 8. epist. 2. & Cardanus l. 1. contrad. med. 8. tr. 3. Harveus de partu* aliique, nec sine ratione.

Non omnem septimestrem Hippocrates vitalem ait.

Quippe primo vim inferunt *Hippocrati*, dum, quasi fœtum septimestrem omnem absolute vitalem dixerit, cum Medicis Imperator hujusque interpretes asserunt: cum nihilominus hæſitanter satis hæc *de septim. partu* edisserat: ubi videlicet quosdam diebus centum & octoginta duobus vel tribus aliquando nasci equidem scribit, mox tamen addit, plures horum perire, & ex septimestribus, qui superſtites maneat, paucos observari. Quod proin raro admodum contingit, dogmati generali ac infallibili formando parum auctoritatis habet: inprimis ubi in fraudem legis & hujus fundamenti varia evenire queant & soleant, v. g. fœminarum ignorantia, malitia, &c. Nec secundo tanti momenti est ratio a fœtus motu petita, quem septimo mense hunc exerere ajunt communiter, cum præter experientiam eodem *Hippocrate de natura puer. t. 20.* teste, idem ordinarie citius moveatur, die trigesimo ac quadragesimo, aut aliquando maturius. Quibus tertio accedit, juxta *Hippocratem l. a. t. 38.* omnem, qui ante elapsum novem mensium, seu ante decimum procedat, vel ab affectione quadam violenta, quam perpeſſus fuerit, vel ab alimentis penuria, ad intempestivum ejusmodi enixum urgeri, adeoque hujus partum nunquam secundum naturæ institutum fieri; utut idem *Hippocrates de atate*, sui forſan oblitus, ex numero ad hebdomatas septenario exacto concludere satagat.

Nec fœtus septimo demum mense movetur. Ante novum mensem qui editur, fœtus semper p. n. excluditur.

Ficulnea perinde argumenta deprehenduntur, quibus octavo mense

menſe natos ſeptimeſtribus minus ſuperſtites eſſe poſſe, concludunt. Nam quoad hypotheſes aſtrologicas, quaſi (ut cœtera mittam) Luna ſeptimo menſi præſit, ac ratione plenitudinis atque perfectionis, cum cœterorum planetarum, per antecedaneos ſex menſes influxu concurrentis, conceptum ultimato perficiat ac vitalem reddat; dum contra Saturnus, cœteris antiquior fœtus prima ſtamina eorumque fabricam in primo quidem menſe dirigat, frigidior tamen & languidus vade cum octavo menſe denuo litet, hinc partum quoque admodum inſrigidet ſeu invalidiorem præſtet: eas nugæ & foliis ſeu oraculis ſibyllinis impares maxime ait *Godofredus ad leg. 3. de ſuis & legit. hered. ff. n. 12. lit. E.* declarant etiam earum ineptitudinem tantum non cunctæ horum notiones.

De cœtero quoad motum ſeptimo menſi ſolennem, & quem partui octimeſtri præjudicare ajunt, quaſi conatibus antecedaneorum & ſubſequentium menſium majorem, id eſt, qui parturitionem intendat, merito hic in dubium vocatur; cum partus conatibus haud par obſervetur: aut, ſi talis foret, vix apparet, cur nihilominus ipſe verus partus ad decimum uſque menſem, illo factò, ſine fœtus damno, prorogetur? vel cur non intra menſem integrum vires ſeptimo menſe fractas recolligere poſſit hic, & partui octimeſtri ſufficiant, ſi ſc. ipſo menſe ſeptimo vitalis naſcatur. Et, ſi experientiam genuinam conſulamus, ſeptimeſtris pariter, ac octimeſtris, aliquando vitales deprehenduntur, utut ambobus hoc rarius eveniat: ac ſi allegatas aliasque leges evolvamus, equidem harum auctoritas legitimi partus duos tantum terminos, ſeptimum nempe ac decimum menſem, ponit, de excludendis vero intermediis temporibus nihil moment. Unde inferre convenit, eas fidem *Hippocratis* de partu octimeſtri non vitali ſeu minus vivaci haud tanti feciſſe. Siquidem ſi naturale & ſolenne maxime naſcendi fatale finis noni ac principium decimi menſis eſt, ſine dubio fœtum, quanto longius ab hoc termino recedit, tanto minus perfectionis ac virium, ad functiones vitales neceſſariarum, eum habere, probabile fit: & per conſequens haud debiliior, ſed perfectior ac robuſtior ſeptimeſtri erit octimeſtris, hinc magis vitalis; confirmante hoc in primis ſenſuali experientia, qua octimeſtris fœtus per validiores intra alvum maternam agitationum co-

Neutertamen
hominum
vitalis.

natus, majus robur & editus solidiora & perfectius formata ordinarie ostendit membra. Adeoque circumspectiores in hypothefi de octimestri non vitali admittenda se gerere videntur nonnulli Jcti recentiores, v. g. *Hahn ad Wefenbec. paratitl. de statu homin. n. 3. ac ff. de statu hom. p. 29.* atque *Carpzovius prax. forens. c. 27. defin. 14.* Et concludendum videtur, septimo æque ac octavo mense natum vitalem haud esse dicendum, cum ante debitum ac a natura, frequentius atque ordinarie aliter agente, definitum tempus uterque nascatur; nisi illam temere frustra ac casu agere velimus: septimo mense quidam foetus illud perfectionis culmen dum attingeret, quod aliis ante decimum haud concessum, perderet vero idem octavo mense, præter omnem rationem. Interim nihilominus, si eidem naturæ negotium hoc accomodemus, octimestris, cæteris paribus, illo magis vitalis pronunciari poterit. Neque constat demum, cur illegitimus & hæreditatis incapax necessario dicendus hic veniat, dummodo vivus edatur, aliaque indicia eum non spurium præstent: non enim vitalem esse ab hæreditate vix excludere videtur; adeo ut, quamvis hac non ipsemet fruatur, eam tamen in alios forsan, qui jure successionis gaudent, transferat. Verum nolo alienos circulos turbare, ne Ulpiani rigore vapulem. Mihi aliisque sufficient exempla recensita, pro evincendo cum Philosophis ac Medicis Jctos hætenus egregie hallucinatos atque deceptos fuisse, quod conjurato quasi consensu supposuerint seu admiserint diversa dogmata, quorum veritas plus minus suspecta, & quæ castigatione prudentiore emendanda seu rejicienda: qualis tamen vix, nisi a mutua Doctorum diversarum scientiarum collegiatione ac conspiratione, sperari valet.

De fractura
calvarie
diagnoscenda.

Ubi de Fracturæ calvariæ diagnosi, hinc Contusionis capitis prognosi, deponendum, ab *Hippocrate* & *Guidone de Cauliaco* plerique Chirurgorum seducti percusso caulem Asphodeli, ferulam aliudve corpus durius, v. g. crustam panis, cretam &c. dentibus atterendum seu confringendum tradunt; quasi ille sub fortiora hac maxillarum collisione seu nisu strepitum aliquem intra compagem calvariæ osseam, fracturæ certum indicem, sit percepturus: aut ægro funiculi extremum dentium primorum contentione validiore continere jubent, alterum ejus extremum ipsimet tendentes, ac ejusdem medium digito

digito mediocriter impellentes ; in qua ipsa impulsione funiculi vibratione elastica, asserunt, læsum pariter non tantum fissuræ, sed loci etiam fissi, per stridoris cujusdam dolorifici sensum, certo admoneri, & ad illum manu indigitandum urgeri. De quorum nihilominus signorum incertitudine audiendus ad minimum *Paræus*, dum *lib. 9. cap. 2.* ait : *Ego signorum horum veritatem nondum potui experientia comprobare, etsi in multis tentaverim* : cui addere possum meam experientiam, qua insigniter ac lethaliter etiam fractos a morsibus ejusmodi tentatoriis nihil omnimode molestiæ percepisse recorder.

Pariter quidam, animi inconsiderationis, plagas *ἐγκυφάλαι* enor- Aliisquæ casibus quidam in- nituntur hypothesi, miores aliquando minus lethales improvide ac jactanter satis pronunciant ; quasi his per Modiolum facile & commode mederi licuisset : cujustamen instrumenti nec figuram, nec indicans genuinum, nec permittens seu prohibens, nec administrandi rationem, norunt ; hinc in judicando se adeo præcipites dant. Vivos aquis submersos a mortuis inundatis discernere anniti *Paræum*, *Fidelem* & *R. a Castro*, superius dictum, quasi, qui vivi in aquam coniecti, ventrem aqua plenum ostendant, mortui neutiquam : verum his quoque præter experientiam contradicit ratio, qua ob ærem potius denegatum, quam aquæ ingestionis molem, homines sub hac suffocari, constat. Cujus etiam generis, i. e. periculosum admodum ac fallax, illud experimentum est, de submergentibus ac supernatantibus aquæ recens nati infantis pulmonibus, cujus in *cap. 7.* mentionem feci & de quo *cap. seq.* prolixius disseram : quo nihilominus satis temerarie partum mortuum a vivo discernere sibi præsumunt nonnulli. Ne addam circa imprægnationis & partus notas maxime incertas, item, circa venenationis signa valde dubia, sub hypothesium nihilominus infallibilium fide admissa, monenda ; utpote de quibus inter generalia hæc prolixius agere haud quadrat.

Præterea perspicuum undique in Renunciando se præbeat Me- Perspicuus sit Medicus in renuncian- dicus, omnemque ambiguitatem ac terminorum obscuritatem quam studiose evitet, quo scopo negotii primario, i. e. ut res dubia certa ac evidens fiat, seu Judici clara reddantur cuncta, totus inniti videatur, prout *cap. 2.* pluribus traditum. Coronidis loco non possum

non

Nunquam
vero in fa-
vorem de-
ponat.

non hic animadvertere illum quorundam Medicorum insulsum sibi-
que minus decorum Pietissimum, quo, forsan ut ignorantiam suam,
occultent, vel charitatis christianæ opus singulare exequi credantur,
ubi de coitu illicito aut intempestivo præsumptio, & quidem evidens
satis aliquando, est, Partum v. g. Septimestrem vitalem & naturæ re-
cte agentis productum, contra scientiam & conscientiam, in favorem
seu honorem, ut ajunt, matrimonii seu liberorum, pronunciant: res
naturales cum moralibus perperam confundentes & per hoc pietatis
seu charitatis studium vel tegmen falcem in alienam messem mit-
tentes. Me haud latet, quantum penes Legum interpretes & in
causis, per solas leges decidendis, v. g. dum adulterii poena ordina-
ria in arbitrariam, remittente v. g. Uxore, mutatur, item, poena scor-
tationis, si quis stupratam in uxorem ducat, mitigatur, ac, sive contra-
hendi, sive contracti, ejusdem conjugii intuitu, in fornicationis deli-
cto deprecatio publica plane remittitur, intercessio puellæ aut fœ-
minæ cujusvis solutæ, reum criminis in matrimonium petentis,
hujus poenam ordinariam tollit, Favor Matrimonii polleat, & quod
propter hunc a regulis Juris ac Legum rigore non raro recedatur:
ita quidem, ut in Foro pluris semper æstimetur unius Doctoris
sententia, favorem hunc respicientis, quam plurium, eum negli-
gentium eidemque derogantium asserta: ast quale argumentum
hic præstabit Medico, non moralia, sed naturalia mere, decernen-
ti, Naturam-explicanti, non Leges moderanti, non jus dicenti?
Qui prætorem informare postulatur non, an Septimestris v. g. aut
Undecimestris partus sit legitimus? an successionis capax? &c. hoc
enim determinare, Legum & harum Peritorum erat; sed an sit
vitalis, seu secundum naturam editus? quod sine reflexione ad
conjugium superveniens aut contractum decidit, aut de-
cidere tenetur idem.



CAPUT VI.

De

Renunciationum Difficultate.

Quo jure, sc. optimo, medendi notitiam Artium omnium ^{Medicinæ} præclarissimam *Hippocrates* appellavit, eodem scientiam Me- ^{forensis} dico-Forensem talem dicere sine dubio fas erit, quod, notan- ^{excellen-} ^{tia,} te *Lud. Septalio in epist. ad Zacchiam*, per hanc præstantissimæ duæ Facultates, a quibus humanum genus gubernatur ac servatur, nempe Jurisprudentia ac Medicina, olim inter se de Principatu concertantes, amico & certissimo fœdere, quasi sorores, uniantur, ut & Leges statuatur Medicina, & Jurisprudentia medeatur: nimirum Judex morborum peccata litesque concertantium humorum cognoscat ac remedia præcipiat; & ex adverso Tribunali concedatur Medicina, quatenus Lex ipsa animorum deprehenditur Medela, ac Medicina corporum Lex vere audit, i. e. medeantur utræque, ac ambæ Leges constituent ac Jus dicant. Quod si tamen, juxta illud *Theocritis* ^{ac difficul-} ^{cas.} *λεπὰ τὰ καλὰ*, sane arduam atque difficilem maxime Medicinam, Forensem quoque asserere necessarium, perinde ac Medicinam morborum idem *Hipp. in epist. ad Democrit.* difficilem fatetur, illam perinde ac hanc maxime conjecturalem. Quale quid sicut in præcedentibus hinc inde innui, Jurisperitos sc. æque postulantes ac Medicos referentes, scopo suo aliquando frustrari, i. e. nec hos semper intentioni propriæ sufficere, nec illorum quæsitis ad amussim satisfacere: ita hallucinari interdum Artem nostram in Casibus forensibus decidendis, plusque aliquando postulari a Nobis, quam quidem præstare per naturam rerum conceditur, observo.

Per naturam rerum seu per difficultatem intrinsecam quasdam controversias medico-forenses vix dirimi posse, ajo, non per imperitiam ac torporem deponentium, qualem *cap. 3.* Chirurgis ac Obstetricibus nostris v. g. plus quam frequentem esse, monstravi, rudiores etiam Medicos premere, promptissime largior; utpote quam Artis ipsius auctoritati ac Prudentiorum sagacitati nihil derogare palam est. Facile equidem mihi persuaderi patiar, hanc meam ingenuita-

tem illis Medicis, qui opinionem vulgi & lucrum præ veritate atque conscientia anhelant, valde moleſtam ac exoſam, Cavillatoribus vero notam imperitiæ meæ futuram, & quem Arti tribuo, defectum præcipitiæ potius meæ, quam illius, fructum comparere. Verum, quamvis paucos forſan noſtrorum Doctorum nominare, queam, qui aſſerto ſeu paradoxo huic meo in genere aſſentiantur, forſan quia pauci hoc ſcribendi argumentum in ſe ſuſceperunt: omnes tamen, qui hoc egerunt, obſervantur in quaſtionibus ſpecialibus ejuſmodi decidendis ſuam ſuæque artis infirmitatem deprecari, per alia potius, quam medica, ratiocinia illarum evolutionem moliri ſuadentes. Imo diſſerit terminis, ut graviffimis, ſic univerſalioribus, pro me toties allegatus *Fidelis*, quam fideliffime, circa terminum Libelli ſui aurei ultimum. *Sed illud etiam ignorandum non eſt, in nonnullas rerum occaſiones Medicum nonnunquam incidere, ut, cum nihil certi de re propoſita conſtet, dubia omnia incertaque referre nos etiam oporteat. Non ſemper enim promptæ ſunt rerum atque affectuum notæ, ut propterea in dubia & ancipiti Medicorum Relatione ſatis juſta eſſe poſſit excuſatio.*

Finis Medicinæ Forenſis duplex.

Finis nempe ultimus ſeu mediatus Medicinæ forenſis eſt Juſtitia, ſive hæc civitatis integritatem conſervandam, ſive poenas delinquentibus decernendas ac declinandas, ſive partium jura defendenda ac evertenda, hinc ſuum cuique tribuendum, ſive quodcunque demum, ſpectet: intermedius autem ſeu immediatus plus quam varius & tantum non infiniti generis obſervatur, totidem ſc. caſuum dubiorum, quos ſuperius recensere, vel innuere tantum licuit; deciſiones; dignotio v. g. vulnerum lethalium, virginitatis integræ ac corruptæ, prægnantiæ, pocillationis, &c.

Posteriores tamen in primis rationem habet Medicus.

Quibus ita ſe habentibus fieri haud poteſt, ut priorem aſſequatur Jurisperitus, niſi ſuppoſito ac evidentiore reddito poſteriore per Medici ſcrutinium: & dum ſollicitus eſt Magiſtratus de ſolvendo aut confirmando v. g. Matrimonio, Medicus impotentiam coëundi in ſubjecto accuſato prius ut comprobet aut declinet, exigitur; Homicidii reus ſeu occiſor minime pronunciari poterit percuſſor, antequam vulneris illati lethalitas evicta; neque infirmi juſ ac immunitas conceditur ulli, niſi cujus infirmitatem teſtetur Medicus; nec

eqvuleum

equivaleum subterfugere poterit, nisi qui herniosum, aut quæ prægnantem &c. se docuerit.

Harum E. similiumque causarum vix eadem semper existit ratio, & in illis decidendis par undique deprehenditur facilitas ac certitudo: quia earum nonnullæ, quas Prætor Medicum dirimere potest, aliquid equidem probabilitatis seu credulitatis præ se ferunt, eas tamen infallibiliter seu certo tales pronunciare, quia Medicus circumspectus ac conscientiosus detrectat, dubium dimittit illum, v.g. in pœna homicidii ordinaria determinanda, stupro puniendo, &c. Aut, si quæ tales decidentur a præcipitis magis sibi quæ præ aliis sapientis ingenii hominibus, vel ideo tamen ejusmodi eorum Crises suspectæ videntur, quod dubiis ac incertis non raro innitantur rationibus atque phœnomenis, hæc tamen quidem & per seculorum antecedaneorum credulitatem admissis, nunc vero per sanio rem rationem atque testimonia experimentorum everfis.

Quædam
causæ me-
dico-fo-
renses dif-
ficulter de-
ciduntur.

Quarun-
dem deci-
sio dubiis
innititur
hypothesi-
bus.

Dubiæ autem ejusmodi decisionis quæ observantur, Quæstiones Medico-Legales tales deprehenduntur vel promiscue in subjectis cujuscunque generis: vel, utut alias evidentes satis sint, non tamen ubique tales existunt. Prioris classis plura argumenta observantur, quorum unum vel alterum tantum nunc innuam, aliarum difficultatum enodationem aliæ occasione reservaturus.

Quædam
dubiæ sunt
semper,
quædam
aliquando
tantum.

Non raro simulatam seu ementitam Virginitatem a genuina seu illibata discernere postulamus, si nempe Glycerium vitiata castitatem integram jactet, infamiam ac pœnam metuat, v.g. lucrum & restitutionem in integrum ex matrimonio anhelet, qualia exempla passim obvia sunt: aut si juvencula divortium quærat, ideo, quod a Marito cognosci seu comprimi haud potuerit, qualem casum *Zacchias Quæst. med. leg. decis. 6.* narrat: aut si stuprator stupri culpam, declinare contendat, qualis causæ decisionem quidam vicini cujusdam oppidi Incola a Collegio nostro Anno 1683. petebat, incestus cum privigna accusatus: quemadmodum pariter, si puella sub conjugii aut dotis spe, vel simili dolo malitiave impulsâ se a mare stupratam & violatam ajat: aut si denique juvenis virginem aliquam se deflorasse malitiose jactitet; quali diffamanti, ad depositionem Obstetricum de integritate puellæ, pœnam fustigationis Inclutum Scabi-

Difficulter
deponitur
super vir-
ginitate.

natum Lipsiensem aliquando decrevisse, *Dedekenn. vol. 3. l. i. f. 9. n. 8.* refert. Quod nihilominus Jurisperitorum postulatam reprimere videntur ex horum Doctoribus diversi haud infimæ notæ, v. g. *Cujacius lib. 17. obs. 20.* ubi virginem dignoscere, rem admodum difficilem ac pene impossibilem asserit: & *Sanchez 7. de matrim. disp. 113. n. 10. 11. & c.* certa atque infallibilia Virginitatis signa dari, prudenter negat. Præterea etsi temerarios satis quosdam observemus Medicos in virginitate adstruenda ac diffitenda, ejusque characteribus determinandis, cum ipsa arte opprobrio ac risui publico se exponentes, v. g. dum pelliculam, Hymenem dictam, oculis suis usurpasse, sub juramenti fide deponunt, quod Vitrico illi, de incestu suspecto, ac Judici, persuadere satagebat Medicus postulatus: sunt nihilominus nec illorum pauci, qui arduum hoc deponendi munus ingenue ac modestè detrectant, nullumque signum proprium & univocum Virginitatis dari, affirmant, v. g. *H. Augenius in epist. ad Olivar. Jctum, Paræus de Renunciat. Job. Bapt. Sylvat. de iis, qui morb. simulant. c. 9. Riolan. 2. antropogr. c. 34. F. Fidelis de Relat. Med. l. 3. c. 1. Joubertus 5. de errorib. popular. c. 4. Codronchus meth. testific. cap. 11. Ranchirus de morb. virgin. sect. 1. c. 4. 5. & c. Zaccbias Quæst. M. L. lib. 4. tit. 2. quæst. 1. & Consil. 34. ac 41. Guillemeau abus. sur le proced. de l'impuiss. & Mauriceau des malad. des femm. lib. 1. c. 6.* alique infiniti, inter quos non sine ratione numero *Pinxum de notis virginis.* qui, etsi signa integræ ac solutæ Zonæ virginalis innuere prolixius allaborarit, incerta tamen illa hinc inde pronunciat. Quorum vestigia ego quoque legens defendere haud ambigo, Artem Medicam & per hanc factas genitalium muliebrium visitationes atque contrectationes vix forsan, adæquatum existere modum ad virginem a deflorata discernenda; prout quemlibet, negotium hoc pensitantem, sana ratio docebit. Hinc indulgendum *Paræo* quoque erit, qui, postquam notas virginitatis intemeratæ aliorum Scriptorum recensuerat, has quam fallaces pronunciat, hortaturque Magistratum, ne muliercularum Renunciationi in controversia hac temere assentiatur, Medicos vero ac Chirurgos, ne illum nimis imprudenter in errorem, tam ipsi, quam sibi, infamem futurum, præcipitent. Et prout inspectio muliebrium, quod fallax admodum sit, non Jure Civili, sed Pontificio tantum, (ni fallor) postu-

postulatur, imo nonnulli etiam hujus Canones eandem remedium minus fidum ajunt, v. g. *in cap. Causam matrimonii, de probationibus*, ubi, non obstante prima Matronarum inspectione, permittitur secunda; it. *in capit. Nec aliqua, vigesima septima quest. 1.* ubi prioris canonis ratio additur hæc, *Sæpe fallitur Oculus & Manus Obstetricum*: sic a circumspcctionibus Jurisperitis in re dubia & magni momenti tantum, qualis Matrimonii solutio, eadem commendatur, ut reliquis nempe probationibus seu præsumptionibus faveat, probabilio remq; partem robo ret, juxta *Abbat. Panormitanum cap. 7. de frigid. num. 10.* ubi ait; *Licet puella inspectio contigerit, juramentum nihilominus propinquorum, quod probatio virgin itatis sit argumentum fallax, semper insuper necessarium esse, vid. Horat. Augen. l. a. c. 7. & 8.* Ex quo ejusque *cap. 8.* hoc unicum nunc addo, quod prolixè enarrat, sex probatæ famæ seu peritiæ obstetrices juven culam quandam judicasse virginem intactam, quæ septem antea mensibus puerum pepererat. Quis proin non cum *Riolo an thropogr. l. 2. c. 34. nihil unquam in arte medica difficilius judicaret, quam puella virgin itatem detegere?* seu inspectionem hujus gratia adornatam non anceps crederet testimonium? quod sc. meram conjecturam, minime exactam notitiam, præstat. Pergit siquidem *Riolanus l. a. Mille sunt artes, quibus hoc versipelle genus virgin itatem simulare solet, &c.* quarum nonnullas *J. Bapt. Sylvaticus* quoque *l. a.* innuit.

Præterea ad deponendum requiruntur Medici horumque Collegia, ubi suspicio propinati veneni obvenerit, & necessitatis atque auctoritatis insignis in causa hac illorum a Jurisperitis censer i criminis quoque petitur Medicorum censura. *cap. preced.* dictum: sc. quo, an venenum exhibitum ad enecandum aliamve corporis noxam inferendam, revera tale ac potens satis extiterit? & an symptomata lethalia, ejus haustum consequentia, actu inde concitata fuerint? enuncient. Verum, quamvis ratione prioris puncti non adeo difficile sit Venena dignoscere, v. g. Arsenicum, Mercurium sublimatum, Cicutam, Opium &c. si per se & sub propria textura moleque adæquata oculis conspicienda exponantur eadem, aut aliis sensibus atque experimentis, qualium *alleg. loco* pariter nonnulla recensui, subijci queant: Sin nihilominus eorum compages ac facies naturalis, per præparationem & cum aliis rebus ac vehiculis

commixtionem seu discontinuationem destructa aut obvoluta fuerit, iudicium suum aliquando suspendere ac denegare urgetur Medicus postulat; quemadmodum idem suppressere tenetur, si minor illius, quod sub veneni suspitione propinatum fuerat, quantitas experimenta exploratoria sufficientia adornare haud concedat, aut arte compositi seu præparati veneni qualitates sensibiles Medicum exploratorem lateant atque eludant.

Etiā ex
simplici-
bus non
venenosis
fit compo-
situm ve-
nenosum.

In specie quoad venena ex diversis simplicibus coagmentata *P. Zacchia* absolute adstipulari nequeo, quando *Consil. 13.* pro quodam Johanne Baptista Gotto, qui uxori suo pulverem venenosum, exhibuisse præsumebatur, defendendo hanc inprimis hypothesin universalem vult, quod ex non venenatis simplicibus compositum, venenandi nullam vim possidere vel exerere queat. Contrarium siquidem edocent diversa coagmentata chymica non tantum, sed simpliciores multo mixturæ: quorum ingredientia satis salubria nec ulla venenositatis suspitione contaminata, dum inter se mutuis amplexibus coeunt, aut vires suas simul in ventriculum aliasque corporis partes exerunt, enormes & non raro lethales turbas huic movent. Nec Mercurius, nec salia, cum quibus sublimatur, per se venena, sunt, constituunt nihilominus coagulum, cujus exilior quantitas ad lethalia movenda symptomata potens satis observatur, quodque nihilominus post novum Mercurii currentis accessorium in blandum evacuans mitescit. Vitriolum, Nitrum ac singulorum horum stigmata acida pharmacis salubrioribus annumerantur; Aqua fortitamen destillatione ex utroque sale expressa vix tuto propinatur, sed venena inter refertur. Porro petroselinum in affectibus oculorum proficuum valde, observante *Boyle util. philos. experim. tom. 2. §. 1. p. 140.* aliis commixtum dolores & inflammationes eorundem evidenter intendit. Ut taceam, simplicia quoque non venenosa, sine ullo additamento, sola forsan præparatione, virulentiam induere: ut de Antimonio constat, quod crudum iniquissime venenum proclamatur, per calcinationem tamen hincque fusionem in vitrum, lethalitatem drasticam movet.

Non omnia
omnibus
venena,

Quibus subnecto, quod nonnulla, ex venenorum genere, talia omnibus individuis haud observentur & ab his impune assumantur: sicut

sicut contra vix unquam deleteria credita quorundam œconomiam vitalem per graviora symptomata concutiant. Prioris exempla, sc. innoxie devoratarum in magna quantitate aranearum venenosarum, cicutæ, hellebori, arsenici &c. legere licet penes varios auctores, quorum nonnullos recenset *Schenckius obs. libr. 7. de idiosyncras. & Transact. Philos. Angl. num. 40.* in Insula quadam Bermudarum, graminis quoddam genus reperiri perhibent, sub graminis venenosi nomine, non omnibus tamen æque exitiosum, & de cicutæ innoxio usu videri possunt *Misc. N. Cur. dec. 1. ann. 4. & 5. obs. 106.* olei Nicotianæ virulentiam fama innotescere puto, vel ex *Redi delle Vipere*, it. *Experienze naturali*, *Lemery Chymie* ac *Vigani Medulla Chymie*, quam V. g. nicotiana, efficax hæc sit in felibus, canibus, viperis aliisque animalibus, si vel horum faucibus una vel altera ejus guttula instilletur, vel vulneri eorum tantillum illius admoveatur: testatum tamen mihi aliquando fuisse amicum recordor, non omnibus æque felibus, qui oleum hoc degustarunt, fatalia adeo obtigisse symptomata, cum aliquando ex tribus felibus bini tantum talia perpeffi fuerint, tertius nihil omnimode mali hinc senserit; quale quid de eodem oleo, vulneribus animalium instillato, annotavit *Redi exp. naturali*, quorum quædam vel plane non, vel lente magis, hinc perierint, licet tam ratione diversi vulneris profunditatis, quam diversæ nicotianæ speciei, effectus illos variare sibi Auctor dictus persuadeat.

Ast, quod scopo præsentis forsan propius accedit, nonne hominibus venenum narcoticum, tanquam hyoscyami species, existit Nicotiana? majore tamen impetu malignitatem hanc exerit in unum, quam in alterum, dum quosdam ejus folia frequentius sine ulla sensibili noxa masticare, quosdam fumo ejus cum euphoria quotidie & excessive uti, in propatulo est; item vulneribus & ulceribus nonnullorum tam folia, quam oleum, tabaci blandissime mederi, imo venenatis quoque nonnullis, perhibente *Neandro Tabacolog. p. 33. & 34.* Aliorum nihilominus idiosyncrasia eadem Herba sancta adeo infecta deprehenditur, ut vel fumus ejus, vel herba ipsamet, vel oleum, conspicuas turbas his moveant. Quantum fumum nicotianæ nonnulli aversentur, non tantum, dum eum ex fistula fugunt, sed ab aliis concitatum, interdum ex longinquo satis, percipiunt, quotidianæ obser-

vationis

vationis est: ita ut ex Amici relatione foeminae meminerim, quæ illum adeo horrebat, ut, si modo in ea, quam incolebat, domo iller hauriatur, nec quisquam præter eam, vel minimum exin odoris percipiat, ipsa mox horrendis passionibus hysterice corripetur. Quælia subjecta nec olei externum usum sustinere valent, quemadmodum idem Amicus olim mihi retulit de Chirurgo quodam, a pueris a Tabaci fumo ita alieno, ut, si tantillum ejus per fistulam attraheret, nauseam & rosionem orificii ventriculi superioris, scotomiam, extremorum refrigerationem ac vomitum hinc pateretur: cujus in dorso, supra os sacrum vulnerati cum alius labia plagæ Oleo Nicotianæ innungeret, recensitis eundem symptomatis gravissimis correptum fuisse. Porro, quamvis fomentationes & linimenta ex foliis atque oleo nicotianæ parata in porrigine, achoribus, favis, tineæ ac phthiriasi infantum prodesse, experientia testetur, per eandem tamen quoque edocemur, non omnes æque talium usum ferre, ut in puella quadam annotavi: cujus caput a tineæ & pediculis arrosus cum mater linimento, ex Nicotiana & Butyro confecto, defendere satageret, illico ea anxietatibus præcordiorum, sudore frigido, lipothymiis hinc vomitibus ac secessibus enormioribus, corripiebatur & per horas aliquot detinebatur.

Nimis opii
quantitas
non omni-
bus nocet.

Nec quidem satis
stupenda.

Opium vim sedativam prout quotidie in diversis affectibus salutarem experimur, sic virulentiam illius narcoticam, quam improvidus ac largior paulo ejus usus spiritibus animalibus præstat, non raro lugemus: Legere nihilominus licet & observamus, monstruosam etiam stupefactorii illius assumptionem ac continuationem quibusdam individuis, nihil sensuum hebetudinis aliusve pravi symptomatis, sed singularem alacritatem, inducere, illis inprimis, qui doloribus atrocioribus expositi. Constat siquidem ex *Bacone de Verulamio, de vita & morte*, Opium tria forsitan grana in Europæis spiritus animales eoque condensare aut fugare, ut nunquam redeant, dum Asiaticorum & Africanorum Populorum spiritus ejus largior longe quantitas potius excitat atque roborat, quam deprimat, imo teste *Wierow. de Lamiis c. 18. Job. Fragofo hist. medic. exot. c. 12. & Job. Christoph. a Costa de aromat. & medic. in Ind. Orient. nascent. de Opio*, illos sine manifesto vitæ discrimine ejus usu carere haud posse, quod singulari observatione a *Costa l. a.* confir-

confirmat. Europæos tamen quoque aliquando stupendam ejus dosin sine stupore consecutaneo, aut spirituum extinctione mortali, devorare, Hispanus ille testatur, quem, ex relatione Rondeletii *Hollerius de morb. intern. l. 1. c. 6.* in summo aëris æstu opii semiunciam, sine ullo damno deglutivisse, perhibet: & *Wierus l. 2.* cujusdam ejus usui adfueti meminit, qui illius aliquando drachmam semis & postridie integram innoxie assumebat; quemadmodum *Dan. Ludovici Miscell. N. C. Dec. 1. ann. 3. & 4. obs. 207.* refert, sartori cuidam Italo, totum quadriennium insomnes noctes transigenti, Laudanum successive ad drachmam semis largiusque tandem, sine noxa, sed quoque, sine levamine, se exhibuisse. Et ipsemet recordor aliquando Viro cuidam, cruciatibus brachii dextri diris ac tandem lethalibus per aliquot septimanas exposito, quotidie fere, quatuor, quinque usque ad septem grana extracti opii propinata fuisse, aliquando ad doloris illius sedationem, nunquam ad stuporem usque: ut Generosioris illius Baronis nomen taceam, quem per multos jamdum annos opium crudum, singulis ut plurimum diebus, ni fallor ultra drachmam integram assumisse, mecum alii norunt.

Qualis quidem Opium congruitas & incongruitas haud adeo paradoxa videri poterit attendentibus Vini similiumque inebriantium diversam in diversis individuís potentiam: dum horum nonnulla illorum ingentes cyathos evacuant nihilque temulentiae inde patiuntur; aliis eorum vel ad carum, vel delirium, usque hinc inebriatis. Opium quippe cum vino multum analogiae intercedere, non tantum vis spiritus conturbandi & supprimendi, utrique, copiosius assumpto, communis, sed hoc insuper, evincit, quod adnotante *Christoph. a Costa l. 2.* Opium in Populis Asiaticis, ejusdem crebriori usui adfuetis, Vinum succenturietur, dum inquit: *Id ipsa experientia comperi, dum Indico mari in Lusitaniam redirem. Etenim eadem navi vehebantur captivi, Turcus quidam natus in Aden & alii cum Turci, tum Persæ & Arabes, qui clam aliquantulum opii secum detulerant, quo propter penuriam velut medicamento usierant: Eo absumpto Turcus ille Adensis ad me, ben tu (inquit) quandoquidem curandorum agrorum in hac navi provincia tibi data est, certo scias, nisi mihi & meis sodalibus opium prabueris, biduum nos non supervicturos.* Cum vero negarem,

Analogia
inter Opium & Vinum.

Opium me habere, respondit: illud ergo est unicum remedium, quo nos, qui opii usu adfuevimus, liberari queamus, si singulis diebus mane cuique puri vini haustum propines, licet nobis arduum sit & tadiofum, quod natura nostra adversetur, sed, quoniam nostra salus ex eo dependeat, necessario ferendum est. Ex illius igitur præscripto vinum omnibus dedi, liberatique sunt, & intra mensis spatium vinum amplius gustare noluerunt, nec illis obfuit opii defectus, cujus usus jam in desuetudinem abierat, &c.

Plerisque
non vene-
na quibus-
dam talia
observan-
tur.

Est contra, pluribus alimenta, medicamenta similiave haud exitiosa, sed suaviora, paucos tamen quosdam in graviora & lethalia symptomata conjicere, id est, in se non venena, sed alimentosa, medicamentosa atque grata quorundam idiosyncrasiae deleteria maxime existere, varia experimenta evincunt, v. g. caseum, vinum, feli-um anathymiasēs aliis insensibiles, rosarum fragrantiam, penes *Schenckium obs. med. lib. 7. de Idiosyncr. recensita*. Et dum v. g. *Brue- rin. 1. de re cib. cap. 4.* refert, Jacobum Forliviensem, Medicum ce-leberrimum, ab Allio commanducato perinde, ac a veneno epoto, cruciatum fuisse. Rosarum inter cordialia & restaurantia facile-summum fastigium tenentium, odorem quibusdam omnes sensus spiritusque maxime percellere, testantur *Ingrassias in quæstion. de dia-ta crassa ac tenui, Scaliger exerc. 153. num. 10. ad subtil. Cardani, Ama-tus Lusitanus 2. cur. 36. ac Digby de nat. corp. c. 38.* testari possum idem in *le Febare per scripta pharmaceutico-chymica Celeberrimo*. Inter cathartica, forsan deleteria, quædam individuīs nonnullis præ aliis molesta ac incongrua magis deprehenduntur, blandiora licet aliquando prout *Scaliger l. a. & Alex. Benedict. in præfat. de febr. pestil. & de pulpa Cassie, M. Donatus de Mechoacanna ac de Electuario diaphœ-nicon*, perhibent: quorum posterior l. a. Illustris cujusdam pueri meminit, cui ab esu ovorum labia intumescebant, facies purpureis nigrisque maculis conspergebatur & os spuma circumdabat: ut dul-cia, v. g. saccharum, mel, taceam, quæ nonnullis præsentanea sunt venena; perinde ac scammonii tantillum, vel per se exhibitum, vel aliis purgantibus pro stimulo admixtum, Viro cuidam Nobili ac Eru-dito maxime, ingentes cardialgias, hinc lipothymias & eversiones ventriculi semper movisse, alias monui. Et *Panarolus pent. 5. obs. 27.*

Vesta-

num in-
trinsecum
ab externo
discernitur
communiter.

cum, laudabilibus alimentis enutritum & congruæ diætæ adstrictum, ac de valetudine minus hætenus conquestum, repente nihilominus mortuum, constet, ab assumpto veneno occubuisse, vulgo putant: & quidem hoc eo firmiter sibi persuadent, si in assumptis, quibus suspicio veneni suberat, aliquid odoris saporisve nauseabundi & horridi ille perceperit, aut brevi ab eorum deglutitione insuetis correptus fuerit symptomatis, organa assumptionis immediate magis lædenti-
bus, v. g. fauces ardore ac strangulatu, deglutiendi difficultate & nausea seu vomendi conatu. Atque hæc potionationis suspicionem magis firmare creduntur, si assumptionem talium excipiant oscitationes molestæ, stomachi everfiones impetuosæ, ejusdem ac intestino-
rum tormina & cruciatus enormiores, alvi dejectiones frequentiores & præternaturales, singultus, renum, vesicæ atque urinæ ardores ac dolores, lotii retentio, faciei & abdominis intumescencia, totius corporis inopinus languor ut & motus impotentia, convulsiones atque obmutescencia. Evomant intoxicati horribilis maxime saporis & variegati coloris liquamina, eorum exteriora frigent, interiora æstuent, cum sensuum hebetudine, vertigine, spirandi difficultate, pulsu inæquali, intermittente, lipothymiis, cordis palpitatione, hæ-
morrhagiis, modo torpore ac somnolentia, modo inquietudine atque delirio: Facies palleat, mox cum oculis rubeat, aut cum unguibus aliisque membris livescat. Nec in defunctis veneni vim omnimode cessare, sibi persuadent, sed Cadaver quoque lividum conspici, nigricans ac tumidum, fracedinem molestam olere, ungues nigrescere ac cum Capillis facile evelli, Ventriculum, intestina, interdum reliqua etiam viscera, erosa, sphacelata aut alias evidenter immutata seu corrupta, item sanguinem intra vasa coagulatum, existere.

Quibus phænomenis alii circumstantias & præsumptiones quasdam particulares magis jungunt: nimirum, quod intrinsecus generata venena non cum tanto impetu, sed lente agant, propinata mox ferocius ac repente irruant, interna ut plurimum cum febre se prodant, externa secus. Item si de nullo contagioso & acuto morbo in ædibus aut vicinia constet, si symptomata enarrata continuo & sine intermissione affligant, vomitu rejecta, cani similive animali exhibita, hoc evidenter atque insigniter lædant ac interficiant, & inter
cœtera

cœtera symptomata aliquod infrequens ac paradoxum maxime, cuiusve nulla alia ratio dari queat, compareat, v. g. risus sardonius, certorum alimentorum fastidium &c. inprimis si hoc veneno cuidam externo proprium seu individuale extiterit, v. g. mentis stupor, totius corporis pruritus, solius Opii producta, organorum urinariorum cruciatus, mictio cruenta &c. Cantharidum effectus, pulmones maxime lædat *Lepus marinus*, similiaque phœnomena.

Sed, prout superius innui, promiscua ac communia sunt hæc ^{Qualia ta-} cuncta phœnomena internis ac externis venenis, adeoque ex illis ^{men signa} ^{utrique} ^{commu-} ^{nia} solis hominem potionatum fuisse, concludere satis temerarium videtur: cum penes plerosque rerum Medicarum Scriptores in confes-
so sit, generari posse in nobis venena ejusdem plane indolis, perniciosi atque effectuum, quos ab extrinsecus adhibito, etiam lethali maxime,prehendimus. Neque tamen, cautiones & animadversiones illæ enarratæ, utut conjecturæ, infallibilitati seu certitudini veneni hausti locum concedunt: Quatenus primo nihil impedit, quominus hominis, ad sensum perfecte sani & laudabili victu commodave diætâ fruientis, ex variis & nos omnino latentibus causis, crasis ac œconomia derepente & ad exitium ejus usque inverti & destrui valeat: utpote qualem non raro in febrem acutissimam ac pestilentem incidere, adeoque optimam aliquando constitutionem in pessimam ægritudinem abire, quotidie experimur, i. e. monente *Mesue*, interdum robusti & qui sine omni languore videntur, subito deficiunt ac moriuntur, causa ignorata & soli forsan Deo cognita. Deinde licet concederem, illum, qui optime sanus, & nullum in diætâ errorem commisit, (quo cum *Galeno Zacchiam* aliosve inclinareprehendo) si subito moriatur, forsan ex potionatione occumbere, contra alimentis aut pravis, aut difficilioris digestionis, aut copiosioribus qui se ingurgitavit, aliquando per mortem supervenientem intemperantiæ suæ pœnam luere: non impossibile tamen pariter est, valetudinario & voraci homini venenum clam obtrudi, adeoque Venenatoris crimen imbecillitate corporis venenati & immoderatioris seu incongrua esculentorum ac potulentorum assumptione occultari, hinc mortis culpam in ipsum defunctum seu occisum injuste transferri. Præterea ad diætâ bonam non sufficit victus modera-

men, sed reliquarum etiam rerum non-naturalium excessus, inprimis animi commotionum, in specie terroris atque iræ, Medico & adstantibus minus noti, ex improvise affectibus vehementioribus ac corpus etiam sanum subito prostermentibus occasione existere valent, & quidem cum symptomatis quoque satis virulentis.

Atque incerta sunt.

Pariter, qui ex assumptorum suspectorum sapore, aut ex odore ingrato ac tetro Veneni præsentiam augurari sibi præsumunt, falluntur ac judicem fallunt: dum non tantum minus venenosa aliquando naribus ac palato multum horroris atque molestiæ imprimunt, sed nec venena cuncta tale quid præstant; inprimis cum sub exiliori dosi & aliis gratioribus diluentibus seu obtudentibus obvoluta eorum pleraque exhiberi queant ac soleant. Nec ex symptomatis reliquis, assumptionem talium immediate excipientibus, secure de veneno propinato pronunciare possumus, licet (fateor) illa præ reliquis forsan circumstantiis plus notitiæ suppeditent: dum motus humorum vitiosi ac impetuosiores, quales in cholera v. g. observamus, quæ perculsos *Fernelius 6. de part. morb. & sympt. cap. 3.* toxicum bibisse, autumari posse ait, etiam ipso cibationis tempore evenire valent, primas vias, organa vitalia & totum corpus mirum in modum ac ad interitum usque exagitant, quales Choleriæ historias horrendas *Hippocrates 5. epid. t. 4. & 10.* recenset, de quarum posteriore ita sentit *Valesius: Est hoc magnum quoddam exemplum venenorum, quæ in nostris corporibus gigni solent*; ut febres pestilenciales taceam, in quibus paria symptomata a corruptione, ac virulentia humorum, intrinseca gigni, *P. S. Diversus de febr. pestil. cap. 17. 18. & 19.* prolixè satis evincit.

Neque perpetuæ veritatis æstimandum, quasi accidentia veneni hausti repente invadant ac cum impetu mox prosterant; & in vulgus etiam innotescit, dari venena, quorum vis lento satis motu in actum erumpit, ut ex *F. Fideli sect. 3. l. 4. cap. 3. Codronchio meth. testif.* aliisque innumeris constat: neq; præceptum symptomatum ingruentia proprium & infallibile hausti veneni signum est, quod a corruptione quoque ac vitio intrinseco similem impetum aliquando experiri detur.

De cætero parum certitudinis innuunt illa phænomena, quæ
in

in potionatorum cadaveribus vulgo supponunt, symptomatis præcedentibus quamvis succedanea, v. g. illorum livor, nigredo, macula, intumescencia ac fracedo; quippe & hæc cum venenis intrinsicis communia gerunt hausta: hinc, annotantibus prudentioribus, v. g. *Fideli, Zaccbia*, ejusmodi corporum inspectiones perpetuam ac certiores veneni exhibitæ conjecturam suggerere nequeunt; Imo eorum nonnulla, v. g. Cor flaccidius ac torridum, falsæ innituntur hypothesi, quasi omnia toxica machinam hanc immediate ac potissimum petant. Cujus etiam generis est, quæ de Capillorum defluvio & Unguium faciliore evulsione communiter tradunt. Multo minus, quod a dissectione ac lustratione interaneorum ejusmodi cadaverum sibi promittunt Jureconsulti pariter ac Medici, venenum haustum sub textura & compage naturali in visceribus primæ reliquarumve digestionum semper reperitur, nisi forte ejus moles major fuerit: cum Arsenici, Mercurii sublimati similiumque frequentiorum tantillum, quantillum nihilominus ad enecandum potens, inter ventriculi ac intestinorum mucilaginosæ ac stercoreæ liquaminæ, conspici hincque evolvi vix possit; neque tamen, si tale quid non reperiatur, inferendum veniat, non fuisse propinatum, potissimum, cum Mercurialia concreta salina, aut a vehiculis fluidis, aut humiditate illorum organorum, brevi deliquentur &, quominus conspici queant, in minima discontinuentur, quamvis si tale quid offendas, de Venenatione facta te ulterius ambigere haud sinat. Præterea examen hoc tantum locum habet aut quadrat, ubi venenum ore assumptum ac præsentaneum extiterit: secus ubi alia ratione corpori applicatum & ad interiora derivatum, v. g. naribus attractum idem fuerit, & post longius demum ab haustu intervallum de eodem per effectus tardiores suspicio exoriatur.

Magis difficile erit opus, si quem post venenum haustum eluctari contingat, decernere, an ille ex potionatione ægrotarit, & præter signa enarrata ac ante obitum attendenda, fatis dubia, vix certiora alia in ejusmodi casu dantur. Dum enim *Cardanus, Nicol. Florentinus* alique morbum difficilem ac diuturnum, cum doloribus vagis, ac depilationem talibus hominibus familiares asserunt, conjecturam haud adeo urgentem subministrant, hincque vix attendi mereantur:

Nec phœnomena cadaverum certitudinem potionationis præstant.

Nec per sectionem cadaveris venenum semper reperire licet.

Difficilior censura erit, si quis a potionatione evaserit.

rentur : utpote nec cunctorum venenorum externorum effectus, nec his proprias, sed cum nonnullis internis, v. g. pestilentiali, venereo, communes, affectiones & pedissequas.

Nec febris
dicernere
facit vene-
num intus
genitum
ab assum-
pto.

Nec absolute & indifferenter concedendum, internum virus cum febre, externum sine febre, actuari, utriusque enim contrarium quotidiana evincit praxis: dum Pestis v. g. quæ morborum sine dubio venenosissimus, & virulentia narcotica interna, perinde ac externa, non raro febris sensibilis expertes existunt, & sine hac perimunt, neque omnis humorum malignitas, animadvertente *H. Saxonica lib. 10. de plica cap. 34. & 35.* putredinem, nec hanc quævis febris, supponit, quam nihilominus concludendi rationem, pro febre virulentia humorum intrinsecæ necessario combinanda, *Zacchias lib. 2. tit. 2. quæst. 7. num. 5. & 6.* maxime commendat. Contra toxica etiam hausta, febres frequentius patrant, v. g. Calx viva, a puero improvide devorata, annotante *Amato Luf. cent. 5. cur. 91.* item Mercurialia, variis modis applicata, ut vel illi testari poterant, quos a salivatione perperam administrata aliquando cum febre succumbere evenit. Præterea nonne febricitanti, vel in febrem declinanti, propinari poterit venenum, quod cum febre interficiat febre per se lethali minime laborantem?

Nec conta-
gii absen-
tia ac præ-
sentia.

Quæ de Contagii præsentia & absentia communiter edisserunt, quasi illa virulentiam internam, hæc toxicum oblatum, innuat, item de exacerbationibus periodicis, venenis internis tantum, non externis, solennibus, ita reprimat *Rejes Elys. camp. jucund. quæst. 64. num. 34.* quod hæc equidem signa negativa, non positiva, veneni externi sint, & venenari etiam queat, qui ex apparatu morbofo mox simul in febrem, ut dictum, aut alium morbum conjiciatur, a veneni præsertim sævitia ac conturbatione, humore vitioso commoto, qualis affectus in potionato quoque suas exacerbationes habeat; hinc male inferri observantur accessiones in ægro, E. venenum non hausit. Quibus adjicio, non quemvis morbum malignum semper & mox contagium involvere seu exerere, &, testante experientia, peste decumbentes, horumque cadavera nonnunquam sine hujus susceptione ab aliis tractari: contra naturæ haud penitus refragari, venena extrinseca contagiosa existere, ut canis rabidi virulentia, morfu impressa, comprobat.

bat. De cœtero levissimæ armaturæ seu rationis argumentum est, quo periodicas exacerbationes venenis internis proprias fingunt, dum ajunt, hæc semper in aliquo quatuor humorum Galenicorum, sc. bilioso, pituitoso &c. fundari & ad horum motus commoveri: venenum vero haustum per se, adeoque motu perpetuo & uniformi, agere. Nondum quippe probata est virulentia intrinsecæ cum humoribus illis fictis combinatio, nondum evicti humorum istorum determinati motus: quidque demum impedit, quominus modo biliosus, modo pituitosus venenum hauriat, quod motum pituitæ bilis &c. quotidianum, triduanum &c. sequatur? cum potissimum diversa potiorum constitutio intrinsecæ, sive naturalis, sive præternaturalis, toxici efficaciam varie moderetur, eandemve modo intendat, modo deprimat &c. ut quotidiana loquitur experientia & communis Doctorum consensus.

Fallax itidem est Experimentum, quo *Cardanus* materiam, vomitum rejectam a Gallina, aut *Zacchias* a cane similive animali, innoxie devorata, venenum intrinsecum, sin vero animalia hinc sensibilter lædantur, extrinsecum, denotare asserunt. Quatenus *primo* non quævis venena cuiusvis animali æque exitiosa sunt, v. g. Opium canibus, & juxta *Philosoph. Transact. Anglor. n. 27.* aqua quædam Jamaicæ falsa hominibus noxia, suis congrua, observatur: Doronicum canes enecat, Rupicapras, Alaudas ac Hirundines commode nutrit ac hominibus contra diversos affectus salutare deprehenditur remedium, testante præter *Matthiolum in 4. Dioscord. cap. 71. Gesnerum 2. epist. 20. Septalium g. Caution. & animadvers. med. §. 54. ac 55. & Camerarium in Epit. Matthiol. cap. de Aconito Paradalianch. min. experientia.* Nux Vomica feles, canes & aves interficit, non hominem, v. g. in Electuario de Ovo & Camphorato Kegleri: quemadmodum præter Aloë ac Amigdalæ amaræ annotante *P. Pona & Lobelio* vulpibus venenum, homini medicamen, præstant. Ut taceam nec cuncta venena omnibus æque individuis talia existere, prout diversis exemplis superius declaravi. *Secundo* si ab aliorum animalium tabo virulentus, v. g. canis rabidi, viperæ, venenatur homo, cur non ab humoribus malignis, quos intus productos idem vomitu rejicit, bruta, eosdem absorbentia? inprimis cum vomitus similiaque recrementa,

Non omnia
venena om-
nibus ani-
malibus
taliter de-
prehenduntur.

Nec omni-
bus indivi-
duis huma-
nis.

Etiā in-
tus genera
venena re-
jecta alia
nocent.

peste decumbentium aliis virulenta satisprehendantur: ita ut *Hodges de Peste Londin. f. 1.* inter causas ejusdem furoris fere implacabilis illam Nutricum in ædibus occlusorum seu segregatorum malitiam diram referat, qua his tincturam saniei pestilentialis haurientem exhibuerint, sicque pestem incusantes, mortem intulerint.

Nec symptomata infueta & vehementiora, semper de veneno propinato æstuantur.

Quemadmodum dubiæ pariter conclusionis manet argumentum, quod a symptomatum minus frequentium supervenientia, imprimis talium, quæ venenis quibusdam externis propria & specifica magis creduntur, petitur: dum illorum ingens & aliquando stupenda satis Syndrome a convulsionibus partium internarum, affectione hysterica, scorbuto similibusque anomaliis interdum observatur, quæ adstantibus non tantum, sed Medico quoque, alias satis cauto, non phycas sed hyperphycas, causas subesse, persuadeat. Et quamvis v. g. Opium hoc præ cæteris venenis peculiare agnoscat, ut delirium cum stupore inducat; quin tamen parem vim narcoticam aliquando suscipiant fluida nostra intrinseca, experientiæ repugnat, dum homines sine causa manifesta apoplexiam, coma vigil, catalepsin &c. incurrere non adeo infrequens existit phænomenon: quæ vero huic narcosi opiatorum adduntur, prurigo & color totius citrinus cum odore opiæ exhalante, non perpetuæ observationis sunt. Pariter de Cantharidum veneno conjectura equidem haud exigua exoritur, si de dolore ac ardore organorum lotii excretioni dicaturum, atque mejendi difficultate conqueratur æger: ast quo minus in nephridite v. g. notha scorbutica, cum aliis gravioribus symptomatis, v. g. Vomitu, Colica, anxietate præcordiorum, simile quid accidere queat, nihil est, quod moratur, ut vel ex solo *Drawitio* de Scorbuto demonstrandum. Quæ de leporis marini virulentia communiter tradunt, quasi, qui illum assumpserint, piscium fracedinem oleant, sapore viroso simili molestantur & pulmonum erosionem experiantur, nec hæc omni dubio carent: cum *Ægineta*, *Aëtius* & *Rondeletius*, quorum posterior *lib. 17. de pisc. cap. 11.* singularem nihilominus de venenositate hujus piscis historiam refert, horum symptomatum haud meminerint; aut de veneno hoc, utpote majoris molis, non adeo commode occultando inprimis penes nos, quibus piscis hic ignotus, vix erit metuendum. Aut, si forsan nominatis his veneno-

rum

rum speciebus propria illa concederem symptomata, ex particularibus his non, nisi particulares conclusiones formare contingeret: i. e. opium v. g. epotum ex narcosi equidem superveniente satis probabiliter suspicari, minime vero ex narcosi absente miserum ejusmodi non potionatum fuisse, inferre liceret.

Quibus accedit præter choleram, anxietates præcordiorum, li-
 pothymias, hincque subitanæ mortem, nulla aliquando sympto-
 mata in intoxicatis, nec in horum cadaveribus semper aliquid macu-
 larum, livoris, intumescentiæ, fracedinis similiumque impressionum
 virulentorum seu veneni vestigiorum observari: unde E. petenda
 in his epoti veneni signa? Id est, concedo equidem, dari forsan ali-
 quando ejusmodi venenationis casus, in quibus medica phænomena
 & observata suspicionem illius confirmant, rariores tamen forsan
 tales existere: frequentius autem obvenire, in quibus sive asserendis
 sive negandis ambiguos nos dimittat nostra ars. Hinc plus, quam
 par est, ab hac postulare videtur Jurisperitus, nisi forsan subministret
 idem alia seu externa testimonia atque indicia exhibitæ toxicæ, v. g.
 odium subdolum, veneni emptionem vel præparationem &c. Ut-
 pote sine quibus æque difficile est Potionationis crimen, ac suspectam
 virginitatem sola inspectione, evincere. Equidem, si cuncta vene-
 ni ab extra admissi signa, aut horum plura, sub conditione desidera-
 ta, conspirent, evidentem ac certam notitiam illius rei nobis conci-
 liare possunt: at, quia rarissime tale quid evenit, ob symptomatum
 ac phænomenorum, cum ægritudinibus, a causa intrinseca genitis,
 conspirationem atque analogiam summam, prudentis erit Medici,
 non qualibet conjectura, quæ ad curandum venenum quidem suffi-
 cit, mox ad deponendum coram Magistratu, qui crimen non, nisi
 morte expiandum, eruere contendit, uti.

Casibus his difficilioris determinationis, annotante F. *Fideli l. a.* Quemad-
 modum, cap. 4. accenseri debet in specie, si i. quem potionatum suspicamur,
 valetudinarius aut perversa diæta vel hætenus, vel brevi ante sym-
 ptomata lethalia, usus fuerit: cum dubii tunc hæreamus, annon
 æque ab alterutrius hujus potentia, ac a veneno externo, mors adeo
 præceps evenerit? id est, ad minimum, quæ a morbo aut errore
 in victu occubuisse credimus, a toxico occubuerit? Qualem quidem
 prava diæ-
 ta utuntur

It. in con-
stitutione
pestilen-
tiali.

ambiguitatem me non fingere, sed aliquando revera obvenire, observatio innuit, quam *Zacchias Consil. 15. & 16.* exponit. Sc. Tonso-rem, hactenus satis sanum, postquam cum amico affluentius pransus erat, elapsis paucis diebus in Ictericam ad virorem totius, hinc, nulla cura adhibita, in dementiam, incidisse ac tandem vitam cum morte commutasse. Cujus cadavere aperto intestina inflata & coloris citri apparuerint, Pericardium omni humiditate destitutum, Sanguis in Cordis ventriculis congelatus & ipsius Cordis substantia pravi coloris, Caput & Labia valde tumida, Pulmones coloris citrini & secundum alas nigricantes, Lien mollis ac diffluens & alia nonnulla veneni propinati signa. Quibus non obstantibus *Zacchias*, hunc non tam a veneno, licet etiam hujus exhibitio plene probata fuerit, quam interno ac naturali morbo, per pravam dietam inducto, periisse, satis probabiliter declarat. Aut si 2. sub pestilenti similive constitutione epidemica subito quis concidat ac emoriatur: dum usque adeo perniciofa est aliquando atmosphæra contagiosa inspiratio, ut vel potentissima æquet ac superet venena; quemque nihilominus illa haud interimat, venenum tunc temporis exhibitum, sub contagii specie, abripiat. Qualis casus recôrdor, dum sub principio pestis ultimæ nostratis, sc. anno 1679. mense Julii, a Prætoris oppidano postulat pueri, ni fallor quinque annorum, veloci admodum morte & non sine omni veneni cum brodio ingesti suspitione defuncti cadaver aperiebam atque inspiciebam, nullam ejus notam observans: quem contagium pestilens extinxisse, ex postfacto evidentes satis circumstantiæ innuebant. Et raro adeo manifesta phœnomena deprehenduntur, quæ venenum pestilens a propinato discernere concedunt, ac historia illa complectitur, quam *Zacchias Consil. 77.* de Tiberii cujusdam Olympia recenset. Hæc vigente peste febre & vomitu corripiebatur, capitis dolore, siti ac ingenti inquietudine & cum insequente tertio die inguinum aliquali dolore, quamvis hoc sine insigni tumore ac rubedine, quarto die decebat: a marito aliisque peste sublata, a propinquis suis ex veneno, ab illo porrecto obiisse, dicebatur. Ventilat hunc casum rogatus idem *Zacchias* satis equidem nervose ac dilucide in contagii pestilentis vim morbum & mortem Olympiæ conjiciens: haud tamen ita Tiberio causam dicit, quin, an-

non

non sub symptomatis pestilentialibus toxicum propinatum agere valuerit? dubitandi locus maneat; i. e. nonne perinde ac diatæ errores, in se haud pestiferi, in pestem frequentius conjicere solent, tempore & in loco, quo pestis flagrat, venenum, corpus maxime conturbans & exagitans, pestis larvam induere queat?

Non minor 3. in propinati toxici dolo discernendo difficultas ^{Aut si len-}prehenditur, si non præsentaneum, sed temporarium, extiterit ^{tum vene-}ilud: seu si quis ejusmodi veneno interficiatur, quod tardius demum ^{num fuerit}vim suam exerit, ac lento valde marcore spirituumque extinctione, ^{propina-}hominem necat; utpote ab alimentis, quibus forsan commiscetur, ^{tum,}ita subactum ac refractum, ut nec sapore, nec ulla activitate mox post sui assumptionem se prodatur. Neque enim forsan infallibile, temporaneorum venenorum criterium credendum illud *Zacchia Consil. 13. num. 12. & 13.* quasi hæc non adeo sæva excitent symptomata, sed lenta tantum febricula vires & humiditatem naturalem depopulentur: quod experientia convincamur, nonnullos, quos talia haussisse, non levi conjectura constat, enormioribus doloribus colicis, alvi diuturno fluore, convulsionibus atque epilepsia, sine ulla febre, aliquando etiam sine notabili contabescencia, nisi quam reliqua symptomata præstant, extingui; adeoque ejusmodi toxica cuncta a *Cardano 1. de Venen. cap. 12.* minus apte ad tabefacientium genus referri. Perinde circiter ac virulentia, a canis rabientis morfu impressa aliquando ad aliquot septimanas nedum menses in corpore demorfi latitat, & tractu demum temporis longiore in gravissima & lethalia erumpit symptomata. Quemadmodum porro 4. intoxicationem, quæ per solum contactum externum fit, v. g. vestimentorum venenatorum, aut olfactu inspiratorum, vix ulla veneni nota sensibili dignoscere datur.

Casum perspicuum satis ac de potionationis credulitate sufficienter deponentem exhibent Acta publica, super quæ Collegii nostri Judicium Anno 1670. mense Julii petebatur. Ubi convicta uxor ^{Exemplum}confitebatur se marito Arsenicum citrinum in jusculo exhibuisse, a ^{potiona-}cujus assumptione ille hætenus sanus mox male se habuerit, hinc ^{tionis evi-}reliquum jusculi averfatus, ac ab eo momento vomitum continuum, ^{dentioris.}anxietates cordis, cardialgiam, resolutionem & lassitudinem membrorum

brorum spontaneam & vehementiores tandem convulsiones, hasque mortiferas, passus fuerit. Inspecto cadavere, hoc in cute copiosissimas rubras, fuscas ac lividas maculas & papulas nigricantes, abdomen vero ac intestina valde tumida, monstrabat; horum atque mesenterii vasa sanguine turgidiora, in ventriculo liquamen foetidum, ac fuscum & hujus tunica interior manifeste erosa cernebatur. Ex quarum circumstantiarum collectione secure & certius inferre licebat, defunctum non a morbo, cujus causa interna extiterit, sed ex propinato Arsenico citrino, toxico, periisse: quale quid tamen non adeo frequens observatur.

De maleficio facto deponere, difficile.

Maleficii & incantationis indicia determinare rem arduam dum Juri proclamant, haesitabunt magis Philosophi ac Medici in productis per fascinum & incantationem infirmitatibus innuendis, ab illis, de hoc negotio ut deponant, frequentius postulati: uti vel ex *Amati Lusit. 6. curat. 87.* constat, qui, cum mulier quaedam suspicionem, quasi Juvenem Nobilem incantamentis surdum reddidisset, incurreret, an surditas illa a Veneficio, an causa naturali, provenerit, a Judice rogatus, prudenter maxime pro rea renunciabat. Cujus pariter generis est Consilium *Zacchia quest. med. leg. tom. 3. Consil. 49.* quo Scriptor hic, postquam morbi quidam insoliti, horrendi, ac mirabilibus symptomatis stipati urbis certæ & de personis maleficii maxime suspectis famosæ, diversos utriusque sexus incolas corripuerant, Medicorum illorum peritiorum, qui prædictorum curam haecenus gesserant, & a quibus magistratus petierat, utrum illos ex naturali, an supernaturali potius causa ac diabolica arte ægrotasse, putarent, hincque non sine ratione firma diabolicam malitiam in his morbis subesse asserentium, opinionem, consultus itidem desuper, comprobavit & confirmavit.

Equidem cur ambigam, minus habeo, dari veneficia, seu morbos similesve noxas per fascinum aut incantamenta & dæmonis ministerio nonnullis concitari, quacunque demum ratione a malignis ejusmodi hominibus illud fiat, ut videre est apud *Sprengerum Mall. malefic. l. 2. quest. 11. & 12. Mart. del Rio l. 3. disquis. mag. sect. 2. quest. 4. Torreblanc. de Magis 2. cap. 40. & seqq. J. Baptist. Codronch. 1. de morb. venefic. Hucher. de sterilit. l. 4. Sennert. 6. prax. part. 9. cap. 1. 2. & c.*

neque

neque JCtis nec Medicis deficiunt indicia seu signa cognoscendi Sa-^{Indicia}gas, Veneficos, Alumnasve, ac discernendi infirmitates similiaque^{vulgaria} fascina amoris, odii &c. imo mortem forsan, ab illis illata, recensita^{infirmita-}a *Carolo V. Constit. crimin. artic. 49.* & in has commentatoribus variis, ^{um a}maléficio;
v. g. *M. Stephani, Carpzovio, it. Berlichio part. 4. concl. 4. num. 144. &c.*
Jul. Claro §. finis, quest. 21. n. 1. 2. &c. Crusio de Indic. delict. part. 2. c. 32.
Torreblanc de Magis loc. alleg. Zangero de quest. & tortur. cap. 2. n. 1. 2. &c.
Dan. Möllero in Constit. Saxon. part. 4. const. 2. num. 13. Martino del Rio 6.
disquis. mag. cap. 2. §. 2. quest. 3. Codronchio 3. de Morb. venef. cap. 11. 12.
& 13. ac F. Fideli 2. §. 2. c. 5. tam remotiora, quam propinquiora, ea-^{Vix tamen}
que præsumptiones seu conjecturas satis probabiles in usum Medi-^{sufficien-}cum, ut talem, suggerere palam est. Quia tamen in foro, seu in a-^{tia.}ctione criminali, ubi sc. de ultimo supplicio irrogando aut declinan-
do agitur, ejusmodi indicia minus sufficiunt, sed plenior requiritur
probatio, i. e. ut loquuntur, concludentissima seu luce meridiana cla-
rior: *judicium* etiam in his casibus *difficile*, cum *Cæsalpino investig.*
demon. peripath. cap. 22. Codronchio l. a. c. 13. & Frommann de fascinat.
l. 3. part. 8. §. 1. cap. 3. pronunciare mihi liceat.

Non diffiteor, diversorum signorum in uno subjecto conspira-
tionem morbos fascino inductos promptè satis determinare, v. g. an-
tecedaneum amorem pellicis & cum hac intimiorem necessitudi-
nem, odium hostis, inprimis mala minitantis, factas imprecationes,
benedictiones, characterum, signorum atque imaginum, præsertim
crucis, usum, sanguinis, capillorum, unguium, excrementorum ac
vestimentorum clandestinas subtractiones, morbi vehementioris &
paradoxi præcipitem invasionem, post suspectæ potissimum personæ
contactum, medelæ hujus difficultatem & exacerbationem potius
ejus, sive ab usu remediorum naturalium, sive secundum horarum ac
dierum, v. g. sacrorum, diversitatem, sive ad personarum certarum,
præsentiam, sive loci mutationem, ac denique solutionum illius mo-
dos mirabiles, v. g. per excretionem & extractionem e corpore ac
partibus affectis inconsuëtorum insectorum v. g. ranarum, murium,
acuum, pilorum, stuppæ, corii, ferramentorum similiumque rerum
toto genere præternaturalium, seu quales per causas naturales in cor-
pore humano generari haud poterant : quemadmodum etiam ali-
quando,

quando, unum alterumve tantum horum, v. g. impotentia venerea e vestigio invadens, tentiginem virgæ, non coitum, permittens, odium conjugis sine evidente occasione, extractio acicularum, lintheaminum &c. e tumore admodum dolorifico, solitaria quoque idem evincunt. Sed quia signa ejusmodi pathognomonica solitaria raro præsto sunt, nec diversa illorum semper in uno subjecto combinare datur, seorsim vero comparentia & considerata interdum fallunt, quidam morbi incantatione excitati cum naturalibus multa communia habent, imo hi illis gravitate & vehementia nonnunquam pares deprehenduntur, illi aliquando etiam lento satis motu invadunt, conqueruntur de naturalium quoque morborum horumque causatum dignotione pariter ac medela perquam difficili quotidie Medici æque atque infirmi: non immerito hæsitat animus circumspectior etiam de credulitate tantum ejusmodi fascini deponere.

Accedit, quod dæmon non semper forsan affectus adeo enormes, paradoxos & insuetos inducere queat, nec soleat, sed aliquando naturalium faciem habentes, aut ab his parum admodum discrepantes: adeoque pro naturalibus haberi possint, qui supernaturales tamen, nullo sc. in oculos incurrente symptomate seu phænomeno supernaturali, quibus præstantissimos etiam Medicos satanam vel ludificare scribit *Wier. de præstig. demon. l. 1. c. 12. ad naturales eos ut referant causas, hinc curationem medicamentis frustra tentent*, ut sequens observatio docere poterit. Ante hos triginta quinque, ni fallor, annos me advocabat quædam hujus urbis vidua quinquaginta circiter annorum, ut adsisterem Chirurgo, medenti ulceri cancroso, ab aliquot jamdum menses mammam ejus sinistram depascenti: cui primam occasionem, ut causa evidens, ex commemoratione ipsiusmet miseræ, dederat contactus inopinus Chiromantæ, ex illo histriorum nefariorum genere, quos Ægyptios vulgo ajunt, manu temeraria pectus ejus involante, quo contrectationis momento eadem mox persenserat dolorem ardentem seu instar carbonis igniti, cum tantillo tuberculi intrinseci, sensim in tumorem cancrosum abeuntis, grandescens & post annum elapsum exulcerati. Cancer genuinus & verus affectus erat, cujus causam manifestam non tam contactum veneficum, quam terrorem hinc conceptum, opinati fuissent sine dubio

dubio cum agra omnes, inprimis quod nihil singularis & paradoxi, præter phænomena cancri ordinaria, affectus hic aleret: donec tandem biduo aut triduo ante foeminæ hujus obitum chirurgus, cum ulceri detergendo vacaret, & occurrentē intus heterogeneousitatem forcipe exiliore protrahere tentaret, Corii tenuioris & in extremitatibus suis incisuris dentatis seu ferratis notati, depromebat frustula tria, pollicis longitudine & latitudine paria, imo eorum duo notabiliter latiora, fascinationis monumenta vera, nulla autem conjectura hæcenus cognita. Quo etiam spectat, ex antecedaneis repetendum, ad venenationis crimen asserendum minime sufficere, quod pocillator aliquid sub specie & nomine veneni alteri propinaverit, i. e. pocillandi animum prodiderit, imo hunc & actum propinationis confessus fuerit, nisi Medicorum censura venenationem factam confirmet, seu venenum exhibitum ad interficiendum potens satis extitisse, & symptomata lethalia revera concitata fuisse, illi deposuerint. Ergo nec fascinatoris intentio, nec confessio, Judicem ac Medicum corrumpere debet, cum vanæ admodum de artibus suis magicis hominum, ejusmodi malignorum persuasiones sæpe sint, ipsimet ut plurimum, quid egerint, nesciant, deficiatque proin, quod Legum Administratores postulant, *Corpus delicti*, sc. ejusmodi effectus, quem a fascino immediate ac vere dependere, in propatulo est: postquam inprimis non absolum plane videtur, ejus artem vel a Deo, vel a levi circumstantiarum mutatione aut defectu, infringi & interpellari posse, contingat nihilominus ex alia causa, quod frustra intenderat Maleficus, v. g. si sub nomine alieno seu non fascinandi gesticulationes suas agat, si materia adæquata defraudetur, hinc sanguinem bovinum seu vitulinum pro humano, maris pro foeminæ, lac scrofæ pro humano, capiat sicque præter & contra suam intentionem haud noceat.

Striges aliquando falluntur.

Posterioris exemplum egregium *Camerarius de natura & effect. Dæmon. in proem. & Frommann de fascin. l. 3. part. 5. c. 3.* item *Wierus*, narrant de Judæo quodam, qui cum lac humanum a foemina sub certa pollicitatione, peteret, mediante quo hominum stragem meditabatur, ab eadem autem elusis lac scrofæ caperet, hocque capiti furis in patibulo pendentis infunderet simulque agitare, præter & contra intentionem suam luem concitabat non hominibus, sed porcis, exitiosam:

tiosam: qui nihilominus, si paulo post similem virulentiam epidemicam passi fuissent incolæ ejusdem provinciæ seu loci, facile sibi persuadere potuisset, se non porcos, sed homines, arte sua perdidisse. Constet pariter, v.g. vel ex confessione rei, vel testimonio aliorum, omni exceptione majorum, sagas ex partibus quibusdam infantis non baptizati unguentum illud famosum, *Paganum* dictum, parasse, læsum etiam fuisse sub ejus applicatione, aut brevi post eandem aliquem secundum intentionem ejusmodi Strigis: quia nihilominus hoc unguentum ingrediuntur res per se innoxia, adeoque ejus vis consumendi corpus hominis sani intellectum humanum transcendit, i.e. quomodo tale quid illud præstare potuerit, aut, quod revera præstiterit, per artem Medicam & ex principiis naturalibus evinci nequit; difficilem dico, imo spheram medicam superare mihi persuadeo Renunciationis negotium in causa fascini; perinde sc. ac secundum diversorum Jctorum Celeberrimorum effata cruentationi ad præsentiam illius, quem occisorem suspicamur, cadaveris, ideo, quod ambigua, periculosa & Judicis intellectum transcendens sit probatio, in ferenda de vita hominis sententia minime fidendum esse, superius monitum fuit. Constet porro, sagam bufonis vivi lumbos ac crura percussisse atque fregisse, & quidem in nomine certi individui, resolutos etiam fuisse brevi hujus artus secundum intentionem illius vesanae anus: hæsitat tamen mens, quia rationem physicam & genuinam reddere haud valet illius ad paralyfin usque fascinandi modi, annon ex causa alia magisque naturali, v.g. scorbuto, utut hætenus latente, potius hæc facta fuerit? Inter alia quibus maleficia aliis inferri sibi persuadent ejusmodi nefarii, sunt v.g. sanguis, sterces, unguium præsegmina capillive illius, cui nocere intendunt, qualia ossi cuidam vel cadaveris humani, vel canini, includunt, ac in ejusdem nomine sepeliunt, v.g. sub limine ostii domus, aut in via crucis formam habente: posito nunc, hominem illum, cujus hæc sunt, male postmodum se habere, imo lento marasmo perire, cui tamen mens ita stupefcat, ut hascum *Cardano* & *Wiero* non meras sentiat nugas? seu quis adeo præcipitis foret judicii, ut rem, nulla ratione perscrutabilem, veram enunciet? & quidem in necem alterius, quem criminis reum sine ratione declarat.

Aliquando etiam contingit, gravidas in ventrem gravius per-
 cuti, non sine abortus metu, imo ejusmodi foetus quoque læsionibus,
 quæ Judici conjiciendi & investigandi occasionem ministrent, annon
 has illi intulerit percutiens matrem, si inprimis stigmata & livores
 compareant in hujus habitu, ac de doloribus penetrantibus conque-
 ratur eadem. Ubi sane promptus largior, quasdam calcinationes,
 verbera similesque vehementiores ictus, gestantis abdominis parti-
 bus anticis ac lateralibus potissimum illatos, foetui etiam interdum
 sui vestigium imprimere posse, ut caput v.g. hujus tenellum con-
 quassent, calvariam & artuum quendam confringant, vasa rumpant,
 &c. confirmatus in hoc per avtopsiam pueri recens ac, intuitu putri-
 laginis jam dum evidenter in hoc conspicuæ, mortui editi; & jussu
 Prætoris Urbani Anno 1682. mense Martii a me dissecti. Intra cujus
 calvariam & integumenta externa molliora multum sanguinis extra-
 vasati, os occipitis a futura lambdoideæ tractu sinistro separatum seu
 avulsum ac depressum cernebatur, inter duram ac piam matrem au-
 tem pariter notabilis cruoris copia reperiebatur. Frequentius ta-
 men matris quoque ab ejusmodi ictu terrefactæ, imaginationem po-
 tentiorem, non vero ictum illatum, simile quid præstare, vel exin-
 comprobari potest, quod a metu saltem imminenti percussione ali-
 quando tale quid evenisse, legamus, v.g. penes *C. Gemmam Cosmocrit.*
lib. 1. cap. 6. de fœmina gravida, quam maritus excandescens, non
 adeo procul a partu, stricto gladio adoriebatur, hunc velut in calvari-
 am ejus adacturus, quæque, licet fuga sibi consuleret, paulo post in-
 fantem enitebatur, in cujus capitis illa parte, cui in matre acies mini-
 tabatur, ingens continui solutio comparuerit, sanguine ad nati subi-
 taneum exitium manans. Accedit, quod violentia extrinseca gravi-
 dæ illam corporis partem non raro afficiat, cujus læsio ad foetus mu-
 tilatam partem penetrare haud valebat: sicut ex Actis, Scabinatus
 nostratis Electoralis disquisitione quondam expositis, memini, quen-
 dam uxoris gravidæ cervicem manubrio securis percussisse, quæ fœ-
 tum paulo post edebat, capite (procul ab ictus matris illati loco seu
 hujus cervice) truncatum. Et vix quatriennium elapsum, quo ad
 Facultatem Nostram deferebatur casus, ubi in tumultu prægnantis
 cujusdam manus vulnerabatur, ejus abdomen atrociter calcabatur ac

Non o-
 mnes læ-
 gravidis il-
 lati in fœ-
 tum desi-
 vantur.

Sed sti-
 gmata hu-
 jus tantum
 a matris
 imagina-
 tione.

hinc inde ad livorem & dolores usque varios variis modis, contundebatur; quæ post trimestre partu tempestivo prolem pariebat, labio leporino horrendo, i.e. labium superius non tantum, sed gingivas pariter cum maxilla superiore & palato findente, deturpatam: qualem hiatum oris nullam matris contusionem aut fustigationem præstitisse, ex collatione situs foetus in utero, instrumentorum lædentium, similibumque circumstantiarum suspicabatur, sed terrori potius ac imaginationi matris verberatæ, in acceptis referebat dictum Collegium. Eodem circiter tempore sc. mense Junii 1696. a Prætorē hujus Urbis judicio meo exponebatur puerulus octo septimanarum, cujus Matri, Elisabethæ Langenbergerin/ die partum ejus præcedaneo colaphi incussi oculum præprimis hujus sinistrum contigerant, ut, an suggillatio ingens oculi illius pariter sinistri & hujus palpebrarum, demum in Cataractam abiens, connata percussionum illatarum productum existeret? renunciarem. Respondi, forsan non sine ratione, non tam a percussione illa Matris immediate, oculo ejus ab oculo foetus maxime distanti, illata, quam ab imaginatione ejusdem vehementiore, per ictum illum determinata, hunc oculi foetus tumorem evenisse. Imo aliquando violentiam externam simul cum imaginatione matris eundem foetum, diversis modis lædere posse, recitata observatio docet, ubi funiculis umbilicalis semel infantis collo & brachio dextro, bis vero cruri dextro, circumvolutus in partu deprehendebatur, agitationis & prostrationis matris violentioris effectus; labio leporino enormiore interim per imaginationem ejusdem concitato. Cujus etiam generis videtur, quem *Horstius lib. 5. cap. 36.* describit, partus monstrosus. Scilicet Opilionis uxoris, molam frumentariam forte prætereuntis, venter ab asino, fustibus exagitato & e foribus prorumpente, tertio imprægnationis mense eousque offendebatur, ut illa hinc maxime perterrita manum suam dextram mox oculis prætenderet: ex qua consternatione & vehementiore imaginatione matris factum, ut non solum ipsius foetus, circa septimi mensis initium editi, brachium dextrum oculorum ejus regioni (oculis ac naribus deperditis) adnatum, sed capiti quoque nova calva, vel cutis densior, asininis pilis horrida affecta fuerit; quin etiam ab ipso asini insultu ruptis vasis umbilicalibus e tenero embryonis corpore sculo

sculo epatis corpus cum potissima intestinorum parte extra umbilicum prodierit herniamque formarit.

Præterea Commotionem Cerebri, a graviore capitis allisione seu percussione factam, non raro mortiferam esse, per rationem non minus ac experientiam frequentiore edocemur: minime vero, aut rarissime saltem, individualiter seu in hypothesi, per avtopsiam illam lethality causam demonstrare conceditur. Cœcitatibus probationem diversis occasionibus Jura poscunt, v. g. si quis immunitate illius, ab his indulta, frui prætendat, aut alter ob excœcationem puniendus fuerit. Quia tamen cœcitatibus causa & ratio modo evidens satis, v. g. oculi evulsio ac enormior dilaceratio, palpebrarum coalitatus totalis; modo latens & dubia magis, i. e. si quis oculorum integrorum & apertorum aciem omnino perdiderit: posterioris casus probatio ac certitudo multum aliquando difficultatis implicat. Nam, cum actus, qui cœcis proprii censentur, & per quos cœcitatem evinci posse, Doctores communiter tradunt, dubiam satis videantur præstare probationem, quod ab illis, qui cœcos se gerunt, fingi queant, certiore a Medicis, tanquam in arte peritis, poscere jubent: haud attendentes, non æque facile his dignoscere licere omnes oculi internos seu latentes affectus, v. g. guttam serenam, nervorum opticorum contorsionem hincque evenientem cœcitatem in illis, qui de simulatione hujus symptomatis suspecti, ac in his, qui miseriæ suæ opem penes Medicum quærunt.

Non minor est difficultas in furditate ac mutuitate ficta a vera discernenda, munere nihilominus pariter ad Medicos devoluto, ut ex *Mascardi vol. 2. concl. 1037. num. 1. & Finckeltusii obs. 45. num. 6.* in muto suspecto videre est: quasi sc. vitiorum horum causæ in organis semper adeo manifestæ sint, ut sensibus pateant; cujus tamen, contrarium loquitur praxis, etiam in ejusmodi subjectis, quibus defectus hi vere obtigerunt, horumque causarum dignotionem ac medelam a Medico expetunt. Ut taceam, prout *Fidelis l. 2. c. 4.* annotavit, ad fauces retracta ac reduplicata lingua inspicientem falli posse, ut non mutum tantum, sed lingua quoque mutilatum, quem dejeraret.

Demum frequentius, an mortuus qui mox a nativitate reperi-

Nec, an vi-
vus, an
mortuus
natus?

tur, partus vivus mortuusve enixus fuerit, deponere jubentur Medici a Prætorè, in causa seu suspitione infanticidii : quod hætenus quidem tentarunt per circumstantias, ab obstetricantibus ac cæteris testibus assertas aut negatas; nunquam tamen quæstionem hanc inter Medico-Legales ita fuisse relata, ut ex cadaverulo hujusque extispicio, i. e. per rationes mere physico-anatomicas, judicium certum formet Prosector, ex evolutione Scriptorum, qui de Renunciationibus commendati fuerunt, sc. *Parai, Fidelis, Codronchii, Zacchia, Welschii*, it. Jctorum, qui talia tractant, constat. Adeo ut, quod per interaneorum nati lustrationem nunc, ubi de infanticidio præsumptio est, testificare adigantur Medici, non Legibus, sed sibi met, aut potius nonnullis artis suæ sociis in experimentis formandis & conclusionibus hinc eliciendis justo præcipitibus, imputare debeant. Horum enim nonnulli ex *Galeno 15. de usu partium 6. Piccolhomino, Laurentio, C. Bartholino, Veslingio, &c.* annotantes, substantiam pulmonum in foetu rubram, densam & gravem, in edito subalbam, raram ac levem, observari, & secundum modernos quosdam, v. g. *Harveum, Highmorum, Thrastonem, Th. Bartholinum, Swammerdamium, &c.* ideo seu per compagis hujus disparitatem pulmones foetus, aquæ injectos, mox submergi & præcipitari, nati supernatare: an partus vivus mortuusve a matre exclusus fuerit, ex dicta pulmonum supernatatione aut submersione decidere sustinuerunt. Quod tamen Experimentum, quamvis quæstioni illi theoreticæ, an foetus in utero respiret? discutiendæ, cæteris paribus congruum satis existimem: ut documentum & signum nihilominus fidum ac infallibile, quale idem plurimos hætenus sibi concepissem, cum stupore observamus, pro controversia decernenda: An natus in utero, an extra eundem demum, obierit, occisusve fuerit? & pro defendendis aut inculpandis seu convincendis infanticidis, nunquam admittere potui, donec sc. discussas viderim difficultates, quæ testimonii hujus fidem sublestat seu dubiam reddere valebant, nimirum sequentes.

Etiā
mortui nati
pulmones
inflatione
ad natan-

Fluctuantes super aquam pulmones infantis esse, qui a nativitate respiraverat, promptius concederem, adeoque hinc commode satis inferri, E. infans, cujus illi sunt, vivus partu exclusus, ac natus demum vel sponte expiravit, vel per vim quandam extinctus fuit: nisi obsta-

ret

ret primo, tantillo aëris, intra uterum maternum mortui ac nati fau- dum ^{dis} cibis inflato, hujus pulmones vivi nati pulmonibus similes, id est, al- ponuntur. bos, raros & natatiles, reddi posse, perinde ac e fœtu mortuo exsecti per aliqualem aëris inspirationem tales evadunt, ut postmodum vix ullo molimine (nisi forsan per antliam pneumaticam omni aëre probe evacuato) denuo ad omnimodam & naturalem subsidentiam disponi queant; qualem fallaciam *Bockelman* quoque penes *Blanckart. Collect. phys. med. cent. 5. obs. 92.* admittit. Ejusmodi equidem virulentum ac malignum hominum genus fingere nolo, quod phœnomeni hujus gnarum, talem rarefactionem pulmonum intra uterum mortui infantis attentet, matremque hujus innocentem crudeli plane ac maligno affectu in infanticidii præsumptionem conjiciat: illum tamen casum nunquam dabilem seu impossibilem plane nemo prudentum asseret, quin ipsa mater, pia satis & quam tenerrimæ conscientiæ, quo fœtum debiliorem & syneopizantem mortis faucibus eripiat, ori ejus aliquid auræ inhalet, perinde ac ab Obstetricibus in ejusmodi ancipitibus casibus atque angustiis fieri solet, sicque vere, etiam ante nativitatem mortui pulmones, in sui propriam necem, explicet seu natationi adaptet. Quemadmodum non tantum catulorum mortuorum exsectorum pulmones levi aëris impulsu me eousque distendisse, memini, sed in cadaveribus recens natorum, propter infanticidii suspicionē hinc inde dissectis, me atq; adstantes idem docuit autopsia, testaturq; idem *Reygerus in Misc. Nat. curios. dec. 1. ann. 6. obs. 202.* Sc. aliquot elapsi sunt anni, cum ab Amplissimo Civitatus hujus urbis senātu in pagum vicinum evocarer, ut de nati cadaverulo, an culpa matris (de infanticidio suspectæ) obierit, renunciarem, advenientes non tantum ex hujus, sed Obstetricis quoque, quæ huic in partu opem tulerat, cœterorumque adstantium, relatione intelligebamus, fœtum non modo aliquot ante partum horas in latere, ni fallor, sinistro abdominis materni sine omni motu seu in glomum quasi convolutum jacuisse, sed mortuum quoque, i. e. sine motu aliove vitæ indicio, prodiisse, nisi quod, postquam eadem Obstetrix ipsius faucibus spiritum inhaledat, bis adhuc exhalare visus fuerit, non gessisset. Nosmetipsi cernebamur cadaver partui perfecto & maturo simile, ejus funiculum umbilicalem hinc inde putrilaginosum.

(qua-

(qualem corruptelam in secundinis remotis quoque afferebat Obstetrix) totum habitum marcidum & flaccidum valde, nullam vero violentiæ illatæ notam, observabamus. Unde Obstetrici subscribere jubebamur, & quidem per phœnomena relata, mortuum hunc partum prodiisse, quem mater, obstetricem ipsamet accersens, celare noluerat. Quo autem etiam hac occasione controversiam illam, de innatantibus ac submergentibus recens natorum pulmonibus, per experimentum ventilarem, e thorace tenello hos extractos, fatis albicantes, aquæ injiciebam, cui supernatabant, fœtus nihilominus in utero mortui: sine dubio, quod aliquantulum explicati fuerint, facta ab Obstetrice aëris inspiratione. E. quod probandum erat, hæ-

Dubium
erit hoc
experi-
mentum
in putre-
scente ca-
davere.

tenus negatum, *Aliquando pulmones mortui intra uterum fœtus aque supernatant.* Minus vero tutum seu fidum erit hoc subsidientiæ atque innatationis Pulmonum experimentum, ubi putredinem jamdum sustinuit cadaver: quatenus per hanc quidem pulmones illius nati, qui respiravit, ad demergendum haud facile disponuntur, dum cunctæ illorum compagem constituentes vesiculæ per putrefactionem aliqualem ac inchoatam tantum eousque lacerari & destrui nequeunt, ut omnem aërem haustum dimittant; disponi nihilominus ad fluctuationem super aqua forsitan possunt illius, qui nondum respiravit, sed mortuus natus, mediante sc. rarefactione illa, quam putredo cadaveribus horumque membris præstat, ut quæ eorum aliquandiu in profundis aquarum hæserant, postmodum in sublime earum ferantur & his supernatent, quale quid etiam vulgi experientia tradit.

Etiam sub
partu re-
spirare
potest ali-
quantulum
fœtus, qui
mortuus
nascitur.

Deinde in Dyftocia non raro evenit, ut ruptis secundinis ac profusis aquis ambientibus fœtus intra uterum aliquandiu adhuc hærens aëris tantum per vaginam admittere, & intra pulmones suos recipere valeat, quantum ad hos tantisper explicandos atque natatiles reddendos sufficit; mortuus nihilominus demum exturbatus. Cui conjecturæ etiam litare deprehendo illos Medicos, qui penes *Blankartum l. a.* Ruyschio, Medicis Ultrajectinis, Batavinis & Bockelmanno, experimentum de submergentibus & natantibus pulmonibus pro vivo aut mortuo nato profitentibus, contradicere annuntur: quibus quamvis per omnia subscribere nolim, nec tamen Bo-

ckelmanno

ckelmanno, dum *l. a.* aëris ejusmodi introitum impossibilem plane, argumentis quibusdam reddere conatur, assentiri possum; quatenus foetum sub difficili partu nonnunquam sensibilibiter satis anhelareprehendimus. Neque doctrina Cartesiana ac Swammerdamiana, de aëris ad uterum & foetum denegato impulsu, quam *Bockelman.* omni dubio superiorem supponit, item, de compresso ab utero, post effluxum aquarum e secundinis ruptis subsidente, foetus ambitu, hincque illius admissione denegata, difficultati motæ declinandæ par est: postquam illa hypothesis de impulsu aëris dudum jamdum confutata hinc inde legitur; conniventium autem uteri parietum renitentia vix tanta, quin a foetus motibus illi aliquatenus dilatari sicque thoraci foetus distendendo & aëri, vaginæ uteri viciniori locus & aditus aliquis parari queat; Potissimum cum ipsemet *Overkamp.* *Oeconom. animal. cap. 12.* quamvis strenuum propugnatores hujus experimenti se gerat, sponte concedat ac fateatur, quandoque partus in utero mortui pulmones aquæ supernatare: si nimirum foetus vivus in ipso partu, postquam respirarit, mortem obierit, utero nondum exclusus, seque in una foemina quatuor ejusmodi partus observasse perhibeat.

Et licet forsân recens natum respirasse atque vixisse ex pulmonum ejus natatu inferre concederem, incertam nihilominus ac fallacem maxime alteram experimenti hujus partem, hincque factam illationem minus firmam, suspicor, seu *ex sola submersione pulmonum natum in partu & post partum non vixisse*, adeo absolute mihi persuadere vix possum. Novi quidem allegatos Scriptores hoc foetus ante nativitatem extincti certissimum tecmirium asserere, recordor etiam, plerosque Medicos ac horum aliquot Celeberrima ac Prudentissima Collegia iisdem hactenus adstipulata fuisse, quæ cum illis sensu suo abundare lubens patior: nollem tamen ego causam sanguinis suspecto ejusmodi arbitrio exponere, & rem dubiam dubio & fallaci satis experimento dirimere; cum non desint argumenta, aut dubitandi ad minimum rationes maxime ponderosæ, quæ, *omnes natos, quorum pulmones, aquæ commissi, huic submerguntur, ante partum e vivis decessisse*, absolute affirmare haud sinunt.

Nec pulmones submergentes foetum semper mortuum innunt.

Etiā sine
respiratio-
ne aliquan-
diu vivere
potest na-
tus.

Nimirum, quod potentissimum hactenus visum, & a Physicis cunctis sub axiomatice fide suppositum fuit, theoremati, *Vitam & Respirationem paribus passibus ambulare*, seu, ut *Galenus 6. de loc. affect.* c. 5. ait, *Spirationem a vita, & vitam a spiratione separari non posse; adeo ut viventem non respirare & spirantem non vivere sit impossibile*, tantum autoritatis canonicæ concedere haud valeo, quin *vitam in recens natis respiratione aliquando priorem, seu aliquandiu etiam sine hac affirmem*, adeoque dogma seu axioma illud Scholarum commune precarium satis pronunciem. Quippe per experientiam quotidianam evidens est, quam suam quoque faciunt *Domini Medici Wittebergen- ses* in causa seu suspitione infanticidii renunciantes, adeo languentem partum non raro excludi, ut omnis motus, sensus atque respirationis expers per aliquot momenta deprehendatur, hinc non, nisi variis vellicationibus, fomentationibus calidioribus, aromaticorum, atque spirituosorum liquorum adpersionibus & instillationibus, item inhalationibus, demum, excitetur & ejulatu primo aëris primam admissionem testetur. Hunc sine omni sensu & motu (nisi quod in arteriis ejus patentioribus v. g. umbilicalibus, aliqualis adhuc micatio observetur) hinc sine respiratorio quoque, quis mortuum diceret, quem tanto conatu resuscitare attentat, & feliciter sæpe in vitam revocat? cum hujus formalitas animæ & corporis conubium sit, quo semel soluto illa haud redit, nec ullis moliminibus reduci potest. Per consequens, quamvis sensus atque motus phænomena in nato deficient, vita interim nihilominus seu unio illa animæ ac corporis in eo necessario erit concipienda, & quidem ex sensu atque motu postliminio revertentibus; perinde ac foetus intra involucra sua adhuc editus, quem partum maxime naturalem *Harveus de partu* ait, aliquando aut nihil omnino motus exierit, aut thoracem saltem minus movet: adeoque falsum, quod supponebant, omnes homines statim ab ipso partus momento respirare.

Vivum E. revera hunc, utut nondum spirantem, si mater impia suffocet aut quacunque ratione enecet, seu enecari patiatur, pulmones ejus cernes compactiores, sanguine maxime perfusos, graves & aquæ submergentes: non mortui tamen, sed vivi, nati, etsi nondum spirantis, organa. Imo ideo non inepte plane agere in ejusmodi

modi casibus videntur nostræ mulierculæ ac Obstetrices, dum nati syncopizantis ac non mox respirantis faucibus halitum immittunt, sicque mortuo similem resuscitant: forsan quod sanguinis motus vitalis in illo, absque elatere accessorio, quem ab aëre liberiore expectabat, pro hoc tamen admittendo vel recipiendo thoracem, præsumma virium imbecillitate, nondum sponte explicare poterat, fere succumbens, ab aëris paulo vehementiore impulsu seu inhalatione, alterius, restituitur, sicque editus sensibiliter reviviscat quasi. Contra sicut natus imbecillior aliquando non æque prompte respirat, ita nec vegetior elatere aëreo externo semper forsan adeo opus habet, & sufficit ipsi ejusque fluido vitali aliquantisper exagitando seu hujus motui ad tempusculum perpetuando motor internus a matre deciduus seu impressus. Perinde ac per experientiam advertere licet, catulos aliaque animalia mox a partu & antequam spirarint, longe, difficilius strangulari seu suffocari, quam illa, quorum cervicem uno vel altero demum post enixum & respirationem jamdum inchoatam momento, constringimus, quod sine aëris externi usu, per motum vitalem sanguini connatum aliquandiu durare queant. *Quod e-*
xemplis
 per duplicem experientiam, quam olim *Circul. physiol. anat. pro-*
gymon. 3. produxi, evidens est: qua binas ex nefario coitu a diversis parentibus generatas & partu exclusas puellas ab iisdem, criminis sui contegendi causa, vivas, pannis obvolutas, in terram defossas, hac atque mergitibus spicarum coopertas, post aliquot tamen horas superstites singulari fato erutas accepi. Atque talis constitutionis seu habitudinis, utero ac tunicis suis vere vivus exclusus, partus itidem sine dubio pulmones retinebit compactiores & aquæ haud supernatantes: ac minus perpetuum reddet assertum, vivi nati pulmones aquis supernatare.

Neque gratis me hoc asserere, vel potius tantum fingere, quemlibet docebit Experimentum sequens, modo in hoc administrando accuratiorem & frequentem se præstet: cum non pari plane eventu succedant tentamina, hujus phænomeni observandi gratia adornata. Scilicet si præsto sit canis aliudve animal, partui quam vicinum, catulorum enixus studiose & cum patientia expectetur, horumq; produntium guttur mox, antequam spirare videantur, constringatur;

Quod e-
xemplis
probatur.

Et experi-
mento in
catulis
nondum
respiranti-
bus.

qui vivi nihilominus, inter strangulandum, varios corporis motus & oris rictus convulsivos exercebunt, dissecti in pectore cor satis potenter vibrans pulmonesque compactiores ostendent, ac hi, aquæ injecti, perinde ac non natorum, fundum petent. Non dubitabit de rei huius successu & fide, ideo, quasi catuli non omnes statim, ac uterum deliquerunt & secundinas deposuerunt, necessario respirent, qui *Boyllii de vi aëris elastica experimentum 41.* evolvat, ubi catulos quosdam vivos exemptos, antequam respirarent, se dissecuisse perhibet: & vix frustranei erunt in observando hoc illius conatus, si modo celeriter & dextre satis operatus fuerit.

Fœtus vivus, antequam respirare valeat, interfici potest.

Accedit, quemadmodum luctuosa satis aliquando testatur experientia, funiculum umbilicalem collo, fœtus nascendi præter naturam atque ita circumvolvi, ut in ipso huius enixu incongrue tensus, imprimis si imprudentior Obstetricis manus accedat, illud ad suffocationem usque constringat; item caput in partu constituti vel a matris, piæ etiam satis, incongruo motu ac situ, vel ejusdem Obstetricis rudiore contrectatione, lethaliter interdum conquassari. Quid proinde dicendum foret, si pariens *άσπυ*, aut huic obstetricans & complex truculentior eundem funiculum strictius attrahendo, aut hunc, cum fœtu mox prominentem, præsecando, aut calvariæ ossa laxiora ac molliora violentius comprimendo, dum enixum juvare mentitur, aut quavis arte nefaria, enecent, eumque mortuum exclusum dejerent? An in ejusmodi casu pulmones, sine dubio in aqua subidentes, has facinorosas ab infanticidii crimine liberabunt? profecto temeritatis, imprudentiæ ac malitiæ res erit, hoc affirmare.

Cum tota compage pulmonum instituat hoc experimentum.

Porro etiam hoc præsumptioni, a natatu & descensu pulmonum petita, non parum fidei derogat, quod non semel deprehenderim, unius ejusdem recens editi pulmonis quoddam frustum ad fundum vasis descendisse, alterum huic innataisse; quale quid se pariter annotasse refert *Craan de hom. cap. 30.* sc. quod infantis ejusmodi, brevioris vitæ, pulmo aëre non statim totaliter infletur, sed secundum aliquam tantum ejus partem: & sic, quamvis quædam pars, quam aër non subiit, fundum petat, in aquam coniecta, minime tamen sequi, infantem mortuum in lucem esse editum. Hinc, ne Judex & Medicus fallatur, omnes pulmonis lobos explorandos, discindendos hos-

que

que successive aquæ injiciendos monet : & , si omnes fundum petant certo & recte inferri, foetum ante partum vita excessisse ; quod si autem infans per momentum tantum respiraverit, sicque singuli lobi aëre non æque repleantur, adeoque major forsan pulmonum pars submergatur, aliqua tantum supernatante, minime concludendum foetum in utero extinctum, sed eundem per aliquot momenta extra uterum jamdum respirasse, hinc vixisse. Verum eidem ambiguitati hæc immergitur cautela, ac totum hactenus ventilatum experimentum : postquam hocce ab utraque sui parte fallere, partim dictum, partim ex sequentibus constabit.

Suppeditant hæc *Excellentissimi Domini Zelleri, in Academ. Tübingensi Professoris Celeberrimi* observationes binæ recensitæ in peculiari ejus disputatione publica, cujus Inscriptio, *Infanticidas non absolbit nec a tortura liberat, nec Respirationem in utero tollit Pulmonum in aqua subsidentia.* Quarum prima vitulum sistit, post sui partum per dimidium horæ spatium adhuc superstitem & crebris anhelationibus fortioreque abdominis motu, qualis fere equorum delassatorum, se respirasse testatum facientem, cujus pulmones nihilominus aquæ injecti, instar lapidis fundum ejus petierint : altera ex Actis Judicialibus, Infanticidium ac Nepotidium concernentibus, & *Amplissimæ Facultatis Medicæ Tübingensis* judicio expositis, petita, infans post sui nativitatem aliquot vicibus evidenter vagientis, hinc respirantis, vivi clandestine sepulti ac denuo eruti, pulmones aquæ, cui injecti, pariter prompte submersos fuisse. Subnecto his casum Infanticidii, superioribus annis decisioni Scabinatus hujus loci inclyti expositum, in quo Mater truculenta infanticidium primo pertinaciter negabat, favebantque illius negationi pulmones nati in aqua subsidentes, huncque in utero defunctum innuentes : postmodum nihilominus, se partum vivum enixum fuisse, eundemque enecasse, fatebatur, & ad ultimum usque supplicium constantissime asserabat.

Fallere tamen, experientia declarat.

Proin Experimentum hoc solitarium, & hactenus adeo jactitatum, ut nonnullus argumentum illud proclamarit indubitatum ad convincendas infanticidas, & indagandam veritatem, an infans in utero mortuus, vel demum post partum quocunque modo strangulatus vel oc-

E. foli
huic pul-
monum
nataui aut
submersio-

ni vix fi-
dendum.

cisus? Infanticidæ absolvendæ minus adæquatum deprehenditur, annuente in causa simili Annen Voigtin ejusque matris superioribus annis in Præfectura Pegaviensi, hinc Lipsiensi, ventilata, *Nobilissima Wittebergensium Facultate Medica* per hæc inprimis sui *Responsi*, Anno 1684. d. 30. Augusti formati, verba: Wir können aber nicht davor achten/ daß dieses (submersio nempe pulmonum) ein indubitatum und universale Argumentum sey/ wodurch so gar gewiß bewiesen werden können/ es müsse das Kind ante partum in Mutterleibe verstorben seyn. Man könnte endlich wohl ex præsuppositis schließen/ wann eine Lunge im Wasser sincket/ so hat dieselbe noch keine Luft in der Welt geschöpfet/ aber es folget nicht alsbald/ daß es müsse in Mutterleibe gestorben seyn/ sintemahl so wohl in/ als nach/ der Geburth ein lebendig Kind kan erdödet werden/ ehe es Athem hohlet. Dieses zu behaupten/ muß vor allen Dingen præsupponiret werden/ daß ein Kind eine Zeitlang ausser Mutterleibe / ehe es Athem hohlet / wie in utero, leben könne / &c.

Nisi alia
combinen-
tur phæ-
nomena.

Aliquando equidem evenire solet, ut experimento huic alia combinentur phænomena, illius pondus intendentia: quorum unum singulare maxime & rarioris forsan observationis, producam. Nimirum his ipsis diebus, dum typis hæc exscribuntur, copia mihi dabatur legendi Acta inquisitionalia in Infanticidii puncto, cujus prostibulum quoddam Dresdense accusabatur; Nati thoracis integumenta molliora, instar eorum qui anasarca laborant, spongiosa & fero turgida a Medico & Chirurgis, sectionem cadaveris administrantibus, deprehendebantur, thorax totus aqua scatebat, pulmones rubicundi, compacti atque exiles ad spinam reclinati seu depressi, cum aqua injicerentur, submergebantur, nullumque violentiæ extrinsecus illatæ comparebat signum, quin etiam funiculus umbilicalis integer, non abruptus, sed secundinæ adhuc annexus. Negabat facinorosa primo foetum vivum editum fuisse, diffitebatur infanticidium: tormentis autem admota asserebat utrumque; quod paulo post, ab his liberata magna constantia denuo negabat, & adhuc pernegat. Qualis etiam sub tormentis facta confessio vel ideo suspecta & horum cruciatu expressa videtur, dum plorasse ac clamasse editum simul dixerat, quale quid vel ob hydropem foetus, vel quod pulmo-

nes

nes aquæ non supernatarint, dictu ac creditu difficile: vel dum modo prostratione corpusculi violentiore in humum, modo funiculi umbilicalis divulsione se infanti necem intulisse, dixerat; quorum illius nulla in sectione comparuerint signa, funiculum etiam Inspectores integrum minimeq; laceratum testati fuerint. Et numne fieri potest, ut constet, foetum brevi ante partum vixisse, suggillationes in capitis non tantum integumentis mollioribus, sed ipsis quoque calvariae ossibus, conspiciantur, stercorata compareant linteamina, quibus ejusmodi recens natus involutus est, sique inprimis facile peperit mater, foetumque vivum hanc enixam fuisse valde verosimile sit. &c. Quin tamen hæc signa judicio, a pulmonum natatu petito, semper ac undique faveant, casus alterius generis, v. g. si partus contra difficilior extiterit, ac stercoribus defœdatus prodierit foetus, evincunt. Quemadmodum nec eorum defectus cum submergentibus pulmonibus hunc mortuum semper exclusum infallibiliter innuit: dum sine stercorum excretionem aliquandiu post partum vivere potest idem, inprimis nondum respirans; nec adeo certo ejus vita sub partus conatibus semper dignosci, mater vero *ἀσφορ* sine ejusmodi capitis evidentioribus impressionibus, variisque aliis modis tenellum natum enecare, valet.

Neque sane illi, qui in quæstione circa experimentum hoc ejusque vim dubia, si pulmones submergi contingat, misericordiam rationibus dubitandi prævalere volunt, hinc foetum in utero seu ante, sui enixum mortuum asserere inclinant, suo officio & conscientiæ se fatis fecisse sibi persuadent: quasi regula illa Juris, *Dubia in meliorem partem sunt interpretanda*, seu, *Ambiguus in rebus, quod mitius est, sequamur*, it. *In dubiis mitior sententia eligenda*, ad Medicos quoque spectet, quorum objectum nihilominus nec justum, nec æquum, sed verum, est, adeoque iis *ambiguus in rebus absolutum judicium haud competit juxta C. habuisse 7. dist. 33. dum omne ambiguum impedimentum decisioni solet asserere arg. l. unic. ibi, si vero aliquid fuerit, C. de Nov. op. Nunc.* Quid enim lenitatis seu favoris expectandum foret matri de infanticidio suspectæ, cujus nati pulmones forte fluctuarent? utpote quem non posset non extra uterum vivum pronuciare Medicus, nisi ipsemet experimenti hujus vim illudere mallet;

Hinc,

Ubi tamen
adhuc cau-
tione opus.

In dubia
re mitiori
judicio
standum
non ad
medicum
spectat,

Sed ad ju-
dicem tan-
tum.

Hinc, in priore casu quam declaraverat, lenitatem in posteriore hoc sævitia majore defœdaret, quod in dubio (ex hypothesi) mitiori seu benigniori sententiæ haud locum concedat. Et pium simulque cordatum magis sine dubio se præstabit ille, si non ex affectu seu ægritudine ex miseria criminis suspectæ, sed ex phœnomenorum seu circumstantiarum evidentiæ habitudine, de infanticidio etiam deponat, hocque per eam vel affirmet, vel neget, vel sibi dubium seu incertum hoc fateatur: sic enim *non sutor ultra crepidam* sapiet. Ad-
do, quod, si Medico cuncta ambigua seu dubia mera sua autoritate, vel pietate decidere, id est, in benigniorem semper partem interpre-
tari, concedatur, nunquam dubium maneret Judicis favorem postu-
lans: i. e. dum ambiguum relinquitur infanticidium a Medico, mi-
tiores amplectitur hic, qui Magistratum gerit; cui, non Medico, tes-
ti tantum, favere & non favere licet ac incumbit. Nec illum excu-
sat, quod de credulitate tantum deponere postuletur: quatenus ex
dubio argumento nulla nec veritas, nec probabilitas, formari seu
elici valet: & qui favori litat, ut dixi, nec veritatem, nec credulita-
tem, sibi scopum tenet.

Recensui hætenus casus ejusmodi, quos Medicus ex fundamentis
artis nunquam, nisi ambigue & vix probabiliter decidere potest: nunc
de iis adhuc differam, de quibus nonnunquam & in quibusdam sub-
jectis satis probabiliter deponit, aliquando tamen & in aliis vix de
credulitate testificari potest; quamvis nec horum omnes adducere
æque liceat.

Recens na-
tos vivos
suffocatos
fuisse ex
spuma cir-
ca os infal-
libiliter
haud con-
cluditur.

Primo nempe rogatur ejus renunciatio super suspensos & in
aquam præcipitados, an vivi, an mortui, suspensi & submersi fuerint:
ubi inter cœteras notas *Paræus*, *Fidelis*, & *R. a Castro* rationem haben-
dam esse monent spumæ, circa fauces ac in aspera arteria modo tur-
gescantis, modo deficientis; quarum hæc mortuum, illa vivum,
aquis vel funi mancipatum innuat. Qualem conjecturam, cœteris
paribus, in adultioribus seu longius a partu suffocatis, ut verosimilem
fatis, admitto: ubi vero de recens nato infante controversia emer-
git, i. e. spuma repletum hujus os & fauces, an ideo vivus a matre
fuerit suffocatus, in aquam aut cloacam demersus, categorice pro-
nunciare vereor. Quatenus in recens natorum, ante partum, sub
partu

partu & brevi post partum defunctorum faucibus ac pulmonum vasis trachealibus par spumofitas non raro observatur, eveniens aut ex mucositate pulmonum connata, aut ab aquis secundinarum, foetus ora interiora irruentibus atque opplentibus: quales infarctus in plus minus vivis editis etiam reperiri, nec mulierculas nostras latet. Adeoque haud paradoxum videri debet Judici, si Medicus, ubi de infanticidio suffocatorio equidem suspicio est, ejus tamen nulla alia signa evidentialia ullibi comparent, suum judicium suspendat, aut per illius spumositatis insufficientiam neget. Ut mittam, recens natos suffocandi modos ejusmodi forsan suppetere, seu malignitatem scelestorum depromere, quibus sine notabili spumæ circa fauces turgescencia extinguantur miselli, v. g. fauces eorum lintheaminibus infarciendo, eosdemve in latrinam similemve locum cœnosum præcipitando: quorum illa serum spumosum imbibunt, hujus vero illuvies obliterat.

Deinde in iisdem recens editis pariter impossibile, aut certe perquam difficile, erit Medico factam depressionem Calvariæ ac Cerebri lethalem dignoscere, circa fontanellam inprimis: cum, quamvis aliquando suggillatio & extravasatio sanguinis notabilis ejusmodi violentiam innuat, tale nihilominus simileve vestigium nec in integumentis externis, nec in cerebro, utrisque flexibilibus admodum & mollioribus, semper compareat; asserant interim eandem vel propria infanticidæ confessio, vel aliorum testimonia: quibus deficientibus occultum manet commissum flagitium.

Tertio sicut haud infrequens est, foeminas, quo impudicitiam suam celent, partum perpeßum negare, ita, conjecturam hujus delicti firmare vel discutere in illis, quæ recens seu modo pepererunt, primis nempe decem diebus, res non adeo difficilis observatur, per Lochiorum nempe profluxum & genitalium habitudinem, mammarum a lacte turgescenciam &c. olim vero, v. g. ante totidem menses, tale quid factum fuisse, asserere per conjecturas medicas vix semper conceditur. Dum quæ vulgo a ventris rugositate atque flacciditate ac genitalium laxitate & amplitudine petitur, inculpationis suspicio diversimode fallit in his, quas olim & ante dissimulatum partum jamdum quoque peperisse constat, v. g. viduis aut prostibulis notoriis,

Nec de-
pressio cal-
variæ le-
thalis in
his semper
æque di-
gnosciatur.

Nec partus
olim fa-
ctus.

ubi dubiū cum Obstetricibus discedunt Medici, an a pristino, an a nupero, enixu illa hypogastrii flacciditas atque vaginæ latitudo sit: sed in ejusmodi tantum casu alicujus momenti est indicium, ubi, quem dissimulat, partus primus censetur. Accedit, quod quævis alia causa abdomen aliquandiu præter modum distendens, v.g. ascites aut hydrops uteri, sublata seu evanescens, ventris ejusmodi subsidentiam rugosam quoque inferre soleat: contra quædam, primiparæ in primis & obesiores, parum, aut nihil, rugositatis seu flacciditatis hujus experiantur, aut longius a partu eandem iterum deponant. Ut taceam, illam genitalium latitudinem tractu temporis aut sponte deleri, aut arte seu fraudibus variis vafre satis emendari posse.

Nec ab-
ortus mo-
tus.

Abortum concitatum fuisse ac contigisse, pariter in quibusdam individuis aliquando difficulter dignoscitur: id est, quamvis hoc commodè satis fiat, si foetus abactus major & perfectior extiterit, minoris tamen ac immaturioris, seu qui secundum, tertium &c. gestationis mensem nondum attigit, signa vix æque manifesta seu certa sunt & frustra indagantur. Cum ejusmodi præmatura conceptus seu embryonis exilioris exclusio aliquando parturientibus ipsis vix sensibilis seu evidens sit, ut illius interdum non plus, quam eruptionis mensium hætenus suppressorum rationem habeant; nisi forsan ex gestationis præcedenæ signis & mammarum notabili a lacte turgescentia abortum recentem admodum augurari liceat. Et quod enarratis conjecturis addit *Zacchias*, quasi abortum, technis concitatum, febris ac inflammatio genitalium similiaque symptomata semper & necessario excipiant, fallit; quatenus nec perpetua, sed rariora, hæc sunt, nec, si existant, de illo infallibiliter testantur.

Nec uteri
gestatio.

Uterum gestare Matronas honestas aliquando facile, nonnunquam difficulter, dignoscitur, & ipsamet frequentius opinione sua falluntur; difficilior semper in meretricibus, quæ imprægnationem callide dissimulant, de foetus abactione aut occultatione & infanticidio cogitantes: cum, quæ illæ prompte ac ingenue referunt, conceptionis signa vel symptomata hæc, pro libidine ac malitia sua tegenda, taceant, aliaque iis substituunt ac fingant. Ut nec in tali casu stupiditatis accusandus veniat Medicus, si in abstruso hoc eruendo hallucinetur: in primis, si propter Familiæ ac (quantam quidem hic novit)

vita

vita foemellæ honestatem imprægnationem augurari prohibeatur, ab adstantium minus fida relatione confundatur, seu famæ ac existimationis propriæ dispendium metuere jubeant circumstantiæ, &c.

Contra diversis de causis foeminæ aliquando se utero gerere ac Neque gestatio & partus simulatus. peperisse fingunt, sc. vel ut partum commodius supponere queant; vel ut tormenta & poenas corporis afflictivas, ultimum in prius supplicium, subterfugiant; vel alio forsan consilio: ast eum in finem, quandam tale quid fingere, ut infanticidii quasi perpetrati se accuset, rarioris forsan deprehenditur observationis, hincque veritatem ejusmodi gestationis & partus determinare difficillimum; potissimum cum nec ventris inspectionem, illius explorandæ causa a legibus commendatam, Mascardus de probat. concl. 1147. n. 16. per nonnullas rationes omni exceptione majus testimonium præstare putet. Triennium & quod excurrit est, cum in Saxonia inferiore quædam, malitiose satis, se uterum gestare, postmodum, filiolum peperisse, huncque narium compressione enecasse, ultro assereret, eandemque nonnulli testes criminum horum suspectam redderent: in specie Obstetrices hanc, quamdiu gravidam adhuc se fingeat, imprægnationem illam nec affirmare, nec negare, auderent, imo post factum simulatumve partum dubiæ haberent, numne illa uterum adhuc gereret, eadem tamen quoque non tantum conatus partus conatibus similes, sed sub his pedem quendam foetus intra vaginam ejus se contrectasse, deponerent. Donec tandem ex Actis hinc inde & ex variis sermonibus ac gestis animus illius desperabundus patesceret, tempus simulati partus temporis assertæ imprægnationis haud concordaret, abdomen ac genitalia perinde, ac in non gestante, se haberent, nullum foetus motum manibus ventri impositis perciperent contrectantes, nec post partum indigatum phænomena in hoc solennia adverterent, parturiendi conatus an veri extiterint, & numne loco pedis in vagina, in intestino recto, scybala indurata senserint, dubitarent, nihil Lochiorum observarent &c. hincque Collegium nostrum negotium hoc omnimode simulatum pronunciaret.

Inter affectus, quibus Prætori frequentius, pro tormentis ac poenis delictorum declinandis, malitiose illuditur, sine dubio observantur Amentia ac Epilepsia: qualem fallacem astutiam nihilominus

mentes ac
epilepti-
cos.

reprimere, necessitatis est. Imo decipiuntur a simulatis his pathematis non Medici tantum singuli, sed horum pariter Collegia, Justitia motus eousque turbantur, ut suum cuique secundum Legum rigorem tribuere ipsi non liceat, i. e. per figmenta hæc tormenta ac poenas nefarios homines non raro avertere, experientia edocemur. Atque hos binos quidem simulatos morbos a veris seu genuinis discernere difficile deprehenditur, ac Medico ingenuo & perito vix vitio verti potest, si in renunciando desuper hallucinetur: vel quod huic illorum paroxysmos & habitudines attendere ac observare raro concedatur, & aliquando soli testium rudiorum, rerum ejusmodi imperitorum & suspectorum ineptiori ac fallaci depositioni fides sit habenda; vel quod ipsimet delinquentes adeo callide affectus ejusmodi fingere queant.

Utriusque impedimenti ac difficultatis specimina Actorum inquisitionalium plura tradunt, quibus absentes non tantum Medici testium relationibus, minus accuratis, & contradictoriis præcipitanter satis inniti deprehendimus: sed præsentis quoque per supposita minus adæquata eo inducuntur, ut delirum atque epilepticum credant, qui non est; aut contrarium judicent, pariter per testium ineptas depositiones & callidiores delinquentium fictiones; ne horum defensorum perversorum meminerim, quorum nonnulli technis modo subtilioribus, modo crassioribus, Medicos ad ejusmodi falsa supposita seu simulata deponere urgent, quod expertus loquerer, nisi filere juberent prudentiora consilia.

Exemplum
hominis
summe
malitiosi,
quem a-
mentem
credebant.

Paucos latere potest inter alios fanaticos atque enthusiastas nostri temporis famosus ille minorum gentium, Aurifaber quidam Saxoniae inferioris, hujusque blasphemiae in sacrum Baptismum atque Coenam Domini, injuriæ in Ministerium & diffamationes Consistorii ecclesiastici cæterique ejus malitiosae ineptiae foetus, v. g. dum conjugium, in quo ultra viginti annos vixerat, peccaminosum meramque scortationem aiebat, hincque uxori suæ, utpote infideli, se, vere fidelem ac sanctificatum, diutius cohabitare non posse, ac aliae in cælo jamdum a Deo desponsatum se asserebat, & quæ hujus generis plura erroneæ fabulæ atque malignitates: quas nonnulli per amenitiæ melancholicæ ex amore infano contractæ errores diluere atque

excusare annitebantur. Imo periti quoque aliqui in homine hoc vesaniam, si non universalem, certe particularem sibi concipiebant eamque hinc evincere satagebant : quasi ejus imaginatio species sensatas incongrue combinaret, & non accurate, sed confuse, contemplaretur, hinc rationi phantasmata absurda dijudicanda offerret, quæ eadem sermonibus inconsideratis ac confusaneis effutirèt, deperdite amaret, & perpetuis speculationibus ac sollicitudinibus, alterum conjugium contrahendi ac firmandi, spiritus animales in motus inordinatos ac perversos cieret, a paupertate in mærorem conjiceretur, per quem & amoris affectum temperamentum ejus naturale ad melancholicam usque dyscrasiam immutetur, & quidem hoc eo promptius, quod complexionis cholericæ, aut inter hanc & melancholicam mediâ sit, nec non ante biennium febre continua gravi laborarit.

Rem vero penitius pensitantes in viro hoc ratiocinationem undique integram eumque minus amentem, haud delirum aut melancholicum judicabamus. Cum primo de nullo penes hunc constaret corporis vitio, quo in ejusmodi delirium melancholicum conjici potuerit; nec ab amore, quem in eo immoderatum concipiebant, nec a febre olim superata, tale quid metuendum foret: quatenus quod huic phrenesis, quæ interdum in melancholiam degenerat, combinata fuerit, aut mox a febre aliqua capitis ad delirium inclinans imbecillitas ipsi contigerit, non innotescat; nec amor ille unquam adeo deperditus atque inordinatus extiterit, ac, si talis, amentia moralis potius, quam physica, dicenda veniat, i. e. per quam mox rectæ rationis usum amantes perdant. Deinde idem Inquisitus rite, i. e. prout a sensoriis excipiuntur, ac distincte comprehendebat objecta, horumque variorum simulacra haud confundebat, apte, argute ac modeste de iis fermocinabatur, loquebatur, scribebat, cuncta prudenter agebat, ad quæ sita & postulata congrue ac perspicue (ex præjudicio nempe suo) respondebat. Ita ut, quamvis in rebus religionem concernentibus erroneas & absurdas conclusiones formaret, ac in his ratione maxime abuteretur; Logica nihilominus naturali se pollere & judicium suum exactum hinc inde evidenter comprobaret: dum non tantum, prout dictum, ad interrogata quam aptissime re-

spondebat, sed in sermonibus ac scriptis plus, quam ab illiterato expectari poterat, periodos concinnas ac coherentes formabat ac connectebat, distincte, formaliter ac acute disputabat, objectiones allatas apposite, i. e. præmissas argumentorum modo congrue limitando, modo distinguendo, solvebat, imò adversariis suis plura insuper argumenta subministrabat, hæc tamen expedite quoque enodabat, ac undiquaque sagacem ac argutum disputatorem se exhibebat. Consistorium ecclesiasticum calumniabatur ac flocci faciebat, magistratum civilem decenter veneratus, quod hunc, non illud, pro iudice competente agnosceret. Seditionem equidem temerarie suadebat, sed caute concitandam ac prosequendam: scripta sua insuper, quorum argumenta tantum per modum extracti ipsi proponebantur, temere seu præcipitanter nec recognoscebat, nec diffitebatur, sed originalia & totum eorum contextum sibi prius extradi postulabat. Socios dogmatum suorum erroneorum prompte nominare, eorum hypotheses distincte recensere, & quid cum hoc vel illo locutus fuerit vel egerit, enarrare, noverat &c. Nunquam sibi contradicebat, de cætero in sermone ac gestibus maximam partem modestum se exhibebat, edebat, bibebat ac dormiebat mediocriter, sufficienter tamen, de mediis se suosque sustentandi moderate sollicitus, & in responsis datis frequentius prudenter acquiescebat: nunquam deprehendebatur meditabundus, tristis, semper alacris, hilaris & animi præsentis, ac ad opiniones suas declarandas atque propugnandas promptus ac callidus. Neque amor ejus in alteram præter conjugem unquam ad illum gradum exarserat, ut humoribus ac spiritibus adeo insignem dyscrasiam impresterit, quæ, integris manentibus cæteris corporis functionibus, eum in delirium abripere, aut ratione, cujus vehementiæ amor hic insanus appellari, potuerit; potissimum mox tunc temporis, ubi certam quandam foeminam amare inchoabat, circa res sacras tamen jamdum errores ejusmodi fovebat.

Ita ut, quamvis fanatici hujus conceptus, opiniones ac sermones, si Scripturæ S. similibusque systematibus & sanctionibus conferantur ac moraliter considerentur, fatis absurdi comparerent, philosophice tamen seu physice ponderati nihil aut vix tantum incongrui,

grui, ratione cujus Medicis pro melancholico & mentis non com-
 te, qualem causæ naturales facerent, haberi queat, nobis involvere
 viderentur: cum potissimum minime inferre liceat, illum, qui con-
 ceptus & sententias falsas atque erroneas profert, aut ab aliis haustas
 pertinaciter defendit, delirare, melancholia laborare &c. nisi vel
 omnes in rebus theologicis hæreticos, schismaticos fanaticosve, in
 rebus politicis, philosophicis &c. omnes doctores, quorum sententiæ
 non undique verosimiles, insanientes ac melancholicos, inepte ac
 falso, proclamare quis velit. Ratione non destituuntur ejusmodi
 homines, sed ea tantum abutuntur.

Exemplum judicii circa Amentiam difficilis ex vicino Bornæ ^{Exemplum}
 oppido suggerere pariter poterat Maria quædam Werneria, Anno ^{amentis,}
 1674. Criminis Veneficii, pacti & commixtionis cum satana accusa- ^{pro vene-}
 ta, testibus convicta & ultro confessa: demum nihilominus melan- ^{fica habi-}
 cholica pronunciata & a delictis illis absoluta. Sponte ipsamet fate-
 batur & narrabat, quamvis sub consulis admodum ac incredibilibus
 hinc inde circumstantiis, cum, marito suo ante viginti annos ægro-
 tante sola in lecto cubaret, dæmonem se aliquando visitasse & ad li-
 bidinem flagitiosam sollicitasse; cujus conatibus tamen tunc tem-
 poris feliciter reluctata fuisset: donec postmodum idem diabolus
 sub canis fusci specie ac magnitudinis mediocris se adierit & cum vio-
 lentia stuprarit, a quo tempore cum eo frequentius & in carcere coie-
 rit, sub congressu tamen quovis illius membrum genitale insigniter
 fervidum deprehenderit, & ex eodem foetus diabolicos diversos con-
 ceperit, gestarit ac pepererit. Porro narrabat, sub muscæ forma,
 eundem diabolum sibi cum aquæ cyatho fuisse propinatum a moli-
 tore quodam, qui se pariter semel compresserit. Addebat nihilo-
 minus, satanam se captivam, sub Fuci specie accessisse, ita quidem,
 ut primo foeminæ alterius præsentis oculos, hinc lectum, cui incu-
 buerit, involarit, a se autem abactum disparuisse: illum aliquando
 sub Fuci majoris, aliquando felis fusci, specie, se invasisse, ab eo vero
 conceptos & a se exclusos foetus dæmoniacos frustum carnis fumo
 indurata æmulatos fuisse, muremque mediocris molis æquasse, quos
 modo in terram defoderit, modo in undas projecerit. Confiteba-
 tur præterea Inquisita hæc, se olim civis cujusdam Bornensis vaccam

cum

cum tribus equis, item Consulibus ejusdem loci binos equos per fascinum perdidisse ac enecasse, partum unum alterumve diabolicum in aqua solvendo, quod olim a vetula addidicisset, & diaboli adjutorio, qui clave ædes referarit, jumentis illis propinando; maleficam hanc artem antequam nasceretur, ac paulo post, se edoctam; nunc vero & postquam crimina sua manifestasset, ab amasio suo atrocissime subactam & ad livorem usque corporis hinc inde percussam atque contusam fuisse; quod circa crura avtopsia confirmavit.

Nec cœtera ejus narrata testibus ocularibus destituebantur, dum in carcere ei adstantes custodes ajebant & jurejurando asseverabant, media quadam nocte Inquisitam pessime se habuisse, in lectum supinam se devolvisse, diabolum vero ei vere incubuisse, ita ut illimet propriis oculis turpe hoc facinus usurparint. Illam quippe nullo modo excitare aut in alterutrum latus convertere potuisse congressum diabolicum satis diu ferentem; donec linteamen corpori ejus superinstratum sustulerint, baculo pudenda ejus ferierint & incubum recedere acclamando jusserint: quo tempore illam pariter evigilasse, simultamen strepitum super conclave notabilem contigisse. Quasitam a custodibus mane, an proxima nocte diabolus illi cohabitarit? hoc affirmasse; qui etiam subjungebant, illam quasi manu, pudendis frequentius admota, diabolum, cujus congressus diutius ferre non potuerit, depellere conatam fuisse. Aliquando eam partum dæmoniacum instar massæ ex fusco nigrificantis & fœtidissimæ, alium sub specie radices Mandragoræ (qualis revera erat) per podicem edidisse. Quibus accedebat civis illius jumenta quatuor, quorum mentio superius facta, vere ac subito periisse, & peritos ejus rei nec in iisdem infirmis, nec in eorum cadaveribus morbum aliquem naturalem reperire valuisse; ut proinde de corpore quoque delicti, sc. fascini, dubitare porro non licuerit.

Consilio Scabinatus Electoralis, ad quem causa hæc per Acta deferrebat, duorum Medicorum successive scrutinio vetula illa exponebatur, non idem tamen de Maria hac sentientium: cum prior eam sanæ mentis atque maleficam, posterior amentem & per phantasmata turbulenta ac erronea ad falsa ejusmodi fingenda ac edisserenda adactam, ajebat; posterioris judicium confirmabat Nostra

Facul-

Facultas, sententia absolutoria sigillabat Scabinatus ac demum omnium oculis exponere experientia, per quam post breve adhuc deliramentum melancholicum maniacam miseram hanc evasisse, testes vero ipsi adstantes plus ex auditu & præconcepta opinione, quam secundum rei veritatem, deposuisse, constabat. Quod erroris crassioris adeo exemplum prolixius recensere volui, quo constet, quam facile testes, oculares plebei in affectibus præternaturalibus & morallibus, utrorumque phænomenis observandis atque discernendis fallant: i. e. si forsan non in re ipsa, saltem in circumstantiis, ad iudicium Medicum dextre formandum maxime necessariis, aut non omnimode, aut perperam, annotatis, errent.

Quemadmodum plus quam quotidieprehenduntur, qui ^{Creduntur} olim morbum capitis vehementiorem passi, hinc inde ineptiunt, ^{nonnulli} inconcinnos conceptus aliquando formant hosque sermone ^{amentium} promunt, ab inebriaminum parco quoque usu mox temulenti evadunt, ^{minus ca-} ^{le.} hisque cunctis non levem cerebri sui imbecillitatem suspicari faciunt: ad Medici nihilominus, cuius iudicio exponuntur, interrogata apte ac prudenter respondent, nec alia seu sufficientia dementiæ signa produnt. Contra alii gestibus & sermone fatuos se mentiuntur, ingenuosi & sagaces satis, quique ratiocinandi integritatem vel delictis malitiose ac dolose, hinc non sine ratione, perpetratis testantur. ^{Fingunt} ^{alii amen-} ^{tiam.} Quendam olim ideo insanum aut maniacæ proximum pronunciabant nonnulli, quod Zelotypus, quod modo tristior, modo iracundior, contra superiores, inferiores ac pares talia nonnunquam attentarit, quæ sanæ mentis homo haud susciperet: cum nihilominus hæc animi pathemata causas suas evidentes haberent, Zelotypia nec speciebus, nec gradibus, amentiae accenseri posset, spirituum animalium vigor major minorve animum ab objectis sensibilibus facilius difficiliusve commoveri concederet, insuper ex enarratis amentiae formata suspicio sermonibus ac gestibus prudentioribus frequentissimis annihilaretur, deficerent quoque pleraque insaniae signa cum causis phantasiæ ac rationem conturbantibus, seu quæ delirium frequentius inducunt; hinc eundem amentem pronunciare dubitavimus. Quoties enim non contingit, affectus animi hincque a decore aberrationes, v. g. iracundiam, ferociam, fastum, ad

vindictam pronitatem, prodigalitatem &c. vitiis corporis accen-
feri? quasi hæc a determinata humorum dyscrasia, biliosa v. g. melan-
cholica &c. eveniant: vitiis potius animi moralibus annumerandas,
hominum ejusmodi, quorum intellectus ac voluntas per morum
pravitatem conturbata est. Ut taceam, dicta atque facta talium
hominum, qui delirare præsumuntur, non raro aliter se habe-
re, ac a testibus imperitioribus observantur atque recensentur; adeo
difficile & periculosum valde esse horum enarratis stare.

Epilepsia
facta e-
xemplum.

In epilepticis veris ab iis, qui tales se mentiuntur, discernen-
dis non minor offenditur difficultas, cum ejusmodi hominum ma-
litia Medicis aliquando sagacioribus imponat: per quam callide
fatis symptomata convulsiva fingere seu æmulari solent, motus
nempe corporis inordinatos, hujusque membrorum contorsio-
nes stupendas, sensuum defectus, dentium collisiones stridorificas,
pollicum contracturas, oris spumescencias, &c. Sic Facultatis No-
stræ censuræ Anno 1698. expositum fuisse casum memini, ubi qui-
dam torturæ, propter delictum, imminentis metu epilepsiam si-
mulabat, & quidem interdum adeo astute, ut Medicos statum ejus
explorantes dissentire de hoc faceret. Exagitabat hic artus ac to-
tum variis motibus & vehementioribus concussionibus, pollices
convellebat, dentibus stridebat, spumum ex ore protrudebat, uno
verbo deprehendebantur in eo symptomata epilepticis familiaria:
qualia tamen signa epilepsia minime adæquata, sed fraudulenter
ficta & falsa augurabamur. Quod tali affectu is nunquam olim la-
boraverit, sed post auditam demum de tortura sustinenda sen-
tentiam, nec quidem brevi, seu immediate, verum post quatuor
demum septimanarum ab illa elapsum, paroxysmo convulsivo
correptus, postmodum vero intra aliquot septimanas nihil ejus
expertus, fuerit. Accedebat, eum nunquam ingruente & finito
insultu symptomata solennia, conturbationem v. g. capitis, verti-
ginem, aurium tinnitum, oculorum caliginem, anxietates præcor-
diorum, sitim, lassitudinem &c. sustinuisse, nec vehementiores
dentium concussionem linguam ejus lacerasse: posterius acceden-
tem Medicum, qui eum epilepticum judicarat, Inquisito non vi-
so, sed ex rudiorum Villicorum, huic adstantium, tantum relatio-
ne,

ne, deposuisse. Qui inter alia eum paroxysmi tempore frigescente asseruerant, valde tamen inepte ac ratione intensiōis atque extensiōis dubie pariter: cum manibus ac cruribus, tempore tum gelidiorē diutius denudatis, frigus ejusmodi membri facile ac sine insultu epileptico contingere potuerit; postquam iidem testes haud annotarant ac retulerant, numne ante ac post illum falsarius plus caluerit; neque demum frigus extremorum signum epilepsiæ diagnosticum præstet. Nec spumæ circa os observatæ habitudinem illi rite explicuerant, sed ambiguam potius reliquerant, duobus quidem testibus illam tantum salivam dicentibus, &c. Imo denique fraudulentam hanc simulationem non parum declaravit ipsius Inquisiti effatum, quo, Actis perhibentibus, se torturam admittere seu experiri nolle, temere effutiebat.

Pari, ni fraudulentiorē, astu pollebat quidam Joachim Episcopus, latro penes Delicenses, in vicinia famosus, qui Anno 1687. criminis undique reus deprehensus, in ultimi supplicii termino se epilepticum gerebat, huncque technis ejusmodi, ultra sex menses, ni fallor, prorogabat, tandem tamen malitiæ hujus ipsemet pertæsus & pariter convictus ac confessus gladii poenæ, eaque superata, cultello nostro anatomico, submittebatur. Mentiebatur hic primo Epilepsiam, hinc melancholiam, demum aphoniam cum surditate & crurum paresi; quos affectus confirmabat Medici non minus primo requisiti, ac vulgi adstantis, aut tantum non auscultantis, testimonium, quo maniacum tandem malitiosum hunc judicabant: quem ego & alius Medicus, a Magistratu, ut de casu hoc deponeremus, postulati ab iis immunem deprehendebamus, Collegium aliquod Medicum, in vicinia, cujus decisioni negotium committebatur, per nostras ac prioris contradictiones cathgorice hoc dirimere ambigebat.

Faciem Inquisitus hic semper in conspectu nostro pallidiorem, oculos demissos præ se ferebat, sine omni loquela & auditus signis in humo vel sedens, vel cubans: manibus modo trementibus ac vacillantibus, modo quietis & firmis, meditabundus quasi, inprimis alicui rei animum strenue attendens videbatur. Primus sic dictus paroxysmus epilepticus nuncio tristi valde ac desperato audito eum invaserat, quali nobis præsentibus, bis quoque corripiebatur: sc. ut brachia

chia atque crura ejus, caput cum trunco convellerentur & concuterentur, cum pollicum in manibus ad interiora contractura. Ast circa motus hos observantes, atque ab adstantibus audientes, inquisitionem cubantem semper, antequam ab his agitur, se prius erigere, seu insidere, ac in statu sessionis aliquandiu manere, ejus musculos cervicis, dorfi, laryngis, faucium ac faciei nec in paroxysmo, nec paulo ante, aut post eundem, ullos spasmos seu tensiones, neque abdomen inflationes ac distensionem pati, nihil spumæ circa os, ac fridoris dentium comparere, nullam oculorum distortionem, nisi quod hos interdum plus attolleret, nullam spirandi difficultatem, nullas præcordiorum angustias, nullam cordis vibrationem palpitantem, nullamve hujus aut arteriarum mutationem, nec, paroxysmo declinante ac evanescente, reliquias motuum convulsivorum vel tremores, nullam in vultu coloris mutationem fieri, sed totum corpus subito quietum & sine omni tendinum subsultu relinqui, pollices in ipso paroxysmo facili conatu explicari posse, simulque oris & maxillarum motus, hinc deglutitionem, item olfactum, gustatum ac tactum, integros manere diversa phænomena testarentur; adeoque pleraque epilepticis alias solennia symptomata penes hunc non deprehendi: dubitare haud verebatur, an superius recensitæ artuum & corporis agitationes inordinatæ pro motibus vere epilepticis habendæ. Postquam inprimis innotescebat, eum olim nunquam, nec tribus primis captivitatis suæ septimanis, nec unquam noctu, morbum hunc caducum perpeßum fuisse: nobis etiam intuentibus videbatur, quasi ulnis innixus & suffultus ejusmodi corporis jactitationes formaret.

Melancholia haud vera.

Quod Melancholiam, quam imperitiores in Delinquente hoc sibi concipiebant, concernebat, Inquisiti equidem status ac conditio animum tranquillum hilaremque haud concedebat, manibus frequentius gesticulabatur, stramen cui incumberebat, suffodiebat, & hujus filis, eadem interdum discerpendo ac præmordicando, ludebat, vestimenta hinc inde lacerabat: quia nihilominus ineptiæ ejusmodi pariter facile fingi poterant, nullaque alia dementiæ signa nobis obviam fiebant, contra mentis & animæ facultatum interiorum, integritatem multis modis ille testabatur, bene ac placide per totam noctem

noctem dormiebat, simulati delirii suspensionem parabat. Qualis minus perturbatus ac quietus somnus, furoris absentia, ad stimulos quoque urinæ ac alvi excernendæ reflexio prompta multo minus Maniam in Episcopo hoc minus sacro concludere concedebant: aut si quæ ejus ferociora molimina in unam alteramve personam observabantur, vel ex non omnimode injusto dolore, vel simulandi animo, evenire poterant. Perinde ac aphoniam ac surditatem facile fingere valebat, potissimum cum vere muti peculiari ejulatu & clamore animi sui sensa exprimere satagunt; quale quid in hoc subjecto itidem non deprehendebatur: ut pariter dubium maneret, numne hic quoque aliquid simulati subesset.

Et par ratio videbatur Paralyseos crurum, dum, quamvis sponte ac solus assurgere & in pedes se conferre posse Inquisitus minus videretur, erectus nihilominus seu levatus ab aliis cruribus insistebat, gressus formabat, ac alvum deponens illis innitebatur, ex hoc desidendi corporis situ maximam partem se erigebat: Cruri sinistro firmitus ac dextro insistebat, januam transiens idem commode satis flectebat, inter ambulandum licet illud rigidius gereret & insensibile quasi pone se raptaret interdum.

Hujus similisve generis casus difficultatem judicii de melancholicis atque epilepticis, horumque veros a simulatis discernendi uberrime testantur, hinc singularem sagacitatem & ingenia varia postulant: quorum forsitan potiora sunt, non festinare, ejusmodi homines non semel, sed frequentius visitare, horumque actiones & sermones accuratius attendere, testibus vero imperitioribus ac quacunque ratione suspectis parum vel nihil fidei adhibere, sicque

artis hujus deponendi auctoritatem undique

tueri.

F I N I S.

❧ (Q) ❧

INDEX RERUM.

A Bortus motus non semper digno-		Egrorum absentium medela	98
scitur	pag. 674	Egrorum fraudulentia noscenda	167
Abcessus viscerum prognosin fal-		Egrorum inculpatio minus concinna	85
lit	173	Egrorum idiosyncrasia cognoscenda	163
In Abcessuum incisione fibrarum tra-		Egrorum pauci periculum vitæ intrepide	
ctus non adeo attendendus	526	audiant	188
Acida quomodo expectorantium vice pro-		Egrorum quorundam mos plures consu-	
pinanda	328	lendi	133
Acriora stuporem inducunt	364	Egris aliquandiu Medicus assideat	134
Acus pro cataractæ Chirurgia fabrica	501	Equinoctiorum nulla in medendo vis	211
Adstantes quomodo gubernandi	80	Ætas puerilis & senilis victum pleniorē	
Adstantium errores corrigendi	81	coindicant	252
Adstantium officium	80	Affectus animi dissimulatus	132
Astringentia topica stuporem inducunt	364	Affectus animi cur diversos in diversis e-	
Ær crassior quomodo mutandus	381	dant effectus	420
Ær quomodo nostra corpora afficiat	381	Affectus animi in cunctis haud perinde a-	
Ær temperatus non omnibus æque salu-		gunt	419
bris	381	Affectus animi morbos aliquando solvunt	
Æris habitudo morborum signum	143		419
Æris mutatio fiat lente	379	Affectus animi rebus necessariis perperam	
Æger adhortandus	90	accensentur	418
Æger attentus sciscitationi Medici	132	Affectus animi quomodo corpus alterent	
Æger obtemperet Medico	367		418
Æger casu sanatus	25	Affectus animi non semper moderari licet	
Ægri relationi non semper fidendum	133		425
Ægro præsente haud consultandum	122	Affectuum animi efficacia	47
Ægrum salutis causa decipere licet	88	In Affectibus soporosis ptarmica valent	323
Ægri aliquando nō assument præscripta	167	Agendi tempus	243
Ægri confidentes obsequiosi	46	Alimenta dyspepta interdum evpeptis præ-	
Ægri de causis internis haud interrogandi		feruntur	388
	145	Alimenta dyspepta non omnibus noxia	387
Ægri etiam consolandi	189	Alimenta nonnunquam a Medico lustran-	
Ægri frequentes visitandi	98. 102	da	603
			Alimen-

INDEX RERUM.

Alimenta solidiora in salivatione haud con- veniunt	299	Apophlegmatismi præservatorium pestis	325
Alimentorum etiam quædam pars cum eu- phoria rejicitur	417	Apophlegmatismi quid	325
Alimentorum incongruorum noxa quo- modo præcavenda	390	Apophlegmatismorum operationem ma- ficatio adjuvat	326
Alimentorum nimiorum damna	391	Apophlegmatismos prohibentia	326
Alimenta sumendi tempus	392	Apophlegmatizantia qualia & quomodo agant	326
In Alimentis designandis experientia at- tendenda	390	Apoplectici erecta cervice detinendi	414
Aloëcur Gummi ammoniaco anteponen- da	283	Apostema periculosum feliciter incisum	68
Aloë hypochondriacis etiam quadrat	283	Arcana num consultandum inter revelan- da	125
Aloës duplex substantia	283	Arts medica, non fortuna, operatur	21
Alterantia humori alterando requiruntur adaquata	340	Arteriarum carpi conformatio extraordi- naria	177
Alterantia qualia præmittenda	340	Artifex per fortunam agere nequit	30
Alterantium abusus	198	Artus extirpandi nova ratio	233
Alterantium dosis hodie nimis parca	246	In Ascite clyster efficax	332
Cur Alterantium dosis major in usum hodie non vocetur	248	Asthmatici erecta cervice detinendi	414
Ab Alterantium dosi majori nihil metuen- dum	248	Astrologi in prognosi vani	183
Alvus an respondeat	153	Astrologiæ num ratio habenda in morbo- rum medela	209
Alvus quibusdam contumacior	417	Astrologorum cautelæ incertæ	213
In Alvi obstructione clyster efficax	332	Astrologorum cautelas experientia repro- bat	214
Ambulatio motus salubrior	412	Astrologorum præcepta etiam chronicis minus valent	213
Amentia simulata exemplum	676	Astrologiam crepantes nugantur	84
Amentis exemplum pro venefica habitæ	679	Astrologiam medicam Hippocrates & Ga- lenus ignorarunt	216
Amentes nonnulli falso tales creduntur	681	Ab Astrorum constellatione nulla fortuna	18
Anatomie practica commendatur	13	Auditus in causis forensibus rarior	610
Anatomia practica defectus	13	Auri efficacia dubia	418
Anatomica exercitia laudantur	7	Autoritatis præjudicium seponendum	8
Animi dolor haud dissimulandus	132	Autorum lectio commendatur	67
Anni tempus morborum signum	143	B.	
Apophlegmatismi blandius evacuant ster- nutatorii	325	Baphicorum tincturæ an venenosæ	534
Apophlegmatismi etiam alterando agunt	325	Bechica non omnibus quadrant	327

Bechica

INDEX RERUM.

Bechica non sunt unius generis	327	Catharsis ex auditu	287
Bechica quænam debeant præmitti	329	Catharsis ex pharmaci aspectu	286
Bechica quænam incrassando agant	327	Catharsis præservatoria non semper tuta	266
Bechica quænam solvant viscidum	328	Catharsis quomodo à capite & pectore revellat	341
Bechica quænam sese medio modo habeant	328	Catharsis Vesicatoriis præmittenda	318
Bezoar lapidis virtus dubia	461	Catharicos perfectæ signa	278
Brachiorum molestia in herniosis haud metuenda	521	Post catharticum assumptum quidnam observandum	289
C.			
Cacoehymia quid indicet	204	Cathartica leniora intestina evacuant	330
Cacoehymia quomodo purgationem indicet	264	Cathartica non omnia omnibus quadrant	280
Cadaveris foetus à nati discrimen	534	Cathartica quomodo totum evacuent	263
Calculus è vesica minus commode suctu protrahitur	497	Cathartica revellunt etiam in inflammationibus	264
Calculi vesicæ exploratio chirurgica minus fida	514	Cathartica selectiora	280
Calculus minusque sufficiens	516	Cathartica simpliciora præferuntur	282
Calculorum diagnosi difficilis	14	Catharticum abusus	265
Intra calidiora loca ægri haud rigidius coercendi	383	Catharticum administrandum circumstantiæ	274
Calor num à bile & sulphureorum abusu	339	Catharticum damna	266
Cantharidum applicationem non omnes ferunt	164	Catharticum dosi à quibusnam varietur	285
Cantharidum in Vesicatoriis quantitas	318	Catharticum dosi sit adæquata	284
Carceris à Medico inspectio	604	Catharticum non tamen nimia	285
Gastoreum non omnibus mulierculis gratum	164	Catharticum forma varia	286
Casu quæ fiunt, Medico haud adscribenda	24	Catharticum formam quænam immutent	287
Casus varii inspectionem urgent	596	Catharticum indicantia	264
In Casibus judicialibus nunquam sine sensuum usu deponendum	581	Catharticum prophylacticorum abusus	196
Cataractæ recidiva cur contingat	492	Catharticum prohibentia	268. 273
Catenæ similiaque captivorum instrumenta inspicere debent	605	Ante Catharticum usum corpus præparandum	279
Catharsis an Emesi præmittenda	277	Ante Catharticum usum dolores intestinorum sistendi	280
		Cathartici aliquando alia, & hypnotica quoque admiscenda	284
		Cathe-	

INDEX RERUM.

Catheteres flexiles non adeo utiles	494	Chirurgus in deponendo haud Medico	
Catheterismus	337	preferendus	555
Causa evidens male occultatur	147	Chirurgus sit mechanicus	501
Causa evidens scitu necessaria	146	Chirurgus vulnerati ad testificandum non	
Causa procacitica & conjuncta idem in-		facile admittitur	560
dicant	253	Chirurgi ad deponendum habilis conditio-	
Causæ & morbi eadem vis indicandi	253	nes	559
Ex Causæ evidentis defectu concluditur		Chirurgi morbis internis non medeantur	
latens	147		42
Præter causam & morbum plura investi-		Chirurgi rarius & in levioribus casibus de-	
ganda	119	ponunt	553
Causæ primariæ non semper primo mederi		Chirurgi sine Medicis super vulnere leth-	
licet	224	thalitate nequeunt deponere	553
Causæ evidentes manifestant latentes	146	Chirurgorum imperitia ad deponendum	
Causæ morbificæ sciscitandæ	145		559
Causæ morborum latentes indagandæ	163	Chirurgorum ruditas circa lethali- vulnerum	43
Causarum medico-forensium diversitas	575.	Chirurgorum temeritas erga Medicos	43
	635	Chirurgis medela scorbuti & luis venereæ	
ACausarum remotione non semper cura		male conceditur	43
dolorum inchoanda	360	Ad Chirurgo deponendi provincia qua	
Cauterii cultellaris nullus usus	494	occasione quondam fuerit devoluta	
Cauteria sanguini sistendo minus adæquata			557
	503	In Chronicis an lentius procedendū	192
Celsus notatur	71	Chymia non semper medicamenta exaltat	
Censura formularum	119		471
Cephalica forsân in humores potius quam		Chymia remediorum vim destruit	476
in spiritus agunt	355	Chymix præstantia	466
Cephalicorum virtus dubia	354	Chymiatrî frequentius Galenicis utuntur	
Cerebri commotio à priori demonstrari		remediis	473
naquit.	661	Chymica tentamina proficua	7
Chirurgia à medicina avulsa more empirica		Chymicorum præparationes sæpe superva-	
	483	canæ	473
Chirurgia à medicina non separanda	479	Ciborum varietas non semper noxia	393
Chirurgia qua occasione à medicina sepa-		Ciborum varietas qualis noceat	395
rata	485	In Cibis assumendis ordo nullius mo-	
Chirurgia rationalis à Medico exercenda		menti	393
	484	Cinnabaris virtus cephalica incerta	354
Chirurgiæ efficacia	478	Cito agat Medicus	191
Chirurgiæ necessitas	426.478	Ssss	
		Clyster	

INDEX RERUM.

Clyster in ascite efficax	332	Consuetudo interdum mutanda	376
Clyster in colica	332	Consuetudo locorum	162
Clyster in obstructione alvi	332	Consuetudo prava nonnunquam servanda	378
Clysteris admittendi & retinendi tempus	334	Consuetudo prava in usu spiritus vini & nicotianæ fumi	373
Clysteris injiciendi quantitas	333	Consuetudo prava plerumque mutanda	377
Clysteres injiciantur tepidi	333	Consuetudo salubris servanda	376
Clysteres gravidis non adeo frequentes sint	331	Consuetudinis efficacia in somno & vigiliis	373
Clysteres num herniosis quadrent	331	Consuetudinis potentia in excernendis & retinendis	375
Clysteres simpliciores præferuntur	332	Consuetudinis ratio habenda	376
Clysterum frequentiorum effectus	331	Consuetudinis vis	78
Clysterum materia	332	Consuetudinis vis in motu exercendo	373
Clysterum usus	330	Consultatio in thesi res anceps	126
Clysteres prohibentia	331	Consultatio sine speciali arcani revelatione	125
In Clysteribus stimulantibus mucilaginosa & pinguis incongrue recipiuntur	335	In Consultatione postulanda quid observandum	120
Cæcitas semper demonstrari nequit	461	Consultationes aliquando fugiendæ	120
Num coenandum largius	396	Consultationes ex agrorum dissidentia	114
Coffee abusus	198. 200	Consultationes Medicis hodie molestæ	113
In Colica clyster efficax	332	Consultationes non facile recusandæ	115. 121
Collegia medica cur attestata interdum interpellent	579	Consultationes nonnullis exosæ	109. 110
Collegia rogantur deponentibus dissidentibus	545	Consultationes sint tempestivæ	121
Collutiones oris in salivatione conveniunt	299	Consultationum damnum	117
Confidentia in Medicum	46. & seqq.	Consultationum difficultas	108
Confidentia talis prudentia comparatur	49	Consultationum necessitas	106. 108
Confortantium abusus	198	Consultationum utilitas	104
Consuetudo agrorum indaganda	161	In Consultationibus contradicere licet	123
Consuetudo agrorum quoad evacuationes	161	In Consultationibus haud litigandum	112
Consuetudo diætam moderatur	370	Consultandi modus	112. 124
Consuetudo in animi pathematis	375	In Consultando nonnullorû fastus	115. 117
Consuetudo in decubitu ac stratis	374	Consultantium nefaria conspiratio	117
Consuetudo in ferenda aëris inclementia	370	Consultantium nonnullorû ostentatio	118
Consuetudo in victu	371	Contradicendi studium	113
		Corporis dispositio morborum signum	143
		Corporis	

INDEX RERUM.

Corporis habitudo sciscitanda	145
Cranii depressi elevatio per cucurbitam vel emplastrum vix procedit	508
Cranii depressio lethalis non semper di- gnoscutur	673
Cranii depressio non semper indiget eleva- tione	507
Cruditas humorum non semper diuresin prohibet	301
Cruditas primarum viarum diuresin prohi- bet	301
Cruentatio cadaverum dubia	625
Cura vide Medela	
Curare quid sit	221
Curationis maximum momentum	97
Cynosbati fructus & spongia urinam & calculum movent	245
D.	
Damna à Medicis clandestinis	168
Decorum Medici	45
Decubitus qualis salubris vel noxius	413
Decubitus supinus quibusdam nocet	414
Decubitum quænam variant	414
Delirantes ut tractandi	89
Delirantibus non omnibus flagra quadrant	425
Dentes dolentes non mox extrahendi	526
Dentium artificialium incommoda	527
Dentium limatio suspecta	527
Depositio sensualis quid	577
Derivatio & revulsio an differant	340
Derivatio humorum fieri nequit	341
Deus non immediate agit	20
Diæta ad morborum medelam non sufficit	416
Diæta ægri exploranda	149
Diæta indifferens facilius & tutius mutatur	378

Diæta remedium conservativum & curati- vum	365
Diæta errores celantur	149
Diæta errores nosse prognosin moderatur	151
Diæta errores prudenter detegendi	150
Diæta mutatio fiat pedetentim	379
Diæta moderanda experientia inservit	366
Diætā etiam sanorum Medicus modera- tur	366
Diætā variantes causæ externæ	380
In Diætā conniventiam quæ moderentur	368
Sub Diætā non tantum victus modera- men comprehenditur	366
Diagnosis morbi ex causis	143
Diagnosis pars Medicinæ practicæ	129
Diagnoseos necessitas	129
Diaphoresis quid operetur	255
Diaphoresis subinde viriis etiam primarum viarum medetur	306
Diaphoreseos tempus	309
Diaphoresin administrandi cautela	309
Diaphoresin indicantia	307
Diaphoresin prohibentia	308
Diaphoretica etiam expectorantium no- men merentur	328
Diaporeticorum varietas	310
Diarrhœa salivationi superveniens quomo- do cohibenda	300
Discussio quibus morbis conveniat	320
Discussio ut fiat	320
Cur Discussioni locus in principio	320
Discutientia instrumenta	320
Discutientibus viscosa licet admiscere	321
Disputatio de lana caprina	118
Diuresis quomodo & quid agat	300
Diuresin prohibentia	301
Diuretica diversi generis	303

INDEX RERUM.

Diuretica non omnia omnibus quadrant	302	Empirici pervicaces & injusti	33
Diureticorum cautela	305	Empirici poena digni	33
Diureticorum & sudoriferorum differentia	300	Empirici qui	31
Diureticorum prophylacticorum abusus	196	Empirici variae conditionis	32
Diureticorum selectu opus	304	Empiricorum diversitas	33
Diureticis etiam à pastu licet uti	305	Empiricorum frequentia	32
Dolor in consensum alias partes rapit	358	Empiricorum patroni	38
Dolor membri extirpati	233	Empiricorum temeritas	36
Dolor non est affectio tactus	357	Empiricis sanitas non concedenda	35
Dolor sensorium quoque commune afficit	359	Epilepsiae simulatae exempla	682. 683
Doloris compescendi necessitas	357	Equiratio motus salubris	412
Doloris indicationes	359	Errhina quibusnam affectibus medeantur	323
Doloris subjectum & causa formalis	358	Errhinorum & Ptarmicorum convenientia	321
Dolores non omnes purgationem prohibent	273	Errhinorum & Ptarmicorum differentia	322
Dolorum causa proxima	359	Errhina administrandi tempus & locus	325
Dolorum causae remotae	359	Evacuante particularia ad sensum talia	321
Dolorum medela per anodyna tantum palliativa	360	Evacuatio per epicrasin	278
In Doloribus sedandis quid primum agendum	360	Evacuaciones criticae a symptomaticis discernendae	155
E.		Evacuaciones particulares, aut insensibiles, aut evidentes	256
Emesis an catharsi praemittenda	277	Evacuaciones particulares non omnes congrue tales saluantur	319
Emetica e toto quoque evacuant	263	Evacuaciones particulares sunt communes & propriae	320
Emetica quomodo expectorationem praestent	329	Evacuaciones quoduplices	254
Emetica ventriculum evacuant	329	Evacuaciones universales vel insensibiles, vel sensibiles	255
Emeticorum cautela	279	Excretiones attendendae	153
Emeticorum prophylacticorum abusus	195	Excretorum moderamen	415
Empirici Doctores inter Medicos	44	Excretorum mutatio ab assumptis	153
Empirici fastuosi	30	Exercitatio practica	9
Empirici jactant fortunam	37	Exercitatio practica sub perito Medico	11
Empirici imperiti	36	Exercitationis ejusmodi causa peregrinatio commendatur	15
Empirici infames	33		
Empirici pauciores sanant	28. 29		

Exer-

INDEX RERUM.

Exercitationis talis in Germania defectus	14	Fluida animalia crasseos diversæ	352
Expectorantia vid. Bechica		Fluida animalia differunt ab universalibus	351
Experientia	10	Fluida universalia non eadem in omnibus	351
Experientia diætæ moderandæ inservit	366	Fluiditatis præternaturalis correctio	349
Experientia etiam sine ratione prodest	204	Fœminæ non tantum à fœminis inspiciendæ	585
Experientia in Medico prævaleat	202	Fœtus à conceptione statim vitalis	623
Experientia medendi quoque methodum mutat	208	Fœtus aliquantum sub partu respirare potest, qui mortuus nascitur	664
Experientia quomodo facienda in viribus medicamentosis	456	Fœtus etiam sine respiratione aliquamdiu vivere potest natus	666
Experientia rationi anteponenda	202. 203	Fœtus humanus semper præternaturaliter excluditur, qui ante nonum mensem editur	628
Experientia rationes suggerit remediorum rariorum	208	Fœtus vivus, an mortuus, natus ex pulmonibus vix cognoscitur	662. 669
Experientia tentativa rejicitur	11	Fœtus vivus interfici potest, antequam respirare	667
Experientiæ conditiones	12	Fœtus stigmata à matris imaginatione	659
Experientiæ occasio	12	Fœtus suffocatio ex spuma circa os infallibiliter haud concluditur	672
Experientiæ aliquando soli innitendum.	202	Fœtus vivi, an mortui, partus dubius	662
Experientiæ plura debentur remedia	204	Fœtui pellendo ptarmica inserviunt	323
Sine Experientia sensuali num aliquando deponere liceat	576	de Foi enchiresis in trepanatione nullius momenti	513
Experimenta firman rationem	209	Fonticulus cur aliquando exarescat	315
F.		Fonticuli occludendi circumstantiæ	314
Fæcum alvinarum mutatio ab assumptis	154	Fonticuli exarescentis medela	315
Fastus nonnullorum in consultando	115	Fonticuli an queant occludi	314
Febres intermittentes aliquando lethales	171	Fonticuli quibus affectibus medeantur	311
Febres malignæ fraudulentæ	172	Fonticuli unde & quid evacuent	311
In Febribus quando purgandum	275	Fonticuli universaliter quoque evacuant	310
In Febribus venæ sectio suspecta	207	Fonticulorum contraindicans	312
Febriles paroxysmi haud semper venæ sectionem prohibent	258	Fonticulorum locus	313
Festinandum lente	193	Ante Fonticulorum usum corpus præparandum.	313
Fibrarum crispaturas quæ leniant	360	Forfices	
Fluidi nervi à fluidis macrocosmi discrepantia	353		
Fluidi nervi pathologia ignota	353		

I N D E X R E R U M.

Forfices minus idoneæ sinubus incidendis	495
Formulae lengiores censentur	461
Formularum præscriptio medicinae da- mnosa	442
Fortuna indifferens	26
Fortuna in Medico frustra postulatur	19
Fortuna sola insufficiens	23
Fortunæ nulli effectus	21
Fortunam irrident Philosophi	20
Fotus uterini	336
Fracturæ calvaria signa dubia	630
Fraudes Medicorum	49
Fraudulentia ægrotum noscenda	167
Frictionum effectus	255
Frigiditas humorum an concipi possit	339
Frutex Peruvianus vitam & mortem præ- sagiens	180

G.

Galenus notatur	71
Galenii medela tentativa	137
Galenicorum præparationes non semper improbanda	471
Gargarismata in salivatione conveniunt	299
Garrulitatis damna	84
Gaudii vis	421
Gelida stuporem inducunt	364
Gemmarum efficacia dubia	460
Geomantæ in prognosi vani	183
Globulorum plumbeorum usus pro alvo referenda incongruus	499
Granatorum cortex menses movet	245
Gravidarum appetitui pravo aliquando in- dulgendum	79
Gravidarum percussio non omnis in foe- tum derivatur	659
Gravidis clysteres non adeo frequentes sint	331
Qualitatus in causis forensibus rarior	610

H.

Habitus gracilior quando fonticulos & se- tacea prohibeat	312
Habitus siccior diuresin prohibet	302
Hæmatoscopia fallax	155
Hæmorrhagiæ medela ante vulnus	230
Hæmorrhagiæ februm acutarum non sem- per venæ sectionem innuunt.	258
Hæmorrhagias sistendi vanus Chirurgorum conatus	502
In Hæmorrhagiis qualis venæ sectio conferat	342
Herniæ sectio quomodo instituenda	525
In Hernia quando sectione opus	525
Herniæ sine sectione frequentius sanantur	520
Herniarum causa musculorum abdominis annuli dilatati	524
Herniarum post castrationem recidiva un- de	525
An Herniosis quadrent clysteres	331
Herniotomia cum castratione avtopsiæ a- natomicae repugnat	522
Herniotomia non sine recidiva	528
Herniotomia vulgaris nec suadenda, nec concedenda	521
Herniotomiæ vulgaris ineptitudo	519
In Herniotomia castratio minus neces- saria	525
Herniotomorum circumforancorum falla- cia	521
Hippocrates calculi sectionem interdicens Medicis Chirurgis haud præjudicat	486
Hippocrates notatur	71
Hippocrates peregrinatus	17
Hippocratis medela tentativa	136
Humores crudi & cocti	269
Humores crudi sub certis conditionibus e- vacuandi	269

Humo-

INDEX

R E R U M

Humores dolorifici non semper acres	359
Humores per corpus vagantes an purgandi	272
Humores quales diaphoresin indicent	307
Humores qui minus revellendi	342
Humores quinam turgescant	271
Humorum affluxum auctum cœrrigentia	340
Humorum cruditas catharsin prohibet	268
Humorum eductorum novus confluxus	345
Humorum laudabilium defectus quomodo restauretur	254
Humorum qualitate peccantium correctio	339
Humorum qualitates præternaturales	338
Humorum refluxus impeditus quomodo juvandus	344
Hydromantæ in prognosi vani	183
Hydrophobis non omnibus immersio in aquas confert	425
Hydropicorum a potu reconvalescencia	24
Hygienes & Therapiæ eadem ratio	190
Hypercatharsis quomodo sistenda	290
Hypotheses universales male formantur ex phænomenis particularibus	350
Hypothesium ab analogia petitarum infirmitas	352

I.

Idiosyncrasia ægrorum noscenda	163
Idiosyncrasia moderatur diætâ	369
Imbecillitas partium coincidit cum virium defectu	238
Imperitia Empiricorum	36
Imperiti etiam jurati depositio nihil probat	544

Imperitorum technæ	178
Imprægnatio nefaria haud celanda	94
Incantationis indicia vulgaria insufficientia	655
De Incantatione depositio difficilis	654
Indicatio curatoria	222
Indicatio præservatoria	222
Indicatio triplex	222
Indicatio virium	251
Indicatio urgens	222
Indicationis doctrinæ axiomata	221
Indicationis vitalis objectum	222
Indicationi vitali ante omnia satisfaciendum	250
Indicationes quid	221
Indicans conservationis	239
Indicans inter atque agendum proportio	242
Indicantium cunctorum non semper ratio habenda	224
Indicatum semper unum	240
Indicata & materia auxiliorum differunt	240
Inediæ damna	391
Ex Infantis sceleti habitudine hujus ætatis dignoscenda	534
Ingravidatio ficta difficulter cognoscitur	675
Ingravidatio non semper dignoscitur	674
Inspectio accuratior sectione semper opus habet	592
Inspectio aliquando à putredine impeditur	582
Inspectio cadaverum frequentior est, & valde necessaria	586
Inspectio cadaverum cur necessaria	588
Inspectio non absolute postulat omnia vasa & integumenta lacerata notari	583
Inspectio	

INDEX RERUM.

Inspectio non quovis tempore instrumen- tum adæquatum est	586	Judicium in Renunciationibus ex sensatis formandum	611
Inspectio variis in casibus necessaria	596	Jureconsultorum dissensus circa Chirurgi officium in deponendo	554
Inspectio vivi sit verecunda	584	Juscula ab assumpto cathartico sumenda	289
Inspectione accuratiori aliquando intera- nea læsa deteguntur, ubi externa vio- lentia signa deficiunt	590	Juvanium & lædentium ratio habenda	218
Inspectione etiam opus, ubi de veneno su- spicio	596	L.	
Inspectione mediante deponitur de homi- ne vivo	581	Lanceola simplex in paracentesi abdominis commendatur	498
Inspiciendum cadaver recens nati, si de in- fanticidio suspicio	596	Lapidum pretiosorum efficacia dubia	457
Instrumentum <i>van Meckren</i> taxatur	498	Lectio Autorum	67
Instrumenta ad deponendum necessaria	575	Lectio veterum insufficiens	8
Instrumenta medica, vid. Materia auxilio- rum		Leges publicæ minus favent Empiricis	34
Instrumenta non omnia apta globulis sclo- petorum extrahendis	495	Legibus publicis non repugnat pharma- ciam à Medicis exerceri	432
Instrumenta nonnulla chirurgica superflua	497	Lethale per se & absolute perperam con- funduntur	616
Instrumenta renunciationum sensus & ra- tio	576	Lingua exotica Medico utiles	5
Instrumenta viribus prospicientia	251	Linteaminum mutatio ægris haud dene- ganda	383
Instrumentorum in officinis chirurgicis de- fectus & ineptitudo	488	Lithotomia Medicis haud jure interdicatur	487
Interceptio quibus instrumentis fiat	341	Locus per quem evacuandum	275
Interceptio quibus modis contingat	343	Loca quibus remedia applicanda	243
Interceptionis cautelæ	344	Loca quoque à Medico lustranda	603
Interrogatio Medica vid. Sciscitatio		Lotium vid. Urina	
Intestinis evacuandis cathartica leniora in- serviunt	330	Lunæ phasium nulla in medendi efficacia	211
Iræ efficacia	421	M.	
Ischuria Ischuriæ	229	Magnatum ægrotantium conditio	81
Itio motus salubrior	412	De Maleficio depositio difficilis	654
Jucunde quomodo curandum	220	Malefici indicia vulgaria insufficientia	655
Ad Judicem spectat in re dubia judicium mitius amplecti	672	Malignitas febrium purgationem prohibet	273
		Malignitas humorum non semper venæ se- ctionem prohibet	258
		Malignitas non semper in principio digno- scitur	172

Malum

INDEX RERUM.

Malum aliquod majus, aliud minus, quotu- pliciter dicatur	223	Medicamenta chymica propter suavitatem haud anteponenda	478
Manibus quoque harumque contrectatio- ne in negotiis forensibus opus	607	Medicamenta composita circumspecte concinnanda	465
Margaritarum efficacia major probari ne- quit	457	Medicamenta etiam vulgaria efficacia	475
Masticatoria quid	325	Medicamenta Galenica non penitus reji- cienda	467
Materia auxiliorum & Indicata differunt	240	Medicamenta Galenica saepe præstantiora & tutiora	471
Materia auxiliorum multiplex	240	Medicamenta haud propinentur nimia	249
Materia auxiliorum fontes	241	Medicamenta interdum componenda	464
Materia morbifica in febris principio non cruda	270	Medicamenta ipsa haud propalanda	86
Cur Matres natos lactare detrectent	385	Medicamenta juxta diætam usurpanda	249
Medela non semper inchoanda à causa pri- maria	214	Medicamenta non plura simul commen- danda	87
Medela non semper succedit	190	Medicamenta non semper mutanda	103
Medela per contraria	223	Medicamenta plurima experientiæ ope de- tecta	204
Medela quando muranda	217	Medicamenta quando mutanda	217
Medela tentativa Galeni	137	Medicamenta roborantia	251
Medela tentativa Hippocratis	136	Medicamenta salivantia externa	195
Medela morborum fortunæ non concre- denda	26	Medicamenta salivantia interna	294
Medelæ impedimenta	191	Medicamenta simplicia efficaciora	463
Medelæ tentativæ cautelæ	137	Medicamenta simplicia non omnia corre- ctione indigent	472
Medendi methodus ab experientia muta- tur	208	Medicamentorum à Medico dispensationis utilitas	445
Medendi methodi axiomata	221	Medicamentorum chymicorum præstantia	466
Medendi methodus quid & quoduplex	221	Medicamentorum cognitio unde depen- deat	453
Medendi ratio non statim mutanda cum remediis	218	Medicamentorum compositiones majores damnantur	462
Medicamenti vis aliquando etiam reticen- da	87	Medicamentorum dosis congrua	246
Medicamenti vis prudenter innuenda	86	Medicamentorum forma varia	244
Medicamenta adhibeantur satis potentia	96		
Medicamenta chymica non adeo nobis quadrant	472		

INDEX RERUM.

Medicamentorum notorū contemptus	68	Circa Medicinam forensem quādam à	
Medicamentorum præparatio qua occa-		Medicis neglecta à Jureconsultis re-	
sione ad pharmacopæos devoluta	430	censentur	535
Medicamentorum textura intrinseca quo-		In Medicina forensi Jureconsulti parum,	
modo cognoscenda	453	Medici plus egerunt	532
Medicamentorum vis à phantasia immuta-		Medicus à Deo salutem expectet	57
tur	287	Medicus à suaveolentis sibi temperet	56
Medicamentorum vis per chymiam de-		Medicus in deponendo ad quæ debeat at-	
struitur	476	tendere	611
Medicamentorum vires quomodo investi-		Medicus agrorum etiam desiderii contra-	
ganda	455	dicat	77
Medicamentis chymicis multa præparata		Medicus agroris aliquandiu affideat	134
perverse annumerantur	469	Medicus agros pietatis admoneat	58
Medicastro vid. Empirici		Medicus affabilis, neutiquam garrulus	82
Medice nonnulli vivunt, ut vivant pessime	201	Medicus agat secundum rationem & expe-	
Medicina forensis imperfecte tradita	533	rientiam	201
Medicina forensis unde	532	Medicus aliquando prolixius deponat	551
Medicina non versatur circa bruta	72	Medicus appetitui absonorum indulgeat	76
Medicina præscriptoria periculosior dis-		Medicus bene valeat	53
pensatoria	444	Medicus Chirurgiam rationalem exerceat	484
Medicina Reipublicæ quoque & justitiæ li-		Medicus circumspice deponat	548
tat	529	Medicus circumspectus	97
Medicinæ addiscendæ tempus	7	Medicus cito agat	191
Medicinæ corruptela ex formularum præ-		Medicus consuetudini indulgeat	78
scriptione	442	Medicus de futuris depositurus sit cautus	620
Medicinæ finis ultimus duplex	532	Medicus deponit tantum de credulitate	548
Medicinæ forensis excellentia & difficul-		Medicus director & judex rerum chirurgi-	
tas	633	carum	556
Medicinæ forensis finis duplex	634	Medicus ex medicamentis præparatis lu-	
Medicinæ forensis latissimus campus	533	crum honestum capiens avaritiæ non	
Medicinæ incrementum ex medicamento-		accusandus	437
rum præparatione	441	Medicus formulas præscribens de genuina	
Medicinæ incrementa fortuita	21	experientia gloriari nequit	451
Medicinæ potissimum momentum medi-		Medicus fortunatus quis	16
camenta efficacia	441		
Circa Medicinam forensem Autoris in-			
tentio	538		

Medicus

INDEX RERUM.

Medicus humanus	59	Medicus non nimis rigidus	76
Medicus in agendo ne nimis sit mutabilis	216	Medicus non semper in culpa infelicitis successus	19
Medicus in casibus forensibus non adeo facile admittat hypothesas dubias	621	Medicus non semper naturam habet cooperantem	27
Medicus in deponendo aliquando peritiori cedat	620	Medicus nunquam in favorem deponat	632
Medicus in deponendo etiam suspendere potest iudicium	548-619	Medicus paucorum curam suscipiat	103
Medicus in deponendo quid fugere debeat	552	Medicus pauperibus, non tamen cunctis, medeatur	61
Medicus in deponendo sit perspicuus	551	Medicus per medicamentorum preparationem famæ litat	451
Medicus in dicta præscribenda ne sit rigidior	367	Medicus philosophia sit imbutus	6
Medicus in medicamentis haud excedat	249	Medicus placere studeat	46
Medicus in remediis administrandis à viri-um proportionem nunquam recedat	220	Medicus prudens	52
Medicus in uno remedio spem omnem haud collocet	220	Medicus quando & cur quiescere possit	194
Medicus ingenuus	97	Medicus quolibet etiam casu præparare potest apta remedia	437
Medicus lenis	75	Medicus secundum conscientiam deponat	545
Medicus linguas calleat	5	Medicus sedulus	98
Medicus majori cura medicamenta præparat	445	Medicus sensuum acie polleat	434
Medicus medicamenta habeat tantum selectiora	457	Medicus sine ratione non deponat	550.
Medicus medicamenta præparaturus impensas haud metuit	437	Medicus singulorum, qui in foro una deponunt, director	540
Medicus modestus	74	Medicus taciturnus	92
Medicus nihil intermittat calumniæ metu	219	Medicus vocatus ad medendum sit promptus	59
Medicus nec timidus, nec pertinax	96	Medicus vulnerati ad testificandum non facile admittitur	550
Medicus non assentator	75. 81	Medici aviditas discendi	7
Medicus non jactabundus	82	Medici clinici officium	490
Medicus non malignus	83	Medici decorum	45
		Medici doctrina	5
		Medici doctrinæ fontes	6
		Medici eruditio à vulgo haud dependet	26

INDEX RERUM.

Medici est hortari ægrotum	90	Medico nosse convenit, an & quæ medica-	
Medici in consilium vocandi qualitas	122	menta æger jam adhibuerit	246
Medici in foro deponentis conditiones	541	Medico peregrinatio necessaria	15
Medici in medendo qualitas	128	Medico scitu necessaria	5
Medici introitus qualis	75	Ad Medicum haud spectat in re dubia	
Medici malitia	102	mitius iudicium amplecti	671
Medici mundities	55	Medicum non fortuna, sed divina provi-	
Medici officium	2	dentia dirigit	9
Medici officium à paucis tractatum	1	In Medico experientia prævaleat	202
Medici officium tria involvit	241	A Medico num æqualis ægrotum cura	
Medici officii varietas	3. 49	gerenda	62
Medici materia sermonis	83. 90. 91	A Medico num opera nulli deneganda	
Medici peritia, non minus ac imperitia in			60
consultationibus	107	Medici clandestini nocivi	168
Medici pietas	57	Medici clandestini noscendi	167
Medici pollicitationes moderatæ	58	Medici colludentes cum pharmacopœis	50
Medici præfagientis officium	169	Medici conspirantes cum aliis	50
Medici prudentia in desperatorum cura	71	Medici consultationes reprobantes	109
Medici prudentia in revelandis	95	Medici favorem mulierum quærentes	51
Medici requisita	2	Medici fraudulentis, alios contemnentis	49
Medici sermo incongruus	90	Medici medicamenta parantes medicinam	
Medici suggestores difficulter deprehen-		quotidie augent	441
duntur	168	Medici medicamenta præparantes in phar-	
Medici vestitus	55	macopœos haud injurii	431
Medico credendum, si Medicus & obste-		Medici medicamentorum præparationibus	
trices in deponendo dissentiant	570	peritiores evadunt	449
Medico & peste laborantes visitare licet	100	Medici morbum levem fingentes gravio-	
Medico eruditio haud accrescit a majori æ-		rem	52
grotum confidentia	17	Medici obtrudentes se ægris	51
- - - nec à Magnatum gratia	27	Medici secreta secum mori nolint	125
Medico fortuita haud adscribenda	24	Medici uroscopiam profitentes	52
Medico medicamenta paranti nulla datur		Medici vulgi iudicio exponuntur	45
occasio male agendi	436	Medicorum contemptus ratio	2
Medico medicamenta parare haud onero-		Medicorum genuinorum factæ reticentur	30
sum	436	Medicorum pharmacia confirmatur	439
- - - nec turpe	434	Medi-	

INDEX RERUM.

Medicorum principes chirurgiam excoluerunt	480. 485	Metus in omnibus haud similiter operatur	419
Medicorum seiscitationes	128	Metus raro prodest	424
Medicorum valetudinariorum absurda e- lectio	54	Ministri Medicorum quomodo gubernan- di	80
Medicis consultationes hodie molestæ	113	Morbus aliquando adstantibus tantum, prudentioribus indigitandus	134
Num Medicis pharmacæ exercitium in- terdicendum	427	Morbus dissimulatus	32
Medicos dedeceat Veterinariæ exercitium	74	Morbus ægro non semper indicandus	134
Melancholia ficta	684	Morbus nec vilipendendus, nec cura ejus differenda	89
Mensium fluxus vix venæ sectionem prohi- bet	257	Morbus primarius aliquando ægro notus	142
Menstruorum non eadem omnibus quan- titas	416	Morbi causa exploranda post diætam	367
Mercurius dulcis commode salivationem mover	294	Morbi dignotio ex causis	143
Mercurius præcipitatus raro in salivatione confert	295	Morbi duratio ejusdem simul signum	144
Mercurius sublimatus corrosivus in saliva- tione vix tutus	295	Morbi eventus malus notis tribuitur medi- camentis	87
Mercurius vivus vix salivationem mover	294	De Morbi eventu judicandum	169
Mercurii dulcis usus catharticus	282	Morbi formalitas, causa & eventus unde pateant	148
In Mercurii inunctione quomodo proce- dendum	298	Morbi indoles prudentioribus explicanda	85
In Mercurii propinatione quænam ob- servanda	297	Morbi occultatio periculosa	131
Mercurii vivi vis stupefactoria	365	Morbi tempora & gradus	148
Mercurii vivi usus pro alvo referenda in- congruus	499	Morbo imminenti tempestive succurrendum	170
Metastases criticæ ad habitum non semper venæ sectionem prohibent	258	Præter Morbum & causam plura inve- stiganda	129
Cur Metieulosi non omnes peste corri- pianur	424	Morbum sæpe nescit æger	141
Metrenchyæ uterum haud subeunt	336	Morbo primario ignoto an medela adhi- benda	135
Metus in morbis contagiosis periculosus	424	Morbi aliquando iusto contumaciores	227
		Morbi deplorati ex ægrorum morositate	66
		Morbi dissimulati non omnes æque facile dignoscuntur	166
		Morbi ficti non omnes æque prompte co- gnoscentur	166
		T ttt 3	Morbi

INDEX RERUM.

Morbi ficti quomodo a veris dignoscendi	166	Motus voluntarii emolumentum	407
Morbi incurabiles	64	Motum dissuadentia	409
Morbi pariter simulati atque dissimulati dignoscendi	165	Sine Motu nullæ functiones vitales	406
Morbi quoque combinati dignoscendi	164	Motus universales, vel particulares	411
Morbi secreti non revelandi	92	Motuum species & gradus	411
Morbi secreti quales revelandi	92	Mucilaginosæ incongrue adduntur clysteribus stimulantibus	335
Morbi viscerum aliquando occulti	14	Mulo-medicina	73
Morborum deploratorum alii curandi, alii non	65	- - Medicos non decet	74
Morborum desperatorum differentia	64.		
	66	N.	
Morborum desperatorum medela	67	Narcoticorum modus agendi dubius	353
Morborum medela fortunæ haud committenda	26	Natura interdum Medico repugnat	27
Ad Morborum medelam pharmacia quoque & chirurgia requiruntur.	426	Naturæ motus purgationem prohibet	273
		Nicotianæ abusus	198
Morborum nonnullorum perperam inter-dicitur curatio	85	Nicotianæ fumi commoda & incommoda	199
Morborum sanatio aliquando fortuita	22	Nicotianæ pulveris nocumenta	200
Morbis an desperatis medendum	63	Nimium omne perniciosum	201
Morbos omnes sanare impossibile	72	Nosodochia frequentanda	12
In Morbis simulatis quænam cautelæ ob-servandæ	685	Noxia ægris haud permittenda	77
Mors certa prædicenda	485	Nugatores	83
Mors non nisi ex certis signis præfagienda	183	Nutrix lactans non sit vetusta	387
Mors num à veneno, an à malignitate in-trinseca, difficulter determinatur.	643	Nutrici animo commotæ non sufficit ali-qualis lactis emulsio	387
		In Nutricum delectu quænam obser-vanda	386
Mortis certæ prædictio à nonnullis male dissuadetur	186	O.	
Motus arthriticis minus confert	408	Observata singula in Renunciationibus an-notanda & consignanda	599
Motus calculosis non semper conducit	409	Obstetricis ineptæ exemplum	564
Motus in lassitudine aliquando confert	410	Obstetrices de impotentia coitum admit-tendi fideliter testari nequeunt	567
Motus moderaminis necessitas	405	Obstetrices de puerperio inepte testantur	568
		Obste-	

INDEX RERUM.

Obstetrices etiam ad deponendum postulantur	360
Obstetrices in sexu dubio discernendo aliquando hallucinantur	369
Obstetrices nostrates ignaræ	363
Obstetrices nostrates vix ad testificandum idoneæ	361
Obstetrices nunquam sine Medico deponent	369
Obstetrices quales ad deponendum eligendæ	371
De Obstetricum doctrina cogitandum	
Magistratui	374
Obstetricum examen	371
Obstetricum garrulitas	84
Obstetricum de imprægnatione iudicium fallax	367
Obstetricum de virginitate depositio inepta	365
Obstetricum officium	361
Obstetrices utero quondam gestasse non adeo necessarium	372
Obstetricibus in testificando alias foeminas combinari haud necessarium	374
- - - quamvis penes parturientes	375
Occasio præceps	192
Officium Medici	2
Officium Medici à paucis tractatum	1
Officium Medici clinici	190
Officium Medici præfagientis	169
Officium Medici tria involvit	241
Officii Medici diversitas	3. 49
Oleum terebinthinæ hæmorrhagias sistit	309
Olfactu pariter & naribus in negotiis forensibus opus	608
Operationes chirurgicæ plures ineptæ ac vanæ	502. 528

Operationes nonnullæ chirurgicæ minus fidæ	514
Opiata quibus minus conveniant	363
Opium inter & vinum analogia	641
Opium partibus inflammatis sphacelum haud inducit	363
Opium partibus sensibilibus nocet	364
Opii damna	362
Opii dosis & usus major	362
Opii extrinsecus admoti vis exilis	363
Opii quantitas nimia non omnibus nocet	640
Opii usus in doloribus haud formidandus	361
Opium non omnes ferunt	164
Ordinis ratio in medendo	243
Organorum urinariorum habitudo præternaturalis diuresin prohibet	302

P.

Panis repletio haud pejor ac aliorum ciborum	389
Paracentesis thoracis cum successu facta	68
Paracenteseos successus diversus	345
Paracenteseos successus dubius	519
Paracentesi abdominis simplex lanceola sufficere poterit	498
In Paracentesi fibrarum tractus vix attendendus	519
Paræsis ficta	685
Paragorica quænam	360
Partus nefarius haud celandus	94
Partus non omnis pro septimestri venditatus talis est	617
Partus octimestris non minus vitalis, quam septimestris	629
Partus	

INDEX RERUM.

Partus olim factus non semper dignoscitur	673	Pharmacopœi medicinam facientes empirici	39
Partus simulatus difficulter cognoscitur	675	Pharmacopœi Medicorum ministri	41
Partus naturalis tempus foetui humano non minus certum ac reliquis animantibus	616	Pharmacopœorum ars mechanica	40
De Partu septimestri dijudicando inspectione opus	619	Philosophia Medico utilis	6
De Partu septimestri & octomestri dis-sensus	627	Physicæ incrementum à Chymia	450
Pascuorum venenatio	534	Pilularum dosis dividenda	288
Pathemata animi vid. Affectus animi		Pinguia incongrue adduntur intestinis stimulantibus	335
Pedum gryphicorum usus incongruus	499	Planetarum aspectus nulla in medendo vis	211
Pellionum fermentum an venenosum	533	Plebis iudicium de Medico absolum	27
Peregrinatio Medico necessaria	15	Plebis opinio nullam conciliat eruditionem	26
Peregrinationes Medicorum vindicantur	16	Poma Sinensia in morbillis minus salutaria	152
Perinæi punctura	737	Potationes seræ noxiæ	401
Peritia Medici fontes	6	Potionatio vid. Veneni propinatio	
Peritia pharmaceutica unde dependeat		Potulentorum genera	397
Personæ deponentes in foro	540	Potus extra pastum minus conducit	400
Peste laborantes à quonam Medico visitandi	100	Potus extra pastum qualis prodest	401
Phantasia vim medicamentorum immutat	287	Potus generosus in salivatione nocet	298
Pharmaceuticum studium Medici proprium	443	Potus tenuior quibus conferat	397
Pharmacia Medicinæ pars	439	Potus gelidi copiosioris in Tertianâ effectus	152
Pharmacia Medicorum confirmatur	439	Potus necessitas	396
Pharmacis exercitium an Medicis interdiciendum	427	Præcipitantia vitanda	95
Pharmacis necessitas	426	Prædicere pejora num semper conveniat	184
Pharmacopœi arcana jactitant	440	Prædictio vid. Prognosis	
Pharmacopœi artis medicæ imperiti & ignari	41	Præservatoria vid. Prophylactica	
Pharmacopœi contra Medicos male allegant possessionem	434	Prandendum an largius	396
		Processu peritonæi vera conformatio	523
		Professores Medicinæ quales	7
		Prognosis a juvantibus & nocentibus	70
		Prognosis ægri confidentiam & obsequium auget	170
		Prognosis ex astris nulla	183
		Prognosis	

INDEX RERUM.

Prognosis ex pulsu fallax	176	Pulmones aquæ innatantes non semper de	
Prognosis ex urina fallit	175	foetu vivo testatur	662
Prognosis genuina ab ipso morbo hujusque		Nec Pulmones submergentes foetum	
circumstantiis petenda	183	semper mortuum innunt	665
Prognosis interdum minus grata	170	Pulmones foetus, cujus vitalitas dubia, inte-	
Prognosis Medico auctoritatem conciliat	169	gri aquæ committendi	668
Prognosis pars Medicinæ practicæ	129	Pulmonum foetus in aqua examini minus	
Prognosis prudenter instituenda	179	fidendum, nisi alia combinentur pha-	
Prognosis res difficilis	170	nomena	670
Prognosis abscessus viscerum fallit	173	Pulsus aliquando intermittens, quamvis	
Prognosis aliquando fallit superveniens		cor pulset	178
symptoma	172	Pulsus frequentior aliquando à sola cordis	
Prognosis causa interdum latens fallit	172	irritatione	178
Prognosis turbat cœli constitutio epidemi-	173	Pulsus natura debilis & intermittens	179
ca		Pulsus naturalis pro individuo variat	176
Prophylacticorum abusus	195	Pulsus explorandi conditiones	182
Providentia Medicorum divina	19	Pulsus habitudo cum aliis circumstantiis	
Prudentia in prælagiando	180	conferenda	182
Prudentia in revelandis	95	Pulsus mutatio à supervenientibus vel com-	
Prudentia Medico fiduciam comparat	49	binatis morbo	178
Prudentia Medicorum fraudulenta damna-	49	Pulsui non semper fides habenda	178
tur		Cum Pulsu optimo nonnulli pereunt	179
Prudentiæ Medici momenta	53	Purgantia vid. Cathartica	
Præmicia	321		
Præmicia in affectibus soporosis valent	323		
Præmicia in foetu & secundinis pellendi			
conferunt	323		
Præmicia num è cerebro evacuent	322	Quæstionis individualis cum generali con-	
Præmicia quibusnam affectibus medeantur	323	fusz exempla	613
		Quæstiones medico-forenses frivole	537
Præmicia quomodo in catharro ad pectus		Quæstionum medico-forensium diversitas	
agent	323		536
Præmicorum administrandorum cautelæ	324	Quantitas humorum evacuandorum	278
		Quantitas remedii quid involvat	242
Præmica administrandi tempus & locus	325	Quid agendum	241
		Quietis necessitas	410
Puerorum medela difficilis	131	Quomodo agendum	241
		Uuuu	R. Ratio

INDEX RERUM.

R.	
Ratio aliquando fallit	203
An Ratio in deponendo semper sensuali experientiae debeat inniti	577
Ratio per experimenta firmatur	209
Rationis mera est decidere quaestiones ge- neraliores	581
Rationes ab analogia incertae	209
Rationes virium medicamentosarum ab a- nalyfi chymica petita insufficientes	208
Reconvalescens quamdiu visitandus	104
Regio morborum signum	143
Remedia vid. Medicamenta	
Remedia generosa desperatis interdum sa- lutaria	68
Remedia generosiora	67
Remedia in morbo ignoto haud plane de- neganda	136
Remedia opportune adhibenda	97
Remediorum indoles prudentioribus ex- plicanda	85
Remediorum spiritus roborantium vel cor- rigentium defectus	356
Remediorum usum nonnulla supervenien- tia moderantur	273
Renunciatio festinata quantum noceat	549
Renunciationum instrumenta	576
Repellentia cur in principio convenient	320
Repulsionis instrumenta	343
Resolventia vid. Discutientia	
Retentorum moderamen	415
Retinendis non omnis cruor accensendus	416
Revulsio & Derivatio an differant	340
Revulsio in fluxus quoque incremento & statu confert	343

Revulsio quibus instrumentis fiat	341
Revulsionem prohibentia	342
S.	
Sagae falluntur	657
Sagarum stigmata dubia	625
Salinarum qualitatum correctio	339
Salivandi modus per soleas aut pediluvia	297
Salivantia interdum per alias vias evacuant	299
Salivatio evacuatio universalis	291
Salivatio molesta est evacuatio	293
Salivatio quamdiu continuanda	298
Salivatio quibus morbis conducatur	292
Salivationis administrandae ratio	298
Salivationis indicans	293
Salivationem prohibentia	293
Sanctorius refellitur	234
Sanguis ad animi deliquium haud mitten- dus	260
Sanguis copiosior evacuandus, ubi revel- lendum	261
Sanguis num bonus, an pravus e vena secta prodeat, nequit dijudicari	157
Sanguinis à secta vena inspectio fallax	155
Sanguinis coagulati color fallit	159
Sanguinis color decipit	156
Sanguinis color interdum lacteus	160
Sanguinis crusta fallit	158
Sanguinis educti coagulationis tempus fal- lit	158
Sanguinis evacuatio quo casu interpellan- da	261
Sanguinis habitudo extraordinaria non semper perniciofa	160
Sanguinis missio dolores demulcet	361
Sanguis	

INDEX RERUM.

Sanguinis missionis contraindiantia exa-	256	Sciscitationes Medicorum	128
minantur	256	Scurrilia, licet festiva, Medicus non loqua-	91
Sanguinis missionis indicantia	256	tur	91
Post Sanguinis missionem somnus mox	263	Secreta num consultandum inter revelanda	125
concedendus	263		125
Post Sanguinis missionem victus pariter	261	Sectio cadaveris inspiciendi non facile chi-	593
mox concedendus	261	rurgo debet committi	593
In Sanguinis missione ratio vaforum vix	260	Sectiones cadaverum inspiciendorum fiant	595
habenda	260	in loco opportuno	595
In Sanguinis missione vix temporis ra-	259	Secundinis pellendis ptarmica inserviunt	323
tio habenda	259		323
Sanguinis mittendi quantitas	260	Sensatio semper præcedit iudicium medi-	578
Sanguinis promanantis impetus fallit	156	cum	578
Sanguinis spuma nihil certi innuit	160	Sensoriis aliis præter oculum in negotiis fo-	607
De Sanguine misso prudenter iudicium	161	rensis opus	607
ferendum	161	Sensuum acies in Medico	134
Sanitas inopina	69	Serigrumum sanguinis circumnatantis pe-	159
Sanitas non certo pollicenda	184	nuria fallit	159
Sanitas non concedenda empiricis	35	Setacea quibus affectibus medeantur	311
Sanitatem maturat confidentia	46.47.48	Setacea unde & quid evacuent	311
Scarificatio crurum in ascitico salutaris	345	Setacea universaliter quoque evacuant	310
Sciscitanda ægri diata	149	Setaceorum contraindians	312
Sciscitanda vel generalia vel specialia	141	Ante Setaceorum usum corpus præpa-	313
Sciscitanda multa	130	randum	313
Sciscitandorum numerus	140	Severitas nimia nocet	79
Sciscitandum prius ab adstantibus	133	Signa coctionis ex urina fallunt	175
Sciscitandum prudenter	141	Signorum defectus	171
Sciscitatio alvi & aliarum excretionum	153	Simplicia non venenosa per compositio-	638
Sciscitatio causarum latentium	163	nem vel præparationem talia eva-	638
Sciscitatio causarum morbificarum	145	dunt	638
Sciscitatio causarum specialior	146	Situs corporis in admittendo clystere	334
Sciscitatio consuetudinis ægrorum	161	Sodomitici coitus cum cane indicium	534
Sciscitatio corporis habitudinis	145	Solstitiorum in medendo nulla vis	211
Sciscitatio fraudulentæ ægrorum	167	Somnus ægro conciliandus	249
Sciscitatio Medicorum clandestinorum	167	Somnus meridianus cruditates vix gignit	405
Sciscitatio prudens ac pudica	130		405
Sciscitationis fructus	130	Somnus moderandus	402
Sciscitationis obstaculum	131	Somnus mox a pastu haud nocet	404

INDEX RERUM.

Somnus mox post sanguinis missionem concedendus	262	Suffitus uterini	336
Somni tempus non idem omnibus	403	Suppositoria ex alumine	336
Num Somno indulgendum à cathartico assumpto	289	Suppositoria quomodo agant	335
Spasmi medela suscipitur ante vulnus	230	Suppositoriorum frequentiorum effectus	336
Speculi oris fabrica minus apta	493	Suppositoriorum longitudo	336
Speculi uterini usus incongruus	493	Suppositoriorum prohibentia	335
Spiritus quomodo excitentur	355	Surditas semper demonstrari nequit	661
Spiritus quomodo peccent motu	347	Symptoma aliquando suimet causa	229
Spiritus subtile non exhalabiles	349	Symptoma haud omne à morbo	226
Spiritus tumultuantes à narcoticis sopiuntur	361	Symptoma interdum mitigatur persistente adhuc morbo	234
Spirituum conservatio difficilis	347	Symptoma num indicet	225
Spirituum defectus causæ	346	Symptoma symptomatis aliquando causa	230
Spirituum existentia & substantia corporea	348	Symptomatis causa proxima non semper morbus evidens	235
Spirituum fluidum haud liquorosum	349	Symptomata cuncta in medela attendenda	239
Spirituum natura dubia	350	Symptomata interdum morbos novos faciunt	230
Spirituum remedia dubia	350	Symptomata interdum sui medelam urgent	226
Ex Spirituum remediis pathologia eorum erui nequit	353	Symptomata interdum saltem lenienda	65
Spiritus vini hæmorrhagias compescit	206	Symptomata non semper à morbo primario	231
Spiritus vini hydropicis perquam noxius	152	Symptomata non semper cessant, cessante morbo	227, 232
Spiritus vini in vulneribus nervorum confert	205	Symptomata, quæ morbi curationem turbant, ejus productum haud sunt	232
Statio quoque sub quietis specie delassat	411	Symptomata quædam morbi primarii medelam turbant	228
Sternutatoria vid. Parmica		Symptomata vehementia haud sola indicant	236
Stylus in cadavera non immittendus	592	Symptomata vere indicant	236
Suaveolenta non omnibus grata	56	Symptomata urgentia qualia	237
Subjecto haud omni omne convenit remedium	244	Symptomatum indicatio aliquando curatoria	238
Subjectorum disparitas in ferendis purgantibus	281		
Sudorifera vid. Diaphoretica			
Suffragatio mercurialis periculosa	296		

Sympto-

INDEX RERUM.

Symptomatum indicatio virium conserva-	
toria	238
Symptomata per se indicant	239
De Symptomatibus tantum ager inter-	
rogatur	142

T.

Temeritas empiricorum	36
Temeritas nonnullorum in salute promit-	
tenda	183
Temeritas vitanda	95
Tempus Medicinæ addiscendæ	7
Tempus purgandi	274
Temulentia moerentibus minus conducit	
	425
Terebinthinæ spiritus hæmorrhagias sistit	206
Terebinthinæ spiritus in nervorum vulneri-	
bus confert	205
Terebra trochlearis calculo diffringendo	
non undique quadrat	496
Terroris vis	421
Terrore morbos sanare periculosum	422
Thée abusus	198. 200
Theriacam & theriacalia non omnes ferunt	
	164
Thoracem evacuantia vid. Bechica	
Timiditas nocet	67
Tincturam antiphthisicam ventriculus de-	
bilibior minus fert	249
Tracheæ vulnera sanata	23
Trepana vulgaria inepta	489
Trepanandum statim	509
Trepanationis tempus	508
Trepanationis tempore frustra obturantur	
aures	513
Tussis excretionem materiæ peccantis ali-	
quando moratur	239

Tussis hæmoptoës causa	230
Tussi convulsivæ terrorem opponere peri-	
culosum	423

V.

In Variolis venæ sectio rarissime prodest

	207
Variolosis nimius calor externus nocet	383
Vasorum vulnera tardius lethalia	24
Vectio motus salubris	412
Venæ sectio in febris suspecta	207
Venæ sectio revulsoria qualis esse debeat	342
Venæ sectio vesicatoriis præmittenda	318
Venæ sectionis contraindicantia exami-	
nantur	256
Venæ sectionis indicantia	256
Venæ sectionis præservatoriæ damna	197
Venæ vulnusculum pro sanguine mittendo	
præfertur latius	261
In Venenationis causa Medicorum cen-	
sura nonnunquam difficilis	637. 647
Venenum assumptum non semper ex signis	
externis cognoscitur	651
Venenum lentum difficulter cognoscitur	
	653
Veneni dignorio difficilis in constitutione	
pestilentiali	652
Veneni dignorio difficilis in valetudinariis	
	651
Veneni extrinseci & intrinseci signa vulga-	
ria	644
- - - utrique tamen communia	
	645
- - - & incerta	646
Veneni propinati exemplum	653
Venenum non semper per cadaveris sectio-	
nem reperire licet	647

INDEX RERUM.

De veneno propinato non semper symptomata testantur	650	Victus parcior post assumptum purgans	289
Venena intus genita & rejecta pariter aliis nocent	649	convenit	289
Venena non omnia animalia enecant	649	Victus plenior quid	252
- nec omnes homines	649	Victus parcioris damna	391
Venena non omnibus talia	638	Victus plenioris coindicantia	252
Venena nonnullis talia, plerisque secus	642	Victus plenioris indicans	251
Venenorum & horum effectuum lustratio	600	Victum laudabilem qui melius ferant	372
Ad Venena lustranda præter inspectionem aliis adminiculis opus	601	Ad Victum pleniprem ægri haud urgendi	391
Ventriculo evacuando inserviunt vomitoria	329	Vigiliæ moderandæ	402
Vesicæ excitata quando occludenda	318	Vinum adfuetis haud denegandum	398
Vesicæ vulnera sanata	24	Vinum aqua temperandi singularis modus	400
Vesicam evacuantia	337	Vinum etiam arthriticis aliquando concedendum	372
Vesicatorium in morbis acutis fonticulo præfertur	376	Vinum generosum aqua diluendum	399
Vesicatoria dolores demulcent	361	Vinum inadfuetis non suadendum	398
Vesicatoria ex cantharidibus	318	Vinum inter & opium analogia	641
Vesicatoria in massam quoque sanguineam agunt	316	Vinum phantasiam corruptam corrigit	399
Vesicatoria in quibus affectibus prosint	316	Vini virtutes	398
Vesicatoria non in omnibus subjectis prosunt	317	Vires duplici ratione conservari dicuntur	222
Vesicatoria quomodo agant	315	Vires non semper conservantur per similia	241
Vesicatoria universaliter quoque evacuant	310	Vires suppressæ catharsin prohibent	268
Vesicatoriorum evacuatio diversa	318	Vires quid	221. 251
Ante Vesicatoriorum usum corpus præparandum	318	Vires raro sanguinis missionem prohibent	256
Vesperis etiam purgantia assumenda	278	Vires semper conservatorie indicant	239
Veterinaria vid. Mulo medicina		Virium signa haud perpetua	257
Veterum lectio insufficiens	8	In Viribus debilioribus victus plenior non semper conducit	252
Viarum primarum contenta præternaturalia crudis haud annumeranda	270	Virginitalis signa fallacia	615
Victus mox post sanguinis missionem concedendus	261	Super Virginitate difficulter deponitur	635
		Visciditatis præternaturalis correctio	339
		Visitantium confluxus ægro præjudicat	384
		Visitationis frequentioris usus	103
		Vitus	

INDEX RERUM.

Vifus magnus in deponendo ufus	582	Urinarum infpectio fallax	174
Vifui reliqui fensus in medico-forenſibus inveſtigacionibus combinandi	604	Urinarum phænomena diverſis morbis communia	175
Vita non concedenda empiricis	35	Uromantia fallax	174
Vita non niſi ex certis ſignis præſagienda	183	Uromantia quantum valeat	180
Vitæ genus morborum ſignum	144	Uromantiæ cautelæ	181
Vitæ in deſperatis prorogatio	69	Vulgi de Medico judicium abſurdum	27
Vitæ periculum etiam cordatis & poſtulan- tibus ægrotis explicandum	187	Vulnerantis indicium ex enſis cum vulnere collatione	535
Vitæ periculum non ægro, ſed adſtantibus exponendum	187	Vulnerationis etiam circumſtantiæ inda- gandæ	594
Vitæ periculum prudenter innuendum	186	Vulnus quid per ſe lethale	615
Vitellus ovorum quid in enemate præſtet	333	Vulneris inſpectio hincque judicium diffi- cile	588
Ungularum porcinarum ſegmenta pro di- gitis humanis venditata	606	In Vulneris inſpectione caute agendum	589
Volatilia quomodo ſpiritus excitent	355	De Vulneris tractu & impetu	535
Vomitoria vid. Emetica		Vulnerum conditiones male ſpecillis ex- plorantur	518
Qualis Urina inſpicienda	181	Vulnerum ſanatio fortuita	23
Urinæ mutatio ab aſſumptis	154	Vulnerum ſcolopetorum tractus paradoxi	594
De Urina ab ignotis allata non judican- dum	181		
Ex Urina ſola non præſagiendum	181	Z.	
Urinarum differentia ratione ſubjectorū	175	Zodiaci ſigna nulli membro dicata	212

EMENDANDA.

P. 16. in margine l. vindicantur pro vindicuntur.
P. 74. lin. 5. leg. dehortatus ſit pro dehortarit.
P. 130. in margin. leg. ſciſcitari pro ſciſcitare,
P. 158. lin. 31. coloris pro caloris.
P. 240. lin. II. deleatur haud.
P. 297. lin. 25. compareant pro compareat.
P. 313. lin. 3. phlogofes pro phlogoſas.
P. 333. in margin. leg. vitellus pro vitellum.
P. 474. in margin. incertæ pro incertæ.
P. 479. lin. 8. conſtet pro conſtare.
P. 481. lin. 19. omnes pro omnem.
P. 483. lin. 16. ejus pro ſuæ.

P. 487. lin. 24. imitandam pro imitandum.
lin. 25. ſuſpectam pro ſuſpectum.
P. 491. lin. 33. utramque pro utrumque,
P. 491. lin. 18. ſatagebat pro ſatagabat.
P. 493. l. 21. dilatat pro dilatant & impedit pro impediunt.
P. 494. lin. 5. obſtetricum pro obſtetricibus.
P. 519. lin. 20. quam pro quem.
P. 540. lin. 9. qua pro quæ.
P. 563. lin. 23. tentando pro tendando.
P. 581. lin. 7. innuebatur pro innuabatur.
P. 620. lin. 9. ratiocinari pro rationari.
P. 624. lin. 5. cicatricula pro cicatriculo.

F I N I S.



Neel i Gen
Bahamas

